


一元史本證

叢書集成續編

第二七七七册目錄

史地類



元正史

元史本證五十卷末一卷(二)(卷三十四至卷五十).....

清 汪輝祖撰
清 汪繼培補

紹興先正

一

元史編年

元史弼達二卷.....

明 周復俊撰

對樹書屋

九三

元稗史

庚申外史二卷附校勘記一卷.....

明 權 衡撰
民 胡思敬撰

胡氏豫章

一三七

庚申君遺事一卷.....

清 萬斯同輯

昭 代

一七一

元代征倭記一卷.....

民 石榮暉輯

蓉城仙館

一八九

明編年

明季實錄一卷.....

清 顧炎武輯

槐 廬

二〇九

行朝錄十二卷末一卷.....

清 黃宗羲撰

紹興先正

二五一

明紀事本末

東林本末三卷……………明 吳應箕撰 貴池先哲 三一五
 台灣鄭氏始末六卷……………清 沈 雲撰 吳 興 三三一
 清 沈 垚注

明別史

明史分稿殘編二卷……………清 方象瑛著 振綺堂 三七三
 海東逸史十八卷……………清 翁洲老民撰 四 明 四七三

明稗史

姜氏秘史五卷附校勘記一卷……………明 姜 清撰 胡氏豫章 五四五
 民 胡思敬撰
 崇禎朝記事四卷（即三朝野記）……………明 李遜之撰 常州先哲 六四一
 明 楊德澤撰 玉簡齋 七一一
 楊監筆記一卷……………明 楊德澤撰 玉簡齋 七一一

wt53/57

納速刺丁傳附賽典赤贈思丁後

伯顏察兒 案順帝紀至元四年贈守誠佐治安惠世美功

臣

安童傳

十二年七月從太子北平王出鎮極邊在邊十年 案世祖

紀至元十四年七月諸王昔里吉劫北平王於阿力麻里

之地械繫右丞相安童誘脅諸王以叛二十五年十二月

云先是安童將兵臨邊為失里吉即昔里吉所執一軍皆沒傳

不書蓋諱之也

碑曰開國元勳命世大臣之碑 案順帝紀至元三年贈推

本證二十五 證遺十二 五 會稽徐氏重探

忠佐運開國元勳東平忠憲王於所封城內建立祠廟官

為致祭

廉希憲傳

子惇江西等處行中書省參知政事 案泰定帝紀二年陝

西行省左丞廉惇之四川省是惇官不止江西參政也

伯顏傳

隆國夫人黃氏 案國字上南北板俱空一格乾隆四十四

年從東防同知劉雁題借閱南板元史內列傳第十二至

十五係別板配入乃知缺處是隆字所配之本後有紅印

云嘉靖二十四年提督學校副使呈本奉翰林院批買發

收本道官書交代查攷以防遺失蓋亦官板也

阿里海牙傳

其取民悉定從輕賦民所在立祠祀之 案張雄飛傳阿里

海牙以降民三千八百戶沒入為家奴自置吏治之歲責

其租賦有司莫敢言雄飛言於阿里海牙請歸其民於有

司不從雄飛入朝奏其事詔還籍為民相威傳阿里海牙

自陳其功比伯顏當賜養老戶御史勝魯瞻劾之崔或傳

上疏言阿刺海牙即阿里海牙掌兵民之權子姪姻黨分列權

要官吏出其門者十之七八其威權不在阿合馬下云云

若如傳言則阿里海牙一無可議矣

本證二十五 證遺十二 六 會稽徐氏重探

二十三年入朝加光祿大夫湖廣行省左丞相 案世祖紀

至元二十年五月敕阿里海牙調漢軍七千新附軍八千

以附峻都從征交趾二十一年四月湖廣行省平章阿里

海牙請身至海濱收集占城散軍復使南征且趣其未行

者二十三年二月以阿里海牙仍安南行中書左丞相諭

皇孫也先鐵木兒調合刺軍千人或二三千付阿里海牙

從征交趾傳失書征交趾事

牀兀兒傳

封句容郡王 案武宗紀大德十一年加太尉

來阿八赤傳

納速刺丁傳附賽典赤贈思丁後

伯顏察兒 案順帝紀至元四年贈守誠佐治安惠世美功

臣

安童傳

十二年七月從太子北平王出鎮極邊在邊十年 案世祖

紀至元十四年七月諸王昔里吉劫北平王於阿力麻里

之地械繫右丞相安童誘脅諸王以叛二十五年十二月

云先是安童將兵臨邊為失里吉即昔里吉所執一軍皆沒傳

不書蓋諱之也

碑曰開國元勳命世大臣之碑 案順帝紀至元三年贈推

本證二十五 證遺十二 五 會稽徐氏重探

忠佐運開國元勳東平忠憲王於所封城內建立祠廟官

為致祭

廉希憲傳

子惇江西等處行中書省參知政事 案泰定帝紀二年陝

西行省左丞廉惇之四川省是惇官不止江西參政也

伯顏傳

隆國夫人黃氏 案國字上南北板俱空一格乾隆四十四

年從東防同知劉雁題借閱南板元史內列傳第十二至

十五係別板配入乃知缺處是隆字所配之本後有紅印

云嘉靖二十四年提督學校副使呈本奉翰林院批買發

收本道官書交代查攷以防遺失蓋亦官板也

阿里海牙傳

其取民悉定從輕賦民所在立祠祀之 案張雄飛傳阿里

海牙以降民三千八百戶沒入為家奴自置吏治之歲責

其租賦有司莫敢言雄飛言於阿里海牙請歸其民於有

司不從雄飛入朝奏其事詔還籍為民相威傳阿里海牙

自陳其功比伯顏當賜養老戶御史滕魯瞻劾之崔或傳

上疏言阿刺海牙即阿里海牙掌兵民之權子姪姻黨分列權

要官吏出其門者十之七八其威權不在阿合馬下云云

若如傳言則阿里海牙一無可議矣

本證二十五 證遺十二 六 會稽徐氏重探

二十三年入朝加光祿大夫湖廣行省左丞相 案世祖紀

至元二十年五月敕阿里海牙調漢軍七千新附軍八千

以附峻都從征交趾二十一年四月湖廣行省平章阿里

海牙請身至海濱收集占城散軍復使南征且趣其未行

者二十三年二月以阿里海牙仍安南行中書左丞相諭

皇孫也先鐵木兒調合刺軍千人或二三千付阿里海牙

從征交趾傳失書征交趾事

牀兀兒傳

封句容郡王 案武宗紀大德十一年加太尉

來阿八赤傳

納速刺丁傳附賽典赤贈思丁後

伯顏察兒 案順帝紀至元四年贈守誠佐治安惠世美功

臣

安童傳

十二年七月從太子北平王出鎮極邊在邊十年 案世祖

紀至元十四年七月諸王昔里吉劫北平王於阿力麻里

之地械繫右丞相安童誘脅諸王以叛二十五年十二月

云先是安童將兵臨邊為失里吉即昔里吉所執一軍皆沒傳

不書蓋諱之也

碑曰開國元勳命世大臣之碑 案順帝紀至元三年贈推

本證二十五 證遺十二 五 會稽徐氏重探

忠佐運開國元勳東平忠憲王於所封城內建立祠廟官

為致祭

廉希憲傳

子惇江西等處行中書省參知政事 案泰定帝紀二年陝

西行省左丞廉惇之四川省是惇官不止江西參政也

伯顏傳

隆國夫人黃氏 案國字上南北板俱空一格乾隆四十四

年從東防同知劉雁題借閱南板元史內列傳第十二至

十五係別板配入乃知缺處是隆字所配之本後有紅印

云嘉靖二十四年提督學校副使呈本奉翰林院批買發

收本道官書交代查攷以防遺失蓋亦官板也

阿里海牙傳

其取民悉定從輕賦民所在立祠祀之 案張雄飛傳阿里

海牙以降民三千八百戶沒入為家奴自置吏治之歲責

其租賦有司莫敢言雄飛言於阿里海牙請歸其民於有

司不從雄飛入朝奏其事詔還籍為民相威傳阿里海牙

自陳其功比伯顏當賜養老戶御史滕魯瞻劾之崔或傳

上疏言阿刺海牙即阿里海牙掌兵民之權子姪姻黨分列權

要官吏出其門者十之七八其威權不在阿合馬下云云

若如傳言則阿里海牙一無可議矣

本證二十五 證遺十二 六 會稽徐氏重探

二十三年入朝加光祿大夫湖廣行省左丞相 案世祖紀

至元二十年五月敕阿里海牙調漢軍七千新附軍八千

以附峻都從征交趾二十一年四月湖廣行省平章阿里

海牙請身至海濱收集占城散軍復使南征且趣其未行

者二十三年二月以阿里海牙仍安南行中書左丞相諭

皇孫也先鐵木兒調合刺軍千人或二三千付阿里海牙

從征交趾傳失書征交趾事

牀兀兒傳

封句容郡王 案武宗紀大德十一年加太尉

來阿八赤傳

納速刺丁傳附賽典赤贈思丁後

伯顏察兒 案順帝紀至元四年贈守誠佐治安惠世美功

臣

安童傳

十二年七月從太子北平王出鎮極邊在邊十年 案世祖

紀至元十四年七月諸王昔里吉劫北平王於阿力麻里

之地械繫右丞相安童誘脅諸王以叛二十五年十二月

云先是安童將兵臨邊為失里吉即昔里吉所執一軍皆沒傳

不書蓋諱之也

碑曰開國元勳命世大臣之碑 案順帝紀至元三年贈推

本證二十五 證遺十二 五 會稽徐氏重探

忠佐運開國元勳東平忠憲王於所封城內建立祠廟官

為致祭

廉希憲傳

子惇江西等處行中書省參知政事 案泰定帝紀二年陝

西行省左丞廉惇之四川省是惇官不止江西參政也

伯顏傳

隆國夫人黃氏 案國字上南北板俱空一格乾隆四十四

年從東防同知劉雁題借閱南板元史內列傳第十二至

十五係別板配入乃知缺處是隆字所配之本後有紅印

云嘉靖二十四年提督學校副使呈本奉翰林院批買發

收本道官書交代查攷以防遺失蓋亦官板也

阿里海牙傳

其取民悉定從輕賦民所在立祠祀之 案張雄飛傳阿里

海牙以降民三千八百戶沒入為家奴自置吏治之歲責

其租賦有司莫敢言雄飛言於阿里海牙請歸其民於有

司不從雄飛入朝奏其事詔還籍為民相威傳阿里海牙

自陳其功比伯顏當賜養老戶御史滕魯瞻劾之崔或傳

上疏言阿刺海牙即阿里海牙掌兵民之權子姪姻黨分列權

要官吏出其門者十之七八其威權不在阿合馬下云云

若如傳言則阿里海牙一無可議矣

本證二十五 證遺十二 六 會稽徐氏重探

二十三年入朝加光祿大夫湖廣行省左丞相 案世祖紀

至元二十年五月敕阿里海牙調漢軍七千新附軍八千

以附峻都從征交趾二十一年四月湖廣行省平章阿里

海牙請身至海濱收集占城散軍復使南征且趣其未行

者二十三年二月以阿里海牙仍安南行中書左丞相諭

皇孫也先鐵木兒調合刺軍千人或二三千付阿里海牙

從征交趾傳失書征交趾事

牀兀兒傳

封句容郡王 案武宗紀大德十一年加太尉

來阿八赤傳

兒知行樞密院事與湖廣河南兩省官進兵平四川也速
台兒以病不往丙戌囊加台所遣守隘礪門安撫使布荅
思監等降於雲南行省四月辛卯命躍里帖木兒玉不憐
吉台代也速台兒討四川不憐吉台以母老辭同僉樞密
院事傅巖起請往從之己亥湖廣行省參知政事李羅奉
詔至四川赦囊加台等罪囊加台等聽詔蜀地悉定諸省
兵皆罷八月戊戌四川囊加台以指斥乘輿坐大逆不道
棄巾十月辛卯籍四川囊加台家產其黨楊靜等皆奪爵
杖一百七籍其家流遼東庚戌雲南入番爲囊加台所誣
誤反側未安者並貫其罪至順元年三月丁巳四川官吏
脅從囊加台者皆復故職

不證三五 證遺十二 九 會稽徐氏重栞

徹里傳

曾祖太赤 案英宗紀至治三年贈襄安王

完澤傳

成宗倚任之意益重而能處之以安靜不急於功利故吏民
守職樂業世稱賢相云 案董士選傳丞相完澤用劉深
言出師征八百媳婦國山是民死者亦數十萬中外騷然
而完澤說帝江南之地盡世祖所取陛下不與此役則無
功可見於後世帝入其言用兵意甚堅是完澤固急於功
利者傳諱之太深矣

葉仙傳

子完澤中書平章政事 案紀拜平章在至大四年仁宗卽
位後至皇慶二年以宣徽院使除知樞密院事繼培案亦
作完者延祐四年爲雲南平章英宗至治三年謀逆泰定
帝卽位知樞密院事伏誅 者澤互見

月乃合傳

拜禮部尙書 案世祖紀在中統三年作馬月合乃二年爲
軍儲都轉運使傳失書

也先不花傳

字魯歡 案搠思監傳作字魯海至正十八年追封雲王

本證三十五 證遺十一 十 會稽徐氏重栞

天歷二年贈恒陽王 案進封瀛王見同上

亦憐眞追封武昌王 案進封冀王見同上

明安傳

子孛蘭奚 案英宗紀至治元年封和國公

曷刺傳

子不花至治元年仍翰林學士 案紀後爲鐵失繫死泰定

二年贈爵諡

阿沙不花傳

牙牙後封康國王 案康里脫脫傳進封雲中王

曲樞傳

以疾薨於位 案曲樞亦作曲出順帝至元四年贈推忠翊
運保寧一德功臣太師開府儀同三司上柱國追封廣陽
王諡忠惠

伯帖木兒皇慶元年加榮祿大夫 案紀仁宗延祐三年為

中書平章政事帖作文宗天歷二年知樞密院事明宗至

順二年為遼陽左丞相順帝至元四年贈宣忠濟美協誠

正德功臣太傅開府儀同三司上柱國追封文安王諡忠

憲傳俱失書

阿禮海牙傳

後以功遷陝西行御史大夫復拜中書省平章政事 案阿

本證三十五 證遺十二 十一 會稽徐氏重栞

禮海牙各紀禮亦作里或作不作卜文宗天歷二年正月

以陝西行臺御史大夫阿不海牙為中書平章政事即此

所云復拜平章也若至順元年二月以太禧宗禩院使為

中書平章政事作阿二年正月以本官兼侍正作阿順帝

元統二年正月為河南行省左丞相三月為江浙行省左

丞相作阿傳皆失書其在天歷以前亦有傳佚而見於紀

者仁宗皇慶元年九月參議中書省事陞參知政事二年

五月陞左丞延祐三年五月陞右丞四年五月陞平章政

事並作阿卜七年二月見英罷為湖廣平章政事禮阿自此至

天歷元年紀不復書必由湖廣更遷他省傳云至治初出

為平章政事歷鎮江浙湖廣以江浙在湖廣之前亦與紀
異

拜住傳

子篤麟鐵穆爾 案泰定帝紀元年正月以故丞相拜住子

荅兒麻失里為宗仁衛親軍都指揮使徹里哈為左右衛

阿速親軍都指揮使是拜住尚有二子也

馬札兒台傳

泰定四年拜陝西行臺治書侍御史 攷異云案文宗紀天

歷元年河南行省召陝西行臺侍御史馬札兒台不至二

年八月以馬札兒台為上都留守馬札兒台前為陝西行

本證三十五 證遺十二 三 會稽徐氏重栞

臺侍御史坐塗毀詔書得罪以其兄伯顏有功故特官之

傳不載其拒命獲罪又起為上都留守一節諱之也然天

歷起兵實為畔逆西臺助上都起兵允合臣子之義元時

史臣或未免曲筆明初修史諸人何亦昧於上下之分沒

而不書乎

徹里帖木兒傳

天歷二年拜中書右丞 案紀天歷元年十一月由同知樞

密院事為中書左丞十二月陞右丞傳失書同知樞密院

事及左丞

元史本證三十五

光緒十五年徐氏壽學齋重刊

上虞王士濟校

本證三十五 證遺十一 十一 會稽徐氏重刊

元史本證卷三十六

證遺十三

蕭山汪輝祖 男繼培補

張柔傳

乙未從皇子闕出拔棗陽 案太宗紀八年丙申十月張柔

等攻郢州拔之傳失書

史權傳 附史天倪後

中統元年 案世祖紀二年為江漢大都督傳失書

嚴實傳

壬午 案史天倪傳癸未天倪兵至河衛嚴實以兵來會請

自攻河衛天倪曰合達蒲瓦亦勅敵也實曰易與耳保為

本證三十六 證遺十三 一 會稽徐氏重刊

公破之明日實與蒲瓦兵遇於南門合達兵自北奄至實

兵敗竟為所執合達以實歸汴天倪命馮存率壯士伏延

津柳渡與戰敗之實得脫歸傳不載蓋諱之也

子忠範 案世祖紀中統二年忠範為東平路行軍萬戶兼

管民總管至元二年二月為戶部尚書十二月罷後為陝

西簽省見七年九年至十二年以工部侍郎與廉希賢等

持國書使宋為宋人所殺

李守賢傳

弟守忠為都元帥守河東朝廷以全晉為要害之地人心危

疑未定非守賢鎮撫之不可 攷異云今以李伯溫傳參

攷之知守忠先爲河東南路都元帥知平陽府事鎮平陽
守溫亦以行平陽元帥府事鎮青龍堡丁亥歲相繼陷沒
乃以守賢代之傳失載守忠被執事則人心危疑之語太
無著矣

張榮傳

封濟南公致仕 案榮官濟南路萬戶見世祖紀中統二年
宏襲邦傑爵改眞定路總管 攷異云案世祖紀中統三年
李壇反詔濟南路軍民萬戶張宏修城塹盡發管內民爲
兵以備至元二年山東廉訪使言眞定路總管張宏前在
濟南乘變盜用官物詔以宏嘗告李壇反免死罷其職徵

本證二十六 證遺十三 二 會稽徐氏重刊

贓物償官邳州萬戶張邦直等違制販馬並處死此二事
皆應載於本傳

田雄傳

木華黎承制授雄隰吉州刺史 攷異云案攸哈刺拔都傳
云眞定史天倪平陽李守忠隰州田雄皆失守矣我又乘
太原將何面目見主上及國王乎傳不書隰州失守事蓋
諱之

唐慶傳

詔官其子 案名政臣世祖中統二年入見詔復其家見紀
賈居貞傳

十一年丞相伯顏伐宋居貞以宣撫使議行省事 案紀是
年十二月由襄陽路總管爲宣撫使傳失書總管

至元十五年遷江西行省參知政事 案紀十四年十月賈
居貞爲參知政事十五年七月參知政事賈居貞行中書
省事於贛州十四年似在湖廣省傳疑有脫漏

鄭制宜傳

附鄭
鼎後

子阿兒思蘭嗣 攷異云案武宗紀至大三年十一月尙書
省臣以武衛親軍都指揮使鄭阿兒思蘭與兄鄭榮祖段
叔仁等圖爲不軌置獄鞠之皆誣服詔叔仁等十七人並
正典刑籍沒其家此事當載於本傳繼培案謝讓傳尙書

本證二十六 證遺十三 三 會稽徐氏重刊

省柄臣構殺鄭阿爾思蘭籍其家中外冤之尙書省罷讓
明其事以所籍贖產給還之趙一德傳阿思蘭以冤被誅
羣奴各亡去一德獨與張錦童詣中書訴枉狀得昭雪還
其所籍皆卽阿兒思蘭事也

史天澤傳

四年復授光祿大夫改中書左丞相 案世祖紀至元五年
九月復爲樞密副使六年九月爲河南行省平章政事十
一年三月爲荆湖省左丞相傳皆失書

張文謙傳

至元元年詔文謙以中書左丞行省中興等路七年拜大司

農卿 案紀四年六月由左丞降參知政事七年二月立
司農司以參知政事為卿十二月改司農司為大司農司
傳失書參政又誤合司農為一

姚樞傳

四年拜中書左丞 案世祖紀至元二年閏五月行省事于
西京平陽太原等路傳失書

許衡傳

子師可 案世祖紀至元十七年八月許衡致仕官其子師
可為懷孟路總管以便侍養衡又有子名師敬仁宗皇慶
元年由吏部尚書為中書參知政事又衡孫從宗順帝元

本證二十六 證遺十三 四 會稽徐氏重刊

統二年為章佩監異珍庫提點後為禮部尚書見至正二
十年

趙璧傳

三年 案世祖紀中統三年十月為平章政事行省山東

至元元年 案紀二年閏五月以平章政事行省南京

劉國傑傳

大德五年 案紀六年將湖廣軍征亦乞不辭傳失書

管如德傳

至元十二年遷浙西宣慰使二十四年遷江西行省參知政
事 案紀二十一年二月以福建宣慰使管如德為泉州

行省參知政事傳失書

郭昂傳

至元十六年進安遠大將軍 案紀十九年二月授溪洞招
討使郭昂等九人虎符傳失書招討使

陳祐傳

子夔 案紀至元十六年六月以陳祐沒王事命其子夔為
管軍總管佩虎符

郝彬傳

拜中書參知政事俄免歸尚書省立拜參知政事 案武宗
紀至大二年八月以江西等處行中書省參知政事郝彬

本證二十六 證遺十三 五 會稽徐氏重刊

為尚書省參知政事是免歸後尚出為江西行省也

梁德珪傳

至元三十一年拜參知政事大德八年九月卒于家 案德

珪宰相表作梁暗都刺至元二十九年三十年為參知政

事三十一年至大德元年三月為左丞元年四月至二年

二月為右丞二年四月至七年正月為平章政事傳皆失

書成宗紀八年九月梁德珪復為平章政事表不載殆未

入省而卒也

曹元用傳

子偉 案偉官大興府尹泰定四年增建國子監環廊見選

舉志一

張珪傳

子六人 案傳惟載景元一人文宗紀天歷元年十月己丑紫荆關潰卒南走保定因肆剽掠同知路事阿里沙及故平章張珪子武昌萬戶景武等率民持挺擊死數百人壬辰也先捏以兵至保定殺阿里沙及張景武兄弟五人并取其家貲庚子廷臣言保定萬戶張昌其諸父景武等既受誅宜罷其所將兵而奪其金符不許壬寅以張珪女妻也先捏癸丑御史臺臣言也先捏不俟奏聞擅殺官吏及張珪子五人珪父祖三世為國勳臣設使珪子有罪珪之妻女又何罪焉今既籍其家又以其女妻也先捏誠非國家待遇勳臣之意帝曰卿等言是命中書革正之俱當附書此傳

本證二十六 證遺十三

六

會稽徐氏重榮

梁曾傳

祖守正父德皆以曾貴贈安定郡公 案傳不云曾封安定郡公疑漏

蕭拜住傳

延祐三年進中書平章政事 案仁宗紀延祐元年十一月以通政院使蕭拜住為中書右丞三年五月為平章政事傳失書通政使及右丞

成道傳

至正十七年陞中書左丞 案宰相表是年九月除中丞詳證誤

忠義傳四

迭里迷實

日海魯丁者官信州 案海魯丁官參謀事詳伯顏不花的斤傳

孝友傳序

故援唐史之例具列姓名於篇端 案序所書姓名多不見於紀其見於紀而序有者惟王顯政胡居仁高可燾魏鐸

本證二十六 證遺十三

七

會稽徐氏重榮

趙那海五人他如文宗至順元年閏七月冠州郁世復大都趙祥及弟英九月漳州陳必達二年十二月寧海州崔惟孝三年五月保定路郭濤七月裕州李庭瑞之以孝行旌門英宗至治三年正月禹城邢著程進文宗至順元年閏七月大都愛祖丁塔木剌州劉仲温十二月大都鄭珪二年正月大名曹革順帝至正五年六月廬州張順興之以出粟賑饑旌門序皆遺之

列女傳序

元受命百餘年婦女之能以行聞於朝者多矣不能盡書采其尤卓異者具載於篇 案紀自大德元年至至正十三

年旌節共四十五人其間惟關文興妻王氏有傳相兀孫
 妻脫脫眞見李君進妻傳趙野妻柳氏見江文鑄妻傳他
 如仁宗皇慶二年十月高州蕭父妻趙氏英宗至治三年
 四月內黃縣節婦王氏文宗天曆二年正月衛輝安寅妻
 陳氏河間王成妻劉氏冀寧李孝仁妻寇氏濮州王義妻
 雷氏南陽鄒二妻張氏懷慶阿魯輝妻翟氏至順元年五
 月龍興張仁興妻鄒氏奉元李郁妻崔氏六月眞定梁子
 益妻李氏七月大同李文實妻齊氏河南閻遂妻楊氏大
 都潘居敬妻陳氏王成妻高氏順德馬奔妻胡閻奴眞定
 民妻周氏冀寧民妻魏益紅九月辰州萬戶圖格里不花
 母石抹氏十二月冀寧路梁世明妻程氏中興路伯顏妻
 阿迭的二年正月大都大興縣郭仲安妻李氏二月鞏昌
 金州民杜祖隆妻張氏大都民劉德仁妻王氏三月同知
 大都府事忙兀秃魯迷失妻海迷失山丹州郝榮妻李閻
 四月甘州阿兒思蘭免古妻忽都的斤五月濟南章邱縣
 馬萬妻晉氏六月大都右警巡院胡德妻曹氏七月大寧
 和衆縣何干妻柏都賽兒八月揚州路呂天麟妻韋氏三
 年二月晉寧路沁州劉瑋妻張氏濟州任城縣王德妻秦
 氏婺州路金華縣吳瑄妻宋氏廬州路高仁妻張氏甘州
 路岳忽南妻失林蓋州完顏帖哥住妻李氏三月大都良

本證二十六 證遺十三 八 會稽徐氏重萊

鄉縣章安妻張氏五月保定路探忒妻靈保六月歸德府
 永城縣民張氏順帝至正八年七月大都節婦鞏氏十二
 年正月棗城縣董氏婦傳皆遺之

釋老傳

八思巴

號稱好事者其日尤不一 案泰定帝紀元年修西番佛事
 於壽安山寺曰星吉思吃刺曰關兒魯弗卜曰水朶兒麻
 曰颯閉卜里喃家惟關兒魯弗卜屯見於傳

外國傳

高麗

本證二十六 證遺十三 九 會稽徐氏重萊

熹受遜位以仁宗皇慶二年四月封高麗國王是年其弟哥
 立爲世子以其父濟陽王請於朝故也 案紀文宗天曆
 二年十一月高麗國王王熹久病不能朝請命其子禎襲
 位至順三年正月命高麗國王王熹仍爲高麗國王一名阿刺
忒納失里見順帝至 順帝至正四年三月特授入禿朶兒
元元年詳朝鮮史 只征東行省左丞相嗣高麗國王十一年九月詔以高麗
 國王不荅失里即王禎之弟伯顏帖木兒襲其王封不荅失
 里之子遂廢十四年九月封高麗國王脫脫不花爲瀋王
 二十四年十二月帝以讒廢伯顏帖木兒立塔思帖木兒
 爲王以兵萬人送之國至鴨綠江爲高麗兵所敗僅餘十

七騎還京師傳皆失書又公主表高麗公主位王濤王嵩
並稱濬王本傳亦失載

元史本證三十六

光緒十五年徐氏鑄學齋重刊

上虞王士濟校

本證三十六證遺十三十 會稽徐氏重刊

元史本證卷三十七

證名一

蕭山汪輝祖 男繼培補

人

人名譯無定字今彙而錄之凡見於后妃宗室諸王公主
三公宰相各表及有專傳者皆以表傳為主有傳人子孫
亦以傳為主餘皆以先見者為主以事定人以聲求字疑
者闕焉

太祖紀

札木合

札木哈李禿傳

本證三十七證名一 一 會稽徐氏重刊

哲別

遮別五年六年閏別木華黎耶折不那演吾也哲伯曷思
傳七年八年閏別律阿海傳巴而木阿而別那顏布只折別兒
也罕的柘柏郭寶
斤傳亦稱大丑大丑

辭徹大丑亦稱

大疇畏蒼兒傳

辭徹別吉

辭徹別及同

脫里克烈部長

脫幹麟哈刺哈孫傳汪罕列傳或

不魯欲罕

卜魯欲罕同紀

亦刺合汪罕子

亦刺哈同紀

乞力失攷異云當作乞失力與啟昔禮聲相近

啟昔禮哈刺哈孫傳

把帶

八荅子食貨志三拔台木華黎傳

太陽罕

泰陽抄思傳 大敷可汗塔塔統阿傳

木證三十一 證名一 二 會稽徐氏重刊

元年

屈出律

曲出律曷思麥里傳 曲書律抄思傳

六年

阿昔蘭罕

阿思蘭世祖紀至元七年 阿兒斯蘭順帝紀首

夾谷長哥

常哥石抹狗傳

九年

完顏福興

復興耶律楚材石抹明安傳

十年

寅荅虎

銀荅忽史天祥傳

烏古倫

烏古論史天祥傳

十一年

三摸合拔都魯

三合拔都石抹明安王檄傳

十三年

木證三十七 證名一 三 會稽徐氏重刊

哈真

合臣高麗傳 哈只吉同哈赤吉洪福源傳

札刺

劄刺高麗傳

十四年

只蘭禿

只蘭禿耶律阿海傳

十六年

札蘭丁

札刺丁察罕曷思麥里傳

太宗紀

三年

撒禮塔

撒里苔吾也而傳撒兒台耶律留撒里台王榮祖傳撒里塔洪福源傳傳又

作撒里苔

四年

蒲阿案姓移刺

蒲瓦塔思史天蒲兀郭德海傳

合達案姓完顏

合鞋鞋雪不哈達郭德合苔李治台傳

六證三二二證名一

四 會稽徐氏重采

六年

達海紺卜

塔海紺不河渠志二塔海甘卜拜延入塔海紺卜探馬赤帖木兒

不花塔海帖木兒耶律禿花李守賢傳塔海紺卜忽都

速不台郝和尚拔都劉亨安傳止稱塔海

八年

赤苦

赤窟公主表

火斜木思

和斜漫食貨志三新刊本作和斜温

九年

木虎乃

木忽解選舉志一科目

十一年

奧都刺合蠻

奧魯刺合蠻耶律楚材傳奧都刺劉敏奧魯合蠻劉秉忠傳

十三年

牙老瓦赤

牙刺瓦赤憲宗紀元年牙魯瓦赤世祖紀首劉敏姚樞傳

定宗紀

六證三十七證名一

五 會稽徐氏重采

貴由帝諱

古與太宗紀八年分撥大名府攷異云食貨志太宗子定宗位分撥大名六萬八千五百九十三戶定宗名貴

由此作古與聲相近

二年

野里知吉帶

野里知給互睿宗傳

憲宗紀

元年

不憐吉解

卜隣吉解七年

阿藍苔兒

阿藍帶兒 世祖紀中統元年列傳屢見 阿藍塔兒 中統二年 阿藍斛兒 食貨志四

恩阿蘭苔兒 抹兀苔兒傳 阿藍苔兒 艾貌傳 阿藍台兒 汪良臣傳

不只兒

卜只兒 昔里鈴部月乃合傳

匿咎馬丁

匿贊馬丁 廉希憲傳

按只斛

按赤台 忙哥撒兒傳

二年

本證三十七 證名一 六 會稽徐氏重築

也速孛里

也速不里 忙哥撒兒傳

三年

耶虎

也忽 王榮祖傳

六年

摩合羅嵯

摩訶羅嵯 信苴日傳

七年

刺真

臘真 木赤台傳

乞斛

乞耳 地理志六西北地附錄欽察

脫滅干

禿滅干 速不台傳

八年

密里火者 八年

明里火者 世祖紀中統元年 密力火者 劉黑馬傳 迷立火者 趙良弼傳

世祖紀一

脫火思

本證三十七 證名一 七 會稽徐氏重築

脫忽思 至元元年廉希憲傳

中統元年

乞帶不花

乞台不花 廉希憲趙良弼傳

二年

納速刺丁

訥刺丁 三年安南傳

怯烈門

怯列門 兵志二鎮戍

世祖紀二

三年

闊闊帶

闊闊互囊加台傳

阿鮮不花

愛先不花至元十年十一年阿先不花十二年

茶不花

抄不花至元二年重喜察不花十年李忽

四年

兀良吉

兀良吉帶至元七年

本證三十七證名一 八 會稽徐氏重采

愛不花

阿不花成宗純元

至元元年

按敦

按東二年

世祖紀三

二年

別魯丁

別都魯丁十四年別都兒丁二十年

三年

也速帶兒四川行省凡紀有同時同名

也速答兒八年十年拜延入也速迭兒安童傳

五年

脫朶兒

脫脫朶兒七年朶兒高麗傳亦作脫脫脫兒躬羅

六年

忙哥都

蒙哥七年蒙哥都高麗傳亦

世祖紀四

七年

本證三十七證名一 九 會稽徐氏重采

合答

合丹至元十年合達洪君答答李庭哈丹程思

也速帶兒都元

野速答爾撒吉思傳

忻都

欣都洪俊奇傳

八年

忽林赤

忽林失日本傳

而立吉思

闕里吉思二十二年曲里吉里李忽蘭吉傳曲力吉思趙匪刺傳

札馬刺丁

札馬魯丁天文志一 歷志一

元史本證三十七

光緒十五年徐氏鑄學齋重刊

上虞王士濟校

入證三十七 證名一 十 會稽徐氏重刊

元史本證卷三十八

證名二

蕭山汪輝祖 男繼培補

世祖紀五

十年

乞帶脫因

乞解脫因續傳

十一年

古不來拔都

忽不來十二年忽必來十六年忽不刺十七年忽別列入都兒

兵志二鎮戍平不烈拔都蔡公直傳

本證三十八 證名二 一 會稽徐氏重刊

八都

拜都十二年

必刺沖

必刺充十二年脫力世官傳

忽敦

忽都王綽傳

禿滿帶

脫滿答兒二十四年禿滿互洪君祥傳

十二年

脫博忽魯禿花

脫撥忽魯禿花十三年

乞里迷失

別乞里迷失

十三年十六年 孔元賀 祖傳

別里迷失

伯顏劉通傳

別吉里迷

失伯顏

別里吉迷失

杭忽思傳

別急列迷失

阿答赤傳

別急里迷失

王昔刺傳

世祖紀六

十三年

火忽

霍忽麥里 火和昔班 霍虎李庭

忽都帖木兒

文證三十一入證名二 一 會稽徐氏重聚

忽都鐵木兒

十四年二十一年二十五 年兵志二鎮成桑哥傳

烏馬兒

忽馬兒二十一年

脫忽思

禿忽思祭祀志三

迷里忽辛

密立忽辛十五年

十四年

不花

卜花拜延也罕

塔海

答海三十 達海楊文安傳

李羅

博羅博羅歡相威傳

唐兀帶

唐古帶二十二年 唐兀解兵志二鎮成安南傳 唐兀台哈八兒禿李庭張玉傳 唐古

互伯顏唐兀互上

世祖紀七

十五年

太不花

本證三十一入證名二 三 會稽徐氏重聚

泰不花亦力撒合傳

阿散先

阿散十九年 崔或傳

得蘭紐

得蘭右紐璘

十六年

兀里養合帶

兀里羊哈台失刺拔都兒傳

伯牙兀帶

伯遙帶成宗紀首 伯要互食貨志三

別速台

別速帶 十九年二十年二十一年
別速得兵志二伯速帶舉
連赤海 牙傳 年二十二汪惟正傳

唐兀帶

唐兀 博羅 歡傳

世祖紀八

十七年

藥刺海

要刺海 二十一年藥刺罕 二十六年塔岳樂罕 成宗紀元
藥樂 元大德 岳刺海 帖木兒 貞元年

罕 帖木兒 不花傳

本證三十八 證名二 四 會稽徐氏重采

燕帖木兒

燕鐵木兒 同紀

茶忽

察忽 二十二年

阿里

阿利 十八年 二十年

教化

教化的 占城傳

速刺蠻

速魯蠻 占城傳

原書開

本證三十八 證名二 五 會稽徐氏重采

不都蠻

兀都蠻

脫力世官傳 紀八年也 罕的斤傳亦作兀都蠻

兀奴忽帶

兀奴忽魯帶 同 紀

忙兀帶

蒙古帶 同 紀

卜憐吉帶

不鄰吉帶 二十六年 不憐吉帶 二十七年 成宗紀首 不憐吉牙 曩加不隣 牙傳

吉台 忙兀台 卜憐吉牙 郝天 卜憐吉台 王約 察罕傳 挺傳

押亦迷失

本證三十八 證名二 六 會稽徐氏重榮

牙亦迷失 二十九年 河渠志二 牙以迷失 昂吉 濟州河作牙亦速失誤 兒傳

渾都帖木兒

渾秃帖木兒 文宗紀至 順二年

溫迪罕秃魯花

秃魯歡 二十一年 秃魯罕 二十三年

世祖紀十

二十一年

李魯合答兒

李羅曷答兒 成宗 紀首 不魯合答兒 阿合 李羅哈答兒 安南 李 馬傳

羅合答兒 同 上

朶魯朶海

朶兒朶海

二十四年 朶而朶海 成宗紀大 朶兒朶哈 都傳 武宗紀首 朶而朶海 德二年 朶兒朶哈 牙忽 哇失傳 朶而朶哈 康里脫 脫傳

朶兒朶懷

土土哈玉 朶而朶哈 康里脫 脫傳

楊璉真加

楊鞏真加 亦力撒 合傳

拜降

伯降 桑哥 傳

二十二年

月的迷失

月底迷失 成宗紀元 貞元年

本證三十八 證名二 七 會稽徐氏重榮

要東木

要東謀 英宗 紀首 岳東木 陳天 祥傳

合撒兒海牙

合撒兒海牙 馬入兒 等國傳

答郎古

塔郎古 成宗紀元 貞元 年 張雄飛傳

合兒魯

哈兒魯 土土哈魯 暗伯 哈傳

世祖紀十一

二十三年

李樂帶

李羅帶 二十六年

辭閣干

辭徹堅 字禿後 忽憐傳

拜荅兒

拜荅力 紐璘 傳

二十四年

闍里帖木兒

徹里鐵木兒 二十七年 闍里鐵木兒 同上又洪 徹里帖木兒 帖伯

木兒郭貫 闍里帖木兒 王綽 日本傳

本證三十八 證名二 八 會稽徐氏重葉

塔不帶

塔不牙 伯顏玉哇 失王綽傳 塔不台 鐵哥拔都兒洪萬李庭傳 拔都兒傳又有一塔不台

鐵哥

帖哥 塔出 傳

搔驢

掃閣 二十七年 騷驢 二十九年

世祖紀十二

二十五年

掌吉

章吉 二十七年

拔突古倫

拔都不倫 同紀又二十六年

火魯火孫

火魯哈孫 土土 哈傳

軟奴汪木

軟奴玉木 二十六年 案玉當作王

入鄰

入憐 成宗紀大 德四年

世祖紀十三

二十七年

本證三一 入 證名二 九 會稽徐氏重葉

兀魯帶

兀都帶 三十一年 成宗 紀元貞二年

二十八

入吉山

入吉 同 紀

納速刺丁

納刺丁 同 紀

滅皇

蔑列 徹里 滅貴里 葉李 傳

闍里帶

闕里台 成宗紀大德元年洪俊奇傳 徹里台 兵志二

世祖紀十四

二十九

八里帶 泰定帝紀元年

忙兀魯迷失

忙兀秃兒迷失 同 忙兀突魯迷失 劉正傳 忙完秃魯迷失 編

三十年

亦吉里 又見成宗紀大德八年

亦吉列台 劉國傑傳 亦里吉解 安南傳 亦里吉帶 成宗紀大德十年 亦里

吉赤 泰定帝紀元年

合散

哈散 河渠志一

脫脫木兒

脫鐵木兒 成宗紀元貞二年

元史本證三十八

光緒十五年 徐氏鑄學齋重刊

上虞王士濟校

元史本證卷三十九

蕭山汪輝祖 男繼培補

成宗紀一

鐵穆耳 諱

鐵穆爾 世祖紀至元二年 鐵木兒 顯宗傳

也的迷失

也的迷失 同

元貞元年

只而合朗

只兒合郎 武宗紀 只兒哈郎 英宗明宗紀宰相表 只而合郎 崔

入撒而

巴撒而 同 入撒而 二

不顏鐵木而

不顏鐵木兒 仁宗紀延祐五年

成宗紀二

二年

秃赤

秃忽赤 大德五年 秃只兒 牀兀傳

大德元年

脫列伯

證名三

脫列伯兵志二

沙禿而

沙都兒年十

二年

念不列

念不烈年五

札忽眞

札忽而眞年五

塔刺忽帶

塔魯忽台十年武宗紀
至大元年塔魯忽帶武宗紀首

水證三十九 證名三 二 會稽徐氏重果

成宗紀三

四年

塔夫鐵木而

塔赤鐵木而年六

五年

雄挫

雄左紕璜傳

幢兀兒

床兀兒年八

六年

蛇節

折節楊賽因不花傳

成宗紀四

七年

都哇

朶瓦八年九年都瓦武宗紀首都阿顯宗篤哇牙忽都傳

篤娃博爾朶哇玉哇失乃

滅里鐵木而

明里鐵木而武宗紀明里帖木兒牙忽都傳滅里鐵木兒博爾明

理鐵木兒伯顏明里帖木兒哈士迷里帖木兒阿沙不

水證三十九 證名三 三 會稽徐氏重果

只而合忽

只兒哈忽康里脫脫傳

八年

鐵古迭而

鐵古迭兒武宗紀首帖古迭兒食貨志三

武宗紀一

韓羅思

韓魯思牀兀兒傳

禿山滅

禿苦滅博爾禿苦馬玉哇失傳

怯烈

怯列同
紀

也先帖木兒
政參

也先鐵木兒
同

法忽魯丁

法魯忽丁
同

也兒吉尼

也兒吉兒
武宗紀至
大元年

也兒吉你
泰定帝紀
元年文

關里吉思
傳案

凡作先者皆誤

本證三十九 證名三 四 會稽徐氏重栞

至大元年

雪尼台鐵木察

辭尼台鐵木察
同

馬合馬丹的

馬合謀但的
年

脫孛花

脫不花
年

武宗紀二

二年

阿刺的納八刺

020

阿刺忒納八刺
英宗紀至
治二年

脫兒赤顏

朶而赤顏
年

三年

別都忽思

別都魯思
同

亦憐真乞烈思

亦憐真乞刺思
仁宗
紀首

仁宗紀一

亦列赤

本證三十九 證名三

五 會稽徐氏重栞

亦烈赤
泰定帝
紀四年

忽都魯都兒迷失

忽都魯都兒
英宗
紀首 忽都魯篤彌實
虞集

不里牙屯

不里牙敦
延祐
五年

皇慶元年

常不闌奚

常不蘭奚
宣宗
紀

卽列

卽烈
泰定帝紀元
張珪傳 卽里
泰定
元年

仁宗紀二

延祐二年

護都沓兒

護都沓兒 選舉志
一科目

三年

買闕

買驢 英宗紀遼
陽平章

仁宗紀三

四年

禿滿迭兒

本證三十九 證名三 六 會稽徐氏重校

禿滿沓兒 泰定帝
紀元年 禿滿台兒 徹里和
尙傳

按攤出

按沓出 泰定帝
紀首 按塔出 泰定元年
三公表

五年

忽都達兒

護都達兒 選舉志
一科目

拾得闕

拾得驢 泰定帝
紀元年

六年

醜驢

丑驢 泰定
帝紀

愛俄

阿俄 英宗
紀首

英宗紀一

失列門

識烈門 明宗
紀 失烈門 文宗紀天歷元年順宗昭
獻元聖皇后傳拜延傳 失里門 楊

兒只鐵木
迭兒傳

亦列失入

亦烈失入 順宗昭獻元
聖皇后傳 也里失入 拜住
張珪

也先鐵木兒 河南
平章

本證三十九 證名三 七 會稽徐氏重校

也仙帖木兒 同
紀 楚先帖木兒 博羅
歡傳

曲魯不花

曲呂不花 至治
三年 曲律不花 鐵失
傳

英宗紀二

至治二年

脫列捏

朶列捏 文宗紀至
順二年

三年

火魯灰

火兒灰 泰定帝紀四年順
帝紀至元二年

也先帖木兒

也先鐵木兒泰定帝紀

泰定帝紀一

也孫鐵木兒帝諱

也孫鐵木而成宗紀大德八年也孫帖木兒諸王表晉王顯宗拜住傳

馬速忽

馬思忽同馬忽思泰定四年文宗紀天歷二年馬速忽為賽典赤贈思丁子案

怯別

法別泰定三年

朶兒只班

本證三十九 證名三八 會稽徐氏重栞

朶爾只班許有壬傳

拜忽

伯忽仁宗紀屢見

泰定元年

入刺

捌刺選舉志一科目

不賽因

不賽亦四賽因文宗紀至順二年卜賽因同上

木温台

竹温台文宗紀天歷元年

二年

你囊

泥囊三年

賽邱羅

邱羅三年

楊也里不花

燕里不花三年燕禮不花同延里不花文宗紀天歷二年延禮不花

順帝紀至正十二年

阿吉刺

阿乞刺文宗紀天歷元年

本證三十九 證名三九 會稽徐氏重栞

泰定帝紀二三年

朶列捏

朶烈捏明宗紀都列捏文宗紀天歷二年

權赤

歡赤四年

燕只哥台

燕只哥解乃蠻台傳

致和元年

乃馬台諸王

乃馬互順帝紀至元四年

元史本證三十九

光緒十五年徐氏鑄學齋重刊

上虞王士濟校

本證三十九 證名三十一 會稽徐氏重刊

元史本證卷四十

證名四

蕭山汪輝祖 男繼培補

明宗紀

和世琜諱帝

木失刺諸王表周王 攷異云木當作火

惜不花

別不花文宗紀天歷二年

文宗紀一

圖帖睦爾諱帝

圖帖穆爾英宗紀至治元年 脫脫木兒 順帝紀至元六年 諸王表懷王

本證四十一 證名四十一 會稽徐氏重刊

哈海

哈海赤同紀

阿刺鐵木兒燕鐵木兒 燕鐵木

阿刺帖木兒燕鐵木兒傳又有都指揮阿刺帖木兒乃王禪黨別一人

答里麻失里

答刺麻失里燕鐵木兒傳

王不憐吉台

卜鄰吉台宋本傳

曲烈

曲列同紀

也速台兒隆鎮衛指揮使

也速臺兒同紀

脫李臺

脫別台伯顏傳

李羅

博羅阿禮海牙傳

也速台兒河南萬戶同知樞密院事

也速答兒同紀元帥燕鐵木兒傳同案即阿刺罕子也速迭兒見虞集曹南王世德碑

滅里鐵木兒

滅里帖木兒阿刺瓦而思傳

本證四十證名四

二 會稽徐氏重校

燕不隣

燕不隣至順元年

蒙古塔失

蒙古答失同紀

也先帖木兒西臺大夫

也先鐵木兒同紀

雅失帖木兒

亞失帖木兒和尙傳牙失帖木兒燕鐵木兒傳

鐵木哥西軍將

帖木哥塔海阿禮海牙傳

亦憐真

亦憐珍韓若愚傳亦輦真楊朵兒只傳

鎖南入

鎖南班燕鐵木兒傳

文宗紀三

至順元年

忽刺忽

古刺忽二年

搠思監

搠思吉二年搠失江順帝紀至元二年至正十三年亦作搠思監

本證四十證名四

二 會稽徐氏重校

云都思帖木兒

云都思鐵木兒同紀

拜延順

拜延二年

篤憐渾禿

脫憐渾禿順帝紀至元五年

月魯帖木兒大司徒

月魯鐵木兒同紀又二年正月

文宗紀四

二年

古納答刺

古訥答刺同古納答別同古刺答納至順三年

必刺都迷失

必刺都古象失同

押不花

牙不花順帝紀至元六年雅普化至正九年雅不花李好文傳

禿列帖木兒

篤來帖木兒地理志六西北地附錄

文宗紀五

三年

本證四一 證名四 四 會稽徐氏重采

答兒馬失里

答里麻失里同

靈宗紀

懿璘質班帝諱

亦璘真班文宗紀至順元年懿璘只班順帝紀首至元三年亦璘真班至元六年

懿憐只班諸王表

順帝紀一

妥懽帖睦爾帝諱

妥懽帖木爾明宗紀達禮麻識理傳妥懽帖木耳靈宗紀妥懽帖睦爾虞集

文宗卜答失里皇后傳妥懽帖穆爾虞集

元統二年

吉列思

吉烈思同

至元元年

玥璐普華

玥璐普華二月魯不花至正九年

順帝紀二

三年

黨兀班

黨兀巴六年

本證四十一 證名四 五 會稽徐氏重采

順帝紀三

五年

月祿帖木兒

月魯帖木兒張楨歸賜傳

塔馬赤

探馬赤三公表案

順帝紀四

至正七年

完者圖

完者篤太平傳

執禮哈琅

執禮合郎太平傳

苟爾

苟兒十四年

八年

阿魯輝帖木兒

阿魯輝帖穆而百官志

朶兒只班

朶兒只丹歸賜傳

順帝紀五

六證四一 證名四

六 會稽徐氏重探

九年

阿刺乞

阿刺乞巴十二年 阿刺乞兒二十年

十一年

朶烈圖

朶列圖百官志

十二年

月闍察兒

月赤察兒十四年 月可察兒伯顏賈魯傳

牙安沙

牙罕沙十三年 卜顏鐵木兒傳

愛因班

阿因班十六年

朶解

朶牙百官志 吳當傳

渾都海牙

忽都海牙同紀 宰相表

苔兒麻失里

苔里麻失里十七年 達理麻失里苔失入都魯傳

失列門王

本證四十 證名四

七 會稽徐氏重探

失里門十五年

卜顏不花

伯顏普花十四年 伯顏不花朶爾直班卜顏鐵木兒傳

阿兒灰

阿魯輝十三年 阿魯灰十五年

順帝紀六

十三年

哈臨禿

哈林禿十五年 參政

也先帖木兒官

楚先帖木兒十五年

十四年

阿里温沙

阿兒温沙同紀

順帝紀七

十五年

阿思藍

阿思蘭余闕傳

十六年

秃魯帖木兒

不證四一 證名四

八 會稽徐氏重萊

秃魯鐵木兒太平傳

也先帖木兒太尉

也帖木兒二十一年

順帝紀八

十七年

孛蘭奚

不蘭奚十八年 孛蘭奚董搏霄傳 孛蘭谿同

十八年

虎林赤

忽林赤二十八年

悟良哈台

兀良哈台十九年

蒼兒麻失里

蒼里麻失里朔思監傳

瑣住

鎖住二十三年 察罕帖木兒傳

二十年

脫列伯

脫烈伯二十六年

秃堅帖木兒

不證四一 證名四

九 會稽徐氏重萊

秃堅鐵木兒朔思監傳

順帝紀九

二十一年

脫驩

脫歡太平傳 脫權同

二十二年

阿都温

阿魯温同紀 又察罕帖木兒傳

二十三年

米只兒海牙

迷只兒海太不花傳

二十五年

候卜延荅失

伯顏達世二十六年伯顏荅失寬徹普化傳

元史本證四十

光緒十五年徐氏鑄學齋重刊

上虞王士濟校

太證四十 證名四 會稽徐氏重刊

元史本證卷四十一

證名五

蕭山汪輝祖男繼培補

河渠志一

濟州河

忙古鵬

忙兀鵬食貨志一海運

食貨志三

歲賜

忒木台

忒不互公主表

太證四十一 證名五 會稽徐氏重刊

兵志二

圍宿軍

阿散

哈散同志看守軍

鎮戍

闕里鐵木兒

闕里帖木兒伯顏傳

后妃表

太祖

李兒台旭真

旭真本傳 孛兒台特辭

八不別互

八不別及食貨志三

太宗

脫列哥那有傳

脫忽列乃憲宗紀 禿納吉納同表 攷異云脫列哥那六皇

經通鑑續編太宗崩六皇后禿里吉納治國事則脫列哥

那禿里吉納本一人譯音有輕重耳而後妃表別有禿納

定宗

幹兀立海迷失有傳

本證四十一 證名五 二 會稽徐氏重校

海迷失憲宗紀

憲宗

忽都台

忽台特辭

世祖

喃必

南必本傳

成宗

失憐苔里

實憐苔里特辭

武宗

完者互

完者台食貨志三

仁宗

阿納失舍里

阿納失失里本傳

苔里麻失里

苔里麻失英宗紀至 答兒麻失里百官志六

泰定

八不罕

本證四十一 證名五 三 會稽徐氏重校

八八罕泰定帝紀元年

亦怡真入刺

亦憐真入刺泰定帝紀二年

撒苔入刺

撒苔巴刺同表

明宗

不顏忽都

不顏忽魯都文宗紀至

文宗

卜答失里

不答失里 順帝紀至元六年

睿宗

唆魯忽帖尼

唆魯禾帖尼 憲宗紀首 唆魯帖尼 本傳

順宗

荅吉

荅己 有傳

宗室世系表

脫奔咩哩健系

博寒葛

本證四十一 證名五 四 會稽徐氏重聚

博寒葛荅黑 太祖紀

博合觀撒里吉

博合觀撒里直 太祖紀

孛端义兒

孛端察兒 博爾術傳

八林昔里刺禿哈必畜

八林昔黑刺禿哈必畜 太祖紀

咩麻篤敦

咩撚篤敦 太祖紀

納真

刺真八都 木赤台傳 刺真八都兒 畏苔兒傳

海都位

窠斤八刺哈哈

八刺哈 太祖紀

八里丹

八哩丹 太祖紀

聶昆大司

聶坤 太祖紀

忽魯刺罕

忽都刺 太祖紀

本證四十一 證名五 五 會稽徐氏重聚

荅里真位

拔都兒 蓋海王

八都兒 仁宗紀延祐五年 八朶兒 諸王表

列祖子

捌只哈兒王位

捌只哈兒

哈撒兒 太祖紀 捌只哈撒兒 食貨志三 哈札兒 札八兒火者傳 槩只哈撒

兒 忙哥撒兒伯八 合撒兒 李恒傳 伯八 傳作合撒兒誤

也苦 滿川王

野苦 太宗紀也古憲宗紀八年

移相哥

亦孫哥憲宗紀元六年也先哥世祖紀中統元年也相哥中統三年也孫哥

孟速思賈

塔刺渾

入不沙成宗紀元貞二年

伯木兒

柏木兒世祖紀至元十九年

玉龍帖木兒成宗紀大德七年

玉龍鐵木兒仁宗紀延祐三年

脫忽

本證四十一 證名五 木 會稽徐氏重聚

脫虎太祖紀

哈赤溫大王位

按只吉歹濟南王

按赤帶太宗紀五年按只帶定宗紀憲宗紀世按只台別里古台

鐵哥木王榮安赤台李禿後按赤思按竺遜移刺買奴傳

合丹

哈丹木赤台傳他

忽刺出王

忽魯歹諸王表

勝納哈王

勝納合兒世祖紀勝納答兒世祖紀至元三十年聲刺哈兒李禿後

勝刺哈士土

也里只濟南王

也只里諸王表紀

忽列虎兒

忽刺忽兒世祖紀中統元年三年

木喃子王

木南子武宗紀至大元年木南即英宗紀首木楠子文宗紀天曆二年

阿荅里迷失西寧王

忽荅的迷失文宗紀天曆二年忽荅里迷失諸王表

本證四十一 證名五 七 會稽徐氏重聚

鐵木哥汗赤斤國王位

鐵木哥汗赤斤

幹噴那顏木表烈幹赤斤太祖紀幹陳那顏太祖紀八年

八年睿幹真那顏岳璘帖穆爾撒幹臣劉國傑傳

塔察兒王

塔察憲宗紀八年世祖紀中統元年郝經傳

乃蠻台王

乃蠻帶世祖紀乃蠻歹諸王表乃馬帶博羅乃麻歹

伯帖木乃蠻傳

李羅歹

李羅帶世祖紀至元二十六年

撈魯蠻西寧王

速來蠻文宗紀至順元年三年諸王表

襲刺謀

襲刺門世祖紀中統元年

帖實

鐵失至元二十六年

別里古台大王位

別里古台有傳

李魯古帶太宗紀八年憲宗紀元年

本證四十一 證名五 八

李魯古台耶律賄路志三

滅里吉牙

滅里吉台別里古台傳

辭徹干定王

辭闊罕成宗紀元貞二年

察兒台定王

察里台諸王表

發吉刺牙

發吉帶世祖紀至元二十六年

發吉刺帶成宗紀元貞二年

雍吉刺仁宗紀延祐五年

徹里帖木兒廣寧王

闊里鐵木兒世祖紀至元二十四年

霍歷極

霍里極食貨志三

太祖子

木赤太子位

木赤

木赤台失里伯傳

拔都

八都地理志三沙州路

本證四十一 證名五 九

忙哥帖木兒

蒙哥鐵木鐵連傳

脫脫蒙哥

脫脫忙哥木赤傳

寬撒肅王案

寬徹諸王表

札尼列

札尼別木赤傳

察合台太子位

察合台

茶合帶 太宗紀八年 察合帶 禮樂志二二三 祭志 一 察哈台 亦力撒合忙 哥撒兒傳

也速蒙哥

也速忙哥 憲宗紀元年

阿魯忽

阿魯渾 世祖紀至元二十一年

阿只吉 威遠王

阿赤吉 世祖紀至元二十五年

忽都鐵木兒 威遠王

巴都帖木兒 諸王表

本證四十一 證名五 十一 會稽徐氏重栞

秃刺 越王

秃列 康里脫脫

阿刺忒納失里 王

阿忒荅納失里 諸王表 西安王 阿刺納失里 武宗紀至大三年

南荅失里

南荅失 英宗紀至治元年 泰定帝紀致和元年 順帝紀至正十四年

闊列堅太子位

闊列堅

果魯干 太宗紀八年

忽魯歹

兀魯帶 世祖紀至元二年 忽魯帶 十四年 兀魯台 二十五年 兀古帶 諸王表

兀魯兀台 牙忽都傳 斡魯忽台 脫歡傳

也不干

也不堅 牙忽都傳

合賓帖木兒

哈賓鐵木兒 英宗紀至治元年

朶兒只班 安定王

朶來只班 明宗紀

元史本證四十一

本證四十一 證名五 十一 會稽徐氏重栞

光緒十五年 徐氏鑄學齋重刊

上虞王士濟校

蕭山汪輝祖 男繼培補

宗室表

太子子

關端太子位

關端

擴端 憲宗紀二年

只必帖木兒

只必鐵木兒 世祖紀至元十四年武宗紀至大三年董文用李忽蘭吉傳 制必帖木兒

趙阿哥 憲傳 執畢帖木兒 廉希憲傳

本證四十二 證名六

一 會稽徐氏重榮

別帖木兒 汾陽王

別鐵木而 成宗紀大德三年 別鐵木兒 仁宗紀屢見

也速也不干 荆王

也速也不堅 達禮麻識理傳

闕出太子位

闕出

曲出 太宗紀七年八年塔思史天澤傳 幹赤 李禿後鎖兒叱傳

失烈門

昔烈門 世祖紀至元二十年 昔列門 至元二十五年 失烈門 定宗欽淑皇后

傳

哈互 靖遠王

合帶 世祖紀至元二十七年成宗紀大德三年入年

也速不干 襄寧王

也不干 武宗紀至大二年

合失大王位

察八兒 汝寧王

察八而 成宗紀大德七年

合丹大王位

合丹

哈丹 世祖時叛列傳屢見

本證四十二 證名六

一 會稽徐氏重榮

覲爾赤

覲兒赤 世祖紀中統元年

火郎撒 龍王

和郎撒 武宗紀至大元年

滅里大王位

蔑里 憲宗紀明里 世祖紀至元二年 滅烈 明安傳

定宗子

忽察大王位

完者也不干

完也者不干 諸王表無國邑名

279.4 93.5

禾忽大王位

秃魯南平王

兀魯世祖紀至元十二年秃刺諸王表

睿宗子

旭烈兀大王位

旭烈百官志一兵部食貨志三歲賜察罕郝經傳吁里兀速不台傳

阿八哈

阿不合世祖紀至元十年阿八合十七年百官志一

哈兒班答廣平王

合班世祖紀至元二十年二十六年成宗紀元貞二年旦只兒傳合而班答成宗紀大德十年

本證四十二證名六 三 會稽徐氏重棗

合兒班答武宗紀至大元年哈班文宗紀天曆二年

喃忽里王

南忽里仁宗紀文宗紀順帝紀康里脫脫傳

脫脫木兒

脫別鐵木兵志二宗仁衛拜依傳脫帖木兒牙忽脫脫木哈土脫脫木

木劉國傑傳脫鐵木兒伯入

阿里不哥大王位

藥木忽兒定王

篋木忽兒世祖紀至元十九年要忽兒二十六年要木忽而成宗紀大德元年藥木忽爾

木忽而元年岳木忽而元年藥木忽而五年藥木忽爾六年

諸王表 威定王 岳木忽兒顯宗傳約木忽兒牙忽脫脫木要木忽兒李庭

木忽兒博羅歡傳岳木忽兒哈土土要木忽兒李庭

那海鎮寧王

那懷諸王表那海罕文宗紀天曆元年二年

撥綽大王位

牙忽都楚王

押忽秃成宗紀元貞元年雅思秃牀兀牙忽秃康里脫脫

脫烈鐵木兒楚王

脫列鐵木兒成宗紀大德六年脫列鐵木兒仁宗紀延祐二年朶列帖木兒文宗紀天曆二年脫列帖木兒牙忽脫脫木

兒文宗紀天曆二年諸王表 脫列帖木兒牙忽脫脫木

本證四十二證名六 四 會稽徐氏重棗

速哥帖木兒

速哥鐵木而成宗紀大德元年

末哥大王位

末哥

木哥憲宗紀首莫哥八年莫哥都八年穆哥世祖紀首中統元年

吉摩哥郝經傳

伯帖木兒

伯鐵木兒武宗紀至大三年

伯顏木兒永寧王

卜顏帖木兒諸王表卜鐵木兒英宗紀至治三年

歲都哥大王位

歲都哥

歲都哥食貨志三

憲宗子

阿速歹大王位

阿速歹

阿速帶憲宗紀八年世祖紀至元年阿速台食貨志三塔塔兒台傳

玉龍歹失大王位

玉龍歹失

玉龍苔失本表系序世祖紀屢見玉龍塔失憲宗紀七年玉龍塔思塔塔兒台

本證四十一 證名六

五 會稽徐氏重采

傳 玉龍罕土土哈傳

完澤王

完者成宗紀大德六年武宗紀至大三年泰定帝紀元年

徹徹禿王

閣閣禿英宗紀至治二年辭徹禿泰定帝紀元年徹徹篤伯顏

河平王昔里吉位

昔里吉

昔烈吉憲宗紀七年昔里給世祖紀至元元年習怯吉五年失里吉二十年

失列吉牙忽失列同失烈吉木赤台土土哈失列及古

刺昔列吉伯八

兀魯思不花

兀魯而不花成宗紀大德元年兀魯忽不花同兀魯速不花博羅

晃火帖木兒并

晃火鐵木兒仁宗紀延祐四年六年晃兀鐵木兒食貨志三

世祖子

那木罕北安

南木合世祖紀屢見那沒罕世祖紀至元四年那木干十七年

朶兒只王位

朶兒只

朶而只本表系序

本證四十一 證名六

六 會稽徐氏重采

安西王忙哥刺位

忙哥刺

忙安世祖紀至元元年忙阿刺四年商忙兀刺十二年忙哥歹順帝紀至

正十年

阿難苔安西

阿難苔失里成宗卜魯罕皇后傳阿難苔爾囊加

月魯帖木兒

月魯鐵木而成宗紀大德九年月魯鐵木兒泰定帝紀張

按檀不花

按攤不花世祖紀至元二十四年

雲南王忽哥赤位

也先帖木兒王營

也先鐵木兒世祖紀至元二十三年二十五年武宗紀也至大元年仁宗紀皇慶元年延祐元年

先帖木而成宗紀首也先鐵木而成宗紀大德三年十年

愛牙赤大王位

愛牙赤

愛牙亦世祖紀至元二十四年 愛也赤塔出傳

西平王奧魯赤位

奧魯赤

奧魯只巴而木阿而忒的斤傳

本證四十二 證名六 七 會稽徐氏重栞

鏡木兒不花鎮西武靖王

鐵木兒不花世祖紀至元二十三年諸王表 鐵木而不花成宗紀大德元年

老的罕雲南王

老的武宗紀至大二年仁宗紀首

撈思班武靖王

藥思班泰定帝紀四年

亦只班

亦失班文宗紀至順二年 也失班二年

入的麻的加西平王

入刺麻力諸王表

鎮南王脫歡位

脫歡

脫權百家脫驢安南奴傳

寬徹普化威順王有傳

寬徹不花泰定帝順帝紀百官志五王傳巴而木阿而忒的斤傳

帖木兒不花宣讓王

鐵木兒不花泰定帝紀三年文宗紀首

不荅失里宣德王

不荅滅里仁宗紀皇慶二年

忽都魯帖木兒王位

本證四十二 證名六 八 會稽徐氏重栞

忽都魯帖木兒

忽都魯鐵木兒仁宗紀皇慶元年 忽都帖木兒食貨志三

裕宗子

甘麻刺顯宗

甘不刺世祖紀至元二十六年

湘寧王迭里哥兒不花位

入刺失里湘寧王

入刺失思泰定帝紀四年

順宗子

魏王阿木哥位

李羅帖木兒魏王

李羅鐵木兒泰定帝紀三年

仁宗子

兀都想不花安王

兀都不花英宗紀首

泰定帝子

阿里吉八皇太子

阿速吉八泰定帝純元年

入的麻亦兒關卜王

入的麻赤兒關卜王諸王表新刊本脫卜字

本證四十二 諸名六

九 會稽徐氏重刊

文宗子

阿刺忒荅刺

阿刺忒納荅刺文宗紀屢見 阿刺忒荅納諸王表

元史本證四十二

光緒十五年 徐氏鑄學齋重刊

上虞王士濟校

蕭山汪輝祖 男繼培補

諸王表

鄒王

聶古解

聶古台 李禿傳

拙忽難

朮忽難 公主表趙國公主位闕里吉思傳

魯王

蠻子台

蠻子帶 成宗紀

阿不歹

瑯阿不刺 武宗紀首文宗卜答失才幹八刺仁宗紀首 瑯阿不

刺 國公主表魯國公主位

阿里加失立

阿禮嘉世禮 仁宗紀首 阿兒加失里 泰定帝紀三年文宗紀至順三年 阿刺哥

識理 至順元年 阿里嘉實利 魯國公主位 阿里嘉室利 特辭禪傳

桑哥八刺

桑哥不刺 魯國公主位特辭禪傳

昌王

忽隣

忽隣 李禿傳

恩王

月魯帖木兒

月魯鐵木兒 仁宗紀延祐六年

岐王

脫脫木兒 濮陽王

脫帖木兒 本表濮陽王 脫鐵木而 成宗紀大德十年 脫鐵木兒 仁宗紀

瑣南管卜

鎖南管卜 泰定帝紀四年文宗紀至順三年

安遠王

丑漢

醜漢 仁宗紀屢見

威靖王

火里兀察兒

幹雷察兒 特辭禪傳

武平王

禿滿帖木兒

禿滿鐵木兒 仁宗紀延祐四年五年

本證四十三 證名七

會稽徐氏重栞

本證四十三 證名七

會稽徐氏重栞

昭武王

合伯

哈伯泰定帝紀

高昌王

帖睦爾普化

鐵木兒補化泰定帝明宗文宗順帝紀屢見帖木兒補化泰定帝紀元年

的斤帖木兒不花明宗紀宰相表天曆二年左丞相貼木爾補化文宗紀

年帖睦兒補化公主表高昌公主位

錢吉

藏吉文宗紀至順三年

本證四十三 證名七 三 會稽徐氏重葉

白蘭王

瑣南藏卜

峻南藏卜英宗紀至治元年 鎖南藏卜泰定帝紀三年

無國邑名

南木忽里

那木忽里武宗紀至大三年

斡羅溫孫

斡魯溫孫英宗紀至治二年 斡羅溫百官志五王傳

靖恭王

脫隣忽都魯

脫隣忽禿魯文宗紀至順二年

懿德王

沙藍朶兒

沙藍朶兒只文宗紀至順二年

無國邑名

拜荅寒

拜荅罕世祖紀至元十六年二十五年

盪遠王

徹徹篤

徹徹禿英宗紀首

本證四十三 證名七 四 會稽徐氏重葉

肅遠王

帖木兒不花

鐵木兒不花世祖紀至元二十八年

泰盪王

亦連真多兒加

亦憐真朶兒赤泰定帝紀元年

盪昌郡王

不隣吉歹

不隣吉歹公主表昌國公主位

宣盪郡王

帖木兒不花

鐵木兒不花仁宗紀首

寧濮郡王

昌吉

長吉世祖紀至元十二年章吉地理志三甘肅省西寧州

無國邑名

怯里歹

法里刺世祖紀至元二十一年

合必赤大王

哈必赤列傳哈必失玉哇失傳

本證四十三 證名七

五 會稽徐氏重萊

公主表

昌國公主位

火臣別吉

果眞太祖紀八年

吾魯眞

兀魯眞李禿後忽憐傳

伯雅倫

伯雅魯罕忽憐傳

卜蘭奚

不蘭奚忽憐傳

益里海涯

亦里哈歹忽憐傳

趙國公主位

忽荅迭迷失

忽荅的迷失闕里吉思傳

愛牙迷失

愛牙失里闕里吉思傳

桑哥入刺

速哥入刺英宗紀至治元年

魯國公主位

本證四十三 證名七

六 會稽徐氏重萊

囊家眞

囊加眞食貨志四特辭禪傳

南哥不刺

喃哥不刺特辭禪傳

祥哥刺吉

桑哥吉刺文宗卜荅失里皇后傳后妃表攷異云當作桑哥刺吉桑哥刺吉張珪傳

拜塔沙

拜荅沙特辭禪傳

台忽普都

台忽都魯宣宗台忽魯都特辭禪傳

鄂國公主位

忙哥台

忙古台 仁宗紀皇慶元年

高昌公主位

也立可敦

也立安敦 巴而木阿而忒的斤傳

朶而只思蠻

朶兒只思蠻 巴而木阿而忒的斤傳

高麗公主位

忽都魯堅迷失

本證四十三 證名七 七 會稽徐氏重聚

忽都魯揭里迷失 世祖紀至元十一年二十八年成宗紀首高麗傳 忽都魯迷失

成宗紀元貞二年

卜答失利

寶塔失憐 武宗紀至大三年 普達實憐 仁宗紀皇慶元年 寶塔實憐 高麗傳

獨木罕公主位

獨木罕

獨木干 食貨志三

延安公主位

火魯

大雷 食貨志三攷異云大當作火

公主位

荅賽馬

塔賽 同表

元史本證四十三

光緒十五年 徐氏鑄學齋重刊

上虞王士濟校

本證四十三 證名七 八 會稽徐氏重聚

蕭山汪輝祖 男繼培補

三公表一

仁宗皇慶元年

太師 阿撒罕

阿思罕 明宗紀劉天孚傳

延祐六年

太傅 朶解

朶帶 紀 朶台 泰定帝紀元年四年

宰相年表一

入相諸人後雖屢遷他官凡名異者皆錄于此

本證四十四 證名八

一 會稽徐氏重榮

世祖至元元年

右丞 阿里別

阿里 紀 阿里伯 紀八年十六年伯顏劉正阿合馬傳

二年

右丞 忽都察兒

忽都答兒 紀三年後屢見忽都帶兒 十二年忽魯答兒 仁宗紀延祐三年

七年

參知 麥朮督丁

麥朮丁 世祖仁宗紀

九年

平章 哈伯

合伯 紀十年 曷伯 成宗紀元貞元年

十七年

右丞 甕吉刺解

益吉刺帶 紀

和禮霍孫

火魯火孫 河渠志二濟州河選和魯火孫 昂吉兒移舉志一科目王約傳 刺元臣傳

火禮霍孫 程鉅火魯霍孫 劉正夫傳

參知 札珊

本證四十四 證名八

二 會稽徐氏重榮

札散 紀

二十二年

平章 阿必失哈

阿必赤合 紀 合必赤合 同阿必失合 紀二十年 三年

二十三年

左丞 也速解兒

也速答兒 博爾忽傳 陳思濟日本傳成宗時江浙平章也速答兒亦即此人

二十四年

平章 帖木兒

鐵木兒 紀 鐵木而 成宗紀

二十九年

平章 刺真

臘真 小雲石脫 忽憐傳

參知 梁暗都刺

梁俺都刺 本表大德四年五年平章

成宗大德元年

平章 也先帖木兒

也先鐵木而 紀

三年

參知 迷兒火者

本證四十四 證名入

三 會稽徐氏重棗

迷而火者 紀七年八年九年

十年

右丞 哈刺蠻子

合刺蠻子 紀九年

左丞 章閭

張閭 紀郝天 張驢仁宗紀鐵木迭兒傳

十一年

右丞 李羅帖木兒

李羅鐵木兒 武宗紀

左丞 阿里伯

阿星 武宗紀

參知 烏伯都刺

兀伯都刺 武宗紀 仁宗英宗紀俱作兀

武宗至大元年

右丞 荅刺海

塔刺海 紀

平章 塔失海牙

哈失海牙 本表 荅失海牙 本表延祐七年 表文宗

紀作塔失海 涯順帝紀至元年 太尉塔失海牙 遂魯會傳作荅失海牙 當俱即此人

阿散 仁宗時為右丞相

合散 武宗仁宗紀 屢見 合撒仁宗紀 首哈散 張思明鐵木迭兒傳

赤因帖木兒

赤因鐵木兒 武宗仁宗紀 赤斤帖木兒 英宗泰定帝文宗紀 列傳因斤互

二年

左丞 脫脫 尙書省三年 為右丞相

脫虎脫 紀 表大德十一年平章脫脫 武宗紀作脫虎脫 即此人

左丞 忙哥帖木兒

忙哥鐵木兒 紀

三年

左才 幹只

幹赤紀亦泰定帝紀元年

參知 帖里脫歡

鐵里脫歡紀二年

仁宗皇慶二年

參知 秃魯花帖木兒

秃魯花鐵木兒紀

延祐三年

平章 伯帖木兒

伯鐵木兒紀

本證四十四 證名八

五

會稽徐氏重築

四年

參知 煥住

煥住紀張珪傳

五年

參知 燕只哥

燕只干紀

七年

平章 赫驢

黑驢紀英宗

英宗至治元年

平章 帖木兒脫

鐵木兒脫紀

三年

右丞 乃馬解

乃馬台泰定帝紀首元年三年明宗紀同

蠻解本表泰定元年至三年右丞平章

泰定帝元年

左丞 旭邁傑

旭滅傑宋本傳

二年

本證四十四 證名八

六

會稽徐氏重築

右丞 塔失帖木兒

塔失鐵木兒泰定帝紀四年後及文宗紀帖鐵互見

達識帖睦迺烏古孫良楨傳詳陶宗儀輟耕錄

三年

平章 察乃

茶乃河渠志二鹽官州海塘

文宗天曆元年

平章 欽察台

欽察互本表順帝元統元年

右丞 月魯不花

參知 月魯帖木兒 紀 玥璐不花 紀 玥璐不華 至順三年湖廣平章 二二年稱湖廣行省玥璐不花

二年 躍里鐵木兒 紀 躍里帖木兒 紀 至順元年

平章 朶兒只

右丞 朶兒失 紀 至順元年 紀 天曆二年右丞亦作朶兒只 闕里吉思

至順二年 闕兒吉司 紀 明宗 闕里吉思 紀 至元元年 寧宗 紀 順帝

平章 禿兒哈帖木兒

本證四十四 證名八 七 會稽徐氏重栞 禿兒哈鐵木兒 紀 寧宗

宰相年表二

順帝元統元年

平章 脫別歹

脫別台 紀

撒迪

撒的 紀 二

至元元年

參知 普化

不花 紀

二年

平章 帖木兒不花

帖木兒不華 紀 鐵木兒不花 紀 本表至元六年左丞相 年知樞密院事鐵木兒不花 吳元珪傳作帖木兒不花即此人

至正六年

參知 瑣南班

鎖南班 紀

七年

平章 韓加訥

韓嘉訥 紀 韓嘉納 哈麻 傳

九年

平章 伯顏

柏顏 紀

十二年

參知 帖里帖穆爾

帖理帖木爾 紀 帖理帖木兒 紀 十 帖里帖木兒 本表 年十九年 帖里帖木爾 本表 年二十七年 帖里帖木爾 本表 年十七年

十五年

平章 桑哥失理

桑哥失里 本表 十六年 紀 俱作里

十七年

平章 完不花

完者不花紀本表十六年參完不花紀十八年

右丞 楚仙普化

也仙不花紀本表十八年十九年野先溥化乃蠻台傳

右丞 失列門

實理門紀

參知 卜顏帖木爾

卜顏鐵木兒紀

二十年

本證四十四 證名八 九 會稽徐氏重栞

平章 達識帖木兒

塔失帖木兒本表二十二年二十五年達禮麻識理傳塔世帖木兒麻識

理 達世帖木兒同達世帖木兒別兒怯傳答失帖木兒

孛羅帖木兒傳

二十三年

參知 札刺兒台

札刺爾台本表二十六年札刺兒本表二十七年

二十五年

平章 忽憐台

忽林台本表二十七年

參知 達識帖木兒

達識帖睦迺紀

元史本證四十四

光緒十五年徐氏鑄學齋重刊

上虞王士濟校

本證四十四 證名八 十 會稽徐氏重栞

元史本證卷四十五

證名九

蕭山汪輝祖 男繼培補

成宗卜荅罕皇后傳

脫里思

脫里忽思 后妃表

順帝伯顏忽都皇后傳

伯顏忽都

普顏忽都 順帝紀至正十四年

寬徹普化傳

荅帖木兒

本證四十五 證名九

會稽徐氏重采

互帖木兒 順帝紀至正十六年

伯顏達兒

伯達兒 李羅帖木兒傳

火你忽都

火兒忽達 李羅帖木兒傳

特薛禪傳

按陳賜號 陳那顏

按赤 太宗紀八年木 按只 成宗紀元貞 按噴 后妃表世祖

國公主表 魯 按眞 劉黑馬傳 那顏紀傳或作 那演或作 那

按察兒禿

按荅兒禿 同傳 世祖紀至 按荅兒 同傳 紀二

幹可瑀

幹可眞 同傳 魯國公主位同

峻兒火都

峻魯火都 同傳 棧魯忽禿 木華黎傳

李禿傳

李禿

李徒 大祖紀

鎖兒哈

瑣兒哈 公主表 昌國公主位 鎖刺海 曷思麥

本證四十五 證名九

會稽徐氏重采

札忽兒臣

札忽爾陳 昌國公主位

忽憐傳

哈刺罕

哈荅罕 同傳

不花

李花 昌國公主位

鎖耶哈

瑣耶哈 昌國公主位

阿刺兀思 剔吉忽里傳

阿刺兀思剔吉忽里

阿刺忽思太祖紀

李要合

拜哈公主表趙國公主位李荅同上案表獨木干公主適拜哈弟

李要合下云拜哈子趙武襄王愛不花又云李荅子趙忠

愛不花襄王君不花放本傳君不花愛不花皆李要合之子則李荅也實一人也

阿不花成宗紀元貞元年

闊里吉思傳

木安

注安武宗紀至大二年

李魯傳

李魯

兀魯地理志一上都路李羅張晉亨劉黑馬傳

阿里乞失

阿禮吉失乃蠻台傳

塔思傳

查刺温

查老温太宗紀六年

劉甫

劉福楊惟忠傳

速渾察傳

忽林池

忽林赤抹兀荅兒傳

乃燕傳

碩德

世德裕宗徽仁裕聖皇后傳拾得食貨志三按札兒傳

霸突魯傳

霸突魯

霸都魯李魯拔突兒世祖紀首拔都兒同

本證四十五 證名九

四 會稽徐氏重彙

博爾木傳

博爾木

博兒木肖乃台傳

李樂台

李羅台食貨志三

玉昔帖木兒

玉速帖木兒紀傳屢見玉速鐵木兒世祖紀至元二十三年二十四年兵志二鎮成

月呂魯那演玉速帖木兒賜號

玉呂魯世祖紀至元二十七年月兒魯紀傳屢見月呂祿博爾忽月

魯博羅歡孟速思月兒呂鄭鼎月魯兒王緯傳列傳那演或作那顏那延

脫脫哈

禿禿合仁宗紀延祐六年脫忒哈英宗紀首禿忒哈楊朵兒只鐵木迭兒傳

博爾忽傳

博爾忽

博羅渾太祖紀李羅渾志三食貨

失里門

失烈門同傳

月赤察兒

月赤徹兒世祖紀至元二十四年月失察兒三十月赤察而成宗紀屢見

塔察兒傳

本證四十五 證名九 五 會稽徐氏重栞

塔察兒

塔察睿宗傳荅荅兒苦徹拔都兒傳

宋都解

宋都帶世祖紀屢見遜都台李恒傳宋都台張榮實傳

察罕傳

木花里

木華黎昂吉兒傳

亦力撒合傳

亦力撒合

亦而撒合世祖紀至元二十三年亦兒撒合二十四年亦兒思合兵志二鎮成

木赤台傳

木赤台

拙赤解太祖紀八年木兒徹丹李禿木徹台畏答兒傳

忙兀

忙兀兒畏答兒傳

怯台

迄忒郝和尚拔都傳

端真

鍛真太宗紀八年段真高鵬傳

亦刺哈台

本證四十五 證名九 六 會稽徐氏重栞

哈荅

亦刺哈同傳亦來哈解昔兒吉思傳

合荅

世祖紀至元十四年合達百家奴傳

外刺

外刺台杭忽思傳

只兒火台

只里幹台

只里瓦丁苦徹拔只兒瓦台土土哈杭忽

肖乃台

蕭乃台 木華傳 笑乃帶 食貨志三 笑乃解 兵志一二

吾也而傳

吾也而

烏野兒 史天祥傳 烏也兒 移刺捏奴傳 吾也兒 石抹亭送兒傳

撻魯

荅魯 史天祥傳

曷思麥里傳

密只思臘

密赤思老 速不台傳

帖木迭兒

本證四十五 證名九 七 會稽徐氏重榮

鐵木答兒 鐵邁赤傳

速不台傳

速不台

雪不台 複傳 唆伯台 按札兒傳 速卜帶 昔里鈐部傳 刺不台 王珍傳 速不

解李邦 瑞傳

捏里必

捏里弼 雪不台傳

折里麻

哲里馬 忙哥撒兒傳

合赤温

合飭温 雪不台傳

忽魯渾

虎魯渾 雪不台傳

霍都

火都 土土哈傳

也烈班

野力班 雪不台傳

兀良合台傳

兀良合台

兀良合帶 世祖紀首至元十九年 兀良哈台 鐵邁赤阿兀良合互塔兒思蘭傳

本證四十五 證名九 八 會稽徐氏重榮

海傳

按竺邇傳

按竺邇

按主奴 步魯合 按住奴 兵志一

撒理

車里 步魯合

黑梓

黑子 步魯合

火都

忽都 趙阿哥潘拜延 火里 汪良臣傳

吐魯

土魯月舉連赤海禿魯商挺

畏苔兒傳

畏苔兒

愠里苔兒食貨志三

忙哥

蒙古太宗紀八年

忽都忽

忽都虎地理志五江西省桂陽州

博羅歡傳

本證四十五 證名九

九 會稽徐氏重栞

博羅歡

李魯歡世祖紀中統二年至元十三年博都歡中統三年博魯歡

至元十二年撥魯罕二十二年不魯合罕二十四年李羅歡成宗紀大

德元年博羅罕法法李魯罕洪君

巴而木阿而忒的斤傳

巴而木阿而忒的斤

巴而述阿兒忒的斤公主表高昌公主位八兒出阿兒忒哈刺赤哈赤北魯傳

虎都鐵木祿傳

虎都鐵木祿

忽都鐵木祿目錄

按札兒傳

按札兒

按察兒志傳阿察兒杜豐

昔里鈐部傳

鈐部

甘卜同傳

梨直魯廝華傳

撒吉思卜華

撒吉思不花食貨志三史天澤傳

昔兒吉思傳

本證四十五 證名九

十 會稽徐氏重栞

昔兒吉思

昔里吉思目錄昔里思麥里傳

徹里蠻

撒里蠻同傳

召烈台抄兀兒傳

抄兀兒

抄吾兒太祖紀

闊闊不花傳

怯烈台

乞里牙食貨志三窟里台石高山傳

紹古兒傳

忽都虎

忽都忽 世祖紀至元二十年
二十五年沙全傳

怯怯里傳

納解

納兒解 同傳

直脫兒傳

直脫兒

赤脫兒 忽刺
出傳

元史本證四十五

本證四十五 讀名九

士 會稽徐氏重聚

光緒十五年 徐氏鑄學齋重刊

士虞王士濟校

元史本證卷四十六

證名十

蕭山汪輝祖 男繼培補

鎖咬兒哈的迷失傳

鎖咬兒哈的迷失

瑣咬兒哈的迷失 張思明傳

阿隣帖木兒傳

阿隣帖木兒

阿林鐵木兒 仁宗紀延祐四年 阿隣鐵木兒 仁宗紀延祐四年 阿隣帖木兒 泰定三年

帝紀三年

岳璘帖穆爾傳

本證四十六 證名十一 會稽徐氏重采

岳璘帖木兒 目錄岳璘帖木爾合刺普華傳

忙哥撒兒傳

忙哥撒兒

蒙哥撒兒 也先不花傳

也先帖木爾

也先帖木兒 同傳

伯蒼沙

伯達沙 泰定帝紀四年

納速刺丁傳

納速刺丁

納速丁 同傳元二十二年同世祖紀至

伯顏察兒

伯顏察而 成宗紀

布魯海牙傳

布魯海牙

李魯海牙 世祖紀中統元年

鐵哥傳

鐵哥

帖哥 世祖紀至帖可三公宰元三十年相表

廉希憲傳

本證四十六 證名十二 會稽徐氏重采

霍魯海

霍魯懷 趙良弼傳

伯顏傳

述律哥圖

帖柳兀秃 食貨志三

阿朮傳

阿朮

阿述 世祖紀中統四年兀朮伯顏傳

昔刺木

失里木 孔元傳

阿里海牙傳

阿里海牙

阿刺海牙

世祖紀至元九年十二年崔載傳

阿速海牙

和尙阿魯海牙張榮

傳 阿里海涯 小雲石海涯賈居貞鄭溫傳

土土哈傳

土土哈

秃秃合

世祖紀至元二十一年二十四年二十八年成宗紀元貞元年

秃秃哈 順帝紀至元二年食

貨志三牙忽都傳

吐土哈 木忽

寬折哥

寬赤哥思

杭忽思後伯答兒傳

本證四十六 證名十

三

會稽徐氏重榮

牀兀兒傳

牀兀兒

床兀兒

成宗紀大德七年武宗紀屢見

幢兀兒

食貨志三創兀兒乞台

帖良臺

帖里哥歹

玉哇失傳

也先不花

也不花

同傳

答里

答隣答里

文宗紀天曆二年至順二年盜宗紀

來阿八赤傳

來阿八赤

阿八失 河渠志二阿八昔都

紐璘傳

紐璘

紐鄰 憲宗紀八年列傳屢見

大答兒

塔海帖木兒忽都傳

也速答兒

也速帶兒 世祖紀至元十九年

也速帶 至元二十六年也速帶而宗

紀屢也速答而 成宗紀大德四年

也速迭而 大德七年也速迭兒

本證四十六 證名十

四

會稽徐氏重榮

志三保蓋萬戶府軍屯

南加台

囊加台

泰定帝紀元年文宗紀屢見

囊加解 阿禮海牙傳

囊加台 秦超宗傳

阿刺罕傳

阿刺罕

阿里罕

李恒傳

阿塔海傳

阿塔海

阿答海

世祖紀至元十七年塔海相威

唆都傳

百家奴

伯家奴目傳

李恒傳

散木解

散木帶

武宗紀至大二年傳文未詳見吳澄所撰墓誌

辭徹干

辭赤干

烏古孫澤傳辭闍干傳

徹里傳

徹里

闍里

世祖紀至元二十九年成宗紀大德十年崔或燕公楠傳

本證四十六

證名十

五

會稽徐氏重萊

太赤

太出

純只海傳

不忽木傳

不忽木

卜忽木

王構傳

不勿木

趙與不灰燕公楠傳

野禮審班

也里審班

桑哥傳

完澤傳

土辭

秃辭

食貨志三

阿魯渾薩理傳

阿魯渾薩理

阿魯渾撒理

世祖紀至元二十四年成宗紀大德三年四年文宗紀至順二年葉李傳

撒理

至元二十四年趙孟頫桑哥傳阿里渾撒里成宗紀元貞元年大德七年崔或傳

久著

久住

岳柱傳

速哥傳

火魯赤

火魯

張萬家奴傳

囊加互傳

本證四十六

證名十

六

會稽徐氏重萊

囊加互

囊加帶

世祖紀

囊加解

兵志一二河渠志二濟州河

囊加台

察罕傳

忙兀台傳

忙兀台

忙古帶

世祖紀

忙兀帶

紀屢見崔或桑哥傳同

蒙古帶

紀至元

十五年忙忽

帶二十

忙兀臺

三十忙古解

河渠志二澗山湖食貨志二市船兵志二鎮戍兵志三武

衛屯

忙古互

伯顏傳

忙古臺

高興劉宣傳

奧魯赤傳

奧魯赤

奧魯

虎都鐵木祿傳

完者都傳

完者都

完者拔都復傳

伯帖木兒傳

忽都禿兒干

古土禿魯干洪萬傳 古都禿魯干王綽傳

亦黑迷失傳

亦黑迷失

也里迷失世祖紀至元十八年 亦里迷失二十三年 也黑迷失二十九年 成宗紀首

案里俱當作黑

本證四十六 證名十七 會稽徐氏重栞

杭忽思傳

杭忽思

昂和思阿荅赤傳

阿塔赤

阿荅赤復傳

也里可

也兒怯阿荅赤傳

幹羅思

幹魯思文宗紀天曆二年

玉哇失傳

玉哇失

玉哇赤朶羅台傳 玉瓜失口兒吉傳

昂吉兒傳

昂吉兒

昂吉世祖紀中統二年

哈刺解傳

哈刺解

哈刺互同合刺帶 見兵志二鎮成哈刺帶 世祖紀至元

塔出傳

札刺台

本證四十六 證名十八 會稽徐氏重栞

劄刺解憲宗紀五年

葉仙翳傳

完澤

完者仁宗紀延祐四年亦見英宗泰定帝紀

旦只兒傳

入巴

入把劉恩傳

失里伯傳

失里伯

昔里伯伯顏相威傳

李蘭奚傳

李蘭奚

李羅奚
目錄

怯烈傳

怯烈

怯刺
世祖紀至元二十八年

暗伯傳

暗伯

阿伯
成宗紀大德七年 俺伯
亦憐眞班 闇伯
卜天璋傳

也速解兒傳

本證四十六 證名十九 會稽徐氏重栞

也速解兒

也速帶兒
世祖紀至元二十四年帖木兒不花傳

撒吉思傳

撒吉思

撒吉斯
答里麻傳

月乃合傳

月乃合

月合乃
世祖紀中統二年三年四年馬祖常傳

昔里吉思

錫里吉思
馬祖常傳

愛僻傳

也里牙

野里牙
文宗紀天歷元年三年至順元年三年

臚合

典哈
文宗紀至順三年順帝紀至元六年

也先不花傳

也先不花

野先不花
撈思監傳

李魯歡

不魯歡
世祖紀中統二年 李魯海
撈思監傳

本證四十六 證名二十 會稽徐氏重栞

禿魯

禿忽魯
武宗仁宗泰定帝紀宰相表 禿魯忽
仁宗紀延祐元年

塔出傳

塔出

塔木
世祖紀至元二十二年

李兒速傳

李兒速

李思速
同傳

明安傳

普顏忽里

卜顏忽里泰定帝紀二年不顏忽里張珪傳

忽林失傳

燕不倫

也不倫明宗紀燕鐵木兒傳也卜倫文宗紀至順三年

失刺拔都兒傳

給荅安

哈荅安乞台傳

哈刺哈孫傳

哈刺哈孫

合刺合孫世祖紀至元二十四年二十九

本證四十六 證名十一 十一 會稽徐氏重刊

曲樞傳

曲樞

曲出武宗紀仁宗紀順帝紀至元四年三公表

阿禮海牙傳

阿禮海牙

阿卜海牙仁宗文宗紀宰相表阿不海牙文宗紀阿里海牙順帝紀表

燕鐵木兒傳

燕鐵木兒

燕帖木兒紀傳互見

阿刺帖木兒王禪將

阿刺鐵木兒同傳

哈刺那懷

哈刺那海同傳

乃蠻台傳

乃蠻台

乃馬台文宗紀屢見

朶兒只傳

朶兒只

朶兒只太平傳

朶爾直班傳

本證四十六 證名十一 十二 會稽徐氏重刊

朶爾直班

朶爾只班宰相表至正五年六年十一年

阿魯圖傳

阿魯圖

阿魯禿祭祀志六

元史本證四十六

光緒十五年徐氏鑄學齋重刊

上虞王士濟校

元史本證卷四十七

證名十一

蕭山汪輝祖 男繼培補

別兒怯不花傳

別兒怯不花

張起慶傳

鐵木兒塔識傳

鐵木兒塔識

阿魯圖傳

帖木兒塔識

鐵木兒達識

祭祀志

帖木兒達失

食貨志五福建

鹽

達識帖睦迺傳

本證四十七 證名十一

會稽徐氏重榮

達識帖睦迺

達識帖木兒

同傳

達世帖睦爾

祭祀志

達識帖睦兒

宰相表至正十五年

平章達識帖木迺

泰不華傳

達識帖睦爾

周伯琦傳

達識鐵睦迺

石抹宜孫傳

普化帖木兒

普化鐵木兒

同傳

太不花傳

太不花

泰不花

順帝紀至正十四年劉哈刺不花傳

徹里帖木兒傳

徹里帖木兒

徹里鐵木兒

明宗紀文宗紀天曆元年至順元年

野仙帖木兒

也先帖木

太平傳

也先帖木兒

朴不花傳

納麟傳

納麟

納璘

曠曠楊朶兒只傳

阿榮傳

阿榮

阿營

虞集傳

本證四十七 證名十一

會稽徐氏重榮

泰不華傳

泰不華

達普化

同傳

泰普化

英宗紀至治元年

卜顏鐵木兒傳

卜顏鐵木兒

卜顏帖木兒

同傳順帝紀至正十三年

不顏帖木兒

至正十年

普顏帖木

兒褚不華傳

道童傳

禿堅理不花

禿堅里不花

同傳

禿堅不花

李補傳

277.4 93.5

亦憐真班傳

亦憐真班

懿憐真班朶爾直班傳

達禮麻識理傳

達禮麻識理

達禮麻失里宰相表至正二十一年參政 答兒麻失里表二十五年右丞

答爾麻順帝紀至正二十七年

耶律楚材傳

吾圖撒合里

兀圖撒罕里食貨志三

本證四十七 證名十一 三 會稽徐氏重棊

耶律留哥傳

辭閣

斜閣太祖紀十年

耶律禿花傳

禿花

禿懷三公表劉伯林傳

忙古帶

蒙古歹步魯合忙古解安南

石抹也先傳

石抹也先

阿辛復傳木華黎傳稱蕭也先

脫忽蘭闐里必

奪忽蘭闐里必石抹孛迭兒傳

耶律阿海傳

虎都不花

忽都不花列女李君進妻傳

郝和尚拔都傳

和尚拔都

和上拔都魯郝天挺傳

石抹明安傳

本證四十七 證名十一 四 會稽徐氏重棊

明安

猛安王楫傳

咸得不

咸得卜耶律楚材傳

石抹孛迭兒傳

石抹孛迭兒

蕭勃迭太祖紀八年木華黎傳

紉查刺

紉札刺世祖紀至元元年 紉查刺兵志二宣鎮侍衛 紉叱刺兵志二宣鎮戍

洪福源傳

著古與

著古歟高麗傳

帖哥

鐵哥高麗傳

洪君祥傳

雙叔

雙壽伯顏傳

鄧鼎傳

納懷

那懷世祖紀至元二十八年

本證四十七 證名十一

五 會稽徐氏重栞

阿兒思蘭

阿爾思蘭謝讓傳 阿思蘭趙德傳

劉秉忠傳

蘭璋

蘭章世祖紀至元二十八年

李庭傳

勞山

牢山宋本傳

張雄飛傳

亦麻都丁

亦馬都丁阿合馬傳

石高山傳

忽魯虎高山父

忽都忽太祖紀十年十七年睿宗 忽都虎食貨志三兵志

魯華鐵哥木耶律 胡土虎太宗紀六年 忽都禿察罕阿剌忽

都鐵邁赤劉秉忠傳 紀傳多稱那顏或稱

李羅海拔都

不里合拔都兒兵志 不里海拔都兵志二右 李里海嚴實

錫石天祿

賀仁傑傳

本證四十七 證名十一

六 會稽徐氏重栞

忽刺耳

忽刺忽耳同傳

賈昔刺傳

虎林赤

忽林失世祖紀至元十四年

李术魯翀傳

阿兒思蘭

阿兒思蘭海牙文宗紀屢見

汪澤民傳

瑣南班

217年 75.5

鎮南班周伯琦傳

陳祖仁傳

曩驩

脫歡朴不花傳

儒學二

胡長孺傳

脫歡察

脫歡察兒陳孚傳

忠義一

攸哈刺拔都傳

本證四十七 證名十一 七 會稽徐氏重棗

忙兀台

忙兀帶世祖紀至元元年

忠義三

丑閻傳

丑閻

丑驢順帝紀至正十二年

朶里不花傳

朶里不花

朶列不花順帝紀至正二十二年

阿兒渾沙

河魯溫沙普顏不花傳

卜理牙敦傳

卜理牙敦

卜禮月敦順帝紀至正十二年

忠義四

普顏不花傳

普顏不花

伯顏不花順帝紀至正十七年

釋老

八思巴傳

本證四十七 證名十一 八 會稽徐氏重棗

八思巴

八合思八世祖紀中統元年至元巴思八武宗紀至大三年

五年文宗紀入哈思巴阿魯渾入合斯巴阿尼哥傳

亦憐真八思巴弟

亦鄰真世祖紀至元十三年益憐真十四年亦憐吉十六年

荅兒麻八刺乞列

荅耳麻八刺刺吉塔世祖紀至元十九年

亦攝思連真

亦攝思憐世祖紀至元二十三年

乞刺斯八斡節兒

吃刺思入幹節兒世祖紀至元二十八年合刺思入幹節而成宗紀首吃

刺入思幹節兒成宗紀大德九年

相兒加思

相加班成宗紀大德九年相兒加思仁宗紀皇慶二年

旺出兒監藏

參馬亦思吉思卜長出亦思宅卜泰定帝紀四年

公哥列思入沖納思監藏班藏卜

公哥列思巴沖納思監藏班藏卜泰定帝紀四年

輦真吃刺失思

輦真米納思世祖紀至元二十九年輦真吃刺思英宗紀首文宗紀天曆二年

本證四十七 證名十一 九 會稽徐氏重采

方技

阿尼哥傳

阿尼哥

阿你哥世祖紀至元十五年十九年二十六年

姦臣

阿合馬傳

抹速忽

麻速忽世祖紀至元十五年

鐵木迭兒傳

鐵木迭兒

帖木迭兒宰相表鎖咬兒哈的迷失傳迭木帖兒順宗昭獻元聖皇后傳

八里吉思

八思吉思英宗紀至治二年鐵失傳入刺吉思拜住入爾吉思傳李孟

鎖南

瑣南瑣咬兒哈的迷失許有壬傳

搠思監傳

禿堅帖木兒

禿堅鐵木兒同傳

叛臣

阿魯輝帖木兒傳

本證四十七 證名十一 十 會稽徐氏重采

阿魯輝帖木兒

阿魯輝鐵木兒太平傳

逆臣

鐵失傳

鐵失

帖赤康里脫帖失賈昔脫傳刺傳

李羅帖木兒傳

李羅帖木兒

李羅鐵木兒太平傳

外國

高麗傳

朴杰

朴杰 世祖紀至元六年

緬傳

阿散哥也

阿撒哥也 同阿散吉牙同傳

占城傳

失里咱牙信合入刺麻哈迭瓦

失里咱牙信合入刺麻合迭瓦 世祖紀至元十八年

補的

本證四十七 證名十一 十二 會稽徐氏重校

補底 世祖紀至元二十年

濟目理勒螫

路司理勒螫 世祖紀至元二十一年

元史本證四十七

光緒十五年 徐氏鑄學齋重刊

上虞王士濟校

299.4 93.5

蕭山汪輝祖 男繼培補

一人二名

元時漢人南人多有國語之名而蒙古色目人其命名或亦取諸漢語自非博覽末由通曉也閒有史文互見名異而事同者姑舉所知以備攷訂若夫本傳已詳弗復錄焉

梁德珪有傳

暗都刺表宰相

崔斌有傳

燕帖木兒

世祖紀至元十七年江淮左丞

本證四十八 證名十二 一 會稽徐氏重霖

張文謙世祖紀至元十九年左丞

阿亦伯表宰相

段貞成宗紀元貞二年平章七年作段真

那海表宰相

楊炎龍成宗紀大德二年右丞

吉丁李孟傳

廉恂英宗紀延祐七年平章

米只兒海牙表宰相

馮亨泰定帝紀二年參政

不花表宰相

王燾仁宗紀皇慶二年高麗王

阿刺忒納失里順帝紀至元元年

王禎文宗紀天曆二年高麗王

不荅失里順帝紀至正十一年並詳諸王表證遺

左吉宰相表天曆三年參政

塔不台泰定帝紀二年

石煥中石天應傳

幹可木華黎傳

世榮按竺迺孫傳

那懷步魯合

本證四十八 證名十二 一 會稽徐氏重霖

國安按竺迺孫

帖木兒步魯合

帖木兒

也速魯兒世祖時平章詳宰相表證誤

元史本證四十八

光緒十五年徐氏鑄學齋重刊

上虞王士濟校

蕭山汪輝祖 男繼培補

地

地名之難知甚於人非有確證不敢以聲近定之郡縣漢語名者雖有異文皆弗錄蓋傳寫乖錯并不以聲近互書也

大祖紀

斡難河

兀難河 鎮海傳 阿難水 木華黎傳

土兀刺河

本證四十九 證名十三 一 會稽徐氏重栞

秃忽刺河 明宗紀 秃兀刺河 速不台土土哈傳 速不台傳 速不台傳 又有秃刺河雪不台傳作篤列

此河疑即

健河

堅河 召烈台抄 兀兒傳

海刺兒帖尼火魯罕

海刺兒阿帶亦兒渾 召烈台抄 兀兒傳

班朱尼河 亦稱黑河見阿塔海懷都傳後改龍居河見 雪不台傳 紀十一年有廬胸河疑即龍居河

班木居河 速哥班木河 律 土土哈耶班真海子 木赤 班真河

麥里 辨屯河 耶律阿 海傳

按臺

277年 93.5

按台山 武宗紀首 按只台 別思古台傳 按赤臺 特薛禪傳

也兒的石河 元

葉兒的石河 憲宗二年 也里的失 武宗紀首

乞力吉思 二年

乞里吉思 見武宗紀首 乞里吉思 世祖至元二十年 乞兒乞思 二十六年 乞兒吉

思 三十年 武宗紀首 元 乞里乞思 成宗元貞元年 乞而吉思 大德九年

利吉思 地志

怯綠連河 六年 前有綠 憐河當是一地

怯綠憐河 牙忽 怯呂連河 伯帖木兒傳 憲宗七年 怯魯

元貞二年 怯魯 刺並疑即此地

本證四十九 證名十三 二 會稽徐氏重栞

尋思干 十五年

尋斯干 特薛禪按竺迦阿刺搆思干 耶律留哥 薛迷思干

太祖十六年 武宗至大 薛迷則干 哈散

卜哈兒 十六年

李哈里 察罕傳

班勒紇

板勒紇 察罕傳

木刺夷 十七年

木羅夷 太宗 沒里奚 憲宗 木刺由 世祖至元十年 沒刺由 成

大德 三年 木乃兮 郭侃傳

太宗紀

答蘭答八思六年

答蘭答八思憲宗紀首答蘭答八察罕傳

蔑怯思十一年

滅怯思昔里斡部傳

憲宗紀

別失八里二年

別石八里二年別十八里屢見別失拔里脫烈海牙傳

葉密立二年

葉密里耶律希亮傳

本證四十九 證名十三

三 會稽徐氏重築

世祖紀

都闡中統二年

善闡地理志四都善張立道傳

尋麻林

尋麻林百官志一

昔木土腦兒至元元年止

失木魯特薛禪傳石木温都赤木赤失木秃抹兀答兒傳失木土鐵道

失門秃昔兒吉思昔門秃阿刺罕小雲失木里秃杭忽失

畝里秃朶羅台傳

吐蕃四年

土番 吐番 土番並屢見

謙謙州至元二年即古烏孫國見賈塔刺渾傳

欠州六年十年九年

匣答

合答十一年哈答十三年

合懶三年

合蘭地理志二遼陽省

合刺章十年即烏蠻見兀良合台傳

哈刺章十七年後屢見阿刺章二十年哈刺張小雲石脫忽憐傳

鴨赤赤科

本證四十九 證名十三

四 會稽徐氏重築

押赤城兀良合台傳

茶罕章即白蠻見兀良合台傳

察罕章二十一年二十五年

于闐十一年

幹端同上紀前後文及傳志亦屢見

鴉兒看

押兒牽曷思麥里傳

合失合兒

可失哈兒曷思麥里傳

合馬里

2774 93.5

合迷里二十三年
後屢見
合迷裏五年
合木里六年

特摩道十二年

特磨道十四年

山丹十三年

刪丹地理志三云
刪訛爲山

蘿蔔甸

羅必丹二十一年
羅北甸二十
蘿槃甸賽典赤贈思丁傳
地理志四元江路

羅必甸步魯合答耶
律禿花傳

羅羅斯十四年

羅羅思履
魯魯斯兀良合
台傳

本證四十九 證名十三 五 會稽徐氏重栞

阿力麻里十四年

阿里麻里十九年
按野里麻里二十年
竺彌傳

禿老蠻十五年

土老蠻二十一年
禿刺蠻兀良合
台傳

納隣驛

納隣二十七年
兵志四伯顏傳

散毛十六年

散貓塔海帖木兒
石抹狗狗傳

貴渠

滾渠地理志四
麗江路

亦乞不辭

亦奚不辭十七年
後屢見
亦奚卜辭兵志三
至元十七年十九
年有也可不辭亦見昔里鈐

部傳後愛魯
傳疑卽此地

察罕腦兒十七年
亦稱白
海見王思廉傳

茶罕腦兒二十年

馬入兒亦稱
馬入

麻入兒成宗
紀首

蘇木都速十九年

速木都刺二十年
蘇木都刺二十三年
迦魯納答思傳
速木答刺成宗
紀首

南巫里二十年

南無力二十年

五條河二十年

五道河順帝至
正八年

合刺禾州二十年

合刺和州二十年
哈刺火州文宗至順元年
耶律希亮傳
哈刺霍州阿木

合思罕二十年

合思合三十年
哈思罕文宗至順元年
官志四兵志三

撒兒都魯二十年

撒兒都魯鐵哥
撒里禿魯洪萬
傳

大利幹魯禿

本證四十九 證名十三 六 會稽徐氏重栞

失刺韓耳朶 洪萬傳 紀大字誤

折連怯兒 二十六年

者連怯耶兒 仁宗延祐五年 速怯那兒 百官志二 兵志 速當作連 折連怯呆

兒 兵志 三

木鄰

木憐 仁宗延祐六年 後屢見 木倫 泰定帝 末隣 兵志四 伯顏傳

新合刺的音 二十八年

信合納帖音 二十九年 三十年

合里賓 三十年

哈里賓 英宗至治二年

本證四十九 證名十三 七 會稽徐氏重采

邦崖

邦牙 順帝至元四年

成宗紀

梭釐 元貞元年

唆尼 百官志 七年

徹里 二年 亦稱大徹里 小徹里

闍里 仁宗延祐六年 車里 泰定帝紀 亦稱 大車里 小車里 車厘 步魯合 答傳

蒙樣

蒙陽 大德元年

朶思麻 大德元年

脫思麻 見脫思馬 百官志七

鐵里干

帖列干 泰定帝 元年 帖里干 文宗至順三年 地志 和寧路注 鐵烈干 兵志 帖

列堅 伯顏傳 順帝至元六年 怯烈干 疑即此地

平珠 二年

平殊 地理志 六

忙部 八年

茫部 屢見 芒部 劉國傑傳

武宗紀

迭怯里古

本證四十九 證名十三 八 會稽徐氏重采

鐵堅古山 牀兀兒傳 傳有關客 亦疑即紀之闕別列 帖堅古 囊加 互傳

合刺合塔

哈刺答 忽憐 伯顏傳 哈刺塔 伯顏傳

旺兀察都 至大元年

汪火察禿 泰定帝 三年 王忽察都 明宗紀

乖西帶 二年 稱乖西府 仁宗皇慶

乖西鵬 文宗至順元年

容米洞

容美洞 順帝至正十年

仁宗紀

277.4 93.5

愛俄延祐六年

阿俄英宗紀首

英宗紀

撒思加元至治元年

撒思脫脫 撒思嘉太平傳

刺禿三年

海刺禿泰定帝元年 海海刺禿順帝至正六年入年

泰定帝紀

奔不兒亦思二年

奔不兒亦思剛百官志三宣政院

本證四十九 證名十三 九 會稽徐氏重栞

朶刺寨

禿刺三年

謀粘路

木帖三年帖當作粘

文宗紀

阿滿至順元年

阿陋同上

易良州二年

益良州地理志四

地理志六

盧番湖廣省

蘆番百官志七

百官志三

禮店文州宣政院紀傳亦屢見

李店文州百官志七

常陽

當陽同上

帖城阿不籠

帖城阿里洋脫同上

刺馬兒剛

本證四十九 證名十三 十 會稽徐氏重栞

刺馬剛同上

奔不

倂不思同上

納里速古魯孫

納里速古兒孫同志世祖至元二十九年亦作兒

兵志三

阿刺忽馬乞馬政

阿刺忽馬兒同志

哈刺木連

哈刺木連同志

特辭禪傳

龜刺兒河

貴烈河土土貴列兒河伯帖木貴列河洪萬

速不台傳

蟾河

稽河巴而木阿而

寬定吉思海

寬田吉思海同傳又昔里鈴部傳

巴而木阿而忒的斤傳

罕勉力

本證四十九 證名十三 十一 會稽徐氏重葺

哈密力同傳

土土哈傳

玉里伯里

玉耳別里和尙玉里伯牙兵志白野泰不華傳

欠河

謙河地理

伯帖木兒傳

海刺兒河

哈刺河洪萬

扎刺馬禿河

札刺麻禿洪萬

夢哥山

蒙可山洪萬王

帖麥哈必兒哈

貼滿哈洪萬

帖里揭

貼列可洪萬

杭忽思傳

押里

牙里伴阿答赤傳疑卽

本證四十九 證名十三 十二 會稽徐氏重葺

愛辭傳

弗林

拂林同

洪萬傳

禪春

纏春王

元史本證四十九

光緒十五年徐氏鑄學齋重刊

上虞王士濟校

官

蕭山汪輝祖 男繼培補

國語之官字亦無定然紀傳中人名火兒赤火你赤者往往互書而名官則別爲二見兵志二是亦難盡以聲求之矣故錄其可知而闕所疑焉

世祖紀

貴由赤至元二十二年

貴赤食貨志三目亦有貴赤色

順帝紀

本證五十 證名十四

一 會稽徐氏重棗

朶憐赤至正十四年

篤憐赤十六年

百官志

札魯忽赤志三以下諸名紀亦屢見以事詳於志故以志爲次

札魯花赤憲宗四年 札魯火赤屢見

阿塔赤志六尙乘寺

阿荅赤屢見

脫脫禾孫志七

脫脫和孫屢見 脫脫火孫明安傳

兵志

怯辭互志二

怯辭丹屢見 怯辭帶屢見 怯辭合泰定帝元年 怯辭斛高麗傳

火兒赤

火而赤阿剌罕傳

昔寶赤

昔博赤屢見

博爾赤

博而赤成宗元貞元 博兒赤祭祀志六 寶兒赤塔海昔兒吉思伯荅沙失里伯

小雲石脫 忽憐傳

關端赤

本證五十 證名十四

二 會稽徐氏重棗

闊象赤至元二十九年

入刺哈赤

入刺合赤屢見

答刺赤文宗至順元年作荅刺斥蓋誤

合刺赤 哈刺赤並屢見

速古兒赤

速古而赤成宗紀

霸都魯 拔突

拔都 拔都兒 拔都魯 霸都 入都兒 入都魯案

分霸都魯拔突爲二然紀傳言拔突軍及賜號拔都兒者往往互書是亦無甚區別也

氏族

傳言某氏而紀稱某部某軍乃部而族者故併錄之止稱某部而未見稱氏或部而不族也皆附錄於後

蒙古

宏吉刺禪傳

宏吉利太祖紀首宏吉烈武宗至大三年宏吉烈見宏吉列成宗大德六年

有宏吉列紀首宏吉烈成宗紀首宏吉烈文宗天曆二年

帶燕里干李蘭宏吉烈成宗紀首宏吉烈文宗天曆二年

尼雍吉烈李蘭宏吉烈成宗紀首宏吉烈文宗天曆二年

亦乞列思李禿

本證五十 證名十四 三 會稽徐氏重榮

亦乞刺思太祖紀首亦乞烈思木華黎傳亦其烈思博羅歡傳亦乞里帶

世祖至元亦乞烈見各紀及亦怯烈后妃表亦啟烈英

亦見至治元年莊靜慈聖皇后傳

札刺兒木華黎傳

札刺兒台木華黎五世孫脫脫札刺兒憲宗札刺

爾祭志札刺台拜延入都魯札刺崔或

阿兒刺木華黎傳

阿而刺成宗大德三年

兀魯兀台木華黎傳

兀魯兀同傳兀魯同傳兀魯吾世祖至元七年兀魯兀至元

五年吾魯兀兀魯兀敦成宗大德三年兀魯兀兀魯帶宗

珊竹吾也

散木台純只海傳珊竹帶紐璘

兀良合速不

兀良罕雪不台傳兀良速不台孫

忙兀畏答

忙兀畏答忙兀地理志五桂陽州為蒙古解忽都虎郡王分地即

入憐伯顏

把憐太祖紀首本證五十 證名十四 四 會稽徐氏重榮

遜都思阿塔

遜篤思牙忽

燕只吉台徹里

燕赤吉台英宗紀至治三年燕赤燕只吉解別兒怯

蔑里吉關又

蔑里乞太祖紀土蔑里期博爾滅里及統四年滅兒乞牙

都滅里吉速不

怯烈也先不

怯烈台鎮海達禮

怯烈亦哈散怯烈亦帶成宗大德五年

脫

乃蠻台和尙傳

乃蠻帶武宗紀乃馬真太宗紀乃蠻真寧宗紀皇后月里麻思傳乃馬氏疑亦

色目

哈刺魯屢見者俱不注某傳

罕祿魯順帝紀帝母罕祿魯氏先世阿兒斯蘭即太祖六年哈刺魯部主阿昔蘭罕

欽察

欽義地理志六

伯牙吾台欽察注見和尙泰不花傳

本證五十 證名十四 五 會稽徐氏重采

伯牙吾順帝至元年伯岳吾成宗大德三年皇后伯要真成宗皇后武宗紀作伯要真氏后妃表傳並同

唐兀

唐古世祖至元十二年有唐古忙兀兒唐古帖木兒蓋即唐兀氏

烏密唐兀見

於彌李恒吾密卜顏鐵木兒傳

也蒲唐兀見也

野蒲甘卜子昂耶卜余關傳

阿速

阿速帶世祖至元二十年仁宗延祐二年作阿宿疑誤

康里

康禮兵志

畏兀兒

畏吾而成宗紀畏吾兒 畏兀 畏吾並屢見

乃蠻

乃滿地理志六吉利吉思注郭寶玉傳

合魯

哈魯哈刺解傳

阿魯溫

木兒傳阿兒渾見

本證五十 證名十四 六 會稽徐氏重采

雍古

瓮古世祖至元二十八年

漢人

耶律契丹

曳刺食貨志三元圖撒罕里耶律移刺劉秉忠傳移刺中丞即楚材

述律

石抹阿辛傳阿辛五世孫石抹宜孫傳

迪烈

高麗見朴賽因不花傳

附錄

蕭良合

塔塔兒太祖紀

塔塔召烈台抄兀兒傳忙兀台傳蒙古達達兒氏旦

傳只兒傳蒙古塔塔帶氏帖木兒不花塔海帖木兒

泰赤烏太祖紀

太赤兀里博爾太赤温忽林

散只兀太祖紀

散只兒召烈台抄兀兒傳

朶魯班太祖紀

禿魯班同紀

斡羅思

本證五十 證名十四 七 會稽徐氏重栞

斡羅斯兵志三昔兀魯思兀良台台傳兀羅思脫

闊里吉思傳

撒里速不台傳

馭里雪不台傳

赤閔同上

赤憫雪不台傳

馬札兒同上

馬劄雪不台傳

襍錄

命物之名況謂之名雖於制度無關亦聊以廣異聞焉故

因其不同錄之

按太祖紀華言交物之友

按達畏塔兒傳

蒼失蠻世祖紀中統三年放異云回回修行者

達失蠻至元蒼赤蠻二十九年

靚思哥兒釋老傳

朶思哥兒順帝至正十四年

脫卜赤顏文宗至順二年書名

脫不赤顏三年脫必赤顏察罕

質孫輿服志一漢言一色服

本證五十 證名十四 九 會稽徐氏重栞

只孫履直孫劉黑馬傳

納石失輿服志一金錦

納失失祭志六亦見紀

乞列思太祖紀華言禁外繫馬所

乞烈思太宗六年

塔刺不花祭志三其狀如雅

塔刺不歡伯顏

元史本證五十

光緒十五年徐氏鑄學齋重刊

上虞王士濟校

汪龍莊行狀 蕭山王宗炎撰

曾祖考必正曾祖妣沈氏

祖考之翰 馳贈文林郎湖南寧遠縣知縣祖妣沈氏

馳贈孺人

考楷河南衛輝府淇縣典史 敕贈文林郎湖南寧遠縣

知縣 晉贈奉直大夫妣方氏繼妣王氏生妣徐氏並

敕贈孺人 晉贈宜人

君姓汪氏諱輝祖字煥曾號龍莊晚號歸廬系出唐越國公

華先世自鄞遷蕭山大義里十七傳至君祖贈文林君以行

誼見推於族君考贈奉直君廉信慈篤友于兄弟官河南淇

本證末

一 會稽徐氏重棊

縣典史盡於其職去而民思之娶方宜人無子遺徐宜人生

君方粹繼王宜人有賢行君生十一年而孤遭家難幾毀室

矣王與徐守奇窮撫君且教之世所稱汪氏兩節母者也君

在傅弗勤克自表見年十七補博士弟子員以貧故依婦翁

金山官署常州知府海陽胡公文伯見其文而器之延主書

記察君有才略欲以總密成就君與議論折難甚苦君感其

意益練吏事學刑名家言前後佐元和長洲無錫仁和錢塘

海寧秀水嘉善平湖烏程歸安龍游慈溪諸州縣治所至嚴

憚倚重君識開敏能決大疑險健爭構鈎釵析亂殺眩曲直

一覽得要領勿問株蔓吏不得緣為姦治爰書不設成見平

情靜慮易地而身處侔境揣形反覆求開予以可生之路乍

浦同知中督撫言獲海盜四十餘人籍治辭服當付獄符下

平湖君覆審其辭惟林好嘗略人財餘十六人竊魚及網皆

繫治而縱遣其連逮者會總督上同知獲盜狀

命江蘇浙江巡撫會讞檄囚至杭州屢鞠未定君謁知府為

別白言知府曰他不具論十五人合劫沈△三舟黃盤外洋

非盜而何君曰河湖之岸東西相距數十丈連檣東岸者風

斷其纜漂而之西岸必不能比次如泊東岸時黃盤外洋之

於河湖千萬矣沈△三舟同漁同漂同泊不失尺寸盜同時

乘之遠於事情或憎盜者甚其辭未可信知府以君言重詰

本證末

二 會稽徐氏重棊

沈△則三舟遇風不相顧十五人者異地而各竊遂如議坐

林好狡餘以次第減疏入得

俞旨孝豐行舟於平湖遇劫獲盛大等八人并所獲布被具

獄君語知縣覆訊立屏間聽之囚同聲輸供若素習次日故

增減別訊則參錯無一合且有呼枉者君命吏假質庫布被

二十具中雜所獲被私記別之孝豐民不能辯也遂脫囚踰

年而獲真盜其所平反類如此治獄二十六年論辟者六人

而已君講習律令剖條發蘊尋繹究竟輕重之間不爽銖黍

及其援據比傅惟變所通不為典要律之所窮通以經術無

錫浦經與兒子僮養未婚妻私案律當擬充軍君引婦未廟

見而死歸葬女氏之黨以減其罪長洲周氏婦張早寡有子繼郎將授室而殤張爲立後族人欲後其父君引爲殤後者服以其服以定其繼秀水陶惠先以大宗獨子爲叔父後生子五人其長者先死無子例得後次子之子璋璋叔世佩乘惠先死僞爲遺命令璋父歸嗣所生祖龔己子得嗣伯兄君引殤與無後者耐食於祖以杜謀平湖及球闕總服叔鳳于死思攘其資自言當爲後君引已孤無所受命不爲人後以折其爭初若矜己立異切瑳究之然後知其析義精而審情當也人謂君得法外意君曰吾安敢弄法惟於立法本意不敢不詳盡耳君歷處繁劇力餘於事又自策之以勤久困

本證末

三 會稽徐氏重榮

場屋志不少挫晨起界素紙習書數百字畢次第判案量事繁簡道里遠近錄要以授主者日跌竣事則挾策誦經書及制舉業中程然後就寢以爲常學益進文日益有名乾隆戊子舉於鄉年已三十有九又七年己未成進士需次十年謁選得湖南永州府寧遠縣知縣寧遠雜俗喬野鄙儻積逋而囂訟前令以被訐去攝者政姑息民益乘閒爲挾持地歲頻歉穀貴流勾載道強索詈毆勢洶洶然君下車卽掩捕其尤者老猴而盡毆餘黨出諸境民歡言新官能去害矣時奏銷期迫君用書告民謂令與民體一而分殊令分勤職民分奉公令與民約月有三旬旬有十日七日聽訟二日校賦一

日治文書官不敢廢事民亦不當忼課勉完正賦可免追呼則減一校賦之日卽增一聽訟之日令未遑撫字先急催課殊自愧也民讀之大慚悔相與言撫字何等語生平耳目所未聞見何敢負好官頑抗自外未而月而輸賦足額君知民可以理論乃延見紳耆詢問疾苦四鄉壤地廣陝肥瘠俗美惡人情良莠而籍記之邑在萬山中道險遠多爭界之訟無賴指道矧獨不遂則聞於官與吏胥比而取錢厭其欲然後具狀請無諛官憚行輒聽之殷而愿者以爲厲君受辭卽訊訊畢卽簡從行窮崖峻嶺未嘗回阻宿不擇地餐不擇膳姦窮僞得立正其罰訟寢息矣君尤善色聽匿情之獄鈎距

本證末

四 會稽徐氏重榮

得之縣民匡誠養陳氏子學義其後自生子學禮而命學義歸宗學禮娶於李生勝時病且死屬學義佐理治家甚賴其力增田以百畝計學義他出有贖質田者李呼勝時持契來契皆書學義李氏合買字詢學義遂大言已出半資亦半收租入李歷訴於官學義持田契租籍爲諭無以折也君陽爲不直李氏者而獎學義善經理絮絮語及生業學義言誠子田八畝學禮復子田五畝家有一妻三女二子其長者始能耕君曰若足以畜妻子乎曰度日良苦君曰然則契籍盡若僞爲也不然安得錢同李氏買如許田學義出不意叩頭服悉以田還李氏零陵民蔣甲訴謝氏婦劉乞養其子今當還

引劉備婦董為證訟不決區君訊劉言實夫遺腹有侍產鄰
媪及產後治乳癰醫可質也君戒弗濞遽託故詣其居問媪
及醫語符合窮治則劉夫兄子純利其產昭蔣及董所為分
別罪之不終日而折獄人藉藉頌君摘發隱伏若神明焉願
君治實能感神縣民劉開揚與成大鵬爭山不勝乘弟開祿
病垂斃負以登山使子聞喜繫殺之控大鵬毆斃大鵬訴言
爭山有之無相毆事君察開揚詞強而色屢變心疑焉禱於
城隍神而籥之夜將半有醉人譁於門闐然入則聞喜也君
引辟開揚而研詰聞喜得其情問何以來則言將窺廣西飲
酒與妻訣問款扉呼者曰速去縣役且至啟扉出有導之行

本證末

五

會稽徐氏重榮

願且黑至縣門攤人是以譁也君因是益竦懼事無鉅細若
有臨監哀矜明慎而不用刑小爭訟一朝之忿委曲譬諭立
解散弗留滯其庭獻聽兩辭竟問堂下觀者聞△△辭乎曰
聞今若為讞允乎曰允矣然後判即謂予杖呼罪人前若△
事于△律不可恕若受父母膚體奈何行不肖虧辱父母再
三語罪人泣君亦泣或對簿者反為謝得保任去卒改行為
善君猶歉然謂吾特以術銛民幸億中不能興教化美風俗
不足稱百里寄乃令民廣生計多種梁粟收麥毋濞水毋燒
山教之為竈以爨毋懸釜造醬若醢無食鹽苦誠婚禮之浮
費而民知儉禁封喪之酒肴而民知哀嚴勸嫁媼之罰而民

知節明處女可為繼室而民知娶再醮之恥沿習樸陋翁然
丕變親睦安樂各事其事歲以大稔則勸其買補常平倉穀
修城垣繕壇廟聽民自為而總其成捐俸入建節孝祠落成
之日迎貞婦粟主為文祭之正月之吉行鄉飲酒禮於堂三
揖百拜歌鹿鳴之章觀者如堵牆重新崇正書院季課生徒
躬自校閱定其甲乙講解指示大比之日設賓興宴資而送
之士連歲舉於鄉益厲學矣民德君甚入城市必躋堂叩謁
溫語撫慰人人各得其意檄兼新田縣事治如益遠政聲大
播他邑有訟聞移君籥治則喜往往有赴訴者君益發舒為
民任事益遠例食淮鹽而鄰境藍山臨武諸縣則食粵鹽淮

本證末

六

會稽徐氏重榮

鹽值昂粵鹽入而當一民皆食粵私淮引邑滯督撫遣營弁
微服偵緝人情惶擾君為帖以白其略曰自零陵至縣境皆
溯流逆上谿水稍涸不通舟楫淮南所不能至乾隆初史總督
奏准淮鹽不能接濟許其兼食粵鹽數在十斤以內聽民零
星買食寬免緝捕迄今五十餘年民閒雜食粵鹽斤值制錢
二十二三上年禁鹽之後斤錢三十有六入冬以來斤五十
錢今則稍察更密鹽不入境販夫居奇數日以來聞有員弁
易裝訪查人懷疑懼零鹽亦不復列買甚者以鹽入水計杯
酬他深恐不成政體伏思益遠每年額銷淮鹽一千三百一
十四引歷無水程至縣亦無銷引報文是淮鹽僅繫空名而

粵鹽久資實用况鄰境接壤皆食粵鹽賈賤徑便小民乘閒
攜帶勢難盡禁請循榔桂二屬例改准引爲粵引庶課不虧
而事有濟久之未報君張示諭民零鹽不及十斤民得賣販
官不收捕偵弁之受遣者揭告總兵謂君有意縱私言之總
督君復以揭辯日營弁與公奉法雖均處境稍異營弁止守
功令公則當綏靖地方盜遠僻處山陬戶口十有餘萬如粵
私盡禁准鹽不至民有食淡之虞故由藍山臨武兩邑入境
可通粵私者其路有四公已禁其三姑留其一以濟食用以
待准鹽張示諭民勢非得已揭上總督鎮洋畢公沅大嘉賞
立弛零鹽之禁徹所遣偵弁去時偉其議稱莽知縣焉君疾

本證末

七

會稽徐氏重榮

惡嚴榜訟師姓名里居於通衢大書其下曰既往不咎再犯
必懲有詭名投牒嘗試者輒辯詰得之不少假貸又力行保
甲法集三十六里地保人予一冊俾書其里之郵莊疆界田
山塘堰橋梁道路屋宅之數丁中黃小之籍籍其土著流寓
而糾其惰游無恒業者姦宄無所寄迹多不利君侍郎傅森
公以祭告舜陵至君謁見次問治縣何先對曰去莠民之害
百姓者傅森公曰然亦知若曹齟齬君乎吾初入境輿中得
席君匿名狀徐察君治行與狀大違異乃知仇者之傾陷君
今以辭畀君自治之可也君諾敬謝後廉得主名不窮治意
不能無少戒桂陽州陽山尼菴被焚奉檄履勘盛夏冒炎陽

蹊徑危險劣可容步下視深不測跼跼欲顛隊君心揣焉乞
休之計決矣未幾而有桂陽縣何劉氏之獄大吏令君往檢
會君移署道州甫逾月叢脞紛委未竟端緒行稍稽而江華
請代論者至先往應之大雨雪就輿失足傷移疾自劾免時
已疏調君善化太吏疑君詭疾有所避請奏治得
旨查訊竟坐奪職歸途出盜遠民空邑走送境上以所產蕙
改爲餽老幼跪泣擁輿不得行有從至長沙者初君將之官
便道過家語其友曰吾本無宦情此行得
恩命及親卽當引退志先定矣君以丁未四月上官辛亥二
月去職壬子四月歸里在官不及四年遇

本證末

八

會稽徐氏重榮

尊恩贈君祖若考如君官至是君長子舉人繼坊引例贈秩
爲君請
封得階奉直大夫
贈君考亦如之成君志也君故居該樓二楹湫隘不可容
買宅城南之蘇潭始奠居焉五男四女婚嫁粗畢病良已以
歲時爲酒食召平時姻戚宗族交游飲饌宴笑極歡洽不問
外事明年縣西江塘告險山陰會稽蕭山三縣民輸資修築
蕭山得塘利田二十三萬畝畝捐錢百有五奏開
允行覆定工賈矣今協辦大學士覺羅長麟公實爲巡撫遣
官走蕭山勸君董事君辭不獲乃集邑人士爲議減買增工

擇其才者分任之會計綜覈局治其要率作興事工受其成
視工者賦丈而役徒司局者按成而予買長麟公擢督兩廣
繼之者覺羅吉慶公亦雅重君所請輒報可初定條塊石工
一百七十八丈需錢二萬八千九百緡用君議增工至二百
二十餘丈者錢六千三百八十七緡器用舟輿薪水之費咸
取給焉買不虛糜工得堅實民大和會奏告成事礮石於塘
君一渡江謁謝吉慶公歸而閉門下鍵蓄書數萬卷手自讎
校以撰述課子孫自娛長吏造門謝不敢見邑有大事露版
侃侃言中朝貴人竟歲不通一刺韓城王文端公君舉會試
時總裁也知君最深時致書問密有所咨詢君剴切陳告無

本證末

九 會稽徐氏重榮

諱飾尤多述邑中利病收租之宜減則南沙之宜改隸皆察
牘及之其後阮撫部奏定減收租則蔣撫部奏請南沙改隸蕭山皆如君言乙卯冬得末疾不
良於行丙辰嘉慶改元

詔舉孝廉方正邑人以君應力辭不赴病侵劇良醫治之小
愈輒強起自爲終制端坐俟命如是者十年及見其第四子
繼培成進士爲吏部郎官長孫世鐘入縣庠又二年而終嘉
慶丁卯三月二十四日也距君之生雍正庚戌十二月十四
日春秋七十有八君剛毅自遂勇於赴義意所不可不爲威
惕不爲利疚少尙志節老而彌厲在金山時婦翁薦之揚州
催買歲可得百六十金君以其倨謝不行而就胡公聘歲二

十四金耳君曰金不及什二禮固當勝之初任靈遠巡撫卽
傲君至省治事將拂拭用君君辭曰令職親民不久居不能
得民隱也何劉氏之獄死者四人縣以虎傷上君微聞衣皆
完好屍無虎齒痕或云死由於奸疑不能明甯失官不冒稍
委蛇其閒旣罷免大府將延之節署吉公之撫浙招君者三
君皆固辭或問之君曰州縣體鈞敵合則留不合則去耳若
勢分懸絕不得不稍委曲不能徑行其志故不就也君一介
不苟取而不以守潔自矜衛有延譽及之者君艷然曰爲淑
女憲修而稱其不淫可乎歸自湖南出所餘俸金買田供祭
笑語諸子吾憎人謂廉自佐幕以至今日一切食用無非取

本證末

十 會稽徐氏重榮

於人者焉可誣也然所得止此不能爲若曹計矣居數年家
日艱諸子析爨或不給餽粥清畏人知是難能也君坦白無
城府爲人謀必盡其誠面折人過能改卽止善美進人一長
一藝譽之若已有持論挺特不可屈滅而從善如轉圜人咸
畏而愛之君自云所學在宋儒喫緊爲人一語故其治身汲
汲孳孳不予以暇君幼逮事父奉母篤孝依人以爲養必於
近地便省親修脯悉持獻母無私財在母所不命之退不敢
退所與爲友必有品必有學必以告衣食粗給卽具狀請表
兩節母行建坊里門費不足稱貸成之徐宜人疾病君自秀
水兼程歸抵西興不得船徒步疾趨數十里比卒毀瘠過禮

饋翼必親執第進士在京師聞王宜人訃見星而奔居喪送葬哭皆極哀觀者不疑君非腹出子也手誤父母行狀乞言天下能文章者以歿身爲期纏綿悱惻讀者感動咸極思慮以應其求凡傳誌銘誄賦詩數千百篇彙爲雙節堂贈言集錄二十六卷續集二十二卷最後得而未刻者十四卷遺命繼坊等梓而傳之踐歿身之言也君之乞言自達官貴人下至窮巷布衣無論識與不識拜跪陳請展轉郵寄不遠千里箋簡尺牘酬答往復一生精力畢萃於此所得詩文多謨人手書擇其致佳者命工刻石分爲十卷於宅後築謨美堂以度之嘉慶己未秋颶風大作雙節坊圯君自傷工不堅緻爲

本證末

十一 會稽徐氏重萊

再不食其冬重建於西興官道旁崇闕峨峨加偉麗焉君十五六時力不能延師嘗夜讀兩節母績而課之秋風破戶一燈熒然每憶其景悲來填膺繪夜績課兒圖屬同志者題詠以寫其懷旣篤老述父母遺事涕泗被而孺慕孳至天性過人而其大者在於守身君自以少遭閔凶踴跋困屣中更疾病屢頻於危高祖以下死喪離析無一存者單遺孤子所繫甚重稍不檢飭恐致隕越懷刑慎獨慄於屋漏入幕服官小心抑畏若負芒刺以微罪行不見愠色日今而後可奉身全歸矣耄耋之年稱道不勞起居飲食動必中禮嘗言此身一日不死則事親之義一日未盡其諸所稱孝子不匱者歟君

受制義法於昌邑孫先生爾周終身師之鄉舉後集錄有明以來禮部試第一人之文手鈔口誦熟精神理句課三藝歸安孫編修辰東同邑來戶部起峻爲之點定清醕粹美具有體要其教後學則謂文以時名當審宜稱勿貌襲高古經指授者多得雋以去幼時奉直君授以陳檢討四六習之遂工駢體文字有龍莊四六彙二卷中年與錢塘潘御史庭筠餘姚張助教義年會稽陶州同廷珍酬唱爲詩詞及交餘姚邵學士晉涵瑞金羅舉人有高新城魯知縣仕驥相錯厲爲古文詩興象深至不屑雕繪詞則緣情綺靡古文質而有法所選集有駢體鈔存入卷詞律選鈔二卷所自著有紀年草六

本證末

十二 會稽徐氏重萊

卷獨吟艸一卷題衫集三卷辛辛艸四卷岫雲初筆二卷楚中雜詠四卷歸廬晚稟六卷論愁符詞艸二卷謙言不能成家不肯付寫官也君選於史尤留意名姓之學謂古者書記姓名而已後世春秋家有王侯大夫諸譜班氏古今人表蓋其遺意而後遂失傳也乃以姓統名爲史姓韻編六十四卷讀新舊唐書以梁元帝余寅書例錄姓名之同者以辯其異次及新舊五代宋遼金元明諸史爲九史同姓名略七十二卷歸里以後復通校全史彙爲二十四史同姓名錄一百六十卷仿楊慎希姓錄單隆周希姓補爲二十四史希姓錄四卷遼金元三史人名之取國語者不盡繫姓別爲三史同名

錄四十卷元史之成最爲艸略紀傳志表參錄跋誤援彼證此爲元史本證五十卷元史脫誤難讀以自本校明南北監本爲元史正字八卷讀史有得錄於簡端爲讀史掌錄十二卷應場屋所業爲策拾十卷乾隆丁丑在江南記

南巡時所集大小船名若式爲舟見錄一卷家牒浩穰檢記爲難節錄近屬增以行略爲汪氏追遠錄八卷推兩母之志編訪同郡入縣婦女貞孝節烈力不能請

旌者錄冊上學使者扁表其門行冊於縣以裨志表爲越女表微錄六卷續錄一卷答甥孫繼蕃問習幕之道爲佐治藥言一卷續佐治藥言一卷官宦遠時病俗未醕美思戶知家

本證末

十三

會稽徐氏重栞

論隨事興革爲善俗書一卷裘窮接以示風教爲春陵表貞錄一卷戊申己酉兩爲湖南鄉試同考官記闡中瑣事爲藍豪隨筆一卷載筆一卷居長沙一年有問政者爲學治胎說二卷答慎威熙問爲續說一卷答徐秉鈞問爲說贊一卷追述先世嘉言善行生平師友及立身行己之要示子孫爲庸訓六卷雜記聞見問涉攷證爲過眼雜錄二卷論穀燕談四卷病間感異夢記生平行事以自質爲病榻夢痕錄二卷其後續有所記爲錄餘一卷君讀書貴通大義不好章句瑣碎所撰著金玉布粟藥石也實有濟於用其道易知其迹易由其事盡人能之其業終身莫能竟惟君則皆身所履心所得

也古者學以成德仕以行義後世經述事功跋而爲二而學與仕違文章道德跋而爲二而學與行又展求其兼長必至互紕君事親爲孝子佐治爲名幕入官爲良吏里居爲鄉先生教子孫爲賢父師可謂有德有言學優而仕者已君初娶王氏

贈宜人繼娶曹氏

封宜人側室楊氏例

封孺人子繼坊乾隆丙午科舉人就職直隸州州同今改名光詒繼坊福建長泰縣典史繼埠議敘候選從九品繼培嘉慶乙丑科進士吏部文選司額外主事繼壕國子監生孫八

本證末

十四

會稽徐氏重栞

人長世鐘縣學附生世銘世鈺世銓世鈺世錫世銜世鉉俱幼女四人孫女九人宗炎始冠而識君君年長過倍折行輩與交三十餘年資其直諫多聞規誨補救以自淑也及君徙居衡宇相望無日不相往來通書而讀易子而教心術之微行事之詳有他人所不及知者君作夢痕錄宗炎實發其端謂不及今記載後世誰相知傳君行事比書之成艾校商榷咸與斯役疾旣革握手訣別以增身州棺儀事屬宗炎助正蓋君交最慎心知不過數人老而零落殆盡惟宗炎終始之所媿文筆允弱不能發揮德業明著之後承繼坊等請謹條舉件繫略陳梗概以備當世大人先生采擇之萬一

循吏汪君傳 儀徵阮元撰

君姓汪氏諱輝祖字煥曾號龍莊晚號歸廬浙江蕭山人父楷官河南淇縣典史娶方氏無子側室徐生君方卒繼娶王君生十一年而孤王與徐撫且教世稱汪氏兩節母君才識開敏年十七補縣學生員練習吏事前後入諸州縣幕佐人為治疑難紛淆一覽得要領尤善治獄平情靜慮伴境揣形多所全活以其暇讀書年三十九舉於鄉又七年成進士需次謁選得湖南永州府寧遠縣知縣縣雜徭俗積逋而多訟前令被訐去攝者政姑息黠者益伺閒為挾持地流丐彊橫勢洶洶君下車即掩捕其尤而驅餘黨出境徵賦期迫君用

本證末

五 會稽徐氏重萊

書告民剴切誠至民讀之慙且感相戒無負好官不逾月而輸賦足額治事廉平尤善色聽剖條發蘊不爽輕重及其援据比傅惟義所適律之所窮通以經術所決獄辭不可殫述人藉藉頌神明而君益欣然聽辭畢輒問堂下觀者曰允乎僉曰允矣遇罪人當子杖呼之前曰若律不可道然若受父母膚體奈何行不肖虧辱之再三語罪人泣君亦泣或對簿者反代請得保全去卒改行為善退見紳耆問民疾苦四鄉廣狹肥瘠人情良莠皆籍記之然後教民多種殖知禮讓惜廉恥戒昏禮之費而民知儉禁喪禮之酒而民知哀鄙僂之俗翕然丕變歲以大稔復行鄉飲酒賓興禮祭建節孝祠行

保甲政聲大播他邑有訟聞移君鞠之則喜盜遠富食淮鹽而鄰境多食粵鹽淮鹽直數倍於粵民多食粵私大府遣營弁徵服偵捕人情惶擾君為帖白上官請改淮引為粵引久之未報君引例張示諭民零鹽不及十斤者聽偵弁謂君故縱私聞於總督君復揭辨謂縣官當綏靖地方張示諭民勢非得已揭上總督鎮洋畢公沅大嘉賞立弛零鹽之禁時偉其議稱莽知縣云官盜遠未及四年以足疾自劾免時大吏已疏調君善化疑君詭疾有所避竟坐是奪職歸民空邑走送境上老幼泣擁輿不得行君歸里值西江塘告險塘關數邑田利巡撫覺羅公長麟吉慶先後遣官勸君董其事不獲

本證末

六 會稽徐氏重萊

辭興事任工初定費錢二萬八千九百緡用君議增工倍之而省錢六千三百餘緡工用堅實君一渡江謝巡撫歸而閉戶積書數萬卷不問外事暇輒手自警校以課述課子孫嘉慶元年 詔舉孝廉方正邑人以君應君辭君少尚志節老而愈厲持論挺特不可屈撼而從善如轉圜嘗自謂生平得力在喫緊為人四字故其自持汲汲孳孳不予以暇性至孝痛父蚤沒兩母孤苦撫已成立撰父母行狀乞天下能文章者以沒身為期凡傳誌銘誄賦詩數千百篇彙為雙節堂贈言集多至六十二卷自以孤子所繫甚重故終身于守身之義凜凜自防罔敢隕越官私一介不取而不以所守自矜有

舉之者君佛然曰爲淑女蹇修而稱其不淫可乎爲文質而有法詩寄興深遠尤邃於史留意各姓之學讀書貴通大義凡所論述期實有濟於用所交多老宿以道誼文章相切劘所著書有元史本證五十卷讀史掌錄十二卷史姓韻編六十四卷九史同姓名略七十二卷二十四史同姓名錄一百六十卷二十四史希姓錄四卷遼金元三史同名錄四十卷龍莊四六彙二卷紀年草一卷獨吟草一卷題衫集三卷辛辛草四卷岫雲初筆二卷楚中雜咏四卷歸廬晚稟六卷汪氏追遠錄八卷越女表微錄七卷善俗書一卷庸訓六卷過眼雜錄二卷詒穀燕談四卷病榻夢痕錄三卷其尤著者有

本證末

十七

會稽徐氏重萊

學治臆說四卷佐治藥言二卷嘉慶十二年七十有八卒子五人長繼坊丙午舉人第四子繼培乙丑進士吏部主事論曰天下雖大州縣之積也州縣盡得孝廉者治之則永治矣余讀學治臆說佐治藥言未嘗不掩卷太息願有司之治盡若汪君也余撫浙嘗行其書於有司權撫河南復刊布之士人初領州縣持此以爲治雖愚必明雖柔必強是故學與仕合濟於實用其道易知其迹易由其事盡人能之而其業亦終身莫能竟君循吏也然孝子也廉士也嗚呼良吏之所以必舉於孝廉者觀於汪君其效不益可睹哉

皇清敕授文林郎湖南永州府寧遠縣知縣 晉封奉直大夫

夫汪君墓誌銘 陽湖洪亮吉撰

亮吉年二十餘客安徽學使者署始與餘姚邵學士晉涵訂交甫二日卽出雙節堂啟索詩曰此吾鄉汪孝子輝祖爲二節母乞言也亮吉讀竟悚然異之亦曾作一詩郵寄未識得達否也厥後四十年宦轍南北卒未得與君一面歲辛酉亮吉自伊犁放還君時已罷湖南縣令歸里又介吾里中臧文學庸乞爲雙節堂序亮吉不敢辭也越二年甲子有天台之行道出蕭山甫得訪君於里第時君已得末疾兩公子掖之出得訂交於譚美堂其類溫然其言藹然而家法修整又甲於浙右然後嘆學士不妄許人以亮吉所見又有過於學士所許者爲飯半升談竟日乃去昔唐蘇源明之言曰余不幸生薄俗所不恥者以識元紫芝耳亮吉徧交海內士大夫其不媿紫芝者唯有君耳謹按狀君諱輝祖字煥曾號龍莊晚號歸廬十九世祖大倫始由浙之鄞縣遷蕭山祖之瀚父楷原任河南淇縣典史皆以君貴贈文林郎晉贈奉直大夫嫡母方繼母王生母徐皆贈太宜人君五歲方太宜人卒十二歲贈君又亾君孤苦無所依賴王徐兩太宜人勤紡績黏楮鏹自給夜嘗達旦太宜人泣而訓之曰兒不學必不可爲人使汝父無後吾二人人生不如死於是太宜人泣君亦泣以爲常君性開敏七歲就外傳夜輒能背諷日所誦書君旣孤而

本證末

十六

會稽徐氏重萊

叔父某又以博破家疑兩太宜人有私蓄求索不遂則撻君太宜人百方貸錢應之後又從徐太宜人篡君去人有勸徙居避之者太宜人以宗祊所在堅不忍去於是往往絕食過臘恒無復衣蓋君少歲之苦家難之多有與吾母蔣太宜人攜亮吉同者讀君手錄未嘗不淚泫泫下也君能文後所歷凡數師唯同里鄭文學嘉禮上虞徐明經冕課君最嚴每作一藝必令三四易彙明經又勗之曰汝不成立則汝母無淚乾日矣蓋知君有家難也年十七補博士弟子員鄉試數報罷家計益窘遂入州縣幕掌書記漸習刑名君既善讀書又勤於其事每仿漢江都相春秋按獄之法時以禮經參會律

本證末

九 會稽徐氏重霖

條平疑獄者數十前巡撫侍郎胡公文伯協辦大學士莊公有恭尤契重之語屬吏曰事經汪君必無冤獄君藉此益得展布其所長君理刑名至三十年平反大案者無數皆詳君佐治藥言不贅君以戊子年舉于鄉越七年乙未成進士又十年而官縣令得湖南寧遠縣知縣蓋君自弱冠以後未筮仕以前皆在州縣署主刑名及入官而洞悉民隱燭照物情胥吏舞文之弊墨屎恫嚇之繇罔不剖悉入微故甫抵任民即號爲神君縣界廣西 國初兵燹後城堞久圯庫藏無所靡宇半頽君以次修舉又值歲稔集三十六里紳士殷戶以里數分段爲三十六令分任之里之產少者以產多之里助

之七閱月告成又以其暇修武廟城隍廟龍神廟馬神廟正月之吉行鄉飲酒禮四月朔出勸農七月朔行賓興禮觀者塞塗諸父老有歎息泣下者以爲數十年所未有也以士風樸陋創修崇正書院一月數課之一如家君教子弟法蓋自君修城堞後城以內始多有補博士弟子員者自君葺書院後縣始連歲有舉于鄉者君欲清吏治以爲非力行保甲法不可於是集三十六里地保人與空白簿一墨一筆一令所轄村莊注管內四至八到接壤及山多田多塘堰若干大路通某處小路通某處某土著住已屋某流寓主何人有無恒業一一注入簿內限三月繳并手諭各鄉官民本屬一體緩

本證末

三 會稽徐氏重霖

急義須相關聽訟之任責專在官完賦之任責分于民官不勤職咎有難辭民不奉公法所不恕寧遠錢糧素多退欠今舊習已更深可嘉尙今定約月三旬旬十日以七日聽訟以二日校賦以一日手辦詳稿校賦之日亦兼聽訟爾等若遵期完課則少費校賦之精力卽多留聽訟之工夫云云後傳誦至長沙大府命州縣皆仿行是君治一小縣而湖南八府七州皆隱受其福以爲非今日之循吏不可也君爲治尤嚴於訟師士棍流乞之貽害一方者訟師則有黃天桂一案天桂一名名世前縣趙君任內與人訟歷控大府已審誣矣復翻控逸不到案君以他事獲之檢得與大府吏史坤攬訟筆

據稟大府發審大府立革坤役歸縣案審辦事遂得直天桂
雖逸去然恨君刺骨適侍郎傅森以祭告舜陵道出盜遠天
桂遂誣砌各款乘夜以篋裏紙擲入輿中侍郎公道詢君治
蹟則雜然應曰湖南第一好官也侍郎大異之即以匿名呈
繭發君究辦君竅字跡則天桂所書也天桂偵知狀復由道
州竄入廣西終君任不敢返流乞則老猴夫婦一案老猴者
廣西人俗呼飛天蜈蚣妻號飛天夜叉年僅五十有拳勇佔
居縣境巖穴中十六七年黨羽六七十人分路強乞輸日供
老猴夫婦積餘貲則轉貸貧民博厚利或忤其黨則挺身行
凶人莫敢觸君訪知卽與營弁里民設法同捕伺醉掩縛之

本證末

三

會稽徐氏重萊

妻竄逸拷治盡得匪黨姓名羈老猴獄分路緝捕各各遠竄
出境不半月縣中無乞後君兼攝新田惡乞憚君名亦皆遠
去兩縣士民至今感頌之君以餘閒復能考古據漢書趙廣
漢傳鉤距法斷縣民匡學義獄據新舊唐書劉蕡傳斷縣民
李氏祖唐李邵與蕭氏爭先隴獄嘗夜聽訟聞雁聲按輿地
書遠在衡州南五百里以爲雁未始不過衡陽駁前人回
雁峯說之誤蓋君勤於官又不廢讀書如此君兩爲湖南同
考官兩署道州又兼攝新田縣事皆有惠政奏調善化縣時
君以代驗江華縣楊古晚仔命案越山險二百餘里道失足
昇回病轉劇君年已逾六十將以此乞休適有承審遲退一

案廉使遂舉以劾君大府以君良吏欲爲之地又欲引入幕
中君固辭遂以壬子年二月罷官歸里時君抱末疾已不良
於行里居十年課子及孫外寒暑听夕皆手不釋卷前後所
著有史姓韻編廿四史同姓名錄遼金元三史同名錄元史
本證越女表徵錄春陵褒貞錄佐治藥言學治臆說善俗書
雙節堂庸訓藍毫隨筆貽穀燕談病榻夢痕錄暨詩文集共
中數種及見第四子繼培成進士官選司孫世鐘補博士第
子員又一年而卒君生於雍正八年十二月十四日其卒也
以嘉慶十二年三月廿四日得年七十有八娶王氏繼娶曹
氏適楊氏子五人繼坊乾隆丙午科舉人候補直隸州州同

本證末

三

會稽徐氏重萊

繼埔福建長泰縣典史繼坊候選從九品繼培甲子乙丑聯
捷進士吏部文選司主事繼壕國子生女四人皆適士族孫
八人世鐘縣學生世銘世鈺世鈺世鈺世錫世銑世鉉孫女
九人繼坊等將以明年四月癸酉葬君於山陰黃盛陽之原
述君遺命乞亮吉爲墓道之文而錢唐梁學士同書手書上
石烏乎亮吉與君神交四十年甫獲一面卽卒若吾兩人之
交多一面不可得歎此一面又若斷斷不可者豈相知之深
反不在笑言促膝之久乎然計君一生在家爲孝子入幕爲
名流服官爲循吏歸里後復爲醇儒律身則全受全歸應物
則實心實政烏乎君亦可爲完人矣重爲之銘曰

曾閔卓魯一已難兼而有之古所罕經史學况兼劉班三唐
以降求入師薄俗乃生元紫芝一千餘年君繼之盧名歸休
再冢旁循聲乃在舜所藏九嶷三湘阻且長我臻赤城兮訪
黃髮兒傳六經兮母雙節冀君消風兮被吳越

本證末

三

會稽徐氏重栞

右元史本證五十卷蕭山江龍莊先生著存其子蘇潭先生
之說用穀梁集解例也趙松雲曰一代修史時稗乘勝說無
不蒐入史局其所棄而不取者必有難以取信之處今或反
據以駁正史之訛不免貽譏有識就正史紀傳表志中參互
勘校其有牴牾處自見是書與趙氏劄記體格不同其法一
也先生著書皆平易周至務使中人以下咸可津造是書評
史法不爲高論是正譌錯再見三見條舉件繫不用隅反類
錄之例皆斯義耳證名一科尤便學子其體類春秋名號歸
一圖而爲之較難還音異字七九未已或甲丙同名表傳午
見便生謬葛修史之初已有不能識別致一人兩傳之失者
先生以事定人以人求名臚而陳之信鴻寶已 國朝經史
之學遠邁前代阮氏 皇清經解及王氏續編足爲經義海
藪而乙部羣書無會錄者竊不自量有志焉爾是書旣鄉先
遺墨傳本尤尠先對而刻之光緒十七年七月會稽徐友蘭
識

本證跋

一

會稽徐氏重栞

二

三

四

五

上

下

六

古越角鎮署



Small vertical text on the right margin.

丙子寒日
物于口亦月

元史彌達自序

元之先愚不知其何昉也夷不立文字譜系莫紀苟聲
教弗加九譯之所不及雖有禽音鳥跡弗達於中國也
中國之人弗辨也故其系莫詳焉迺遠哉有字端父
兒亦不知其父誰某也母阿蘭一乳生三子季即字端
父兒種類滋蕃部落離析曰合答吉日散肘曰吉狎又
謂札即刺氏世居烏桓之北是謂蒙古與鬼羅乃蠻九
姓回鶻故城和林比壤九世至也速該攻塔塔兒獲其
酋鐵木真而以名其子云大抵夷貉之生放軼若羊豕
之散於坳聚居若蛇虺之偃於穴有牝牡無上下勢雄

元史彌達序

一

者推之衰耗斯去之有長少而無父子子壯軼分地屏
居稍不平父子集醜類操戈鳴鏑相鬪殺必一勝乃已
勝也父亦偃然伏膝下繫之曳之屠之藐若狐兔待尊
者且然何有於同類乎矧其異域者也乃若蒙古孕形
沙磧稟氣金行故其姿狼鷲貪殘凶淫狡賊城誅函夏
室翦蒸民奚啻萬億例視金遼禍尤烈矣夫小雅廢而
四夷交侵元氣衰則百疾皆作蠢茲胡元之興豈獨繫
人材智之雄抑以有宋中葉主閭臣奸逡巡末齡天怒
人怨華風寢微虜運轉劇無惑其然矣加之中國智能
之士甘為鷹犬齧我冠裳或帷幄紆其謨或爪牙決其

力故其行師長驅無前崩城碎邑咸若曹掖之也迨僭
平區宇雄圖已成梟心載溢幽燕嵩洛之間號稱儒傑
顧為之斧藻彌文張皇勳業必欲俾其主軼殷周而肩
堯舜何其罔也試言之后如殘虐臣下委禽妖髡宣淫
宮寢通籍於斯之時三綱淪九法斃非獨手足倒置貽
賈太傅之悲而已豈非純坤之大會歟於昭

聖代洗滌腥膻皇祖詔修元史面授儒臣毋虛美毋隱
惡而載筆綴言之彥私填胸臆公肆謾欺天語弗崇家
風盡廢語云豺狼何親不然無樂乎其侈言之也愚蚤
承先訓繼志無聞翱翔滇藩休澣多暇爰窺往史憤腥

元史彌達序

二

穢之滔天盡厄言之迂世旁稽遐紹敘次釐革其美其
刺班班著之篇牘矣嗟夫千載是非之公莫能終揜諸
臣紀載之謬奚可勝誅惟申言彌達式昭來葉云爾
嘉靖丙辰四月朔太中大夫左參政吳郡周復俊撰
此書倩廣州中山大學圖書館趙君肖甫代鈔係明
舊鈔本自序缺第一頁乃從皇明文徵中鈔出補足
之以成全璧謹查木涇公著作見四庫總目者有全
蜀藝文志六十四卷見於四庫存目者玉峯詩纂六
卷東吳名賢記二卷及涇林集八卷今詩纂名賢記
均已鈔有副本涇林集葺成一冊尚未為定本而此

書先僅見一序今方得窺全豹公於夷夏之防辨之
至嚴豈僅史部中不朽之作直民族史中一重要之
寶物也當日幸未爲不曉事者之進呈至今得畱存
於天壤間否則亦早入違禁之列與前明名賢之著
作同爲灰燼矣嗚呼得非公之精誠有以呵護之歟
己巳秋八月族姪孫雁石甫周懋謹識

元史彌遠卷上

對樹書屋

大中大夫左參政吳郡周復俊撰

宋寧宗天禧二年

蒙古鐵木真奇渥溫氏後稱爲元太祖卽其人也先是鐵木真侵泰赤烏敗之勢浸強諸部皆附繼侵西夏拔力吉里寨及落思城大掠至是年乃會諸部於斡難河而建國焉

鐵木真加兵於人之國也元史悉書伐今日侵何天下有大分華夷是也天下有大勢強弱是也春秋貴中夏賤外夷惟謹是大分耳矣初不以秦楚之強而

元史彌遠卷上

一

遽與之也鐵木真雄悍跳逐於砂磧茆葦之場其於諸國君臣之分未定也安得以君禮待之而稱伐乎故於鐵木真侵人之國也與夫諸國之侵鐵木真也皆書侵亦猶夫視羣鼠闖於穴中其勝其負一聽之而已

舊史於鐵木真必書元主而不名今名之何日子言之名不正則言不順故君子名之必可言也言之必可行也君子於其言無所苟而已矣蒙古未有天下之先吾惟知其爲蒙古而已及其正國號之後吾始知其爲元也考之於史宋度宗咸淳七年十一月元

始建國號曰元鐵木真之時固未知有所謂元也夫安得而稱之元之史臣食夷之祿甘其豢養之恩怵勢憚禍不得已而諛之固已喪其本心矣後之史臣爵祿非有繫於其朝出入非有詔於其國亦冒昧稱之無乃承諛襲舛而決萬世之大防已乎

宋寧宗天禧二年史臣大書元太祖與宋寧宗竝稱矣今皆削之何曰是書也賤夏尊夷亂名沒實蔑萬古帝王之正統紊萬世是非之公議其獲罪於名教彝典爲尤大孔子云天無二日民無二王試觀今日之域中竟是誰家之天下由寧宗而理宗度宗恭宗

元史彌遠卷上

二

端宗帝昺傳八十五年宋祚始屋雖其偏安脆脆不足以擬殷周漢唐之盛而帝王中國之正統宋實承之則天下固宋之天下也諛臣於此安得論強弱不論是非論成敗不論夷夏遽與方輿之元而抑未亡之宋乎昔人於東周之未亡遽書秦紀君子正之曰於秦則進之惟恐其不亟於周則退之惟恐其不速好惡不公是非逆置夫秦伯益之後未純於夷君子猶以其憑陵中夏而待之若是其嚴況元以鷙悍方張之虜而乃尊之寵之若是其急可乎此愚之夙夜撫膺而汲汲焉必欲正之者也

宋寧宗嘉定元年鐵木眞侵蔑里乞滅之○侵赤刺降之

嘉定二年春正月畏吾兒以其國降○五月鐵木眞侵夏靈州夏主獻美女脩好乃還

鐵木眞獯悍鷙烈仁義之風蔑聞故其滅乃蠻滅蔑里乞降畏吾兒侵夏彼初非有加於我也惟恃雄力以奪其土地係累其臣民厚自封殖而已行一不義殺一不辜夷固不可以斯道律之然惡盈忌殺上帝之心恃強吞弱聖王之所禁也觀其乘夏之喪無端構難其主銜璧降軼納女求成而後釋之則非弔伐

元史綱目卷上

三

之意矣豺狼谿壑之欲固如此耶

十二月鐵木眞侵金金人畏之禁不得言邊事○侵金桓昌撫州

嘉定三年三月西域哈兒鹿降○夏四月侵金雲中九原金人乞和鐵木眞不許○秋八月鐵木眞克金西京及桓昌撫州入居庸關至中都金人敗之始去

嘉定四年

嘉定五年春正月侵金宣平克之遂侵德興金人禦之蒙古兵大敗鐵木眞力戰金人卻盡克德興諸城堡金復守之

嘉定六年五月敗金於縉山○八月遣使如金議和請婚○冬十月蒙古兵至懷來鎮金人禦之大敗鐵木眞次古北口趨居庸關金拒之不得入乃趨紫荆關破涿易州金將乘車督戰蒙古兵大敗翌日再戰金人潰鐵木眞進圍燕京○克金涿州○侵金河北河東州郡

元史綱目卷上

四

嘉定七年正月侵金彰德○侵金懷州○二月金遣使乞和許女女金幣各有差鐵木眞許之○遣使如金受幣○蒙古木華黎侵金遼西郡縣○三月使金逆女金以東海侯女歸之○克金嵐州○夏四月金及蒙古平○置行尙書省於宣平使撒沒喝統金降眾○木華黎侵金太定金將以城降木華黎欲坑其民蕭阿先諫止之○侵霸州金史天倪降○五月金主遷都於汴

金人之事蒙古亦猶太王之事狄矣輸之金繒動以萬計奚翅皮幣已也公主下辱禮賤甚都奚翅珠玉已也郡縣瓜分聽其剗奚翅那土已也金之事大不可謂不恭矣而皆不免焉然未聞太王遷岐之後狄人猶肆其迫也金主畏敵之強遷都以避之亦既屈服矣鐵木眞乃勃焉震怒駕言款我而佳兵構怨

有進無已驚孰甚焉夫以金之噬宋無厭動必如其所欲乃今蒙古噬金每每襲其故智而凶狡爲尤甚焉此固天道報施之常而完顏氏之遺羅茶楚亦未可詫爲不幸也故明睿之士覽事興思於是益歎豺狼之不可近而溝壑之欲難平與狄爲鄰者鑒茲哉金主至良鄉虜軍反其將斫降鐵木眞遂合兵圍燕○冬十月侵金順州○十二月侵金懿州○金石天應以興中張鯨以錦州降

嘉定八年春正月金蒲察七所以其師降○夏五月蒙古兵入燕殺吏民甚眾燒宮室火三月不滅府庫餘

元史弼達卷上

五

積載之北去妃嬪皆淪辱焉○冬十月鐵木眞侵金潼關不克遂趨汴京敗之乃還○金主乞和鐵木眞欲許之撒沒喝不從

宋江東轉運副使眞德秀疏曰臣觀鞬韞之在今日無異交直方興之時一旦與吾爲鄰亦必踵交直已行之智蓋女直嘗以燕城歸我矣今獨不能還吾河南之地以觀吾之所處乎受之則享虛名而受實禍不受則彼得以陵寢爲辭仗大義以見攻女直嘗與吾通好矣今獨不能卑辭遣使以觀吾之所啟乎從之則要素無厭豈能滿其谿壑之欲不從則彼藉口

以開弊端黠虜之情必出於此不可不豫圖以應之昔五胡之亂江左粗安者以羣醜並爭莫能相一故吾得以偷旦夕之安及苻堅既滅慕容旋啟吞晉之謀元魏已併諸胡遂萌飲江之志今新虜鳴張盡有河朔楊劉羣盜人皆服從臣恐五胡角立之勢殊未爲江左苟安之計也

眞氏此疏何其料敵精慮事遠也揚芬詞林煥彩天室其鳥中之孤鳳乎以愚計之蒙古標蠶食之婪心恣狼吞之毒吻彼其蕩平漠北侵割完顏亦未聞其有何罪執言以伐之也妄啟事端自爲戎首弱肉強

元史弼達卷上

六

食直盡昨之以滿其腹而止耳何可陳說仁義殺之以文德也故有英君碩佐超然遠覽彌縫闕失思患豫防而曲爲之圖猶懼其勿免也而可責之晚宋之君臣乎尋其自渡江以來君焉保養奸回視賢如讎臣焉憑藉寵臨不知有國志既餒於鸞飛氣尤倦於鼓舞忠言碩謀之士目之以等夷籌邊制敵之謨鄙之爲失策英英斯疏不詆以爲愚則笑其爲狂矣愚意其必壅闕而不達廢格而不行也

十二月侵金大名

嘉定九年春正月克金曹州○二月侵金太原○克金

霍山諸隘○八月侵金延安坊代州○冬十月克金潼關○侵金汝州○十一月蒙古兵次於河池十二月進至陝州○侵金平陽太原及大名○木華黎克錦州殺金張致○金人敗蒙古於平陽

嘉定十年春正月侵金觀州○二月侵金忻代州○三月侵金霸州○五月克金河城○九月侵金隰沁太原中山克滋淄濱棣博沂州○十二月侵金潞州○克金密州○克金益都○侵金遂城降之○木華黎將屠蠡州趙搢乞以身贖其母兄蠡州獲免○蒙古圍夏興州夏主遵頊出奔

元史綱目卷上

七

嘉定十一年五月侵金錦州○金張柔降於蒙古○木華黎侵金河東克代隰州○木華黎克金太原及汾州○冬十月木華黎侵金絳潞澤州遂克平陽○十一月木華黎克潞州

嘉定十二年閏月蒙古張柔克金雄易安保州次於蒲城金武仙伐之敗柔遂侵中山河東北郡縣多降之此金張柔也而柔之蒙古何曰臣之於君猶婦之於夫也從一而終守厄勿貳斯臣之良婦之潔也勢有時而易消道終古而不變斯人極之所以植乾坤光日月也張柔不幸為親而屈君子固已諒其衷矣為

柔者念大節之難渝痛舊君之難背如徐元直之降曹終身不贊一言畫一計庶幾復其本心之明而子道臣道兩無歉矣乃今帥師南下舞其牙爪奮其羽翼踴躍直前拔矢以戰何為者哉故自其未降之前觀之一張柔也既降之後觀之又一張柔也昔也金今化而為蒙古矣昔也臣今化而為亂賊矣雖有戮瑀之微義何足稱哉是故系之蒙古所以誅柔也此義行而亂臣賊子懼矣蓋非直誅柔也誅後世人臣之懷二心如柔者也然則武仙非王者之師何以書伐曰伐者聲罪致討之云耳柔有罪而武仙伐之正

元史綱目卷上

八

也故與之非與武仙也與武仙亦所以誅柔也八月克金武州合河○侵金東勝州○九月鐵木真侵西域諸國

西域諸國道里綿邈山川阻架限之以蔥嶺之嶽扼之以玉關之險去中華無慮幾由旬夏后氏之荒服何以論焉然以蒙古視之殆若齊殷接壤矣夫其師行輕疾電逝鸚馳逝矣西土惟其履之固無難也然豈皆負固不服包茅不入者耶史稱鐵木真滅其國四十諒以慘矣矧其國中之蓄飢不可食寒不可襦握之可娛亡之亦靡所缺非若中華風土之艷品物

之蕃也彼且不能忘情焉犁庭掃穴草薶而禽獮之以快心於必得顧瞻江表其能不榮頤乎君子以是知宋室之弗靖也

嘉定十三年三月侵金孟州○五月侵金隩兗州○六月克金大名開州及東明長垣○木華黎克金嵐絳州遂侵河中不克○八月金將武仙以眞定降木華黎殘暴史天倪勸之兵稍戢○十一月木華黎克金濟南金將嚴實挈所部降○木華黎侵金東平○鐵木眞克幹脫羅兒○金前中都行省員外郎耶律楚材進庚午曆鐵木眞以楚材明天文征伐必使卜之

元史綱遺卷上

九

耶律楚材金尙書右丞履之子爲中都行省員外郎貞祐二年金中都陷不能死節遂降於蒙古則楚材固世食金粟者也後雖有夾輔之功不能掩其歸降之罪故書其前官以紀其實而義自見矣
十二月宋石珪以其眾叛降於蒙古○木華黎侵金東平不克

嘉定十四年五月克金東平○八月鐵木眞遣其子侵王龍傑赤也主泥沙諸城自將兵踰鐵門關侵迭里密及班勒紇皆克之遂侵塔里寒寨○冬十月木華黎侵夏夏人以師會之遂克金葭州侵綏德○十一

月侵金延安○克金潼關○宋張林以京東叛降於蒙古○十二月侵金鄜州○木華黎克金坊州遂侵隰吉

嘉定十五年六月鐵木眞克塔里寒寨屠蔑里城大掠忻都而還○木華黎克金牛心寨○秋七月木華黎侵金青龍堡遂趨關中○冬十月木華黎克金河中○十一月木華黎侵金鳳翔○鐵木眞滅回回國其主走死○鐵木眞次印度國鐵門關
鐵木眞翦雪西域還次鐵門賴角端人言師即旋軫或曰非天莫能示其象非耶律楚材莫能發其機非

元史綱遺卷上

十

鐵木眞莫能通其變善之善者也愚不其然鐵木眞鷙悍獯賊嗜殺不已既得志於中原復肆殘於西域屠城滅國史不絕書其淫黷之氣不獨汗染河岳且薰蒸太清矣當時從行侍衛之臣寂然無一人諫者豈皆怵於威耶抑坐視而莫之言耶於是天厭夷德特遣角端激其早返嗟乎諸臣固無足責也楚材親在行間習見兇蕩乃不能先角端而一言耶使角端不言楚材終不言耶愚聞楚材明天文長於卜筮其主每出征伐必使楚材筮之而後行則鐵木眞雖暴固未嘗以諸國爲盡可侵亦未嘗以侵之爲盡吉也

昔之良筮教人依於忠孝傳之以義理之言使人遷善易惡趨吉而違凶此聖人開物成務之大方而曰者得之以養生以濟蒼生者也楚材何惜於此耶或以楚材見三光躔次變動主甲兵測其國有征伐而西北諸夷當罹其災非不能言自不當言耳是又不然三光天象也角端非天象乎使楚材以西域爲當伐則以三光示之吉也胡三光以爲吉當伐而角端又以爲凶而勸其早歸耶是故楚材於此果惜焉非智知而不言非忠無能逃其一焉者也楚材號稱英傑星經算學至於今宗之君子曰此特窺測小數昔

元史彌遠卷上

二

賢所謂多言乃中者也至於天地好生之德帝王弔伐之仁則未之聞矣如其聞之胡視一人之衡行而默默若瘖耶故知楚材尊小言而闕於大道其學不足尙幸而其言之不盡行於世也

嘉定十六年三月木華黎死

木華黎何以書死凡仕夷而猾夏者皆書死非獨黎然也若黎則尤其甚焉者爾黎性剛狠果於殺戮所過必大肆殘滅而其心始慊握兵專閫垂四十年陝之東西河之南北上帝赤子無不罹其虐焉史稱其欲坑太定以蕭阿先諫而止欲屠蠡州以趙搢泣訴

而止幸而免者僅此不幸而遭其毒手者必多也律以春秋之法謂之殃民殃民者不容於堯舜之世黎之罪豈直殃民哉擬之飛廉惡來又十百矣孟子曰善戰者服上刑黎也生既逃於堯舜之刑其死也故盡削其官而死之以誅奸雄於既往黎誅而凡猾夏類黎者懼矣

夏五月蒙古初置達魯花赤監治郡縣○侵夏○大掠西蕃邊境而還

嘉定十七年閏月宋寧宗崩

元史彌遠卷二

三

宋理宗寶慶元年春正月武仙殺史天倪天倪弟天澤

逐仙仙走天澤復入眞定

仙與天倪皆北面事金乃忍心蔑紀俯伏於蒙古毳幕之下而爲之効力焉今仙殺天倪亦猶兩狼鬪於草間自相吞噬云爾故天澤之於武仙不書伐而書逐

冬十月蒙古侵夏克甘肅西涼及靈州進次鹽州川

○克金彰德○武仙復入眞定史天澤奔○蒙古遣使如高麗未至盜殺之

寶慶二年史天澤自藁城入眞定○三月蒙古圍宋李全於青州○秋七月鐵木眞入夏夏主德旺以憂悸

卒○十一月克夏中興○克金濮東平

寶慶三年三月克金順德○夏五月宋李全以青州降於蒙古○克金臨洮○六月鐵木眞滅夏夏主覲力屈始降執以歸

史稱蒙古滅夏諸將爭掠子女財帛耶律楚材獨取書數部大黃兩駝後軍士疫楚材用大黃療萬人載在方策所以章其律已之廉逮下之仁允矣其可嘉樂也愚不其然子產聽鄭國之政以其乘輿濟人於溱洧孟氏譏之曰惠而不知爲政鐵木眞侵夏非商周霖雨之師誅其君而弔其民也以弱爲肉而食之

元史弼遺卷上

三

耳乃今盛暑行師頓於堅城之下比克其城夏民穿鑿土石以避鋒鏑免者百無一二白骨繽紛蔽塞原野當是時使楚材惻怛爲心言於其主而不肅殺則其所活奚翅萬人已也書曰無違道以干百姓之譽若楚材者其煦煦爲仁者耶

秋七月鐵木眞死

鐵木眞死於六盤山夫君薨必地有故則不地茲非故也何以不書地不地者著其不得爲君也鐵木眞雖雄土地雖廣兵車雖盛亦徒跳梁躑躅於沙磧之間其醜類則君之耳夫安得而君之乎不得爲君而

可以中華之正統與之乎

蒙古自鳳翔侵宋京兆○八月蒙古李全自青州入淮安殺張林宋置不問○十二月蒙古入宋三關○蒙古張柔徙治保州○入宋西和

宋理宗紹定元年蒙古侵金大昌原金人敗之○蒙古復侵西域

紹定二年八月窩闊台嗣後追稱爲太宗

丘濬曰元太祖去年七月死至是年八月太宗始立無君者幾一年

冬十月圍金慶陽○初置倉廩置郵○初定算賦

元史弼遺卷上

四

初置倉廩置郵初定算賦曰初者明前乎此則未置未定也則置之定之其諸楚材佐以成之者與以史天澤等分鎮中原

紹定三年春正月金及蒙古戰於太原敗之慶陽圍解○二月耶律楚材請立十路課稅所

清江敖英曰元太祖欲盡殺漢人以中國爲牧馬草場賴楚材諫而止夫華夷天所限也元人逆天欲滅我華夏而夷之其一念之毒上通於天是諫也天贊之也昔劉定公觀雒安流而思禹功曰微禹吾其魚乎予亦曰微楚材吾其馬乎愚以英之言是矣而

未盡也當堯之時洪水橫流下者爲槽巢上者爲營窟微禹鑿龍門導積石以安其流民之爲魚也必矣鐵木眞雖暴安能盡誅九州之人其勢固有所不能也胡馬雖繁安能徧置九州之地其力固有所不贍也枉矢毒機徒自虛發耳楚材正色危言以弭一時之暴謂其爲一世之功可矣而擬之大禹萬世之功其不然乎

秋八月金人敗蒙古於潞州○冬十月窩闊台帥師趨鳳翔

紹定四年春正月圍鳳翔二月克之○金人敗蒙古於

元史綱目卷上

五

倒回谷○窩闊台侵金陝西遣使於宋假道淮東以趨河南

晉人假道於虞以伐虢非徒伐虢并取虞爾蒙古假道淮東以趨河南實從鐵木眞之治命卽晉人之謀也

宋沔州統制張宣誘殺蒙古行人於青野原恠雷聞之曰宋自食言今日之事曲直有歸矣

至是眞德秀之言驗矣

八月恠雷入宋武休與元遂侵仙人關○以耶律楚材爲中書令

嘉其課稅之入金幣充盈也

九月侵金河中○冬十月破宋蜀口諸郡○侵高麗

○十一月恠雷入金饒風關○克金河中○恠雷渡

漢趨金汴京

紹定五年春正月窩闊台渡河圍汴金人及恠雷戰於

三峯金師大潰遂侵鈞州○二月蒙古大敗金師於

鐵嶺○克金睢州遂侵歸德不克○三月圍洛陽金

將強伸悉力禦之三月餘不克師乃退○窩闊台北

還留速不臺經略中原○金請平○速不臺圍汴攻

之不克夏四月退師洛陽○六月蒙古國安用入宋

元史綱目卷上

六

徐州○國安用降金○高麗盡殺蒙古達魯花赤入

於海島蒙古遣將征之卒於師○恠雷死○十二月

蒙古遣使議同伐金宋詔史嵩之許之

蒙古再遣使議夾攻金朝臣咸以爲可從獨趙范曰

宣和海上的盟厥初甚堅迄以取禍殷鑒不遠理宗

不從命史嵩之報書許之蒙古許俟功成以河南歸

宋朝臣之見狃於目前易之所謂童觀也獨不思戎

狄豺狼吞噬無厭其東征西討惟土地輿馬金縵子

女是攘是歟江南往歷久已注其囑中眈眈逐逐蚤

夜以思卽非不欲飲馬於江時未可耳今西域旣已

271.4 93.5

庶平中原漸已略定杖策而南唯其時矣况鐵木真臨死之言豈肯忘耶惟我無信不可以胥命也惟我無親不可以仁義說也今之欲以河南歸宋豈誠心哉是欲垂棘我耳屈產我耳趙范披露丹悖獨申偉見與眞氏展疏先後懸符使理宗能不忽忠謀深思熟計而曲爲之防則猶可及爲也况嵩之全軀保妻子之臣乃奸佞之尤者而可與之慮國乎

金主棄汴如河北速不臺復進圍汴

紹定六年春正月金主濟河次蒲城與蒙古戰金師敗金崔立自立爲鄭王殺宗室大臣拜署親黨以元好

元史弼遠卷上

七

問爲左右司郎中城降於蒙古

崔立構亂其誅戮封拜之臣多矣皆不書獨書元好問何好問以文學名春秋之所責備者故書

夏四月崔立執金后妃宗室歸於速不臺驅之北去昔金之仇宋也其禍烈矣今蒙古之仇金也殆有甚焉觀速不臺殺二王與其族屬而遷后妃於和林艱楚汗讎視徽欽之代或什百之矣因思曾子出入之言可不戒哉方金人俘宋敷於青城至今百有六年蒙古俘金亦於斯地天道好還確不爽矣速不臺請屠汴窩闊台將從之耶律楚材力諫獲免

○五月克金洛陽○八月史嵩之會蒙古伐金取唐州

俊按金主告宋之詞曰元人滅國四十以及西夏夏亡及於我我亡必及於宋唇亡齒寒自然之理若宋與我連和所以爲我者亦爲彼也守緒亡國之君此雖一時困抑請口口權辭非發於由衷而北狄之心事則爛爛悉之矣理宗顧惜焉何哉

九月蒙古以孔元措襲封衍聖公○修孔子廟及渾天儀

聖嗣之封孔廟之葺而渾天亦具舉焉三者太平之

元史弼遠卷上

七

盛典也裔夷醜類何足以知此哉楚材實教之以爲粉飾之具若曰吾君亦能敬天崇聖云爾

史嵩之遣孟珙帥師會蒙古圍金蔡州

會師伐金理宗意也書史嵩之遣之何曰闔以內嵩之制之闔以外嵩之亦制之久矣哉理宗之不君也若曰是師非其君命之特其臣遣之耳承遣之臣曰江海孟珙此獨書珙而遺江海何曰海不足責也珙號稱解事而亦附和權奸同惡相濟至與夷將僭蓋約爲兄弟酌馬湏飲之珙之愚一至此哉

金徐州降於蒙古○十二月師及蒙古攻蔡州

宋理宗端平元年春正月孟珙入蔡州蒙古兵從之金主守緒死之○金亡

劉祁曰金自南渡後爲宰執者率無遠謀惟習低言緩語互相推讓以爲養相體每四方災異民閭習苦將奏必相謂曰恐上心不悅議事相視無先發言者至危處輒敗散曰俟再議已而復然或有言當改革者輒以生事抑之用人必擇慳熟易制者又多取渾厚少文者置之台鼎每北兵壓境君臣相對泣下長吁兵退置酒高會因循苟且竟至國亡愚謂祁之言痛切矣植國者尙鑒於茲

元史弼違卷上

九

宋師及蒙古畫陳蔡爲疆各引兵歸

方蒙古之約攻金也矢曰功成以河南歸我今功成畫圻僅止陳蔡是蒙古之渝盟也當是時宋盍問之曰爾何渝盟縱不得其要領而彼辭亦窮矣趙范與蔡不酌時宜輕謀躁動率爾興師是己不責其渝盟而先自敗盟也善乎眞氏曰彼獨不能還吾河南之地以觀吾之所處乎蓋忱知灼見於千里之外矣范知宣和海上之盟迄以取禍旣已入告爾后而自食其言喪師辱國可勝罪哉

秋七月趙葵帥師入洛陽蒙古遣師救之○八月蒙

古兵至洛陽宋師潰趙葵金子才引還○十二月蒙古遣使責渝盟

端平二年二月城和林○六月窩闊台分兵侵蜀侵西域侵高麗○秋七月侵唐州趙范帥師敗之○十二月克沔州圍青野原曹友聞救卻之

端平三年春正月侵江陵○二月侵蘄州孟珙卻之○耶律楚材請行交鈔○三月襄陽將王旻李伯淵以城降於蒙古

趙范在襄陽以北軍將王旻李伯淵爲腹心朝夕酣狎了無上下之序民訟邊防一切廢弛南北軍交爭

元史弼違卷上

三

范失於撫馭於是旻伯淵焚襄陽相繼降於蒙古襄陽自岳武穆王恢復以來生齒繁多府庫充實高城深池甲於西陲一旦灰燼金穀器械皆爲敵有據事以觀而范之罪莫贖矣

入襄陽克隨郢及荆門○八月克棗陽將坑其士人金前軍資庫使姚樞止之獲免○克德安趙復降趙復以儒學鳴世稱爲江漢先生者乃爲姚樞之誘而委身焉是復有名教之責而今也忘之矣故書降而背華卽戎之罪見矣

以中原民戶分賜宗戚○九月曹友聞及蒙古戰於

陽平關敗績死之關端遂入蜀郡縣多陷沒

袁桷曰元兵入蜀蜀民死者率五十人為一聚人各

刺一刃至暮疑有不死者復人刺一刃是時成都民

死者計一百四十萬元有天下不知殺人凡幾千百

萬也俊昔宦遊於蜀其父老為言蒙古每克城邑將

入門榮捧一大龜前導龜伏於榮不動稍戢其兵如

龜動搖竦立則屠戮無算當年龜入蜀城門奮而立

故蜀民死者較他郡為多又言城內積尸如山惟一

人被刃不死逃歸臨安云

冬十月克文州○十一月侵淮西宋命史嵩之趙葵

援之○蒙古張柔克郢州○侵江陵孟珙敗之○侵

眞州○初定戶田鹽稅法○括牝馬於中原及選女

耶律楚材皆諫止之○蒙古立編修及經籍所編次

經史以梁陟充王萬慶趙著為副

此亦楚材諷其主為之而謂楚材非佐夷不能也

理宗嘉熙元年春正月蒙古汰三教○初給官府符印

○初定驛令

已上三事楚材為之

三月侵欽察斡羅思來怯思皆降之○夏六月侵宋

黃州孟珙敗之○冬十月侵宋安豐杜杲敗之

嘉熙二年九月侵宋廬州杜杲敗之不能進乃還○冬

十月蒙古楊惟中建太極書院以趙復為師

嘉熙三年八月復克成都及諸郡縣

嘉熙四年春正月增稅課銀耶律楚材爭之不能得○

夏四月遣王楫使宋議歲幣

理宗淳祐元年十月窩闊台死

丘濬曰窩闊台死於辛丑之十月乃馬眞氏專國至

丙午七月貴由始立無君五年當是時非獨華統於

夷而又男統於女天地間純陰用事豈非開闢以來

之大變乎

淳祐二年春二月侵蜀孟珙禦之○侵眞州杜杲敗之

○秋七月克通州屠其民

淳祐三年三月耶律楚材以憂卒

蒙古之臣皆書死楚材書以卒何楚材身雖仕夷心

頗近厚觀其創制立法稍寄情於中國加意於元元

非木華黎輩佳兵好殺者比也元人欲空漢地以牧

馬則諫止之欲屠汴又諫止之使仕夷者皆若人焉

尚可責哉

蒙古汪世顯死

淳祐四年

淳祐五年二月呂文德敗蒙古於五河○夏四月侵江陵孟珙敗之

淳祐六年二月侵兩淮呂文德敗之○侵蜀余玠敗之

○秋七月貴由嗣後稱定宗

淳祐七年秋七月呂文德敗蒙古於泗州

淳祐八年春正月貴由殂其母復治國事

鐵木眞窩闊台皆書死貴由何以書殂貴由嗣業母

后臨朝近習用事法度崩頽諸王暴橫國中大旱河

津不流野草自焚人畜飢死迹其施行豈云英辟然

較之於厥祖父荼毒生靈禍流夷夏者或相倍蓰矣

元史綱目卷上

三

蓋創業繼統其地殊業相懸也故不得而概死之也

淳祐九年

淳祐十年五月余玠大敗蒙古於興元

淳祐十一年六月蒙哥嗣後稱憲宗

貴由殂至是蒙哥始立國無君者又三年矣其可以

爲國乎哉

秋七月蒙哥使其弟忽必烈總治民事姚樞見之於

金蓮川上書陳治平之政

史稱姚樞見忽必烈盡其平生所學爲書數千言上

之二帝三王爲學之本爲治之序治國平天下之大

經本末具舉細大不遺美之至矣愚不其然夫惟精

惟一學之本也重內輕外治之序也篤近舉遠治平

之大經也樞於春秋謹華夷之辨一言猶憤憤焉勿

察也而況其他乎其上言治政不過剽竊陳言趨依

時好要結世主以爲干名取利祿之階梯耳帝王精

一危微之旨愚意其必不能知也

分遣其臣侵淮侵蜀侵吐蕃○侵高麗○忽必烈置

屯田經略司於汴

忽必烈初置屯田姚樞卽勸其積穀高廩邊備旣實

俟時大舉則宋可平是請也樞爲華平爲夷乎樞事

元史綱目卷上

三

戎狄實殫厥心於中國之人才則呼而載之北去矣

中國帝王之道則竊之以貺其君矣而屯田積穀之

舉裕夷逼宋尤爲切焉雖曰樞不謀夏愚不信也

淳祐十二年二月侵隨郢安復州○余玠敗蒙古於嘉

定○城沔州○徙乃馬眞氏及諸王於邊賜乃馬眞

氏死○六月以中原地分封宗屬

蒙古願地於其宗則地有肥磽田有上下惟上所命

下斯受之禮也忽必烈安得自請於其主哉姚樞亦

安得私勸其自請之也樞爲此舉其所以窺測時利

結納主心以爲他時攀附之地畢露之矣樞其詭哉

忽必烈以楊惟中爲河南經略使

此亦忽必烈不請於君而自爲之者也其陰布腹心徧植黨類安能掩天下之目乎

八月命忽必烈侵西南夷○侵西域○侵波黑印度○十一月侵附都鄯善烏爨摩些諸國降之

理宗寶祐元年二月蒙古汪惟正城利州○渡漢入西柳關宋高達敗之○滅大理虜其主段智興以歸○夏五月侵高麗

寶祐二年春正月城閬州○二月侵嘉定宋俞興敗之○入東川城紫金山○侵合州王堅敗之○侵廣德

元史綱目卷二

三

軍曹世雄敗之○夏四月祭天於日月山

夏祭天非時也於日月山非郊也此夷俗爾亦書

八月滅吐蕃○十一月城光化軍○忽必烈以廉希

憲爲京兆宣撫使

以廉希憲爲京兆忽必烈自爲之希憲不當受也史

稱希憲扁所居堂曰止善公暇讀書其中凡義理精

微事物得失必研究之不知希憲於此亦研之以求

止於善否乎

蒙古張柔城亳州

寶祐三年二月忽必烈召許衡爲京兆提學不至○六

月賈似道敗蒙古李壇於海城○七月侵鬼羅諸國西南夷悉降

寶祐四年春正月初定歲錫諸王銀幣數○五月侵敘州史俊敗之○九月劉秉忠爲忽必烈營開平府

周公營成周奉王命爲王室也忽必烈不奉君命而乃自營開平府於桓灤之間其專甚矣秉忠窺合其意而相宅營構三年而後畢工欲何爲哉是皆聖王之罪人也

十二月城棗陽

寶祐五年春正月罷忽必烈開府

元史綱目卷二

美

蒙哥怒忽必烈開府而罷之似也然以信讒罷之而不治其專命之罪其黨如劉秉忠者亦不加訊焉是不君也夫亦寄空名於穹廬之上而已矣

四月侵苦竹隘及劔門遂趨東川○六月蒙古入交

趾屠其城國王陳勝入海島○九月卻回鶻貢獻

回鶻獻水晶盆珠繖蒙哥卻之不貴異物可嘉矣乃

窮兵遠夷搜剔珍異則又何也漢文帝卻千里馬惟

曰師行三十里吉行五十里朕乘千里馬獨先安之

其辭溫潤和平藹然王者之言三代之風也蒙哥乃

曰今所急者錢耳有此何用以利爲言何鄙哉

十二月蒙哥自將侵蜀

寶祐六年春正月蒲澤之復成都及蒙古戰敗績○夏四月圍襄陽及樊高達救卻之○蒙古李璫侵漣水軍○冬十月蒙哥克苦竹隘○蒙古兵入東海○侵羅氏鬼國○蒙哥克長獲山○龍州降○十二月陷資簡州○馬光祖向士璧敗蒙古於房州

理宗開慶元年春正月隆雅降蒙古自忠涪趨夔州○侵賓象靜江遂趨湖南○蒙哥圍合州○三月忽必烈自黃州濟江州縣多降之進侵臨江○五月侵重慶○六月呂文德及蒙古史天澤戰於嘉陵江敗績

元史綱目卷二

三

○七月元主蒙哥殂合州圍解○侵辰沅遂圍潭州○九月蒙古董文炳大敗宋師忽必烈進圍鄂州○冬十月忽必烈封高麗世子俛爲王

無有封而不告葵丘伯生猶能言之於忽必烈何誅姚樞廉希憲心膂之臣而亦昧於此耶抑知之而不言或從與以成之耶

十一月鄂州圍急賈似道潛遣宋京詣蒙古軍請稱臣納幣忽必烈聞蒙哥變乃許之亟引兵還○十二月向士璧敗蒙古於南嶽市潭州圍解

理宗景定元年夏四月忽必烈嗣位於開平

鐵木真窩闊台繼立皆不書地略之也忽必烈嗣特

書開平以地何曰前不書地此特書地者所以結正其君臣之罪也奚言乎罪也蒙哥世子辨都以宋開慶元年正月卒於王吉河則自寶祐以前辨都固無恙也劉秉忠乃於寶祐四年九月於桓州之東灤水之北卜宅龍岡而爲忽必烈以營府焉至閱三歲而始落成則其壯麗崇侈儻之鄭段之鄢殆什百之矣今也蒙哥告變倍道旋歸稍聞諸王桀驁覬覦即遣廉希憲趙良弼偵伺事情審察機變卒使諸王畏威聞風重跡膽落國家大業竟歸於忽必烈之手乃於

元史綱目卷上

三

昔日所營之府而嗣立焉則知劉秉忠之密相雄圖廉希憲之贊成大計其包藏禍心已非一日特待時而發耳由此言之蒙古氏之君臣烏得無罪哉使忽必烈嗣位於他所而不於開平則愚可以無言矣分漢地爲十道置宣撫使以廉希憲史天澤姚樞輩爲之○阿里不哥自立於河林廉希憲討之○初建元中統○秋七月使郝經來尋盟賈似道幽之於眞州郝經幽於眞州語其介曰守節不屈盡其在我豈能不忠不義以辱中州士大夫乎夫不辱君命使之職

也經不曰不辱君命而曰不辱中州士大夫蓋已心知蒙古氏之非其君而口不能言也經中州人也故不敢辱中州士大夫蒙古非中州人也經曷爲而事之不可事而事之獨不辱中州士大夫乎經溺於左衽已成膏肓而學陋識偏不自知其言之舛也

初造交鈔○八月初頒祿於官吏

祿以馭貴亦以代耕古之道也蒙古立國垂五十年至是始頒祿於其下不知上而公孤下而胥吏其朝夕之所需者於何而取之也不得於公必取於民蒙古氏之待臣如此尙可責其臣之廉哉宜當時之賄

元史弼遺卷二

三

賂公行而朝綱風紀皆爲之亂勢也

以僧八思馬爲國師

忽必烈以八思馬爲國師其意必以吾之有國知有釋而已得一八思馬焉吾師而事之則天下可平福祿自致其諸外教無以爲也姚樞許衡學未通方智鮮解事汲汲焉日以古帝王爲治之道陳於旃裘椎髻之前強欲致其君於堯舜必謂太平之治可以文辭藻飾爲也蒙古氏之君聞之將與其師相向而笑之矣齊王好竽乃操瑟而鼓於其門豈不誤哉或曰姚樞輩亦非不知蒙古氏之不能爲堯舜特以仕夷

之故慮後世有餘責焉不得不以平日所聞於周公孔子者冒昧以告於其君君之用否吾不敢知欲使天下后世聞之亦知吾文章有用經濟有術而或者假是以諒吾之心庶幾仕夷之罪少解於公論焉耳

十二月高麗請降

景定二年

蒙古中統二年

此何以書中統也曰前乎此蒙古未始建元也至理宗景定元年夏四月忽必烈嗣位始建元爲中統故至此書之也不正其國號爲元而稱蒙古何也曰國號未建不當稱之也不當稱元而稱之猶孺子未生

元史弼遺卷二

三

而先名之也名不正則言不順故不得先正其國號爲元也其稱蒙古何也曰既不稱元不稱蒙古而奚稱也然則前此於宋帝紀元分注之下曷不書蒙古幾年也曰此亦不當書也如曰蒙古幾年則不知其君爲某某也天下后世亦將疑之矣是故與其書之以素名不若不書之以紀實也不書中統元年何曰古者國君薨踰年改元忽必烈未踰年而卽改元也夷之故不書

三月忽必烈與阿里不哥戰於昔木土不哥敗走乃遣○五月以姚樞寶默許衡爲太子太師太傅太保

皆辭不拜乃皆授以他官許衡稱疾歸懷孟○聽俘
儒士贖爲民○遣使詣宋詰訪郝經○弛山澤之禁
禁私殺牛馬○六月宋劉整降

劉整驍將累立戰功與高達曹世雄皆摧挫強敵敵
亦憚之斯誠守封疆之臣股肱爪牙之士而宋室危
急存亡之秋尤不可以棄焉者也賈似道爲相非經
世之材專闖乏戡亂之略視師江上不展一籌徒知
挾敵以要君殺降以罔上劉整三人乃慢而侮之是
不知虎牙之不可摩也使似道休休有容志專報主
念干城有可依睚眦不足怨混形迹於不露視毀譽

元史彌達卷上

三

其若忘如劉整輩矜而容之唯知駕馭有方務俾得
其死力則士有堅心將無回慮庶疆場恃以不讎家
國冀其少安斯則調元之上計破敵之長算也夫何
酬國非心嫉賢恒性乃摭摘疵瑕博會爲獄世雄既
陷非辜高達亦遭廢斥整則恃其梟獍之姿爰遁入
於犬羊之羣矣語云亂臣賊子何代無之整何足算
也然人之云亡則邦國殄瘁而智士欲獻謀臣不安
則敵人高枕而動色相賀此宋室之深憂而其主眊
焉方倚大慙如長城認鬻國爲元聖煦妣矜慈惟恐
其或負之也豈非天奪其魄者哉賈似道罪惡數十

此其芥耳愚悉其一事以爲御將者告焉
命有司祭奠孔子咸以時○秋七月以王恂爲太子
贊善

許衡嘗語恂云人心猶印板板本不差雖摹千萬紙
不差其言誠似可喜者故恂也抱其說以告君自以
爲得不傳之蘊也然不知心無方也無體也衡指心
爲印板而執之以印天下事物之變誤矣堯曰執中
舜曰精一夫中無形非可執也知吾心之精一則知
所以執其中矣禹曰安女止心本靜止安之而已禹
知所以執其中者乎子言之敬以直內又云無思也

元史彌達卷上

三

無爲也寂然不動感而遂通夫敬何以直內也知吾
心之無思無爲寂然不動則知敬所以直內矣孟子
曰持其志又曰無爲其所不爲無欲其所不欲夫志
非可持也知吾心之無爲無欲則知所以持其志矣
周子云聖可學乎曰一爲要一者無欲也知吾心之
無欲則知所以一矣程子云與其是內而非外不若
內外之兩忘又云廓然而大公物來而順應夫內外
非可忘也忘斯滅矣心可滅乎知吾心之廓然大公
則知內外所以兩忘矣而忘非忘也衡也學不足以
通微心不足以照物故其事夷也方以爲是旋以爲

非倏出倏入而商兌未寧旅進旅退而空言無補宜乎悵迷途之既遠雖老死而猶悔也夫

景定三年 蒙古中統三年 春正月初作太廟於燕

書初作則知前乎此未作也史臣乃諱之曰元祀簡朴無文佞哉

二月蒙古李壇以京東來歸受之○夏五月蒙古遣史天澤張弘範圍李壇於濟南

弘範張柔之子也柔昔降虜為親而屈猶可諉也乃躬自操戈心齊入室與故君而為仇焉則其罪已莫贖矣至是其子為將乃復牀下受辭俾之行閒戮力

元史綱目卷上

三

抑何若是其劇也是則柔也始不能為親以不言繼不能教子以不仕蔑徐庶之芳塵甘李陵之沈魄而弘範之狂悖滅宋視柔尤為勇焉柔也弘範也謂世濟其凶非耶厥后弘範子珪併珪五子皆為人所殺天之施報於斯驗矣

八月史天澤張弘範獲李壇誅之○九月遣阿木治兵於汴

景定四年 蒙古中統四年 二月侵蜀嘉定○三月初建

太廟

中統三年正月初作太廟矣至四年三月踰暮耳復

云初建太廟何居無乃昔之作也猶未作也臣下巧為飾辭以諛之耶如有其廢之而復舉之則繼云初者非也

夏四月以開平為上都○五月初建樞密院○八月遣使徵諸路賦稅錢帛○九月呂文德許蒙古置權場於樊城

蒙古置權場於樊文德為請於朝許之非文德自主之也今辭以貶之何夫文德為將若干年矣豈不知樊城之外權場不可置乎乃今甘劉整之賄而壞國之防以增敵之障當此之時文德已心於夷矣故書

元史綱目卷上

三

許以著其自專之罪春秋無將而必誅此之類也景定五年 蒙古至元元年 二月選儒臣編修國史譯經書○五月罷世襲立州郡長吏陞遷法○以商挺為中書參知政事

史稱忽必烈欲知經學商挺乃與姚樞寶默輩纂五經要語以進是何其言之巧於諛也邪正不兩立蒙古氏以殺戮為威斬刈為樂以淫慧沈酣自娛罔識崇卑惟知牝牡豈復知有聖賢之學耶矧其以八思馬為師則晨昏之所繙閱貝葉之遺也宮庭之所瞻禮瞿曇之相也奚羨乎六經之簡編耶愚意其於聖

賢之道誠如柄鑿之不相入矣史臣乃發諛辭以飾美之是欲藻傲裘為黻冕眩污壤為璠璣也人其信之哉

秋七月阿里不哥降忽必烈釋不治誅其黨與○八月大赦改元為至元○侵廬淦及安慶○冬十月宋理宗崩

門生丘文舉校

楊富春錄

元史彌達卷上終

元史彌達卷上

重

歲在柔兆困頓玄月

崑山趙詒琛校刻行

元史弼違卷下

對樹書屋

太中大夫左參政吳郡周復俊撰

宋度宗咸淳元年蒙古至元二年五月命許衡議中書

省事

咸淳二年蒙古至元三年秋七月張德輝元好問請忽

必烈為儒教大宗師

蒙人以八思馬為國師是以夷為師而國人皆其弟子也今請忽必烈為儒教大宗師是以夷為儒者非常之師而堯舜周孔舉不足法矣儒者生於中國不以堯舜周孔為師而反師夷狄暴虐之君德輝好

元史弼違卷下

問喪心貢諛徒得罪於千古之名教耳

咸淳三年蒙古至元四年春正月許衡乞歸田里○夏

四月侵合州張玘敗之○十二月遣劉整阿木經略

襄陽○宋師及阿木戰敗績

咸淳四年蒙古至元五年夏四月劉整圍襄陽

咸淳五年蒙古至元六年春正月立御史臺○二月城

鹿門○頒新製蒙古字○三月圍樊城○秋七月夏

貴帥師援襄陽及蒙古戰敗績○八月諭淮蜀民降

咸淳六年蒙古至元七年三月廉希憲罷

忽必烈師八思馬尊信其戒又令廉希憲共守之則

其不悅儒術於是乎見之矣

以許衡為中書左丞○冬十一月城萬山以張弘範守之○侵金齒驃國降之

咸淳七年蒙古至元八年六月以許衡為國子祭酒○

張弘範入樊外郭○十一月初建國號曰元

咸淳八年元至元九年

易蒙古而稱為元其亦春秋在夷狄則進之之法乎曰殆非也自宋咸淳八年已前蒙古未正其國為元也至是乃始正之耳故因其蒙古而吾蒙古之非作惡也因其元而吾元之非作好也亦猶夫稱荆則荆

元史弼違卷下

之稱楚則楚之云爾

五月宋張順張貴帥師救襄陽及元大戰俱死之

咸淳九年元至元十年春正月元張弘範克樊城○二

月呂文煥以襄陽降於元

呂文煥守襄五稔至是勢窮援絕而始降於虜也君子亦可以原情察勢而薄其責已乎蓋嘗聞之張許二公之守睢陽也蛇鼠俱盡僕妾亦亡可謂不遺其力矣比乎城陷惟再拜稽首而死不問其以城降也文煥胡為而遽降乎始忌高遠而謬以捷聞已失同州之義繼承元詔而即以城叛夙符左衽之心其罪

固已不容誅矣至乃無子胥之仇而首陳攻郢之策肆中行之暴而甘心滅漢之謀此豈不得已哉文煥之罪上通乎天矣

秋七月元國子祭酒許衡罷○十一月遣將侵日本舟凡九百艘

咸淳十年元至元十一年春正月遣阿朮帥師經略兩

淮○秋七月宋度宗崩○八月劉秉忠死○遣史天澤伯顏帥師南侵天澤有疾還○元呂文煥以伯顏趨郢州劉整以峻都趨淮泗

丘濬曰呂文煥劉整忍恥偷生甘與草木同腐幸矣

元史弼遺卷下

三

何忍而又爲異類之鄉導以戕我同類伐其父母之邦哉斯誠梟獍豺狼之儔狐兔之不若者也書之於策遺穢萬年

冬十月伯顏侵郢州都統制張世傑禦之伯顏遂入漢克沙洋屠之

丘濬曰伯顏屠沙洋所屠者豈一二人哉而謂之不殺一人何也

十二月伯顏侵陽邏堡夏貴帥師守之阿木遂自青山磯濟江○元呂文煥侵鄂州程鵬飛降○程鵬飛以元人徇黃州○元史天澤死

史天澤仕夷許謨決策無非僭王猶夏其在聖人之門必深誅而峻絕之者也當時秉筆之臣既不克明正其罪乃復構好言以諛之至擬之郭子儀曹彬云嗟乎斯言出而華夷之大防君臣之大義人品賢愚之大分皆潰裂無餘晷昧而不明矣使子儀曹彬而佐夷猾夏尙足爲勳德之元臣哉或者以天澤壽考福履子孫官爵之盛遂以二公擬之庶乎其近之矣初建東宮

宋恭宗德祐元年元至元十二年春正月陳奔以元帥

徇蘄州○元劉整死○范文虎請降於元○克安慶

元史弼遺卷下

四

○二月賈似道遣宋京如元帥請稱臣納幣伯顏不許○克池州○鄭虎臣及元人戰於丁家洲敗績是役也伯顏以步騎夾岸掩宋師殺溺死者不可稱數當是時豈得不戮一人乎

克饒州○克臨江○宋遣郝經還○伯顏克建康○克無錫○克常州○克平江○克廣德軍○宋執元使廉希賢歸於臨安○克岳州○夏四月克廣德縣○克沙市城○侵江陵宋朱禕孫高連以城降禕孫至上都死○侵眞州○侵揚州○五月克寧國○圍潭州○秋七月張世傑及元阿朮戰於焦山敗績○

圍重慶○復遣伯顏南侵宋○九月克泰州○伯顏
侵淮安○冬十月復圍潭州○伯顏濟江○十一月
克廣德軍○入隆興府○伯顏克常州屠其民

丘濬曰元史稱伯顏下江南不戮一人常州非江南
之地耶元法攻城臨敵但以一矢加遺者得卽屠之
伯顏前次潛兵渡漢固已屠沙洋矣至是攻常州憤
其不下役民運土爲壘併人築之殺人煎膏以爲礮
具及城陷盡屠戮之餘止存七人夷性殘忍一至此
哉中國之人秉史筆者乃曲爲之諱至比之曹彬愚
以爲伯顏之罪固不可勝誅而諛筆之臣則又罪浮
於桀者也

元史弼達卷下

五

克獨松關○陳宜中遣柳岳如元請平伯顏不許○
元董文炳入華亭

德祐二年元至元十三年○五月春正月劉漢傑以嘉
以後宋端宗景炎元年興降於元○克潭州○制江南人爲十等

復俊曰謝枋得云元制人有十等一官二吏先之者
貴之也謂其有益於國也七匠八娼九儒十丐後之
者賤之也謂其無益於國也嗟乎卑哉介乎娼之下
丐之上者今之儒也愚以有坑儒誣儒矣未聞有賤
儒若此其甚者也許衡姚樞趙復猥以儒自名不以

道自重顧甘其豕交獸畜之恩而俛首屈膝於被髮
左衽之世曾不虞其身之爲娼爲丐也視晉之碩鼠
何以異焉衡數陳王道思欲躋其君於虞夏之隆志
甚卓也不思世主不崇儒不重道而能進之於皇王
之列否平方元主下賤儒之令也不知衡樞奏對敢
沃之頭亦曾發一言以箴其失否乎此而不言則吾
一身且跼蹐不容矣況望其成格君之業濟世之功
耶夫忽必烈之爲此令是以娼焉丐焉待其臣也元
好問張德輝又欲尊其主爲儒教大宗師是以娼焉
丐焉待其君也史臣諛之曰元主欣然受之愚意其

元史弼達卷下

六

必不然也天下焉有賤其實而求享其名者乎元人
此舉關吾道之重輕而生民之休戚世道之理亂胥
於此乎係焉惜也當時食粟之士包羞忍恥而不言
後世綴言之臣虛美隱惡而不錄孔子曰斯民也三
代之所以直道而行也愚於是乎有感

寶慶降○克安吉州○伯顏至阜亭山文天祥張世
傑請戰陳宜中不從白太后以傳國璽降伯顏受之
宜中逃○伯顏執文天祥於軍中○元呂師夔侵信
州謝枋得與戰敗績○錢塘江潮三日不至
稽古帝王之興咸獲玄蒼之應蓋天祐下民作之君

師故帝王之與天非私之也與之以君師之任而俾之裁成天地之道輔相天地之宜以左右民故曰惟其克相上帝自非茂膺天下之大德者莫之能也於是乎承休饋祉授之以受命之符而寵之於四方焉茲武王矢師之謨諒理之不易者矣是故若黃帝之虹流於渚焉武王之魚躍於舟鳥復於屋焉漢高之脫以風光武之濟以冰焉非幸也斯皆其章章明信者也吾夫子不爲天下君而萬世宗師之任天實畀之故麟爲聖人而出焉元人師駐錢塘也宋人方幸其未濟而潮乃三日不至意者天亦有相於元乎斯

元史彌遠卷下

七

理失其經物趨於變而不可與於帝王之貞符者也夫國於天地所與立者惟元氣公論而已元氣屬之民公論寄之相宋自神宗信任安石駕國服爲息之說以其收效一邑之殘智而欲漁利於四海之民其他苛政續紛私見層疊當是時惟以強兵富國爲嘉猷而民之罹其毒楚者如鴻雁之嗷嗷無所控告則國之元氣固已陰受其病矣使安石覺做法之難行亟收成命與天下更始而一新之則民心悅康天心庶幾其可回也夫何性多障礙學本偏枯恃寵靈羽用兇慝若蔡京蔡卞章惇曾公亮呂惠卿之流相

與醞釀奸謀排擊善類以務求其說之必勝當是時惟以迎合諂容爲嘉士異己者逐之同我者進之天下茫茫然莫知是非邪正之所在矣元氣凋殘公論復鬱有一於茲猶足以喪邦也而況於俱傷者乎由是天變於上而奸石以爲不足畏也人怨於下而以爲不足恤也凡祖宗之良法美政而以爲皆不足法也則有宋之君臣固以獲罪於天而天厭宋德亦可知矣豈惟若是凡安石所引之臣機巧深密靡之不卻撲之不開若蝨處於穢若虺蟠於穴若藤蘿之傅於木也自是以後衣鉢相承箕裘相襲一安石死一

元史彌遠卷下

八

安石生如秦檜史彌遠史嵩之韓侂胄賈似道之徒凡其邀君誤國罔上誣民一以安石爲準攻其翕張如出一轍夫安石之樹節立威妬賢專國始焉亦惟求售已說以快適私心務俾一世賢才皆出己下焉耳豈虞其流禍之至此極哉因循荏苒至於似道則天益厭宋之所爲矣於是江湖三日不至非佐元也天之意若曰神厭淫德不得不授忍於暴虐之元以殲之云爾如天而佐元也則忍必烈之淫慝豈古帝王聖賢之倫耶

伯顏遣范文虎追益王廣王於婺州○三月伯顏入

臨安帝及皇太后福王與芮皆北去○夏貴以淮西降於元○五月帝兄益王昞即帝位於福州

端宗景炎元年元至元十三年閏三月宋恭宗至上都

封為瀛國公尋遣為信皇太后為尼於正智寺○六月元人入廣州○秋七月宋揚州守將朱煥以城降

○克真州○九月圍靖江○十一月元董文炳入建

寧○宋王剛中以福安降○曹澄孫以興化軍降○

元張珪入重慶○以姚樞為翰林學士○克靖江

景炎二年元至元十四年春正月元人入汀州○侵廣

州○五月廉希憲死

元史弼達卷下

九

廉希憲既死伯顏以兩言稱之史臣既以垂諸竹素矣而尤歎之曰世以為名言是何心之慳辭之佞也夫世有君子有小人不知以為名焉者君子乎小人乎就如伯顏之前一言則凡為相者舉挹其後塵而伊周不足稱矣如其後之一言則凡為夫者皆拜其下風而孔孟不足云矣可乎哉或曰否否非是之謂也史臣之意亦以當時之為相為夫者材範風烈舉出希憲之下是以伯顏稱之耳審若是則希憲之輔夷猾夏固足以為一時之魁傑而非有寅亮慎徽之猷也尚安得為真宰相奇男子哉

冬十月唆都入興化軍屠其民○瀘州降於元○十一月宋張鎮孫以廣州降○元劉深襲帝舟於淺灣陳宜中如占城遂不復後死於暹

方丁大全之逐董槐也陳宜中與太學生黃鏞六人

上書極詆大全之奸遂得削籍編管道州時稱為寶

祐六君子是宜中為諸生時亦既藻譽翩翩矣夫何

好名之念重患得之心生賈似道盜國元奸非可依

者而曰吾可依焉遂濡跡於其門駸駸焉入幕之賓

矣乃擢自疏遠躡登樞要秋豪皆賈平章力也及似

道喪師江上宜中意其已死即上疏乞誅之以正誤

元史弼達卷下

十

國之罪君子曰此宜中之反噬也夫天下之惡一也賈似道大惡數十人人得而誅之鄭虎臣為天下除賊宜中乃戮虎臣而為似道報仇焉君子曰此宜中之戀主也宜中之於似道乍合乍叛或恩或仇其反覆可知矣及為宰相與王倫不協輒自逃歸必俟太后為書諭之乃始受命其似道要君之遺智乎世傑天祥忠貫日月始因獨松之破而請兵出戰宜中則白太后以王師務宜持重止之繼因臨安之逼而又請兵督戰宜中則白太后以傳國璽降而又止之其似道養寇之故步乎君子之事君也進以禮退以義

宜中則不然不協則逃已逃復至而又逃君子固如是乎且遭時多難必需上智之才宜中素乏運籌之良亦味知人之哲張世傑步軍將也使統舟師劉師勇水軍將也使提步卒以致將士離心郡邑互解宜中誤國之罪當不後於賈平章矣乃今奉帝舟居元師來襲宜中棄帝舟而不顧往占城而不復後遂死於暹焉夫事君之法力不能任則退讓以安其身義不可辭則進忠以明其志此天祥秀夫世傑三君子之大節所以昭回於天地輝赫於古今而匪夷所思者也宜中一宵人耳豈三君子之倫匹哉

元史弼違卷下

二

十二月侵緬

景炎三年元至元十五年二月唆都克湖州屠之○克

重慶○夏四月帝崩於桐州弟昺立

帝昺祥興元年十一月海南州縣皆降○閏月淺震棄廣州走城降○以許衡爲集賢大學士兼領太史院事

河汾王通氏曰亂離癸矣吾誰與歸天地有奉生民有庇卽吾君也居先王之國受先王之道子先王之民謂之何哉此仲淹之遁辭求以文其帝元魏之過君子駁之曰元魏毒淫中夏矣生民何庇乎元魏居

先王之國于先王之民矣何嘗受先王之道乎如使猾夏者遂稱之爲帝則用夏變夷者將亦從之夷乎通誠變於夷矣夫元魏一隅之夷也而通帝之受責之嚴且如此矧胡元盜有中國僭易天明誠五帝三王之罪人四海九州之毒孽甚於女主之呂武篡私之莽操許衡姚樞輩旣鞠躬委質北面事之平旦之衷必有所未安者於是竊抽仲淹之緒而繹之曰元也居先王之國于先王之民矣獨未實先王之道則吾事之爲有覲焉不若日勤先王之說陳於旃裘之前無問其從與否將使天下後世聞者知吾主已受

元史弼違卷下

三

先王之道而吾曹之事元非自我作古也卽王通之帝元魏也則元雖夷獨不可事乎吾主爲堯爲舜吾獨不得爲臯夔稷契乎此盜儒奸雄欺天下萬世之詭術固不足論愚尤怪夫後之史臣稱爲鴻藻景鏢之士顧沈酣腥膻與之俱化往往虛褒濫美悉沒其無涯之惡亦獨何心豈其未忘仕元之恩耶何乖謬之至於此極也

合州守將王立以城降○元張弘範執文天祥於五坡嶺○封伯夷叔齊皆爲公

祥興二年己卯元世祖至元十六年春正月張弘範襲

匡山張世傑力戰禦之○二月師大潰帝崩左丞相陸秀夫太傅樞密副使張世傑死之○宋亡

丘潛曰嘗觀元初一時腹心股肱之臣雖多中國之人然受其豢養貪其富貴忘其身之爲華寂無一人一言勸其存宋者以劉因之賢猶作渡江賦以欣幸之而有戰則爲士降則爲奴之語他又何責哉許衡爲世大儒得君行道章疏屢上曾無一言及此何也況其將議伐宋也又與姚樞徒單公履同召也哉本紀載公履勸伐之言使衡有阻之之語未必見遺也潛又曰考之春秋之世吳楚於越此中國之人變於

元史弼遠卷下

十三

夷者也山戎赤狄之類此夷狄之人居中國者也春秋因其出入於華夷之間上不使與中國等下不使與夷狄均有罪則推而遠之使其知所做有善則引而進之使其知所慕聖人謹華夷之辨其嚴如此當是時若吳若楚若越自僭稱王矣春秋未嘗因其稱王而王之也然聖人豈特不與之以稱王哉終春秋之世迄不得與滕薛小國之列以爵通於中國焉聖人拔本塞源之意深且遠矣況蒙古遠在朔漠衣皮茹肉去人倫無君子其去禽獸無幾耳一口恣其虎狼之毒據我帝王所自立之地而統我衣冠禮義之

民彼自稱帝吾亦從而帝之可乎生於其時者固其陷葬之中刀鋸之下固無如之何也已矣後世史臣背吾孔子之家法而忘春秋之大戒世道將焉賴耶淮南蔣氏曰春秋尊中國而攘夷狄元夷狄也其不足以接中華之正統明矣乃若接中華之正統者如漢如唐如宋如我皇明則如天之適子焉如秦如晉如六朝如隋如五代如元則如天之庶孽焉庶不可以奸適此古今之道義耳苟惟取其混一以爲正統則如子之不辨適庶豈理也哉

元史弼遠卷下

十四

夏四月張弘範李恒以文天祥北去

庚辰 至元十七年

春正月毀道藏經文板○張弘範死

○秋七月遣宦者歷江南名山訪求高士○窮河源

○集賢大學士許衡致仕○十一月頒授時曆

辛巳 至元十八年

春正月元大夫許衡死

元史書集賢大學士兼國子祭酒許衡卒矣此書元大夫許衡死何此葬大夫揚雄死例也曰衡未死之前嘗屢書其官矣此乃盡削之止書大夫何曰前之書之者非榮之也所以愧之於生前今之削之者辱之也所以愧之於身後以見元不當仕元之官爵不當受以深著其仕夷之罪焉爾觀其將死之言曰我

平生虛名所累竟不能辭官則衡固亦自知其仕元之非矣人之將死其言也善豈不信哉朱子於揚雄之仕莽以死書之衡之仕元其為美新多矣書之以死夫何辭

擊日本兵十餘萬皆沒還者僅三人

丘濬曰元世祖在位之日擊緬甸擊占城擊爪哇日本兵無虛歲夫秦始皇長城之築漢武出塞之師所以為中國生靈計耳而君子猶以窮兵黷武病之今緬甸接於百夷占城隔乎交趾爪哇日本皆居海外壤地不相及也兵刃不相加也而必征之何耶夫求無

元史弼達卷下

五

用之物戕有用之民一之不己而至再至三焉有道之主果若是乎哉史臣比世祖以為堯舜甚矣哉夫夫之佞也

壬午至元十九年春正月擊緬甸三月阿合馬為盜所

殺

阿合馬罔上虐民罪惡著矣而元主不之知也至為王著高和尚所殺乃赫然震怒而誅王著等後廉得其實始命剖棺戮尸則元主之刑阿合馬非衷也故不著阿合馬之罪而但書為盜所殺若曰盜自殺之云爾

十二月殺宋右丞相信國公文天祥

癸未至元二十年春正月納皇后私吉刺氏元主年高

宰臣常不得見輒憑后白事○征日本○冬十月建寧路總管黃華起稱宋祥興五年攻崇安浦城圍建寧遣將討平之

翟義之討王莽徐敬業之討武曌前史皆以反書之後讀書至此每為之憤鬱不平莽以臣而篡漢曌以婦而革唐皆天地大變神理所不容人人得而誅之當是時有一夫焉負戈倡義雖未必其有弔伐之純心而忠憤所激亦足以聲大義於天下不然何孔子

元史弼達卷下

六

見陳恒弒君而卽沐浴請討之乎古云見無禮於其君者誅之如鷹鷂之逐鳥雀也義與敬業得之矣作史者因其事之不立而遂以反書之忍心哉故愚於元之代凡中國之民比戈以伐元者率書曰起而沒其謀反之筆或曰如子之言徒以滋寇賊姦宄之階而非所以遏亂略也曰子獨不聞周之頑民乃商之忠臣乎是故頑民者周稱之則可稱之於商則不可

甲申至元二十一年春正月遣將分道擊緬甸○秋七月擊占城

乙酉至元二十二年春正月西僧嗣占妙高請發宋會

稽諸陵元主從之

丘濬曰西僧發陵之罪固不容誅矣然其發之也乃請而後行則是元主以帝王而為赤眉溫韜之盜也世祖不君之事非止一端而此為尤甚

夏四月李恒唆都擊安南唆都敗死李恒矢中左膝

亦死○遣使往馬八國求奇寶○冬十月立征東行

省遣將率諸軍征日本○十一月盧世榮伏誅

丙戌 至元二十三年 春正月罷征日本兵○二月命江

浙諸省兵討交趾○冬十月籍阿里海涯家產

丁亥 至元二十四年 春正月發江淮江西湖廣蒙古漢

元史綱遺卷下

七

券軍及雲南黎兵分道討交趾○夏四月諸王乃顏

反五月元主自將討之○括江南僧道馬○冬十月

破交趾陳日烜棄城遁

戊子 至元二十五年 夏四月召宋謝枋得力辭不至○

九月魏天祐執謝枋得北去

己丑 至元二十六年 夏四月宋江西招諭使知信州謝

枋得至燕死之○翰林學士王磐死○秋七月安山

渠成賜名會通河

庚寅 至元二十七年 二月泉州地震○秋七月江西霖

○八月地大震武平尤甚○冬十月江陰寧國災出

粟振之○十一月河決符義唐灣○易水溢

辛卯 至元二十八年 春正月免江淮貧民四年田租○

二月上都太原饑○逮西僧楊璉真加下獄尋釋之

丘濬曰楊璉真加暴露宋室陵寢至截其頭顱以為

器有人心者所不忍聞也幸有發覺其事者元主既

逮之下獄矣而又釋之且錄用其子謂其不知情可

乎蓋元主實使彼髡為之不得已迫於公論而逮其

下獄故不徒不罪之又賞其功而錄用其子也

徵劉因為集賢學士不起○秋七月桑歌伏誅○八

月平陽地大震

元史綱遺卷下

七

壬辰 至元二十九年 二月征爪哇○秋七月建社稷○

八月征八百媳婦

癸巳 至元三十年 徵士劉因卒

丘濬曰劉因卒而書以徵士何倣陶潛例也因生元

人近旬而不仕元其志可尚也已然因知元之君不

可仕而不知宋之統不可絕至作渡江賦以析幸之

何耶豈非幽燕之地久淪夷狄豪傑之士如因者亦

不免為見聞所染與毋怪乎盧摯之徒目宋為淮夷

也

劉因前為左贊善大夫矣丘氏以徵士稱之何因為

贊善大夫旋以母疾辭去終其身未嘗食元之粟焉
與元亮之宰彭澤不肯折腰於督郵而即棄官以歸
終不臣宋者同一操也蠱之上九曰不事王侯志可
則也因能是是嘉樂矣故稱徵士以與之

甲午至元三十一年春正月元主忽必烈死其孫鐵木
耳來奔喪夏四月卽位○秋七月命中外崇奉孔子
丘濬曰按通鑑博論於至元十八年有云世祖聽妖
僧祥邁之誘作妖書以毀昊天上帝貶孔子爲邪道
擬爲中賢不足稱聖及考元史是年書焚毀道書而
不見所謂貶孔子之實惟成宗本紀世祖正月殂成

元史彌達卷下

宗卽位是年秋七月卽書詔中外崇奉孔子夫孔子
自唐宋以來天下尊尙已久又何待今日始詔中外
崇奉之哉意當時必有所施行如博論所云者元史
臣爲世祖諱故略去之審若是則世祖之罪浮於始
皇矣

十二月伯顏死

乙未成宗元貞元年五月詔自元貞元年五月以前百

姓逋負皆免之○六月江西大水命振饑民○十二
月僧普昭僞撰佛書伏誅

丙申元貞二年春正月授嗣漢天師張與才爲真人○

二月罷太原平陽進蒲萄酒

丁酉成宗大德元年

戊戌大德二年春正月以水旱減郡縣田租十分之三

○罷中外土木之役○二月加封四鎮山爲王與嶽
瀆同祀○六月罷湖湘門攤稅

己亥大德三年春正月遣使問民疾苦免江南夏稅十

分之二○二月合后妃諸王所需非奉旨勿給
庚子大德四年定律令○十一月免上都大都隆興明

年絲稅養馬郡縣免稅糧十分之三餘免十分之一
辛丑大德五年春二月征八百媳婦○夏五月雲南土

元史彌達卷下

酋宋隆濟反○秋七月戊戌晝晦暴風起東北雨雹
江湖泛溢○八月征金齒○孛出東井歷紫微天市
垣凡四十六日滅

壬寅大德六年春正月築渾河堤○二月征乞不薛○

罷征八百媳婦○元主有疾釋京師重囚三十八人

○三月以旱溢爲災赦天下○祭昊天上帝皇地祇
於南郊○五月太廟寢殿災○建文宣王廟於京師

○雲南地震

癸卯大德七年二月汰冗員○三月都城火○誅劉深

○八月辛卯夜地震平陽太原尤甚

甲辰 大德八年 三月有星孛於室入紫微垣自去歲十

一月庚戌至是歲三月乙丑七十六日滅

乙巳 大德九年 春正月議行郊祀禮○夏四月大同地

震有聲如雷○五月旱○徵蕭剡赴闕命有司給以

安車○六月賜高年帛○十一月祀昊天上帝於南

郊以哈刺哈孫等充三獻官

丙午 大德十年 春正月罷江南白雲宗僧歸其寺○夏

四月鄭州暴風雨雹麥及桑棗皆隕斃今年田租○

大都旱○秋八月開成地震王宮及官民廬舍皆壞

○京師文宣王廟成行釋奠禮

无史朔遺卷下

丁未 大德十一年 春正月元主鐵木耳殂

丘濬曰世祖書死而成宗以殂書何視魏明晉惠例

也夫夷狄固不可主華夏然業已得之其罪固輕於

造謀立意者也

成宗踐位良法善政史不絕書亦可謂一代之賢君

也已

二月安西王與阿忽台謀作亂懷寧王第八達執安

西王阿忽台伏誅○夏五月懷寧王海山至上都誅

安西王阿難答遂即位○秋七月加封孔子大成至

聖文宣王○八月譯孝經

戊申 武宗至大元年 春正月曲赦犯贓官吏○禁白蓮

社○六月鞏昌地震○雲南烏撒烏蒙三日間地大

震六○秋八月庚申有流星起自句陳南行圓若車

輪經貫索而滅○冬十月蒲縣陵縣地震

己酉 至大二年 春正月弛山澤之禁○制文宣王廟春

秋二丁釋奠牲用太牢○定僧俗相犯令

元時僧修佛事必釋重囚有殺人者皆指名釋之此

釋氏之教自以為慈悲廣大普濟眾生而不知淫流

奸宄害及良善生者苟免死者無辜此其左道之偏

枯不情而非公平正大之體率而行之必致虎狼舉

无史朔遺卷下

塗蛇虺盈室而善良之所存者無幾耳刑罰何由而

清萬民何由而服乎持是說而曰能理天下則愚不

信也而或者反以其道為宏闊普遍而誇之謂之甚

矣夫夫之惜也何不觀之天道乎天道有陽必有陰

有春夏必有秋冬有雨露必有霜雪春夏雨露陽之

施也秋冬霜雪陰之翕也陽以施之陰以翕之此天

道之所以至公至神而庶物之所以生成者皆此也

使天而有陽無陰有春夏之散而秋冬無以戢其華

有雨露之滋而霜雪無以凝其質則化機壅闕不流

而萬物皆將腐敗泮滅天道其亦不仁矣乎故知釋

氏之自以爲慈悲爲仁者適足以成其大不仁也聖人代夫而理物有慶賞焉所以法天之陽也有刑罰焉所以法天之陰也慶賞必加於有功刑罰必施於有罪則人心咸服而天下自平此聖人以順動而成化法天理物之大端也然聖人之所以能使賞必當功罰必當罪而無僭且濫焉者豈有餘術哉亦惟其心之靜止而已矣蓋心本靜止而好惡發焉猶之乎太虛無物而雷霆風雨出焉者也聖人因天下之所好而好之則賞加焉非作好也因天下之所惡而惡之則罰及焉非作惡也聖人之心太虛而已矣何嘗

元史彌達卷下

三

染於好惡偏著於物也哉釋氏以大地山河爲幻以彝倫事物爲贅疣心一有住便爲障礙而其學務以寂滅其心無愛憎無取舍嘻嘻呵呵若嬰兒然則其心閒靜虛明自以高出於一世世閒何物足以擾之此釋氏之所以脫迹於塵寰而求以出世自適其一己之私者也曾不思是術也以之兀坐山林耽空悟寂自了一身之事則有餘矣而欲以之理萬物均四海其可得哉是何也以其心不得好惡之正故也惟其心不得好惡之正是以遇大辟則釋之有殺人者則指名釋之自以爲宏闊爲慈仁而豈知天道至虛

之體大公之用豈若是之偏倚棲泊也哉求無住而有住心似公而實私矣然釋氏之徒自以其術爲闕密精微而以世人皆不我及者蓋亦有操焉其意曰吾之道非今世之所謂道也未有天地之先本無一物而吾之心亦本無一物道在天地之先心通天地之外則今之天地且不能囿乎我而況天地閒所有之人物尙何加於我哉吁嗟嗟見亦妄矣未有天地之先本無一物也今既有天地其能以無物乎未有法身之先本無一物也今既有法身其能以無物乎聖人之心無思也無爲也未始有一物也寂然不動

元史彌達卷下

三

感而遂通天下之故而已矣此聖人之所以順天道感人心至中至正至易至簡而行之天下萬世卒莫有能易之者也釋氏之學稽之天道窒礙不協於是高廣其說既欲超之於天地未有之先又欲貫之於人物既無之後其言謬悠恍惚甚則詆昊天侮聖人茫無忌憚然其中空虛曠蕩卒流於支離窮遁而已耳何有於經世之實用哉元人崇尙浮屠至於世祖貶孔子爲中賢尊桑門爲正道令民毆西僧者截其手晉之者斷其舌毆僧晉僧之刑反踰於大辟殺人者焉其暴虐不君本無足道愚獨悲夫斯世斯民不

幸而生於亂華之世也

八月立常平倉○以太后有疾釋天下大辟百人

庚戌 至大三年 夏六月襄陽荆門汝州六安俱大水○

秋七月循州大水○十二月冀寧地震

辛亥 至大四年 春正月元主海山殂○罷總攝所僧詵

詔悉歸有司○三月愛育黎拔力八達即位

壬子 仁宗皇慶元年 二月徙周宣王石鼓於國子監○

五月禁諸王非時出獵○六月雨毛

癸丑 皇慶二年 三月有星孛於東井○六月京師地再

震○復以李孟為翰林學士承旨○建崇文閣以許

元史弼道卷下

三

衡從祀孔子廟

建崇文閣於國子監而以宋儒周敦頤程顥程頤張

載邵雍司馬光朱熹張栻呂祖謙從祀孔子不書而

書許衡何九賢者心皆得乎聖人之道言不詭於聖

人之經四方宗之百世仰之初不以元之祀否為軒

輒也故不書者若曰不必書也衡何人斯乃與諸賢

竝進而列於夫子之宮牆哉春秋之法內夏外夷齊

桓公攘夷尊周一匡天下猶羞稱於仲尼之門衡生

於華而仕夷固已悖春秋之法而獲罪於聖人大矣

居然引之於俎豆之列如衡有知將神爽飛越不待

磨之而走且僵矣豈能一朝居耶是知從祀之舉不
足以為衡榮祇足以為其累耳

九月京師大旱

甲寅 仁宗延祐元年 夏四月大寧地震有聲如雷○八

月冀寧汴及武安涉縣地皆震○十二月以李孟為

平章政事

乙卯 延祐二年 春正月遣宣撫使問民疾苦黜陟官吏

○三月廷試賜進士護都魯兒五十六人及第出身

有差

設科取士昉於李孟之建言而元主從之意甚盛也

元史弼道卷下

三

然終元之代率以夷人為首而華人則居其次焉豈

一時華夏之士皆出於瓊裘卉服之下乎元制列儒

於娼之下丐之上乃今獲居於夷之次焉抑亦可以

為榮矣

五月成紀山移○十二月旌賴祿孫孝行

丙辰 延祐三年 夏四月修比干狄仁傑祠○九月冀寧

晉寧地震○冬十月河南地震

丁巳 延祐四年 二月敕郡縣置義倉○秋七月成紀山

崩○冀寧地震○八月嶺北地震三日

戊午 延祐五年 春正月懿州地震○二月和寧地震○

泰安縣山崩○三月金書藏經○德慶地震○秋七月加封楚屈原爲公

己未延祐六年

庚申延祐七年春正月元主愛育黎拔力八達殂○三月碩德八剌即位○遣七寶帶○詔諸郡建帝師八思巴殿其制視孔子廟有加

辛酉英宗至治元年春正月元主擬元夕張燈設宴張養浩上疏元主大怒既而止之○造壽安山佛寺殺諫官觀音保等竄成珪李謙亨

壬戌至治二年五月元主如五臺山以吳全節爲玄教大宗師○十一月平江路水免民租南康建昌大水命振之

元史弼遠卷下

壬

癸亥至治三年春正月以吳澂爲翰林學士○夏五月大風雨雹拔柳林大木二千餘章○八月鐵失等弑元主於南坡○九月晉王也孫帖木兒即位

甲子泰定帝泰定元年六月元主受佛法於帝師○八月成紀山崩水溢

乙丑泰定二年夏五月祀唐劉蕡○秋七月令民納粟補官○冬十月皇后受佛戒於帝師

丙寅泰定三年春正月徵前翰林學士吳澂不起○秋

七月鹽官大風海溢○冬十月賜天源延聖寺田千頃

丁卯泰定四年

春正月皇子受佛戒於智果寺○八月溥沱河溢

戊辰泰定帝致和元年

三月受佛戒於帝師○秋七月元主也孫帖木兒殂○八月燕帖木兒謀迎懷王圖帖木爾於海南九月懷王即位改元天曆是爲文宗

○遷泰定后於東安州○遣使迎兄周王和世球於漠北○十一月再遣使奉迎周王○周王南還

己巳文宗天曆二年

春正月三遣使迎周王勸進周王

元史弼遠卷下

壬

遂即位於和寧之北是爲明宗

懷王於戊辰九月即位改元天曆是國已有君矣徒以周王兄也懷王弟也弟先其兄處非其據而諸王大臣稱兵向闕問罪之師四面而至懷王無辭以解之也於是累使奉迎移書勸進夫豈其得已哉亦以觀周王之退讓辭謝而吾始受之庶幾得位有名而紛紛天下之兵則猶可及止耳當此之時使周王秉

泰伯之明守子臧之節猶懼其弗免何者夷狄豺狼父子相食而何有於兄弟乎矧周王地嫌勢迫左右

交構猜疑易生他時非弟戕兄則兄戕弟此理勢之

易見者夫何周王昧始終之義羣臣無匡救之忠一介之使方勤萬乘之欲已動欣然首途遽爾旋軫雖有信使之泛迎儀文徒具不待符璽之跪上壇遺其升過聽因心之言誤承置腹之誼而周王遂卽位矣孔子曰天無二日民無二王夫二日不可以竝昭二王不可以相臨古今天下曾有一國兩君而無篡奪之禍者乎

二月文宗立雍吉刺氏爲皇后

文宗藉有讓兄之真心則雍吉刺氏之立不稱皇后矣

元史彌遠卷下

五

三月文宗遣燕帖木兒奉皇帝璽於明宗行在所

燕帖木兒文宗腹心之臣所以翼戴文宗者無乎弗至至是因明宗之立不得已而遣之奉上璽綬蓋陽爲尊奉之文陰實置諸左右以伺察其動靜而明宗未之知也今日符璽之上其垂棘之壁寓諸外府已乎

夏四月燕帖木兒見明宗於行宮○立文宗爲皇太子

子○六月皇太子發京師北還○八月戊子皇太子

弒其君和世球於行殿○皇太子復卽位

元史書明宗宴皇太子及諸王大臣於行殿帝暴崩

矣此以弒君書何夫許世子止不嘗君父之樂趙穿實弒靈公趙盾不踰境而返春秋猶蔽以弒君之罪而止也盾也不獲辭焉矧文宗弒逆之跡章章明著者乎順帝明詔文宗謀爲不軌而又云使明宗飲恨而崩夫旣云謀爲不軌矣而又曲爲之諱是欲蓋而彌章也不然則明宗以壯盛之年道塗之所經帷幄之所次未聞其犯霜露嬰宿疾也烏有一宴之頃而卽奄然其逝者乎魚中之刀一庖人僂爲之酒中之鳩浮白引滿不覺也曰然則明宗亦可名其爲君矣乎曰奚不可也以卽位言之則文宗先立以天秩言之則明宗兄也况文宗之擁立始於奸臣之邪謀明宗之繼統由於厥弟之勸進名其爲君可謂名正而言順者矣

元史彌遠卷下

三

國子祭酒字北魯神不拜帝師

丘濬曰元起朔方崇尚釋教帝師之命與詔敕竝行於西土帝后妃主皆受其戒而膜拜焉正衙朝會百官班列帝師專席於座隅其來朝也大臣郊迎俯伏進觴帝師不爲易惟天曆中國子祭酒字北魯舉觴立進請各不爲禮蒙古百年之間僅見有此史氏書之以爲美談則前此無一人敢與之抗禮者可知

也然魯翽所值帝師乃其徒類依次爲之者耳其禮
尙加嚴重如此況其始封之人所謂皇天之下一人
之上者哉當時以道統自名一世士大夫以之接孔
孟之緒者考其居位之日正與其人相當不知其所
以爲禮何如也設或抗之作史者必書以誇詡之矣
又何貴於學尤魯翽也耶

留燕帖木兒於上都監給恩資幣

賂羣臣也燕帖木兒乃文宗有功之臣故畱之監給
以市恩焉耳如其不然則文宗嘗卽位矣未聞加資
於其下今復位耳乃以金幣給之耶

元史綱目卷下

三

九月御史中丞張養浩死○建顏子廟於曲阜

庚午 文宗至順元年

二月以趙世延虞集纂修經世大

典○諸王禿堅據雲南以拒命○封明宗子爲郕王

○冬十月以董仲舒從祀孔子廟

辛未 至順二年

春正月元翰林學士吳激死

丘濬曰許衡死不書官而激書官且加之以元何也
衡生元人域中不得已而爲之用其心尙有不慊焉
者激宋鄉貢士平昔所志者何道仕之所得幾何而
頓忘孔子春秋之教哉

十一月養燕帖木兒子爲子賜居第貲產

壬申 至順三年

夏四月太寧地震○五月京師地震有

聲○白虹竝日出長竟天○秋八月天鼓鳴於西北

○己酉隴西地震是日元主圖帖睦爾死○冬十月

元主懿憐質班卽位年七歲十一月殂是爲寧宗

癸酉 順帝元統元年

夏六月元主妥懽帖睦爾卽位文

宗后命立之○燕帖木兒死

梁氏曰燕帖木兒誅倒刺沙迎立文宗文宗再卽位
命獨爲相以尊異之於是挾震主之威肆意無忌一
宴或宰十三馬取泰定后爲妻前後尙公主四十八
有成婚三日卽遣歸者其死也順帝乃獲卽位焉

元史綱目卷下

三

冬十月放罪囚二十七人依皇太后行年之數

甲戌 元統二年

春正月兩血於汴○三月湖廣旱○夏

四月河南旱○五月立闕文興及妻王氏雙節廟○

秋七月至九月太白屢經天

乙亥 順帝至元元年

六月唐其勢塔刺海伏誅○秋七

月伯顏弒皇后伯牙吾氏○十一月詔罷科舉

丙子 至元二年

春正月宿松地震山裂○五月南陽鄧

州霖○六月湍河白河大溢水○八月江浙自春至

是月不雨民大饑

丁丑 至元三年

夏四月有星孛於主良至七月沒於貫

索○詔省院臺部及諸司之長並用蒙古色目人○

五月丁卯彗星見於東北至八月庚午凡六十四日

滅○六月大霖雨○八月京師地大震○冬十月處

士許謙卒○十一月自七月至是月太白屢經天

戊寅 至元四年 二月奉聖州地震○夏四月京師大雨

紅沙晝晦○六月信州靈山震○秋七月鞏昌山崩

○京師地震○十二月太白屢經天

己卯 至元五年 六月汀州大水○秋七月宜興山水溢

○自是月至九月太白屢經天○十二月新昌雨冰

至明年二月始解

元史朔道卷下

壹

庚辰 至元六年 春二月出伯顏於河南○有星孛於房

彗指東南漸向西北行凡三十二日滅○六月安置

文宗后於東安州○放燕帖古思於高麗未至為從

臣所殺○成紀山崩地坼○秋七月禁色目人勿娶

其叔母○處士吳萊卒

辛巳 順帝至正元年

壬午 至正二年 春正月開金口河○夏四月興寧地震

裂○秋七月羅浮山崩

癸未 至正三年 春二月修宋遼金史以張起巖歐陽玄

揭傒斯充總裁官○秋七月河南自四月至是月霖

不止○十二月徵隱士脫因伯顏張瑄杜本辭不至

甲申 至正四年 五月大霖雨黃河溢

乙酉 至正五年

丙戌 至正六年 三月賜賀惟一蒙古姓名以為御史大

夫○山東地震七日○九月邵武地震有聲如鼓

丁亥 至正七年 春正月朔日食大寒而風朝士仆者數

人○二月山東地震○秋七月召隱士張樞為翰林

修撰不至○以翰林直學士朱公遷為金華學正

戊子 至正八年 春正月修后妃功臣列傳以張起巖楊

宗瑞黃縉為總裁官○夏五月大霖京城崩○廣西

元史朔道卷下

壹

山崩灘江溢○冬十月台州方國珍聚眾海上○十

一月元翰林學士虞集死

凡華人仕夷皆書死集雖博學多文亦不以是而貸

之也揚子雲豈不學無文者耶

己丑 至正九年

庚寅 至正十年 春正月石隕棗州○二月奉化山石裂

○六月有星大如月入北斗○九月祭三皇如孔子

禮○十一月星隕於耀州化為石

辛卯 至正十一年 三月徵處士彭炳為端本堂說書不

至○夏四月開黃河故道以賈魯為工部尚書董其

役○十一月有星孛於西方○黃河堤成○十二月

太白屢經天

壬辰 至正十二年

二月知江州李黼為徐壽輝所殺

元史書徐壽輝陷江州李黼死之既與其死節矣此乃削之若云為盜所殺者何黼以泰定四年廷試魁多士授翰林修撰出守江州治城浚濠召募壯勇分守要害賊至輒身先士卒大呼陷陣屢挫敵鋒至是兵敗為徐壽輝所殺黼也被髮左衽淪其風豕交獸畜溺其志其守江州也矢心殫力破敵嬰城自以為道切於濟時忠先於丞主必如是而後國恩可酬臣

元史弼違卷下

美

節始塞此徒知食焉不避其難之為義而不知食輒之食為非義者孔子曰豈若匹夫匹婦之為諒也自經於溝瀆而莫之知也斯言益為召忽而發黼其自經於溝瀆者與此義行而人知仕夷者雖效死不明其為忠而後華夷之分正矣於李黼且然況泰不華者乎

隴西地震百餘日不止○夏四月元翰林學士承旨

歐陽玄罷○安置瀛國公趙完普於沙州

癸巳 至正十三年

五月泰州張士誠起○十一月元主

習西僧演揲兒及祕密法○以官人為天魔舞○進

龍舟於內苑○自製宮漏

甲午 至正十四年

春正月朔汴河冰文成花草五采○

三月元翰林侍講學士黃縉死○十一月脫脫及張

士誠戰大捷御史承哈麻風旨劾之詔削奪其官爵

淮安安置

乙未 至正十五年

春正月鄭暄請禁胡俗收繼叔婦兄

嫂不報

丘濬曰元主中國至是七十有六年又十有四年元亡矣而胡俗之妻其繼母庶母伯叔母及嫂終元之世未始或改也後以男女有別而後萬化成人道之

元史弼違卷下

美

大經於斯為要矣故曰男女正天地之大義世焉有男女不正而可以言治者乎胡元收娶親黨瀆亂彝倫安然為之而不知恥即鳥獸孳尾而不避人者也其風俗薄惡甚矣然不知許衡姚樞趙復以濟時行道為名者亦嘗念及於此否乎敷陳王道之頃亦嘗論及否乎如以是為道耶則懲羹崔浩莫箴國俗之非藉口兜堅謬為慎言之戒慮禍忘道罪固不容道也如以是為非道耶則彝倫攸斁洪範之旨不明王化日墮關雎之義轉鬱矣若是而曰知道則愚不信也衡食元之粟享有高名坐視斯道之淪而莫之救

乃曰吾學以濟時道以經世欺天乎欺人乎使聖人復生必不免於兩觀之誅矣衡既任斯道之重則當任斯世之責他如史天澤董文炳之徒以虓虎煽其武歐陽玄虞集黃縉之流以雕蟲飾其文君子無暇責焉爾也

夏四月殺故右丞相脫脫於淮安○六月我太祖高皇帝起兵伐元自和州渡江取太平

復俊曰我聖祖之有天下也其亦取之於元已乎殆非也天下者中國帝王之天下夷狄不得而奸之昔者秦楚吳越皆以中國之胤迭鬪爭雄而未純於爲

元史弼違卷下

三

夷也迨乎淵勒遼金各以才力之強偏安竊據而未奄有四方也蠢茲胡元始混一寰區入主中國毒殘黎獻斃壤綱常其腥膻汗穢之氣固已旁薄山川昏曠日月矣聖祖資稟生知而曆數之傳君師之責天寶與之茲乘時撫運應天順人仗劍一呼而六合歸心羣策畢舉自非帝相神授曷克與於斯哉故中國帝王之天下胡元盜之聖祖自取之亦猶虎兕出於柙龜玉毀於櫝中而其主自取之云爾而謂聖人之有天下也取之於元可乎是故嗣後我兵凡得郡邑率書曰取

丙申 至正十六年 二月哈麻伏誅○六月我兵取集慶○取鎮江廣德○有兩日相盪○八月甲戌彗星見張宿至十二月戊午滅○冬十月有星如火東南流墜地有聲化爲石

丁酉 至正十七年 三月我兵取常州寧國○六月樂清

江中龍起○我兵取江陰徽州○八月取揚州

戊戌 至正十八年 春正月陳友諒陷安慶守將余闕爲其所殺○我兵取婺源○三月大同空中有兵戈聲○我兵取建德○五月山東地震雨白毛○八月我

兵取蘭溪○十二月取婺州

元史弼違卷下

三

己亥 至正十九年 春正月我兵取諸暨○九月取衢州

處州

庚子 至正二十年 春正月丙辰五色雲見○二月彗星

見東方○六月我兵取信州○冬十月甘露降於大

成殿柏樹○十一月黃河清三日

辛丑 至正二十一年 春正月元主遣使諭字羅帖木兒

察罕帖木兒各罷兵還鎮○八月我兵取江州僞漢

陳友諒退居武昌○取建昌饒州○十一月黃河自

平陸三門積至孟津五百里清凡七日

壬寅 至正二十二年 春正月我兵取江西諸路○二月

乙酉彗星見於危宿凡三十四日滅○夏四月長星見

癸卯 至正二十三年 三月彗星見東方經月乃滅○秋

八月我兵與陳友諒大戰於鄱陽湖友諒敗死

甲辰 至正二十四年 春二月我兵克武昌擒偽漢陳理

湖南北江東西皆平○夏五月取廬州○九月取中

興及歸峽潭衡州

乙巳 至正二十五年 取寶慶○七月李羅帖木兒伏誅

○我兵取安陸襄陽○十一月取泰州

丙午 至正二十六年 三月我太祖求遺書○取高郵淮

元史綱目卷下

元

安徐宿濠泗潁州及安豐○六月介休地震○山陰

臥龍山裂○秋七月徐溝地震○有星孛於東方○

十一月我兵取湖杭紹興嘉興

丁未 至正二十七年 春正月絳州天鼓鳴○我兵取松

江及沅州○五月山東地震○八月元命皇太子總

天下兵馬○九月我兵取平江執偽吳張士誠○取

通州無錫及慶元台溫州○十一月取忻州○取嶧

州益都○十二月取般陽萊州及東平○取邵武○

取福州偽夏方谷珍降

戊申春正月我太祖即帝位於金陵○庚寅彗星見於

昂畢之閒○我兵取建寧○取延平執陳友定○二

月取東昌○取寶慶路○取棣州○取興化泉漳潮

州○三月彗出於昂北○有星孛於西北○我兵取

河南○入潼關○取永惠州○夏四月取英德取廣

州○取松陵汝州○取道州全州郴州梧州藤州潯

州貴州象州鬱林○六月臨保德地震○我兵取廣

西諸郡○秋七月癸酉京師紅氣如火乙亥黑氣起

○我兵取海北海南及左右所江○太祖自平灤渡

河取衛相州及彰德廣平順德○閏月乙丑太祖兵

至通州元主妥懽帖睦爾北遁元亡○八月我兵入

燕京

己酉

庚戌四月妥懽帖睦爾殂於應昌○五月我兵取應昌

俘其后妃皇孫諸王大臣惟皇子遁去○我兵遂取

懷慶鞏昌平涼臨洮天下郡縣悉歸於版圖傳之萬

世矣太祖以元主知順天命特諡曰順帝云

贊曰

宋室不綱積衰成蠱始厄完顏終殲蒙古玄夷

肆惡滔天盜有華夏賄以腥膻狼貪不仁虜聚無恥

天常既夢人倫咸地九州蒙塵三辰遺孽孔聖皇皇

賈生痛哭世變陸沈奚翅江河百爾君子傷如之何
國有盜儒心奸舌巧斧鉞勿施空勾華藻山川草木
爾視則明鍾鼓管籥爾聽則清曰華曰夷較若外內
奚獨爾心惜焉若昧永懷商賢挺挺孤竹畢志採薇
罔茹周粟爾甘營酪遂昵於夷是非淑詭莫肯式釐
謂桀爲堯訣跖爲稷賦職權衡俯首作忒夷罪百千
敗類瀆倫爾庇其惡實罪惟鈞曰余忡忡觸事增慨
華其貉乎九十三載希蹤南史奚忍妄言提我彤管
伐之九原

元史弼違卷下

三

歲在柔兆困頓玄月
崑山趙詒琛校刻行

門生丘文舉校


元史弼違卷下終

楊富春錄

[Faint, illegible text, possibly bleed-through from the reverse side of the page]

庚申外史

二卷



卯冬月
壬午年

欽定四庫全書總目卷五十二 史部 雜史類存目

庚申外史二卷 編修汪如藻家藏本

明權衡撰衡字以制號葛溪吉安人元末兵亂

避居彰德黃華山明初歸江西寓居臨川以終

是書見於明史藝文志者卷目與此相合陳繼

儒嘗刻入祕笈佚脫譌舛殆不可讀此乃別行

鈔本猶當日原帙也所紀皆元順帝即位以後

二十八年治亂大綱時順帝猶未追諡以其庚

申年生故稱之曰庚申帝又元史亦尙未修故

別名曰外史見聞錄所言多與元史相合於宮

庚申外史 存目

一 豫章叢書

庭構煽盜賊縱橫之事皆能剖析端委至於順

帝誅博羅 原作字羅今改正 與秀才徐思畚謀之博羅

誅思畚不受賞逃去及危素爲權臣草詔諸事

皆他書所不載惟其中稱順帝爲瀛國公子一

條最爲無稽厥後袁忠徹著之於文集寧王權

載之於史略程敏政又選忠徹之文入明文衡

錢謙益又引余應之詩證實寧王權之說其端

實自此書發之蓋元之中葉宋遺民猶有存者

因虞集草詔有託歡特穆爾非明宗之子一語

遂造此言以洩其怨明人又讎視元人遂附合

而盛傳之核以事實渺無可據實爲荒誕之尤

非信史也書前別附一序稱洪武二年迪簡受

命訪庚申帝史事云云不著其姓詳其文乃庚

申帝大事紀序非此書之序後人移綴此書中

耳考王禕造邦勳賢錄稱劉迪簡宜春人國初

徵授尙賓副使則迪簡當爲劉姓又考黃溥閒

中今古錄稱劉尙賓集庚申帝大事紀則此序

爲劉迪簡大事紀序明矣

庚申外史 存目

二

明 葛溪權 衡以制編

癸酉元統元年先是歲壬申秋文宗車駕在上都八月疾大漸召皇后及太子燕帖古思大臣燕帖木兒日昔者見忽必之事為朕平生大錯朕嘗中夜思之悔之無及燕帖古思雖為朕子朕固愛之然今大位乃明宗之大位也汝輩如愛朕願召明宗子妥歡帖木兒來登茲大位如是朕雖見明宗于地下亦可以有所措詞而塞責耳言訖而崩是忽必者乃明宗皇帝從北方來欲毒而崩之地燕帖木兒大懼為之請

庚申外史卷上

豫章叢書

踏者累日自念見忽必之事已實造謀恐妥歡帖木兒至究治其罪姑秘文宗遺詔屏而不發因謂文宗后曰阿婆且權守上位安王室妥歡帖木兒居南徼荒瘴之地未知有無我與宗戚諸王徐議之可也是時燕帖木兒以太平王為右相禮絕百寮威焰赫赫宗戚諸王無敢以為言者迨迨至至順四年三月上位虛攝已久內外頗以為言燕帖木兒始迎明宗皇帝幼子懿璘只班登寶位不發詔不改年號逾月而崩廟號寧宗既而燕帖木兒建議欲立燕帖古思文宗后苦辭曰天位至重吾兒恐年小豈不遭折死耶妥

歡帖木兒在廣西靜江可取他來為帝且先帝臨崩云云言猶在耳于是燕帖木兒知事不能已遂奉太后詔旨遣使去廣取妥歡帖木兒太子來京太子行至良鄉以郊祀鹵簿禮迎之蓋燕帖木兒欲以此取悅太子之意既而燕帖木兒驅馬與太子並行馬上舉鞭指示告太子以國家多難遣使奉迎之由太子訖無一言以答之燕帖木兒心疑懼留連至六月方始使登位改元元統元年尊文宗后為皇太后丞相燕帖木兒加太師左丞相撒敦為右丞相伯顏為樞密院知院唐其勢為御史大夫撒敦者燕太師之弟

庚申外史卷上

二

也唐其勢者太師之子也徽政院使宦者高麗人禿滿歹兒者首薦高麗女子祁氏于帝祁氏性黠慧有寵于帝秋九月太后謂大臣曰正宮未有人何不選立之眾對曰今太師丞相有女端嚴正大宜為天下母于是立太師女伯牙吾氏為后后權臣家女習于驕貴又輕帝年幼見帝寵祁氏心不平之日夜捶楚祁氏幾不勝一夕又跪祁氏于前籌問其罪加烙其體翼日司天奏昨夕火星犯后妃帝雖不言甚銜之初世祖皇帝家法賤高麗女子不以入宮至是始壞祖宗家法識者知天下之將亂也

甲戌元統二年太師太平王燕帖木兒自帝即位以來不復留心政事惟日溺于酒色收晉邸后爲妻諸公主嫁之者四十餘人有某王位公主嫁及門三日不得見既而傳旨曰公主且歸我要時來取 燕帖木兒宴趙中丞家男女共坐名爲鴛鴦筵席隅坐中有一婦人顏色甚麗太師目之問曰此爲誰意欲留之左右告曰此太師幾夫人某氏也由是酒色過度體羸渴血而死 太尉伯顏臣爲右丞相伯顏當帝在廣西來京師宿留汴梁心方不測朝廷權臣意其時伯顏適爲汴梁省左平章提所有蒙古漢軍扈從

庚山外史卷三

三

入京帝深德之既以扈從功封太尉至是一旦爲相居唐其勢上唐其勢忿曰天下者本我家天下也伯顏何人位居我上或時衷甲帶刀至伯顏家或夜入都人家飲然猛慾無術實無他異謀也

乙亥至元元年四月右丞相伯顏奏曰御史大夫唐其勢與其弟答刺海爲文宗義子者謀爲不軌將不利社稷有詔捕之唐其勢攀檻不肯出答刺海匿皇后袍下右丞相復奏曰豈有兄弟謀不軌而姐妹可匿之乎并執皇后以付有司后呼曰陛下救我帝曰汝兄弟謀害我我如何救得徐亦絞死于東門外唐

其勢既死命撤的爲御史大夫立翁吉刺氏爲皇后后乃世宗察必之曾孫也性莊厚寡言笑號正宮皇后復立祁氏爲次宮皇后居興聖宮號興聖宮皇后二宮並爲后自此始 伯顏奏曰陛下有太子休教讀漢人書解人又其閒好生欺負人往時我行有把馬者久不見問之曰往應舉未回我不想科舉都是這等人得了遂罷今年二月禮部科舉 丙子至元二年詔徵西域匠刺麻至京禮爲帝師仍以故太師燕帖木兒第賜之 丁丑至元三年以伯顏爲太師答刺罕左丞相封秦

庚山外史卷三

四

王伯顏本刺王家奴也謂刺王爲使長伯顏至是怒曰我爲太師位極人臣豈容猶有使長耶遂奏刺王謀爲不軌殺刺王并殺王子數人初伯顏謀封秦王時或告伯顏曰秦王大名恐不宜居伯顏曰我聞淮東有秦郵我索秦郵爲秦王非西秦也何不可之時天下貢賦皆入于伯顏家省臺官多出其門下每罷朝皆擁之而退朝廷爲之空矣禁漢人南人不得持寸鐵賜高年帛禁百姓畜馬有差品官畜馬六月天下謠傳拘刷童男童女民間皆望風成婚 河南棒胡者河南散山縣人好使棒棒長六七尺進退

擊技如神遠近聞者稱棒胡其徒弟百餘人有名胡山花亦善棒開州人輓軸李陳州人棒張皆起兵應之河南左丞慶童督兵敗之于鹿邑岡擒之號其岡爲得勝岡伯顏數往太皇太后宮或通宵不出京師爲語曰上把君欺下把民虐太皇太后倚恃著慧出紫薇垣數十丈凡十餘日占者以爲應在十五年後至年果驗京師大水朱光卿石崑山亂于廣南之惠州既而復有李智甫羅天夢亂于廣南言言言之

戊寅至元四年詔郡縣舉隱逸士詔修曲阜孔廟

庚申外史卷上

五

袁州妖僧彭瑩玉徒弟周子旺以寅年寅月寅日寅時反反者背心皆書佛字以爲有佛字刀兵不能傷人皆惑之從者五千餘人郡兵討平之殺其子天生地生母佛母瑩玉遂逃匿于淮西民家瑩玉本南泉山慈化寺東邨莊民家子寺僧有姓彭者年六十餘歲善觀氣色一夕夜雪見寺東約二十丈紅焰半天翼日召其莊老詢之曰昨夜二更時汝邨中得無失火乎抑有他異事乎內有一老曰邨中無事惟舍下媳婦生一兒僧遠喜曰曷與我爲徒弟可乎老遂捨爲僧于是遂以穀帛若干酬之其子年十歲始送入

寺與羣從嬉時預言禍福皆驗年十五南泉山下忽產一泉甚冽是時民皆患疾疫瑩以泉水施之疾者皆愈以故袁民翕然事之如神及事敗逃淮西淮民聞其風以故爭庇之卒不爲有司所捕獲伯顏與太皇太后謀立燕帖古思而廢帝其姪脫脫頗聞其謀竊以告其師胡行可行可教之以密告于帝令帝知之而預爲防冬十一月河南范孟端反孟端者河南杞縣人也始爲內臺知班發身掾河南省臺其人貧無資京交遊人皆謂不辦事鬱鬱不得志又久不得補一日大書省壁曰人皆謂我不辦事天下辦

庚申外史卷上

六

事有幾人袖裏屠龍斬蛟手埋沒青鋒二十春後有守省御史來與孟端有舊力爲言之乃得補又不幫俸孟端憾曰我必殺若輩一夕與其黨霍八失等約曰我冬至日應直省汝四人當以黃臘爲丸彈狀佩之稱聖旨封鋪馬乘昏夜入河南省臺中堂坐定喚當值掾史來傳旨我則佯應之曰諾有河南廉使段惟德致仕在家卽傳聖旨召之使居省中權事餘省官呼入者汝皆傳聖旨槌殺之凡發號令惟聽我施行如此大事必成可以得志富貴可共也已而皆如其言是日省憲官置酒皆醉于家于是平章月魯不

花左丞刼烈理問金剛奴郎中完者禿黑的兒都事拜住總管撒思監司禿滿萬戶完者不花等喚入皆若使聽聖旨然卽以鐵骨朵自後槌死棄尸後園稱聖旨除孟端爲河南都元帥拘收大小衙門印自佩平章發兵虎符調兵守城把諸街巷中人不得往來封閉黃河大江渡船使南北毋通發各道兵來聽調孟端在省祭祖去杞縣祭祖墳經五日久用金鼓押諸衙門正官首領官凡若干人斬於市有馮二舍者孟端用爲省宣使使在外給事馮因叩孟端曰幸引我見朝廷官孟端醉不覺吐而言曰何者爲朝廷官

庚申外史卷上

七

我便是也馮覺其僞因隨孟端出竊告省都鎮撫曰使臣者僞也可閉諸省門勿納我將圖之于是殺孟端于外時省中猶未信擲其首示之乃開門持兵者入霍八失等竄竹園中遂俱撲殺之當孟端反時百官俯首聽命獨歸賜不從孟端曰朝廷以月魯輩有罪別選人歸先生不願仕宦耶賜曰有母在堂不願也又曰歸先生不怕死耶賜曰死生有命元帥遂囚之事敗得出故天下多歸賜自此始己卯至元五年冬皇太子生名愛育失黎答臘實與聖宮祁氏子也祁脫脫妻人皆呼脫脫爲乃公其後

脫脫因奏令正宮皇后子之十二月伯顏請帝飛放帝疾不往伯顏固請燕帖古思太子同往遂獵于柳林脫脫竊告帝曰伯顏久有異志茲行率諸衛軍以行往必不利于社稷帝幸不與之俱往無奈太子在柳林何卽夕卽召高保哥月怯察兒與之謀討伯顏卸其軍權于是先令月怯察兒夜開城門星馳往柳林竊負燕帖古思太子入城又忌翰林官泄其事時特使平章沙只班召其館客茫匪裏之車中以載之入賜之坐諭以伯顏罪狀卸其軍權誅之之意使草詔四更使只兒瓦歹平章及沙只班齎詔向柳

庚申外史卷上

八

林先卸其軍權天明閉大都諸城上開讀詔書畢御史大夫脫脫踞坐城門上傳聖旨曰諸道隨從伯顏者並無罪可卽時解散各還本衛所罪者惟伯顏一人而已伯顏養子詹因不花知院落失蠻尙書謂伯顏曰擁兵入宮問奸臣爲誰尙未晚也伯顏卻之曰只爲汝輩向時與脫脫不和致有今日尙欲誤我耶情知皇帝豈有殺我之心皆脫脫賊子之所爲也言未既又有詔到柳林伯顏除河南省左丞相伯顏請入辭帝使者不許曰皇帝有命命丞相卽時起行無入辭伯顏至河南又有詔令伯顏陽春縣安置初伯

顏過真定府時父老捧獻果酒伯顏謂父老曰爾曾見天下有子殺父之事父老曰不曾見子殺父但奴婢殺使長蓋暗指伯顏殺剌王事伯顏聞知俛首不語殊有慙色也 臺臣奏曰太皇太后非陛下母乃陛下嫡母也前嘗推陛下母墮燒羊羹中以死父母之仇不共戴天乃貶太后安州安置太子燕帖古思瀋陽路安置乃遣云都赤月怯察兒押送瀋陽太子忽心驚知其將殺已也飛馬渡河而去月怯察兒追之拉其腰而死云都赤者帶刀宿衛之士也太后亦每言帝不用心治天下而乃專作戲嬉故此舉雖出

于權臣實亦帝心之所欲也尙書高保哥奏言昔文宗制治天下有曰我明宗在北之時謂陛下素非其子帝聞之大怒立命撤去文宗神主于太廟并問當時草詔者爲何人遂欲殺虞伯生馬雍古祖常二人呈上文宗御批且曰臣受勅紀載實不獲已脫脫在旁因曰彼皆負天下重名後世只謂陛下殺此秀才故舍之而不問 國初宋江南歸附時瀛國公幼君也入都自願爲僧白塔寺中已而奉詔居甘州山寺有趙王者嬉遊至其寺憐國公年老且孤留一回到女子與之延祐七年女子有娠四月十六夜生一男

子明宗適自北方來早行見其寺上有龍文五彩氣卽物色得之乃瀛國公所居室也因問子之所居得無有重寶乎瀛國公曰無有固問之則曰今早五更後舍下生一男子耳明宗大喜因求爲子并其母載以歸

庚辰至元六年伯顏行至江西豫章驛飲藥而死殮以杉木棺寘棺上藍寺中云北塔寺屍水流出戶外人皆掩鼻過之籍其家數月擗搗不盡米糠數房燒餅至一房其膏也如此或言伯顏家畜西番師婆名昇昇每問來歲吉凶又問自己身後事當如何昇昇曰

當死于南人手故其秉政時禁軍器刷馬匹蒙古色目毆漢人南人不得回手等事皆原于此先是阿父赤大夫完者帖木兒王二人頗有氣節見伯顏私通太后殺剌王竊相議曰此人有無君心不除之必爲國家患于是截髮爲誓私相約曰但得閒卽行之一日伯顏休息于家二人侍立或言云都赤佩刀乃水總管鎖鐵善刀也阿父赤都借觀稱善久之伯顏亦欣然起披衣觀之完者帖木兒王喜于得閒從旁促阿父赤阿父赤懼不敢發完者帖木兒王疑其中變害已因長跪首曰閒者阿父赤觀刀時有害太師心

伯顏大怒卽摔向前阿又赤跪曰此人常有害太師心我不從故反告我卽併殺二人而籍其家其酷虐如此命脫脫爲左丞相益都忽爲右丞相韓家奴爲御史大夫汪家奴爲樞密使初伯顏既敗其弟馬札兒台以誅伯顏有功故繼其位爲首相僅半載于通州置榻坊開酒館糟坊日至萬石又使廣販長蘆淮南鹽其子脫脫不以爲然嗾參政佛喜問曰吾父喜君所行言無不聽曷諫我父使解職閒居不然人將議我家逐其兄而攘其位眾口甚可畏也佛喜問如其言因乘閒諫之馬札兒台果辭職家居封爲太師

庚申外史卷上

十二

于是陞益都忽爲首相而已副之焉 詔復行科舉 詔太廟四時祭享賜天下高年粟帛蠲天下租分 右丞相益都忽左丞相脫脫奏曰京師人煙百萬薪芻負擔不便今西山有煤炭若都城開池河上受金口灌注通舟楫往來西山之煤可坐致城中矣遂起夫役大開河五六十里時方炎暑民甚苦之其河上接金口高水河金口高水瀉下湍悍纔流行二時許衝壞地數里都人大駭遽報脫脫丞相丞相亟命塞之京師人曰脫脫丞相開乾河 秋河北大水 辛巳至正元年詔選儒臣歐陽元李好文黃縉許有

壬等數人五日一進講讀五經四書寫大字操琴彈古調常宣文閣用心前言往行欽欽有向慕之志焉 大興國子監蒙古回回漢兒人三監生員凡千餘然祭酒司業博士多非其人惟粉飾章句補苴時務以應故事而已凡在諸生日啖籠炊粉羹一人之食爲步五兩君子以監學乃作養人材之地而千百爲羣恣縱恬嬉玩愒歲月以侮嫚嘲諛爲賢行加屏風以障市人入茶酒肆不償值掉臂而去無敢誰何是壞天下人材何作養之有焉 曩加孫監生也積分試中累官至秘丞在朝鬱鬱後爲分省右丞一日奉擴

庚申外史卷上

十三

耶命入京師議事揚揚過市中大言曰我今日只知有總兵不知有皇帝人聞其言相過問曰此何官人也或曰此是往時國生曩加孫也人皆歎曰此官所言是報當日籠炊也 又昔賢奴者亦監生也積分中舉歷官至左右司員外郎因奉命至擴廓軍中留之爲分司部尙書已而京師大饑遣戶部侍郎求糧于擴廓普賢奴知之請與相見因責之曰朝廷遣汝來求糧耶歸語汝丞相朝廷自紅軍禍亂以來前後命總兵官勦捕皆有供給官辦糧料如鞏不斑也先帖木兒太不花答失八都祿等是也獨我察罕父子

總兵平大河南北山東等處並不曾費朝廷一毫供給今又起軍肅清江淮亦不索朝廷供給糧料而朝廷反求糧于我耶張志道參政在側因歎曰三十二年天子豈可使無一頓飽飯吃耶遂啓擴廓以山東糧五千運入京師往往國生所就類如此 樞密院掾史杜遵道棄官不仕適潁川遂爲紅軍舉首先是伯顏爲丞相馬扎兒台爲知院遵道爲書生上言請開武舉以收天下智謀勇力之士馬扎兒台遂補爲掾史既而知不能行其業遂棄去後爲賊中舉首壬午至正二年詔曲阜行聖公陞秩二品慶元守王

庚申外史卷上

三

元行鄉飲酒禮詔譯唐貞觀政要二月帝出元載門耕籍田是年秋監察御史言宦官太盛宜減其額并宮女蓋時宦者多高麗人爲之也

癸未至正三年鹵簿冕服新成親祀南郊時春二月也 議修遼金宋三史丞相脫脫意欲成之而所費浩大錢糧經數不足頗以爲憂掾史行文書丞相三卻之掾史遂與國史典籍謀之數日丞相不喜或曰若非錢糧無可措畫乎此易耳江南三省南宋田頗有貢土莊錢糧者各路椿寄累年倉庫盈積有司亦嘗借用之此項錢糧以爲修史費孰曰不然掾史即

日引見丞相丞相聞其說甚喜于是奏臣使儒臣歐陽元揭奚斯等于國史院修撰遼金宋三史 紹興守泰不花行鄉飲酒禮詔天下立常平倉 河決白茅口 冬十月十有七日有事于南郊前三日裸于太室拜享于列聖次第至甯宗前帝問禮儀使曰我兄也彼弟也拜合禮儀否禮儀使傳旨問博士劉闡對曰甯宗皇帝雖是弟然曾承宗器而爲皇帝時陛下亦嘗作他的臣子來當拜又春秋時魯國的諸侯有閔公僖公閔公是弟先作諸侯僖公是兄在閔公後作諸侯宗廟四時祭祀未聞僖公不拜閔公比這

庚申外史卷上

廿四

例見陛下合拜帝乃拜南郊禮畢大赦天下蠲天下民租五分 詔天下立常平倉先是以五事備取守令以常平倉得法湊成六事

甲申至正四年春歐陽元揭奚斯等修遼金宋三國史告成禮部引國史合院官稟右丞相脫脫奏聞脫脫搖首曰此秀才事我弗知三稟三卻眾皆患之或曰丞相好美名今此史具列某修丞相見其名不列宜其愠也盍稟之曰自古前代史書雖以史官秉筆而總裁則歸一人如唐書則歐陽修總裁資治通鑑則司馬光總裁今遼金宋三國史幸蒙丞相奏用儒

臣某等行其文而所以掌其事使就緒實賴丞相之力也某等謹以書丞相爲總裁官丞相幸始終成之以爲一代之盛典豈不可乎于是脫脫大喜卽命掾史具進史儀部鼓吹導從前後輝光自史館進至宣文閣帝具禮服接之觀者以爲近代無之先是諸儒論三國正統久不決至是脫脫獨斷曰三國各與正統各繫其年號議者遂息然君子終以爲非也進史畢大宴羣臣于宣文閣脫脫奏曰給事中殿中所記錄陛下卽位以來事迹亦宜漸加修撰收入金縢上曰朕行事只在給事殿中處之待朕他日歸天去令

庚申外史卷上

十五

吾兒爲之可也仍以御圖書封藏金縢自今不許有所入然不知給事殿中邇來皆公卿胥梁子弟爲之其實懵然全無所書也故庚申以來三十六年史事並廢 馬扎兒台太師告老退居甘州于是有謬言行其間父子各相疑脫脫因乞致相位願往甘州侍親詔許之初脫脫謀使其父辭位也嘗奏帝以其父之貪不可使居大位且密屬帝倘其辭位陛下宜卽許之至是帝亦因而許之蓋憶其初用詭計也以阿魯圖廣王爲右丞相以平章帖木兒達識爲左丞相乙酉至正五年以別怯兒不花爲丞相三月詔曰乃

者天災流行積雨害稼河失故道民罹其殃山東河南尤甚朕夙夜憂惕靖思其由皆朕菲德所致諸方賊盜竊發去限二十日悔過赦之前所免租外被災者全免之已入者準下年之數

丙戌至正六年詔遣使巡行天下黜陟幽明問民疾苦求訪賢俊分十道處之然奉使者類皆脂韋貪濁多非其人惟四川一道得王士熙武子春稍振紀綱餘皆鼓吹而已 命選天下郡守凡其人之官皆陞辭聽旨諭之曰汝守令之職如牧羊然飢也與之草渴也與之水飢渴勞逸無失其時則羊蕃息矣汝爲

庚申外史卷上

十六

我牧此民無使之失所而有飢渴之患則爲良牧守矣時上方有勵精圖治之意凡選轉某人爲某官必問曰此人已前行過事跡果然一一皆善否爲我悉陳之可也 徵處士脫因伯顏杜本張瑾爲翰林待制或議以爲擢用太峻不可帖木兒達識曰隱士無求于朝廷而朝廷有求于隱士識者誦爲名言 丁亥至正七年徵處士張樞不至 朶兒只班爲右丞相賀太平爲左丞相

戊子至正八年中書省修六條政類成 淮南北大水

己丑至正九年脫脫復入爲相初脫脫侍親居甘州太子愛育失黎達臘與脫脫子加刺張同庚以故加刺張獨留京師與帝子同嬉殿外愛育失黎使加刺張借已作老鴉聲旋繞殿墀三市已而復使加刺作老鴉而已負之亦三市加刺跪曰加刺奴婢也太子使長也奴婢不敢使使長負太子怒撻之啼哭之聲聞于帝帝曰誰哭耶左右曰脫脫子加刺張也問何爲而哭之如是左右具以對上喜曰賢哉此子也祁后因啓曰脫脫好人不宜久在外上遂領之會佛朗國進天馬黑色五名其項高而下鉤置之羣馬中若駱駝之在羊隊也上因歎羨曰人中有脫脫馬中有佛朗國馬皆世間傑出者也時有奸臣哈麻者在側聞此言以爲脫脫且將入復爲相也因乘間游說薦之于帝帝曰彼嘗罪汝杖汝一百七汝何爲薦之對曰彼雖罪臣當也臣若仇之不當也何怨之有其實此人好祁后于殿屏後竊聞之陰使人走甘州召之一夕脫脫至京師乘昏入城然亦未嘗見帝也祁后伺帝有喜色因誑加刺張于帝前曰汝亦思汝父脫耶加刺張跪曰思之也帝曰脫脫今何在而汝欲使之見也后起謝曰脫脫離闕久思見至尊今聞其

入城在某處矣上卽使人促之見至則上在樓毛殿召入正色問曰我使汝侍親甘州誰召汝來耶祁后爲之失色脫脫徐曰邸主使奴婢侍親今日幸親終服闋故來爾上遽起抱脫脫相與泣慰之翌日遂有再相之命 命中書莅祭三皇翰林應奉危素爲之樂章

庚寅至正十年戶部尚書薛世南武子春知脫脫有意興作蓋前爲相無聞其禮樂文章制度之事漠如也欲大有爲以震耀于天下超軼祖宗舊法垂名竹帛于無窮也薛世南武子春建言謂至元鈔法經久

當變制宜爲中統交鈔交叉臥置貫文與銅錢子母相權並用脫脫奏用其言立寶泉提舉司鑄至正通寶錢先兩日脫脫丞相率省屬下學勉勵至階祭酒呂思誠下階迎丞相向東坐祭酒西向坐省官列坐丞相下教官列坐祭酒下至是召祭酒至中書省告以將更鈔法事祭酒忽然而言曰丞相毋聽薛武兩少年之言改鈔法非祖宗舊制也丞相若聽之必亂天下後數日盡追奪思誠祭酒所授宣勅時亦議裁減冗官併省衙門數事或曰呂祭酒當議之時不措一詞乃議定惟有發怒罵晉而已 春三月河北大

雪深三尺 南陽總管莊文昭來言本郡鴉路有上馬賊百十爲羣突入富家計其家貨邀求銀爲撒花或剗州縣官庫取輕資約束裝載畢乃拘妓女置酒高會三日乃上馬去州縣初無武備無如之何于是始命立天下兵馬分司凡五處然不究其本而徒事其末終亦不能禁也

辛卯至正十一年歸德知府觀音奴言今河決白茅日徙而北失其故道當疏塞以爲地利脫脫喜其言命工部尙書成遵往相視焉還言工不可興浩大難成且現今南陽安豐盜賊成羣萬一與挑河人夫相

庚申外史卷上

九

挺而雜起此大亂之機非細事也決不可從脫脫不悅左遷成遵爲長蘆鹽運使更問京畿漕運使賈魯曰汝前爲張秋都水時知河之利害可疏鑿否賈魯澤潞人素有進取志遂應聲曰可因悉言其狀乃奏魯爲工部尙書兼河防使四月二十二日發河南淮南北軍民二十萬其費以億萬計府庫爲空有龔伯送者小有才汲汲以富貴爲心進言脫脫曰丞相大興利除害可也然必大有誅賞始可以攝伏衆情于是起大獄以謀害大臣置前相高昌王益都忽并韓家奴于死地未幾刑賞失措又興挑河工役所在肆

虐又併省衙門沙汰吏胥無所容跡五月潁州潁上紅軍起號爲香軍蓋以燒香禮彌勒佛得此名也其始出趙州灤城縣韓學究家已而河淮襄陝之民翕然從之故荆漢許汝水東豐沛以及兩淮紅軍皆起應之潁上者推杜遵道爲首陷成皋據倉粟從者數十萬陷汝甯光息信陽蕪黃者宗彭瑩玉和尙又推徐真逸爲首陷德陽河陽安陸武昌江陵江西諸郡起洧漢者推布王三孟海馬爲首布王三號北瑣紅軍奄有均房襄陽荆門歸峽起豐沛者推芝麻李爲首

庚申外史卷上

十

芝麻李者邳州人也值歲饑其家惟有芝麻一倉盡以賑人故得此名賈魯挑黃河所在廢民業民心不安芝麻李與鄰人趙君用謀起事曰朝廷妄興土木之功百姓貧苦無告吾聞潁上香軍起官軍無如之何當此之時有真男子取富貴之秋也君用者趙社長也曰我知惟某某可用燕城南彭二其人勇悍有膽畧不得其人不可舉大事也我當爲汝致之即訪其家入門見其人方礪斧斤謂之曰汝礪斧斤將何爲耶彭二云州縣云有賑濟日日伺之實悞事飢無得食我將伐薪入城換米喫可以度日官府不足信

也君用曰噫我視汝膂力過人何處不得一頓飽飯
與耶因作色曰汝能從我謀事豈但衣食而已富貴
從汝彭二卽解其意應曰其中有芝麻李乎曰有有
我當從之遂引見芝麻李喜得八人歃血同盟于是
年八月十日佯爲挑河夫日夜倉皇投徐州城夜留
城中門卒拒之則曰我挑河夫也借一宿何傷其半
夜因突入一半在外一半在內夜四更城內四人蒸
四火城外四人亦蒸四火應之旣而復合爲一處城
內納喊一聲城外接應一時城中大亂四人者遽奪
軍器亂殺外四人因而得入同聲叫殺民久不見兵

庚申外史卷上

三

革一時見亂殺皆束手從命天明又樹大旗募人爲
軍從之者亦百餘萬浮橋四出掠地亦奄有徐州近
縣及宿州五河虹縣豐沛靈壁西井安豐濠泗事聞
朝廷省吏抱牘題曰謀反事至脫脫前觀其牘改題
曰河南漢人謀反事識者知元朝不能有天下矣河
南漢人可追乎其後張士誠起于淮海趙明遠起于
徐州毛貴起于山東明元帥起于四川獨本朝龍興
淮南卽以建康爲天下根本東征西伐南誅北討四
海人心歸附皆有後後來蘇之望元朝之國祚可盡
矣先是童謠曰富漢莫起樓貧漢莫起屋但看羊兒

年便是吳家國迨本朝定都建康築壇于建康南門
郊天受命政元朝至正二十七年爲吳元年實丁未
歲也豈不驗哉天命有所歸豈人力之所能爲耶

朝廷聞紅軍起命樞密院同知赫廝禿赤領阿速軍
六千并各支漢軍討額上紅軍阿速者綠睛回回也
素號精悍善騎射與河南行省徐左丞俱進軍其三
將但以酒色爲務軍士但以標掠爲營于勦捕之方
漫不加省赫廝軍馬望見紅軍陣大揚鞭曰阿卜阿
卜阿卜者言走也于是所部皆走至今淮人傳以爲
笑其後赫廝死于上蔡徐左丞爲朝廷所誅阿速軍

庚申外史卷上

三

不習水戰不服水土病死者過半 十二月布王三
陷鄧州南陽

壬辰至正十三年正月孟海馬陷襄陽徐真逸陷湖
廣其將會元帥陷安陸江陵脫脫爲相諱言中原兵
亂而哈麻媒孽其過帝召脫脫怒責之曰汝嘗言天
下太平無事今紅軍半宇內丞相以何策待之脫脫
汗流浹背未幾自請督軍下徐州兵出有淮東元帥
遂善之者上言官軍不習水土宜募場下鹽丁可使
攻城又有淮東豪民王宣者亦上言鹽丁本野夫不
如募城墜趨勇慣捷者可以攻城前後各得三萬人

皆黃衣黃帽號曰黃軍脫脫知城有可克之狀下令諸將各勵乃事我至即攻之須臾脫脫至一鼓攻之遂夷其城又調阿吉刺太尉攻汝甯汝甯紅軍懼退保亳州阿吉刺攻平汝甯城赫廝既死朝廷別命鞏卜班平章爲將領侍衛漢軍合愛馬韃靼軍合數萬嚴屯汝甯沙河岸日夜沈溺酒色醉臥不醒敵人偷營迷失大將所在次日闕死人得其尸死人中師遂退數百里屯項城縣又命御史大夫也先帖木兒代爲總兵凡精兵三十餘萬金銀物帛車數千輛河南北供億萬計前後兵出之盛無如此者也先帖木兒

庚申外史卷上

三

駐軍沙河未及兩月軍中夜驚也先盡棄軍資器械糧運車輶山積僅收散卒萬人直抵汴城下時文濟王在城頭遙謂之曰汝爲大將見敵不殺何故自潰吾將劾汝此城必不容汝入遂離城南四十里朱仙鎮屯焉朝廷乃命蠻子平章代之也先徑歸燕京抵暮入城明日仍爲御史大夫當時官軍不足用類如此故王宜建言募鹽丁豈亦識時務者歟而十數年前見機最早者惟杜遵道一人也賈魯治黃河疏四里邨塞黃龍江口立回龍廟于岸上水由故道行脫脫議軍事每迴避漢人南人時方入內奏事回

頭中書韓伯高韓大雅隨後來遽令門者勿納奏曰方今河南漢人反宜榜示天下令一槩勦捕諸蒙古色目因遷謫在外者皆召還京師勿令誑誤于是榜出河北之民亦有變而從紅軍者矣中書左司郎中田本初言江南漕運不至宜墾內地課種昔漁陽太守張堪種稻八百餘頃今其跡尙存可舉行之于是起山東益都般陽等一十三路農民種之秋收課所得不償所費次年農民皆散罷去冬復立庸田使司于江南咬住平江陵答失入都魯平襄陽

庚申外史卷上

四

既得幸于上陰薦西天僧行運氣之術者號演揲兒法能使人身之氣或消或脹或伸或縮以盡惑上心哈麻自是日親近左右號倚納是時資政院使隴卜亦進西番僧善此術者號秘密佛法謂上曰陛下雖貴爲天子富有四海亦不過保有見世而已人生能幾何當受我秘密大喜樂禪定又名多修法其樂無窮上喜命哈麻傳旨封爲司徒以四女爲供養西番僧爲大元國師以三女爲供養國師又薦老的沙巴郎太子答刺馬的禿魯帖木兒脫懽孛的蛙麻納哈出速哥帖木兒薛答里麻十人皆號倚納老的沙帝

母舅也巴那太子帝舅也在帝前男女裸居或君臣共被且爲約相讓以室名曰些郎兀該華言事事無礙倚納輩用高麗姬爲耳目刺探公卿貴人之命婦市井臣庶之儷配擇其善悅男事者媒入宮中數日乃出庶人之家喜得金帛貴人之家私竊喜曰夫君隸選可以無窒滯矣上都穆清閣成連延數百間千門萬戶取婦女實之爲大喜樂故也 脫脫平徐州以得芝麻李奏功旣而陰構朝旨令班師使者六七返帝始令月怯察兒代之月餘始獲芝麻李械送京師脫脫密令人就雄州殺之 穎川沈邱探馬赤察

罕帖木兒與羅山縣典史李思齊集眾號義兵克復羅山縣州奏功朝廷授察罕羅山縣達路花赤授李思齊縣尹上曰人言國家輕漢人如此果輕漢人也下吏部再議于是察罕授汝甯府達路花赤思齊知府 冬十二月二十七日天鼓響于東北 甲午至正十四年正月汴水花冰二月朔日食 張士誠起兵泰州劉福通襲據高郵截南北路 倚納十人與帝竊議脫脫在京不可于是謀令太史王監承奏連夕相星犯帝座自是帝疑脫脫脫始無援矣內無后援而外有倚納十人之譖識者皆知脫脫

不返矣 秋八月二日脫脫總天下兵出征高郵天下想望其來兵圍高郵三日中書右丞相哈麻諷御史大夫以老師費財彈擊脫脫帝信其言詔卸脫脫兵權淮安安置令樞密院老張代之當是時脫脫權重內握朝柄外總兵馬以指揮天下天下希其有功兵圍高郵日事攻擊矢石雨注城中幾不支日議降附又恐罪在不赦圍者亦指日收功忽有詔旨來卸軍軍中聞之皆大哭當詔未開讀時龔伯遂進曰始丞相出師時親奉帝玉音以爲在後事體朕再有密旨來今丞相在軍止奉皇帝密旨一意進取可也詔

書且勿聽事旣久小人讒言自然明白矣且將在軍君命有所不受爲是故也脫脫搖首日不可詔我而不從是與帝相抗拒也遂從詔大軍百萬一時四散先是諸大臣子弟領軍從行者哈麻歷告其家陰遣人先來軍中白其長曰詔書且至不卽散者當族誅故散之之遽如此其散而無所附者多從紅軍如鐵甲軍入襄陽號鐵甲吳者是也脫脫在淮安一月詔復使西行鳩死于吐蕃境上是時高郵危困已甚脫脫分兵定真州六合及將攻徐濠遠近凜然國勢漸張而哈麻邪謀誤國遂至危亡不救可勝惜哉

是歲省吉大夫以舟師自安慶征湖廣至湖口適與
蕪黃之紅巾遇風勢不利敗績死之紅巾遂順流而
下攻安慶爲義兵所破大敗南還旣而蠻子海牙中
悉復總水軍義軍南征破黃連大寨徐真逸等遁入
黃梅山中及沔陽湖中官軍盡復武昌等處未幾盡
抽軍下據廬州官軍勢退而賊勢復熾矣 亦憐只
班丞相以馬步軍由江東援江西至龍興逾月而卒
左丞火爾赤代總其兵攻臨江復瑞州進攻袁州與
歐軍相持數年不決又卒後敗亡

明 葛溪權 衡以制編

乙未至正十五年湖廣苗軍聽調營于汴梁東其帥吳太保死裨將陳生叛入西京遂陷陳州許州西至虎牢關答失八都魯討平之 以汪家奴為右丞相鼎住為左丞相哈麻為平章數月鼎住薨哈麻陞為右丞相其弟雪雪為御史大夫倚納十人皆進職立興聖宮祁后子愛育失黎答臘為皇太子命翰林學士行冊詞有曰家法曰齊心法曰正又曰存心養性者守身為事親之大任賢去邪者知人為安民之

庚申外史卷下

豫章叢書

效勿謂吳穹之高一誠意而庶徵應勿謂宮廷之奧一善言而萬方知與治同道則唐虞之俗可還主善為師則舜禹之域斯至君子以為徒訓也 劉福通劫敗答失八都魯長葛營趙明遠陷嵩汝以及洛陽 明元帥入四川陷之自稱蜀王香軍陷安豐二日陷和州三日破廬州宣讓棄城浮海還燕香軍遂乘勝渡江破太平建康甯國遂據江東既而池州安慶尋皆覆沒

丙申至正十六年哈麻既得相位醜前所薦西天僧所為恐為當世及後人所非議乃以他事杖西天僧

一百七流于甘州偽若初未嘗薦之者又私念以為前薦西天僧所為秘密惟妹婿秃魯帖木兒知之莫若併去之以滅其口乃謬謂其父篤魯國公曰我兄弟二人一薦而為丞相一為大夫皆祖宗德澤但妹婿秃魯帖木兒在上前近行慢褻無禮為天下士大夫所議笑我兄弟何面目見人盍除之以為我利不意其妹于屏間竊聞之急歸告其夫翌日有旨哈麻伏人臺陽又有旨跟隨哈麻人吏都散又有旨哈麻麻出城又有旨哈麻安置惠州雪雪安置大甯中途皆杖殺之上始悟哈麻譖脫脫令脫脫骸骨還京師

庚申外史卷下

二

河南行省平章太不花軍南陽嵩汝招降叛民百萬軍聲大振其秋下唐隨安陸沔陽德安以及蘄陞為河南行省左丞相賀太平再入朝為右丞相初大理宣慰司同知達失八都魯為四川參政引兵自巴蜀來先復襄陽均房調入中原獨有功至是陞河南行省平章兼知行樞密院是歲本朝起建康張士誠據平江 危素為司農司丞于京師雄霸等州屯聚糧以給京師號曰京糧為浙西被陷浙糧不通故也 丁酉至正十七年詔達失八都魯至京師帝見之私謂侍臣曰此人死期至矣罷還軍先是太不花軍士

失律劫掠汴民臺御史彈之有旨卸其軍褫其職以
白衣聽達失調至是復命爲湖廣省左丞相仍提軍
前往征山東毛貴答失八都魯率本部兵渡河征曹
州盛文郁于是二將皆渡河 五月汴梁大饑守臣
失烈門知院遁紅軍劉福通自稱太保入據之迎其
主小明王于亳州入都于汴梁之皇城其軍分三支
關先生破頭潘馮長勇沙劉二王士誠入晉冀由朔
方攻上都白不信大力敖李喜喜趨關中毛貴兵合
田豐趨大都而帝方與倚綱十人行大喜樂帽帶金
佛宇手執數珠又有美女百人衣瓔珞品樂器列隊

庚申外史卷下

三

唱歌金字經舞雁兒舞其選者名十六天魔復命答
失八都魯駐兵曹州未幾死子孛魯帖木兒代領其
眾受詔鎮守西京答失八都魯既死其部下察罕帖
木兒兵勢甚盛命爲刑部侍郎號長槍侍郎毛貴由
海道得海船長驅破益都義兵黃軍下萬戶田豐叛
入紅軍遂破東昌東平大名等處 罷商稅罷寶錢
提舉司 四月陳友諒陷安慶余闕死之余闕三上
宰相書不達援兵不至故城陷而死之
戊戌至正十八年太不花忿賀太平本漢人而居相
位已乃勤勞于外表素質太平軍前供給怒朝廷不

從駐兵彰德玩寇不進賀太平以計殺之于保定併
害其子壽童以駙馬紐的該爲添設丞相 山東毛
貴兵由濟南犯直沽去京師百二十里京師大震值
太不花裨將劉哈刺領兵自晉冀來大戰卻之哈刺
以功由尙書陞平章義兵察罕帖木兒以八月克復
汴梁小明王遁入安豐關先生沙劉二破頭潘等由
大同直趨上都焚毀宮殿望虎賁司犯大甯虎賁司
去上都二百里世祖皇帝所立三十六屯在焉先是
大雪人跡不通至是雪晴暖氣如春 西京孛羅饋
京師數千車 帝嘗爲近侍建宅自畫屋樣又自創

庚申外史卷下

四

木構宮高尺餘棟梁楹椳宛轉皆具付匠者按此式
爲之京師遂稱魯般天子內侍利其金珠之飾告帝
曰此房屋比某人家殊陋劣帝輒命易之內侍因刮
金珠而去祁后見帝造作不已嘗挽上衣諫曰使長
年已大太子年已長宜稍息造作且諸夫人事上足
矣無惑于天魔舞女輩不自愛惜聖躬也帝拂然怒
曰古今只我一人耶由此兩月不到后內宮祁后亦
多蓄高麗美人大臣有權者輒以此女送之京師達
官貴人必得高麗女然後爲名家高麗婉媚善事人
至則多奪寵自至正以來宮中給事使令大半爲高

麗女以故四方衣服鞋帽器物皆依高麗樣子此關係一時風氣豈偶然哉 帝嘗謂侍納曰太子苦不曉秘密佛法秘密佛法可以益壽乃令禿魯帖木兒教太子秘密佛法未幾太子亦惑溺于邪道也噫 陳友諒陷江西龍興司徒道童左丞火而赤總管安謙棄城從西門走撫州陷瑞州守臣臨江同知給事中死之至臨江守臣定住降之陷吉安宣差尙書總管海尙書皆死之陷撫州達兒花赤兒者完帖木兒被獲不屈死之陳友諒乘勢下江南至太平殺徐真逸于舟中而自立既而大敗于金陵南還後于江州

庚申外史卷下

五

建都焉

己亥至正十九年破頭潘關先生趨全甯焚魯王宮府駐居遼陽賀太平當相位奏用其子也先勿都時也先勿都爲詹事以爲總兵大將軍取遼陽太平意謂關先生破頭潘自晉冀西京歷上都軍常無留行其破遼陽必不能守可以取遼陽則其子功成至則關潘軍日治戰馬一無退意也先勿都畏之縮跡不前竟潰而歸乘夜入城仍陞爲翰林集賢學士先是太平嘗養聲譽用成遵蕭庸趙中等布列省部遵等亦俛首從之及也先勿都敗還反以功陞爲學士相

與歎曰朝廷賞罰無章紀綱掃地乃至如此將陳其罪親近者竊以告太平太平頗以爲憾 京師大饑民殍死者幾百萬十一門外各掘萬人坑掩之鴟鴞百羣夜鳴至曉連日乃止又居庸關子規啼太子召指空和尙問民饑饉何以療之指空曰海運且至何憂秋福建運糧數十萬至京師先是朝廷以張士誠內附封爲太尉且以歲饑遣使督海運糧儲于京師時張士誠據浙西方國珍據浙東有船二家攻戰不和糧竟不至賴福建濱海又爲王土獨能運糧至京師由是京師民再活當元統至元間國家承平之時

庚申外史卷下

六

一歲入糧一千三百五十萬八千八百八十四石而浙江四分強河南二分強江西一分強腹裏一分強湖廣陝西遼陽一分強通十分也金入凡三百餘錠銀入凡千餘錠鈔本出一千餘萬錠絲入凡一百餘萬斤絲入凡七萬餘斤布帛凡四十八萬餘匹而江浙常居其半及張士誠有浙西方國珍有浙東而京師索然識者以爲元之氣數不推可知也 指空者西天利帝利王第三子狀貌魁梧不去鬚髮服食擬于王者居京師四十年習靜一室未嘗出門王公貴人多見呵斥雖帝亦不免年百八歲而死 甘露降

文宣王廟樹上凝如白霜啖之味甜 黃河清鄭州
長數里 貴赤衛韓僉事家次子死數年長子以爲
李羅所拘于西京父母悲歎失二子且貧老無以爲
食早夜哭泣方哭之際忽聞次子來告曰吾兄將西
京麪來且至父母可勿憂已而果然自此以後往來
聞其言語如生人者半年其家小兒盡見其容貌服
色而長者但聞其聲一日來告父母曰阿爺阿娘可
遷西房兒欲居東房以某日娶女其日小兒果見筵
席賓客甚盛又聞歌舞雜劇之聲者數日其京師之
不祥者有如此 建清甯殿外爲百花宮環繞殿側

庚申外史卷下

七

帝以舊例五日一移宮不厭其所欲又酷嗜天魔舞
女恐宰相以舊例爲言乃掘地道盛飾其中從地道
數往就天魔舞女以畫作夜外人初不知也 帝又
造龍舟巧其機括能使龍尾鬚皆動而龍爪自撥水
帝每登龍舟用綵女盛粧兩岸挽之一時興有所屬
輒呼而幸之又令諸嬪妃百餘人皆受大喜樂佛戒
太倉積粟盡入女寵家百官俸則抵支茶紙雜物之
類 冬十二月左丞相成遵參政趙中蕭庸等六人
丞相賀太平誣以賊罪皆杖一百流死先是祁后與
太子謀求內禪使宦者樸不花邀賀太平贊帝遜位

于皇太子賀太平懼不敢從復邀太平用其黨數人
又不許太子銜之太子一日倡言于中書省堂曰我
所用者汝皆沮之汝所用者今皆以賊敗何也太平
對曰所知者才也故用之所不知者心也雖父子之
間亦不能保其無私也太平于是稱病求免相位初
祁后與太子謀內禪賀太平既不允其事後謂太子
曰太平不可使居相位有兀良歹其人與汝無所可
否今以總兵居真定宜勸上召還京師當以代之庶
幾汝事可成也既而果有旨召還京師太平覺其有
謀嗾臺官劾其罪有旨令兀良歹居興州逾月以無

庚申外史卷下

八

疾卒太子疑太平害之怨之愈深
庚子至正二十年春二月九日以賀太平爲太保罷
相是月搆思監爲右丞蓋老的沙所薦也初上罷賀
太平謀相于老的沙欲自爲之而難于發言遂薦搆
思監帝以搆思監爲右丞相老的沙爲大夫老的沙
恃有薦相之恩數有請于搆思監搆思監不答二人
遂成隙搆思監恃有祁后太子之援老的沙恃有皇
帝母黨之戚于是構怨日益深矣 夏五月朔日有
食之魯王阿魯輝帖木兒擁兵數萬傳檄問京師之
罪有曰祖宗付汝以天下今何故失天下大半汝不

可居祖宗大位將國璽送與我我當代汝爲之帝聞
之顏色不變徐曰他果有天命我何不避之有乃命
樞密知院哈麻刺朶兒只禿監帖木兒八里顏逆擊
之復起哈麻赤萬人爲軍哈麻赤臨陣皆脫號衣從
宗王與合勢追奔百里三知院單馬遁入上都 破
頭潘闕先生沙劉二軍入高麗王京高麗王奢耽羅
其臣納女請降將校皆以女子配之軍士遂與高麗
如姻婭恣情往來高麗人因而各藏其馬于林中一
夕傳王令除高麗聲音者不殺其餘並殺之沙劉二
關先生皆死惟破頭潘神將左李率輕騎萬人從間

庚申外史卷下

九

道走西京降李羅聽調已而又降擴廓 初賀太平
辭相時帝賜以金帛駝馬使之歸老于故所生之地
太平既出京城沿途留宿不進搠思監疑其徘徊顧
盼猶有希進之心諷御史彈之誣以謀害大臣并其
子也先忽都殺之于野馬川
辛丑至正二十一年帝更命老張少保率兵四十萬
擊宗王阿魯輝帖木兒老張軍未至宗王黨有脫懼
知院者內叛擒宗王獻京師宗王臨死罵不絕口舊
例宗王有罪大故用弓弦絞之名曰賜死至是帝特
命殺之 陳友諒者徐眞逸之臣也已而握權篡其

位沈眞逸于江有湖廣江西之地建都于江州至是
大軍克江州友諒走武昌其僞守龍興者以江西降
時八月二十四日也 九月命察罕征山東山東自
毛貴死其將爲復仇殺趙思用國內大亂花馬王田
豐掃地王互相攻察罕乘之破其冠州東昌濟南諸
郡進圍益都田豐來降豐時提兵在穆陵關使人來
言總兵如不信我心且不與總兵相見當爲平沿海
諸城然後相見未晚也察罕喜即以朝命授豐爲山
東平章且重犒其所部已而沿海登萊沂密等皆降
附田豐遂與察罕相見益都城西時察罕方調兵攻

庚申外史卷下

十

圍益都俾田豐軍塞益都南門爲營圍數日田豐頻
往察罕營議事見其待朝廷使者甚簡傲又所施設
多術數無忠誠心田豐乃忿曰我以山東地降汝又
爲汝平海上諸城之不同心者誠以汝爲元朝中興
人物也今若此是漢室之曹操耳使汝爲曹操我豈
不能自爲之耶于是與同儕王士誠私謀曰十五日
察罕必巡兵圍我預椎牛釀酒至日設席邀其一切
幕官大小部帥酒行汝選驍勇者帶刀若供給然兩
人夾一人以擊鼓爲令自察罕以下皆殺之謀既定
察罕于十四時從馬騎二人來田豐營王士誠即

掃地王也其人躁勇見察罕輕身出意謂得閒帶刀入侍田豐目之使退其人誤謬以爲使之行其所謀轉身自察罕後揮刀中其肩田豐知其不可止遂擊鼓三城中聞即開門納田豐軍遂擁察罕入城城中人復推察罕爲主以拒朝廷田豐不允已而察罕死有王保保者察罕甥也嘗養爲子察罕入城之夕諸校惶惑不知所從軍中頗有異論同僉白瓚住乃察罕舊人有機識遂倡言曰總兵奉朝廷命討逆寇總兵雖死朝命不可中止況今總制官王保保曾爲總兵養子朝廷又賜其名擴廓若立以爲主總兵雖死

庚申外史卷下

十二

猶不死也于是率先下拜眾亦皆拜人心始定先是有白氣如小索起危宿長五丈餘掃太微帝命占之占曰山東當有大水帝曰不然山東當失一良將卽馳書戒察罕毋輕出察罕忽之故及于禡帝聞其死哭之慟李羅帖木兒聞之在西京亦哭曰察罕若在我省用多少氣力中原聞察罕死婦人小兒皆爲流涕

壬寅至正二十二年太子酷好佛法于清甯宮殿置龍牀中坐東西布長席西番僧高麗僧列坐滿長席太子嘗謂左右曰李先生教我讀儒書許多年我不

省書中何意西番僧教我佛經我一夕便曉李先生者乃狀元李好文也太子初學書甚道勁其後放蕩無拘檢專喜臨宋徽宗字帖謂之瘦筋書或告之曰徽宗乃亡國之君不足爲法太子曰我但學其筆法飄逸不學他治天下庸何傷乎冬擴廓克益都誅田豐王士誠等餘黨械歸京師

癸卯至正二十三年老的沙提調京北口白袂等卽千餘頃號內府稻米供給女寵併倚納等非奉旨不得擅支 祁后宗族在高麗者多蒙官爵封號出則恃勢驕橫強奪人田舍子女高麗王屢戒之不改王

庚申外史卷下

十三

不勝怒盡殺祁氏一家至是后聞之謂太子曰兒年長盍爲我雪此恥時高麗王昆弟有留京師者乃議立搭思帖木兒爲王而以祁族子三寶奴爲元子以將同知崔帖木兒爲丞相以兵萬人送之國至鴨綠江爲高麗兵所敗僅餘十七騎還京師秋七月大兵克廬州守將左君弼遁淮西降附 野鴿巢與聖宮數年蕃息數千羣之不去網之不盡君子以爲興聖宮祁氏之宮也蒙古以韃靼氏爲父翁吉利伯牙吾氏爲母家法相承至七八傳矣一旦家國將亡家法先變帝母回回氏太子母高麗氏此野鴿所以來巢

有開必先應也 初庚子辛丑之歲李察罕與李羅常構兵爭晉冀之地帝以晉冀分屬兩家且諭之曰士皆王土也民皆王民也何爭之有而資政院使朴不花與丞相搆思監相爲表裏專一貪贖無厭祖南北兩家賂遺厚薄而啖之以密旨南之路厚則謂南日帝有密旨令汝併北而有之北之路厚則謂北日帝有密旨令汝併南而有之以此兵禍纏綿不解監察御史傅公讓一云子敬率同寮彈此二人后謂太子曰朴不花是我資政院老大者看家貧人也臺家何無情而欲逐之汝不能爲我主張耶太子曰阿婆無憂

庚申外史卷下

十三

我盡有主張明日貶傅公讓吐蕃其餘臺官皆外除惟老的沙在臺而已既而新除臺官陳祖仁等十餘人又彈劾二人事又外除之既而諸道臺憲皆以爲言于是太子怒欲并去其老的沙老的沙畏禍隨入李羅軍中李羅知其冤藏老的沙于後寢朝廷圖形徧求之不可得朴不花見臺憲彈劾不行與其黨謀日十八功臣家子孫朝夕在帝左右我與汝等日之所爲渠必得知臺家亦必知之終當爲我不利搆思監曰彼皆老的沙黨也老的沙既爲李羅所庇必請兵來犯京師十八人爲內應社稷能無危乎遂執十

八人送資政院問其謀害太子之狀十八人不勝若楚皆自誣服未幾太子得咽喉疾甚亟左右曰願釋十八人之冤太子之疾可無禱而免搆思監聞其言令出十八人皆安置外郡途有死者有以賄免者其後李羅入京師俱召還 宏農盧氏山移五六里八月陳友諒兵與大兵大戰于鄱陽湖中箭而死大兵遂進圍武昌其子理出降湖廣荆襄諸郡皆歸附陳友諒之篡位徐真逸也僭號大漢改元大義天完至是亡

庚申外史卷下

十四

有兩耳引白氣一道貫日四月知樞密院禿堅帖木兒領兵犯京師禿堅帖木兒初與丞相也先不花俱屯兵西方禿堅曾往也先屯擡飯也先自恃尊屬不受禿堅忿然坐也先不花營門外呼軍士共啖之也先不花患其爲人剛果不測譖其有異志遂差五府官訊之禿堅怒曰我有何罪五府來問我于是拘五府官告李羅曰朝廷爲佞臣作弄至尊更無公論至此我當擁兵入京問此舉爲誰禿堅軍將行朴不花搆思監稱詔書謂李羅與禿堅帖木兒同反削李羅兵柄詔到李羅營李羅手裂之囚使者禿堅軍至燕

京太子出古北口宜興州以避之禿堅遣人奏帝曰我無負國家國家負我我非犯闕願得奸臣二人而已帝不得已以搆思監朴不花付之二人囚首至營中禿堅爲之加幅易衣置搆思監中座朴不花側座拜朴不花與搆思監交跪禿堅奏帝求擅自執縛大臣赦又求稱兵犯闕赦已得二赦然後釋兵入見帝哭曰左右蒙蔽陛下非一日矣禍及忠良倘循習不改奈天下何吾執此二人去也陛下亦宜省過卓然自新一聽正人君子所爲不可復爲邪說所惑然後天下事可爲祖宗基業可固守也帝但唯唯而已遂

庚申外史卷下

十五

執此二人詣李羅厚禮之逾三日始問以濁亂天下之罪復笑而問搆思監曰我前時賂汝七寶數珠一串今何不見還因取似此者六串來送還李羅見之曰皆非我家故物也不要復追前物果取故物來方是李羅怒曰在君側者貪婪如此我何可以坐視而不清之乎遂殺此二人復舉兵入清君側七月二十五日遂與老的沙禿堅帖木兒擁兵俱來屯大都門外入見帝奏曰國家所用人皆貪婪顛弱不足以濟天下大事願召也速除爲右丞相臣爲左丞相禿堅不花爲樞密知院老的沙爲中書平章如此同心竭

力整治庶政遂執議佞數人并倚納九人皆殺之逐西番僧罷諸造作時方修築宮牆立爲罷之散驅邪后出宮屏居厚載門外是時白璣住駐軍廬州溝因挾太子遁入擴廓軍中李羅始見帝退謂老的沙曰我平生不怕天下一人今見上使人似不能言者何耶豈天威若是今後凡省中事無大小你可與我奏陳去也李羅入京前一日有大風從西來黃塵蔽天人馬皆立足不定自西自東止于更鼓樓西李羅之住宅適在其處初削李羅兵權時搆思監召承旨張翥草詔翥曰此大事非見主上不能爲之執筆乃

庚申外史卷下

十六

更詔參政危素就相府客位草之草畢過中書郎中曰我恰了一件好勾當爲朝廷草詔削李羅兵柄此正撥亂反正之舉也郎中曰此舉莫非撥正反亂也嘗有暢勳在座因曰撥正反亂其猶裸體縛虎豹者也李羅至京師聞之召危素責之曰詔從天子出搆思監客位豈草詔之地乎素無以對欲將出斬之左右解曰當時素以一秀才豈敢與丞相可否乎遂止之 邪后初出厚載門外居造作提舉司局中或言李羅因夜逃警至后所留宿故后復得入宮 雷擊延春閣西脊 大兵攻江西諸山寨攻贛州陳友諒

故將熊平章拒守自冬十月至次年正月始降遂定
閩廣之地袁州歐道人亦歸款率其屬歸金陵

乙巳至正二十五年邢后納女李羅約以某日成婚
李羅促后后曰斷送之物未畢工李羅曰女先至斷
送之物後至可也乃先兩日成婚李羅自入京納女
四十餘人早食必同坐共食廚中每早辦飯四十品
隨諸夫人索食其入朝時諸夫人盛飾儀行各進酒
一卮荒于酒色銳氣銷耗矣 擴廓分兵爲三駐大
都城外造制李羅而不與之接毀其白瑣住領一支
在通州者李羅命其將姚一百與之戰一百被擒李

庚申外史卷下

十七

羅不勝怒自將兵與之戰至通州取一女子不戰而
還 五月七日天雨白毛長尺許細如馬鬃或諛于
帝曰此龍鬚也帝乃命收而問之祀之如神 六月
二十七日天雨魚長尺許城中人家皆取而食之
七月李羅索帝所愛女子帝曰欺我至此耶有秀才
徐施畚者居家好奇謀而平生憤漢人不得志于當
世故難仕進至是命爲待制帝欲殺李羅與之謀與
謀者六人曰洪保保火兒忽答上都篤金那海和尙
帖木兒不花六人中選驍勇善刀者皆挾刀在衣中
外皆寬衣若聽事伺立延春閣東古桃林內時李羅

早朝小飯畢將上馬回去舊例丞相將上馬帶刀侍
衛之士疾趨先出上馬候丞相出諸衛士起立于馬
上丞相就騎然後衛騎翼丞相以行當時丞相出預
謀挾刀者見其不得便相顧曰今日又罷了徐施畚
搦手曰未也忽有報捷音者自西北來平章失烈門
謂李羅曰好消息丞相宜奏去李羅推失烈門失烈
門強李羅偕行至延春閣側有杏枝自上垂梢冒李
羅帽而墮之失烈門遽爲拾之李羅曰咄今日莫有
事已而又有一人突然橫過其前李羅方眈視呼失
烈門曰平章此人面生言未訖一人批其額李羅以

庚申外史卷下

十六

手禦刀速呼曰我帶刀者何在有一人斫其左耳而
死遂詳傳白瑣住軍在西宮裏老的沙亦被傷而出
李羅騎士問曰我那顏久不出來何也老的沙謬曰
你那顏又發酒風恰斫我一刀老的沙行稍遠騎士
又問老的沙曰已被殺矣擴廓大軍無數在西宮裏
李羅軍大駭散四走時帝居窟室約白事捷則放鴿
鈴于是帝始出自窟室發令百姓見川軍者皆許殺
之百姓上屋擊以瓦石死者填巷老的沙趨至李羅
營中將其甲士西北走合秃堅帖木兒軍先是宗王
辣黎謂帝已崩李羅爲皇帝將兵來討之故李羅遣

禿堅帖木兒將兵迎擊之禿堅帖木兒軍回中途遇
老的沙禿堅帖木兒知事變謂老的沙曰今上腹圖
不可輔小婦的孩兒亦非國器不如徑赴趙王扶立
趙王南面以定天下趙王始然之終慮事不成醉以
酒縛二人送京師劓之老的沙懼而乞憐禿堅罵曰
彼非害我自害其社稷也趙王太祖之屬也當時曾
與之約曰吾與汝共天下事倘異日社稷有難汝當
助之故憶其祖父之言不從禿堅計 正宮后車必
氏元史云宏吉刺氏 聞李羅難作薨帝賞殺李羅者六人功
徐施畚不受賞一夕逸去 李羅既死以伯撒里爲

庚申外史卷下

十九

右丞相 九月擴廓護太子還京師以擴廓爲太傅
左丞相封河南王居京師兩月擴廓在軍中久樂恣
縱無檢束居朝怏怏不樂朝士往往輕之謂其非根
脚官人擴廓與左右謀之左右勸以請出治兵肅清
江淮詔從之 十二月朔日食洛陽山鳴 擴廓退
位伯撒里仍爲右丞相藍答里爲左丞相
丙午至正二十六年擴廓既出無意治兵以父死未
終喪欲廬父墓側左右或曰總兵既受朝命出而中
止無乃不可乎擴廓左右有孫翥趙恆者儉人也畏
江南強盛欲故緩其計以密其奸謂擴廓曰丞相受

天子命總天下兵肅清江淮兵法欲治人者先自治
今李思齊脫里白孔興張師道四軍坐食關中累年
不調丞相合調四軍南去武關與大軍并力渡淮彼
若恃頑不受調則移軍征之據有關中四軍惟丞相
意所用不亦善乎擴廓欣然從之于是分撥關虎等
統兵從大興關渡河以俟先以劄付調關中四軍張
師道脫里白孔興俱不受調李思齊得調兵劄大怒
罵曰乳臭小兒黃髮猶未退而反調我耶我與汝父
同鄉里汝父進酒猶三拜然後飲汝於我前無立地
處而今日公然稱總兵調我耶令各部曰一戈一甲

庚申外史卷下

二十

不可出武關王保保來則整兵殺之擴廓自是進兵
關中兩家相持一年前後百戰勝負未分而國家大
事去矣擴廓由懷慶移屯彰德彰德素蓄積糧草十
萬坐食之帝始疑擴廓有異志謂左右曰擴廓之出
爲治兵肅清江淮也其後不肅清江淮而結繫關中
今也關中之戰未定雖雄而移兵彰德其欲窺我京
師也耶又怒祁后及太子日向者擴廓舉兵犯關今
日擴廓總兵天下不太平爾母子誤我天下土疆分
裂坐受危困皆汝母子所爲也怒氣不已太子致被
捶楚走而免朝廷屢促擴廓南征十一月擴廓不得

已命母弟脫因帖木兒及部將貊高完料宜駐兵濟甯鄒縣等處名爲保障山東且以塞南軍入北之路復命朝廷曰此爲肅清江淮張本也識者哂之先

是小明王駐兵安豐爲張士誠攻圍乘黑冒雨而出居于滁州至是朱鎮撫具舟楫迎歸建康小明王與劉太保至瓜州渡遇風浪掀舟沒劉太保小明王俱亡

庚申外史卷下

三

丁未至正二十七年擴廓增兵入關日求決戰張李輩軍頗不支遂使人求助于朝廷因差左丞相袁煥及知院安定臣中丞明安帖木兒傳旨令兩家息兵罷攻各率所部共清江淮孫翥進密計擴廓曰我每事功垂成不可誤聽息攻之旨且袁煥貪賄之人也此豈其本意可令在京賊吏私賄其家則袁必助我而我事可成也擴廓如其計袁果私布意于擴廓曰不除張李終爲丞相後患于是攻張李愈急七月勝負猶未決擴廓謂孫趙二人曰今日果當如何二人因進計曰關中四軍惟李思齊軍最強李思齊破則三軍不攻自服矣今關中臨陣兵將通與彼兵等耳所以老師費財相持不決所畏者惟貊高完駐兵鄒縣以吾二人觀之南軍必不能越王宣以侵我且抽

貊高一軍疾趨河中自河中渡河急趨鳳翔李思齊巢穴出其不意則渭北之軍一戰可降唐莊宗破汴梁之策關中定然後出關中以適南軍猶未晚也擴廓即日從其計貊高所部將多李羅之黨行至衛輝部將夜聚或曰我爲官軍擴廓爲總兵用我敵南軍猶云可也今者卻聞檄我行糧星馳前往河中渡河西趨鳳翔李思齊乃官軍也以官軍殺官軍如何于是河西平章船張知院沙劉參政投刀誓眾曰不必多言五鼓罷扶貊高作總兵不從則殺作血城以去約定各率兵以待八月六日天未明如其言以叛

庚申外史卷下

三

貊高即使其首領兵胡安之控告朝廷使謝雪兒領精騎北奪彰德使沙劉領精騎西奪懷慶往彰德者騎少兵精僞作使人以據之殺擴廓守將范國英往懷慶者騎多兵冗懷慶守將黃瑞覺之閉城不得入時擴廓在洛而其隨從部將盡在懷慶識者以爲貊高完此舉終不成大事矣先是朝廷見擴廓不受調而構兵仇殺方議削其軍權而未得其說見貊高使來大喜升貊高知院兼平章總河北兵且詔擴廓率潼關以東兵下淮南李思齊等四軍出武關下襄漢貊高率河北軍與也速及脫因帖木兒完者仲宜兵

27744 93.5

下淮東然脫因帖木兒盡劫掠山東以西民畜而西
聚衛輝擴廓盡率河洛民兵而北渡懷慶貊高懼擴
廓兄弟有夾攻衛輝之勢亦盡劫掠衛輝民畜而北
歸彰德朝廷無如之何有帖臨沙伯元臣李鳳國者
進謀于太子曰向日詔書令各將將本部分道進兵
而不立大將以總之宜其不相從也古者太子入則
監國出則撫軍太子何不奏主上立大撫軍院以鎮
之凡指揮各將皆宜出自撫軍院然後行使權歸于
一而自內制外庶幾可為而貊高一部背擴廓向朝
廷此宜別作名號以旌異之然後可也于是開大撫

庚申外史卷下

三

軍院于京師專制天下兵馬省臺部院皆受節制以
貊高首倡大義賜其所部將士皆為忠義功臣名號
九月大軍攻平江擒張士誠遂平福建兩廣擒友
定 貊高率兵攻真定不克而還 張士誠者名九
四初起秦州後據高郵入平江浙西淮東諸郡號稱
吳王國號天祐至是而亡 十月國朝大軍平定河
海十一月平定山東 擴廓自懷慶北據澤州
戊申至正二十八年春朝廷誘擴廓將李景昌封為
國公景昌以汴梁歸之誘關保亦封為國公關保亦
以晉冀歸之擴廓自澤州退據平陽 三月貊高率

184

兵攻懷慶不克 武庫火 四月大軍平定汴梁河
南諸州相次降附擴廓退據太原 五月詔下勦除
擴廓令關保與貊高合勢攻其東張師道李思齊脫
里白孔與合軍攻其西 閏七月一日大軍自灤渡
河三日平衛輝五日平相七日平廣平八日平順德
是月二日貊高出兵逼太原城為陣貊高輕脫從
數騎巡陣擴廓部將毛翌望見之易旗幟駐兵于其
西角貊高果誤入其陣即分擒之時關保營在貊高
營西未及出布陣急縛貊高示之營軍亦皆潰散保
亦被擒二將被擒所部將士皆降于擴廓 六月大

庚申外史卷下

三

雷雨電雨中有火燒白塔寺先是七月二十一日大
軍自通州進兵克永平也速軍潰于是檀順會利大
興等處以次皆降附焉大軍又攻潼關張李脫孔四
軍亦皆潰而西矣朝廷聞關貊軍敗被擒大驚遽罷
撫軍院歸罪太子殺伯元臣李鳳國盡復擴廓舊有
爵位差哈完太子來督擴廓出援燕京且勤王禦敵
擴廓得詔乃提軍向雲中或曰丞相率師勤王宜出
井陘口向真定與河間也速軍合勢可以邀截南軍
若入雲中至燕京迂途千里無乃不可乎擴廓曰我
潛師由紫荆門口入出其不意豈不可乎趙恆昇元

輝則曰朝廷開撫軍院步步要殺丞相乃要勤王我
駐軍雲中觀其成敗爲計耳 後七月二十七日大
軍至通州帝得報大懼即日委淮王帖木兒不花丞
相慶童留守大都二十八夜帝即捲其女子玉帛出
居庸關遁入上都八月三日大軍至齊化門外一鼓
而克全城淮王帖木兒不花丞相慶童大都路總管
廓允中書左丞丁敬可皆死之是歲即國朝洪武
元年之歲也 十一月擴廓軍數十萬駐太原十二
月大軍自盃子城入破擴廓于澤潞是月擴廓部將
賀宗哲來領兵援晉冀駐龍鎮衛子口去太原七十

庚申外史卷下

三

里而大軍至先鋒常遇春夜斫擴廓營侵及擴廓中
軍擴廓匹馬隻靴夜遁于是晉冀之地皆平 先是
大都平馳奏南京奉勅旨改爲北平府仍令常遇春
經營北方其年五月平永平等處九月平遼陽獨上
都與紅羅山未平庚申帝在上都紅羅山在東南也
速駐兵在焉上都恃有紅羅山爲之藩籬紅羅山恃
上都爲救援而不設備常遇春使人覘之即以大兵
銳騎銜枚具十日糧晝夜兼行六月二十八日即破
紅羅山七月二十七日破上都城庚申帝乘天未明
出城遁挈其后妃入于和林在大漠之北前太祖所

都之地八月二十一日平懷慶鞏昌平涼臨洮府而
天下遂大定于萬萬年矣

野史斷曰嗟夫平定江淮大事也而帝付之擴廓
擴廓受之于庚申帝何其易哉且以世祖平江南
言之世祖欲伐江南議論數年或以爲可伐或以
爲不可伐而劉太保秉忠曰未有其人其後伯顏
自西域奉使來太保見之喜而告帝曰伐江南有
其人矣召之使前世祖亦喜曰汝豈諸侯王臣耶
其留事朕自伯顏受命出師世祖日夕憂懼或日
中不食或中夜起坐夫以世祖爲之君伯顏爲之

庚申外史卷下

三

臣兢兢業業尙不敢必其有成功也觀庚申帝漫
爾而命擴廓擴廓亦漫爾而受之其根本已非矣
而又庚申帝宣淫于上擴廓肆愚于下上淫而下
愚上虐而下暗處則昧經國之大計出則失兵家
之神機及大兵一動君臣俱及其禍豈不宜哉
帝在位三十六年當元統至元間帝受制權臣相
繼或死或誅帝恐懼之心弛而寬平之心生故至
正改元之後復興科舉行太廟時享賜高年之帛
蠲免天下民租選儒臣歐陽元等講五經四書譯
貞觀政要出厚載門耕籍田禮服祀南郊立常平

倉因水旱盜賊下詔罪已盡蠲被災者田租又命使宣撫十道凡此皆寬平之心所爲者也惜乎元朝之法取士用人惟論根脚其餘圖大政爲相者皆根脚人也居糾彈之首者又根脚人也莅百司之長者亦根脚人也而凡負大器抱大才蘊道藝者俱不得與其政事所謂根脚人者徒能生長富貴竊擅擁彘素無學問內無侍從臺閣之賢外無論思獻納之彥是以四海之廣天下之大萬民之衆皆相率而聽夫嚮羶擁彘飽食煖衣腥羶之徒使之坐廊廟據樞軸以進天下無藉之徒嗚呼是

庚申外史卷下

三

安得而不敗哉故庚申帝寬平之心因是益進矣是故易大傳有曰危者安其位者也亡者保其存者也亂者有其治者也是故君子安而不忘危存而不忘亡治而不忘亂是以身安而國家可保也向使庚申帝持其心常如至正之初則終保天下何至于遠遁而爲亡虜哉

庚申帝幼時常貶居廣西靜江府寓大圖寺其未至寺時朝廷命刑部侍郎哈刺入失館伴南行舟泊劉家山下忽有三猢猻拜于岸上手中若有所獻帝命奴公受之則山東果也舟人皆異之帝因

呼上船則俯拜如初帝問之曰汝更有伴侶乎猢猻手指岸上帝因使舟人隨其後視之行三四里至一洞羣猢猻多至百數皆相招呼以行至船側皆俯伏再拜帝大喜命舟人以舟皆載之以行至所寓寺中則告之以其故其長老號秋江者心獨異之放之寺後山上帝又命寺中曰羣猢猻當餐我飯汝不可以飢之日爲我設兩餐自後每飯聞雲板響羣猢猻皆累累然攜負幼小而來故土人號爲猢猻寺其後寺遂以此爲名後帝卽捨與本寺常住租五千供之帝居寺時長老秋江亦嘗教

庚申外史卷下

三

之讀書論語孝經日寫字兩張及召回京師收書冊紙筆藏小皮匣中手自開閉用馬駝之前行頭髮常生蟻蟲使民嫗捕之告嫗曰是雖血食于我不忍殺之不如以紙裹之懸于屋簷下冷殺可也然亦時薄劣常鑽地穴溺其中和成泥又嘗領羣兒二三十餘竿紙爲旂插城上又好養八角禽而調習之或飛泊池枯木枝上卽不願靴下水捕之嘗爲長老秋江所禁止秋江又教之曰太子乃國家金枝玉葉不比凡民見大官人來切不可妄發言亦不可不自重由是司官府官來輒坐長老

法座上正身危坐一無所言司官府官出卽下座嬉戲如初蓋其性度如此一時勉強素非涵養有之哈刺入失常受密旨有侵害帝意及見羣獠獠之畏伏狀以爲終有天命始不敢有逆心後羣獠獠自帝北還復移其類返故山有老獠獠三十六枚盡日哀號江岸逾數日皆擲死識者以爲帝在位三十六年之驗也

予聞之友人暢申之曰帝不嗜酒善畫又善觀天象當沙關之陷上都也已而東行左右勸帝出避之帝知天象無傷大言曰毋多言有福者任其自

庚申外史卷下

三

來吾何避之有及大軍南來帝復觀天象左右勸帝守京師以待援帝搖首不從卽日遁去始雖留意故事終無卓越之志自溺于倚納大喜樂事耽嗜酒色盡變前所爲又好聽讒佞輕殺大臣致使帝舅之尊帝弟之親男女雜揉何殊聚麀其後祁后諫已強其子使學佛法文公有云中國一變爲夷狄夷狄一變爲禽獸堂堂人主爲禽獸行人紀滅亡天下失矣或曰庚申帝以昏愚而失天下非也庚申帝豈昏愚者哉觀其欲殺是人也未嘗不假手于人外爲不得已之狀內實行其欲殺之志

其問甲則曰乙與汝甚不許也問乙則曰甲與汝甚不許也及甲之力足以去乙則謂甲曰乙嘗欲圖汝汝何不去之也乙之力足以去甲則亦如是焉故其大臣死則曰此權臣殺我也小民死則曰此割據弄兵殺我也人雖至于死未嘗有歸怨之者豈昏愚者所能爲之也

或又曰庚申帝以優柔不斷失天下亦非也庚申帝豈優柔不斷者哉自至正改元以來凡權臣赫赫跋扈有重名者皆死于其手前後至殺一品大官者凡五百餘人皆出指顧之間而未嘗有悔殺

庚申外史卷下

三

之意此豈優柔不斷者所能哉然則竟以何者而失天下曰由其陰毒故也且自古有天下之君益九五之位惟秉陽剛之德總攬陽剛之權者爲能居之若操陰毒之性者適足亡天下耳故大易稱聖人之德也必曰聰明睿知神武不殺而後已夫外有聰明之聞見內有睿知之機運外有神武之雄略內有不殺之神慈外聰明而內睿知外神武而內不殺然後爲聖人之全德而可以居九五之大位彼庚申帝者何足以語此而其爲亡虜也不亦宜乎嗚乎殺之爲言豈爲人上之心哉殺一惡

人而能使天下之爲惡者懼使天下之爲善者喜
如此而後殺之是天下殺之也殺一善人而能使
天下爲惡者喜使天下之爲善者懼則爲人上者
甯不殺可也古之聖人不殺者其此之謂夫

葛溪先生姓權名衡字以制吉安人葛溪其號也
隱太行山彰德府黃華山二十八年不仕太不花
丞相李察罕嘗以禮聘俱不應洪武辛亥偶在海
陵鹽船中相見著書甚多年六十餘其子閒關往
北尋見苦請還鄉于是附鄉人鹽船回與子言始
寓臨江蓋隱德碩學之士也因閱此錄遂廣其傳
云金華宋濂

庚申外史校勘記

卷上第三葉五行隅原誤偶 五葉一行技原誤伎

七葉二十行祁原誤郭 八葉八行只原誤加

十一葉七行鹽原誤封 十二葉一行字原誤守二

行常字下疑脫御字五行在字下脫監字二十行入

原作八 十三葉十九行椿原誤椿 十五葉十二

行梁原誤梁 十七葉二行臘原誤獵 十八葉十

一行文原誤大 二十葉五行成原誤朱 二十一

葉五行伴原誤伴 二十三葉十四行入原誤也

二十四葉一行納奏二字原倒 二十五葉二行些

庚申外史校勘記

郎兀該畢氏續通鑑作皆郎兀該 二十六葉十七

行甲原誤一

卷下一葉五行八原作入十五行安豐原誤安恩又

十八行尋皆覆沒原誤尋復皆沒 二葉八行伏人

臺陽疑當作休入臺院九行大原誤太十九行達原

作答 三葉十三行受原誤愛 四葉十九行婉字

上疑脫女字 五葉十二行全原誤金 十葉六行

益都原誤益州 十一葉四行即原誤遂 十六葉

八行之原誤入 二十一葉二行塞字原誤在軍字

下九行不支原誤不及 二十二葉十八行北兵原

倒 二十四葉十五行風國原作輔國元史作國風

二十五葉三行淮原誤懷 二十六葉七行域原

誤城 二十九葉三行常原誤當

庚申外史校勘記

庚申君遺事



庚申君遺事序

廣編卷第八

萬子季野輯庚申君遺事一卷據元史虞集之詔明宗安權非已子之言證以權衡余應哀忠徹黃溥程敏政諸人論說則安權固確為瀛國之子即邁來迪甫為周王所納即生安權與生安權而後為周王所納說有不同要為趙氏之子無疑宋遺民錄序謂其事之卓卓乎可以信後世而下慰遺民不忘宋之心者則篁墩之志即萬子之志也乃予觀於宋之亡國之慘與庚申君之事而歎天之報施善惡奇而弗爽昭代叢書已集庚申君遺事序一
 世楷堂藏板

有非耳目心思所能及者從來篡國之賊必因其君之不道國將亡不然則迫於權勢危疑不容已或國已傾覆賴其力以維持戡定既久而後取乃宋之於周未嘗有一於斯特借其付託之重欺其孤兒寡婦而奪其已安已治之宗社是其惡固浮於一切篡逆之惡之上而太宗又背兄殺其子與弟攘其位以歸諸已之子則更與於殺父殺兄之尤者舉族北轍之禍固非無自而來也然而太祖以忠厚開基脫離海內蒼生百餘年水火而登諸衽席功固不在漢唐下

所以孝宗得續緒臨安而後又有庚申君之事歎嗟乎天命靡常固不能錙銖弗爽而莫為其致送豈有最奇不可解如此者此天之所以難測而亦未嘗非人事之所致也宋元非世讐取其國亦已矣而發陵暴屍焚髡斷首不已甚乎瀛國幾不免虎口而妻子又遭攘奪其慘辱當復何如也詩云無言不讐無德不報有國家者盍其鑒諸庚辰夏五月或庵王源識

昭代叢書已集庚申君遺事序二

世楷堂藏板

庚申君遺事

鄞縣葛斯同季野輯

元史順帝本紀

順帝名妥懽帖睦爾明宗之長子母罕祿魯氏名邁
 來迪那王阿兒廝蘭之裔孫也初太祖取西北諸國
 阿兒廝蘭率其眾來降乃封爲郡王俾領其部族及
 明宗北狩過其地納罕祿魯氏延祐七年四月丙寅
 生帝於北方當素定帝之崩太師燕鐵木兒與諸王
 大臣迎立文宗文宗既卽位以明宗嫡長復遣使迎
 昭代叢書 已集 庚申君遺事 卷第八 世楷堂 藏板

立之明宗卽位于和寧之北而立文宗爲皇太子及
 明宗崩文宗復正大位至順元年四月辛丑明宗后
 八不沙被讒遇害遂徙帝于高麗使居大靑島中不
 與人接閱一載復詔天下言明宗在朔漠之時素謂
 非其已子移于廣西之靜江三年八月己酉文宗崩
 燕鐵木兒請文宗后立太子燕帖古思后不從而命
 立明宗次子懿璘只班是爲寧宗十一月壬辰寧宗
 崩燕鐵木兒復請立燕帖古思文宗后曰吾子尚幼
 妥懽帖睦爾在廣西今年十三矣且明宗之長子禮

當立之乃命中書右丞闊里吉思迎帝于靜江至良
 鄉具鹵簿以迓之燕鐵木兒既見帝並馬徐行具陳
 迎立之意帝幼且畏之一無所答於是燕鐵木兒疑
 之故帝至京久不得立適太史亦言帝不可立立則
 天下亂以故議未決遷延者數月國事皆決於燕鐵
 木兒奏文宗后而行之俄而燕鐵木兒死后乃與大
 臣定議立帝且曰萬歲之後其傳位於燕帖古思若
 武宗仁宗故事諸王宗戚奉上璽綬勸進四年六月
 己巳帝卽位于上都詔曰惟我太祖皇帝受命于天
 昭代叢書 已集 庚申君遺事 卷第八 世楷堂 藏板

肇造區夏世祖皇帝奄有四海治功大備列聖相傳
 丕承前烈我皇祖武宗皇帝入纂大統及致和之季
 皇考明宗皇帝遠居朔漠札牙篤皇帝戡定內難讓
 以天下我皇考寶天札牙篤皇帝復正宸極治化方
 隆奄棄臣庶今皇太后召大臣燕鐵木兒伯顏等曰
 昔者闕徹脫脫木兒只兒哈郎等謀逆以明宗太子
 爲名又先爲八不沙始以妬忌妄構誣言踈離骨肉
 逆臣等既正其罪太子遂遷於外札牙篤皇帝後知
 其妄尋至大漸顧命有曰朕之大位其以朕兒子繼

之時以朕遠征南服以朕弟懿璘只班登大位以安百姓乃遽至大故皇太后體承札牙篤皇帝遺意以武宗皇帝之元孫明宗皇帝之世嫡以賢以長在子一人遣使迎還徵集宗室諸王來會合辭推戴今奉皇太后勉進之篤宗親大臣懇請之至以至順四年六月初八日即皇帝位于上都於戲惟天惟祖宗全付予有家慄慄危懼若涉淵冰罔知攸濟尚賴宗親臣鄰交修不逮以底隆平其赦天下

世楷堂藏板
五
庚申君遺事
卷第八

至元六年六月丙申詔撤文宗廟主徙太皇太后不答失里東安州安置放太子燕帖古思於高麗其略曰昔我皇祖武宗皇帝昇遐之後祖母太皇太后或於愴慙俾皇考明宗皇帝出封雲南英宗遇害正統寢偏我皇考以武宗之嫡逃居朔漠宗王大臣同心翊戴肇啓大事於時以地近先迎文宗誓總機務繼知天理人倫之攸常假讓位之名以寶璽來上皇考推誠不疑即授以皇太子寶文宗稔惡不悛當躬迓之際乃與其臣月魯不花也里牙明里董阿等謀爲不軌使我皇考伏恨上寶歸而再御宸極思欲自解

於天下乃謂夫何數日之間宮車弗駕海內聞之靡不切齒又私圖傳子乃構邪言嫁禍於八不沙皇后謂朕非明宗之子遂俾出居遐陬祖宗大業幾於不繼內懷愧歎則殺也里牙以杜口上天弗祐隨降殞罰叔嬪不答失里帖其勢破不立明考之家嗣而立儒稚之弟懿璘質班奄復不年諸王大臣以賢以長扶朕踐位國之大政屬不自遂者詎能枚舉每念治必本於盡孝事莫先於正名賴天之靈權奸屏黜盡孝正名不容復緩永惟鞠育罔極之恩忍忘不共戴

世楷堂藏板
六
庚申君遺事
卷第八

昭代叢書
天之義既往之罪不可勝誅其命太常撤去圖帖睦爾在廟之主不答失里本朕之嬪乃陰構奸臣弗體朕意僭膺太皇太后之號迹其開門之禍離間骨肉罪惡尤重揆之大義削去鴻名徙東安州安置燕帖古思昔雖幼冲理難同處朕終不蹈於覆轍專務殘酷惟放諸高麗當時賊臣月魯不花也里牙已死其以明里董阿等明正典刑
元史虞集傳
文宗崩集在告欲謀南還弗果幼君崩大臣將立安

歡帖睦爾太子用至大故事召諸老臣赴上都議集
在名列馬祖常使人告之曰御史有言乃謝病歸臨
川初文宗在上都將立其子阿剌忒納答刺爲皇太
子乃以安歡帖睦爾太子乳母夫言明宗在日素謂
太子非其子黜之江南駙名翰林學士承旨阿隣帖
木兒奎章閣大學士忽都魯篤彌實書其事于脫卜
赤顏又名集使書詔播告中外時臺省諸臣皆文宗
素所信用同功一體之人御史亦不敢斥言其事意
在諷集速去而已後侍臣有以舊詔爲言者帝不懼
昭代叢書 已集 庚申君遺事 七 世楷堂 藏板

曰此我家事豈由彼書生耶

庚申外史

權衡

元順帝元統元年癸酉先是壬申秋文宗車駕在上
都八月疾大漸召皇后及太子燕帖古思大臣燕鐵
木兒曰昔者見忽父之事爲朕平生大錯朕嘗中夜
思之悔之無及燕帖古思雖爲朕子朕固愛之然今
日大位乃明宗之大位也汝輩如愛朕願召明宗子
安歡帖睦爾來使登茲大位如是朕雖見明宗于地
下亦可以有所措辭而塞責耳言訖而崩見忽父者

乃明宗皇帝從北方來飲毒而崩之地燕鐵木兒內
懼爲之躊躇累日自念見忽父之事已實造謀恐安
歡帖睦爾至而治其罪姑秘文宗遺詔屏而不發因
謂文宗后曰阿婆且權守上位玉室安歡帖睦爾太
子居南徼荒瘴之地未知有無我與宗戚諸王徐議
之可也是時燕鐵木兒以太平王爲右相禮絕百僚
威焰赫赫宗戚諸王無敢以爲言者遐邇至至順四
年三月上位虛攝已久內外頗以爲言燕鐵木兒始
迎明宗皇帝幼子懿璘只班登寶位不發詔不改年
昭代叢書 已集 庚申君遺事 八 世楷堂 藏板

號踰月而崩廟號寧宗繼而燕鐵木兒建議欲立燕

帖古思文宗后固辭曰天位至重吾兒恐年小豈不

遭折死耶安歡帖睦爾在廣西靜江可取他來爲帝
且先帝臨崩云云言猶在耳於是燕鐵木兒知事不
能已遂奉太后詔遣使去廣取安歡帖睦爾太子
來京太子行至良鄉以郊祀鹵簿禮迎之蓋燕鐵木
兒欲以此取悅太子之意既而燕鐵木兒驅馬與太
子並行道上舉鞭指示告太子以國家多難遣使奉
迎之由太子迄無一言以答之燕鐵木兒心疑懼留

連至六月方始使登位改元元統元年尊文宗后爲
太皇太后

至元五年己卯臺官奏曰太皇太后非陛下母也乃
陛下嫡母也前嘗推陛下母墮燒羊爐中以死父母
之讐不共戴天乃貶太后安州安置太子燕帖古思
瀋陽路安置乃使云都赤月怯察兒押送瀋陽將至
瀋陽太子忽心驚知其將殺已矣飛馬渡河而走月
怯察兒追之拉其腰而死云都赤者帶刀宿衛之士
也太后亦每言帝不用心治天下而乃專作嬉戲故

昭代叢書

已集

庚申君遺事

九

世楷堂
藏板

此舉雖出于權臣實亦帝心之所欲也尚書高保哥
奏言昔文宗制治天下有曰我明宗在北之時謂陛
下素非其子帝聞之大怒立命撤去文宗神主于太
廟併問當時草詔者何人遂欲殺虞伯生集馬雍古
祖常二人呈上文宗御批且曰臣受勅紀載實不獲
已脫脫在旁因曰彼皆負天下重名後世只謂陛下
殺此秀才故捨之而不問

國初宋江南歸附時瀛國公幼君也入都自願爲僧
白塔寺中已而奉詔居甘州山寺有趙王者因嬉游

至其寺憐國公年老且孤留一回同女子與之延祐
七年女子懷娠四月十六日夜生一男子明宗適自
北方來早行見其寺上有龍文五采氣即物色得之
乃瀛國公所居室也因問子之所居得無有重寶乎
瀛國公曰無有固問之則曰今早五更後舍下生一
男子耳明宗大喜因求爲子并其母以歸

讀虞集草庚申詔漫述

余應

皇宋第十六飛龍元朝降封瀛國公元君詔公尚公
主時蒙賜宴明光宮酒酣舒指爬金柱化爲龍爪驚

昭代叢書

已集

庚申君遺事

一

世楷堂
藏板

天容元君含笑語羣臣鳳雛寧與凡禽同侍臣獻謀
將見除公主夜泣霑酥胸瀛公晨馳見帝師大雄門
下參禪宗幸脫虎口走方外易名合尊沙漠中是時
明宗在沙漠締交合尊情煩濃合尊之妻夜生子明
宗隔帳聞笙鏞乞歸行營養爲子皇考崩時生甫童
文宗降詔移南海五年仍歸居九重王癸枯乾丙丁
發西江月下生涯終至今兒孫主沙漠吁嗟趙氏何
其雄維昔祖宗受周禪仁厚綽有三玉風雖因浪子
失中國世爲君長傳無窮

庚申君遺事 符臺集

袁忠徹

子幼時聞諸先生與先君言宋幼主北遷元降封爲瀛國公一夕世祖夢金龍舒爪纏殿柱明日瀛國來朝立所夢柱下世祖感其事欲除之謀諸臣下瀛國知懼遂乞從釋號合尊大師往西天受佛法獲免過朔北扎顏之地謁周王即明宗見瀛國后罕祿魯氏名來郡王阿兒斯蘭之裔孫也明宗愛而納之未幾生妥懽帖睦爾後有言於文宗詔曰明宗在朔漠之時素謂非已子遂兩徙高麗海島尋移廣西文宗崩丞相燕鐵木兒請於文后卜荅矢里立太子燕帖古思后不從命立明宗次子亦隣質班是爲寧宗寧宗崩燕鐵木兒復請立燕帖古思后曰吾子尚幼明宗長子妥懽帖睦爾在廣西年十三矣乃命中書右丞瀾里吉思往廣迎之至良鄉燕鐵木兒既見具陳迎立之意妥懽帖睦爾幼且畏之一無所荅於是燕鐵木兒疑之適太史亦言不可立立則天下亂遂不果文后視政一年燕鐵木兒薨學士虞集上封事不肯草詔文后與大臣及學士曠曠等定議立姪妥懽帖睦

昭代叢書 已集 庚申君遺事 卷第八 十一 世楷堂 藏板

2774 93.5

爾爲皇帝且詔尊文后下有脫文曰燕鐵木兒猶懷多端遷延數月天殞厥躬永惟皇太后後其所生之子一以至公爲心親挈大寶昇子兄弟迹其定策兩朝功德隆盛下有脫文帝以虞集之上封事乃曰噫嘻餓秀才怎麼知我家事集驚懼喪明帝立之八年六月撤文宗廟主徙文后幽於東安放其太子燕帖古思於高麗中道謀殺之嗚呼順帝享國實由文后然聽讒臣之言遂至母子被害夫宋待柴世宗之後代居顯官

詳見史冊而瀛國孤兒寡婦元君恐不相容也瀛國昭代叢書 已集 庚申君遺事 卷第八 十一 世楷堂 藏板

居燕八年因殺文丞相方給衣糧此待之薄甚迨感夢有疑瀛國逆知假往西天又遇周王奪其而后生順帝以明宗朔漠之言觀之明爲遺腹也而天不負宋而又享國之久而順帝之負文后豈其少恩哉國祚之歸於大明宜矣予歸老于家或誦虞文靖公詩三百年之德澤不泯也如是順帝幽文后殺其太子此天使宋之遺孽滅元之報復也永樂十年五月十八日我太宗文皇帝御武英門命內官李謙王吉于

121

古今通集庫取宋列帝遺像命臣忠徹及畫士百戶徐英觀之上笑謂忠徹曰宋太祖以下雖是胡羊鼻其氣象清癯若太醫然十九日上復御武英門命臣忠徹同內官王吉看元列帝像俱魁偉雄邁上曰都喫綿羊肉者及觀順帝像顧謂臣忠徹曰唯此何爲類太醫也忠徹斯時承命未實俯首莫對今蒙賜老田里得以歷考宋元史傳暨元學士虞集所作第十六飛龍之詩果符太宗文皇帝之言感念聖鑑之明媿當時不能對此爲恨庸書以俟秉筆者補之

昭代叢書

已集

庚申君遺事

十三

世楷堂藏板

瀛國公遺事

葉盛

皇宋第十六飛龍元朝降封瀛國公元君召公尚公主時承錫宴明光宮酒酣伸手扒金柱化爲龍爪驚天容元君含笑謂羣臣鳳雛寧與凡鳥同侍臣獻謀將見除公主泣淚沾酥胸幸脫虎口走方外易名合尊沙漠中是時明宗在沙漠締交合尊情頗濃合尊之妻夜生子明宗隔帳聞笙鏞乞歸行宮養爲嗣皇考崩時年甫童元君降詔移南海五年乃歸居九重憶昔宋祖受周禪仁義綽有二代風至今見孫主沙

漢吁嗟趙氏何其隆右詩不知何人作嘗聞節之誦一過適過廷器指揮談及之爲略考諸史冊所書野史所記并附此詩於此以俟知者史云元順帝名妥懼帖睦爾明宗長子母罕祿魯氏名邁來迪明宗爲周王居朔北過其地納之生帝常被讒于文宗移居廣西十三歲迎歸卽位初文宗在上都時將立之爲太子乃以順帝乳母之夫言明宗在日素謂太子非其子因黜之江南而召虞集使書詔播告中外時省臺臣皆不敢斥言唯諷集使速去文宗與幼君相繼卽今叢書

昭代叢書

已集

庚申君遺事

十四

世楷堂藏板

崩大臣將立帝召諸老臣赴上都議事集亦在列馬祖常使人告之曰御史有言矣集乃謝病歸臨川帝旣立侍臣有以舊詔爲言者帝不懌曰此我家事豈由彼書生後至元二年二月追尊帝生母邁來迪爲眞裕徽聖后至八年十一月集卒年七十二錢塘瞿宗吉詩話云虞伯生際遇文宗置奎章閣爲學士天曆至順間文治燦然可觀順帝爲明宗子文宗忌之遠竄海南詔書有曰明宗在北之時自以爲非其子伯生筆也文宗晏駕寧宗立八月崩國人迎順帝立

之帝入太廟斥去文宗神主命四方毀棄舊詔時伯生在江西以皮繩拴腰馬尾縫眼夾兩馬間逮捕至大都嫉之者爲十七字詩曰自謂非其子如今作天子傳語老蠻子請死至則以文宗親改詔橐呈順帝覽之曰此朕家事外人豈知遂得釋兩目由是喪明不復能楷書矣

又

日記三十七卷已載德國公事近見寰宇通志政和縣志及符臺外集乃知此詩余應作袁忠徹以爲虞

昭代叢書

已集

庚申君遺事

五

世楷堂藏板

集作非也並錄於此通志云國朝之初闡儒余應因讀元虞集所草庚申君非周王已子之詔作詩云云

詩已見前

不復錄 政和誌云福建政和縣儒學訓導余應悲

宋室以仁義亡國因覽虞文靖公爲文宗皇帝草順帝非周王已子之詔撰詩以述其事符臺外集則直謂學士虞集所撰殊失其實當以前二說爲據

庚申君遺事

開中今古錄

黃溥

宋太祖建隆庚申受禪後聞陳希夷只怕五更頭之言命宮中轉六更方嚴鼓鳴鐘太祖之意恐有不軌

之徒竊發于五更之時故終宋之世六更轉於宮中然後鳴鐘殊不省更庚同音也至理宗景定元年歷五庚申越十七年末宋亡而希夷五更頭之數信矣到元朝延祐年庚申而至正帝生帝乃宋少帝趙昱子詳見後錄我大明兵入燕都遁去當時人只呼庚申帝觀劉尚寶集庚申帝大事記是也後方號順帝云由此觀之則宋祖命轉六更之言益信不爽

又

宋太祖與陳希夷論國祚五更六更之事予述之篇

昭代叢書

已集

庚申君遺事

六

世楷堂藏板

首矣而六更之說未竟茲畢其說嘗聞先大父南山先生曰永樂間一日謁尚寶袁公公曰昨日同太監二人侍上位看歷代帝王象看到宋太祖上曰果然面方耳大又曰真宗而下諸象清楚如今時太醫樣一般看到元世祖上曰北人南相看順帝像又曰此又如太醫樣何也不能對而退大父答曰公尚不曉此耶昔宋幼主焜之妻有娠元明宗見貌美悅之乃生順帝也尚寶因歎不得以此對爲恨仍備述於符臺外集而不明大父所云近觀葉文莊水東日記載

一詩云皇宋第十六飛龍元朝降封瀛國公元君召
公尚公主時承賜宴開光宮酒酣伸手扒金柱化爲
龍爪驚天容元君含笑語羣臣鳳雛寧與凡禽同侍
臣獻謀將見除公主泣淚沾酥胸幸脫虎口走方外
易名合尊沙漠中是時明宗在沙漠締交合尊情頗
濃合尊之妻夜生子明宗隔帳聞笙鏞乞歸行宮養
爲嗣皇考崩時年甫童元君降詔移南海五年乃歸
居九重憶昔宋祖受周禪仁義綽有三代風至今見
孫主沙漠吁嗟趙氏何其隆但此詩不知何人作則

昭代叢書

已集

庚申君遺事
卷第八

七

世楷堂
藏板

順帝實幼主所生其生之年大德七年庚申歲也由
此言之則太祖六更之言既不爽而容貌之類又不
誣天道元默應數莫道有若此夫

跋閩人余應詩

何喬新

皇宋第十六飛龍元朝降封瀛國公元君詔公尚公
主時蒙賜宴明光宮酒酣舒指展金柱化爲龍爪驚
天容元君含笑語羣臣鳳雛寧與凡禽同侍臣獻謀
將見除公主夜泣沾酥胸瀛公晨馳見帝師大雄門
下參禪幸脫虎口走方外易名合尊沙漠中是時

明宗在沙漠締交合尊情頗濃合尊之妻夜生子明
宗隔帳聞笙鏞乞歸行宮養爲嗣皇考崩時年甫童
文宗降詔移南海五年仍歸居九重王癸枯乾丙丁
發西江月下生涯終至今見孫主沙漠吁嗟趙氏何
其雄惟昔皇祖受周禪仁厚綽有三王風雖因浪子
失中國世爲君長傳無窮此詩敘元順帝爲瀛國公
之子乃閩儒余應所作也其詩有王癸枯乾丙丁發
之句蓋壬癸爲水丙丁爲火元以水德王而宋以火
德王也又云西江月下生涯終故老相傳順帝北遁
殂於應昌倉卒取西江寺梁以供梓宮之用梁間隱
隱有字亟視之乃西江月一調有龍蛇跨馬亂如麻
可汗卻在西江寺下之句或云太保劉秉忠所作故
應云爾也考之於史瀛國公以德祐丙子降元時年
六歲後十有二年爲至元戊子瀛國公學佛法於吐
蕃又二十八年爲延祐丙辰仁宗命明宗出鎮雲南
明宗不受命逃之漠北其與瀛國公締交蓋在此時
也安權帖睦爾以元統癸酉卽位是爲順帝時年十
四其生在延祐庚申上距丙子凡四十四年而瀛國

昭代叢書

已集

庚申君遺事
卷第八

末

世楷堂
藏板

公年始五十矣應之詩或有徵也史又云文宗以上乳母夫言明宗在日素謂上非其子黜之江南名奎章閣學士虞集書詔播告中外而不言順帝爲何人之子蓋諱之也予年二十時赴江西鄉試於館人家見樂府一帙內有沙漠主一篇云楊廉夫所作予方從事科舉之業不假錄但記其篇末句云吁嗟乎鳳爲鳩龍爲魚三百年來龍鳳裔竟墮左衽稱單于又識其後云宋太祖之德至矣肇造帝業不傳諸子而傳諸弟太宗負約金人之禍舉族北遷而太祖之末昭代叢書 已集 庚申君遺事 卷第八 世楷堂 藏板

孫復紹大統有江南者百餘年爲元所滅而瀛國公之子陰纂元緒世爲漠北主天之報太祖一何厚哉其言頗與應合近考鐵厓樂府無此篇豈出于假託耶新安程克勤錄此詩示予因具疏予所聞見者以廣異聞云 余憲字則亮政和人私淑朱文公之學以自修事繼母與處繼母弟以孝友稱洪武初薦明進士爲儒學訓導遷留守司知事越三載坐公文不式免歸執父喪一依文公家禮邑人稱曰孝友先生

宋遺民錄序 程敏政 予嘗讀宋王鼎翁謝臯羽唐玉潛三子者之事而悲

之其名不載於史平生著述兵燹以來又多淪喪獨其倡和稱述之間見於諸家別集中者猶可考也齋居之暇因哀輯以傳附以一時意氣相與之人爲十五卷曰宋遺民錄序而藏之編之末復附以元主爲宋裔之說一本諸故老之傳聞參之史傳之登載卓卓乎可以信後世而無疑蓋又將以慰夫三子者不忘宋之心於地下而宋貽謀之善之報亦於是乎見焉

讀袁忠徹紀瀛國公事實 黃訓

皇宋第十六飛龍至吁嗟趙氏何其隆右詩不知誰作見諸集若葉文莊何文肅者多矣羅一峰云合尊之子陰易元祚蓋本諸此忠徹云詩爲虞伯生作伯生平生詩見道園學古錄並無此詩不知忠徹何據據文肅跋蓋閩人余應云但詩稱合尊之妻夜生子者指公主也元史作于宋王二公二公博學且近知順帝事當有據考之元史則云順帝名妥懽帖睦爾明宗長子母罕祿魯氏名邁來迪郡王阿兒厮蘭之裔女也明宗爲周王居朔北過其地納之生帝帝生有母母納有地豈台尊之妻夜生者耶且二公於順

帝母書氏書名書其受封之祖繁而不殺若爲辨者豈以文宗詔天下謂明宗在時謂帝非其子耶抑以世傳此詩謂爲合尊之妻夜生者耶然則順帝實明宗子而非合尊之子明矣袁忠徹又云嘗時侍文皇帝觀宋元帝御容謂宋太祖以下氣象清癯類太醫元世祖以下魁偉雄邁都喫綿羊肉者唯順帝類太醫以爲合尊之子之證嗚呼陽虎類孔子虎賁類蔡邕貌固不可徵也然喫綿羊肉者生太醫元父宋子若兩體然豈天憤元之滅宋種宋於元以滅元耶不然文皇帝曰唯此何爲類太醫也亦大異矣

召代叢書

已集

庚申晉遺事

五

世楷堂藏板

按袁公所紀瀛國公事言瀛國后罕祿魯氏名邁來迤郡王阿爾斯蘭之裔孫明宗愛而納之未幾生安懼帖睦爾與元史順帝本紀所言並同此正宋王二公深知順帝爲瀛國子而詳書之也黃君反謂二公於順帝母書氏書名書其受封之祖繁而不殺若爲辨者一何與二公意相刺謬也夫安懼爲宋末帝子不與袁公言之先朝名人若楊公瑄顧程公宗古黃公澗王父子葉公盛羅公倫何

公喬新程公敏政亦言之卽元末明初權余二公並言之豈可謂諸公之言盡誣哉蓋安懼之非蒙古種文宗初未嘗諱卽順帝亦不能自諱其事已喧傳天下故權余二公直筆之於書而不爲少諱黃君乃以一人之見欲排羣議而獨爲之諱也乎未引明文皇帝形貌之說謂元父宋子若兩體然豈天憤元之滅宋種宋于元以滅元耶其說是矣前此之誤解元史亦何爲哉

書瀛國公事實

耶什叢書

已集

庚申晉遺事

五

世楷堂藏板

程克勤宋遺民錄載瀛國公事以閩人余應詩及袁忠徹記爲徵椒邱何喬新注余詩最詳而袁記多所抵牾爲說者以謂呂夔牛馬之事微曖難明傳聞異辭或者中原遺老傷故國思少帝從而爲之說以相快歟國初權衡作庚申帝大事記與余詩若合符節記云宋江南歸附瀛國公入都自願爲僧白塔寺中已而奉詔居甘州山寺有趙王者憐國公老且孤贈以回回女子延祐七年四月十六日夜生一男子明宗適自北方來早行見寺上龍文五彩氣訪之乃國

公所居也問曰子室中有異寶乎對曰無有今早五
更產一男子明宗大喜因求爲子并其母載以歸卽
庚申帝也帝以庚申爲號者記者之微詞公羊子所
謂習其讀而問其傳也以元史及諸書詳考之宋幼
主降封瀛國世祖夢金龍舒爪纏殿柱明日瀛國來
朝立所夢柱下世祖欲除之瀛國遂乞從釋號合尊
大師往西天受佛法獲免過朔北扎顏之地袁忠史
微記
云瀛國公以德祐丙子降元年六歲後十有二年爲
至元戊子瀛國公學佛法於吐蕃何喬
新注余應詩云皇
昭代叢書 巳集 庚申君遺事 垂 世楷堂 藏板

生帝於北方罕祿魯氏卽瀛國之后也余詩曰是時
明宗在沙漠締交合尊情頗濃合尊之妻夜生子明
宗隔帳聞笙鏞乞歸行營養爲嗣皇考崩時年甫童
此明宗養子之本末也文宗疾大漸召皇后太子大
臣曰晃忽叉之事朕生平大錯我死迎妥歡帖睦爾
立之庶可以見明宗於地下晃忽叉者明宗從北方
來飲毒之地也燕鐵木兒不可立寧宗不踰月而崩
久之乃奉太后詔迎順帝於廣西之靜江余詩曰文
宗降詔移南海五年仍歸居九重王癸枯乾丙丁發
昭代叢書 巳集 庚申君遺事 垂 世楷堂 藏板

沙皇后謂朕非明宗之子遂俾出居遐陬祖宗大業幾於不繼蓋順帝生於沙漠其非明宗之子中外流聞大書特書傳播海內丙申之詔即順帝亦不得而諱也權衡字以制隱居太行黃華山二十八年洪武二年中書省遣官訪庚申帝三十六年史事得此書上之於朝所紀載可信不誣袁忠徹得之傳聞謂明宗見罕祿魯氏愛而納之未幾生妥懽帖睦爾而不知其抱養之詳余得庚申大事記以余應之詩疏通證明然後知信以傳信可備著國史不當以稗官瑣錄例之也元史潦草卒業實本朝未成之書後之君子有事纂述庚申帝之事亦其大者故不厭其詳複云

昭代叢書

已集

庚申君遺事

卷第八

世楷堂藏板

書庚申君遺事後

萬斯同

或問曰世言元順帝即宋恭帝子其說可信乎曰奚爲不可恭帝以元世祖至元十三年丙子亡國時方六歲至仁宗延祐七年庚申四月生順帝年已五十六其時固相接也恭帝以至元十九年二月徙上都其日即殺文丞相蓋因奸民薛保住告變謂其有興復

宋室之謀也以二十五年十月學佛法於吐蕃年方一十八則侍臣獻謀將見除之時矣袁尚寶符臺外集名忠謂大師往西天受佛法過朔北扎顏之地謁周王即元明宗王見瀛國后罕祿魯氏名邁來迪耶子愛阿爾斯蘭之裔而納之生妥懽帖睦爾即順帝其歲月不符矣瀛國初尚公主後娶罕祿魯氏必在公主既亡之後權衡庚申君大事記謂瀛國奉詔居甘州山寺有趙王者憐公老且孤贈以回回女子延祐七年四月十六日夜生一男子是順帝既生而後周王乞之非先納其母而後生子也以余應詩合之則權說爲信而袁說不足據矣瀛國公既往吐蕃距其生庚申帝閱三十有二年此三十二年之內不知以何時返上都以何時徙甘州度公主尚在必去而復返其生庚申帝爲周王所乞也王時年二十一而瀛國則已半百矣既已披緇三十年即無室家亦可故并妻子悉子之說者謂周王悅罕祿魯氏美而奪之因并奪其子意在其母不在其子也此亦情理所有考順帝本紀謂母罕祿魯氏名邁來迪耶王阿爾斯蘭之裔此正瀛國之

昭代叢書

已集

庚申君遺事

卷第八

世楷堂藏板

妻與諸家所載悉符則順帝之爲恭帝子無可疑矣然趙氏之復有天下也豈意計之所及哉夫明宗爲武宗嫡長固當有天下者也乃武宗不傳子而傳弟仁宗約以次傳已子後仁宗背約以延祐三年封明宗爲周王出鎮雲南而立已之子英宗爲嗣是明宗已無天下之望矣行次關中與其臣下舉兵反事敗乃西奔金山西北諸王悉來會與定約束每歲冬居扎顏夏居幹羅幹察山隱然自爲一國是明宗益無天下之望矣其後仁宗傳英宗泰定帝又弑英宗而自立即文宗之素無嫌隙者猶且羈之瓊崖而不使返是明宗更無天下之望矣孰意泰定享國不永文宗獲返正宸極而且遜位于兄即明宗此豈意計之所及哉迨明宗卽位於漠北自謂我有天下矣乃還至半途而爲文宗所弑又豈意計之所及文宗既弑兄而奪之位孰不謂他日有天下者非明宗之子也豈知文宗甫四載而傳之寧宗寧宗甫數月而卽傳之順帝哉方文宗之追悔弑兄而欲傳其子也何不竟立順帝而乃立其弟寧宗夫固知順帝非蒙古種也

臣等謹書

已集 庚申君遺事 卷第八

三

世宗堂 藏板

及寧宗甫立而卽殤也燕鐵木兒何不肯迎立順帝而必欲立燕鐵古思夫亦謂順帝非蒙古種也况明宗存日自言安權非我子文宗業已詔告天下哉後帝雖黜文宗主殺文宗后母子罪史官虞集之草詔而天下已莫不聞此所謂欲蓋彌章可以箝一時廷臣之口而不可以欺天下後世也然則順帝之爲恭帝子而趙氏之復有天下也章章明矣又何疑再書庚申君遺事後 萬斯同

宋太祖以庚申年受周禪因陳希夷怕聽五更頭之說命宮中于四更末卽轉六更而不轉五更後遂循爲定制不知五更之暗寓五庚也自建隆元年庚申太祖始踐阼歷六十年至真宗天禧四年爲一庚再歷六十年至神宗元豐三年爲二庚再歷六十年至高宗紹興十年爲三庚再歷六十年至寧宗慶元六年爲四庚又歷六十年至理宗景定元年爲五庚而元世祖卽於是年卽位希夷所謂怕聽五更頭者於斯驗矣乃宋之君臣但知怕五更而不知五庚之當怕僅閱十七年遂以亡國豈非前定之數哉厥後順

臣等謹書


已集 庚申君遺事 卷第八

三

世宗堂 藏板

帝之生亦在庚申去景定初元適六十年是又宮中
六更之應也方順帝在位時天下皆稱爲庚申帝其
爲趙氏之遺裔人皆知之特有所畏而不敢顯言逮
明師北伐庚申帝以洪武元年八月北遁而其次年
卽得太行隱士權衡所著庚申君大事記其書明言
順帝爲宋恭帝子則其事元時已盛傳故閩人余應
賦詩紀其事而袁忠徹黃潤玉並有是言黃溥周中
今古錄稱
先大父南山先生卽潤玉也諸公皆明初人見聞相接所言必不
誣豈好爲不根之說以駭世而惑衆哉縱諸公之紀
昭代叢書 已集 庚申君遺事 卷第八 世楷堂 藏板

庚申君遺事跋
季野先生著述已刻者爲歷代史表儒林宗派廟制
圖考石經考未刻尚存者爲歷代宰輔彙考河渠考
崑崙河源考書學彙編聲韻源流考至宋季忠義錄
羣書疑辨難難則遺稿散佚不可復見矣茲庚申君
遺事暨南宋六陵遺事流傳頗罕知不足齋藏有寫
本今歲春抄鮑丈以文攜示因得倩友人鈔入叢書
不啻若獲拱璧云丁未重九日震澤楊復吉識
孫 揆嘉肇初校字
昭代叢書 已集 庚申君遺事跋 卷第八 世楷堂 藏板



元 代 征 倭
一 卷

息園老人書



甲戌春三月湯新

石氏蓉城仙館印行

元代征倭記序

吾國與日本戰數千年來僅有數次而出兵宋時國則僅元世祖之二次討伐而已然元世祖統一華夏遠及歐洲武功之盛震爍古今四方朝貢者千有餘國何以最爾之三島而不克征服耶何以二次征伐均失敗而歸耶軍旅之事吾未之學以吾人管蠡之見當時之艦隊數千橫行海上早破日人之膽是以大軍渡海登岸之後戰無不勝攻與不克彼之將士死於刀槍火箭之中者不知凡幾乃為海上颶風一宵覆沒彼則歸為神風吾則付諸天意嗚乎豈其然乎海上行船皆有定時颶風之來凡熟於航海者皆能先期知之此以不知天時而失敗也舟師停泊應擇港灣避風之地颶風狂猛得保無虞此以不明地利而失敗也大軍遠征軍令軍權亟宜統一乃主帥數人

元代征倭記

一 蓉城仙館叢書

部將不聽節制以致風濤失利調遣無方此以不得人和而失敗也既至失敗以後世祖屢擬興師大張撻伐卒至未果竟使日本三島於六百年後肆意侵略縣我琉球割我台灣併我朝鮮今又佔我遼吉龍江熱河數省得隴望蜀蠶食鯨吞國人憤恨填膺直欲踏平三島以雪此仇推翻東海以洗此辱元世祖征伐日本喪師以還彼猶以為大恥載在國辱史中我國領土失之又失我國軍人敗之又敗其國恥將何如耶吾讀史至元之伐日吾恨當時之不克成功以為吾民族吐氣然吾民族之血性猶存也然吾民族之善戰猶在也今東北義勇軍以東北一隅之地素無訓練之衆持十九世紀之武器尙能與日本血戰不已若全國一致奮鬪於天時地利人和之外加以新式武器彼其奈我何哉吾編元代征倭記竣吾禱國人須有世祖之

7-26 W 662

198

雄心勿蹈喪師之覆轍臥薪嘗膽激勵國存全國一致抱定決心吾國前途庶其有豸若再如今日之泄泄沓沓政府既無方策人民復若散沙徒於標語集會中高呼抵抗有何益哉吾觀吾國今日之情狀吾欲哭無淚矣
中華民國二十二年仲夏陽新石榮璋序於故都西邱草堂

元代征倭記

二

蓉城仙館叢書

元代征倭記序

大凡一書之編成必有一書之主旨吾之編元代征倭記也何居吾國之征伐日本僅有元代之二次雖曾戰勝倭人然均喪師以還實吾國之大恥也何記為惟其為吾國之大恥尤不可不記之欲吾國人之雪此恥也元世祖數次遣使被逐而歸可恥孰甚兩次遣使全部被殺可恥又孰甚吾記此恥吾痛吾國人之善忘吾恨吾國民之不振吾因搜集元世祖征倭事實而元史之記載甚畧又無他書可考因以日本國辱史所記戰况譯附於後以資參証其記元軍暴虐情狀或故甚其辭以激動其國人者概略之我國同胞其共起而雪此奇恥乎豈不知彼之外示親善而實行侵略乎且以地形論扶桑三島位於東海之東與北之庫頁南之台灣一線迴環實天然之附屬即

元代征倭記

三

蓉城仙館叢書

內拱之屏藩以種族論自徐福渡海求仙遺留三千童子為彼族人種之萌芽吾華之為其祖國並非誕妄以文化論吾國在盛唐時代彼國遣派士子僧人前來求學嗣後彼之文字宮室布帛菽粟禮儀制度莫不做效吾國而成是日本之立國數千年來皆為吾國是賴何以今日如此嗟乎黑水白山概輿圖之變色雲飛風起思猛士於何方苟且圖存必至滅亡遠交近攻古有明訓國恥其雪乎國威其振乎國基其固乎請以此編為征倭前車之鑒焉吾編元代征倭記之主旨如此因前序意有未盡特再記之敬告國人陽新石榮障再序

元代征倭記目錄

陽新石榮障蓋年編輯

- 元世祖遣使黑的等赴日並致國書
- 元世祖再遣使黑的殷弘赴日
- 元世祖征伐日本之動機
- 元世祖遣特使趙良弼赴日
- 元世祖征伐日本
- 元世祖遣使杜世忠赴日被殺
- 元世祖再伐日本
- 元世祖仍準備大伐日本
- 附記唐軍大敗倭兵事


元代征倭記

四

蓉城仙館叢書

元代征倭記

陽新石榮璋蓋年編輯



世祖遣使黑的等赴日並致書於日本國王
至元一年詔擇可奉使日本國者

以高麗人趙彝等上言也

至元二年八月丁卯命兵部侍郎黑的給虎符充國信使禮部
侍郎殷弘給金符充國信副使詔高麗王植導去使至其國

國信使偕同司儀官伯德孝先等先至高麗即由國王遣其
樞密院副使宋君斐禮部侍郎金贊等導詔使往日本並致
國書

其文曰大蒙古國皇帝奉書日本國王朕惟自古小國之君
境土相接尚務講信修睦况我祖宗受天明命奄有區夏遐

元代征倭記

蓉城仙館叢書

方異域畏威懷德者不可悉數朕即位之初以高麗無辜之
民久罹鋒鏑飭令罷兵還其疆域返其旄旄高麗君臣感戴
來朝義雖君臣歡若父子計王之君臣亦已知之高麗朕之
東藩也日本密邇高麗開國以來亦時通中國至於朕躬而
無一乘之使以通和好尙恐王國知之未審故特遣使持書
布告朕志冀自今以往通問結好以相親睦且聖人以四海
爲家不相通好豈一家之理哉以至用兵夫孰所好王其圖
之

按日本國辱史載此次赴日國書之外高麗國王復加以手
翰遣使潘阜等往日本送交太宰府轉送於鎌倉幕府是時
日本之政權操於相模守北條時宗即由時宗遣急使送於
日本政府政府接收後立即召集公卿開非常會議討論答

書與否之問題彼臣僚中分軟硬二派硬論派主張若與復
書有損帝國之威信宜速對於非禮之使者處以死刑軟論
派則以國書無禮應與以強硬之復書以免再來非禮之態
度主張以復書與使者持還爲得策甲論乙駁不易解決政
府卒從軟論派之主張與以復書即詔參議管原長成起草
以復書急送於鎌倉幕府惟執權之北條時宗以來書不遜
脅迫過甚急遣使者還京都以答書有關帝國之威信奏請
撤回一面命太宰府將潘阜等放逐並在筑前沿海要隘地
方加以偵察

按元史初次遣使高麗派宋君斐金贊導往二次遣使高麗
派潘阜導往而日本史記載則潘阜等在前宋君斐等在後
前後互異但無關重要仍依原文記之從實也

元代征倭記

二 蓉城仙館叢書

世祖再遣使黑的殷弘赴日

至元四年六月遣正使黑的副使殷弘赴日飭高麗王派使導
往未至而返降詔詰責

黑的殷弘由蒙古出發並令高麗王派使導往高麗王因派
樞密院副使宋君斐禮部侍郎金贊爲之先導黑的等旋以
高麗使者不能導達來奏帝以去使徒還降詔責高麗王植
仍令遣官至彼宣布以必得要領爲期九月高麗王遣其起
居舍人潘阜書狀官李挺充國信使詣日本

按日本國辱史載黑的等出發至巨濟島海岸時適值氣候
險惡海濱遙望巨浪如山橫亘數里宛如一大山脈狂奔襲
來令人戰慄黑的等望而生畏不克前往而返

世祖征伐日本之動機

至元五年四月高麗王植遣其門下侍郎李藏用奉表與也孫脫等入朝

李藏用入朝帝敕藏用曰往諭爾主速以軍數實奏將遣人督之今出軍爾等必疑將出何地或欲南宋或欲日本爾主當造舟一千艘能涉大海可載四千石者藏用曰舟艦之事即當應命但人民殘少恐不及期往者臣國有軍四萬三十餘年間死於兵疫今止有牌子頭五十戶百戶千戶之類虛名而無軍卒帝曰死者有之生者亦有之藏用曰賴聖德自撤兵以來有生長者僅十歲耳帝又曰自爾來者言海中之事於宋得便風可三日而至日本則朝發而夕至舟中載米海中捕魚而食之則豈不可行乎又敕藏用曰歸可以此言諭爾主

元代征倭記

三

蓉城仙館叢書

七月詔都統領脫朶兒武德將軍統領王國昌武略將軍副統領劉傑使高麗

高麗國王植遣其臣崔東秀來言備兵一萬造船千艘詔遣脫朶兒等往閱之就相視黑山日本道路仍命就羅別造船百艘以伺調用至時植出昇天府迎之

九月命黑的股弘復持書往日本至對馬島日本人拒而不納執其塔二郎彌二郎二人以歸

高麗王植表奏潘阜等奉使無功而還復遣黑的等使日本詔植遣重臣導送植遣其門下省事申思全禮部侍郎陳非起居舍人潘阜等從國信使赴日本

至元六年三月高麗王植遣申思全奉表從黑的等入朝六月命高麗金有成送還執者俾中書省牒其國亦不報有成

留其太宰府守護所者久之

按日本國辱史載世祖深沈大畧久存統一寰宇之志是時有曹志升者熟悉日本情狀進言於世祖因日本不來朝貢即定大加討伐之決心是以會命高麗國建造戰艦千艘及其他軍需品之準備潘阜由日本歸來復命之渡航赴日手交國書要求答復日本政府復書並對潘阜加以侮辱世祖聞之大怒以弱小之日本無禮至此必將訴諸武力至元七年遣派赴日使臣黑的股弘出發以高麗爲之先導至對馬上陸島司抗不之應黑的等遂據島民塔次郎彌次郎二人而歸世祖優加禮遇欲知日本之國情但彼等均屬漁民未能詳悉世祖揮青龍刀欲斬之臣下婉勸而止仍飭優禮待遇並諭曰朕今令汝國來朝不過通問結好垂於後世並無

元代征倭記

四

蓉城仙館叢書

他意仍給與種種物品導觀城闕宮殿後送之返國此次塔次郎彌次郎二人既作捕虜不予殺戮復加優禮世祖之恢宏大度可以知矣

按至元八年有曹介升者上言願爲進征嚮導此之曹志升或係曹介升之誤

至元七年九月再致國書于日本命高麗王遣使前往被逐而歸

世祖再致書于日本命高麗王促其來朝並以高麗臣金有成高柔爲遣日正副特使持中朝國書及高麗國王手書由高麗出發再至日本筑前之太宰府迫太宰少貳速送國書于彼之政府要求答覆時太宰少貳爲武籐資能以國書非禮拒絕收受特使等被逐而歸世祖詔文如下

詔植曰嚮嘗遣信使通問日本不謂執迷負固難以善言開
諭此卿所知將經略於彼救有司發卒屯山爲進取之計庶
免爾國他日轉輸之勞仍遣使持書先示招懷卿其悉心盡
慮裨贊方略期於有成以稱朕意

世祖遣特使趙良弼赴日

至元七年十二月詔諭高麗王植送國信使趙良弼通好日本
期於必達

詔諭植曰朕惟日本往昔通好中國實相密邇故嘗詔卿導
達去使講信修睦爲其疆吏所梗竟不獲明諭朕心後以林
衍之亂竟不暇及今既輯寧爾家遣少中大夫秘書監趙良
弼充國信使期於必達仍以忽林赤王國昌洪茶丘將兵送
抵海上比國信使還姑令金州等處屯駐所需糧餉卿專委

元代征倭記

五

蓉城仙館叢書

官赴彼逐近供給並鳩集金州旁左船艦於金州需待無致
稽緩匱乏

至元八年九月高麗王植遣其通事別將徐稱導送趙良弼使
日本

趙良弼請定與日本王相見之儀

良弼將往乞定與其王相見之儀廷議與其國上下之分未
定無禮數可言帝從之

至元九年二月遣日特使趙良弼啟行

先是數遣使通日本卒不得要領此次高麗特使返國高麗
王以日本態度強硬拒收國書再度失敗之情形奏陳世祖
世祖大怒於是良弼請行帝憫其老不許良弼固請乃授秘
書監以行良弼奏臣父兄四人死事于金乞命翰林臣文其

碑臣雖死絕域無憾矣帝從其請給兵三千以從良弼辭獨
與書狀官二十四人俱舟至金津島其國人望見使舟欲舉
乃來攻良弼捨舟登岸喻旨金津守延入板屋以兵環之滅
燭大譟良弼凝然自若天明其國太宰府官陳兵四山問使
者來狀良弼數其不恭罪仍喻以禮意太宰官愧服求國書

良弼曰必見汝國王始授之越數日復來求書且曰我國自
太宰府以東上古使臣未有至者今大朝遣使至此而不以
國書見授何以示信良弼曰隋文帝遣裴清來王郊迎成禮
唐太宗高宗時遣使皆得見王王何獨不見大朝使臣乎復
索書不已詰難往復數四至以兵脅良弼良弼終不與但願
錄本示之後又聲言大將軍以兵十萬來求書良弼曰不見
汝國王寧持我首去書不可得也日本知不可屈遣使十二

元代征倭記

六

蓉城仙館叢書

人介之入觀仍遣人送良弼至對馬島致日本國書如下
蓋聞王者無外高麗與朕既爲一家王國實爲鄰境故嘗馳
信使修好爲疆場之吏抑而弗通所獲二人勅有司撫慰俾
資牒以還遂復寂無聞繼欲通問屬高麗權臣林柎搆亂坐
是弗果豈王亦因此不遣使或已遣而中路梗塞耶不然日
本素號知禮之國王之君臣寧肯漫爲弗思之事乎近已滅
林柎復舊王位安集其民特令下少中大夫秘書監趙良弼
充國信使持書以往如即發使與之偕來親仁善鄰固屬美
事其或猶豫以至用兵夫誰所樂爲也王其審圖之

按日本國辱史載蒙古國信特使由朝鮮出發向筑前之太
宰府而來當時日本知元帝有侵襲日本之野心鎌倉幕府
之執權北條時宗命太宰少貳武藤資能在沿岸一帶嚴加

警備蒙古軍艦到筑前後警備隊司令官即傳騎急報於太宰府太宰少貳恐蒙古軍之襲擊率其部下軍隊監視蒙古軍之行動旋撤兵至太宰府蒙古特使帶領一百餘人由隨員康允紹之前導往太宰府會見少貳武藤資能以嚴封之國書提出要求轉交幕府資能質問特使來航之意旨並求披露國書特使趙良弼予以拒絕且曰我皇帝所寄貴國之書業已數次未得一次答覆豈貴國官憲於途中延滯未獲送呈政府歟我皇帝此次派遣本官爲特使於出發之際飭以國書直接交於日本國王是以手交將軍轉送資能以不知國書內容拒絕傳達蒙古特使見其態度強硬即將國書照繕副本手交資能轉送於鎌倉幕府執權時宗上奏京都政府我政府以其不遜無禮不予答覆並下命逐蒙古特使

元代征倭記

七

卷城仙館叢書

行於國外等語此與吾國史所載大同小異但趙良弼未見日本國王耳

至元十年二月奉使日本趙良弼遺書狀官張鐸同日本二十六人至京師求見

張鐸來言去歲九月與日本國人彌四郎等至太宰府西守護所守者云襲爲高麗所給屢言上國來伐豈期皇帝好生惡殺先遣行人下示聖書然王京去此尙遠願先遣人從奉使回報良弼乃遣鐸同其使者二十六人至京師求見帝疑其國王使之來云守護者詐也詔翰林承旨和禮霍孫以問姚樞許衡皆對曰誠如聖算彼懼我加兵故發此輩伺吾強弱耳宜示之寬仁且不宜聽其入見從之

諭旨中書省日本使人速議遣還

安童言良弼請移金州戍兵勿使日本安生疑懼臣等以爲金州戍兵彼國所知若復移戍恐非所宜但開諭來使此戍乃爲耽羅暫設爾等不須疑畏也帝稱善

至元十年六月使日本趙良弼至太宰府而還具以日本君臣爵號州郡名數風俗土宜來上

良弼至自日本入見帝詢知其故曰卿可謂不辱君命矣

按世祖遣使赴日多次或至被逐而歸或至被殺不返惟良弼前往凝然自若兵脅不屈卒至見彼國王並考察日本政治民情歸國後上之世祖並稱觀其民俗很勇嗜殺請勿征伐假使世祖容納其言何至兩次喪師然日本屢次辱吾國使即非世祖亦必出師討伐但恨當時之統帥不明天時地利耳雖然良弼之不辱君命誠有足多者其歲餘考察日本

元代征倭記

八

卷城仙館叢書

之記載佚而不傳尤爲可惜

世祖征伐日本

至元十年九月襄陽生券軍至大都詔伯顏諭之釋其械繫免死罪聽自立部伍俾征日本

至元十一年三月敕鳳州經略使忻都高麗軍民總管洪茶丘等將屯田軍及女直軍並水軍合萬五千人戰船大小九百艘征日本

以千料舟拔都魯輕疾舟汲水小舟各三百共九百艘載士卒一萬五千人期以七月征日本冬十月入其國敗之而官軍不整又值矢盡惟虜掠四境而歸

遣木速塔八撒木合持詔使高麗僉軍五千六百人助征日本按日本國辱史載是年正月派參謀往高麗命高麗王建造

戰艦三百艘且爲糧食被服武器其他軍需品之準備高麗王由全國徵集工匠三萬五百人建造戰艦晝夜不停又爲武器及軍需品之製造徵發忽必烈豫定於七月往征日本但高麗王以三百戰艦之建造工程較大約須八閱月方能全部完成又載此次戰事情況節譯於次

忽必烈發動員令調集蒙古軍一萬五千人高麗軍八千人稍工水手六千七百人合計二萬九千七百人以忽敦劑爲總司令官洪茶丘劉復爲副司令官統率大軍征伐日本總司令忽敦劑以兵二萬九千七百人分乘戰艦九百艘以吞天之勢於十月由加德島出發到日本對馬之佐須浦大小戰艦舳舻相接旌旗蔽天分布於佐須浦一帶之海上對馬之守護代右馬允宗助國率兵八十餘騎急往蒙古軍之上

元代征倭記

九

蓉城仙館叢書

陸地點派通譯眞繼男邀求會見蒙古軍總司令官蒙軍艦上銃矢齊放陸續上陸宗助國奮力戰鬪卒以衆寡不敵部下八十餘人全數殲滅其他援助宗助國之武士亦均相繼戰亡

肥後武人江井藤三郎源三郎二人因犯罪發配對馬聞宗助國以下之士兵全滅敵軍雲集國難臨頭若圖一己之安全實日本男兒絕大之恥辱當以一死報國遂揮大刀闖入敵軍殺十餘人而死

對馬武人全數戰死之後該島遂入蒙古軍之手島民之生命財產均操於蒙古軍掌中島民恐懼萬狀均逃避於山谷海岸間

蒙古軍占領對馬後於十月十四日渡海侵入壹岐島民集

合死力防禦蒙古軍曾經訓練又復久經戰事武器如火銃毒矢俱備島民僅携鋤又無訓練蒙古軍以一萬大軍乘勝登陸島民全數潰滅

守護代左衛門尉平經高指揮麾下百餘騎死力防戰但以蒙軍萬餘勢如海嘯壓倒火銃矢箭如飛而來死傷枕藉不過數刻百餘騎已去過半蒙軍漸次接近兩翼展開大有包圍形勢經高次第退却恐城死守蒙軍重重包圍銃箭猛射攻擊最烈城中女子亦携武器力戰刀折矢盡至十五日遂將經高之城占領一隊入城經高之守備軍全數覆滅無一人生存者戰鬪力消滅後農夫漁民婦女老幼均落於蒙軍之手在六百五十年前通信機關不完備陸上以馬或徒步送遞海上僅藉一葉扁舟往復傳送隨風激浪異常困難

元代征倭記

十

蓉城仙館叢書

蒙軍之侵入其速度如疾風迅雷無論本國政府即太宰府亦難逆料也

蒙古軍占領壹岐對馬後留一部分軍隊住守率領大軍向肥前沿岸前進肥前居民尙不知蒙軍占領壹岐對馬之事忽聞襲來異常狼狽蒙古軍以九百艘之戰艦滿載士兵由小舟渡送上陸火箭毒矢猛射有防禦者瞬息全滅松浦黨聞村民之急報率兵往防然以數百人當數萬之大軍衆寡不敵死傷枕藉卒至松浦黨無力抵抗全數覆滅蒙軍如入無人之境沿岸一帶村邑均被慘殺居民戰慄不可名狀

松浦黨全部覆滅之消息急報至太宰府蒙軍前進甚速太宰府距離較遠不及往援前在對馬戰死之守護代宗助國之家臣小太郎兵衛次郎二人奉助國之命前往太宰府急

報戰況於激戰中由對馬逃出一葉小舟突破海峽風浪於筑前之博多上陸報告沿岸警備隊晝夜兼行至太宰府稍後壹岐守護代平經高之僕宗三郎亦受經高之命報告防禦軍之危急太宰府接此報告大爲震駭急派使人數組報告於京都朝廷及鎌倉幕府一面飛檄九州各城主求援九州各城主以此大事關係日本之存亡當令部下全軍動員晝夜兼行前往筑前之博多齊集是時所到之武將筑前少貳覺惠及其子景資鎮西奉行大友賴泰戶次重秀肥後之菊池隆泰及其子武房赤星有隆菊池康成西鄉隆政城隆經葉室高善託磨賴秀灘波東助肥前之千葉賴胤山田重基白石通泰肥後之竹崎季長江田秀家三井資長三井資安筑後之光友又次郎松浦黨之山代階石志兼及其子

元代征倭記

十一

岩城仙館叢書

二郎龍造寺氏肥前之大村有馬高木深堀諸氏及筑前之原田山鹿青屋諸氏豐前之紀伊氏豐後之白杵日田兒玉諸氏總兵力十萬二千餘人均向太宰府及博多前進以上各軍於十月十八九等日集合於肥前之海岸蒙軍於十月十九日大舉襲擊博多灣毒矢火箭齊放艦上銃砲隊一齊射擊掩護士兵上陸日軍盡力防禦但蒙軍善戰不易擊退山代階石志兼二郎諸將戰死傷者無算日田青屋二氏各率三百餘騎向蒙軍突擊蒙軍連發猛烈之火砲青屋氏之乘馬聞聲驚逸跳躍狂奔不得制御青屋氏以下全部潰滅日田軍亦死傷無數山田重基亦以百餘騎向蒙軍衝突全數戰死竹崎季長江田秀長白石通泰光友又次郎等奮勇戰鬪軍隊千餘人全

數覆沒秀長及又次郎同負重傷而死葉室高善平四郎入道手光太郎左衛門諸將相繼陣亡蒙軍以日軍全滅即向今津佐原百道原赤坂第一線前進菊池武房赤星有隆菊池康成等率八百餘騎在赤坂方面應戰武房斬數十人有隆亦力戰之一將康成善戰全身重傷十數處仍指揮部下作戰

少貳覺惠及其子景資以三千餘騎當百道原方面蒙軍殺到努力抵禦覺惠身負重傷後退景資性最剛強善騎射蒙將劉復亨被其射死頑強抵抗蒙軍不得前進

大友賴康當正面之敵列陣於松林中銃砲猛射並放毒矢以示一舉殲殺之勢乃陷入重圍死傷無算砲彈毒矢飛集如雨不得衝出益呈慘澹之狀況蒙軍仍大集合在銃砲各

元代征倭記

十二

岩城仙館叢書

隊掩護之下向大友軍加以猛擊大友軍亦覆沒矣

大友軍陷於全滅蒙軍在附近民家放火煙焰蔽天猛火燃及四方不啻火海箱崎神社亦被燒盡

日本軍退却據守水城水城在太宰府之西係天智天皇時防備新羅之侵入所築旋因蒙古第一次國書問題慮有萬一之變加以修築日軍全部退守水城以資防禦日暮始盡蒙軍戰疲未加追擊亦後退至於海上此次日軍經長時之戰鬪損失甚大蒙軍損失亦在一萬以上

二十日戰鬪停止海上之蒙軍不敢再戰日本軍執攻擊之態度決於二十一日全軍總攻擊二十日準備完整至二十一日拂曉全軍向海岸開拔到時已晚蒙軍全數逸去僅餘戰死者之屍體旌旗武器之殘片隨波飄蕩而已全軍將士

莫不切齒

當有日本軍之一部乘戰艦由海上追擊發見戰艦一艘在筑前之志賀島投錨其他諸艦形影杳如在志賀之戰艦則全體破損載有蒙古兵一百二十三人見有日本船通過頻呼救助日本軍以言語不通當斬數人其餘之一百二十人悉被俘虜送至水城地方盡數處斬

蒙古軍總數二萬九千人生還者不過一萬三千五百餘人損失軍人一萬五千以上日本方面之受損失亦相伯仲人民之死於蒙軍者無整確計算在蒙軍損失以上亦未可知因人民之死傷者或三百五百不等無詳細之紀錄也

日本自開關以來受外國之襲擊僅有數次所受之蹂躪亦僅國土之一部數百之良民從無此次所受虐殺之慘自朝

元代征倭記

十三

峇城仙館叢書

廷幕府全國將士以至百姓町人無不悲憤流涕對蒙古軍之憤激直欲長驅衝入以雪重大之國辱慰我同胞死難之幽魂如彼等捲土重來農工商民勢必一致蹶起共同團結與彼等全軍鏖戰必使無一生還者而後快
幕府對於此次之善後策即充實國防救恤被害人民凡壹岐對馬及肥前犧牲者之遺族從優撫卹並命全國沿海之武將豪族於沿海要地嚴加防備惟惜以此最大之國辱幕府未能採積極雪辱之方策距此時一千年前神功皇后以女性之身在妊娠中毅然起外征之師遠伐三韓宣揚國威尙能告厥成功今對於開關以來之大國辱不能採積極之方策只爲被害人民之救恤沿岸要隘之設防即以爲足實惟吾人今日之絕大遺憾所以痛定思痛也

至元十一年十一月召征日本忽敦察劉復亨三沒合等赴

關
按日本國辱史載劉復亨已在陣前射死又載副司令爲劉復一篇之中而人名不同又誤亨爲享此則召之赴關是其未死可知亦見彼國記載之未能盡實矣

世祖遣使杜世忠赴日

至元十二年二月遣禮部侍郎杜世忠兵部郎中何文著計議官撒都魯丁往使日本復致書亦不報

按日本國辱史載後宇多天皇建治元年四月忽必烈遣派特使禮部侍郎杜世忠兵部郎中何文著計議官撒都魯丁等乘戰艦數隻以高麗之譯官先導前往長門之室津長門之防備軍強硬拒絕不許碇泊特使等遂轉航筑前上陸徑

元代征倭記

十四

峇城仙館叢書

往太宰府以忽必烈之國書提出太宰府當派急使報告於鎌倉幕府遂命將特使及軍艦嚴重監視
太宰府報告後時宗大怒五月命太宰府之官憲對特使一行處以死刑傳檄長門周防安藝備後諸國之豪族武將守沿海之要地以斷元軍上陸太宰府之官憲將忽必烈之特使杜世忠以下五人在筑前龍口悉處斬首之刑並將博多灣之軍艦予以放逐
時宗持節減政策對於公私經費及幕府經費大加削減廢除京師大番衛兵代以輦下之人簡拔武幹剛勇之士分遣九州各所任沿海之防備十一月置九州探題又對九州將士頒布訓令其文曰「元虜自滅趙宋以後驕傲益甚遂向我國現侵略之鋒銳侵掠我沿海諸島恣其暴虐良民罹其

慘毒者何可勝數茲朝廷既誅賊使杜世忠等梟其首奉時
宗旨期於明年春間發大軍以問其罪公等宜體斯旨速修
戰艦整備器械靜以待命一時宗抱定決心對蒙古採積極
之手段國民熱烈歡迎九州之將士受此訓令建造戰艦製
造武器及其他軍需品以待遠征軍之出發但因故稽延卒
至未成事實

世祖再征日本

至元十六年二月敕揚州湖南贛州泉州四省造戰船六百艘
以征日本

世祖據報特使杜世忠等被誅大為震怒即擬大舉討伐日
本國辱史載是時有宋之遺臣飛報其內容於日本幕府其
函曰「蒙古既滅宋朝將士或死或降事遂至無可為彼蒙

元代征倭記

十五

蓉城仙館叢書

古之貪暴將以大軍遠臨貴邦宜早為之備因多年之交誼
不忍旁觀敢以奉告」時宗接此通報大為感謝即飭九州
關東軍嚴加戒備移九州四國之兵駐屯筑前之博多以山
陰山陽二道之兵護衛京師東山北陸二道之兵集中敦賀
以備蒙古兵之來襲

六月敕造戰船征日本以高麗材用所出即其地製之令高麗
王議其便以聞

七月造征日本及交趾戰船

八月范文虎言臣奉詔征討日本比遣周福樂忠與日本僧齋
詔往諭其國期以來年四月還報待其從否始宜進兵又請簡
閱舊戰船以充用從之

按日本史載忽必烈聞杜世忠一行被誅怒髮衝天至弘安

二年元使周福等一行渡來對我致最後之通牒時宗將
周福等一行於筑前之博多處斬遂即布告宣戰
按周福之被殺不見於我國史中在國際間不殺來使久成
通例乃日本既殺杜世忠等復殺周福等其舉動之野蠻無
禮殆不可以理喻者世祖之大舉征討誠堂堂之鼓正正之
旗乃為海風所阻未得搗其巢穴惜哉

至元十七年二月征東元帥忻都洪茶兀請自率兵討日本廷
議姑少緩之

以日本國殺國使杜世忠也

二月賜征日本行省阿剌罕范文虎等錦衣銀鈔幣帛各有差
五月造船三千艘敕航羅發材木給之

六月壬辰召范文虎議征日本

元代征倭記

十六

蓉城仙館叢書

七月戊辰詔括前願從軍者及張世傑潰軍使日本

命范文虎等招集避罪附宋蒙古回回等軍

戊寅以前所括願從軍者為軍付茶忽領之征日本

戊戌高麗王曙來朝且言將益兵三萬征日本以范文虎忻都

洪茶兀為中書右丞

十月甲戌遣使括開元等路軍三千征日本

戊寅發兵十萬命范文虎將之賜右丞洪茶兀所將征日本

十二月辛未高麗國王領兵征日本

高麗國王曙領兵萬人水手萬五千人戰船九百艘糧一十

萬石出征日本給右丞洪茶兀等戰具高麗國鎧甲戰襖諭

諸道征日本兵取道高麗毋擾其民以高麗中贊金方慶為

征日本都元帥密直司副使朴球金周昇為管高麗國征日

本軍萬戶並賜虎符

癸酉以高麗國王暎爲中書右丞相

甲戌復授高麗國王暎征日本軍元帥佩虎符

至元十八年正月命日本行省右丞相阿剌罕右丞范文虎及

忻都洪茶兀等率十萬人征日本

辛丑召阿剌罕范文虎襲加帶同赴闕受訓諭以拔都張珪李

庭留後命忻都洪茶兀軍陸行抵日本兵甲則舟運之所過州

縣給其糧食

用范文虎言益以漢軍萬人文虎又請馬二千給禿失忽思

軍及回砲匠帝曰戰船安用此皆不從

二月諸將陛辭

帝敕曰始因彼國使來故朝廷亦遣使往彼遂留我使不還

元代征倭記

十七

蓉城仙館叢書

故使卿輩爲此行朕聞漢人言取人家國欲得百姓土地若

盡殺百姓徒得地何用又有一事朕實憂之恐卿等不和耳

假若彼國人至與卿輩有所議當同心協謀如出一口答之

壬子高麗王暎遣使言日本犯其邊境乞兵追之詔以戊金州

隘口軍五百付之

癸亥賞忻都等戰功賜征日本諸軍鈔

二月戊辰賜征日本善射軍及高麗火長水軍鈔四千錠

乙亥敕以航羅新造船付洪茶兀出征

詔以刑徒減死者付忻都爲軍

詔諭范文虎等以征日本之意仍申嚴軍律

丙戌征日本軍啟行

己丑給征日本軍衣甲弓矢海青符

三月戊子賜征日本河西軍等鈔

五月日本行省參議裴國佐等請征日本軍會于平戶島

裴國佐等言本省右丞相阿剌罕范右丞李左丞先與忻都

茶兀入朝時同院官議定領舟師至高麗金州與忻都茶兀

等軍會然後入征日本又爲風水不便再議定會于一岐島

今年三月有日本船爲風水漂至者令其水工畫地圖因見

近太宰府西有平戶島者周圍皆水可屯軍船此島非其所

防若徑往據此島使人乘船往一岐呼忻都茶兀來會進討

爲利帝曰此間不悉彼中事宜阿剌罕輩必知令其自處之

六月壬午日本行省臣請乘虛直搗太宰府

日本行省遣使來言大軍駐巨濟島至對馬島獲島人言太

宰府以西六十里舊有戍軍已調出戰宜乘虛擣之詔曰軍

元代征倭記

十八

蓉城仙館叢書

事卿等當自權衡之

庚寅以阿剌罕有疾詔阿塔海統率軍馬征日本

七月阿剌罕卒于軍

按以上元史所載各節過於簡略茲將日本國辱史所記分

述於次

日本弘安四年五月忽必烈期其必勝捲土重來以忻都洪

茶兀金方慶朴球金周鼎等領蒙漢軍四萬餘人軍艦九百

艘征伐日本於途中分爲二隊每隊二萬人向壹岐對馬進

發當時壹岐對馬之防備較文永年間大爲嚴重然僅千人

不足以敵數萬大軍之侵入故蒙古軍衝入對馬以二三百

之防備軍實無抵抗之力元軍上陸後即將全島占領

壹岐對馬經過文永年間之損失須嚴防敵人之蹂躪但合

二島之防軍尙不足千人如時宗之英明在戰略上大爲失策以每島軍人不足五百之劣勢對二萬之強敵且有銃砲與毒矢火箭大威力之武器僅此少數之兵士不必戰而勝敗分矣

果爾日本之守備軍瞬息間即被擊破敵艦以大砲彈猛射或十人或二十人一時粉碎骨肉塵灰悉陷於全滅之境敵復以砲銃猛射掩護軍兵上陸日本軍死力阻止毫無效力元軍如海嘯之勢殺入日本軍中島民聞元軍之襲來恐有如文永年間之事不勝戰慄均逃入山中隱匿元軍追殺益現慘澹之况日本之少貳資時龍造寺季時松浦彼杵千葉高木等豪族武將率領數萬兵出發至壹岐上陸在瀬戶浦阻止元軍登岸奮勇力戰元軍不易上陸遂據船以大砲向

元代征倭記

十九

蓉城仙館叢書

岸上亂射日本軍以散兵陣形應戰受砲彈之損害較多元軍占領對島恣其暴虐六月五日由對島撤退轉至筑前據五龍山及能古島進至平壺與日本軍肉薄日軍在志賀島應戰此次日軍轉勝元將洪茶丘遂被捕虜元軍見洪茶丘陷入重圍急衝日本軍之側面以救洪茶丘乘間由日本軍逃出日軍深以爲恨

六月六日元軍據軍艦以巨砲向日本軍陣地轟擊陸續猛射海上黑煙濛濛咫尺莫辨擬於掩護下上陸日本軍力戰防禦未得登岸

元軍戰艦內惡疫發生當時不知防疫之法傳染甚速將士死者三千餘人

志賀島之日本軍不善作戰元艦數百艘於筑前之宗像海

岸加以砲擊日本軍死傷數百人住民之受砲彈而死者亦居多數

九州探題北條實政就任以來注意全力防備督同部下兵士在筑前沿岸以巨石築成高丈餘蜿蜒數百町之防禦陣地以備外敵之侵入此次之防禦工事在日本軍中不啻金城鐵壁洵爲最有力有價值之工事

執權北條時宗防元軍之來襲仍如文永年間之優勢得報元軍於壹岐對島筑前沿岸包圍攻擊秋田盛宗司令官率大軍由九州急行又少貳覺惠及其子景資大友貞親菊池武房赤星有隆葉室高善相知比山代榮石志兼宇久競田尻種重田尻種光龍造寺季時及其弟家益季友原田種元大村澄宗島津等九州山陽南海諸將各率兵士數千或數

元代征倭記

二十

蓉城仙館叢書

萬人會於太宰府推秋田盛宗爲座長開軍事大會議共謀元軍全滅之計畫爲日本將士最後流血之戰滿場一致可決日本軍之意態激昂士氣大振

日本軍隊大集沿海之要隘防備益嚴元軍不易上陸但在軍艦上不時放砲示威不無驚懼

有草野經長者素以膽略驍勇聞選拔部下猛士五十餘人自行率領於深夜黑暗中乘輕舟襲擊敵艦元軍毫無戒備經長首登第一兵艦揮刀斬死二人續斬五十餘人元軍正在酣睡驚醒後左右逃竄經長以五十餘人斬元軍百餘人更有陷海溺死者經長部下有一士兵頗機警於混亂中舉火然放當時之軍艦悉屬木質不如今日之鋼鐵艦內忽然起火烈燄冲天艦體被焚且敵艦連接停泊燃及鄰艦愈燒

愈廣是夜星月暗淡煙燄齊天火光反映水面不啻一大紅
海軍民在陸地遙望海上猶大呼快哉快哉而不止

在深夜黑暗之時元軍中忽出此意外之事異常狼狽倉猝
間救火無方各圖生命之安全有於寢中煙迷燒死者有不
堪火焚之苦痛自行投海者計焚燬軍艦十餘艘燒死將卒
數千人亦云慘矣經長此次夜襲放火敵之心膽皆寒元軍
防其夜襲令各艦互相聯絡加以鐵鎖列艦隊如環形向外
設弩嚴加防範故此後屢試夜襲均未得逞

伊豫有河野通有者以日軍數度夜襲均經失敗不勝憤慨
與其子通忠及其伯父通時等率精兵數十人投向博多軍
中決定輕舟夜襲是夜天海晦冥風浪怒號景物凄然通有
以此時爲絕好良機冒大危險突破如山之濤浪向敵艦前

元代征倭記

二十一

蓉城仙館叢書

進至敵艦時寂無人聲遂由舷側攀登以帆柱放倒代梯而
上艦上無人警戒同居一室即揮刀闖入縱橫砍殺元兵執
武器抵抗通有以下奮鬪力戰元軍仍居有利之勢旋放火
銃抵禦通有部下數十人均戰死伊伯父通時身受重傷而
燈通有左肩亦負重傷左右突擊擒元軍將官一員而出元
軍因日本屢來夜襲益加戒備並飭哨船嚴密放探

元軍驍勇慍悍不顧死傷屢在軍艦以巨砲攻擊日軍陣地
大有貞親秋田城二郎二將向以勇稱率九州精兵三十騎
斥堠不意元軍猛擊石努巨砲連發大友秋田軍均被擊退
元軍萬餘人奮勇上陸與日軍第一綫肉迫鏖戰少貳覺惠
田尻種重田尻種光今井彥次郎財部九郎諸將激勵部下
死力防禦但敵勢甚盛軍艦之巨砲猛射均在日軍第一綫

落下死傷無算以上諸將悉爲元軍之砲彈銃彈毒矢火箭
所斃

一轉瞬間元軍又以巨砲掩護二萬餘兵士逆襲大占優勢
突破日軍之第一綫與之肉迫武光師兼大矢野種保大矢
野種村志賀泰朝大野國高野中長季淵寢請親燒米五郎
須田秀忠小野賴乘宮原三郎竹崎季長託磨時秀秋月種
宗諸將死力防守但元軍善戰屢次突擊死傷二千餘人仍
不退却數次衝鋒肉迫進至白兵手戰自六月初五日至初
九日繼續交綏元軍未占領陸上之尺地日本軍之奮戰可
以想見

日本軍頑強抵抗元軍退却後又復上陸者數次十三日之
激戰又復退却據守一千餘隻之軍艦夜間以哨船警戒巡

元代征倭記

二十二

蓉城仙館叢書

邏且不分晝夜屢以巨砲攻擊日軍陣地或以毒矢火箭猛
射大有不擊退日軍不止之勢日本軍仍復襲擊不已終以
元軍武器優越奇襲不易擬作大規模之攻擊

經數日後元軍總司令范文虎統帥大軍而來范文虎爲忽
必烈四天王中之一率軍艦三千五百餘艘主力軍十餘萬
於六月五日侵入壹歧對馬並飭洪茶三率領四萬前衛
軍來會六日即大舉衝入博多灣前衛軍進襲筑前

日本軍雖善戰奮鬪亦復因之躊躇洪茶三之前衛軍以主
力軍開到士氣大振

范文虎以三千五百艘之軍艦投錨於筑前之能古志賀二
島洪茶三率領全部艦隊來會總軍十四萬餘船艦四千四
百艘舳舻相接巨檣林立白帆如雲

范文虎令全艦隊開始總攻擊以巨砲猛射日本軍陣地乘輕舟襲擊加之小銃毒矢火箭亂射日本軍遂至退却仍以全力防禦至日暮時元軍全部退回能古志賀之根據地數日後移駐肥前之鷹島日軍在陸上監視攻擊停止元軍與日軍海陸對峙屢經戰鬪自六月下旬至七月日軍大有難支之勢一夜天候忽變颶風自西北方猛起襲來山海震動天地晦冥狂瀾怒濤電光雷鳴海上景物忽現恐怖淒涼狀態日軍原擬於是夜來襲颶風狂暴不止元軍嚴加防備飭將大小軍艦四千四百艘均以鐵鎖聯貫軍艦因風鼓盪互相撞突鐵鎖切斷艦體在海中飄流如一葉浮沈四千四百艘之大艦隊數刻間盡成粉碎十四萬之將士內有十三萬五千人悉沉海底

元代征倭記

二十三

卷城仙館叢書

翌晨颶風全息蒙古艦隊原在鷹島碇泊附近海上以數千軍艦之沈沒堆積陸上遙望慘澹之况不忍目覩

元軍被風吹散尚有二千餘人在鷹島一帶漂流不啻九死一生軍艦之破壞者尙餘七八隻彼等略加修繕擬乘之逃走乃爲少貳景資發見率軍艦追擊死者一千餘人其餘之千餘人悉被俘虜並將派修之戰艦放火焚燬被俘之千餘人送至博多之那珂川處以死刑屍骸則葬於今津之高麗寺是役也一夜狂風全軍覆沒生還者僅總司令官范文虎以下三人亦云慘矣

元軍全滅之報達于鎌倉幕府執權時宗上奏于朝廷龜山上皇後宇多天皇日本朝野以此次之神風實賴神明護佑陛下稜威及諸將士愛國之努力然元軍捲土重來亦所難

測若以爲此次元軍全滅即可永絕後患殊爲淺見遇此次之大國難若再弛緩武備即爲國民滅亡之因是必諸將士皆有報國之精神嚴加防備元軍如再來襲即憑我國之日本刀亦可全滅將此意訓令於全國將士

壹歧對馬及肥前沿岸之數百良民死于元軍之手實爲千秋遺恨並爲帝國威信之污點觀元軍全滅之事實確有相當代價日本國民對此國辱必有雪辱之手段乃得雪辱之價值元軍之全滅即日本國民積極努力之結果雖神風出於偶然亦自然力之作用當時之大國辱至今六百年後猶令人思之惻然也

元代征倭記

二十四

卷城仙館叢書

需品均應準備充足以當時之財政狀況爲懸軍萬里之冒險業事殊無餘力且遠征異域地理不明本國內及自國附近於敵軍之來尤須時加防範况元軍有大砲有小銃有毒矢火箭比日本之武器超越數倍以智勇兼備之名執權時宗爲全國將士所推服而出師之舉仍致流產是政策上不許者半國情上不許者亦半可以想像而得也

至元十八年八月壬辰詔征日本軍回所在官爲給糧忻都洪茶兀范文虎李庭金方慶諸軍船爲風濤所激大失利餘軍回至高麗境十存一二諸將未見敵喪全師以還乃言至日本欲攻太宰府暴風破舟猶欲議戰萬戶厲德彪招討王國佐水手總管陸文政等不聽節制輒逃去本省載餘軍至合浦遣散還鄉里未幾敗卒于閩脫歸言官軍六月入

海七月至平壺島移五龍山八月一日風破舟五日文虎等諸將各自擇堅好船乘之棄士卒十餘萬于山下衆議推張百戶者爲主帥號之曰張總管聽其約束方伐木作舟欲還七日日本人來戰盡死餘二三萬爲其虜去九日至八角島盡殺蒙古高麗漢人謂新附軍爲唐人不殺而奴之聞輩是也蓋行省官議事不相下故皆棄軍歸久之莫青與吳萬五者亦逃還十萬之衆得還者三人耳

征東兵無功而還帝怒將盡罷大小將校召劉國傑爲征東行省左丞既至帝語之故國傑曰罪在元帥耳倘蒙聖慈復諸將之職彼必人人思奮以雪前恥矣帝從之盡復其官以屬國傑征日本會黃華反建寧乃命國傑以征東兵會江淮驃騎衛上將軍李庭東征日本軍次竹島遇風船盡壞庭抱

元代征倭記

二十五

蓉城仙館叢書

壞船板漂流抵岸下收餘衆由高麗還京師士卒存者十之一二

按此次出征日本所受之損失甚鉅要皆諸將不明地利天時之故史稱生還者僅三人亦未免言之過甚阿塔海傳征日本遇風舟壞喪師十七八即日本史載弘安之役生還者僅三萬人惟因海風失利後尙餘二三萬人被其虜去盡殺之於那珂川八角島以毫無戰鬪力之軍人竟至殘忍如此蔑視公理不講人道自昔已然母怪此次侵略遼東置國聯議決案於不顧也可勝慨哉吾國政府仍與之高談禮讓主張和平甚至日逐逐於利祿功名之場亡國滅種大難迫在眉睫而置若罔聞更有平時以負國家責任自命值此生死關頭轉效淵明之高蹈其尙有人心否耶孔子以仁義道德

宣示天下而尊王攘夷即孔子當時救國之大政方案吾國政府之不良吾國人民之責也願吾國人本吾孔子教義速起而共圖之

按元代初次出兵由加德島出發至日本之對馬島佐須浦壹歧二次出兵大軍會於巨濟島向對馬壹歧前進要皆取道高麗一因海道較近運輸便利一因利用高麗之導引協助查日人鳥居龍藏所著之東北亞洲搜訪記其論庫頁人種謂元朝蒙古人確曾移住於此觀元史可以知之如彼元寇進逼日本而遭挫滅元之忽必烈甚恨之在黑龍江下流造船從庫頁方面渡日爲復仇之舉載於當時之記事而設犬站等語大軍出征繞道庫頁渡海即日本之北海道荒僻窳遠不便爲甚其於吾國史書所載殊有未合特附記於此

元代征倭記

二十六

蓉城仙館叢書

以資參考

世祖仍預備大伐日本

至元十八年十一月己巳高麗國金州等處置鎮邊萬戶府以控制日本

高麗國王請完濱海城防日本不允

十二月己亥罷日本行中書省

至元十九年正月丙寅罷征東行中書省

七月壬戌高麗國王請自造船一百五十艘助征日本

九月壬申敕平濼高麗航羅及揚州隆興泉州共造大小船三千艘

千艘

戊寅給新州軍賈祐衣糧

祐言爲日本國焦元帥增知江南造船遣其來候動靜軍馬

壓境願先降附

十一月甲戌釋罪囚從軍

中書省臣言天下重囚除謀反大逆殺祖父母父母妻殺夫
奴殺主因姦殺夫並正典刑外餘犯死罪者令從日本占城
緬國軍從之

至元二十年春正月預備征日本軍糧令高麗國備二十萬石

以阿塔海依舊爲征東行中書省丞相

丙寅發五衛軍二萬人征日本發鈔三千錠糴糧于察罕腦兒
以給軍匠

壬申命右丞閣里帖木兒及萬戶三十五人蒙古軍習舟師者

二千人探馬赤萬人習水戰者五百人征日本

二月甲寅賜征日本軍官八忽帶及軍士銀鈔有差

元代征倭記

二十七

卷城仙館叢書

三月丁巳罷女直造日本出征船

戊午造征日本船事交省臣議

御史臺臣言平瀨造船五台山造寺伐木及南城建新寺凡
役四萬人乞罷之詔伐木建寺即罷之造船一事其與省臣
議前後衛軍自願征日本者命選留五衛漢軍千餘其新附

軍令悉行

乙丑遣江北重囚謫征日本

四月丙戌遣人屯守險隘以付衛親軍二萬人助征日本

壬辰阿塔海求軍官習舟楫者同征日本命元帥張林招討張

瑄總管朱清等行以高麗王就領行省規畫日本事宜

癸卯授高麗國王王暉征東行中書省左丞相仍駙馬高麗國

王

乙巳命樞密院集軍官議征日本事宜

程鵬飛請明賞罰有功者軍前給憑聽候班師日改授從之
發大都所造回回砲及其匠張林等付征東行省

辛亥以征日本給後衛軍衣甲

五月己未免五衛軍征日本發萬人赴上都縱平瀨造船軍歸
耕撥大都見管軍代役

甲子立征東行中書省以高麗國王與阿塔海共事給高麗國

征日本軍衣甲

御史中丞崔彥上言江南盜賊相繼而起皆緣拘水手造海
船民不聊生日本之役宜姑止之江南四省應辦軍需宜量
民力勿強以土產所無凡給物價及民者必以實召募水手
當從所欲伺民之氣稍蘇我之力粗備三二年後東征未晚

不從

元代征倭記

二十八

卷城仙館叢書

六月戊子以征日本民間騷動盜賊竊發忽都帖木兒忙古帶

乞益兵禦寇詔以興國江州軍付之

七月丙辰諭阿塔海所造征日本船宜少緩之所拘商船其悉
給還

九月壬戌調黎兵同征日本

十月庚寅給征日本新附軍鈔三萬錠

十二月辛卯以茶忽所管軍六千人備征日本

至元二十一年正月遣王積翁齋詔使日本賜錦衣玉環鞍轡

積翁山慶元航海至日本近境爲舟人所害

二月辛己罷高麗造征日本船

十月甲戌詔諭行中書省凡征日本船及長年篙手並官給鈔

增價募之賜貧乏者押失忻都察等鈔一萬四千三錠

至元二十二年四月辛酉以就羅所造征日本船百艘賜高麗

六月庚戌命女直水達達造船二百艘及造征日本迎風船

十月癸丑立征東行省以阿塔海爲左丞相劉國傑陳巖並左

丞洪茶丘右丞征日本

丁卯勅樞密院計膠萊諸處漕船高麗江南諸處所造海舶括

備江淮民船備征日本仍勅習泛海者募水工至千人者爲千

戶百人者爲百戶

十一月壬申以征日本遣阿八刺督江淮行省軍需遣察忽督

遼東行省軍需

戊寅遣使告高麗發兵萬人船六百五十艘助征日本仍令於

近地多造船

元代征倭記

二十九

卷城仙館叢書

癸巳敕漕江淮米百萬石泛海貯於高麗之合浦仍令東京及

高麗各貯米十萬石備征日本諸軍期於明年以次而發八月

會於合浦

丙申赦囚徒隸其面及招宋時販私鹽軍習海道者爲水工以

征日本

十二月敕減天下罪囚以占城遁還忽都虎劉九川二復舊職

從征日本增阿塔海征日本戰士萬人回回砲手五十人

已亥敕樞密院向以征日本故遣五衛軍還家治裝今悉選壯

士以正月初一日到京師江淮行省以戰船千艘習水戰江中

至元二十三年春正月帝以日本孤遠島夷重困民力能征日

本

帝將討日本三問於趙良弼良弼言臣居日本歲餘觀其民

俗狠勇嗜殺不知有父子之親上下之禮其地多山水無耕

桑之利得其人不可役得其地不加富况舟師渡海海風無

期禍害莫測是謂以有用之民力填無窮之巨壑也臣謂勿

擊便帝從之

九月壬辰高麗遣使獻日本俘

十月高麗遣使來獻日本俘十六人

按自至元十八年征倭軍失敗之後世祖痛恨東倭仍復造

戰船儲軍糧練水軍赦囚徒積極籌備歷五年之久不少懈

怠第以連年用兵人心已厭盜賊蠢起是以因崔瑛趙良弼

之言罷征日本在當時紓民氣緩民力誠爲全國人民所希

望但自世祖罷征之後六百餘年吾國軍人未入日本一步

彼且侵犯我國進至長城入我腹心國難曷有已乎安得有

元代征倭記

三十

卷城仙館叢書

元世祖其人者一洗此恥

按日本賴山陽所著日本外史鈔本載有與元軍交戰事附

有蒙古襲來繪卷及賴山陽之蒙古來歌其歌曰筑海颶風

連天黑敝海而來者何賊蒙古來來自北東西次第期吞食

嚇得趙家老寡婦持此來擬男兒國相模太郎膽如甕防海

將士人各力蒙古來吾不怖吾怖關東令如山直前斫賊不

許願倒吾檣登虜艦擒虜將吾軍喊可恨東風一驅附大濤

不使羶血盡膏日本刀吾人讀此歌亦知有所警惕否

附記唐軍大敗倭兵事

高宗顯慶五年遣蘇定方等伐百濟降之

初百濟恃高麗之援數侵新羅新羅王上表求救詔蘇定方

等率水陸十萬以伐之定方引軍由濟海直趨其都百濟傾

國來戰大敗之百濟王義慈降詔以其地置熊津等五都督府

六年百濟故將福信迎立其故王子扶餘豐檢校帶方州刺史劉仁軌擊破之

先是蘇定方軍還留郎將劉仁願守百濟城王文度爲熊津都督文度濟海卒福信遂迎扶餘豐立之引兵圍仁願時劉仁軌坐罪白衣從軍詔以爲帶方州刺史統文度衆並發新羅兵救仁願仁軌御軍嚴整所向皆克拔其敵城既而福信與扶餘豐浸相猜忌豐襲殺福信遣使詣高麗倭國乞援七年九月熊津道總管孫仁師及劉仁軌等大破百濟餘衆及倭國兵百濟悉平

仁師將兵浮海而進仁軌軍勢大振與倭兵遇四戰皆捷扶

元代征倭記

三十一

蓉城仙館叢書

餘豐奔高麗子忠勝等率衆降初仁軌檢校帶方請唐歷及廟諱而行人問其故曰吾欲削平東方頒示本朝正朔及百濟平仁軌留鎮卒皆如言仁軌又上疏以戎兵疲弊請厚加慰養以鼓士心復表用扶餘隆使招集餘衆上深納之遣兵渡海以代舊戍以扶餘隆爲熊津都尉使

按日本國曆史載天智天皇二年二月新羅採侵略主義侵入鄰國百濟攻略居烈居督沙平德安諸城大逞其暴狀當時百濟爲日本之保護國百濟王因派遣特使前往日本申訴危急要求派兵前往援助日本政府容納百濟之要求決定出兵即於是年三月派兵二萬七千人以援百濟抵抗新羅軍但新羅之背後爲唐公然以兵力援助與日本軍激戰扼守白村江唐軍向白村江攻擊日本兵惟唐軍善戰日本

兵方取進攻形勢日本諸將叱咤激勵突行猛擊唐軍忽以兩翼包圍加以猛烈之夾擊日本軍雖稱奮戰遂陷於全滅之悲運無一人生還者百濟唯一之信賴爲日本日兵全滅百濟遂爲唐軍所征服建國以來至於滅亡七百七十八年耳又載日本自開闢以來每戰必勝日本軍之戰敗誠爲絕對所未有在一千年前此種大敗之事實及唐軍之兵力如何戰鬪之狀況如何戰略戰術皆不明了援助百濟出兵之目的何在歷史上對此事實毫未記載然實爲斷片的大國辱事件也

按吾國與日本戰僅唐代平百濟與倭兵遇大獲全勝史書記載甚簡僅云大破倭國兵四戰皆捷而已而日本史則載以二萬七千人往援被唐軍夾擊全軍覆滅無一人得以生

元代征倭記

三十二

蓉城仙館叢書

還是日本此次大受懲創可以稍戢其野心高宗顯慶而後數百年來倭人不敢寇邊未始非此次之效果檢校帶方州刺史劉仁軌誠吾國揚威國外有數之大將也在日本史中引爲辱在吾國史中則爲榮特記之以告我國人

元代征倭記終

明

季

實

錄

光緒戊子槐廬校刊

上海掃葉山房臧板

明季實錄跋

明自嘉萬以來政治因循釀成禍變及至莊烈帝登極雖有志振新而國計空虛流寇四起勢不可挽矣所尤慘者闖賊橫行宇內公私塗炭甚而直逼京畿覬覦神器一時忠臣義士殉國難者不能悉數而彼輩頭鼠目之流遂乃反顏事讎卒復罹其途毒此可見天理自在人心而報施必不爽也亭林先生具良史才就當時見聞聞彙一編名曰實錄未嘗參贊一詞豈惟為柱下之信史蓋將使後之覽者凜然知君子之可為而小人之必不可為庶幾世道人心日歸于正與壬寅秋日吳江沈林息識

明季實錄跋

宋氏槐廬叢書

明季實錄

崑山顧炎武輯

吳縣朱記榮校刊

槐廬叢書

諸臣乞貸疏

悲夫虜虜未殄寇焰旋騰血濺天潢烽傳陵寢秦稱天府誰能封以一丸晉有霸圖無復追其三駕乃者介馬橫馳夫讎輔羽書不絕于殿廷南北之耗莫通河山之險盡失天威不測知漢天子自有神靈兵執無常豈謝太傅但憑歌嘯留都係四方之率司馬有九伐之經義不共天行將指日克襄大舉實賴同仇請無分宦游無分家食或世貴如王謝或最勝若金張或子虛之資起或輓轡之談興乃至射策孝廉明經文學亦往往名班

明季實錄

宋氏槐廬叢書

國士棄為里雄合行共抒壯謀各國義旅仗不需于武庫糗無壅于郇厨飛附天軍力爭一決但羣策直承黃鉞豈賊運得有白頭醜類立殲普天大醜此萬代所由瞻仰亦九廟為之鑒臨者也倘策未暇即戎必議且先助餉多或抵小國之賦少則割千人家幸濟危機何茲高之牛足惜即非長物亦曹洪之馬可求各付有司轉輸畱計此則事彌從便氣易為豪至登壘巨商聯田富室若與縉紳並舉亦自分誼有殊然使平準法行雖陽翟之雄豈得居其奇貨又如盡輸令在極處士之號未可保其素封凡稱多算之有餘總賴聖恩之無外欲與共為義士多方亦賴同盟偶值佳緣毋忘善誘譬以

濟川之誼但凡在千八百國疇乏王臣揆諸恤緯之心
決不至二十四城遂無男子嗚呼親郊乃雍容之事唐
莊尙有崇韜出寨本微倖之圖漢武乃逢卜式矧茲何
日敢曰無從不惟社稷之憂卽是身家之算始賊之巧
于爲餌時亦有優孟之仁迫我之既入其樊莫不嬰地
獄之罰齊姜宋子相牽而入平康珠戶綺牕所過便成
甌脫來俊臣之刑具公卿之被拷者痛嘗鄭安上之畫
圖老弱之受工者酷肖是皆難民所說足令聽者寒心
夫連歲賊陷如西安太原武昌等處皆行省也此中金
穴何止一家無數牙籤不勝其紀若六時之牛酒不乏
雖八公之草木可驅只坐一愷遂成胥溺豈不冤哉欲

明季實錄

宋氏槐廬校刊

圖穩著須問前車誠清夜而念上恩雖何曾之萬錢有
難下咽更援古以籌時象豈王衍之三窟便可藏身同
舟卽是一家破巢必無完卵何不思之又重思之也哉
法等智不足以効謀憤何辭以卽死實切執受之願輒
通托鉢之呼人理苟存我求必應如或纏情阿堵絕念
封疆睢陽之援竟停則霽雲抽誓言之矢荆州之粟獨
擁則溫嶠有回指之旄封章尙達於北辰奮筆敢駕于
南史是爲過計亦有癡衷見起君親約臨天日法等無
任斫地呼天搥心瀝血之至南京兵部尙書史可法戶
部尙書高宏圖工部尙書程註右都御史張慎言兵部
尙書呂大器侍讀姜日廣常卿何應璠府尹劉士禎鴻

卿朱之臣僕丞姚思孝吏科李沾戶科羅萬象御史郭
維經陳光弼周元泰米壽圖王孫蕃朱國昌同頓首懇
監國福王詔書

崇禎十七年五月監國福王諭曰我國家二祖開天昭
宣鴻烈列宗積緒累積探仁歷今三百年來民自高曾
以逮子孫世享太平代受養育其在大行皇帝躬行節
儉勵志憂勤宵旰十有七載力圖勦寇安民旻天不弔
寇虐日熾乃敢震驚宮闕以致龍馭升遐英靈訴天怨
氣結地嗚呼慟哉賊囚屠戮我百官殺掠我百姓滔天
之惡覆載不容神人共憤孤避亂江淮驚聞凶訃旣痛
社稷之墟益激父母之讐矢不俱生志圖必報然度德

明季實錄

宋氏槐廬校刊

量力徘徊未堪終夜拊膺悲涕承欵乃茲臣庶敬爾來
迎謂倡義不可無主神器不可久虛因序謬推連章勸
進固辭未得勉徇輿情于崇禎十七年五月初四日暫
受監國之號朝見臣民于南都孤夙夜兢兢惟思迅掃
妖氛廓清大難上慰天祖下封四海忠孝之道庶幾無
虧所道深愆敢不戮力德涼任重如墜谷淵同警是助
猶賴爾臣民其與天下更始可大赦天下所有應行事
宜開列于後

計開

連年因寇猖獗急欲蕩平因而加派繁興政多苟且在
朝廷原非得已而民力則已困窮今寇難未平軍興正

棘盡行蠲派亦所不能姑先將新加練餉及十二年已後一切雜派盡行蠲免其餘新舊兩餉及十二年已前各項額徵暫且仍舊俟寇平之日再行減徵貧吏猾胥朦朧混派使朝廷嘉惠窮民之意不獲下究詔差官會同撫按官卽行拿問一面顯知如撫按徇私容庇并行重處共計三十款不及細錄嗚呼自有乾坤鮮茲既亂之慘凡爲臣子誰無忠義之心漢德可思周命未改惟爾臣民尙其勗哉匡予不逮布告遐邇咸使聞知

監國福王膺黃

監國福王論曰嗚呼予小子涼德未堪國家多難如何昊天降此鞠凶嗚呼勸哉惟先帝以天縱神資丕承祖

明季實錄

四

宋氏槐校刊

宗宏緒適逢國步多艱民生日蹙而勤學力政罔有休暇冀堯舜之深仁挽叔季于唐虞念茲在茲無時或怠自有生民以來未有如先帝之焦勞者也不期以禮使臣而臣忍以不忠報以仁養民而民忍以不義報葬倫攸斃報施反常自有生民以來未有甚如今日者也馴見妖氛日熾戮我赤子辱我宗藩毀傷我陵殿四海人心莫不欲滅此而朝食乃先帝愛惜愈加招撫彌切至于餉初增而又減將已敗而仍收官極貪極酷而仍用豈非欲化頑爲良撥亂歸治哉無何皇天不弔遂致有三月十九日之事爰及國母掩袂相從微音頓杳遺烈如生信乾坤之令德肆節義以雙成然而慘變殊常

貽羞千古孤雖渺質血氣猶存暫膺監國益切除凶謹告哀于臣民庶憐予而多助知爾同心淒感何極喪禮依舊制以日易月二十七日釋服毋禁民間音樂嫁娶督撫鎮守都布按三司官員地方攸係不許擅離職守聞喪之日止于本處哭三日進香遣官代行衛所府州縣土官並免進香諭告中外咸使聞知

福王登極詔書

皇帝詔曰我國家受天鴻佑奕世滋昌保大定功重熙累洽自高皇帝龍飛奠鼎而已卜無疆之休矣鄭嗣守藩服播遷江淮羣臣百姓共推繼序跋涉來迎請正位號予暫充監國攝理萬機乃累箋勸進拒辭弗獲謹于

明季實錄

五

宋氏槐校刊

五月十五日祇告天地宗廟社稷卽皇帝位于南都猥以藐躬荷茲神器惟我大行皇帝英明振古勤儉造邦殫宵旰以經營希蕩平之績效乃潢池盜弄鐘虛震驚燕畿埽地以蒙塵龍馭賓天而上陟三靈共憤萬姓同仇朕惟德涼弗勝遺弓抱痛敢辭薪膽之瘁誓圖俘馘之功尙賴親賢戮力助勦助予敵愾以明年爲宏光元年與民更始大赦天下所有事宜另行列表

南中近報

南京廿一日備知北京被陷確信九卿科道連日會議以親以賢及福藩總督馬士英致書南中言已傳諭將士奉福王爲三軍主廿七日諸臣謁陵定議勳臣又當

面言及文臣者廿八日哭告太廟兵部尚書史可法督師浦口先于廿六日具公啟迎王差禮部司務迎至儀真廿九日午後王泊舟燕子磯三十日百官恭迎接見王荅兵部尚書大意謂國母尚無消息隻身避難宮眷未攜一人初意欲避在浙東僻地迎立決不敢當等語及挨次進見對勳臣痛哭素衣角帶羣臣行禮皆以手扶侍茶款語極其寬和言及迎立即力辭言封疆大計惟仗諸位先生主持五月初一日辰刻王自水西門起駕由城外至孝陵乘馬從西門入饗殿以東門乃御路也拜謁罷徘徊良久問懿文太子陵欲往瞻拜從朝陽門進城至東華門步行過皇極殿謁奉先殿西華門駐

明季實錄

六

朱氏槐廬校刊

蹕于內守備府百官進見行四拜禮王傳上殿共商戰守之事史可法奏對良久魏國公內守備各有奏靈璧湯國祚以戶部捐餉不發爲言詞義憤激兵部侍郎呂大器呵止之御史祁彪佳奏以綱紀法度爲立國之本言頒大號及用人二事朝罷大臣科道俱會議于內守備家議登極監國咸以先行監國爲便益加推讓愈見王之用心且總師討賊申復國恥無有欲登大位之意可使諸藩攝朕而江北諸大將使其與推戴則將士亦宜歡欣乃以金鉞監國之寶又商枚卜及冢宰之事是日人情鼓舞王輦所至都民聚觀生員及在籍官沿途皆有恭迎者或云先一日兩天星夾日是日五色雲見

初二日王召見百官升殿議事大臣奏勸進王辭讓愈堅大意以人生忠孝爲本今大仇未報是不能事君父慘死母后無消息是不能事親斷無登位之理言訖涕泣又言東宮與永定二王見在賊中或可致之且桂惠瑞三王皆本王之叔聽諸先生擇賢迎立吏科李沾同科道奏以朝班宜肅蓋因廢職諸臣有漏入迎賀故也科道入奏迎立之意御史祁彪佳以人心天意爲言王遜謝如初令百官退止留兵部及內守備進內議事少頃再入班上勸進第一箋攝禮部呂大器跪奏王傳旨暫領監國百官退少頃又進第二箋王傳命進乃手書批荅仍領監國餘所請不敢當初三日百官朝服王行

明季實錄

七

朱氏槐廬校刊

告天禮其祝文焚時飄入雲端衆以爲異王升殿百官行四拜禮魏國公進監國之寶王受訖再行四拜禮乃退早間有傳後日即登極者大司馬以人言搖搖亦欲再勸進御史祁彪佳力爭謂監國之名極正而王之賢德益彰今監國不兩日而即登極何以服人心而謝江北諸將士斷且發喪服滿後使德澤及人大臣推戴攝禮部呂大器魏國公徐宏基議皆協乃定其議攝吏部史可法邀諸臣會推閣臣家臣舊例五府不入班行時因怨文武不和乃共商一番閣臣推史可法姜日廣高宏圖家臣正推張慎言陪推劉宗周先是有傳高杰之兵已入淮揚大掠且有已欲入朝其將家眷安頓江南

之語職方司萬元吉欲親出諭止是日得高鎮及劉鎮
書頗中大義云且早發喪行哭臨大禮約史大司馬過
江共議恢復

宏光上諭 七月廿七日

上傳聖諭一道朕遭九六之運車書閣阻方資翠策旋
軫故都時復秋高共滋舟漏乃自殿爭啟燬馴至穴門
成風封事雖勤廟算安在先帝神資獨斷彙納衆流天
不降康咎豈在上本凜從翼爾文武大小諸臣鑒于前
車不遠精白乃心匡復王室昔漢室起于國難兩魏合
志唐肅興于靈武李郭平心若彼盾此矛爾虞我詐祖
分左右口搆京黃天下事不堪再壞且觀朕爲何如主

明季實錄

八

宋氏傳校刊

茲特諭爾諸臣和衷集事息爭圖功勿頌之交仇忘廉
藺同車之雅嫌弭復恂朝廷以此望爾諸臣諸臣以此
體恤朝廷庶君臣之間禮全始終不則祖宗成憲弗尚
姑息各宜欽承朕言不再特諭

大清檄文

予聞不共戴天者君父之仇救災恤患者鄰國之義洪
惟爾大明太祖高皇帝斥逐胡元翦我仇國永世有民
代有哲王迄乎末造吏偷民竊羣盜滿野然大行崇禎
皇帝秉恭儉之心宏仁孝之行德高執替惟日不甯羣
茲逆賊李自成狗盜之雄鳴張獸視忘累世之深恩逞
滔天之大惡喋血京師逼殞帝后焚燒宮殿流毒縉紳

以金銀爲營窟視百姓如草菅皇天震怒日月無光
大清皇帝義切同仇用伸弔伐六師方震衆蟻忽奔斬
滅擄遺川盈谷量游魂西遁指日擒夷予因息馬燕京
撫茲黎庶爲爾大行皇帝縞素三日喪祭盡哀謚曰思
宗皇帝陵曰思陵梓宮幸新寢園增固凡諸后妃各以
禮葬諸松柏勿採勿樵惟爾率土之臣民所欲請致于
大清皇帝者我

大清無不曲體斯忱有崇靡缺宗藩之失職流離者爲
爾存恤士紳之忠義死難者爲爾表揚輕徭薄賦用賢
使能苟濟生民惟力是視深痛爾明朝嫡息無遺執孤
難立用移

明季實錄

九

宋氏傳校刊

大清宅此北土厲兵秣馬必殲醜類以靖萬邦非有寓
天下之心實爲救中國之計咨爾河北河南江淮之間
諸勳舊大臣節鉞將吏及布衣豪傑之銜恩慕義者或
世受國恩或新膺異眷或自矢從王皆懷故國之悲孰
無雪恥之願予皆不吝封爵特與旌揚其有不忘明室
輔立賢藩戮力同心共保江左者理亦宜然予不汝禁
但當通和講好不負我 朝永懷繼絕之恩共敦睦鄰
之誼其有量力不敵北面歸誠者當各搜勁旅佐我西
征或削平所屬用以自効無不開懷延納樂其功名來
歸之下錫復二年與民休息凡諸恩典俱俟後詔舉行
若國無成主人懷二心或假立愚弱實肆跋扈之本謀

或陽附本朝陰行草竊之奸究此皆民之蠢賊國之寇仇予定三秦即移師南討殪彼鯨鯢必無遺種嗚呼順逆易判勉忠臣義士之心南北何殊同皇天后土之眷布告天下咸使聞知

長安道上謄出關賊謀逆詐僞罪狀以醒民迷正

罪復仇說

聞賊李自成陝西米脂縣人一丁不識齠年響馬營生故號闖賊箭中厥目而眇聞河南杞縣舉人李巖又名李牟公子嘯聚一方互同謀逆嚴死斬潼關而入秦盜仁義之虛聲播強暴之實事僞示傳云殺一人如殺我父淫一婦如淫我母反毀我先帝加派等語其實貪詐

明季實錄

十 宋氏槐廬校刊

淫酷亘古未聞甲申歲首僭帝于泰壇改國號大順永昌元年二月間西犯太原有等僞儒誤信僞示妄希自保強率百姓啟門遠迎遂陷賊網反受慘酷我先帝隨出榜諭禁止訛傳京師內外姦細雜處雖有嚴諭竟不早悟及陷甯武周遇吉焚家直迫居庸關枵戎荷戈探無實報隨議入監出鎮飢殘散兵悉投監伍守不成守戰不成戰觀望都外而都內之隊伍已空亡國之既實基于此不料賊兵三月十七日突擁城下樞司令箭不行無計出城兵權已落姦監之手十八日申刻賊兵竊入彰義門巡城太監杜秩亨等獻城十九日辰時賊兵沓入內城守雉游兵棄械爭奔九門慘爲賊兵所據且

許傳云我安爾百姓百姓毋得驚惶令黃紙爲號順民二字貼于額縣于門卽不妄殺人是日酉時先帝披髮跣足崩于大內免耳山內監王之俊跪經于帝前遺詔于衣袂云只因朕失天下無顏冠履見人有百姓不可戮百官不可爾之諭周后袁妃不憚一死隨先帝于地下諸宮嬪投窺而出者復爲擄入闖賊潛駐殿庭宮中怨慘難述賊兵數不盈萬兼以童稚插伍揚寡爲衆虛張賊勢屯于民房徧城男女爲賊燒鍋秣馬一更時分有駐本家者捆打勒索銀兩飾服姦人妻女時或沿瓦竊入鄰家被其淫辱者含羞不忍言更出姦計殺降兵于碁盤街詐稱賊兵淫人妻女者棄市以示警生員李

明季實錄

十一 宋氏槐廬校刊

名世賊姦其女赴稟劉賊將捆賊及生員并女戚嚇女子不敢招認反屍分生員二十日又出僞榜凡在京大小官員一概報名彙察令長班內外搜尋不許人家容匿各官時有投寺祝髮者有焚縊投井者二十一日勢見自辰至酉逐名點察撥賊各嚴如囚犯押赴劉李二賊將鞠究刑拷追比銀兩或數萬金或數千金又數百金慘刑之下不惟無倖生亦且無完膚或以宰輔而哀告願効犬馬者或以御史而叩首于兵卒之前敗名喪國亦云極矣惟尙書倪元璐見機先縊戎政尙書王家彥墜城暴亡輔臣范景文都御史李邦華副都御史施邦曜詹事劉理順等皆不避難而殉節樞部主政成德

致酒雞以祭先帝檢討汪偉留詰向以旌厥忱從容就
死共計二十餘員其投遞降表及續尾勸進者亦二十
餘員反被賊而叱碎表若惠安伯張慶臻舉家自焚襄
城伯李國禎罵賊不屈侃侃直言要以帝禮殯葬先帝
保育太子勿毀宗祀不懼刀鑊氣何壯也先帝賴以歸
陵襄城之力不少矣賊將劉國公慘刑俱是此人所囑
訊決朝臣用鐵夾棍斷人足猶人腦頓斃杖下若庶吉
士張家玉面訴賊十罪受刑七日不死可謂不愧鬚眉
者不能決絕一死君子惜之賊卒嘗語人曰我等本無
他志不過來此遊戲詎料許大京師三日而突入總因
將相未嘗衝突倘有一隊擁來我等盡散而去耳安能

明季實錄

三

朱氏棟廬校刊

飽吾所欲哉至四月初間拷索各官殆盡徧訪街市勒
各當舖綢緞商賈等行及一切紳監富民甚至賣醬醋
寺僧開茶飯小店亦必搜括盡錙銖以滿溪壑初七夜
令五城偽兵馬各備車數百輛財寶星運入秦舍子女
玉帛之外別無大志若獄囚概行審釋或授為濟甯道
等官令順天府考選儒生有受愚而赴考者分別等第
授道府官及州縣等官羈眷屬于都為質賊兵押赴葦
任總兵吳三桂候其舉動屢報邊急以誘其出初九日
率兵大敗之斬首千餘級賊聞而懼十三日畱賊太師
牛金星監守借征東之繇攜我兩皇子各騎一馬于前
闖賊自張一小黃蓋于後東出齊化門其隨兵寥寥可

指而數是日行至張家灣奔宿天津衛僅見數十賊兵
往來河吡絡繹窺探二十七日過德州偽知州及道官
奉行賊政慘拷前開部謝陞限追銀十萬自贖不從乃
商之衛弁謝閣部願出資金召募鄉勇互相捍禦先除
偽官與眾効死欽差提督京城內外禁門杜勳巡城點
軍司禮監杜秩亨椿如靜海人提督京城內外巡捕訓
練兵馬司禮監王之俊奇吾王承恩王德化王之新保
定府容城人

新進士南歸口述實錄

明季實錄

三

朱氏棟廬校刊

心獨夫授首比堯舜之揖讓而有成功邁湯武之征誅
而無慚德等語又有急下江南策魏學濂凡三上疏其
一則以李賊父名勝請改職名其二獻償酒策其三獻
由海道平浙策陳名夏等贖分邀偽官韓通霖等同飲
學濂行令猜拳滿座無敵偽官駭服又聞賊下令帶來
偽官皆得乘轎及馬餘降官止許乘驢親見學濂騎一
小驢穿偽式黃袍背負一偽策在草場看芻指麾得意
旋領泛海平浙之策差回江南聞賊召見光時亨面加
獎勵隨諭卽原官視事時亨寄書其子曰諸葛兄弟分
任三國伍員父子亦事兩朝我已受恩大順汝等可改
姓趙仍當勉力詩書以無負南朝科第項煜以太常寺

寺正奉偽命祀泰山一路馳驛過山東始變服至若領班勸進朝賀最先者則何瑞徵韓四維楊廷鑑周鍾觀學濂也進則媿媿頌言退則揚揚自得者梁兆陽楊觀光也其他各從逆狀不能殫列有一新進士未授職者以四月十九日出城奔歸目擊口述但有遺漏更無差誤原攜偽籍紳一冊欲上聞以定逆案因中途被劫赤身歸南僅錄此

賊臣改六部政府攷

六部改名為政府翰林院改宏文館守備改名守領把總改名守旅衆官朝賀闖賊畢選人才豐偉及知名七十三人至吏政府過堂聽用其餘出西華門每五賊持

明季實錄

古

朱氏地廣校刊

一人鎖去拷打索銀方岳貢拷打不已乃獻下江東計
迎降擁戴賊臣紀

楊觀光陳名夏周鍾楊廷鑑韓四維項煜朱積趙玉森魏學濂葉時春史可程黨崇雅熊世懿龔鼎莘宋學顯熊文舉周仲璉方允昌湯有慶繆沅錢位坤刑部主事李登雲梯仙晉江人獄中出侯恂董心葵為首率領朝見闖賊慰勞侯恂畢特呼董心葵再三稱慰俱畱聽用楊廷鑑加俸一級與陳名夏為左右親信近臣夏從徵因敗歸周鍾宏文館編修新進士俱升一級用宋企郊泗洲紇州人山西布政司檢較今授吏政府偽尚書東閣大學士李建泰括蒼曲沃人欽命守保定賊至卽命

中軍總臣迎降參謀韓霖絳州人宜興新進士史夏隆附會之得參見闖賊講官黎志陞勺菴湖廣華容人山西提學參政偽宣諭勒書官呂弼周思皇鄒平人河南驛傳道僉事五月二十日持賊令箭護書至宿遷縣為總漕路振飛接院王燮縛于西門皇華亭亂箭射死令碎其尸淮之士民爭食其肉鼓掌稱快又獲癸未進士武備涇縣人同偽遊擊王樂吾王富偽旅官宋自成同擒解三偽官及從逆生員胡來賀李魁春或梟首傳示或擲河中流

徐州孝廉閻古古名爾梅貽武懷詩

西北神京望黯然羣峯噎噎盡如烟祖宗此恨慮無地

明季實錄

五

朱氏地廣校刊

君父之仇不共天漢在豈知王氏臘宋興猶紀晉家年冠裳滿目男兒少惟有頑民一任遷生者非生死者生鴻毛敢與泰山爭楚人未必無三戶夏后傳聞有一成舊國公卿新勸進同時篋篋獨歸耕首陽碑下重來臥不為殷商為大明官道塵封細柳黃人呼軍彩變河陽從龍詔出風雲改佐命勳高帶礪光景畧歸秦終戴晉懷英相武竟存唐英雄忍淚尋知己一夜瀟瀟灑北邙

燕邸實鈔

梁溪華蘭芬馨之述三月初三日先帝驚聞李賊圍城甄漸緊始將誤國樞臣張縉彥召對斥棄十八日賊破彰義門十九日賊破前門黃國琦卽令中官執賊傳入

琴絃白綾進于先帝時先帝勁旅千餘騎出平子門中
官以砲擊回入殿上將宮主劈面一刀隨看聖母自縊
卽走入煤山長壽宮身著小白綿綢衫披髮跣足咬指
血題襟曰百姓不可殺百官不可誣朕實不德以致失
國無面目著衣冠見祖宗于地下任賊車裂我尸卽自
經後襟上血痕尙如生也用白楊木棺殮置東華門之
茶菴蕭湖下安葬無期有一賣茶傭見帝后柩慟哭觸
階而死賊兵所到郡縣絕無戰攻專令姦細傳布流言
順從者秋毫無犯抗拒者全城屠戮以故官民聽其愚
惑及至入城卽籍沒動賊復串通長班鈔捉百官日夜
酷刑索銀千萬如次輔陳演金珠一斗周嘉定伯銀七

明季實錄

六

朱氏槐廬校刊

十萬是也許銀後雷用文武各官不論才品只看肥白
長大便卽收錄至于百姓沿門搜掠財帛婦女既盡仍
各夥據一家資供軍需滿城百姓短褐苟完卽被酷炙
所搶貨財小軍私取三四以解將領將領又取三四以
解李賊一人所獲多者千餘金最少四五百腰纏既富
人多鄉井之思絕無赴敵之氣且賊營中頭目各相雄
長目無厥主李賊屢欲篡位每相對語輒云以響馬
拜響馬誰敢屈膝又言我輩汗血殺來的天下不是他
一人本事煩言嘖嘖穢蕪不堪况賊之來以市馬失信
西虜怨之入骨勾連東虜同吳三桂并力勤王賊兵七
萬一舉殲滅有以也遼陽總兵吳三桂帥兵十五萬詐

降李賊奏云太子在需索一見然後私心降服李賊卽
令百騎擁太子出吳亦百騎迎之見時手持慟哭擲刀
爲號百人卽起奪太子潰圍而出兼程三日夜擁至遼
陽時遼陽總兵唐通者亦降賊將也特來說三桂降三
桂正色曰往者我父死于李今大國淪喪吾與賊誓不
共天奈何說降唐報顏而退三桂喚帳下士曰吾忠不
成忠孝不成孝何顏立于天地間惟有自刎而已帳下
遼兵一萬齊聲曰將軍奈何如此說吾輩皆能致死殺
賊三桂云若欲殺須卽日殺起帳下人卽時銜枚疾走
殺入唐通營中先將唐通殺死部下三萬人亦隨殺到
京中十三日賊聞唐通信息遂領兵七萬趕至遼陽遇

明季實錄

七

朱氏槐廬校刊

吳兵殺傷殆盡至十九日旋兵入京燒毀九門及宮殿
皆成灰燼而去當三月十九日神京被陷殉節者寥寥
二三十人風節掃地今識其姓名于左守城被刺墜城
死者戎政右侍郎諡忠端王家彥遵五莆田人守城遇
賊斫死者河南道御史諡忠烈王章漢臣武進人投井
死者東閣謚文貞范景文質公吳橋人投御河死者車
駕司都主事諡忠節金鈔一箴北直人衣冠坐堂上飲
藥死者左都謚忠文李邦華懋明吉水人自縊者大司
農兼學士謚文正倪元璐鴻寶上虞人左副都謚忠介
施邦曜四明餘姚人吏部員外謚忠節許直若魯如皋
人吏科都給事中謚忠節吳麟徵嘉善海鹽人戶科都

給事中謚忠節吳甘來受和新昌人左庶子謚文節周鳳翔巢軒山陰人夫婦縊死者檢討謚文忠汪偉長源江甯籍休甯人妻妾同時縊死者修撰謚文正劉理順湛陸杞縣人父子夫妻姑媳縊死者刑部右侍郎謚忠貞孟兆祥肖形交河籍澤州人子章明綱宜癸未進士父子同殉全家死難者兵部郎中謚忠毅成德元升從容觸階而死懷柔籍霍州人至廿一日縊死者大理寺正卿凌義渠茗柯烏程人此皆京職也有在外而死者三人宣府巡撫朱之馮勉齋大興籍徐州人大同巡撫衛景瑗帶黃韓城人山西三關總兵周遇吉粹錦州衛人勳戚中全家自焚者四家少保左都督劉繼祖裕

明季實錄

六

宋氏槐廬校刊

齋任邱籍海州人左都督劉文耀駙馬都尉鞏永固洪圖大興人惠安伯張慶臻鳳華永城人可謂與國同休戚者二曰逃遁之臣能不投款不報名託迹緇黃埋名樵牧亦有不忘故主之恩焉共得十一人工科都給事中汪惟效漢石祁門人浙江道御史周亮工元亮祥符籍金谿人原任安慶巡撫鄭二陽潛庵鄆陵人原任登萊巡撫曾櫻二雲峽江人寶城知縣曹鼎臣公鉉如皋人新進士官偉鏐紫元泰州籍靜江人施燦史夏隆太常卿王都介清德州人戶部主事蔣臣謹菴合肥籍桐城人薦舉廣東道楊爾銘錦仙筠連人三日受刑之臣至辱也最不可解者首得四人焉生爲上柱國猶不能

不能拚一死意欲何爲夾而不死者東閣方岳貢翰修穀城人夾而死者中極殿大學士陳演贊皇井研人東閣邱瑜翰懷宜城人魏藻德思令通州籍上元人其餘吏部尚書李遇知貫谷洋縣籍榮昌人吏部左侍郎沈惟炳炎州孝感人工部尚書陳必謙益吾常熟人左中允衛允文紫菴韓城人楊昌祚昭亭宣城人右中允林增志在先瑞安人編修李士瀉二河城鄉人山西道吳邦臣震崆錦衣籍山陰人兵部右侍郎金之俊豈凡嘉興人祠祭員外吳泰來履受新昌人刑部尚書張忻北海掖縣人浙江道馮垣登中心新昌人江西道張鳴駿廣陽龍溪人戶部郎中彭敦歷靜涵溧陽人特用戶部

明季實錄

六

宋氏槐廬校刊

右侍郎吳履中安止金壇人工科左給事彭瑄子白永川人刑科右給事朱徽遂初進賢人檢討方以智曼公桐城人編修宋之繩其武溧陽人吏部主事吳肇昌震凡同始籍南昌人工部主事趙士錦前之常熟人申濟芳維甯長洲人雲南道鄭楚勳全初莆田人武選司郎中朱芾煌玉璠無爲籍五開人行人司劉中藻洞山福安人工部員外潘同春皆生餘姚人工部郎中李逢甲延之青浦人管文選司事太常寺少卿沈自彰芳揚大興籍上元人刑部員外稱一心感有富潤人雲南道銜顏固紫嵐韓城人行人謝于宣郵縣人太常博士龔懋熙玉津四川人庶吉士授四川知縣劉廷琮釋掌從化

籍番禺人臨淄知縣鄒逢吉夔石湖口人夾死兵部主
事劉若宜泰齋懷甯行人張元輔相宸孝義人或夾
而死或夾而不死總是備極慘毒囚虜爲伍辱極矣尚
可減顏立于人世邪尤可惜者吏部主事楊元錫康侯
晉江人十三登科十四登甲人羨以爲仙佛再世乃亦
包羞忍恥至此至于庶吉士張家玉芷園東莞人業已
罵賊不絕口綁出要斬遂爾同心爲烈不終君子借之
四日受職之臣至汚也服朝廷之冠帶受朝廷之封蔭
反顏事讎竄名賊籍共計九十九人少詹何瑞徵荆屏
信陽州人僞宏文院禮政府侍郎教習庶吉士戶科右
給事中劉昌瀛州祥符人僞太常寺卿司業薛所蘊行

明季實錄

朱氏槐廬校刊

鴻孟縣人僞祭酒旨授祭酒有願用銀二萬求爲國子
監者左諭德韓四維芹城昌平籍崇陽人侍郎三人太
僕卿葉初春匡木湖口人僞刑部少詹楊觀光用賓招
遠人僞禮部右中允梁兆陽階林番禺籍順德人僞兵
部工科右給事中高翔漢雲衛寶雞人僞都御史編修
三人修撰楊廷鑑冰如武進人編修陳名夏百史溧陽
人僞戶科都給事兼兵部科給事修撰照原官高爾儼
岱興靜海人檢討二人庶吉士周鍾介生金壇人朱積
方水清浦人鍾則執筆草詔者也照原官爲庶吉士者
四人王自超茂遠會稽人劉餘謨瀟柱懷甯人何允先
太決杞縣人史可程遠菴錦衣衛祥符人檢討趙玉森

月潭無錫人司務庶吉士改選外任者十人姚文然若
侯桐城人劉肇國阮仙潛江籍安福人白允謙若水陽
城籍清湖人傳學禹榆溪巴縣人趙頴韓公項城人張
元錫仲茗清苑人梁清標玉立錦衣籍真定人成克鞏
青壇大名人李化麟淡河韓城人李長祥硯齋達州人
魏學濂退密嘉善人改外任仍留用京師則戶部司務
也大理寺一人尙寶司卿吳家周柳梅和州籍歙縣人
僞大理卿太常寺一人少詹項煜水心吳縣人僞太常
寺諫議一人刑科給事中光時亨舍萬桐城籍祁門人
僞諫議陝西道裴希度晉卿陽曲人僞諫議郎中四人
戶科給事楊枝起扶曠金山衛人掌僞文選吏部員外

明季實錄

朱氏槐廬校刊

郭萬祥一章高陵人僞考功侯佐東俾解州人僞驗封
稽勳仍舊郎中熊文學雪堂新建人驗馬寺一人通政
右參議宋學顯令申長洲人直指一人兵科給事龔鼎
孳芝麓臨川籍合肥人長蘆運司一人濬縣知縣王孫
蕙魯吾無錫人僞長蘆運使助教一人工部主事繆沅
廷齋錢唐人僞政府助教大理寺寺正錢位坤大鶴長
洲人僞國子助教江西道柳寅東鳳侯陝西籍徽州人
待詔高來鳳梧陽韓城人兵部員外郎耿章光俎來館
陶人戶部主事孫襄伍雲宣城人兵部主事方允昌淡
菴諸暨人僞差往宿遷催漕務車駕郎中朱國壽生生
宛平籍丹陽人僞兵政府屬行人許作梅傅巖新鄉人

部員外姬焜雲石華州人偽政府屬李申歡一南和人
偽戶政府屬禮部員外涂原芝蘭梁山人偽政府屬戶
部主事陳聯璧孚尹光化人偽政府從事戶部郎中徐
有聲開復太醫籍金壇人特用程光貞左評事周蘭雲
聚羅山人偽政府屬刑科給事郭應雨九隴西人偽政
府屬博士李森先林枝掖縣籍平度人偽部屬助教吳
道新桐城人偽部屬河南巡按蘇京臨舉安東人禮科
左給事戴明說巖萃滄州人刑科都給事孫承澤北海
順天籍益都人偽防禦使光祿建事林銘球紫濤漳浦
人偽防禦使李際期曲州知縣周壽明柏心斬水人偽
防禦使刑部主事歸起先律菴常熟人偽防禦使中書

明季實錄

三

朱氏槐廬校刊

姜金允雲滄掖縣人檢討張芝奇平子新城人劉世芳
蘭生膚施人施鳳儀穀年嘉定人考功郎中劉廷諫良
載通州籍甯海人偽府尹河閒府推官顧棻餘枳無錫
人禮部主事湯有慶晴嶺長洲人偽授成都知縣刑科
給事翁元益象韓上海籍龍游人被毆改授四川縣兵
科給事時敏修來常熟籍遵化人改四川宜賓縣徐敬
時呂兆龍成都同知朱希煌四川府尹湯有慶張琦黃
徽允吳之琦四人俱授禮政府從事山西學政程玉成
晉州知州王皋映黎德州人四川知縣黃國琦偽授府
尹王孫蕙偽授長蘆運使孫以敬偽授兩淮運使吳泰
來偽授四川同知王爾祿清苑人偽授戶政府從事武

濠涇陽人偽授淮徐防禦使吳兆方偽授四川同知從
賊未授職者八人董象恒王自超何九雲劉肇國姚文
然張元錫蔡鵬霄李登雲

從闖賊破京城爲官攻

賊相牛金星河南人乙卯舉人爲天佑殿大學士偽軍
師宋矮子日講官玉璽偽國公權將軍劉宗敏偽臨鞏
總兵制將軍梁甫維嶽榆林衛人參謀韓霖永平人宏
文館學士王華講官兵部大堂黎志陞勺菴華容人山
西提學參政吏政府尚書宋企郊泗洲乾州人原任吏
部山西布政司檢校戶政府侍郎盛廣爾昌桐城人偽
倉場侍郎張麟然崧嶧烏城人山西平陽府又選兼文

明季實錄

三

朱氏槐廬校刊

諭院禮政府侍郎顧君思從事楊枝起扶曦金山衛人
戶科給事中兵政府失名刑政府大堂安興民黎文中
工政從事繆沅廷齋錢塘人助教兵政府大堂侯恂六
直商邸人曾授兵部尚書兵部侍郎定州州牧董復天
來武進人現任保定府推官駐劄居庸工政府少堂葉
初春匡岑湖口人太僕寺正卿禮政府侍郎鞏情成我
真甯人河南提學參政偽都督李年權將軍白廣恩祖
光先甯夏挂印總兵管撫民軍章榆林衛人果毅將軍
董天我保定總兵馬岱龍池榆林衛人谷大成白邦政
白圭大同挂印總兵姜瓖含璞榆林衛人薊鎮總兵唐
通達軒涇陽人將軍田失名戶政府大堂楊三休瞻睿

鹽山人潼關兵備僉事司務魏學濂退密嘉善人庶吉士從事金震生戶部員外戶部主事介松年赤仁解州人戶科給事中督餉禮政府少堂梁兆陽階林番禹籍順德人右中允從事吳之琦雪苗晉江人禮部主事兵政府少堂楊士聰島嶼濟甯人左諭德職方大堂傅景星夢禎登封籍睢州人山東道從事沈元龍雪貽吳江人光祿寺署丞吳剛思武進人工部大堂李振聲華嶧人湖廣巡撫從事孫節帖雲楚籍武進人吏部司務知政司王學先吏政府考功司郭萬象一章高陵人驗封司熊文舉雪堂新建人稽勳司侯佐東俾解州人司務葉澍溥公橫州籍豐城人精膳司劉大鞏熙鼎

司考實錄

朱氏槐廬校刊

廣昌人禮部郎中祠祭司李森先刑政府少堂陸之祺幼瞻平湖人陝西左布政河南巡撫蘇京陵舉安東人浙江道御史喻上猷翠甫石首籍豐城人以匿喪被參率叩關投賊偽通政司王學先失籍偽順天府尹王則堯心祁翼城人山東密雲道布政司僉事偽崇文館學士王華督兵守關張若麒天佑膠州人兵部郎中監軍督戰失機下獄工部員外加陞太僕寺卿曹欽程念東彭澤人偽都直指高翔漢雲衝寶雜人工科右給事中偽編修劉世芳蘭生膚施人

泣鼎傳真錄

一先帝烈崩始末

三月初十日唐通入援召對賞賚甚厚十三日通過賊于居庸關一戰即敗敗即降京城震懼九門皆閉襄城伯李國禎率京營兵結一大營于城外十六日昌平破十七日上午賊至城中疑是叛兵又疑是援兵及奪京營大砲攻城始知是賊攻甚急彼此砲聲不絕如雷轟地裂聞之寒心十八日攻愈急砲聲益厲城外火光徹天砲子直打進朝天宮是夜太監杜勳自宣府回弔城入見言賊人馬強眾鋒不可當請皇爺當自為計上遂命曹太監添人守塚約以三燈籠為號事急則豎上又同杜勳登煤山頂望迥片時下變服步自順城門至海岱門見執不可守回乾清宮將太子定王付周皇親承

明季實錄

朱氏槐廬校刊

王付田皇親訖宣長公主來手刃之即巡中宮見周后先縊死歎曰好了又巡西宮見袁妃有不欲死之意乃連砍三刀上亦為之手軟又喚太監王承恩穿快鞋手持三眼鎗率內相數十人奪門不得而歸見前門三燈籠一時俱豎起遂自縊崩于古樹下王承恩對面跪亦縊而死諸宮人內相紛紛奔走守城太監杜秩亨同兵部尚書張縉彥開門迎賊城遂陷

一諸臣被誘始末

十九日城陷人心懼駭後見殺人不多人心始安二十日賊出偽示限諸臣次日齊赴東華門投職名願仕者量力擢用不願者聽其回籍如一人不到察出定凌遲

處死地方都右連坐諸臣以是不得不出亦不敢不出
二十一日皆赴朝房見帝后二靈在東華門外乃是栢
木棺先帝披髮跣足衣上書血詔情狀甚慘太監王德
化痛哭呼諸臣求賊發喪又羣殿兵部尚書張縉彥賊
見德化將殺之爾時人情慘痛天地晦冥諸臣爭奔禮
少頃賊偽學士安深代為傳宣許以舊葬一襲葬以帝
禮祭以王禮下午各歸于是死者死逃者逃削髮者削
髮廿六日滿街捉士大夫拘繫枷鎖相望于道著長班
家人捉得一人賞銀五兩藏匿一人卽刻斬首故無得
免者廿七日牛金星點名會極門用者從東華門出送
吏政府收用不用者從西華門出賊兵五人押一隊送

明季實錄

美

朱氏槐廬校刊

劉李王郭諸賊營因拷廿八日用者高冠寬袖揚揚得
意不用者桎梏囚首愁慘痛楚徹天動地大約賊于諸
臣惟痛恨削髮之人其餘但視點名時應聲之遲速與
狀貌之恭倨而已

一闖賊逆天始末

闖賊李自成米脂縣人貌甚癯陋眇一目努肉突出血
流體一人持巾帕立其傍指拭不已與偽國公劉宗敏
等二十餘人結爲兄弟亦無高下皆以大哥相呼賊城
兵不滿二三萬且中多十五六歲小娃子餘皆秦晉降
卒賊輩自相謂曰我們原無大志不過放响馬爲生你
們一路開城接我所以纔得到此不曉得偌大一个北

京便開了門若再守十來日不開我們糧完便去又有
一矮賊名宋軍師說北京怎麼就破這也是天意了闖
賊初二三日每欲登極升殿輒頭暈目眩不能在坐先
是一入皇城便彎弓向承天門匾額祝曰若做得成事
便射著一字不成射著空處一箭正中天字左空其兆
可知矣羣賊皆相聚埋怨他說你既要代大明承天如
何反射天字先闖進大明門何以不射大明二字闖賊
亦覺氣沮又常曰十个北京不及一个陝西故所掠金
銀盡搬駝西去其志可知矣初七日晚闖賊到劉宗敏
私寓曰皇親故宅飲酒夜深謂劉曰死的是明朝忠臣
雞頭的斷不可寬他其餘文官也寬些罷了故初八日

明季實錄

毛

朱氏槐廬校刊

劉賊所因諸臣盡行放出十三日城中忽傳吳總兵三
桂告示云義兵不日入城戴白者便不殺更有台星可
汗等告示甚多衆賊相對失色十三日五鼓殺官三十
二員陳演爲首餘皆勳戚天明闖賊拔鞘箭衣騎馬獨
先太子二王各令一賊挾之馬上賊兵盡調出城所留
數千老幼爾時賊兵畏懼號哭不願去多騎馬逃走雖
殺之而不能止初賊入城云不殺不淫三日而殺淫如
故民之怨賊而思先帝不可言賊兵攻城時闖賊誘其
用命許城破後每人賞銀二百兩至是毫無所與賊之
相怨而思吞處不可言兵民皆怨一戰而殲滅斷可必
也

閩中吳鴻磐染血書

君父之仇普天共憤草野小民旅落靡依欲移文而苦無官守欲捧檄而苦無軍政勒血數言聊當號天之泣用告同志邇者李自成犯門士誰不欲磨厲請殺滅此朝食況賊丁字不識惟利是搜犯闕後點令百官集朝選用既集迫勒助餉金銀既盡繼以幣帛幣帛既盡繼以衣服掌隊有索小兵有索索之不已或斃其身辱其妻子累其親戚然亦有選用之者嗟乎是猶士也而願為賊選用豈不羞儒林辱名教取譏當代貽笑千秋乎我願與士整衣冠升明倫堂攻所學何學文可以草露布武可以佐戎行忠孝干城是士是將鼙鼓逢逢天下

明季實錄

朱氏懷遠校刊

必有雷同響應以共誅夷夫亂賊先帝冲年登統首鋤奄璫使血碧諸臣垂炤古今至于早朝凌罷勵精而圖布衣疏食念禍而惜從諫不拂而奚啻轉圜立賢無方而弗但推轂兵荒水旱所在奏聞未嘗不放聲大哭狗馬聲色臺榭遊觀俱無所好是十七年勤苦真無異茹荼嗟乎有君如此而忍負者誰乎乃都城之變圍二日而即趨附何與蓋李賊狡獪設計而愚民因詭受欺令曰降我者不殺順我者不屠富者安堵貧者賑恤于是始而書順貼門繼而書順貼額舉國紛紛盡以為時雨之沛詎意不然強兵擁至居其室攘其食搜其衣裳括其財物寢其牀第淫其妻女奴隸差役其夫子稍不如

意則鞭朴再不如意則劔刺有一兵淫人妻同鄰三人共首反以為妾持三人俱殺有一兵淫人妻為其夫所殺以街坊長幼六十人償一兵之命陽禁陰主縱恣貪淫且李賊不過鹵莽一流寇耳聞奸天位鴻臚唱進行五拜三叩頭禮偽相牛金星偽都督劉宗敏罵云與我輩同夥有何本事安然受我拜只拜二拜既而爭立金鑾之上三寇並峙真無忌憚者之所為也李賊心實不安詭言內帑得金百萬得銀六千七百萬以甚我先帝聚斂之暴以怒我天下民離渙之心終乃大肆屠戮馳馬西去可憐都城杳無人影歸順初心願至是與要之斯民密邇王室反顏事讎自取殘滅竟出誰咎是所望

明季實錄

朱氏懷遠校刊

于同志忠義奮烈風雷雨電八面冲擊斷母命亂賊稍有蠢動日者闖賊犯順我國家死難諸名臣大行皇帝出喪之日止一李襄城國禎旬伏哭送葬畢自刎真勳臣中第一人也聞變殉難者京營御史王章入宮僂殉先帝行至朝天宮為賊兵所殺大司農倪元璐從容就義朝衣北面儼然如生甲戌鼎元劉理順合家殉節共一十人人俱赴井死總憲李邦華死時望北辭闕向文文山先生像叩首口占一贊一絕句使家人扶縊副憲施邦曜亦口占二句自縊閣臣范景文投井死宮詹馬世奇歿其二妾從容自縊宮詹周鳳翔有二妾同殉詞臣汪偉妻耿氏同難大理卿凌義渠夫人同難車駕司

主事成德勳臣中駙馬榮永固全家縊死新樂侯劉文炳全家自焚其死最慘已上諸臣俱于十九日死其不受偽命而繼死者吏科都給諫吳麟徵銓司許直太僕寺丞中佳允戶科都給諫吳甘來職方金鉉順天提學陳純德御史陳良謨少司寇孟兆祥子新科孟章明同父死節襄城伯李國禎則最後死其節義直感天神矣外此猶有多而未悉是南朝就義固不特李侍郎一人也嗟乎九廟英靈天地愁慘稍有壯心熱血誰不髮豎毗裂夫東山係蒼生之望汾陽得將士之心英風高節千古猶馨彼劉恥朱泚輩雖猖獗一時究必膏諸斧鉞亟宜磨厲請纓滅此朝食冀社稷于磐石安生民于衽

明季實錄

三

宋氏槐廬校刊

席吾不能無望于先生大人

記中有與別本異者

太監王之材戎政侍郎王家彥縊死宣城伯衛

時春將家資散門下從人與母妻妾墮井死成

國公朱純臣合門俱死惠安伯張慶臻合門自

焚死山西總兵周遇吉被李賊剛死記以備攷

西蜀拔貢日樵道人吳邦策一匡甫記

三月十三日闖賊躡居庸關京師九門皆閉十七日子時賊攻城內外放炮如萬雷轟擊人人膽裂十八日大雨攻城益急炮聲益厲見城外火光徹天守城軍民皆無固志一更時太監杜勳自宣府回同內人王承恩縊

城入朝奏言賊劫諸大人馬強眾鋒不可當皇上當自為計上即同二人登梅山頂四望逾時方回乾清宮命進酒連飲數金盃宣太子永定二王分送周田二皇親去訖隨宜長公主入見相對號泣上欲手刃之意甚遲疑忽奮身而起連斫二刀公主以手格臂斷絕于地上即進宮見聖母已先自縊又巡至西宮見袁妃未有死意上手誅之三砍上亦肉顫手戰因徧召妃嬪中曾幸者俱一一誅戮換王承恩穿鞋手持三眼鎗帶內相數十人進城奪門將至平子門中宮以炮擊回即走入梅山長壽宮與王承恩對面縊死于枯樹下宮人及內相紛紛奔逸而散十九日辰時賊兵香入內城守雉遊

明季實錄

三

宋氏槐廬校刊

兵棄城急奔九門盡為賊據巡城太監杜秩亨等同兵部尚書張縉彥開門迎降賊自齊化東便二門入擄掠甚慘先帝于十八夜三更奪門南奔闖賊已入承天門射一箭正中天宇上面二十日闖賊入宮不見皇上出示云有能得崇禎者賞萬金封伯爵二十一日忽見板門昇二屍出送東華門外朱國公門首用柳木棺盛之置破蘆席下見蓬頭跣足穿短衣有遺詔在胸云朕已喪失天下不敢見祖宗亦不敢終于正寢聖母屍棄于宮門牆外賊未目覩也是晚百官出見內監王德化等數十人擁打兵部尚書張縉彥責其開門迎賊諸內臣哭求文武諸臣上議先帝祭葬禮一時臣民萬人俱涕

泣哀號少頃見青衣一人持一硃批云帝禮葬王禮祭皇后葬以后禮祭以如禮二子待以祀宋之禮衆官亦有哭求以帝禮祭者傳示云准行了有求京城百姓萬民成服哭臨三日者置不報廿二日至廿五六日則擒孥士大夫拘繫廿七日賊相牛金星坐會極門點名用者從東華門出送吏政府收用大善姓名于部門外不用者從西華門出每五賊押一人繫劉李二賊私寓廿八日選用者高冠鮮衣乘馬揚揚長安道上不用者拷打逼索號泣之聲徹于街衢直至五月初九日爲劉賊所繫者俱得釋放在李賊寓者仍幽繫五月十二日吳三桂有曉示大張四門云義兵不日入城凡我臣民但

明季實錄

朱氏德慶校刊

成服者俱不必驚惶是夜傳聞闖賊殺官三十二員陳演爲首餘皆勳戚十三日早闖賊布箭衣絨帽夾太子二王俱元色布衣前行傳令盡徹羣盜東行有不願去者即殺之各城門只餘老弱廿三日授梁兆陽兵政府侍郎召見文華殿叩頭云先帝無甚失德只因剛復自用至使君臣之誼否隔不通以致萬民塗炭災害並至闖賊云朕只爲這須百姓故起義兵陽又叩頭云我皇上救民水火自秦入晉歷恒岱抵燕都兵不血刃百姓皆箪食壺漿以迎可謂神武不殺比隆堯舜若湯武不足道也臣遭逢聖主敢不精白一心以荅千載之知遇闖賊大喜畱坐畱茶甚爲款曲辭行時陽向上打躬賊

亦向下一躬以應之陽已半身賊尚未起復鞠躬出語門生貢士伍世魁津津有味五月初十日賊召禮政府侍郎楊觀光入文華殿問郊天何以不茹葷酒不近女色不行刑亦有說乎光叩頭云天人一氣所感不茹葷酒欲其心志清明不近女色欲其呼吸通靈不行刑欲其養天地慈和之氣以感格上蒼賊云俱是至理之言先生說得是以後先生常進來講講畱坐畱茶辭出打躬賊送至簷下答禮陽光復各召一次不肯述其語闖賊對劉李牛顧諸賊云各官于城破之日捐軀殉難的是忠臣若身體髮膚受之父母不敢毀傷削髮之人不忠不孝畱他何用

明季實錄

朱氏德慶校刊

勳戚臣死節紀
皇親新樂侯劉文炳洪鈞任邱籍海州人九十歲祖母其子繼祖裕齋弟文耀文炤俱都督臨時擇一大井將男女子孫十六口盡投于內閉門縱火焚賜宅火發乃自經惠安伯張慶臻鳳華永城人加銜至太傅都陷家中器用盡散親戚致酒一家團飲積薪四隅全家焚死按會典凡伯爵承襲病故者祭二壇若官事有功績加之太保以上者祭十五壇今照軍旅身殞卹典特加祭一壇造墳安葬建祠主祭諡忠武東宮侍衛周鏡我正大興籍長洲人嘉定伯周奎之姪也母妻一門俱死駙馬都尉聿承固洪圖大興人公主先一年卒極尚在堂

有親生子女數人悉以黃繩繫之靈前縱火焚死大書
世受國恩身不可辱八字自經于前廳謚貞愍子祭十
六壇造墳建祠致祭一如張惠安襄城伯李國禎兆瑞
和州籍豐城人見賊不屈而叱之要以帝禮殯葬帝后
保全太子二王勿毀陵寢許之至四月初五日泣送先
帝歸陵遂自殺真動臣中第一人也謚貞武祭葬祠如
惠安伯戚臣中有傅國英公張世澤祥符人清平伯吳
道周鼎盟遼陽人陽武侯薛濂中涵膠州人博平侯郭
振明涵星江浦籍齊東人永甯伯王長錫環伯上元籍
萬全左衛人左都督李國柱天礎冀州人他所傳尚有
劉王二皇親未詳其名

明季實錄

清

朱氏魏壁校刊

文武臣死節紀

東閣大學士兼工部尚書范景文質公吳橋人都城將
陷召對時已絕粒三日矣惟飲泣入告聲不能續十九
日聞城破遂拜北闕號慟于誥封妻陸氏靈前自縊死
死最早時閣臣一齊死者惟范公一人卹典以率先殉
義以死勤事抗節不屈身死綱常例二品官尚書大學
士加升一品祭葬特恩照先朝舊輔蔣冕贈少師祭九
壇有司造葬立祠京師歲時致祭謚文貞贈太傅兵部
尚書兼翰林學士倪元璐馮寶上虞人十九日寅時聞
城破卽整冠帶望闕四拜復南向拜辭老母不別妻孥
旋易便服至書齋呼酒奠所供奉闕聖前對酌三杯復

出廳前正席坐攜袖中汗巾語家人曰吾分當如此意
已決毋得救遂舉手自縊卹典加贈一品以本官經筵
講讀有年特恩祭六壇有司造葬立祠京師歲時致祭
謚文正贈太保協理京營正戎右侍郎王家彥遵石甫
由人守德勝門十九日早賊入馬賊不屈賊段斬之城
樓仍以火焚其尸以死勤事加贈二品此侍郎贈尚書
祭三壇造葬立祠京師歲時致祭謚忠端贈太子太保
都察院右都御史李邦華懋明吉水人十九日拜文丞
相祠繙祠中祭葬俱照倪元璐例贈太保謚忠文副都
御史施邦曜四明餘姚人經死時有絕命詩祭葬建祠
謚忠介贈左都刑部侍郎孟兆祥省形澤州人守正陽

明季實錄

清

朱氏魏壁校刊

賊至死于門下于章明綱宜合家死節祭葬建祠謚忠
貞贈尚書于章明照以死勤事例贈官祭一壇于半葬
附其父祠致祭謚節愍贈河南道御史左庶子諭德周
鳳翔巢軒山陰人聞梅山信北面拜自經死有絕命詩
云碧血九原依聖主白頭二老望忠魂蓋具慶也哀哉
二妾亦同縊侍從官講讀有年照贈官品級祭葬外祭
二壇于葬建祠致祭謚文節贈禮部侍郎左諭德中允
劉理順湛陸杞縣人妻妾及四僕俱死死後賊兵百人
踵其門曰劉某居鄉好善里人感沐其恩此來正欲護
衛以報之何遽死也俱下馬羅拜痛哭而去六品無祭
例念本官全家死難最慘最烈以死勤事啟沃功多軍

旅身職特恩祭一壇予葬建祠致祭謚文正贈正詹事左諭德中允馬世奇素修無錫人先令二妾朱氏李氏縊死自向敕書四拜復南面遙拜其母裂帛自盡祭葬建祠謚文忠贈禮部右侍郎檢討汪偉長源休甯籍江甯人十九日聞變與夫人耿氏呼酒飲畢爰就縊偉縣右夫人縣左夫人曰雖顛沛不可失序乃解縣正左右而死祭一壇予葬建祠謚文烈贈少詹大理寺卿凌義渠若柯烏程人聞變盡焚生平所著述服緋正笏望闕拜畢復南向拜父舉筆書四十餘字付家人歸上封公有盡忠卽所以盡孝語寓中繩或先爲家人藏匿乃取短綆命家人縊之相視不忍時趙某知公志決爲繫于

明季實錄

美

朱氏德盛校刊

臆懦奮身而絕有賊黨踞其寓五日不殲傷哉祭葬建祠謚忠清贈刑部尚書太僕寺丞申佳允園素永平人自縊贈官祭一壇予半葬建祠致祭謚節愍贈本寺少卿太常寺少卿吏科都給事中吳麟徵磊齋海鹽人將掌垣時所參駁事一一檢出授家人一言不及家事祭葬建祠謚忠節贈太常寺少卿四川道御史陳良謨賓日鄞縣人死時作古風一首有盡忠盡孝之語痛飲而絕妻時氏同死祭葬建祠謚恭愍贈太僕寺少卿福建道御史陳純德淡元零陵人北京巡按提督學政被執不屈受刑死謚恭愍贈太僕寺少卿吏部員外許直若魯如皋人知梅山信號慟欲絕呼僕授以家報一函囑

之速歸報封公首述忠孝之訓次及葬母教子無他語旋更衣北面拜君南面拜父作詩六章書畢命僕入內室取麻繩令作纜僕手戰公斥之遂自縊一手持練尾一手上握神明如生遲二日羊李二友稱貸以殮照以死勤事例贈五品官祭一壇與半葬建祠謚忠節贈太僕寺少卿兵部郎中成德元升懷秉籍霍州人梅山信至慟哭于茶菴歸自刎死祭葬建祠謚忠毅贈大理寺正卿兵部主事金鉉一箴畱守前衛籍武進人號哭罵賊三日至晚衣冠北向拜投御河死贈官品級祭一壇與半葬建祠謚忠節贈太僕寺少卿已上文臣二十一員勳臣二員戚臣一員或慷慨捐軀或從容就義此皆

明季實錄

美

朱氏德盛校刊

忠竝日月氣壯山河謹遵從優議覆之旨祭祠錫謚逐一開明內建祠一項或京師總立一祠或本籍自行建造今據所聞如撫臣朱之馮衛景瓊鎮臣周遇吉布衣湯文瓊吳縣學生員許刻并各死難勳臣等琅琅大節與前諸臣比隆繁美絕無軒輊次第奏聞其金鉉母章氏年近八旬投井死應照子贈品級誥贈仍建坊旌表與馬世奇妾朱氏李氏陳良謨妾時氏俱贈孀人亦建坊旌表從茲國典聿充人心不暢臣知死事諸臣皆結草泉臺戴皇恩于無外矣禮部侍郎管紹甯遵旨彙復事奉聖旨這殉難盡節諸臣范景文等或合門死難從容就義從先帝于鼎湖流光輝于社稷良可嘉尚其應

給祭葬俱依擬議法准用著工部于京城總建一壇賜
名旌忠其贈官廕子著吏兵二部覆議具奏又一本死
不辱國事劉熙祚罵賊殉義不愧風紀祭葬依擬與議
忠毅其贈官廕子吏部議奏四忠共祠俱准行四忠王
章謚忠烈武進人劉熙祚謚忠毅武進人馬世奇謚文
忠無錫人金鉉謚忠節武進人前戶部郎中周之茂森
城人春開北上候補知府命未下為賊擄去使跪不屈
遭梃擊折臂死以未補官故罕傳者乙酉三月與祭一
壇減半造葬工部主事王鍾彥華亭人十九日長班趨
令朝見入房自縊死賊棄尸溝中把總陳泰階親見之
松江府五學諸生有死節公呈中書舍人宋天顯華亭

明季實錄

彙

朱氏槐廬校刊

人十九日自盡宏光元年三月賜祭一壇減半造葬在
外文臣如宣府巡撫贈右副都御史謚忠壯朱之馮大
同巡撫贈兵部尚書謚忠毅衛景瑗陝西巡撫馮師孔
山西巡撫蔡懋德俱死于賊武臣提督三關總兵周遇
吉與賊戰于甯武關先勝後敗被執不屈屠之鎮守宣
府總兵朱三樂賊至揚言降者不殺百姓請救一城性
命朱不可巡城指忽夷大礮曰汝等若能放一礮我即
死甘心眾不應朱不得已自起燃火兵民自後擊之朱
憤甚奪卒刀自刎是皆死于王事者戶部郎中徐有聲
開復太醫籍金壇人罵賊支解殉義最烈司禮監王之
俊從死梅山或云從死者王之心而之俊與德化俱自

盡更詳

工料鈔參工部表忠故事猶存疏

工料鈔參工部一本表忠之故事猶存奉聖旨祠宇應
葺應初俱于明春修造宏光正月十三日本科參看得
表忠旌忠一祠既奉旨一葺一册則兩案位置俱宜早
定矣然以昔之靖難與今之北都較抑何一同即一異
也夫惠廟固與張后同焚而先帝亦與先后俱經國君
死社稷開先後無媿若云少康出亡猶莫須有也而猶
是昔死義接踵今從逆駢肩所異者此焉爾昔人謂王
午諸臣摧折太過故此後罕以節聞至甲申之變而其
言大異安可使寥寥星辰復歎遺珠乎豈非後死責哉

明季實錄

彙

朱氏槐廬校刊

除范文貞公等三十餘人姓字昭揭已經贈諡外所惜
澤州孟忠貞公兆祥與其子節愍公章明之合祠則死
義也父為忠臣子為孝子已班班可攷夫婦同死節義
成雙猶閭閻靡稽惜哉或曰忠貞公繼配為夫人何氏
節愍公繼配為孺人王氏俱各列齒錄夫何疑然闈節
無疏旌別亦無旨則姑縣焉甯缺而補無補入而復刪
以待攷也然則節愍公何為乎附祀曰仿靖難顏考節
公例以喬梓分席也然則生員許刻與布衣湯瓊何為
乎正祀曰仿靖難龔安節公與儲貞義公例一以金川
門守卒殉義一以戍卒死為衣冠愧心也若衛忠毅公
等初謂宜照禮部議建祠于鄉然以靖難之濟隲若彼

此都之寂寥若此則與其外也無甯入之何也靖難之
巡撫黃公清已先列附祀矣例也非叔也雖然內臣王
承恩之正祀獨非叔乎先皇賓天即自經于側門惠廟
時有是否事叔祀亦叔矣鈔出正之

應正祀文正二十四人紀

東閣大學士工部尚書贈太傅范文貞公景文戶部尚
書兼學士贈太保倪文正公元璐左都御史贈太傅吏
部尚書李忠文公邦華兵部戎政侍郎贈太子少保王
忠端公家彥刑部侍郎贈尚書孟忠貞公兆祥左副都
御史贈左都施忠介公邦曜大理卿贈刑部侍郎凌忠
清公義渠太常寺少卿贈工部侍郎吳忠節公麟徵左

明季實錄

罕 朱氏槐廬校刊

庶子贈禮部左侍郎周文節公鳳翔左諭德贈禮部右
侍郎馬文忠公世奇左中允贈正詹事劉文正公理順
檢討贈少詹汪文烈公偉太僕寺丞贈本寺少卿申節
愍公佳允戶科給事中贈太常寺卿吳忠節公甘泉河
南道御史贈大理寺卿王忠烈公章四川道御史贈太
僕寺少卿陳恭愍公良謨福建道御史北畿學政贈太
僕寺少卿陳恭節公純德吏部員外贈太僕寺少卿許
忠節公直兵部郎中贈大理寺卿成忠毅公德兵部主
事贈太僕寺少卿金忠節公鉉大同巡撫贈兵部尚書
衛忠毅公景瑗宣府巡撫贈右都御史朱忠莊公之馮
吳縣學生員贈翰林院五經博士許公刻布衣贈中書

舍人湯公文瓊

應正祀女人九人紀

成公德母張氏贈淑人汪公偉妻狀氏贈恭人馬公世
奇妾朱氏李氏贈孺人吳公襄妻祖氏贈二品夫人金
公鉉母章氏贈恭人劉公理順妻萬氏妾李氏贈淑人
陳公良謨妾時氏贈孺人

應附祀文臣七人紀

新進士贈河南道御史孟節愍公章明戶部郎中贈太
僕寺少卿徐公有聲兵科給事中贈太僕寺少卿顧公
鉉工科給事中贈太僕寺少卿彭公瑄貴州道御史贈
太僕寺少卿俞公志虞保定巡撫兵部右侍郎贈尚書

明季實錄

罕 朱氏槐廬校刊

徐公標大名副使贈右副都御史朱公廷煥

應正祀武臣七人紀

新樂侯贈太師恒國公劉忠莊公文炳總兵封遼國公
吳忠壯公襄惠安伯贈太師進侯爵張忠武公慶臻襄
城伯封太子太師進侯爵李貞武公國禎左都督贈太
保劉忠貞公文燿駙馬都督贈少師鞏貞愍公承固總
兵封太保周忠武公遇吉

應正祀內臣一人附後

總督京營內臣王忠愍公承恩

應附祀內臣六人附後

李鳳翔王之心高時明褚憲章方正化張國元

太傅鎮遠侯顧公肇迹太保陽武侯薛公濂太子太師
武定侯郭公培民太子太傅定遠侯鄧公文明懷遠侯
孫公維藩太子太保永康侯徐公錫登西甯侯宋公裕
德左國柱太傅成國公朱公純臣太子太師彰武伯楊
公崇猷清平伯吳公遵周少傅宣城伯衛公時春新建
伯王公宣通安鄉伯張光燦左都督方公履泰錦衣衛
正千戶李公國祿

宏光元年欽定爰書

一等甘心從賊應礫。宋企郊牛金星張嶙然曹欽程
李振聲喻上猷黎志陞陸之祺高翔漢楊王休劉世方
一等身陷虜庭或甘心事虜或不忘本朝別有報効姑

明季實錄

三

朱氏槐廬校刊

俟一二年後定奪。何瑞徵楊觀光張芳麒方大猷黨
崇雅熊文舉龔鼎華葉初春戴明說孫承湛涂必滋劉
爾儼黃紀孫襄

二等應擬斬擬長繫秋決。光時亨鞏焞周鍾方允昌
三等應絞擬贖。陳名夏楊起蛟王永曾昌毓宗何允
先項煜廖國遴

四等應戍擬贖。王孫蕙梁兆陽錢位坤侯恂郭萬象
張希度申芝芳金汝礪張懋爵吳達源黃繼祖楊廷鑑
五等應徒擬贖。宋學顯沈元龍方拱乾繆沅呂兆龍
吳剛思方以智傅鼎銓張京玉傅振鐸

六等應杖擬贖。潘同春王子曜周壽明白列星吳泰

來張琦

存疑擬另議。翁元益魯粵郭充吳爾璵史可程左懋
泰王自超王之牧白允謙龔懋熙王皋梁清標楊棲鸞
李化麟張元琳呂崇烈侯佐吳之琦鄭明魁姬坤朱國
壽許作梅胡顯趙穎劉廷琮朱積

有已奉旨錄用者。張縉彥時敏衛允文蘇京韓四維
黃國琦施鳳儀龔彝

有奉旨未用者。姜筌林張正聲顧大成
有報已故未確行察者。吳家周魏學謙

從逆諸臣攷

明季實錄

三

朱氏槐廬校刊

常寺丞項煜水心吳縣人少詹事賊攷選首名授宏文
館學士教習庶吉士何瑞屏荊州信陽人少詹偽編修
陳名夏百史溧陽人編修兼戶兵兩都給事中偽宏文
院修撰韓四維芹城昌平籍高縣人諭德偽戶政府少
堂楊士聰崑崙岫濟甯人諭德偽宏文館修撰高爾儼岱
興靜海人編修偽修撰楊廷鑑冰如武進人檢討傅鼎
銓津菴臨川人少詹兼侍讀方拱乾坦菴桐城人檢討
方以智曼公桐城人偽編修張之奇子平新城人檢討
劉世芳蘭生庸施人檢討偽兵政府侍郎梁兆陽階林
番禹人檢討首倡助餉之說檢討趙玉森月潭無錫人
授四川內江縣令偽檢討周鍾介生金壇人庶吉士乙

西四月初六日典刑朱積古水華陰人授原官魯粵章
菴山陰人李華麟淡河韓城人史可程法菴祥符人防
禦使張元琳西塘晉江人偽原官梁清標玉立錦衣籍
真定人李長祥硯齋達州人成克鞏青壇大名人直指
使楊棲鶚木干西鄉人改順天教授劉餘謨潛柱懷甯
人以貌不當意故改授順天教授爲直指使趙穎韓云
項城人以牛金星鄉同年故多所引授偽戶政府司務
魏學濂退密嘉善人蒼溪縣偽令吳爾璽介子崇德人
劉肇國阮仙安福人王自超茂遠會稽人以年少不更
事不用超行賄選司仍許補密雲縣偽令姚文然若侯
桐城人以貌不揚故授此何允先大次杞縣人白允謙

明季實錄

朱氏德慶校刊

若水陽城人傅學尙榆溪麻城人張元錫冲若清苑人
何九雲培所晉江人以年老不用劉廷琮釋掌番禹人
高衍念東蒙陰人黃燦蕪匡夷陵人吳崇烈見齋安邑
人萬發祥瑞門新榆人以塗面粧龔夾一夾張瑞天柱
掖縣人大司寇張忻子魏天賞崧菴遂平人龔鼎鉉公
永昌籍保山人史垂譽龍門豐城人李呈祥吉先霑化
人羅憲杖皇菴南昌人楊明琅質人晉江人胡統虞此
菴常德籍武陵人張家玉芷園東莞人賊初欲降之罵
不絕口三日夜仍授偽職偽祭酒薛所蘊行鳩孟縣人
司業偽吏政府攷功郎中郎萬象一章高陵人文選郎
中改偽府尹劉廷諫良載通州籍甯海人攷功郎中偽

稽勳郎侯佐東俾解州人驗封員外偽驗封郎熊文舉
雪堂新建人稽勳郎吏部主事王顯純伯曲周人吏部
司務係節帖雲楚雄籍武進人黨崇雅干姜寶雞人戶
部右侍郎偽戶政府屬孫襄伍雲宣城人郎中偽政府
屬陳展誦我恂濟甯人口口郎中偽戶政府屬李申徵
一南和人員外姬琨雲石華州人員外偽戶政府從事
賀久部淡菴湘鄉人主事陳聯璧尹光化人主事偽
授原官介松年赤仙解州人主事別單開有吳箴仲公
莆田人特用郎中郎中傅篤祥汝陽人南廷鏞不器渭
南人鄭爾圻起宗安肅人員外王鳳林羽臣芮城人郎
中李鍾秀做元蒲州人員外王高才無奇三元人主事

明季實錄

朱氏德慶校刊

胡之彬文菴光州人偽戶政府屬涂原芝蘭梁州人郎
中偽禮政府吳泰來履受新昌人員外甘來之弟員外
余忠宸沫之都昌人授安縣令湯有慶晴嶺長洲人員
外梓潼縣令張琦餘棗無錫人主事主事高去蒼柱河
甯晉人偽吏政府司務葉澍滄江橫州籍豐城人司務
別單開黃熙允恭庭晉江人郎中主事吳之琦雪茵晉
江人偽兵政府屬耿章先祖來籍輸人員外朱國壽生
生宛平籍丹陽人員外偽兵政府員外方允昌淡菴諸
暨人主事督清江南乘官船至宿遷別單有授淮安同
知鄒魁明彥先建昌人口口員外趙開心洞門長沙人
主事黃紀似岑瀘州人編修劉廷獻芹我濟甯人張慎

學趨正夏縣人劉養貞念衡大邑人馬大堂賊宥之黃昌允泰錄沅江人劉慶蕃借菴滄州人吳文熾澗菴錢塘籍休甯人特用李登雲梯仙晉江人吳剛思繆沅廷齋改助教別單有主事歸起先律菴常熟人何復見元平度人主事趙之璽崑陽樂平人工科給事中金汝礪太液仁和人陝西道御史張懋爵修其汾陽人偽府尹黃國琦五湖新昌人滋陽知縣行取候選偽縣令湖顯師梅井研人候選程玉成江津人候選偽戶政府從事王爾祿清澗人候選揚州府尹楊敬大興人候選兵政府從事吳剛思武進人偽直指使尙有張鳴駿廣陽龍溪人江西道偽授原官賀王盛無黨丹陽人太僕寺丞

明季實錄

吳

朱氏槐廬校刊

偽鳳陽府尹王子曜伯子華陰人行人偽山東防禦使徐家麟鄞縣人偽四川縣令王皋映黎保德人晉州偽長蘆運使王孫蕙曾吾無錫人行取濬縣偽太常寺正卿劉昌瀛州祥符人戶科左給事中昌與偽相牛同鄉最用事凡從逆者俱借徑焉偽諫議申芝芳九如嘉定人禮科給事中戴明說巖華滄州人禮科左給事中偽宜賓縣時敏修來遵化籍常熟人兵科給事偽直指使龔鼎孳芝麓合肥籍臨川人兵科給事偽縣令傅振鐸度山金溪人兵科給事偽防禦使孫承澤北海順天籍孟都人刑科都給事中偽諫議光時亨含萬桐城籍祁門人刑科給事賊黨祝醜改四川縣令翁元益象韓上

海人刑科給事偽政府屬郭充函亢隴西人刑科給事偽都直使高翔漢雲衢寶雞人工科右給事賀從天津人柳寅東鳳占梓潼籍徽州人應天巡撫偽諫議韓文銓四水咸甯人河南道偽廬州府尹熊世懿宗常麻城人河南道偽防禦使蘇京臨皋安東人江西道偽直指使陳羽白眉文南靖人廣東道候缺未補蔡鵬霄培目晉江人四川道改庶吉士裴希度晉卿曲陽籍遵化人陝西道衛貞固紫嵐韓城人雲南道直指使涂必滋印海南昌人掌河南道印徐一掄英度上虞人山東道授原職趙京仕城固人通政司左參議驗馬寺宋學顯令申長洲人通政司右參議大理寺卿吳履中暄山金壇

明季實錄

吳

朱氏槐廬校刊

人戶部侍郎偽助教錢伯坤大鶴長洲人大理寺寺正偽政府屬周蘭雲聚羅山人評事偽大理卿吳家周榔梅和州籍歙縣人尙寶卿偽防禦使林銘球紫濤漳浦人光祿監事偽成都同知呂兆龍靜銘金壇人書舍人偽府尹姜金允雲滄掖縣人中書舍人偽祠祭司從事李森先琳枝掖縣籍平度人博士偽政府屬吳道新桐城人助教偽政府屬許作梅傳巖新鄉人行人偽太常寺正卿李元鼎梅公吉水人太僕寺丞偽戶部員外張元輔相宸孝義人行人偽授原官李丕著愚公曲沃人行人吳達雪航無錫人邱鄆知縣阜城知縣黃繼祖吳愚無錫人喻上猷翠浦石首籍豐城人浙江道御史

以匿喪被參叩關投賊降虜方大猷歐餘烏程籍德清人河南僉事張鳴駿廣陽龍溪人戶部郎中原任江西道御史劉漢儒蓼生大興人四川巡撫革職衛周祚文石曲沃人戶部郎中王承曾芥菴夏邑人襄陽府知府冒毓宗礪嶽蒲城人山東僉事傅鼎銓聿菴臨川人檢討張若麒天石膠州人兵部郎中監軍督戰失機下獄後降賊督兵守關葉初春匡岑湖口人太僕寺正卿鞏焞成我真甯人河南提學參政楊起枝扶曦金山衛人戶科給事中廖國遴孟符長沙人原任戶科給事中革職

幸免諸臣攷

明季實錄

吳

朱氏槐廬校刊

國文嘉定伯周奎雲路大興籍長洲人都城破賊將張姓者至踞其室奎夫人卜氏姑媳皆自縊卜氏即先后所自出也諸子皆束縛以去兵士辱奎特甚後有權將軍李至見奎謙讓之極頗憐之乃以耳房數間撥與幸免于刑死子鉉夾未死幼子鑲鐘孫澤清澄俱存外傳奎獻太子以求免實無此事大都以鄙吝招謗耳浙江巡撫董象恒華亭人在獄中擬充餉贖罪釋出遁行取御史周亮工元亮祥符籍金谿人命已下見執迫不任而遁安廬巡撫鄭二陽潛菴郡陵人從獄中釋逃登萊巡撫曾櫻二雲峽江人從獄中釋逃副史施元徵曠如無錫人兵部左侍郎張伯鯨繩海泰州人逃最早太常

少卿王都介清崇德人廣東道御史楊爾銘錦仙筠連人

誅戮諸臣攷

成國公朱純臣心齋懷遠人獻門勸進世臣中之最逆者吳鎮兵臨賊欲迎敵恐其有變誅之定國公徐充植中元鳳陽人與成國公同誅昔建文之難其祖先增壽以獻門獲爵今始食其報云他元勳戚屬罕有全者不能盡錄次輔陳演贊皇井研人賊聞其富遂加毒刑所吐金銀最多珠亦盈斗先是演責治一僕僕恨之遂出自于賊言家主甚富即如某處有銀四萬八千兩賊兵如言往掘果如是因是垂涎不已受刑最慘竟誅死東

明季實錄

吳

朱氏槐廬校刊

開大學士魏藻德思令通州籍上元人夾二夾追出銀一萬七千兩其妻授一次子亦二夾飲水一盂死東閣

刑辱諸臣攷

太康伯張國紀憲章祥符人父子俱夾打籍歿周鑑明源大興籍長洲人左都督國文嘉定伯之長子素有弱疾以來死弟鉉一夾僅存奎姪銘削髮遁被獲亦受夾奎甥嗣于奎名鐸一夾獻銀六百兩俱不死勳戚中受刑辱者甚衆不能詳知特志周氏一門以例其餘東閣方岳貢禹修穀城人夾二夾完賊三千兩後自引決吏

部尚書李遇和貧谷洋縣籍榮昌人吏部侍郎雷躍龍
夢鶴新興籍上元人夾二夾吏部左侍郎沈惟炳炎州
孝感人夾二夾吏部侍郎張惟機晦中晉江人夾二夾
一頭箍又夾其僕二夾奪賊刀自刎兵部添設右侍郎
撫昌密右副都金之俊起凡嘉興人被獲夾二夾不死
今聞爲虜中大司馬工部尚書陳必謙益吾常熟人夾
二夾傷歸復遇土賊傷其掌指狼狽而免數日病死戶
部右侍郎王正志逢源靜海人夾二夾其子亦一夾一
授刑部尚書張忻北海掖縣人子張端天柱庶吉士少
詹兼侍讀方拱乾坦菴桐城人爲賊所執以美婢四人
賂賊將羅姓者得免夾青衣小帽額貼黃紙順字求薦

明季實錄

辛 朱氏槐廬校刊

于何瑞徵楊廷鑑徵乃其同年鑑其門生也少詹兼侍
讀胡世安菊潭井研人夾二夾諭德衛允文紫菴韓城
人以削髮被獲夾二夾左中允楊昌祚昭亭宣城人以
剪髮夾二夾編修林增志在先瑞安人以削髮夾四夾
甚慘宋之繩其武溧陽人削髮被獲以周楊二人力薦
于王旂鼓免夾囚之李士澹二河程鄉人夾四夾甚慘
檢討方以智曼公桐城人充定王講官賊兵挾往見僞
刑官遇認識獻銀若干從東閣逃歸庶吉士萬發祥新
喻人以塗面粧髻夾刑科給事中朱徽遂初進賢人工
科給事中彭瑄子白永州人浙江道御史馮垣登中心
新昌人山西道御史吳邦臣震嶺山陰人雲南道御史

鄭楚勳全初蒲田人考選御史曾溶秋兵嘉興人吏部
主事吳華昌宸九固始籍南昌人以削髮夾二夾楊元
錫康侯晉江人十三登科十四登甲戶部郎中張鳴駿
廣陽龍溪人陸禹思會侯溧陽人特用戶部主事彭敦
霖潛涵丹陽人特用兵部郎中朱希煌玉璠無爲籍五
開人兵部主事劉若宜奉齋懷甯人刑部員外郎陳鵬
舉麻城人不投謁被執見僞刑官叱使跪不屈推擊亂
下幾斃家人願以身代死賊義而釋之工部郎中李逢
吉延之青浦人夾一夾聶一心感有富順人工部員外
潘同春皆生餘姚人工部主事趙士錦前之常熟人鄒
逢吉藜石湖口人夾死申濟芳維甯長洲人夾損一足

明季實錄

辛 朱氏槐廬校刊

死而復活太僕正卿北祭酒孫從度大器清苑人夾四
夾追銀四百兩死于家中書劉明侯省作恩縣人以削
髮夾二夾陳翔帆懷閩縣人以削髮夾二夾行人郝傑
械清霸州籍綏德人以削髮被夾謝于宣鄞縣人以削
髮觸怒夾三夾幾死劉中藻洞山福安人以抗言願歸
籍觸怒被夾太常寺博士龔懋熙玉津江津人武學教
授沈浣仙崑山人夾損一足追銀五百兩國變錄尙有
鄭逢蘭范方俱注夾一夾逃復被執李起龍注削髮夾他
一夾何肇元注夾一夾逃復被執李起龍注削髮夾他
單所無又有楊若喬汪光緒拘繫未夾順天府推官劉
有潤綺巖南宮人不堪夾打以銀簪刺喉死國變錄開

死節禮部侍郎兼侍讀楊汝成方壺華亭人夾一夾以古玉杯金壺等物送王旂鼓仍授職太常少卿掌文選郎中事沈自彰順天籍上元人夾二夾雷用戶部左侍郎王鰲永湖淄川人夾二夾雷用戶部口寺丞吳履中安止金壇人夾一夾仍授大理卿順天府尹郝晉崑岳栖霞人夾二夾雷用中書舍人呂兆龍靜銘金壇人戶部主事蕭時豐元功大興人夾四夾禮部主事張正聲冲至惠安人夾二夾吳宗伯夾一日夜死

削髮受刑諸臣攷

衛允文二夾雷用楊昌祚剪髮二夾林增忠四夾不死受刑最慘中書劉明侯省作恩縣人二夾吳寧昌二夾

明季實錄

卷

朱氏槐廬校刊

萬發祥一夾庶常概用無受夾者以塗面粧髯觸牛賊之怒行人李起龍景純南宮人二夾郝傑械清霸州籍綏德人剪髮謝于宣三夾幾死劉中藻三夾中書陳翔吧懷閩縣籍長樂人削髮二夾方拱乾剪髮二夾自求雷用林蘭友二夾方岳貢二夾賊完三千兩不死雷用張維機二夾一腦箍又夾其僕二夾奪賊刀自刎死邱瑜二夾完賊五千兩不死雷用楊汝成一夾以古玉杯金壺等物託周鍾送王旂鼓仍授職吳履中一夾授職王正忠二夾公子一夾一撥陳必謙二夾李明睿二夾金之俊二夾沈維炳二夾王鰲永二夾雷用郝晉二夾雷用胡思安二夾李自淳四夾沈自彰二夾雷用張忻

二夾雷用陳純德二夾雷用方以智二夾王都二夾雷用鄭楚勳二夾吳邦臣二夾黃熙允二夾趙士錦一夾陸禹思二夾呂兆龍佯投御河爲賊所獲一夾授成都府同知兵科給事顧鉉青城成都人二夾雷用戶部主事蕭時豐元功大興人四夾禮部主事張正聲冲至惠安人二夾蔡國光二夾臨淄知縣鄒逢吉夔石湖口人二夾至死劉中藻抗言願歸籍觸怒二夾保定知縣欽取何肇元有羅武進人一夾逃去又被獲吏部司務鄭逢蘭芝澤侯官人夾一日夜死吳宗伯夾一日夜死浙江道御史馮垣登中心夾一日夜死孫從度四夾追銀四萬完訖死李逢甲一夾宋之純削髮因楊周二人薦

明季實錄

卷

朱氏槐廬校刊

于王旂鼓免夾周亮工逃楊若喬玉衡北通州人逃戶部主事汪光緒介菴通州籍武進人逃安邱知縣欽取劉令尹子木大同籍滄州人俱未來逃雷躍龍二夾張鳳翔二夾

潛身諸臣攷

蔣德璟十三日辭朝出崇文門外住鄭二陽逃曾櫻逃施元徵逃張伯鯨逃汪惟效逃工部主事翁希禹警菴溪宮人逃程兆科杖長上饒籍永豐人逃新進士宮偉鏐涇州人逃程子奇逃彭遇凱逃施元蔣臣削髮逃癸未停臚譚貞良嘉興人潛匿扮乞丐逃新進士史夏隆宜興人扮乞丐逃嚴通福州人逃林飭福清人逃王崇

簡逃禮部郎中周仲璉彞仲長興人逃

叛逆姦臣及賊授偽官攷

嘉定伯周奎大興籍長洲人獻太子張縉彥十九日辰時同太監杜秩亨開齊化東便二門獻城後仍被夾戮死宋企郊從逆之貢應魚鱗副杜動十九日即授偽官職光時亨授兵科給事中方允昌授兵部員外坐官船二隻在宿遷縣催漕糧楊起枝授文選司掌選禮部郎中劉大鞏熙鼎廣昌人授禮部員外二十日諸人倡為助餉之說各寫五十金託宋企郊先投手本召見梁兆陽授兵政府侍郎楊觀光授禮政府侍郎周鍾授檢討謬勸進表登極詔并獻下江南策逢人便說牛老師極

明季實錄

五

朱氏槐廬校刊

為歎賞項煜授太常寺丞時京師言渠門生黎志陞為賊心腹欲大拜之即昌言于眾曰大丈夫名節既不全當立蓋世功名如管仲魏徵可也後授職不稱始逃歸薛所蘊授祭酒何瑞徵授宏文院教習庶吉士葉初春授大理寺丞錢位坤授國子監丞初牛賊不收託周鍾賁緣為文選司顧楊赴部時對人曰我明日此時便非凡人了京師有不凡人傳趙京仕授左通政宋學顯授驗馬寺賀王盛授太僕丞吳家周授尙寶卿董象恒畱用未授職楊廷鑑授編修韓四維授修撰高爾儼授編修陳名夏縣梁為家人所教授編修張之奇順慶府尹趙玉森調別衙門用為避四川缺未補傅鼎銓授原職

楊明琅授防禦使魏學濂授戶部司務其僕以學濂墮壞家門忠孝對家主前自刎死張元琳西塘晉江人授庶吉士吳爾璠蓬溪人授防禦使魏天賞授兩淮運使馳驛出劉廷琮釋掌從化籍番禺人授四川知縣張元錫高珩胡統虞傳學禹羅文白微謙何允先皆授知縣李化麟李呈祥龔鼎皆授原職趙頻授知縣楊棲鵲黃燦成克鞏授原職張端授知縣呂崇烈授防禦使庶常中之錚錚者畱餘謹授原職朱積史可程亦授原職二十四日特召挾令作家書到南京張家玉罵賊捆三晝夜不死仍授原職以上俱翰林吏部員外左懋泰旦明萊陽人吏政府從事侯佐吏政府從事熊文舉從事劉

明季實錄

五

朱氏槐廬校刊

廷諫四川同知以上俱吏部孫承澤四川防禦使戴明說山東防禦使傅振鐸四川同知時明四川知縣赴選時適吏部門閉叩門大呼曰我兵部時明也申芝芳禮科給事龔鼎孳防禦使高翔漢授左都翁元益夜為賊棍打面腫宋企郊嫌其貌不揚授四川知縣郭克刑科給事金汝礪四川知縣朱徽四川知縣彭瑄山西知縣以上俱給事中林銘球紫濤漳浦人四川知縣柳寅東原職陳羽白原職張鳴駿俱授直指使蔡鵬香著候補京堂缺改授庶吉士衛貞固四川府尹貴州道徐必法印海南昌人四川府尹以上俱御史行人王于嚶伯子華陰人鳳陽府尹許作梅禮部員外兵部主事鄒魁明

彥先建昌人淮安同知新進士吳剛思武進人兵政從事徐家麟鄆縣人山東防禦使行人吳允謙春坪內江人山西知縣繆沅國子監學正行人李之奇封嵐交城人防禦使胡顯行人李丕著愚公曲沃人現任兵部主事龔彝和梅永昌籍順甯人授行人行人張元輔相宸山西孝義人戶部員外呂滋陽行取知縣黃國琦玉湖新昌人中書呂光龍靜銘金壇人吏部員外王顯純伯曲周人駐劄居庸保定推官董復天來武進人刑部主事王昌允泰錄沅江人廬州府尹河南道熊世懿宗常麻城人順天推官劉有瀾綺岳南宮人偽縣令兵科給事傅振鐸度山金谿人行人胡顯師梅井研人兵部主

日季實錄

三

朱氏槐廬校刊

事秦沂吉生無錫人阜甯知縣黃繼祖吳愚無錫人邯鄲知縣吳達雪航無錫人偽梓潼令禮部主事張琦餘棗無錫人以上俱選縣其他已挂選而不知何衙門者則有戶工二部右侍郎王鰲永潮潮淄川人夾二夾雷用總督糧餉侍郎王正志逢源靜海人順天府尹郝晉崑岳栖霞人左參議左通政趙京仕開吾城固人總督糧餉右侍郎黨崇雅干姜寶雞人原任兵部左侍郎侯恂六直商邱人兵部郎中張若麟天石膠州人授偽命督兵守關太僕寺丞李元鼎梅公吉水人賀王盛無黨丹陽人

大學士請申大逆上諭

大學士馬士英請申大逆事奉聖旨北京陷後凡稽首逆賊身污偽命的孽惡滔天神人其厥據奏光時亨冀鼎孽周鍾與陳名夏項煜等并其餘從逆苟免諸臣先著科道官逐名嚴覈公同具奏來看以憑法司定罪

諸臣題奏殉難死節事上諭

七月初七日署吏部尚書顧錫嘯題奏殉難死節事奉聖旨仗義死節范景文等十人應得謚廕祠卹著禮部從優議覆有遺漏的察實補敘其反君事仇諸人先著吏部并科道官確核除名法司即行分別定罪俱限十日內次第具奏

戶科給事中熊汝霖謹題為激烈死難事奉聖旨楊文

明季實錄

三

朱氏槐廬校刊

瓊布衣死難衣帶中二語烈烈可傳著核實旌表禮部進士王日俞直陳就義事奉聖旨許刻以諸生等憤死足愧逃降諸臣禮部覆奏
戶科給事中陸朗題為部臣殉難事奉聖旨徐有聲罵賊支解殉難最烈該部從優旌卹
禮部侍郎管紹甯題為死不辱國事奉聖旨劉熙祚罵賊殉義不愧風紀祭葬依擬與諡忠毅贈廕一子入監讀書四忠共祀俱准行四忠劉熙祚黃章馬世奇金鉉管紹甯恭報吳鎮事奉聖旨吳襄閭門殉難忠烈可嘉著贈遼國公夫人祖氏加祭二壇并與祭葬二子同時死節應贈卹職銜著兵部議覆

陝西監軍御史題奏諸臣殉難請旌表疏

陝西監軍御史霍達題為確報延鎮殉難各官并各鎮死難鄉紳懇乞聖慈優卹以培忠義事臣據榆林死難游擊陳二典家人來投總督軍開城內戰死者原任總兵尤世威侯世祿侯拱極學書王世欽王世國李昌齡原任副將尤翟文常懷德等見任游擊孫貴等原任守備白慎衡等見任遊擊傅德等見任守備陳一典左勉等掌印指麾李文焜等以上各官皆誓死守城臨難不屈表表大節真可炳耀千秋垂光青史而一時同難指揮千百戶各官死者千餘人斯又一時之奇千古之特焉至如道臣都任知力不支合門死難而尤世威以身

明季實錄

朱氏槐廬校刊

任提調守城之責見城已陷舉家百口付之烈焰身冲鋒刃戰死街心則雄武忠烈之至苦者也慶陽府城內官弁紳衿同心死守賊狠攻四日城陷屠戮一空而道臣段復興知府董琉鄉紳原任太常寺少卿麻禧等皆以死殉難忠節表著所當一并議卹賊初八日入關時攻陷商州道臣王世清不屈慘死已經奏報外城內鄉紳士民慘遭屠戮惜無主名不敢請卹至于鄉紳原任冢宰南企仲老臣倔強辱死道傍禮部主事南居業被執不屈罵賊而死宣府巡撫焦源清不授偽職凌辱至死大同巡撫焦源溥被執罵賊割斷其舌山西參政田時震詰封副都御史朱常德俱不受偽官自盡山東巡

按王道純奉其親于蒲城北殷堡賊拿到省大罵不屈而死咸甯縣舉人朱誼係四川王奉國中尉賊欲加以偽官授井自盡凡此皆聞見極確極真所謂精忠不二視死如歸實足以風勵臣節扶植綱常所當從優賜卹以慰忠魂以示風勵

甲申二月廿七日吏部確報延鎮殉難事奉聖旨南企仲贈太子少保王道純贈太僕少卿南居業贈光祿少卿各廕一子朱誼贈順天宛平知縣韓上言宋世達贈按察司僉事各廕一子焦源清焦源溥田時震俱准復原官贈右僉都御史朱家任贈右副都御史南企仲弦蒲渭南人太僕寺正卿王道純南居業元洲渭南人禮

明季實錄

朱氏槐廬校刊

部主事焦源清湛一三原人宣府巡撫焦源溥澗一三原人大同巡撫田時震御宿富平人山西參政韓上言宋世達朱誼朱家任崑海河州人冀北道右參議河南道參議段復興徽繩陽穀人慶陽府知府董統珏石開州人鄉紳原任太常寺少卿麻禧立齋陝西慶陽人

鹿城募建報國道場追薦忠魂水陸大會疏

邇者潢池竊發寢廟震驚我大行皇帝血詔臣民烈殉社稷爰及聖曆同時上賓地坼天崩實終古未有之變成仁取義激敷天不共之仇追維御極之初以迄升遐之日凶危洊至艱大獨膺十七年不釋外虜內寇之憂于萬世其切有君無臣之痛苞苴塞路朋黨盈庭無事

則載寶而朝有急則奉身而退君父孤危而莫問百姓
愁歎而罔聞致使神州陸沉中原鼎沸舉目有山河之
異臨風動禾黍之悲哀念屬階真堪痛哭賴遺烈之震
動感忠憤之勃興一時在廷頗多就義誓心一叙毋汚
校尉之鬚握節九原欲濺侍中之血至有父子偕死夫
婦同歸屬忠孝一家之風題節義雙成之句罔不身騎
箕尾氣作山河義照汗青烈垂竹帛嗚呼燐流碧草陳
碧招正則之魂精貫白虹齒指弔真源之屬懷古如此
撫今可知吾等痛哭時艱媿顏平原之殺賊躊躇夜半
慚祖刺史之聞雞徒愛主恩罔中國恤聞知鄰邑共以
佛事而效涓埃敢告是邦亦藉善緣以輸忠愛期始仲

明三寶錄

卒

朱氏槐廬校刊

塘報稿

陝西延安府米脂縣為塘報事職自正月初二日奉制
臺密札隨喚貢士艾詔面諭機宜尋訪李成去訖至初
八日艾詔回縣云自榆林尋得李成來見職隨進後堂
詢問稱伊闖賊里人曾為賊祖葬墳因識其墓所賊祖

李海父守忠係本泉縣雙泉都二甲人闖賊李自成幼
曾為僧俗名黃來僧為姬氏牧羊奴自崇禎三年西川
賊卜沾汎作亂流入賊營不知下落至崇禎九年領人
馬千餘來縣城外自通姓名回家祭祖號稱闖將人始
知其姓氏今年月已深不記其祖葬處當時葬日開土
是三空穴內有黑碗一個因填其二穴用一穴安葬仍
以黑碗點燈置墓內今但找有黑碗即賊祖也職隨喚
練總黑光正堡長官王道正率領箭手三十名鄉夫六
十名卽刻起身入山一晝夜行二百里始到其地名三
峯子住宿是為初九日夜下大雪深二月餘山路混滑
馬不能進職下馬步行五六里至其山塢道崎嶇久絕
人蹤攀援而上又一里許見窰舍十餘處牆垣尙存卽
闖賊村莊再過一山則其墓也四面山勢環抱氣概雄
偉奇木叢雜不下千餘大小墓二十三座伐五六塚其
骨皆血色油潤不似遠年枯骨然皆無黑碗天晚難以
下山遂坐賊舊窰中至天明再掘數塚而黑碗見卽李
海也其骨色墨黑額頭生白毛六七寸許其左側稍下
一塚是李守忠墓頂上長榆樹一株其粗如臂根枝四
圍籠罩用斧砍斷其墓始開中間盤白蛇一條長一尺
二寸頭角巍然揚起三寸高向日張口復盤臥隨卽裝
入袋中黑光正盛伐其骸骨凡骨節間皆綠如銅青生
黃毛五六寸許其餘骸骨有毛者七八塚盡數伐掘聚

明三寶錄

卒

朱氏槐廬校刊

火燒化大小林木千餘株悉行砍伐斷其山脉賊墓已破王氣已洩賊執自敗其黑碗白蛇呈驗軍門訖理合塘報崇禎十五年正月十四日米脂縣知縣邊大綬塘報陝西總督軍汪喬年手札讀來諭足見門下報國熱腸第須察訪的確莫使被及無辜庶天理順而人心正也他日滅賊當以門下之功爲首此覆汪制臺再札來札知闖墓已伐可以制賊死命他日成功定當首敘以酬草履

御史題秦中死難各官并榆林失地情形疏

十七年正月二十八日陝西監軍御史霍達題爲秦中死難各官并榆林失地慘傷情形仰祈聖明立議優卹

明季實錄

卷三

宋氏槐樹校刊

以示風勵事臣凡遇寨中逃出之人卽逐細加查問中有守城慘死各官關係名節當爲勸懲之者謹一一陳之賊攻省城如撫臣馮師孔力戰不屈死按察司黃綱自縊死長安知縣吳從義投井死渭南知縣楊暄城陷被執不屈死已經按臣金毓峒具報訖今所開如商雒道臣黃世清聞賊攻破潼關自縊死于本道衙門蒲城知縣朱一純賊攻奮力守城內三四快手投賊立脅歸順本方詔以更衣身抱印信投本衙門井中死若鄉紳則原任磁州道祝萬齡聞賊破身攜一帶速至關中書院斯道中天閣下哭拜宣聖從容自縊死而賊掠三邊由鄜延及榆林中部知縣朱新建自知守城不支先令

其妻妾自縊死一妾尚未配合本官急遣之去其妾垂泣情甘投縲然後本官亦從容死此皆聞破潼關各官死難之情形也十二月十五日又據清澗縣據汾州府屬戶任尙禮從榆林城北草地逃出將羸願與茶商十二月十一日入榆林城止過一夜十二日逃闖差偽官到榆林城下將銀數萬招降各官而道臣都任并閑廢總兵王世欽侯世祿侯拱極尤世威各堡精健但歛入城徧集城內官兵而問之曰爾等或守或降說定主意使作區處滿城之人皆一詞惟願死守于是衆志成城自十二日講至十四日晚不能得降遂于十五日早四面攻城垣用大礮日夜攻打城上亦用大礮弓箭扼敵

明季實錄

卷三

宋氏槐樹校刊

數日內城牆打壞數處賊入從城南門空洞而入當時東南城塌壞數十丈遂于二十七日午時城陷而城內各鎮將與賊頭目巷戰自午至晚往返沖突官兵死傷殆盡力不能支僅存千餘人從水西門殺出逃入草城外打死賊衆約以三四萬計打傷賊頭目過天星黨將官等五人招回省城而城內官兵與合城婦女投死與自盡投井者靡有子遺又據兵部差官探得榆林見任總兵官王定潼關敗回之後同高傑俱到延安府十一月初四日賊將到時高傑率兵渡河王定奔回省城至十二日早到領夷漢家丁數十人投入草城說要調取達子與闖賊廝殺報仇等情到臣臣看得逆闖攻入潼

關以來陷省城破州縣人無固志所在瓦解而死事各
官如撫臣馮師孔見危受命抗節不屈被賊殺在東城
憲臣黃綱道臣黃世清訕不共戴奮勇激烈皆自盡于
本署知縣吳從義朱一純朱新達以天潢令尹合家殉
難尤為毒慘鄉官祝萬齡生前身任名教臨難從容就
義所當與見任各官竝從優議卹以鼓忠義者也至榆
林素稱忠義之城年來餉絕軍飢困苦萬狀闖賊威脅
利誘竟無一人為之易志卽賊惡攻三晝夜力竭城柵
各賊入城猶巷戰終日殺傷甚眾卒致慘亡滿城忠義
萬人一心從來未有雖各官存亡尙未得的據而死守
情形已極真切所當再行參明另請優卹以新殊典者

月三實錄

朱氏 魏樹校刊

也若夫未亡各官受賊偽官偷顏苟生者紛紛藉藉殊
駭聽聞容臣再疏入告

殉節諸臣籍貫

陝西巡撫馮師孔芝園原武人贈右都御史按察司黃
綱季侯光州人贈太常寺卿商維道副使黃世清澄海
滕縣人贈光祿寺卿榆林中部右參議都任宏若祥符
人贈光祿寺西安府長安縣吳從義歲青大興籍山陰
人贈僉事蒲城知縣朱一純霞洲平定籍鳳陽人延安
府中部知縣朱新達開之汾陽人合家殉難鄉紳則有
原任磁州道祝萬齡嵩葵咸甯縣籍金谿人本邑陷殉
難原任總兵王世欽陝西總兵侯世祿玉齋榆林衛人

山海總兵侯拱極樞襄榆林衛人指揮同知尤世威王
學書王世國延綏總兵李昌齡玉川鎮番衛籍榆林衛
人渭南知縣楊暄杏園高平縣人

附錄蒼梧兄酉陽雜筆

秦昭王使白起伐楚略取蠻夷始置黔中郡漢興改爲
武陵有五溪謂雄溪藉溪酉溪澗溪辰溪在今辰州悉
是蠻夷所居皆紫瓠之子孫也東漢初渠帥曰精夫繫
瓠之後

沅水出牂牁故且蘭東北經辰州潭州岳州由洞庭湖
入江

武溪在盧溪縣西百八十里卽五溪之一

月三實錄

朱氏 魏樹校刊

酉陽縣舊屬武陵郡漢黔州彭水縣地所謂五溪蠻也
辰地早晚正月初杏花大放元宵節桃李鐵梗海棠盛
開正月杪梨花盡吐二月望卽見牡丹二月盡三月初
花事反寥落矣詩柄有燈夕桃花雪裏梅花映雪海棠
帶霜梨花諸詠皆實錄也

辛巳年十月辰溪東門十里亭桐子樹上生一大刀狀
如偃月又生一劍共託一根其狀酷肖卽刻畫有不如
者解貯府庫

自常武抵辰婦女足多自然足執輪纏隻日右足雙日
左足

俗供神像有有頭而無軀者名穉神一于思紅面號東

山望公一珠絡窈窕號南山聖母兩人兄妹為婚不知其所自始楚黔皆崇祠之

婦女耳墜若番僧銅鑲男家聘婦用墜即表于耳有重至一兩者

嫁女用嫁履盈筐廟見後出以送其夫族

楚俗信巫尙鬼皆虛中堂供佛獨不置竈突炊烟曲屈

不得出蒸而為煤薰而為涕更可笑者門庶聽樓簷宇逼湊不露一隙光明城外曠處亦然

楚人作門戶檻最高門最低稍長者必俛首出入偶一

忘懷必遭磕擊比戶皆然

辰俗動以強姦誣人教其妻堅執其所訟者首尾捏造

明季實錄

朱氏愧感校刊

若有粉本及視其妻則禿頂顰面脣腹巨壁滿堂匿笑而長舌益厲痛治一二乃絕

僧袁寂澄抱牒訴云急救妻命事牒陳施主公助娶妻蔡氏與鄰人爭田被擊訊之果髡而有室者此也髡而

巾髡而娶不足奇也

辰俗生女多溺死故女甚貴再婚亦須三十餘金前夫

久而復訟謂之求敷訟牒中十有六七甚有男子僅三

四十而女人已六七十者其老死不得娶者又比比也

辰俗棄妻不以為異其退婚券中立誓云一休二休十

離九休高山磊石沉落深溝清白親夫永不回頭

辰俗迎春廩生二十人皆公服乘馬前導迎新官亦然

禮生即廩生為之

有叔頌姪者稱其夫婦曰哇夫蠶婦亦新

辰俗呼溺曰觀風

呼外父曰家公呼外母曰家婆妻曰婆娘婆而係之以娘尊之也非賤之也向人稱妻兄弟為舍舅呼叔曰晚

晚言其晚得也亦有稱父曰晚晚者言認為叔之子易

長養無刑剋也壽常稱呼則稱父母為哀爺哀娘又有

稱哀姐者

辰字多訛不問字義即一人而自寫姓名前後矛盾有

富民熊孟魁投牒再為孟奎三為孟達後則以孟為夢

以魁為虧其可笑如此 凡人官必寫如官以如為入

明季實錄

朱氏愧感校刊

也有廩生湯仁洽或呼之為仁合或曰仁恰又有庠生蕭洽露亦曰恰露

季考諸生題為以能保我子孫黎民有一生起比云民自黎也不關子孫事也子孫自子孫事也并不關我事

也

童生題為與鹿豕遊一生云舜父頑也而舜與之遊鹿

亦與之遊然則鹿其頑矣乎舜弟傲也而舜與之遊豕

亦與之遊然則豕其傲矣乎

榮藩金印重十七觔今在辰州府庫

癸未年河南掘一石碑上有字云眾姓孽惡貫盈借彼

手伐伊人咸陽起梁晉落一畝川分三坡空標要地終

無利一旦身亡乃牛角 另一行云左良王至此無糧
後云劉伯溫記云

近又掘得碑記云遠望超超路骨多壯士紛紛把劍磨
水居燕國歸南土血染滇黔流楚河馬尾羊頭猶自可
雞猴相鬥奈如何若得太平甯靜日金豬銀犬息干戈
偏院季乾德行檄至縣言近日蜀山崩出石碑有云今
日流明日流流到如今斷了頭張也敗李也敗敗出一
个好世界 時李炎張獻忠正熾

闖賊的名自成一炎米脂人

癸未冬末賊執張甚忽童謠云勸你休時不肯休死在
兩縣夾一州若還要取辰沅靖鐵樹開花水倒流公安

明季實錄

炎

朱氏德虛校刊

石首夾澧州賊屯其地

癸未夏初武昌白石中一龍墜長街業已僵死其腥異
常五月晦張賊陷城屠戮最慘長街一帶約數里靡有
孑遺

楚中之變億兆被劫肝腦塗地不必言矣惟天潢一派
分封楚地最多如武昌則有楚府衡州則有桂府長沙
則有吉府常德則有榮府寶慶則有岷府蘄州則有荆
府襄陽則有襄府荊州則有惠府岳陽則有華陽府永
州各縣則有岷府蕪陽分封承天則有顯陵各有守兵
一聞賊至望風而潰何嘗與一交手致金枝玉葉塗炭
流離如惠桂兩藩係帝親叔而所至迫逐無容身地更

可憫也

武崗州岷藩多行不義百姓勾賊攻打殺害癸未三月
二十一日報

惠藩于十二月二十八日舟次岳州大風忽起破其船
二十餘號襄唐兩藩于正月二十三日舟次陳陵磯五
鼓亦發大風破其船百號兩藩宮眷及沼院從事僅以
身免

荆州臘月十六日被惠藩于初九日先移入舟偏院都
督御史移鎮荆者為陳睿謨武進人微服預遁今與惠
邸寓湘鄉知府陳志忠臨川人奔岳州長沙既陷桂藩
護衛一空王出走百姓奔散賊隨據之永與衡鄰衡陷

明季實錄

炎

朱氏德虛校刊

永必不全潰兵四五萬奔入永州騷擾民閒逃竄一空
九月十九日賊至僅五六百人而四五萬兵望風奔潰
自相踐踏死者無算直指劉熙祚武進人被執不食六
日自縊或云被殺于甯鄉宗師廟署永府篆者節推吳
晉錫吳江人先奔歸籍後遁居城中

劉劬思自永州被陷為賊所執于癸未九月二十七日
殉節于永陽臨絕賦詩二章題于署中云倥傯軍旅已
逾年家室迢遙久別顏南北骷體驚作壘湖湘宮殿燼
成烟鷓血不沾無冢骨烏啼偏集有狐田死生遲速皆
前定堅此丹心映楚天故園隔別已經年今顏非復舊
時顏山川草木皆含淚縱虎旌旂盡作烟老婦履尋芳

蝶麥兒孫切莫種書田長宏化碧非常事畱此孤忠向九天

惠桂兩藩俱于九月十七日抵永州舟載宮眷輜重將往廣西全州僅距一百二十里滿急弗能上十九日賊至兩藩乘馬逸宮眷俱被掠

長沙與衡州接壤守長沙江口賊不得渡八月間桂府募兵六千將尹先民頗駿勇統兵據浮屠施礮設柵業有次第而撫治王聚奎必欲弔兵守城尹曾痛言守江為上守城非策王剛愎自用不聽其謀賊偵無備果一擁而入王先遁尹戰死道臣馬雲起長洲人遁免節推

蔡道憲江門晉江人殉難邑令吳應恂宜興人亦先走

月三筆錄

三

宋氏槐廬校刊

蔡公罵賊不屈被磔楚中撫治王聚奎聯珠郡縣人隨惠桂兩藩奔廣西梧州

桂藩體肥重輿夫須十八人乃舉有別苑十二區每區集女樂百二十人癸未之變孔全斌副將步兵先于衡城外劫典舖桂藩即集諸女樂并宮女共二千餘人聚而燔之號呼震天并宮殿俱付一炬

孔將守長沙其潰也孔不知所在部下統兵官郭天才傅大任退聚洪江恣行擄掠案中各擁重貲皆掠吉藩者傳係孔將門役廝養為之時事可知

吉藩最富拋擲幾十萬金榮藩最貧每年僅仔粒萬金耳其始奔也僅挾五千金寓辰谿久費盡

襄陽壬午臘月初二日破襄藩出奔撫治王永祚崑山人并逃與唐襄兩藩避長沙宜興知縣陳美石渠新建人死之長沙距衡陽四百里八月二十五日長沙破桂藩即以二十八日出奔越一宿而人民逃竄盡矣城空賊入未嘗破也賊于九月十五日始至

長沙史可鏡登戊辰進士為工垣長艱歸被察扼腕不平賊到即降授偽巡撫賊去團兵獲之以獻偏院得其致劉鐵棍書勸劉降賊乃痛杖五十發沅州詳審獄具又杖二十欲其速斃而頑鈍不死想天厭其惡也劉鐵棍時為副將駐武崗有勇名清州一帶賴以全隨升總兵

明三實錄

三

宋氏槐廬校刊

湖廣不一年而失十四府所存者惟辰州耳襄陽以壬午十二月初二日破荆州十二月十六日破承天癸未元旦破漢陽三月二十二日破黃州三月二十三日破武昌三月三十日破岳州八月初五日破長沙八月二十三日破衡州八月二十九日破常德三月初十日破十一月二十三日再破惟鄖陽德安之破不記月日承天府癸未正月初一日申時破湖廣巡撫宋一鶴九臬清苑人守道張鳳翥威亦宿松人鍾祥知縣蕭漢象眉南豐人死之巡按李振聲米脂人投降總兵錢中選華亭籍大同衛人被擒寇破荆州考試諸生就試者九十人取七名首名賞三百金餘百金不取者各十金題

爲三分天下有其二復考者甚衆賊云此皆開門投順不忠之士也盡殺之

鄖陽旁縣皆破惟府城賴西洋礮得全知府余啟元望仁合肥人超擢治院

衡永潰兵盡聚洪江約萬人所掠婦女三千餘人子女玉帛不可勝紀

統兵將官爲郭天才偏撫李乾德聞澧州既復統兵至淑浦聞常澧復陷即引兵而還不發一援不動一矢奇矣哉

左帥曾三擒張賊張說之云公爵尊而橐未厚不若釋我以為外援賂之數萬左領其言遂歿全楚趙公子無

明季實錄

朱氏槐廬校刊

瑕曾陷賊中言賊實畏官兵夜不釋甲不離馬而官兵無一與之敵者線索暗通遵左令也

閩賊部下有四支張賊老狗狗曹操一斗粟皆受其節制老狗狗聽調而不聽宣張賊逢人則殺號西府兵楚

中傳言張獻忠于癸未四月二十三日已死有九子今招獷者其長子張錦也

犯衡陽者爲賊張獻忠第四子孔全斌被殺盡收其兵

趙公子見其行軍長四十里見馬則搶人多不殺瑪瑙山之戰左兵甚銳張賊寇極墜崖傷一子大兵雲集給

一口糧即可深入而川撫邵捷春侯官人遲回不發致賊復逸楊閣部以情聞上邵雖已死而張賊用狡計破

襄陽全羅既邵死不足贖也

自賊中逃還者言張獻忠詭譎百端今見在未死爲丙午生向傳其死者乃其狡計耳

常德屹然巨鎮爲全楚咽喉滇黔門戶楊文弱請加雉堞金湯甚固道臣潘士彥宛平人忽于正月十七日倡

逃夜半開門走出爲榮藩宗室制其輜重道臣及家眷僅以身免其寵人睡鞋爲衆掠得幾不出門潘守常德

甚久有潘打劫之號甫晉兵巡值分守兵備俱缺手握三象而以勤王募兵爲名公然遁出致民無固志重地

瓦解寸磔不足贖也

常德自道臣逃後遷徙殆無虛日兼荆之逃奔周晉者

明季實錄

朱氏槐廬校刊

向爲偏院中軍統軍三千肆掠城市榮邸不得已于三月初三日晚逸出時世子甫半歲國母止二十二歲周

弁勾賊而賊已空城不足厭其欲遂巡良久于三月初十日始至城何嘗破埽空以待之耳常宗室初四日欲

出即不可得聞皆被害已而周弁爲劉直指訪擊杖死常德自三月破後賊去而逃民自漸復我鄉徽蘇大賈

紛紛重載而下有五百人作夥附大海舟鐵貓桅竿忽作吼聲徹商溪南吳姓者亟以桐油賤售販豈還浦市

不數日而常德復陷四百九十九人無一免者常德秋間稍定榮藩以十月初復歸至再破一掃無遺矣獨國

母幼潘幸得保全

榮邸承奉云賊有老成者亦不妄殺人惟宗室無得免者

潘上彥以勤王為名隨地逍遙正月二十七日至桃源縣復被士民驅逐二月初至辰州聞榮邸播遷三月初六日又攜家眷至辰谿後聞榮邸將至十五日夜半家眷先逸士彥隨發其行也酉陽士子叢而訴之而責其悖

署武陵縣事者為會同令周麟元招靖州兵以守護藩邸統之者為王守備名申錫三月二十一日晚藩邸舟至辰谿守備縱兵肆掠毀令乘輿飛石亂擊旁若無人酉陽夙養民兵號精悍聞閩而起百姓助之金鼓震天

月三實錄

朱氏德應校刊

亂兵驚遁色得以全

溫如珍係四川總兵初奉旨調守承天部兵六千人壬午十二月二十八日至承天癸未元旦城破溫頭破一刀墜城濠莫參將救之得生六千人皆散失沿途收潰卒四五十人至常德復招兵六千皆市猾游棍否則亡命為盜者也既無糧餉惟恃劫掠人人恨之入骨冬月賊再至其部下弁流錢姓者統一千三百人禦之牛皮潭人殊死戰而後五營先奔五營者黔將譚得勝楊得功李守監軍李之晟土司于騰龍也五營既潰溫亦繼之而一千三百人皆飽賊刃矣今溫寓辰谿部兵僅存四千皆不可用

溫總戎察明敢勇衛籍臨安人初調守承天則棄陵而逃退屯常德恣行搶掠慘暴過賊其部下五月不給糧專倚打撈為生及賊再犯常德又望風先遁輜重山積皆棄不顧初有兵六千從賊殆半臘月十七日過辰谿竟歸歸矣

溫兵過辰邑約三千有餘內婦女未及百人其妍麗者不過二三人聞其在益陽携江右巡撫郭天門女勒索五千金贖女方有娠溫竟置幕中至宴客呼令佐酒坐客有泣下者溫弁自奉僭侈動用什物皆金銀製造姬妾凡二十人為賊擄去十二人僅存其八有優一班未動也

月三實錄

朱氏德應校刊

官兵沿途擄掠所得婦女號為兵眷

常武賊再退後楊仲丹遣人偵之民間家供一牌上書西府萬萬歲順民某人左鄰某人右鄰某人而其家則屠戮無遺矣聞賊審是官兵則斷其手城中手幾百擔白晝鬼嘯不見人形

元墓山僧旭初以募緣至常武王府供養冬月之變隨顧弁走踰桃源追者躡其後僧登崖避之見官兵四五千人失魂喪魄爭前恐後頃刻間落崖墜澗死者不計其數僧以為賊大隊至矣及數之止十六騎耳而四五千人之望風急遁自相踐踏焉用是赳赳者乎貴督遣副將羅姓者統三千人勦賊二月二十六日到

辰谿停泊三月不行聞其行牌尙是十月二十九日貴
省距此僅十餘日而逍遙四月俟賊蹂躪既遍屬厭而
去援兵方下常武以恢復爲名近來可笑大都類是
辰州有哨兵二十餘臘月初二日調至辰谿十三日始
去停留十餘日近縣樹木皆斧爲薪自童叟以至拱抱
無一免者始尙偷竊漸成公市一日一兵可得四五分
數日米價浮千金矣諸兵無糧全仗打撈爲生又值歲
荒惟得蘿蔔一味爲朝夕饗殮當事者初以急調稍甯
卽置不用數日後復返面無人色噫兵驕將惰固今時
大病乃欲其忍飢寒而驅之死地不大難乎

明季實錄

宋氏槐廬校刊

辰州節推胡會賓桐城籍雲南人慷慨任事加御兵巡

統兵復澧州益陽近常德再破則已殉節真烈丈夫矣
後子節溪自崖墜得尸已喪其元其子認曲指腿痕而
得之

左良玉先爲李賊殺敗心膽俱裂統兵數萬過承天而
不援直下省會人皆以叛兵目之正月初置酒高會其
部下皆子女玉帛充盈所謂數萬者婦女老稚居其過
半實四萬人而已元夕擬張燈大會忽報賊抵漢川連
夜遁去遂下黃州圍城索餉次下九江安慶飽掠客商
焚劫百姓居然一叛賊矣朝議憚其擁重兵乃事姑息
加銜頒賞何異養癰今賊遠去仍還省會以恢復爲名
酒色太過蹙蹙而行民間皆畏之如虎

良玉戊戌生

張獻忠令票云西府平南先鋒張云云其詞悖逆不能
悉舉總爲楊閣部而發有云楊某弔動天下兵馬與子
爲難其子又到處團練鄉兵敢行抗拒楊已中吾刃令
掘其墳墓燬其房屋有拿得楊族一人者賞銀十兩有
拿得其親子孫兄弟者賞銀一千兩復書癸未十二月
日上有平南先鋒印楊公子仲丹親取出見者
楊氏本南直建平縣籍國初以赤籍隸武陵合族亦僅
百指列衣冠者二十餘人甲科尙存二人薊撫撫山公
其一也 修齡之祖曾爲染匠

明季實錄

宋氏槐廬校刊


常德夏秋賊退居民重構十已七八仲冬重破恣行焚
毀髮此不留尸山血海聞者傷心故相楊文弱三子及

其弟侍御撫山一子幸而得脫楊閣部戊子生庚戌二
十三成進士庚辰死封疆年五十三楊大司馬修齡公
墓癸未冬爲賊所發雋榮王乃王太妃子年十四而姐
太妃哀之罄宮中珠寶金玉殉葬癸未春亦被發楊氏
四世墓俱被發大司馬修齡公及其祖父骸骨皆燻而
粉之雜草剉以餉牛馬閣部公獨葬沅江縣在天星河
之濱距武陵三里被發時蟒玉肢體如故賊支解其尸
龍陽百戶某收其元首及其一二懿戚楊修齡公父墓
已葬四十年癸未冬盜發之刀斫其頭鮮血噴出賊見
而異之故逸去先是蕙圃翩翩里中一日出郊外有被
髮而爭鬪者若不欲生訊其故則其人姓萬川客販椒

爲牙儂負二十四金有急欲速歸不得蕙圃慨然如數
應之其人感謝識姓名而去當寇時僅一子七歲以爲
死矣乃爲賊擄入川寓萬姓之地地方殺賊而留其種
各詢所自子能言其父祖名姓萬抱持泣曰此子恩人
子也乞養之亡何其土官須姓者無子轉字爲子蕙圃
不知也偶其宗人入川邂逅萬客附一信至須從索之
須不能諱然不計難阻蕙圃因其年伯陳鹿萃時爲偏
院持令牌箭開關數十里而往始得其父子重合子
已十八歲矣子出手示人右手兩指半削則初擄去時
馬上罵賊賊以刀斫之故也

光緒歲在著雍困敦春月吳縣朱記榮槐廬家塾校刊
明季實錄終

行朝錄



序

唐末黃巢逼潼關士子應舉者方流連曲中以待試其為詩云與君同訪洞中僊新月如眉拂戶前傾取嫦娥攀取桂任從陵谷一時遷中土時文之士大抵無心肝如此豈知海外一二遺老孤臣心懸落日血濺鯨波其魂魄不付盪為冷風野馬者尙有此等人物乎向在海外得交諸君子頗欲有所論著旋念始末未備以俟他日搜尋零落在苒三十載義熙以後之人各言其世而某之所憶亦忘失大半鄧光薦填海錄不出世惟太史氏之言是信此聊爾談其可已夫左副都御史餘姚黃宗羲梨洲氏書

錄序目

一 越中徐氏刻本

行朝錄目

隆武紀年

紹武之立

魯王監國

上

魯王監國

下

永曆紀年

章貢失事

舟山興廢

日本乞師

四明山寨

沙氏亂滇

賜姓始末

江右紀變

增

錄序目

二 越中徐氏刻本

餘姚黃宗羲

隆武紀年

思文皇帝又稱昭宗 襄皇帝諱聿鍵小字長壽太祖高皇帝九世孫

也父義封於河南南陽府以唐藩世子追封裕王母毛氏帝生三歲祖端王惑於嬖妾囚世子承奉所帝亦從之稍長讀書即能識大義雖處患難而志氣不挫年二十八尙未請名世子爲其弟毒死端王諱之將傳國於次子分守道陳奇瑜入弔謂王曰世子薨逝不明若不立其子事必發覺王懼始爲帝請名立爲世孫王薨

錄一

越中徐氏刻本

崇禎五年壬申帝年三十一襲王位選妃曾氏諸生文彥女

七年甲戌流寇披猖南陽當其衝顧其城庫薄帝捐千金脩築太守陳振豪弗授工帝以爲言毅宗怒逮振豪置理帝援潞王近事乞增兵三千人設參將一員以陳永福充之不許

八年乙亥冬賊再犯南陽上疏臣府護衛一千二百人近制以其半爲汴梁班軍給撫臣以下役使無謂惟明詔念臣困阨以全軍見還毅宗報之曰南陽番直班軍祖制已久朕不敢變時毅宗欲行宗室換授之法陳子壯署禮部事執不可帝貽書子壯相駁難其書稱說典制援據經傳皆

有原本廷臣顧弗及知特以諸侯王尙氣持異同而已毅宗尋下子壯於獄眾口惜子壯者輒以尤帝帝亦薄公卿爲不足重而爭宗藩體統劾總督盧象昇不朝其所建請繁多廷臣交惡而意思之

九年丙子八月京師戒嚴帝率衛軍勤王又殺其兩叔汝南道周以典止之不聽至裕州巡按御史楊繩武以聞旨下切責會前鋒值寇亡其內豎二人乃返國十一月下禮部議給事中馮可賓鍾珮議廢爲庶人安置鳳陽高牆押發官同知張有度欲以檻車行帝自裁不殊至鳳陽守陵奄人索賄不得致鎖以困苦之帝不勝其辱病幾殆曾妃制

錄一

越中徐氏刻本

股以進始愈有司廩祿不時資用乏絕時有望氣者以高牆中有天子氣言於淮撫路振飛假賑罪宗入牆見帝心獨異之帝告以衷慮狀振飛上疏請加恩罪宗贍以私財且謫吏之無狀者石應詔伏法

十七年甲申五月宏光登極大赦帝出高牆或云赦出封南陽王遣官送寓廣西道杭州而南都陷

元年乙酉帝勸潞王監國三日潞王出降時靖虜伯鄭鴻逵自京口戶部主事蘇觀生自南都胥會於杭遂奉帝入閩閏六月七日監國二十七日卯時祭告天地祖宗即皇帝位於福州南郊建行在太廟社稷以福建省爲福京福州府

為天興府布政司為行在大明門立妃曾氏為皇后大赦天下改是年七月一日以後為隆武元年

遙上宏光尊號曰聖安皇帝稱思宗

進封靖虜伯鄭鴻逵為靖虜侯南安伯鄭芝龍為平虜侯並

賜號奉天翊運中興宣力定難守正功臣以黃道周為少

保吏部尚書兼武英殿大學士蘇觀生為禮部右侍郎張

有堂太子少保吏部尚書吳春枝兵部右侍郎兼右副都

御史並賜號奉天翊運中興宣猷守正文臣各官陞賞有

差又賜鄭森芝龍子姓曰朱賜名成功總督禁旅以駙馬體

統行事

錄一

三 越中徐氏刻本

開儲賢館定十二科取士以蘇觀生領之既而招徠者多狹

邪之士上亦厭而罷之

鄭芝龍掌戶兵工三部尚書奏軍餉急請兩稅內一石預

借銀一兩民不樂從反愆正供每府差侍郎科道徵發以

浦城訓導王兆熊為吏部主事兼御史管義餉兆熊沿門

搜括不輸者榜其門為不義於是閭里騷然芝龍又請清

理寺田可得八十萬上不聽

署戶部侍郎李長倩請開事例從之

自黃道周而外凡有聲望者何吾騶蔣德璟黃景昉朱繼祚

林欲楫姜曰廣吳姓高鴻圖路振飛蘇觀生曾櫻陳奇瑜

鄭三俊熊開元黃士俊顧錫疇陳子壯皆為大學士然多

遙授不至者其後又以林增志李光春同入閣辦事舊輔

傅冠入朝自請恢勦江右從之已而遷延邵武為諫官

所劾而罷

上賜宴大臣鄭芝龍以侯爵位宰相上首輔黃道周謂祖制

武職無班文官右者相與爭執終先道周而芝龍快快不

悅諸生佞芝龍者上疏言道周迂腐無能不可居相位上

救督學御史扶之

初鄭芝龍鴻逵自恃援立之功汲引姻婭要地清流口授上

前如吏科給事中朱作楫戶部主事葉正發皆門下吏人

錄一

四 越中徐氏刻本

也其後上不盡從遂懷怨望及郊天於南臺皆稱疾不出

戶部尚書何楷劾之言朝廷大典莫過郊天而二勳不出

陪祭無人臣禮上賞其風裁令掌都察院事已而鴻逵扇

於殿上楷呵止之二鄭益怒楷知不為二鄭所容請告再

三上欲兩全之暫子回藉論以收復南京即召總憲楷至

中途遇盜截其一耳蓋芝龍使其部曲楊耿為之也

蘇觀生請上幸贛州親率六軍以張捷伐鄭氏方欲挾帝以

自重議久不決觀生遂先赴南安上親祖於殿門

以天興府學為國子監上親幸學祭酒賴垓進講三品以上

官坐聽其餘皆立侍圍橋觀者濟濟

九月總督丁魁楚獻桂林之捷先是靖江王亨嘉僭號改桂林爲西京封楊國威等爲公侯發兵至梧州執巡撫程式相以去據有郡邑將逼廣東魁楚拒之靖江兵戰敗圍桂林破之俘亨嘉及其臣顧奕楊國威等至福京而式相照舊巡撫桂林上命楚淮諸王會議廢亨嘉爲庶人幽之別室尋病死顧奕等皆棄市會冊封桂王并封魁楚平粵伯上欲不次用人以鎮江諸生錢邦芑爲御史熊開元執不可上不聽已而邦芑議開元開元罷去

上以王期昇爲總憲彭遇鸞僉都御史路振飛曾櫻封還內降上曰方今多事用人必欲循常調非休休之度振飛言

錄一

五 越中徐氏刻本

遇鸞新進士降賊而南乞憐馬士英巡按浙江搜括民財至於激變期昇在太湖奉簡州知州朱盛徵係宗室始稱通城王繼稱皇帝賣官奪女兩山百姓不容故爾逃來非臣等之私隙也上乃罷二人

二十四日徽州陷右僉都御史金聲被執至南京而死

十月黃道周見鄭氏偷安殊無經畧中原之志自請出關芝龍不與一兵道周以忠義激發旬月之間義師頗集親書告身獎語給爲功賞得之者榮於誥勅然皆未練之兵不能應敵至有偪軍鋤擾棘矜以隨其後者名肩擔兵從廣信抵衢州婺源令某道周之門人也馳書誘道周許爲內

應道周信之至明堂里北師猝至遂爲北師長天祿所執殉節於南京事聞賜諡忠烈自道周出師後何吾驥自廣東至川爲首輔賜銀章日輔佐中興

上親征以唐鄧二王監國鄭芝龍留守料理兵餉鄭鴻逵爲御營左先鋒出浙江鄭彩爲御營右先鋒出江西築臺西郊擇吉日親行推轂禮鴻逵出城馬蹶仆地及上誓師方授鉞而大風忽起旗幟披靡天帝高皇帝前燭滅三軍莫不失色

十二月六日上發福京二十八日駐蹕建寧府

二年丙戌正月己酉朔上不受朝賀以三大罪自責布衣蔬

錄一

六 越中徐氏刻本

食臣下各戴罪

馬金嶺兵變命路振飛至浦城安撫

海外交趾日本皆遣使入貢

廣東布政使湯來賀運餉十萬由海道至擢兵部右侍郎督師江右御史艾南英言來賀奸險小人周鍾自北逃回來賀匪之揚署且解餉之任指揮僚佐所優爲豈日能賢遽膺顯擢何以示後上不聽

邵武推官朱健行部近邑訛言北師至倉猝返郡夜半出其孥帑知府吳焯燁繼之百姓爭門走死而實未嘗有兵也健無以自解搗燁燁倡逃并其平日貪狀焯燁亦搗健時

建陽知縣施燧亦以貪酷被劾上方恨貪官之失民心也
欲以高皇帝之法行之爇燧燧皆斬健絞輔臣勳臣以下
申救終不能回

馬士英叩關來朝上數其罪不許諭守關官兵毋納士英士
英前後七疏列件自理上命付史館存案以俟公論

浙江監國魯王遣柯夏卿曹維才來聘上加夏卿兵部尚書
維才光祿寺少卿手書謂朕無子王為皇太姪同心戮力
共拜孝陵朕有天下終致於王取浙東所用職官同列朝
籍不分彼此尋遣僉都御史陸清源解餉十萬給浙東清
源散餉不平兵譁而遁或曰馬士英使之也

錄一 七 越中徐氏刻本

廣西撫按報一僧自稱宏光謂黃得功營中所獲者非真也
上召九卿科道議迎請羣臣曰即真宏光甫經失國有尊
奉而無迎請撫按續報有侍宏光者驗之果偽下獄究之
妄人假託以惑眾

三月二十四日吉安陷

四月撫州陷初江邵間有大帽山洞蠻最强王師屢征不服
永甯王某誘之出降與北兵屢戰屢捷因復撫州北兵圍
撫鄭彩軍屯廣信永甯王請救其監軍給事中張家玉以
三營往撫圍暫解已而復合彩遂棄廣信入關撫州復陷
永甯王死之洞蠻亦散上聞削彩爵帶罪立功

闖賊李自成為通城九宮山民擊死其四十八部無所歸楚
督何騰蛟遣長沙知府周二南迎之未至中流矢死賊帥
欲得騰蛟親至乃降騰蛟聞即往賊帥皆驚喜下拜至軍
前聽用一時驟增兵馬數萬上喜告太廟封騰蛟定興侯
進兼東閣大學士降帥皆授總兵官李錦賜名李赤心賊
一隻自成妻高氏弟賜名高必正號為忠貞營已因湖南
糧不給降者稍稍解去李高十三部散入施州衛因糧歇
馬其郝搖旗改名馬進忠王進才張光翠袁應第牛萬才
張先璧等十餘營悉隸騰蛟麾下受節制

錄一 八 越中徐氏刻本

泉人蔡鼎其為人也多言李遵密疏薦其前知上辟為軍師
所言事多不中鄭彩既敗回鼎請自試一戰而蹶逃回
上謂國家元氣之削由於靖難命禮臣追復建文年號立忠
臣方孝孺祠設姚廣孝像跪於階前

六月鄉試福省舊額中式二百一十七名特旨廣七十名錢
邦芑請一榜盡賜登科以成曠典繼因御史劉霖懋言凡
下第者俱聽復試

鄭鴻逵久駐關外未嘗展一步有傳北兵至者鴻逵徒跣疾
行三日夜而抵浦城詢及後至者則兵譁也事聞上削其
封爵

鄭芝龍為洪承疇所給啖以閩粵王爵凡關隘水陸之兵自

二月間俱已撤回浙東既潰北師入閩如無人之境守浦城御史鄭爲虹科臣黃大鵬死之

七月上生元子大赦覃恩從龍諸臣悉加封爵御史錢邦芑力言不可上不聽

二十五日上御朝據關上主事搜得關中出關迎降書二百餘封命悉焚之論諸臣改心易慮

八月仙霞關警報至上即於二十一日啟行上與中宮皆騎馬猶載書十餘扛以從二十七日上下奔汀州有十餘騎

叩城曰扈蹕者開門納之則追騎也遂執上與曾后后至九龍潭投水上崩於福京或曰建寧代死者爲唐王聿釗

錄一

九 越中徐氏刻本

汀州代死者爲張致遠上實未死楊陸策刻帝與曾后同斬汀州其從難

之臣賴垓戊辰進士熊緯河南丙子解元未進士山人陸

賊而給事中從駕汀州被獲於行宮外罵死其後朱成功屯兵鼓浪嶼有遣使存問諸臣者云爲

僧於五指山然亦莫必其真偽也粵中立國上尊號曰思

文皇帝

史臣曰帝英才大畧不能鬱鬱安於無事在藩服之時

已思撥亂而反之正及其遭逢患難磨礪愈堅兩京既

覆枕戈泣血勅斷葷酒後宮不滿三十人半係老嫗於

世之嗜好淡如也性喜文詞手撰三詔見者無不流涕

感動御製祖訓後序行在縉紳便覽序皆典雅可誦所

至訪求書籍親征亦載書數十乘故太祖命名詩於唐

王位下有嘉應協銘圖之句不可謂非天生之令主也

論者徒見不能出關遂言其好作聰明自爲張大無帝

王之度此以成敗而論也夫鄭氏以盜賊之習習海島

無君之俗據有全閩始願已不及此既無鞠躬盡瘁之

忠難責以席捲天下之志謀身謀國兩者俱乖不亦宜

乎帝之託於鄭氏所謂祭則寡人而已其一二心膂之

臣所籍以經營恢復者如黃道周蘇觀生皆有儒者氣

象未嘗非諸葛之亞也而束縛其手足使之不能一展

其所長蛟龍受制於螻蟻可責其雷雨之功哉向使蜀

錄一

十 越中徐氏刻本

漢有竊命之雄諸葛不能發其一甲轉其斗粟則雖欲

成三分之業亦豈可得乎故帝之亡天也勢也

行朝錄一

光緒十九年徐氏鑄學齋雕木

山陰薛炳校

277.4 93.5

行朝錄卷二

餘姚黃宗羲

紹武之立

紹武皇帝諱聿鎮

鎮係英宗廟諱恐誤或云聿錫

隆武皇帝第四弟也隆武

改元封唐王以主唐社稷敗浮海至廣州時大學士丁魁

楚瞿式耜已奉桂王諱由榔監國於肇慶隆武大學士蘇

觀生從賴入廣故與魁楚有隙以為由隆武而言則宜及

其弟乃與大學士何吾騶布政使顧元鏡在藉侍郎王應

華於丙戌十一月癸卯朔請王監國使主事陳邦彥通好

桂王

錄二

越中徐氏刻本

初五日王即皇帝位以廣州都司署為行在改明年為紹武

元年自舊輔觀生吾騶而外顧元鏡王應華皆為東閣大

學士以軍國事專屬觀生

陳邦彥至肇慶桂王見於舟中皇太妃垂簾丁魁楚侍立言

戰與平孰便邦彥曰天潢之序固應屬王何平之有以言

乎戰外患方殷寧可尋踪譚尙貽笑千古不如早正大位

以屬人心魁楚然之遂以其月十八日桂王即位加邦彥

兵科給事中齎詔至廣州邦彥至而唐王已正位號遂不

敢人而以詔致觀生觀生頗不自安已而桂王命總督林

佳鼎武靖伯李明忠領兵至三水帝使督師陳際泰

非江陳

大禦之二十九日戰於城西唐兵大敗佳鼎兵晝夜兼行

十二月二日遇唐兵於海口唐兵皆大艦乘東南風發火

箭火球以焚桂舟桂兵登岸淖深三尺人馬陷全軍皆覆

林佳鼎中砲死李明忠僅以數十騎免

唐桂方相持而北帥佟養甲李成棟自閩入廣潮惠皆開門

降即用兩府印文移廣州報無警觀生泰然不為備當是

時廣州陸寇則有花山砦水寇則有石徐馬鄭謂之四姓

兵觀生皆撫之為用然桀驁不聽節制白晝殺人市中懸

其賜於官府之門莫敢向問七門之外號令不行十五日

北帥李成棟遂以十七騎疾趨廣州門者納之

錄二

越中徐氏刻本

帝方幸學閣射羣臣朝服行禮俄報北兵至觀生曰此妄言

為賊間者斬之既而洶洶猶以為花山砦人未幾紅笠載

道宿衛萬人倉卒不及集帝變服踰垣匿王應華家尋絕

城走洛城里為邏者所獲安置東察院成棟使人饋食帝

不食曰吾若飲汝一勺水何以見先帝於地下自縊而崩

觀生過吏科都給事中梁鑒問計鑒曰死耳觀生乃大書

大明忠臣義士固當死九字於壁而縊死太僕寺卿霍子

衡國子監司業梁朝鐘行人梁萬爵死之十八日殺諸王

之在國者十六人何吾騶顧元鏡王應華皆降而元鏡尤

醜

史臣曰唐桂之構外懼方張又生內憂蘇觀生之罪又何逃焉然觀生受隆武特達之知其立紹武也與苟息之不食其言可以並稱矣豈僅僅修丁魁楚之隙哉若帝之從容遇難可以追配毅宗所謂亡國而不失其正者寧可以地之廣狹祚之修短而忽之乎

行朝錄二

光緒十九年徐氏鑄學齋雕木

山陰薛炳校

錄一

三

越中徐氏刻本

餘姚黃宗義

魯王監國 紀年上

監國魯王諱以海高皇帝十世孫也父王壽鏞崇禎十五年

壬午北兵陷兗州自縊死

崇禎十七年甲申二月甲戌王嗣位北變後南下

南渡宏光元年四月命移江廣暫駐台州

五月十日宏光避位首輔馬士英以皇太后至杭州左都御

史劉宗周曰士英亡國之罪不必言矣焉有身為宰相棄

天子挾母后而逃者當事既不能正名討賊國人曷不立

錄三

越中徐氏刻本

碎其首乎賈似道死於鄭虎臣亦不可得可歎也哉

時路王監國王諱常芳隆慶之孫劉宗周令分守甯紹台道于穎上疏

請急誅馬士英不報宗周與穎書曰監國舉動全無足恃

此等疏朝上即宜夕下何至四五日尙無進止明府不必

候旨再具三疏中大義於天下而已亡何濬王降宗周既

絕食而死者僉都御史祁彪佳諸生王毓著潘集周卜年

皆投水死浙東郡縣降附易置官吏

閏六月初九日餘姚攝印官發閱左爲馳道執扑以行役者

而扶其不勉者役者反扶攝官建義旗間中少年輟耕而

從者數千人其明日而諸生鄭遵謙應之於紹興遵謙少

喜任俠不爲繩墨之士所禮聞人屈尙志逃至越遵謙筆

殺之曰吾聞諸劉先生即宗周曰凡係逃官皆可誅也紹興

守會稽令皆新署遵謙斬之而起召其故所知豪傑往時

王期昇爲太守夢有持謁入者覺而記其姓殷以問推官

陳子龍子龍曰亂兆矣此殆會稽守殷通也至是又明日

而刑部員外郎錢肅樂應之於甯波時定帥王之仁已授

降表肅樂大會縉紳士子於城隍廟召募義勇謝三賓陰

致書之仁謂一二庸妄書生恐爲禍階須以公之兵威脅

之之仁至甯陳兵教場受約於肅樂出書誦於壇上三賓

戟手欲奪之之仁色變有爲三賓者使之任餉而止而兵

錄三

越中徐氏刻本

部尙書張國維已至台州與陳函輝宋之普柯夏卿共請

王出監國

即日移紹興以分守公署爲行在列兵江上分地戍守方國

安當七條沙王之仁當西興鄭遵謙當小曆孫嘉績熊汝

霖錢肅樂當瓜里

羣臣皆奉表勸進上曰孤之監國原非得已當俟拜孝陵後

徐議樂推未爲晚也固讓不許

以張國維朱大典宋之普爲東閣大學士國維督師江上大

典鎮守金華之普司票擬未幾起舊輔方逢年之普謝事

起章正宸爲左侍郎署吏部事李向春戶部尙書王思任

禮部尚書余煌兵部尚書張文都工部尚書陳雨輝吏部
右侍郎加孫嘉績熊汝霖錢肅樂皆督師右僉都御史進
方國安鎮東侯封王之仁武寧侯

上皇太子號曰悼皇帝宏光帝曰報皇帝路王曰潞閔王

七月張國維復富陽命姚志卓守分水

江上之兵每日募食鳴鼓放船登陸搏戰未幾又復轉圜還
戍率以爲常維熊汝霖以五百人渡海寧轉戰數日夜至
橋司士卒殘破畧盡乃還

當是時孫熊建義皆書生不知兵迎方王二帥拱手而讓之
國成凡原設營兵衛軍俱隸方王而召募之街卒田兒則

錄三

三

越中徐氏刻本

身領之方王既自專反惡孫熊之參決而分餉分地之議
起分餉者以孫熊之師謂之義兵食義餉以方王之師謂
之正兵食正餉正餉田賦所出義餉勸力無名之征也分
地者某正兵支某邑正餉某義兵支某邑義餉也有旨會
議方王司餉者皆至殿陛譁然戶部主事董守諭而奏分
餉分地非也當以一切正供悉歸戶部覆兵而後給餉覆
地而後酌給之先後所謂義餉者雖有其名不可爲繼戶
部主事邵之詹議以紹興八邑各有義師專供本郡寧波
專給王藩以金華歸朱閣部以五府歸方藩然方王終不
可統計浙東錢糧六十餘萬兩藩自分義師或散或留聽

其自爲懲勸於是新安王兵散督師所領之營亦不過數
百人而已

八月兵部尚書田仰從海道至留爲東閣大學士

十月壬辰北兵至方國安嚴陳以待張國維率步兵接應裨

將王國斌趙天祥繼之北兵大敗迫至草橋門丁

隆武遣兵科給事中劉中藻頒詔於越張國維曰今日之事
凡爲高皇帝子孫皆當同心戮力成功之後入關者王此
時未可言上下也熊汝霖曰吾知奉主上不知其他皆不
奉詔中藻廢然而返

十一月進方國安爲荆國公王之仁爲寧國公封鄭遵謙爲

錄三

四

越中徐氏刻本

義興伯上勞軍於江上駐蹕西興築壇拜國安命各營皆
守節制時馬士英阮大鍼竄入方營欲朝見上不許下羣
臣會議多言士英當誅熊汝霖曰此非殺士英時也正欲
令其自贖耳兵部主事某曰非不當殺但不能殺耳然春
秋之義孔子亦豈能殺陳恒固不可言不當殺也

十二月上回越城

以謝三賓爲禮部尚書尋入東閣

鑄大明通寶錢

兵部主事署餘姚縣事王正中進其所造監國魯元年大統

歷

魯元年丙戌正月乙酉朔上在紹興

以柯夏卿曹維才為使奉書國中

二月張國柱掠餘姚其部曲張邦寧掠慈谿國柱者劉澤清

之標將也航海至浙東依王鳴謙於定海國柱有弓箭手

五百人其力足以制鳴謙乃劫之入內行朝震恐議以伯

爵廢之某與孫嘉績裁量署為勝虜將軍始返定海

總兵陳梧敗於携李渡海掠餘姚之鄉聚王正中遣兵擊之

鄉聚相犄角殺梧朝議罪正中某言梧之見殺犯眾怒也

正中保守地方不當罪乃止

三月十九日毅宗大祥董守諭請輟朝哭臨三軍縞素一日

錄三

五 越中徐氏刻本

從之

北兵決壩放船入錢塘江張國維嚴飭各營守汎王之仁率

水師襲戰乘風碎北船數十隻鄭遵謙獲鐵甲八百餘副

四月王正中率師渡海鹽破澈浦城

五月加孫嘉績熊汝霖東閣大學士兩督師所將皆奇零殘

卒不能成軍嘉績以其兵盡付某某與王正中合師三千

人兩浙來受約者尚寶司卿朱大定太僕寺卿陳潛夫兵

部主事吳乃武查繼佐又數百人附之渡江劄譚山將取

海寧以江上兵潰而返

六月丙子朔兵潰時夏旱水涸有浴於江者徒步往返北兵

驅馬試之不及於腹數十騎過江而列戍驚擾走死不暇

矣上山江門出海令保定伯毛有倫扈元妃世子山定海

而出張國維陳函輝余煌王之仁皆死之方國安方逢年

馬士英阮大鍼皆降從征福建方馬至半途伏誅大鍼未

降之先同黨逆之馮銓已書其姓名屬之南征者懸內院

之缺以待大鍼初降不知也其同邑潘應奎逆黨汝時為

委署杭嚴道名位下大鍼數等大鍼入謁應奎故作聲色

欲斬之大鍼不覺屈膝既而示以銓之書大喜過仙霞嶺

見雷續祚索命墜馬折頸而死朱大典猶守金華不下北

兵賦民間耕牛載砲集城下苗頭惟向一處晝夜不絕聲

錄三

六 越中徐氏刻本

城崩北騎隨烟而入大典自焚死屠其城白金華陷而全

閩無一矢之拒矣

史臣曰當義旗初建士民喟然有吞吳楚之氣方王肯

受約束趨死不顧利害竟渡錢塘江此時北師之席未

暖三吳豪傑等聲而響臻未必不可與天下爭衡也某

嘗與王之仁言公等不從赭山以下進師而攻其有備

意蓋在自守也蕞爾兩府以供十萬之眾即北師坐視

不發一矢一年之後亦滌地無類矣之仁避其言而不

能用日與兩督師爭長短一死不足贖也

行朝錄三

光緒十九年徐氏鑄學齋雕木

山陰薛炳校

錄三

七 越中徐氏刻木

餘姚黃宗羲

魯王監國 紀年下

監國魯元年丙戌六月丙子朔浙江兵潰上發紹興富平將軍張名振乘石浦以舟師扈上海投肅虜伯黃斌卿於舟山斌卿不納飄泊外洋保定伯毛有倫扈張妃世子至定海為叛將張國柱劫去會永勝伯鄭彩至舟山遂奉入閩

十月丁酉上發舟山

十一月丙寅上次中左所即夏時鄭芝龍方降北令彩執上

錄四

越中徐氏刻本

以降彩不可匿上而以南夷貌類上者服上冠服居舟中謂守者曰苟事急則縊死以示之北人挾芝龍去乃已芝龍之子鄭森思文帝賜姓氏曰朱成功不肯隨父復建義於海上而以中左所為營然亦不欲奉上改明年為隆武三年於是鄭彩奉上改次長垣以明年為魯監國二年海上遂有二朔

二年丁亥正月癸卯朔上在長垣熊汝霖為相

辛未上禡牙出師提督楊耿總兵鄭聯皆以兵來會

進鄭彩為建國公張名振為定西侯楊耿為同安伯鄭聯為

定遠伯周瑞為閩安伯周維芝為平夷伯阮進為蕩胡伯

周維芝復海口以參謀林篤舞總兵趙牧守之

二月壬申朔克海澄明日攻漳平失利又明日北師救海澄南師退入於海丙子克漳浦以閩人洪有文為令五口而陷有文死之

陷有文死之

鄭西王某復建寧其裨將王祁復邵武祁營山中取民間几卓數百張每張懸火線數十炷黑夜順流環城而過守者謂祁兵薄城砲箭交下遲明方知其偽守者習之不疑一日祁至遂破

四月海口陷林篤舞趙牧皆死之周維芝兵退保火燒梟

六月攻漳州南師失利

錄四

越中徐氏刻本

七月上親征次長垣會鄭彩周瑞周維芝阮進之師攻福州敗績

八月丙戌克連江

十月長樂永福閩清皆下羅源知縣朱丕承寧德知縣錢楷皆以城降

以馬思理為東閣大學士林正亨戶部尚書錢謙樂兵部尚

書沈宸荃工部尚書劉沂春右副都御史吳鍾巒通政使

司通政使余颺左都御史林耀吏科給事中黃岳吏部考

功司郎中

大學士劉中藻起兵福安攻福寧州將破其帥涂登華欲降

弟謂人曰豈有海上天子船中相公錢肅樂致書謂將軍
獨不聞有宋末年二王不在海上文陸不在舟中乎後世
卒以正統歸之而况不為宋末者乎今將軍死守孤城以
言乎忠義則非其主也以言乎保身則非其策也依泐鼎
以稱安巢危林而自得計之左矣登華得書遂降
辛未鄧藩審理陳世亨以一旅復安固援兵不繼被執罵賊
而死

吏部文選司主事林奎兵部左侍郎林汝翁攻福清兵敗皆
死之奎不避矢石日暮敵衝其營被殺汝翁被執北人欲
降之不屈除夕服金屑死初奎於隆武朝主銓政曰此潤

錄四

三 越中徐氏刻本

色太平之事願今日之所急耶乃罷去募兵數千人為鄭
芝龍所阻不得志復散兵入山制棺一具布衣一襲書大
明孤臣之柩以待死聞上至而起兵

禮部尚書兼通政司吳鍾巒申明職掌言遠近章奏武臣則
自稱將軍都督文臣則稱都御史侍郎三品以下不計江
湖游手之徒則又假造符璽販鬻官爵假卧邱園而云聯
師齊楚保守妻子而云聚兵數萬請加嚴核募兵起義者
則當問其冊籍花名原任職官者則當辨其勅書劄付上
是之

三年戊子正月丁酉朔上在闕安鎮

同安伯楊耿大學士朱繼祚攻興化克之興化分守道彭遇
颺故宏光時之御史也令其守將出戰而登陴立大明赤
幟守將不敢入

癸丑鄭彩殺大學士熊汝霖及義興侯鄭遵謙汝霖票擬每
右瑞而左彩彩積恨之已而鄭彩與遵謙交惡上次闕安
從亡諸臣之室俱保琅琦李茂者彩之裨將也汝霖奴子
與之爭口元夕汝霖自上所歸沐熊鄭兩家籍瑱相問遣
李茂以熊鄭合謀奔告汝霖遂為所害彩以遵謙同姓弟
畜之使領陸兵於牛田鄭氏故以商船為業遵謙強取二
船資萬計由此交惡汝霖見殺遵謙復不祕其辭也彩乃

錄四

四 越中徐氏刻本

詐扑部將吳輝輝扶傷就謙求書投鴻達遵謙過輝船送
之被擒輝既擒遵謙而難於而之伏船底不出謙呼曰汝
鄭彩斬養殺我豈出汝意而相避乎輝出遵謙乞隻雞孟
黍哭奠汝霖既畢蹈海死謙之妾金四姐者故娼也嘗嘗
殺其婢王氏下于獄遵謙以千金出之遵謙死金四姐東
藁象彩每饋食斬象人以侑哭彩聞沉之於海中

二月以錢肅樂為東閣大學士
北帥郭天才來降江西金聲桓遣天才接闕與巡撫佟養勳
有隙故降封為忠勤伯

三月興化陷東科給事中林燭自縊興泉守道楊棻緋衣坐

堂上遇害

市田陷大學士朱繼祚知縣都廷諫死之

永福陷兵科給事中郭正畿賦絕命詞投水死御史林逢經

亦投水死

長樂陷御史王思服毒妻李氏同死

建甯陷王祁巷戰自焚死

上在閩中先後復三府一州一十七縣北調江廣兩浙之兵

來救所復州縣皆陷至是僅留寧德福安二城

六月戊戌大學士錢肅樂卒初涂登華以福甯州降鄭彩受

之然福甯危而後安降由於劉中藻故幕府立焉彩反掠

錄四

五 越中徐氏刻本

其地肅樂與中藻書每不直彩彩聞之恨甚肅樂故有血

疾亦念其恨也疾動而卒

十月大學士馮思理卒

以沈宸荃劉沂春為東閣大學士

四年己丑正月辛酉朔上次沙埕

三月寧德陷

四月福安陷大學士劉中藻死之中藻在福安北師前後來

攻所殺傷數千人北師乃循城十里掘濠樹柵圍之中藻

不得出戰食盡為文自祭吞金死部將董世南等同死者

數百人

六月召張名振復建跳所

七月壬戌上次建跳闕地盡陷鄭彩亦遂棄上而去名振逆

之至浙從亡者為大學士沈宸荃劉沂春禮部尚書吳鍾

璽兵部尚書李向中兵部侍郎孫延齡左副都御史某兵

部職方司郎中朱養時戶部主事林瑛每日朝於水殿而

吳鍾璽飄泊所至試其士之秀者入學率之見上襴衫巾

條拜起秩秩

壬午北師圍建跳蕩胡伯阮進率其樓船數百至金鼓動天

北師解去

封王朝先為平西伯朝先初同張國柱王之仁出海黃斌卿

錄四

六 越中徐氏刻本

留之部下不任以事朝先故土司調征塞上累立戰功不

肯鬱鬱居閒請循邊海至奉化之鹿頸四五月而聚兵數

千邊海為之出賦

八月壬辰世子生

九月丁酉張名振阮進王朝先共殺黃斌卿建跳乏食阮進

以百艘泊舟山告急斌卿不應亦不使人至建跳奔問官

守於是合攻舟山斌卿與其二女赴水死

十月己巳上駐蹕舟山

劉沂春還闕以張官堂為東閣大學士朱永佑吏部侍郎孫

璽部尚書

五年庚寅正月乙卯朔上在舟山

九月周瑞周崔芝樓船三百餘艘分屯溫之三盤以爲舟山
犄角亡何瑞芝有隙上使武陵人胡明中往解之明中至
三盤搆之益甚瑞遂南依鄭彩芝亦北依阮進彩與朱成
功爭中左所彩大敗泊沙埕具表請援芝進既怨彩瑞而
名振欲結歡於成功反擊破彩之餘兵

十月辛巳朔日有食之

六年辛卯正月己卯朔上在舟山

二月乙卯張名振殺王朝先當黃斌卿之破也阮進收其水
師朝先收其陸兵軍資甲仗一不以付名振嫌隙遂成鄭

錄四

七

越中徐氏刻本

彩之敗名振與進因而墮之朝先又不與合是時朝先居
守舟山名振治兵南田朝先不虞其見襲也士卒散遣民
舍名振猝至朝先手格十數人而死

台州分守道耿應衡遣奸細入舟山託於日者謂上之祿命
宜禳災星張名振設醮請上行香兵部郎中某上疏爭之
謂如此舉動使敵人聞之當日行朝無人矣

北師會攻行朝松江張天祿出滬關金華馬進寶出海門而
陳錦總督全師以出定海行朝聞之定西侯張名振英義
伯阮駿扈上發舟山泊道頭

八月辛酉北人試舟海山南師以三舟突陣獲樓船一隻戰

艦十餘滅十一人而縱之

丙寅天大霧北師悉抵螺頭門守陴者方覺先是阮進請海
門議利北欲誘之進以數船脫歸值北帥金礪之舟進以
火球投礪風轉蓬脚反擊進面創甚投水北人刺取之安
洋將軍劉世勳都督張名揚統兵五百義勇數千背城力
戰殺傷北師千餘人

九月丙子城陷北人相謂曰吾兵南下所不易拔者涇縣江
陰合舟山而三耳思文帝嘗聞涇縣江陰之以守見屠也
嘆曰吾家子孫遇此二縣三尺之童子亦當哀而敬之

錄四

八

越中徐氏刻本

大學士張有堂蟒衣南面視其妾周氏方氏姜氏璧姐子婦
沈氏女孫茂漪皆縊死然後題詩自縊禮部尙書吳鍾巒
居普陀聞變曰吾從亡之臣當死行在渡海入城別有堂
自縊於孔廟吏部侍郎朱永佑被執北帥令剃髮活之永
佑曰吾髮可削何待今日砍其脅死僕負屍出城流血沾
衣僕哭曰主生前好潔今無知耶血遂止兵部尙書李向
中居舟山城外北帥搆得之向中衰經翔武殺之通政使
鄭遵儉兵科給事中董志寧兵部郎中朱養時戶部主事
林瑛江用祺禮部主事董元兵部主事李開國朱萬年顧
珍工部主事顧宗堯中書舍人蘇兆人安洋將軍劉世勳
左都督張名揚工部所正戴仲明錦衣衛指揮王朝相內

監太監劉朝定西參謀顧明楫諸生林世英皆死之

七年壬辰正月癸酉朔定西侯張名振大學士沈宸荃兵部

左侍郎張煌言扈上至中左所尋居金門沈宸荃艤舟南

日山遭風失維不知所之

八年癸巳正月戊辰朔上在金門

三月上自去監國號

丁酉三月上在南澳

己亥六月上遣官致祭故光祿寺卿陳士京

後聞魯王為鄭成功沈之海中

史臣日上自浙河失守以後雖復郡邑而以海水為金

湯舟楫為宮殿陸處者惟舟山二年耳海船中最苦于

錄四

九 越中徐氏刻本

水侵晨洗沐不過一盞艙大周身穴而下兩人側臥仍

蓋所下之穴無異處於棺中也御舟稍大名河船其頂

即為朝房諸臣議事在焉落日狂濤君臣相對亂礁窮

島衣冠聚談是故金鰲橋火零丁飄絮未罄其形容也

有天下者以茲亡國之慘圖之殿壁可以得師矣

行朝錄四

光緒十九年 徐氏鑄學齋雕本

白陰薛炳校

餘姚黃宗羲

永曆紀年

永曆皇帝諱山榔端王常瀛第四子神宗之孫也崇禎十七年甲申十一月端王薨

隆武元年乙酉封上為桂王其詔有天下者王之天下語福京不守兩廣總督丁魁楚廣西巡撫瞿式耜以二年丙戌十月初九日奉上監國於肇慶府十八日即帝位改明年為永曆元年以府署為行在

追崇端王為端皇帝上太妃尊號王氏曰孝正皇太后馬氏

錄五

越中徐氏刻本

日慈寧皇太后立妃王氏為皇后

加丁魁楚兵部尚書東閣大學士瞿式耜吏部尚書東閣大學士封潯梧總兵李明忠武靖伯

時紹武建號於廣州遣兵爭三水式耜署兵部事出禦之總督林佳鼎率舟師輕進敗沒於峽口報至肇慶百官皆逃竄上亦奔梧州皇太后賢明通書史固辭羣臣不欲令其子稱帝至是召科道李川耕程源癸未進士江津人等詰責之已

知閣部師全諸臣皆伏地請罪奉上再下肇慶然地勢單弱人心震動乃遣靖江伯嚴雲從扈三宮之桂林

十二日十五日北兵破廣州二十五日事聞上駕小艇上西

峽

永曆元年丁亥正月癸卯朔上駐蹕梧州知府陸世廉為上

集役夫北浚府江丁魁楚棄上走岑溪大學士李永茂進士永城人晏日曙壬子舉人新喻人原承天副使太僕田芳等走博白李用

相先差交趾瞿式耜妾媵眾多逗遛梧江惟左都御史王

化澄甲戌進士金溪人原廣東巡撫戶部尚書吳炳翰林朱天麟方以智

庚辰進士文選郎中吳貞毓癸未進士宜興人給事中唐鉞張起

御史程源中書吳其雷洪士彭掌錦衣事馬吉翔扈蹕

二月上至桂林以吳炳方以智為東閣大學士

北帥李成棟盡銳而西直抵平樂桂林震動有餘龍者故江

錄五

越中徐氏刻本

上盜也萬餘眾出沒甘竹灘廣州之陷建義者多從之其

勢益張是月焚北船百餘于東莞遂突廣州北撫佟養甲

堅壁不出撤成棟還師禦之

三月瞿式耜自梧江至議上幸武岡州而自留守桂林加式

耜太保中樞殿大學士封桂伯

方以智棄妻子入山為僧以智為僧在庚寅冬兩粵再破時也法名宏智號無可此時入天寧

苗

上發桂林以王化澄吳炳典閣務

兵部右侍郎張家玉癸未進士東莞人舉人韓如璜建義攻東莞北

令鄭霖開門以應李成棟率水陸師至家玉棄城以舟師

屯杜樛村村近新安北令走家玉令諸生陳大赤領縣事
兵科給事中陳邦彥亦建義於高明使其門人馬應房以舟
師圍順德李成棟敗余龍於黃連應房迎戰死之

四月上至武岡州

以嚴起恒為東閣大學士辛未進士紹興人
原任蘄州副使

湖南湖廣流寇曹志連王朝俊等數十人來歸悉賜五等爵

晉何騰蛟天啟辛酉舉人
貴州人楚巡撫總制世襲定興侯駐衡州堵允錫

丁丑進士宜興人巡撫駐長沙聲勢頗振

張家玉使張元榮陳瑞圖拜表於上進家玉兵部尚書提督

嶺東軍務右副都御史

錄五

三 越中徐氏刻本

北兵破杜樛村韓如璜死之家玉引兵入新安李成棟圍新

安家玉棄城問道走博羅

七月大學士陳子壯萬曆己未探花
廣東南海人建義於九江村與陳邦

彥攻廣州不克先是邦彥結降北廣州衛指揮楊可觀楊

景熿為內應又收花山盜三千人偽降北以守東門約以

是月之七日三鼓內外並起而子壯先期以五日舟師薄

城謀洩佟養甲捕楊可觀等誅之并誅花山盜之守東門

者時城內兵力單弱養甲登城見旌旗蔽江嘆曰其死於

是乎左右曰與坐而死毋寧為戰死養甲奮勇出戰發巨

礮以擊陳舟舟遂退北風大作養甲乘風追之子壯大敗

於白鵝潭李成棟亦自新安至子壯退保九江村又棄九
江入高明與監軍道麥而炫知縣朱實蓮嬰城固守邦彥
亦退會清遠指揮白曹燦反正迎邦彥邦彥帥師赴之

張家玉破博羅

八月二十四日北兵逼行在先是楚鎮劉承允用迎鑿功封

安國公與中人王坤交關迫脅主上皇太后刺血寫詔召

駐劄古泥商邱伯侯性入衛侯性時掛古泥口總兵衙耳
上自武岡踰過古泥宮眷

衣食皆乏絕性聞之往來迎駕供給救辦上及三宮服御

及宮人衣服一切皆備三宮德之乃日授商邱伯後又管

符候性遣部將謝復榮奉上及三宮斬關出承允引兵追

躡相距三里復榮請上疾馳而身自斷後抵死力戰與其

卒五百人俱死王家堡上徒步二十里體重足疲不能前

危在頃刻會侯性率兵奄至請上御小橋先發性陣峽日

承允引兵去夜宿羅家店上已兩日不食越五日抵古泥

晉性祥符侯

李成棟用四姓賊鄭昌等為導至高明城外殺朱實蓮於南

門樓陳子壯夢而炫被執

二十七日李成棟圍博羅穴城置砲轟發之雞鳴城陷張家

玉走增城圍之

九月十日李成棟救增城家玉札三營於城外成棟令杜承

和問可義分攻之城內亦突圍出戰將士死數千人無降

錄五

四 越中徐氏刻本

者火藥盡家玉乃與諸將痛飲夜投濠水而死成棟又以水陸二萬事清遠城破陳邦彥猶率兵巷戰力屈赴水北兵出之檻送廣州陳子壯至廣州臨刑罵不絕口麥而炫從死是日佟養甲命何吾騶黃士俊李覺斯葉廷祥王應華伍瑞隆關捷先陳傑等觀之養甲問諸公畏否皆鞠躬曰畏亦有改容詫曰真忠臣真忠臣又數日而陳邦彥及總兵曹天奇至亦罵而死陳子壯張家玉陳邦彥事雖不成然牽制李成棟使不得西上而翠華得以苟安桂林武岡之間者三人之力也

十一月上至象州欲幸南甯爲新興伯焦璉亂兵所阻復返

錄五

五 越中徐氏刻本

桂林百官幾欲散去大學士嚴起恒吏部左侍郎吳貞毓以間道厄三宮入南甯

十二月上至桂林靖江王亨歡迎上而泣翟式耜嚴起恒爲相

賊將郝搖旗降於督師何騰蛟封永城伯賜名永忠避北師從衡州奔桂林欲入城式耜拒之

永曆二年戊子正月丁酉朔上在桂林

二月二十三日夜郝永忠斬關而入劫上於寢裸體置之城外細縛百官掠其財貨而去馬吉翔爲上具袍服襪被而行

三月十日上至南甯厄蹕者大學士嚴起恒馬吉翔兵部尙書蕭琦給侍中吳其雷洪士彭許兆進尹三聘等七八人耳

柳潯二府爲慶國公陳邦傅所據不貢賦稅行朝費用乏絕大學士嚴起恒乃署吏部開選於邕城二十四土州檳榔鹽客樂戶皆列官籍

四月乙未皇子生

十日李成棟以廣東反正遣洪天權

丁丑進士歙縣人潘曾原在湖廣驛鹽道

緯 未進士

李綺三人齎奏請駕幸肇慶成棟在北有大

功而受佟養甲節制心不能平故所收兩廣印信不下五

錄五

六 越中徐氏刻本

千顆獨取總督印藏之一愛妾揣知其意勸之舉事成棟撫几曰如松江百口何成棟嘗帥松江其孥幣在焉妾曰我敢獨富貴乎請先死君前以成君子之志遂自刎成棟哭曰我乃不及一婦人密與布政使袁彭年僉事張調鼎謀之輦金十萬賂要人以取孥幣之在松江者事將發而金聲桓以南昌變聲桓逆流以攻贛州贛帥高進庫故典平伯高傑兄子也求援於粵佟養甲命成棟往布政移餉八萬兩成棟逼餉彭年故不發由是得以爲辭時歲大旱羣盜滿山成棟陰結其渠魁謂養甲曰願且暮亡毋又寇深如此嶺外斷不可保彼聲言復衣冠三字耳盍姑許之

以靖亂乎養甲計猶豫未有所決成棟故令羣盜逼城下呼聲動天以休之養甲出示安民成棟請權停順治年號養甲乃於榜尾但書甲子成棟既得此榜而已所出示直書永歷二年養甲見之愕然業已無可如何兩司官諷養甲以印授成棟成棟下令兵民解縛而以所藏印印表文上之詔封養甲襄平伯兵工二部尙書成棟惠國公袁彭年爲左都御史

金聲桓藏表佛經中亦遣使至聲桓故左良玉之部曲隨良玉子夢庚降附俾守江西督撫以其降將輕之從之取賂不得聲桓私居嘗改胡服督撫因言前朝舊將皆不可用

錄五

七 越中徐氏刻本

聲桓使人竄之中途得其書置酒召巡撫以書示之卽於座間殺巡撫而反正詔封聲桓豫國公兼兵部尙書

遣吳貞毓以吏部尙書兼左都御史使李成棟

自兩省反正士人輻輳而至王化澄復相朱天麟戊辰進士 崑山人

爲東閣大學士晏清己未進士黃岡人 原廣東水利僉事爲吏部尙書張鳳

翼兵部兼翰林院張佐宸文選司郎中黃雲寰行人潘駿

觀兵部主事龐天壽掌司禮監曾經出仕僉曰迎鑾游手

白丁詭稱原任六曹間署數間添註幾滿此外更有白劄

部劄欽劄劄者皇帝用寶劄官不涉吏兵二部下廣之

費大畧皆出諸此

八月癸巳朔上至肇慶李成棟迎於百里外儲黃金千兩白金十萬及綵紵以備賞資政無巨細受成於成棟

詔贈陳子壯東閣大學士兼吏部尙書番禺侯謚文忠張家

玉少保武英殿大學士兼吏部尙書增城侯謚文烈陳邦

彥兵部尙書謚忠愍

十月十日佟養甲代祭興陵端皇帝陵上令李元允磔之江中養

甲密表於北成棟搜得之

十二月成棟率師出南安面奏南雄以下事諸臣任之庾關

以外事臣獨任之

當是時朝臣各有黨與自廣州來者吏部侍郎洪天擢大理

錄五

八 越中徐氏刻本

寺卿潘曾緯學道李綺三人爲李成棟親信兵部尙書曹燧辛未進士 隸縣人

工部尙書耿獻忠通政使司毛毓祥丁丑進士 武進人爲一黨

自廣西來者嚴起恒王化澄朱天麟王輔臣吏部尙書晏

清侍郎吳貞毓給事中吳其雷洪士彭雷得復尹三聘許

兆進張起等爲一黨自各路來者左副都御史劉湘客禮

部尙書劉懋吏科都給事中丁時魁兵部都給事中金堡

戶科都給事中蒙正發禮科都給事中李用楫吏部文選

司郎中施以敬光祿寺卿陸世廉太僕寺卿馬元禮部儀

制司郎中徐世儀爲一黨翰林陳世傑驗封司郎中吳以

進給事中李貞御史高資明太僕寺少卿楊邦翰職方司

郎中唐元楫以廣東人又爲一黨然行朝之權盡歸於李元允元允本姓賈爲成棟義子以守舍留肇慶朝士爭趨其門其尤甚者謂之五虎袁彭年爲虎頭丁時魁爲虎尾蒙正發爲虎矢劉湘客爲虎皮錢謙益薦舉劉湘客金堡爲虎牙廣東一省大小官員非奉成棟否不得擅除桂林平樂則瞿式耜爲政慶遠柳州則焦鍊爲政潯南思太則陳邦傳爲政而通政司上疏陳乞職者猶日以干計內閣票擬只有着議具奏四字選司掌銓亦無出選之地徒有空名而已

承歷三年己丑正月庚申朔上在肇慶

錄五

九 越中徐氏刻本

川伯又以迎駕封恩恩侯李成棟反正先疏入告進爵慶國公官其子曾馮至右副都御史駕過潯州邦傳挽留月餘求守潯州如瞿閣部故事上不許許以居潯樞而致賄於諸勅中書張孟光使以守字易居字爲言者追改然邦傳進疏則直稱世守當李成棟未反正時邦傳潛通降表以故爲成棟所輕兵科給事中金堡承風旨劾之邦傳辯疏皇上蒙塵二年並無一衛兩衙門何今日議論紛紛若是以臣爲無兵無將請即遣金堡爲臣監軍以觀臣十萬鐵騎天麟稟擬金堡從來朕亦未悉着即會議丁時魁堡之黨人也怒日堡論邦傳請即監紀堡又論邦承忠若請

其頭亦與之耶率科道官十六人直入丹墀大聲疾呼縉印於內閣上方燕語聞變震驚翻茶告服亟諭諸臣照舊供職天麟即日罷相然天麟但言會議固未嘗出金堡於邦傳也第金堡往日臨清受官於李賊發其從來是所深忌耳

二十八日起舊輔黃士俊何吾驕入直

三月七日李成棟何騰蛟敗問至當金聲桓之反正南都震動乘流而下鮮不克矣乃爲聲桓謀者以寧庶人失策于一往使新建伯得制其後故聲桓兵先贛州贛帥高進庫

謂之曰吾不動以待汝汝得南都則吾以贛下聲桓不聽

錄五

十 越中徐氏刻本

急攻之久之而各省援師集於南昌李成棟方欲夾攻贛州聲桓之攻贛者首尾牽制失利而返高進庫以方勝之師還拒成棟成棟退走信豐兵潰不可制成棟斷後策馬渡河馬不勝甲而沈兵部尚書張調鼎監軍道姚生文俱死於亂兵成棟死而金聲桓亦亡

何騰蛟開府於長沙之湘潭縣湖南北列十三鎮多以降將爲之時叛時服騰蛟仁愛有餘而雄斷不足諸將跋扈不用命北兵至湘潭不守遂見執被害于大步橋下

詔贈何騰蛟湘中王李成棟寧夏王進李元允車騎將軍封南陽伯

四月孫可望遣龔鼎癸未庶吉士永昌人獻南金名馬移書求親王名

號初張獻忠伏誅其勁旅尙有四部曰孫可望李定國劉

文秀艾能奇皆去獻忠偽號自稱將軍可望平東定國安

西文秀撫南能奇定北而奉黔國公沐天波以討定諸夷

可望年差長又稍知文墨故位第一定國以能次之文秀

與能奇又次之然實等夷無統屬已而能奇死其將馮雙

禮主其營事可望籠之以術既兼兩部浸浸欲自大當諸

軍之從貴陽入滇也貴州不置一守有皮熊者以其軍入

之報稱恢復黔省進爵貴國公駐平越大學士王應熊還

自京師開幕府於遵義行王祥者爲所委任應熊死而祥

錄五

十一 越中徐氏刻本

據遵義亦進爵至忠國公各疏告行在言今之入滇者爲

張賊餘孽名雖向正事豈革心朝廷毋爲所惑然兩帥接

壤時相構孽亦不能有所効力及滇使至朝廷以爲不可

不行封賞金堡言祖制無異姓封王者於是遣武康伯胡

執恭以侯爵往封執恭者紹興人私計滇兵甚且欲自

結於孫可望謂春秋之義大夫出境有可以安社稷利國

家者專之可也乃矯詔封可望爲秦王可望亦知其僞具

疏辭金堡蒙正發皆劾執恭罔上朝議大譁然不可但已

乃改封荆郡王賜之國姓曰朱朝宗定國曰李如靖文秀

曰劉若琦而可望終冀秦王言臣惟一意辦賊成功之日

始敢議及封爵耳定國文秀亦辭賜名可望雖不受爵然

已張皇其稱土司之懾服軍威者進修貢獻已傲視王禮

行事沐天波亦謙讓不敢以公爵均敵滇土畧定而北師

下沅張先璧侯天爵退師黔境可望遣許世臣請行在請

出師陳義慷慨有爲上言者曰不若賜之璽書直云皇帝

致書秦王則前此葛藤斬斷方可使之盡瘁也上從之可

望卽具疏謝恩

五月四日慈寧皇太后垂簾召何吾騶金堡爲之解釋先是

正月堡參吾騶謂與司禮監夏國祥此呼彼應有若桴鼓

皇太后恐吾騶不安其位故解之

錄五

十一 越中徐氏刻本

六月左都御史袁彭年去位彭年生母死不肖丁憂慈寧皇

太后以祖制所無不許

七月李賊部曲之降于何騰蛟也李過號一賜名李赤心封

爲興國公高必正封爲郿國公營名忠貞騰蛟死爲大學

士堵允錫所撫湖南北旣失赤心等由郴桂徑趨梧州欲

入廣東允錫力主其議李元允曰我輩做韃子時公不來

復廣東今反正後乃來爭廣東于皇上在此他來何爲允

錫語塞而止

八月黃士俊何吾騶罷時臺諫橫甚金堡等以李元允爲東

援罷武邦爲西援嚴起恒爲內援焦璉爲外援制政一手

握定動輒白簡政府備備充位疏未上先商票擬政府置
府簿以待之任其改削二輔入直以來彈章盈篋至是罷
歸

九月嚴起恒獨相

是年封朱成功爲延平王閩海始用永歷年號

永歷四年庚寅正月乙卯朔上在肇慶

北兵破南雄七日報至百官爭竄家丁沿途殺人

九日上登舟十三日解維李元允留守肇慶

二月甲申朔上至梧州駐蹕水殿

戶部尙書吳貞毓詹事府禮部右侍郎郭之奇兵部左侍郎

錄五

十三 越中徐氏刻本

程源右侍郎萬翹禮科都給事中李用楫戶科右給事中

張孝起吏科給事中朱士鯤戶科給事中李日燁御史朱

統鎬王命來陳光允彭佺合疏論袁彭年金堡丁時魁蒙

正發劉湘客罪奉旨彭年反正有功免議餘下錦衣獄五顯

廟權之廟權掌衛事張鳴鳳鞠之嚴起恒請對於水殿不得入復

率諸臣伏沙灘求免刑程源立舟側揚言曰金堡卽昌宗

之寵方新仁傑之袍何在兩語便當萬死其聲達慈寧舟

中蓋堡嘗駭御史呂爾璵奉旨疏有云臣何人也爾璵何

人也以仁傑之袍贈昌宗之妻志士猶爲快快願肆言無

忌也獄具堡邊遠時魁附近各充軍終身湘客正發徒三

年各贖上登位三年至是始見聲色

上憂東事急調郎國公高必正赴援五月十三日高必正與

興平侯黨守素率兵自梧州來朝李元允亦自肇慶來時

嚴起恒已去三帥請手勅往平浪迫還慈寧皇太后垂簾

召三帥賜對元允伏地請死日金堡等非臣私人果有罪

皇上何不處之於端州今若此是臣與堡等爲黨也向以

封疆急不敢請罪今事稍定請正臣罪上慰勉再三日卿

大忠大孝朕不疑卿元允日皇上既不疑臣何故以處四

臣之故賜臣勅書令臣安心辦事乎皇太后日卿莫認金

堡等是好人卿如此忠孝他卻誘卿謀反元允日說臣謀

錄五

十四 越中徐氏刻本

反還是有本還是面奏還是傳言上不答必正日皇上重

處堡等是也但處堡等之人不如堡等處堡等之後亦無

勝於堡等之事皇太后日只演封一事豈非金堡誤國諸

臣皆不敢對

孫可望自賜璽書之後儼然親藩體統凡諸軍悉日行營設

立護衛日駕前車自稱日孤日不穀文書下行日秦王台

旨各官上書日啟稱李定國劉文秀日弟安西李弟撫南

劉其下稱之昔日國王皮熊在黔畏其相逼遣官李之華

通好稱盟可堪致書云貴府坐擁貔貅戰則可以摧堅銳

守則足以資保障獨自不肯有司罔知那本征派日煩民

生日蹙黔中乃兵出之途寧有救災恤鄰之念以爲假道
長發之舉若滇若黔總屬朝廷封疆留守留兵無非綢繆
糧糗惟欲與行在聲息相通何可有一毫私意於其間若
祇以一盟了局爲燕雀處堂之計非不毅所望於君子矣
熊得書愈懼避之苗寨黔中院司道官會請前軍都督白
文選入省可望下教安定之遂下平越收其軍令所屬文
武呈繳濫劄武職加授總制參遊文職加授監軍督餉部
卿僉憲槩行裁革

王祥烏合六七萬分爲三十六鎮與滇兵一戰於烏江河而
大潰走死眞州遂下遵義

錄五

十五 越中徐氏刻本

九月北帥孔有德將攻桂林諸將望風而遁城陷大學士瞿
式耜兵部侍郎張同敞不屈死之

十月瞿式耜遺表至云本月五日開國公趙印選傳賻報知
嚴關已陷在城衛國公胡一清寧遠伯王永祚綏寧伯蒲
縵武陵侯楊國棟寧武伯馬養麟俱遁城中一空西刻督
臣張同敞從江東泗水過江至臣寓臣謂同敞子無留守
之責可以去同敞正色曰死則俱死耳卽於是夜明燈整
襟而坐六日辰刻噪聲始至靖江府前再一刻直至臣寓
臣與同敞危坐中堂不動忽數騎持弓刀突至執臣與同
敞而去時大雨如注臣與同敞從泥濘中行至則孔有德

已坐王府靖江父子亦以守國未曾出城業已移置別室
臣等見有德不拜有德亦不强以濫言論臣等降臣與同
敞曰吾二人已辦一死於爾兵未至之前正以死於一室
不若死於大庭耳明日被害當被執之時式耜欲入與妾
訣同敞牽臂止之曰徒亂人意耳遂行廣州亦先四日爲
北帥尙可喜所破

上登舟幸潯而陳邦傅叛上初過潯邦傅留之月餘欲挾之
以自重至是乃謀劫駕

十二月上舟衝雨而過不及發百官鹵簿之舟在後者邦傅
劫之文武墜水死者董英許玉鳳潘駿觀邦傅以上鹵簿

錄五

十六 越中徐氏刻本

僭陳營中

十六日上幸潯州戶部侍郎陳圭來迎

二十八日駐蹕南寧

永曆五年辛卯正月乙酉朔上在南寧升殿受朝賀

十日記太廟

詔東閣大學士兼吏兵二部尙書文安之督師經畧楚豫賜
上方劍便宜行事

二月孫可望遣滅虜將軍賀九儀總兵朱養思張明思張勝
等入衛

楚雄道楊畏知自滇中來朝詔進東閣大學士入直辦事

張勝殺嚴起恒以吳貞毓爲東閣大學士

三月三宮上冊州二十五日賀九儀修行宮爲上駐蹕

四月朔祀太廟

十二日慈寧皇太后馬氏崩於田州十四日訃聞十七日成

服二十三日奉安靈於慈寧宮喪禮以日易月

五月十八日勅鴻臚寺頃以大行慈寧莊翼康聖皇太后喪

憂戚之中不遑視政今值服除當面與輔臣商決政事兼

行日講該寺卽傳工部修中樞殿翰林院舉堪任日講記

注員名以二十七日舉行

六月上患足疾

錄五

十七 越中徐氏刻本

七月朔祀太廟十五日中元遙祭祖陵

十八日葬慈寧皇太后於兩江之宋邨山

二十五日陳邦傳引北兵入寇上欲移蹕羣臣以兩江黃茅

瘴癘秋甚於夏宜俟霜降後允之

賀九儀出師柳慶

九月梧州來賓遷江告急二十八日上登舟

十月初七日上幸新寧

十一月李元允等迎駕請幸防城不許

十二月北師犯遷江逼賓州

五日幸瀨灘

七日南甯陷太僕寺少卿丁元相戶部員外郎楊再甸死之
上登陸焚舟楫踰險失次扈蹕官員相失將至鎮安會孫可

望遣師討飯朝叛夷總兵高文貴黑那俊狄三品等相率

扈蹕

永歷六年壬辰正月癸酉朔上野次三日至飯朝十一日發

飯朝十二日次富川十三日次沙斗十四日次西洋江十

五日次寶月關十六日至廣南

孫可望遣總兵王愛秀迎駕上言臣以行在僻處孤粵再次

迎請未奉允行然預慮聖駕必有移幸之日所以先遣各

營兵馬肅清夷氛道路無礙廣南雖云內地然界鄰交趾

錄五

十六 越中徐氏刻本

尙恐夷情叵測臣再思維維安隆所隸貴州 滇黔粵三省

會區城郭堅固行宮修葺一切糧儲可以朝發夕至莫此

爲宜上是之蓋可望兩三年內既定滇中又復經營黔土

至此已有成緒二十五日上發廣南次童卜二十六日次

曬利二十七日次鼎貴二十八日次加浦二十九日次那

羊三十日次侄堂二月癸卯朔次呼馬二日次扁牙三日

次板屯四日次板橋五日次崗沙六日至安隆爲安龍府

九日遣太常寺少卿吳之俊賫璽書至滇

五月孫可望分道出師李定國下楚征虜將軍馮雙禮副之

劉文秀入蜀討虜將王復臣副之以楚地攻戰尤急選

兵俱隸定國

七月四日定國率諸軍克桂林北師定南王孔有德赴火死

俘其子庭訓及叛將陳邦傳及其子陳師禹戮邦傳刺其

皮可望殺人剝皮者甚眾先是定國駐軍武岡馮雙禮駐軍寶慶沅

靖屢捷大師可乘勝南下而虞有德之躡其後於是令武

岡諸營出新寧寶慶諸營出祁陽合趨全州分遣西勝營

張勝鐵騎右營郭有名率精兵由西延大埠頭便道取嚴

關嚴關者所由入桂林之要也征虜將軍馮雙禮更遣前

軍都督高承恩鐵騎前營王會武安營陳國能天威營高

文貴坐營漸統武合兵八萬先進兵至驛湖猝遇北騎萬

錄五

九 越中徐氏刻本

餘南師迎戰斬其驍將李四北師遂奔南師遂薄全州定

國統右軍都督王之邦金吾營劉之講左協營吳子聖武

英營廖魚標鐵騎左營卜寧合兵十萬繼進聞驛湖捷報

傳令全州日無急攻懼其奔逸并力於桂林也令未至而

全州已下定國軍過全城令急過無入馮雙禮率諸軍亦

出城合進是時張勝郭有名已至嚴關與大軍相距十里

約日敵至則舉砲傳警毋下關須大軍至始戰薄暮聞砲

諸軍擬赴之定國日無庸俟之寂然蓋有德聞驛湖之敗

遣眾數萬馳救全州不意南師已營關上會日且暮退去

明日北師至關張勝等傳砲大軍蓐食而前戰於關下北

師鎗甚象偵歸定國斬馭象者諸軍奮勇前進象亦哭陣

北師大潰斬戮不可勝計天大雷雨橫尸遍野追及於大

榕江有德急入桂林閉城而守大軍三日而至城下守陴

者皆潰大軍援梯畢登定國下令屯城上有德奔入府中

悵然無一言久之日已矣其妻日母慮我不死乃囑一媪

携其幼子避日苟得脫度為沙彌無效乃父作賊一生下

場乃有今日耳自縊妾亦縊有德乃放火自刎投火中

方捷書之發自桂林也其人窮日夜易馬而奔既至貴陽直

入殿墀下馬而息僅續卧地不能起探其懷中捷書灌以

湯藥久之乃甦於是大宴三日疏請封典始議犒師銀八

錄五

三 越中徐氏刻本

萬兩已損之六萬已又損之四萬蓋數軍之入楚與蜀也

獨駕前軍可望護衛稱駕前軍皆不發駕前軍固選鋒聞桂林之捷

皆生妒心日北本易殺我輩獨未得一當耳數日後定國

上虜獲惟孔有德金印金冊人參數捌所報官庫財物估

價十一萬餘遂有媒孽其市恩諸軍者往來使命不絕又

多增飾喜怒其間冊封之事行之稍緩

北帥敬謹親王入衡州兵號十萬定國計分其師遣前將軍

張虎取辰州北人分兵往救定國身當衡州遇之湖上始

戰少卻北乘勝追奔南人奇兵間道以搗中堅遂躡名王

十一月二十三日則又傳是日戰斬敵如屠犬豕手不暇

耳駕前軍聞之益輕言北兵不足滅遂議明年春秦王親出師云

劉文秀之入蜀也善撫郵軍士蜀人聞大軍至多響應於是重慶敘州諸府縣次第皆復吳三桂迎戰輒敗歛軍以奔趨保保寧南師追躡其後惟恐失敵討虜將軍王復臣曰不可我師驕矣而彼方致死以驕兵當死寇能無失乎諸軍多不然之至保寧復臣又曰毋圍城圍則師分而弱不從張先壁軍其西南先壁號張黑神軍容耀日然未經大敵三桂登城望之曰獨是軍可襲乃開門出精騎犯其壘果驚潰轉戰而南值討虜營討虜爲潰軍所擾又聞以水

錄五

主 越中徐氏刻本

勢不復支北人乘勝奮擊之復臣手斬數人環之者益眾乃曰大丈夫不生擒名王豈可爲敵所辱遂以刀自刎北皆驚歎以爲烈士文秀撤圍而退三桂不敢追曰生平未見如此勁敵特欠一着耳蓋如復臣所云也報至帝下令曰不聽謀損大將劉撫南罪應誅念有復城功罷其職閑住文秀歸雲南諸軍或分守蜀隘或調征楚省所從者不過百餘人而已

是年李元允往海南招集散亡至欽州爲土兵王勝常所劫械送廣州不屈而死投屍江中

承歷七年癸巳正月戊辰朔上在安龍府

先是孫可望題請封李定國爲西寧郡王兼行軍都招討馮雙禮爲興國侯奉聖旨所稱封爵事宜依議行於是造設儀衛遣檢討方于寅中書楊惺先資軍萬金行有日矣是時訛言繁興有傳李定國滋不悅者曰吾奈何受郡王封當亦如國主有傳諸營僞語者曰秦王下長沙卽改年號受禪讓而以處劉文秀太過咸曰大功未行厚賞僞敗則虜嚴罰吾等如何苦捐性命又以殺楊畏知立儀注駕前之奉使者多恣睢不法而言之者多獲誅從此內外交武咸怨軍心漸渙不樂爲可望用者眾矣楊畏知者陝人爲楚雄道好言王霸之畧故爲可望所重及朝行在於南寧

錄五

主 越中徐氏刻本

上以孫氏之故相之而孫氏反疑其二心於已歸黔以後所言多不從畏知乃佯狂以示不爲孫氏所用又時時醉罵其駕前人可望欲脅之使改命從軍法逆知必有諫者迫諫者入而駕前軍已提其頭至矣可望恨曰楊公死我桓文事不成矣儀注者武備隆殺體統可望欲以自大其故時等夷者多怨之曰天下尙未定奈何爲此

是月孫可望出師慨然有經營中原之志其封李定國者詔使已出黔境復追還之曰孤今出師入楚當面會安西大慶宴親奉皇上勅以光寵之而眾益交相論歎以爲此真項羽之刑刻吝封賞也至有爲定國慮者曰此僞遊雲夢

計耳定國涕泣謂其下曰不幸少陷軍中備嘗夷險思欲立尺寸功匡扶王室垂名不朽今甫得斬名王奏大捷而猜疑四起且我與劉撫南同起雲南戰功具在一旦誣誤輒廢棄於我忌害當必尤甚我妻子俱在雲南我豈得已而奔哉諸營聞之有引軍從之者其不能從者亦咨嗟太息而已

李定國又爲書以謝可望可望不意其奔也悵然久之欲止軍東下然業已督師在道又信駕前言敵殊易殺親履行間欲大立功以服眾心耳諜知敵屯四路口遂欲襲擊之令於軍中曰凡獲敵馬者悉給之時方四月陰雨連延行

錄五

越中徐氏刻本

三日至四路口敵驚欲潰南軍殊易之甫斬數人便掠其馬敵旣軍亂還而搏戰南軍已不成列退保崗口可望亦念定國旣去諸軍有乘是圖之者旣不敢嚴督諸軍前戰諸軍亦以駕前軍奮欲立功不願與併力凡長沙所已復府縣給印諸官悉撤回楚事大變矣

八月始有言當招李定國者南甯鎮朱養恩言之尤切可望終忌定國乃與其下謀起劉文秀文秀聞之單騎入黔私見於可望言已無才不願圖富貴可望強之疏請爲大招討仍密遣之還滇

永歷八年甲午正月壬辰朔上在安龍府

改雲南省爲雲興辰州爲沅興府沅州爲黔興府詔以劉文秀爲大招討都督諸軍出師東伐

三月二十六日孫可望殺太學士吳貞毓以下一十八人內臣一人上以久不得出與貞毓等謀私以手勅通李定國令之來時左右前後莫非爲可望耳目者馬吉翔發其事窮治撰文何人用寶何人奉使何人上震驚者數日

四月劉文秀至黔可望祭旗纛畢執爵授文秀文秀言某伏願皇上洪福國主威畧諸將士智勇庶幾一日克敵恢復中原若某下劣誠恐不勝

五月七日孫可望以軍出按沅靖諸營徧觀險隘勞恤軍吏

錄五

越中徐氏刻本

十日而畢

七月釋吉由平越進屯於天柱

永歷九年乙未正月丙戌朔上在安龍府

封李定國爲晉王劉文秀蜀王

永歷十年丙申正月庚辰朔上在安龍府

孫可望將謀劫駕出降李定國舉兵敗之奉上駐蹕雲南改

爲滇都

永歷十一年丁酉正月甲辰朔上在滇都

議開緬甸爲省以元江土府爲總督不果

永歷十二年戊戌正月戊戌朔上在滇都

遣使賈璽書從安南出海至延平王朱成功營授張煌言兵部左侍郎兼翰林院學士其餘除授有差徐孚遠隨使入覲由交趾入安龍交趾要其行禮不聽不得過孚遠遂仍返廈門

十月雲南屬府告急

十二月十五日上發滇都時李定國出禦北師請上隨路避兵

永曆十三年己亥正月癸巳朔上野次四日駐蹕永昌

閏正月十五日上發永昌將入緬時文武官尙四百餘人兵士數千人十八日次騰越二十日發騰越二十四遣傳兵

錄五

至

越中徐氏刻本

至關三十日次蠻漠

二月壬辰朔次河口水陸分行上以外從舟者六百四十二人從陸者馬九百四十餘匹

十八日土次井梗緬人止之不聽前進

二十四日緬王請大臣問故上遣馬雄飛鄔昌時賚勅書往

緬王發神宗勅書對交不同疑其爲僞及見沐國公印信

之蓋緬國自萬曆二十二年請教不許遂絕朝貢故所知

惟神宗故事也當是時李定國已遣白文選率兵迎駕至

啞哇城下距駐蹕五六十里爲緬人隔絕不相聞文選亦

拔營而去

三月十七日自沙河日分路陸行者至啞哇對河離城五六里下營緬人疑其奪國率兵出戰殺傷多人餘乃散居邨落通政使朱蘊金中軍姜承德自縊死

五月四日緬王具龍舟鼓樂遣人迎上五日上發井梗七日

至啞哇城下次於對河八日駐蹕者梗距城五十里草殿

數十間編竹爲城宿衛數百人各官自架竹木以寓

八月十三日緬王請黔國公沐天波往緬人以八月十五日

諸蠻來貢使黔國以臣禮見誇耀於諸蠻

九月十九日緬人貢新穀

錄五

至

越中徐氏刻本

永曆十四年庚子正月丁巳朔上在緬甸

上日欲出緬幸李定國營定國恐以兵來則緬人致難于上

而在上左右者則又皆偷安無智之徒以此音塵不屬

九月定國迎駕屯於近地奏云前後三十餘本不知曾到與

否今與緬王約何地交割上以答勅付緬人定國候久無

消息復拔營去

是時士君子皆散亡所從惟闕冗一二輩馬吉翔爲大學士

與司禮監李國泰相爲唇齒惟恐定國之至于是半籠文

武凡欲某職某銜者俱稱門生吉翔國泰合奏大臣三口

不能舉火上怒以皇帝之璽投之吉翔國泰卽椎碎分給

御史任國璽請東宮開講進宋末賢奸利害書上覽一日國泰惡而去之

承應十五年辛丑正月辛未朔上在緬甸

二月二十八日鞏昌王白文選密遣緬人賫木至云不敢進進者恐有害必要緬王送出為上策數日後距行在六七十里架浮橋將渡不果

三月有欲殺馬吉翔李國泰奉東宮而出者事覺被害

五月馬吉翔李國泰進宮講書御史任國璽言上年請開講則遷延不行今日勢如累卵禍急燃眉不思出險而託言講貫夫日講經筵必須科道侍班議軍情則有皇親沐國

錄五

越中徐氏刻本

豈翔泰二人之私事哉奉旨着任國璽獻出險策國璽言能主入緬必能主出緬今日事勢如此乃卸肩於建言之人乎

太常寺博士鄧居詔禮部主客司主事王祖望各劾翔泰不省

又傳禮部侍郎楊在講書賜坐在以東宮典璽李崇貴侍立不敢就坐上并賜崇貴坐崇貴曰雖在亂離不敢廢禮今日雖蒙上賜後日將謂臣欺幼主每講崇貴出外講畢而入一日東宮問在哀公何名在不能答

二十三日緬酋弟莽猛自殺兄自立遣人求賀上不許

七月十九日緬人請喚呪水即盟誓也馬吉翔李國泰挽百官同

往緬人盡殺之松滋王某黔國公沐天波綏寧伯蒲縷皇親王維恭吏部尚書鄧士廉以下二十四人緬人又發兵圍行在上幾自縊被殺者甚眾吉王同妃自縊宮人命婦縊者不下百人盡劫其所有而去

二十一日緬人復修理草殿奉上居之日此事非關吾國因汝各營在外殺害地方犯眾怒耳

十一月十八日上召都督同知鄧凱入宮謂之日太后病矣未知骸骨得歸故里否又日白文選未封親王馬寶未封郡王吾負之滇黔百姓因我師在彼苦了多年今又不知

錄五

越中徐氏刻本

作何狀

十二月三日緬人請上移蹕皇太后皇太子同行二更渡河始知其為北人也明年壬寅二月十三日至滇城蒙塵之後事秘不知崩日崩所或曰北人扈至某驛夜半聞上怒罵即殞落之辰也鈕琇記吳三桂縊之貴陽府或曰後同太子校死雲南城三說未知孰是

史臣日越閩之事方國安以累敗之餘鄭芝龍以龍鼎魚鼈之民而欲使新造之唐魯以力征經營天下此必不得之數也惟帝當李成棟金聲桓之反正向非高進庫梗之於贛州陸世儀江右紀變稱楊與柯非高進庫也則其勢必合合則

江左徧安之業成矣逮夫李定國衡州之捷賊名王天

下震動此萬歷以來全盛之天下所不能有功垂成而物敗之可堊之內其足食乎屈原所以呵筆而問天也

行朝錄五

光緒十九年徐氏鑄學齋雕本

山陰薛炳校

錄五 三 越中徐氏刻本

餘姚黃宗羲

章貢失事

隆武二年丙戌三月二十四日江西吉安府失守督師萬元吉都憲陳賡兵曹王其竑議列柵守張家渡而潰兵勢不可止陳賡收散亡入贛萬元吉退守皂口惟安遠汪起龍兵三百人時蘇觀生以閩部督師于贛同鄉李陳玉楊仁愿兵垣楊文薦兵曹范六吉周遠待詔劉秀鑛皆請發師援皂口觀生止發新威營二百人元吉以監紀程亮督之下守綿津灘楚師曹志建以二十人至一夕即噪而去

錄六

一 越中徐氏刻本

四月六日北師至新威營先潰汪兵繼之元吉未數日竟奔回贛贛城倉皇爭竄元吉欲殺其妾之出署者人心乃定十一日楊文薦自任守城命中書范康生乞師于南雄舊贛督李永茂遣副將吳之蕃遊擊張國祚率粵兵五千人至十四日北師至贛閩部蘇觀生率所部退守南康北勢方張滇粵諸軍先後至南康者以數萬計皆怖恐莫敢卽下二十九日閩部楊廷麟自零都力促新撫閩總及張安各營兵四萬餘至贛江撫劉廣允自甯都召募二千人亦至未經一戰俱以五月一日先後潰散劉廣允被執所失士馬器械無算此後援兵益不敢前萬元吉陳賡多方鼓舞

六月十五日吳之蕃張國祚兩營奮勇出戰與北師相遇於李家山九牛之間數戰皆捷北師疑援兵大至遂撤城下之圍退屯水面之蕃國祚亦退守南康時贛州守城已閱兩月奉詔勞苦改名忠誠府加楊文薦右副都御史

二十四日汪起龍率師數千滇帥趙應選胡一清率師三千南安同知劉清名引兵三百蘇觀生部下遣師三千粵帥餘卒三千楊廷麟收散亡數千大司馬郭維經侍御姚奇允召募滇閩兵八千閩部丁魁楚部下遣師四千先後至營於城外不下四萬餘人皆欲一當敵先是中書袁從諤召募砂兵三千人銓曹龔棻兵曹黎遂球出募水師四千

錄六

二 越中徐氏刻本

人留滯南安萬元吉以為必待水師之至并力一戰安危在此一舉王其竑曰今水涸不能泛巨舟且其帥羅明受故海盜也桀驁不馴龔黎二公如慈母之奉驕子豈能如約八月二十三日將至北師以是夜截之於江上焚巨舟八十餘兵士被殺者數百羅明受遁去舟中火器皆落北人列營無不喪氣二十八日北師破廣營二十九日破滇營自是東南城外遂無一卒

九月三日攻西門北人將登元吉文薦縋死士格墮之九日北人據南康滇廣諸營既潰人無固志皆稍稍引去城中所留者在起龍

罷卒三百人汪國泰金昌振四百餘徐日彩新招贛人二百餘郭維經部下三千餘城外惟水師後營黃志忠二千餘而已內外既單弱給事中萬發祥及王其立招集鄉勇爲不得已之計而參將趙之良擁眾萬餘於零都粵西狼兵八千踰嶺亦不卽至贛人登陴日久勉強支吾旦夕

十月三日城內有縋城出者北人獲之以爲鄉導夜由小南門而上鄉勇猶巷戰久之四日黎明北人大至城上發砲皆裂遂陷楊廷麟投水死萬元吉出城登舟已而歎曰一城人吾殺之也巾幘赴水死郭維經入嵯峨寺焚死此外翰林院兼兵科給事中萬發祥太常寺卿兼守道彭期生

錄六

三 越中徐氏刻本

吏部主事龔葵御史姚奇允兵部主事于斯昌周瑚王其立黎遂球柏常青柳昂霄魯嗣宗錢謙亨戶部主事林班中書舍人袁從諤劉孟鞠劉應泗贛州推官署府事吳國球同知王明汲臨江府推官胡縝知縣林逢春監紀通判郭寧登鄉官盧象觀舉人劉日佺萬興明馬芝貴生楊廷鴻黃尙實胡國偉王所管聲元戴紱諸生以之輝朱長應賴尙祐劉斯鎬等數十人不死於兵火則口罄投水耳

全用范康生所記

史臣曰贛州之守與死者皆三百年以國家之元氣也萬元吉清苦絕倫而自用頗專楊廷麟志節之士而

見事遲聽言不廣郭維經稱下士而遊才太濫贛事三人爲政然皆承平賢者扶危定傾殆非其所長也

行朝錄六

光緒十九年徐氏鑄學齋雕本

山陰薛炳校

錄六

四 越中徐氏刻本

餘姚黃宗彙

舟山與廢

舟山四面皆海元為昌國州昔越王句踐欲遷吳夫差於甬
句東卽此地也今并入寧波之定海設參將一員以鎮之
崇禎間黃斌卿為其地參將三年斌卿號虎癡福建興化
衛人少隨其父於京邸流落不能歸後以恩例得授把總
苦於無貲有妓劉氏助之得辦劉氏乃為其妻妬死自參
將陞江北總兵南都既亡遁歸

隆武卽位斌卿得附勸進上言舟山為海外巨鎮番舶往來

錄七

越中徐氏刻本

饒魚鹽之利西連越郡北緯長江此進取之地也上善之
封為肅虜伯賜劍印率兵屯舟山得便宜行事復上疏乞
周崔芝自副斌卿為人猜忌而崔芝慷慨下士來者多歸
崔芝由是與斌卿不合而歸

乙酉出師窺崇明戰敗以周瑞援得還軍斌卿怯於大敵而
勇於害其同類

丙戌副使荆本徹至舟山屯小沙壘斌卿率鄉民殺之本徹
松江建義兵敗入海其將士善射斌卿忌之本徹不能斬
士卒所至為民患斌卿乘民之怒造為流言民單里從斌
卿攻本徹遂遇害

六月浙東事敗富平將軍張名振扈監國魯王出海投舟山

斌卿不納然名振故與斌卿為兒女姻其兵勢相倚藉寧
國王之明王鳴謙至舟山斌卿誘擊之盡併其眾叛將張
國柱乃悉定海舟師以攻舟山國柱有弓箭手五百人號
驍勇斌卿知陸戰不能勝之使百姓乘城而身率水師出
洋力戰三晝夜不能當國柱顧名振之水營將阮進精於
水戰以四舟衝國柱營秋濤方壯乘之發砲無不糜碎國
柱僅以身免乃劫世子元妃而去斌卿得其樓船百號聲
勢益振阮進者嘗為海中小盜名振拔之使管水營其德
名振實甚斌卿妬名振之有是人也以計問之使進背名

錄七

越中徐氏刻本

振取其船二十艘軍資器械數萬脫歸閩海未幾而有吳

勝兆之事

勝兆守松江之北帥也頗懷反正之志吳中失職之士相聚
幕中為之計畫內以招撫之名結太湖義旅外以蠟書求
援於海上斌卿猶豫不敢應翰林張煌言御史馮京第俱
在舟山勸名振以其兵就約名振諾之時斌卿已進為肅
虜侯其肅虜伯故印猶在名振請卽以其印封勝兆為期
四月二十六日丁亥勝兆之聚謀者既眾人人謂事成在
旦夕肆言無顧忌而所撫之義旅多不就約束欲陵主兵
出其上主兵恨之刺骨其未經招撫者亦不思北人而唯

就之捕之見勝兆勝兆無以自解輒斧質以徇義旅且惑勝兆中變名振渡海至崇明而海嘯樓船喪失八九踉蹌歸舟山煌言京第間道得脫勝兆因海上之失約區畫無序義旅遂劫勝兆斬北官之不從者而勝兆之部曲既與義旅異志又不見海上之兵視湖中所撫其力易制於是詹世勳矯勝兆之命召義旅次第入斬之畢而執勝兆北人雜治其獄陳子龍侯岐曾沈廷揚徐式穀戴武功皆死之有周長吉者亦牽連入案北人鞠之長吉自承與詹世勳謀叛非勝兆也北人併殺世勳

丁亥六月斌卿又殺忠威伯賀君堯劫其資君堯帥溫州嘗

錄七

三

越中徐氏刻本

賊殺禮部尚書顧錫疇爲眾論所不與溫敗入閩復至溫之玉環山收其魚稅挾重貲來舟山其標將歐興有隙於君堯潛以告斌卿斌卿遣盜殺之中途

十二月攻甯波不克甬諸生華夏屠獻宸楊文琦文瓚董德欽王家勤使人走舟山約斌卿入爲內應斌卿諾之夏等又約義旅之在沿海者王翊具帛書爲偵者所得鄉紳謝三賓又許夏等以實之夏等入獄而島帥始至斌卿固無攻城掠地之力徒望內應之成功已享其利耳樓船泊桃花渡仰視城上絕無動靜北人以大砲擊之卽退當事詰夏之同謀者夏慷慨而對曰此時更有何人無已則太祖

高皇帝崇禎先帝耳當事曰然則汝帛書所謂布置已定者何耶夏日直爲大言鼓動人心當事利三賓之財亦誣以同謀令夏引之夏日若謝三賓者讎毘鄒夫廷義之事胡可假之三賓在旁搏頰以謝夏等皆論死華夏妻陸氏屠獻宸妻宋氏楊文琦妻朱氏楊文瓚妻張氏皆自縊死斌卿既返甚悔其一出刻意爲保聚之計限民年十五以上卽充鄉兵男子死妻不得守制卽入官年六十無子者收其田產別給口食初舟山田土大半屬之內地大戶至是不敢渡海盡藉以爲官田官居其二民居其一斌卿之意併欲分其一分如土司之法爲不侵不叛之島夷而已

錄七

四

越中徐氏刻本

張名振之喪師而歸也斌卿每事侮之遂去舟山而別營於南田平西將軍王朝先亦失歡於斌卿而別屯於鹿頸兩人皆恨斌卿第孛帑皆在舟山未得問也

己丑七月閩地盡陷監國在沙埕名振往迎之與阮進同扈主於南田旋復建跳所以處監國阮進軍飢恃昔日保全舟山之力以百艘泊舟山告急於斌卿斌卿不應斌卿喜收海盜用之資其劫掠有黃大振者善劫獲番船數萬金以餽斌卿斌卿不厭大振無以應之逃匿朝先所駕危言以動朝先朝先遂與名振阮進合謀上疏監國有旨進討斌卿遣將陸璋朱玖禦之數戰輒敗求救於安昌王恭棖

大學士張肯堂上章待罪所不改心以事君者有如水又
議和於諸營曰彼此皆王臣也兵至無妄動候處分九月
二十四日胥會於海上初皆安堵已而陸璋朱致背約出
洋阮進等疑斌卿之逃也縱兵大掠斫傷斌卿沉之水中
二女從之死

十月監國駐蹕舟山歷庚寅至辛卯八月發舟山九月北師
破其城以巴臣興或作成功守之

乙未十一月延平王朱成功遣英義伯阮駿總制陳雪之又作

陳六師一圍舟山巴臣興降

丙申八月二十六日北師復取舟山阮駿陳雪之俱赴海死

錄七

五 越中徐氏刻本

丁酉北人以舟山不可守遷其民過海迫之海水之間溺死
者無算遂空其地

史臣曰當閩浙立國之時誠能悉發舟師一屯於舟山
一屯於崇明相爲首尾窺伺長江斷其南北之援卽需
之歲月亦可使疲於奔命矣孫恩徐海以盜賊之智尙
能及此而況國家之大計乎逮夫閩浙旣亡窮島孤軍
亦何能爲以此形勝之地僅以田島結局悲夫

行朝錄七

光緒十九年 徐氏鑄學齋雕木

山陰薛炳校

211年 933

餘姚黃宗羲

日本乞師

周崔芝號九元福清之榕潭人也讀書不成去而為盜於海
其人饒機智濟輩皆聽其指揮嘗往來日本以善射名與
撤斯瑪王結為父子日本三十六島每島各有王統之其
所謂東京者乃國主也國主曰京主擁虛位而一國之權
則大將軍掌之其三十六各王則如諸侯之職撤斯瑪王
即薩摩於諸島為最強與大將軍相為首尾崔芝既熟日本
故在海中無不如意微行至家為有司迹捕繫獄三年賄

錄八

一 越中徐氏刻本

吏得解為盜如故久之招撫以黃華關把總稽察商舶

乙酉秋隆武皇帝加水軍都督副黃斌卿駐舟山

其冬崔芝遣人至撤斯瑪訴中國喪亂願假一旅以齊之存
衛秦之存楚故事望之大將軍慨然約明年四月發兵三
萬一切戰艦軍資器械自取其國之餘財足以供大兵中
華數年之用自長崎島至東京三千餘里馳道橋梁驛遞
公館重為修葺以待中國使臣之至崔芝大喜益備珠璣
玩好之物以悅之

丙戌四月遣參謀林篤舞為使期以十一日東行將解維而
斌卿止之曰大司馬余煌書來此吳三桂乞師之續也崔

芝怒而入閩

福州既破鄭芝龍劫眾議降安昌王恭棐尙書張肯堂侍郎
朱永佑忠威伯賀君堯武康將軍願乃德皆言不可崔芝
涕泣而謂芝龍曰崔芝海隅亡命耳無所輕重所惜明公
二十年威望一朝墮地為天下笑請得効死於前不忍見
明公之有此舉動也抽刀欲自刎芝龍起而奪之後數日
芝龍竟去

丁亥三月崔芝克海口鎮東二城乃遣其義子林皋隨安昌
王恭棐至日本乞師不得要領而還

戊子御史馮京第謂黃斌卿曰北都之變東南如故并使其

錄八

二 越中徐氏刻本

東南而失之者是則借寇之害也今我無可失之地比之
前者為不倫矣斌卿於是使其弟孝卿同京第往至長崎
島其王不聽登陸始有西洋人為天主教者入日本日本
佞佛教人務排釋氏且作亂於其國日本發兵盡誅教人
生理於土中者無算驅其船於島口之陳家河焚之絕西
洋人往來置銅板於五達之衝刻天主像於其上以踐踏
之囊橐有西洋物卽一錢之細搜得必殺無赦當是時西
洋人復仇大船載砲而來與日本為難日本講解始退退
一日而京第至方戒嚴於外國京第卽於舟中朝服拜哭
而已會東京遣官行部如中國巡方御史禿頂坐籃輿京

第因致其血書撤斯瑪王聞長琦王之拒中國也曰中國
喪亂我不遑卹而使其使臣哭於我國我國之恥也與大
將軍言之議發各島罪人京第還日本致中國洪武錢數
十萬蓋其國不能鼓鑄但用中國古錢舟山之川洪武錢
由此也孝卿假商船留長琦長琦多官妓皆居大宅無壁
落以綾幔分爲私室每月夜每室懸琉璃諸妓各賽琵琶
中國之所未有孝卿忘其爲乞師而來者見輕於其國其
國出師之意亦荒矣

己丑冬有僧湛微自日本來爲蕩湖伯阮進述請兵不允之
故且言金帛不足以動之誠得普陀山慈聖李太后所賜

錄八

三

越中徐氏刻本

藏經爲贊則兵必發矣進與定西侯張名振上疏監國以
澄波將軍阮美爲使上親賜宴十一月朔出普陀十日至
五島山與長琦相距一程是夜大風黑浪兼天兩紅魚乘
空上下船不知所往十二日見山舵工驚曰此高麗界也
轉帆而南又明日乃進長琦凡商舶至國例撥小船護出
入名曰班船阮美喻以梵筴乞師其王聞之大喜已知船
中有湛微者則大駭初湛微之在日本也長琦島有三大
寺曰南京寺中國北僧居之一曰福州寺閩浙廣僧居之
一日日本寺本國僧人居之南京寺住持名如定者頗通
文墨國人重之湛微拜其位下湛微之所能不若其師而

狡獪多變乃之一島名腰泉者其島無中國人來往不辨
詩字之好與醜湛微因得妄自高大惡札村謠自署爲金
獅子尊者流傳至於東京大將軍見之曰此必西洋人之
爲天主教者潛入吾國急捕之以其爲江西僧第逐之過
海日本不殺大唐僧有犯法止於逐再往則戮及同舟湛
微欲以此舉自結於是始知爲其所賣也遂載經而返然
日本自寬永享國三十餘年母后承之其子復辟改元義
明承平久矣其人多好詩書法帖名畫古奇器二十一史
十三經異日價千金者捆載既多不過一二百金故老不
見兵革之事本國多忘武備豈能渡海爲人復仇乎卽無
西洋之事亦未必能行也

錄八

四

越中徐氏刻本

行朝錄八

光緒十九年徐氏鏞學齋雕本

山陰薛炳校

餘姚黃宗羲

四明山寨

四明山在漢晉以前通謂之天台其後分裂天台以爲四明蓋周圍八百里連山疊嶂窺險之極唐咸通元年裘甫之裨將劉從簡率壯士五百奔至大蘭山據險自守諸將兵攻破之大蘭山卽四明之心也則四明之爲山寨也舊矣

丙戌六月浙東師潰某時率師渡海規取海鹽海寧二城報

至而還十日散遣餘眾願從者歸安茅翰字飛梅溪汪涵

錄九

越中徐氏刻本

字叔二帥以五百人入四明屯於杖錫某意結寨固守徐

爲航海之計因戒二帥聯絡山民方可從事二帥違某節

制取糧近地二十日某令二帥守寨出行旁舍山民相約

數千乘二帥不備夜半焚杖錫寺士卒睡中逃出盡爲擊

死二帥被焚

丁亥餘姚人王翊王江聚兵於沿海爲黃斌卿內應斌卿攻

寧波不克而去翊遂入四明山中

戊子三月破上虞殺攝印官浙東震動北人合兩郡之師由

清登嶺入義師屯丁山以待之穴而砲按甲空奪北師

驍馳之義師狼狽失措一時爲所屠者四百人有孫說者

聞丁山敗救之中流矢死直立不仆御史馮京第自湖州

軍破亦間行至四明與王翊軍合軍杜舉守關馮牙軍容

甚整北撫勒兵東渡下教鄉聚團練攻杜舉破之其別部

邵伯倫亦見獲京第匿民舍翊以四百人走天台依定遠

將軍俞國望翊謂諸將曰是皆團練之罪也北兵雖健我

視其銳則避之懈則擊之非團練爲之向導彼敢行險地

如枕席乎然北兵團練豈能相守吾卒雖殘其破團練則

有餘力乃自天台至四明擊破鄉聚之團練者隨道收兵

至萬餘人而京第亦出

己丑春又破上虞走其知縣得縣印當是時浙東山寨蕭山

錄九

越中徐氏刻本

則石仲方會稽則王化龍陳天樞台州則俞國望金湯奉

化則吳奎明袁應彪皆據掠暴橫而平岡張煌言上虞李

長祥又單弱不能成軍惟王翊一旅蔓延於四明八百里

之內設爲五營五內司王江則專主餉勸分富室單門而

下安堵如故履畝而稅人無不樂輸者平時不義之徒立

置重典異時巡方訪惡徒爲故事翊所決罰人人稱快浙

東列城爲之盡閉胥吏不敢催租縛民惴惴以保守一城

爲幸皆薦誠講解翊計天下不能無事待之數年可以爲

中原之應也自上虞出東循奉化北師方攻吳奎明奎明

力不支而遁北師追奔至河泊所翊猝遇之而戰北師大

敗

六月上駐蹕建跳所分使使山寨拜官授翊河南道御史王
江戶部主事左副都御史某上言諸營文則自稱都御史
侍郎武則自稱將軍都督未有三品下者主上嘉其慕義
亦因而命之雅王翊不自張大僅授御史御史在承平時
固為顯要而非所論於今日諸營小或不及百人大亦不
過王翊一部今品級懸殊以之相臨恐為未便大學士劉
沂春禮部尚書吳鍾巒皆以為然定西侯張名振持之不
肯下初諸營迎表皆因名振以達獨翊不關名振名振不
樂曰俟王翊之來吾為上言之也翊朝行在視其軍容陞

錄九

越中徐氏刻本

右僉都御史翊曰吾豈受定西侯鈐鍵哉山海久不甯有
為北人謀者曰此皆失職之所致苟招撫而官之鮮有不
願解甲者矣會稽人嚴我公知之偽為告身銀印日請自
隗始遂俾以都御史招撫山海湖州栢襄甫會稽顧虎臣
皆降我公將渡海發使者入四明山翊之前營黃中道曰
嚴我公動搖山海寧可使之達行在哉烹其使分羹各營
敢受招撫者其視此我公踉蹌去

庚寅三月翊朝行在陞兵部左侍郎

八月破新昌拔虎山

九月北師將攻舟山惡翊中梗金帥由奉化入甬師由餘姚

入會師大蘭山帳房三十里遊騎四出以搜伏聽者翊避
之於海馮京第以疾不能行匿鶴頂山為其降將所致害
於甯城

辛卯七月翊還山中所留諸將降殺且盡二十四日大星墮
地野雉皆鳴為團練兵執於北溪過奉化賦絕命詩入見
海道海道請觀絕命詩授筆於翊其詩結句平生忠憤血
飛灑于羣虜書畢擲筆以擲海道而徑出北帥將會定海
繫翊以待每日從容束帙掠髻修容謂北人使汝曹見此
漢官威儀也八月三日北帥畢集陳督訊之翊坐地上曰
毋多言成敗利鈍天也汝又何知劉帥注矢射之中肩川

錄九

越中徐氏刻本

帥中頰金帥中脇翊不稍動如貫植木絕其吭始仆從翊
者二人亦不跪掠之則跪而向翊北人見之皆泣下日非
獨王公忠也乃其從者亦義士也

其王江之母為金帥所得以招江江削髮為僧見金帥於杭
問訊而已安置省城母以天年終江買一妾其妻亦日夜
勃谿鄰居無不厭之江憐妾而黜遣其妻妻亦攘袂數江
登車而去聞者莫不薄其為人一日江出鄰人以其妾在
不疑既而不返始知向者以術脫其妻也江既得逸遂與
張名振引師入長江登金山遙祭孝陵題詩痛哭丙申江
復與沈調倫聚眾四明山聲勢浸衰調倫見獲被害江亦

病創而卒自此十有九年山無事甲寅冬復嘯聚半載而
平然皆偷驢摸犢之賊徒爲民害其父殺人報仇其子行
劫浸失其傳矣

行朝錄九

光緒十九年徐氏鑄學齋雕本

山陰薛炳校

錄九

五 越中徐氏刻本

沙氏亂滇

餘姚黃宗羲

沙定洲雲南臨安蒙自土舍也父源崇祐間與阿迷普名聲同調征水西名聲妻沙源女也無子江右賈人萬姓者有女故娼也名聲嬖之遂娶焉生子祚遠已而名聲祚遠俱死歸於沙氏破數家最後乃妻定洲定洲之年與其子祚遠相若也定洲遂兼有蒙自阿迷二司以萬氏為謀主日告訐諸土司以兵掠之滇中撫按與黔國公沐天波不能審其曲直兵勢既盛遂輕黔國可取而代也

錄十

越中徐氏刻本

乙酉與武定土司吾必奎吾安世約汝以武定叛黔國必調我合兵攻之諸司莫敢難吾者吾必奎如約國公發諸司兵檄蒙自二千定洲以五千赴之至則必奎已擒定洲大失望會黔國公家奴阮韻喜徐中和有異志參將張國用都司袁士宏亦怨黔國公二憾密告定洲許為內應當是時諸生于朋錫饒布之用事黔府中恣為不法大橫兵官李天植征武定回有二妹殊色朋錫奪之天波既擒定洲軍疏題參將十二月朔日食天波不受勅二日定洲入謝阮奴伏甲於內沙兵謀於外以誅于朋錫為名縱火沐府天波持印踰垣出走母陳太夫人配焦夫人弟天澤天淵

皆遇害定洲劫巡撫吳兆元具題言沐天波叛沙定洲起兵定之應以定洲代天波鎮守雲南兆元不可拘之別室奪其印以偽疏入告福京定洲遂行府事

丙戌春發兵圍天波於楚雄天波走永昌以道臣楊長知留守而四將軍之師自黔入滇定洲大懼截軍彌勒陳隔泥關四將軍以兵五萬突之沙兵大敗四將軍者孫可望李定國劉文秀艾能奇是也皆獻賊部曲張獻忠伏誅去偽號欲迎黔國公以輔王室既入曲靖值隆武皇帝遣太監孫興祖調沙兵入衛四人謂興祖曰朝廷遠不知滇事始末今若徵之是獎亂也不如討平沙逆迎還沐國使之引

錄十

越中徐氏刻本

兵東向興祖然之傳檄至雲南定洲殺故大學士王錫衰以宵遁
丁亥四月十八日城中人執阮韻喜袁士宏檻送楚雄伏誅
二十四日孫李諸軍入城秋毫不犯定洲據省凡五百五
十日五月李定國率師向臨安庚戌至壬戌拔之改阿迷
日開遠蒙自日樂新遣使至楚雄永昌楊長知猶以流賊
日之六月四將軍入迤西畏知迎戰被執四將軍解其縛
坐以上坐以為同獎王室非有他也俾作書通意於天波
七月土司龍在田許秉滔來降八月十八日兵入鶴慶又
分兵入麗江土知府本懿迎降天波得畏知書猶不敢信

遣其子忠顯至營曰但常守永昌足矣不敢望復故位劉
文秀謂諸人曰沐世子來猶國公也請以國公之禮禮世
子歸以二十騎送之悉返所得沐氏世寶天波大喜過墮
二十騎中有兩人厯階而上忠顯視之愕然謂其父曰此
卽撫南劉將軍及王將軍某也天波乃同兩將軍還滇車
裂于朋錫徐中和以謝國人文秀隨引兵討倂革竜併革
竜者定洲之老巢也有九山最險崗名溪鳥其外巢曰大
莊夷日黑老虎據之其戰日銜雙刀手舞大刀所向無前
文秀圍之久不下定國益兵往誅黑老虎十月四日崗人
多出降遂破之執定洲萬氏以歸磔之

錄十

三 越中徐氏刻木

史臣曰沙亂由於萬氏滇人疑其爲夏姬乃獻俘魁墨
奇醜莫不大笑嗟乎亡國者何必妾媵驪姬哉

行朝錄十

光緒十九年徐氏鏞學齋雕本

山陰薛炳校

餘姚黃宗羲

賜姓始末

朱成功者鄭芝龍之子也母爲夷女原名鄭森宏光時入南京太學聞錢謙益之名執贄爲弟子謙益字之曰大木丰采掩映隆武皇帝卽位入朝年纔二十一上奇之賜今姓名俾統禁旅以駙馬體統行事封忠孝伯

初芝龍之爲盜也所居爲泉州之東石其地濱海有李習者往來日本以商船爲事芝龍以父事之習授芝龍萬金寄

其妻子會習死芝龍乾沒之遂召募無賴爲盜於海中久

錄十一

越中徐氏刻本

之而所得不貲崇禎中受巡撫沈猶龍招撫芝龍妻叩木

長琦王族女爲妻凡爲日本贊墻者例不得歸惟芝龍挈

其妻還東石遂爲富人甲於全閩第宅縱橫數里猶龍母

生日進珊瑚高尺餘飾以珠龍金盃猶龍嘆賞復進一枝

製生犀黃金爲甲每出則百餘人如一人莫辨其孰爲芝

龍也時南安有苟懋惠安有劉香皆稱富強苟懋先亡香

恃眾不孰撫劉命芝龍討之戰於五虎門外之定海所芝

龍力不敵香而弟芝虎勇甚望見香乘大艦指揮兵士以

輕舟超艦而上直前取香左右皇急莫敢縱兵香亦勇格

虎兵器墮之遂徒手而搏相持入海皆死芝龍既併其眾

2774 935

勢益強盛江右柳維聰爲巡撫思欲衰之然無以爲計也宏光時封南安伯及勸進隆武封平虜侯進平國公北兵入福州芝龍退屯安海樓船尙五六百艘乃爲洪承疇所誘必欲降附諸將多不從成功痛哭而諫芝龍意不可回單騎北去芝龍既降其家以爲可免暴掠遂不設備北兵至安海大事注掠成功母亦被淫自縊死成功大恨用夷法剖其母腹出腸滌穢重納之以斂

丙戌十二月朔成功會文武羣臣於烈嶼設高皇帝神位定盟恢復

丁亥仍稱隆武三年移於南澳勤王者遠近至軍聲頗震五

錄十一

越中徐氏刻本

月於廈門中左所設演武場七界合定國公鄭鴻遠軍圍

泉州之桃花山不克十月從大學上路振飛曾櫻議頒明

年隆武四年戊子大統歷用文淵閣印印之

戊子閏三月同安安溪背下以吏部主事葉翼雲署同安縣

事五月聞南安縣七十日不克而反八月同安破葉翼雲

及鎮將邱進金裕皆死之知丞歷皇帝駐蹕廣東之肇慶

遣光祿寺卿陳士京入朝

己丑士京還自行在封成功爲延平王始稱永曆三年六月

漳浦守將納欵

庚寅成功南下

辛卯二月泉州偵廈門單薄襲破之曾櫻自縊諸紳咸避於
梧峙成功自南返泉州襲者始退十二月攻漳浦知縣某
出降

壬辰正月漳浦守將赫文興舉城降圍長樂縣北督陳錦來
援敗之二月復平和詔安南靖三縣進圍漳州府縣七月
七日陳錦爲其內司李進忠等五人所刺以其首來降八
月刑部侍郎王虞石至自五指山言隆武帝在彼爲僧繼
而遣使至廈門一時故臣皆不能決九月北師金帥援漳
島師失利

癸巳二月五指山復遣使來存問諸臣使言隆武帝今離五

錄十一

三 越中徐氏刻本

指山駐平遠縣將起兵故臣乃具公疏請勅諭示卒不可
得五月金帥以萬騎攻海澄遇伏大敗六月島師南下會
潮州守將郝尙文反正以定海李孟設署太守事其屬縣
潮陽惠來相抗成功赴勦

甲午四月新朝割漳泉惠潮四郡地令島師剃髮不受潮州
復陷十一月發水陸師應西寧王李定國於粵東十二月
朔復漳州府漳屬十縣降者九獨龍巖不下馬泉巖七縣
降者六

乙未正月破僊遊攻凡半月四月援粵之師失利統軍者黃
梧降級五月祭旗大演陸師戈甲耀日集縉紳觀之六月

祭海大演水師九月南征破揭陽海澄普甯三縣命峻揭
城毀澄普十一月舟山巴臣興舉城降發師已三月阻風
至是方抵城下十六日北帥再遣使議和

丙申正月還十一日始頒永歷十年大統歷以年前有戎事
也台州北將馮信乘其城納降於舟山二月降將馬濟馮
用張洪德俱抵廈門謁成功五月十日粵師失利鏖斬其
將蘇茂閏五月攻廈門爲思明州六月二十四日黃梧以
海澄叛知縣王元士從之協將康雄不從斷其手得絕城
出七月五日以勇忠侯陳某爲思明州守成功率師北伐
奪圍安鎮斬北將胡希孔生擒百七十餘人二十三日戰
於南臺奪橋又明日戰於橋北再勝二十八日戰於教場
奪馬二十五匹擒延平參將張禮八月四日復連江二十
六日舟山陷總制陳雪之英義伯阮駿俱赴海死
丁酉十二月島上火藥局災

錄十一

四 越中徐氏刻本

戊戌正月行在以璽書通問二月徐孚遠泛海由交趾入安
龍交趾要其行禮不聽不得過遂返廈門後廈門破孚遠
遁跡爲北帥吳六奇所藏完髮以死海外生一子扶藪至
松江未葬子亦死成功會師浙海以少司馬張煌言爲監
軍北伐抵羊山羊山故有龍祠海船過者致祭必以生羊
卽放於山上久而孳乳日蕃見人不畏避軍士競逐之

天朗波平怪風猝至海舶自相攙擊義陽王某溺焉於是返旆

已亥五月全師北指張煌言以所部義旅為前驅入江煌言抵瓜州城下明日成功至北帥出禦滿漢死者千餘乘勝克其城成功南渡攻鎮江煌言沂長江未至儀真五十里吏民迎降六月二十八日煌言抵觀音門成功已下鎮江水師畢至七月哨卒七人掠江浦取之五日蕪湖以降書至成功謂煌言蕪城上游門戶倘留都不且夕下則江楚之援日至控扼要害非公不可七日煌言至蕪湖傳檄郡邑江之南北相率來附郡則太平甯國池州徽州縣則當

錄十一

五 越中徐氏刻本

塗蕪湖繁昌宣城甯國涇縣南甯南陵太平旌德貴池銅陵東流建德石埭青陽虹縣巢縣含山舒城廬江高潛灑陽建平州則廣德無為和陽凡得府四州三縣二十四而下游之常鎮屬縣亦待時而皆為降計其時有大帥單騎而逃飯於邨店店惟一老嫗大帥惶遽問曰今代何如老嫗不知其為大帥也合掌向之而謝曰聞殺北人盡矣大帥不敢飯而去金陵亦欲議降未定而諜知烏師疎放樵蘇四出營壘為空士卒釋冰而嬉用輕騎襲破前屯成功倉猝移帳質明軍竄未就北師傾城出戰兵無鬪志烏師大敗總兵甘輝等死之成功遂乘流出海并撤鎮江之師

煌言趨銅陵與楚師遇兵潰變姓名從建德祁門山中出天台以入海

成功之敗而歸也以廈門單弱方謀所向中途遇紅夷船一隻其通事乃南安人謂成功曰公何不取臺灣公家之故土也有臺灣則不患無餉矣臺灣者海中荒島也崇禎間熊文燦撫閩值大旱民飢上下無策文燦向鄭芝龍謀之芝龍曰公第聽某所為文燦曰諾乃招飢民數萬人給銀三兩三人給牛一頭用海舶載至臺灣合其芟舍開墾荒土為田厥田惟上上秋成所獲倍於中土其人以衣食之餘納租鄭氏後為紅夷所奪築城數處曰臺灣曰雞籠

錄十一

六 越中徐氏刻本

公二相行政號曰共和十四年上不係於厲王下不係於宣王後之君子未嘗謂周之統絕也以此為例鄭氏不可謂徒然矣獨怪吾君之子匿於其家而不能奉之以申大義於天下某聞海外尚多人物當必有說以處此

行朝錄十一

光緒十九年徐氏鑄學齋雕本

山陰薛炳校

江右紀變 太倉陸世儀道威述

金聲桓者關東人左良玉之總兵也乙酉春寧南臥疾其子
夢庚舉兵內向以清君側為名破九江屠之寧南憤死四
月猝遇清師夢庚以兵降聲桓與焉已而英王以夢庚北
去用聲桓為總兵江西王體忠副之王體忠者故闖賊帥
也河南人少美姿容善騎射闖賊愛之予以兵所向無敵
至是闖賊戰敗於潼關師盡潰體忠降因以為副聲桓見
體忠而喜甚結為兄弟因以兵循江西時江西自省垣而
外多堅守不下鄉紳之倡義協力者亦所在團結楊廷麟

錄十二

一 越中徐氏刻本

萬元吉守吉安扼西路傅鼎銓揭重熙守建昌扼東路尤
稱嚴辦金王一皆擊破之殺益王至八月剃髮令下聲
桓率兵士皆剃髮時體忠方徇傍邑歸馬上裹涼幘簪金
珥簪顧盼自矜聞剃髮令下甚愠有不奉法意時聲桓與
體忠坐南北察院開便門通往來相去不數武聲桓乃邀
體忠議事體忠以二十騎往與聲桓議不合聲桓伏兵殺
之裂其尸為五二十騎遂入格鬥殺數人二十騎亦死體
忠之兵通營皆譟兩營合圍於南昌城中砲箭所及傷居
民無數縱火焚民居幾千百家先是體忠徇吉安獲七象
遂以象兵巷戰象兵所至人馬皆辟易而是日七象遇金

兵輒伏地頓鼻不敢動王兵氣奪且失主帥遂開門散聲
桓以王兵驍勁敢戰恐其為後患命有能招體忠兵者以
其職與之體忠軍中有小帥王德仁其髮種種號王維毛
素驍勇遂以其兵歸聲桓納之啟為副帥與俱鎮江西時
新建有諸生殷國楨者氣節士也不從剃髮令乃以帶紫
髮鬚覆腦後南走閩中上書隆武帝乞勅書劄印日夜
馳四方所至連結山澤忠義之士凡數千百人與王德仁
部下王禹門契厚日夜說禹門反正禹門復說德仁德仁
亦心動而未果會遼人章于天撫江西性貪鄙金王兩帥
入謁拒不見納金而後見之兩帥頗不安四年丁亥按臣

錄十二

二 越中徐氏刻本

董來尤貪鄙無狀金王往謁門者入啟董呵曰彼劄委總
兵耳吾自朝廷來未聞彼姓名奈何入謁金王恐遂益納
金而德仁者其所部曾殺益王得王府金寶無算董故知
之尤謾罵德仁德仁納黃金千兩董猶未饜具疏聞於朝
擬斥之撫臣微洩其言於聲桓聲桓被酒語德仁曰汝禍
將至矣盍避諸德仁請故聲桓不答德仁固以請聲桓為
道其實德仁大驚急還營選輕騎一日夜馳三百里獲其
承差殺之以疏歸德仁遂決意反正為酒召聲桓聲桓至
德仁語之故聲桓猶豫德仁遂令軍中日凡與我同心反
正者去其髮辨軍中皆盡去須臾髮積如山聲桓不得已

與德仁謀曰若果爾將安歸德仁遂召禹門謀南向時聞中隆武已敗散帝於廣者永歷也禹門率國植上聲桓平南大將軍豫國公印德仁建武侯印皆黃金方廣五寸聲桓意遂決亦命眾去髮辨執按臣殺之因撫臣凡滿人之在城者殺皆無赦舉義旗稱永歷二年旬日之間合郡響應時戊子正月二十八日也聲桓糾其眾凡八十餘萬人以舊紳姜日廣爲閣部其謀所向時警報至江寧守臣皆震恐失色江南北人心岌岌欲動或謂聲桓今日之事宜乘不備地方守禦義師可辦將軍當自簡合郡精甲以全力直下金陵則金陵必破卽未必破而大江南北必有起

錄十二

三 越中徐氏刻本

而肆應者則事機可集矣聲桓不聽謂贛州爲兩廣咽喉兩廣不通終無根本昔年王守仁擒宸濠之事可鑒乃使人南攻贛時守南贛者乃高傑舊將楊與柯也見聲桓等稱公稱侯謂宜有封爵相及卒得檄文乃大怒謂吾輩舉大事寧不值一片紙乃欲降虜相待我與若輩皆同伍今汝懸斗大將軍印我降將爲汝麾下士耶焚其書固守不應聲桓大怒將攻之或又謂此其將欲邀賞爵之故也宜急于勿吝聲桓謂始事不可以示怯卒命德仁率兵十萬往攻南贛時德仁所部士往往多銀鎧以金飾額狀若天神馬肥卒強道旁觀者莫不嘆羨以爲中興可立俟也德

仁旣去聲桓在南昌或又謂宜出兵畧地聲桓不許惟日糾簡鄉壯時鄉壯皆民間無賴子弟聞義旗起皆相率團聚以圖富貴鄉鄰坊落凡有富名輒借名索餉恣啖酒食及聲桓下令料簡俱集城中一時軍令嚴迫莫敢擅取民間物而所招集之人初無餘貲聲桓又不發餉數日之後漸見飢疲有散去者而日廣諸人素不習兵事聲桓亦無遠畧識者已知其不能有爲矣而德仁攻南贛不克聲桓恐遂自發兵攻之南昌留其大廳宋奎光居守初金王之殺滿人也有騎而脫者不數十日至北都北都遂疾發兵使譚固山名泰督之凡三千皆精騎風馳至江右屯七里

錄十二

四 越中徐氏刻本

補去南昌止七里而向來欲動之人心皆持疑不發大廳宋亦能軍與北來兵戰兩戰皆小捷殺北兵數十人聲桓有兄金大欲獻城大廳宋覺之執訴於聲桓之母斬而懸其頭於城人心稍定已而聲桓自贛歸欲入城大廳宋謂之日吾殺爾兄吾未知爾心如果能爲明者汝當與清戰戰捷之後可相見也聲桓遂與清戰亦殺北兵數十人遂開門入而聲桓自此無鬪志矣未旣德仁亦自贛歸併力固守時城中兵號四十萬精甲尙數萬譚固山間之亦爲瞻指或謂金王宜悉眾出攻背城借一而所部兵俱富無鬪志惟日居城中搜括金帛子女犒宴爲樂金王之子弟

親戚皆爲顯官稱將軍侯伯不一城外兵漸集攻其益備
金王不得已乃商出戰而兩營莫肯先乃議回日出金營
步兵居前爲火攻營劉一鵬兵皆持筦背復火箭後行持
火繩出戰次第皆然若敵騎來突則筦如林立不可犯亦
勁卒也繼之爲王營馬兵而聲桓德仁則率諸營兵爲後
勁至清兵所屯營將二里間營中寂無聲王兵易之分劉
帥步兵居兩旁而馬兵徑撲其營則空營也急抽兵欲歸
而城中方發兵出繼兵多不能速出又爲歸騎所衝塞塞
不成行列清以精騎休道旁民舍中乘其亂猝擊之五騎
爲一攢四面橫突矢發如雨遂大潰金王兵出不意不能

錄十二

五

越中徐氏刻本

成列砲矢皆不得發鎗皆豎擊束手莫展死者十餘萬人
是役也蓋以城中議戰累日不決聲聞於外故清得爲備
云而清亦慮城兵勁乃仿李克用擒存孝法築長圍攻之
陸路爲長濠三道皆驅兵起土卽累土爲城晝夜圍守其
臨章江處驅民折屋伐木爲撒星椿以鎮江流亦三道上
蓋木板藉以泥草人馬通行城中坐視莫敢出矣惟日望
四方之救令日廣作書與其門生故吏時聲桓所部將散
守各郡者尙有七副總而各山忠義之士亦所在屯聚皆
觀望莫肯救問有送糧至城下者皆爲清兵擊卻城上惟
日望見塵起火箭交射砲聲四擊少頃寂然則兵散而歸

矣有郭天才者亦金副將所部步兵皆長鎗敢戰獨率眾
至南昌城下數與清兵相持凡數十戰撓其長圍邀之入
城以無後援且城中莫有應者終敗沒長圍遂合自五月
至七月城中飢窘斗米數十金相顧無策有遊僧摩訶般
若者自言有神術不用甲兵惟選十四五童子手持長香
念波羅密賊不戰自敗金王與日廣俱信之稱爲國師未
幾出兵不戰而走殺童子無數城幾破德仁又恐武都司
之女疏於兵事有孝廉某者國變卽剃髮爲僧人皆稱其
有王佐才時亦在城中金王乃奉爲盟主羅拜求策孝廉
曰今日之策當於死中求生耳而諸將卒皆以金帛妻子

錄十二

六

越中徐氏刻本

故莫肯戰誠能下令俾諸將卒皆焚金帛殺妻子併力出
鬪猶或有生路不然吾不能爲若謀也金王諾之令出諸
將卒皆怒欲殺孝廉孝廉辭去而城下之圍益急城中飢
甚大率自十月後皆殺人爲食矣呼人爲雞有孤行者輒
攫去烹食棄骸於道顛骨皆無完者食腦故也有獻策者
謂宜遣飢民出降使就食可通外間聲援而清師獲飢民
輒殺之獲兵皆不殺使周呼於城曰生路絕矣汝曹皆有
父母妻子何苦同盡盡出降諱固山待吾以不死也兵益
懈發火器者皆不用鉛彈清兵固急攻之凡兩晝夜砲聲
不絕內復有應者清兵遂攀堞而登聲桓遂赴水死德仁

日廣皆被殺殷國楨者受永歷劄爲兵部職方郎聯絡各
山以金王被圍乞師於寧州寧州副將鄧東陽亦金部將
也誘而執之見譚固山不屈死南昌遂陷時己丑正月十
八日也自始事至此凡一載南昌合郡之民死者數百餘
萬初聲桓之殺王體忠也江右列郡義師所在屯守海內
之眾不便於剃髮者如鼎斯沸聲桓不乘此時反正而顧
與德仁宣力効忠誅鋤忠義至三年之後大勢畧定乃以
小忿猝起圖功又不能奮臂疾呼作大江南北之氣而退
爭庾嶺示弱天下首鼠不出坐困孤城爲淮南三叛之續
悲夫

錄十二

七

越中徐氏刻本

傅鼎銓撫州臨川人庚辰進士授翰林院檢討乙酉清兵至
江西與同邑丁丑進士揭重熙共起義師守建昌一路與
楊廷麟萬元吉爲犄角金王攻克之鼎銓走入廣信山中
不能獲鼎銓故學佛四月八日俗稱浴佛日也山中有佛
寺是日舉浴佛會鼎銓與焉清謀知之遣騎入山獲其部
下士遂踪跡得之傅作詩云浴佛傳名日孤臣殉節時棘
矜羈彩鳳遭犬獲靈麒麟頸玉霄碎剖心山不移爭留巾
履在昭取漢威儀撫按諸臣俱勸之降鼎銓笑不答在獄
幾閱月巾服如故朝夕賦詩不輒或欲爲剃髮鼎銓曰待
留此與頭俱去疏上得處決旨眾皆爲涕泣鼎銓揚揚如

平常聞吹角聲起日可以行矣語左右我不畏死不可縛
眾不敢縛乃徐行至順化門幾數里道旁觀者如堵莫不
泣下鼎銓不爲動臨城橋南向再拜行刑者請跪鼎銓叱
日自彼獲以來爲誰屈膝者乃今日欲我跪耶行刑者因
請坐鼎銓徐諾坐橋上以手整衣領伸頸待刃行刑者俱
手顫墮淚

萬元吉字吉人南昌人也乙丑進士初任歸德府推官行取
入京後督師楊嗣昌薦舉軍前贊畫宏光時擢兵科乙酉
清兵至宏光出亡元吉書西江月數首於南京四牌坊上
卽南還與楊廷麟同起義師於吉安師敗城陷退守贛州

錄十二

八

越中徐氏刻本

金王攻克之與廷麟俱不屈而死西江月猶記其二其辭
云可惜青山綠水委同白草黃沙羣奸誤國死猶踪有恨
杜鵑難化蹈海魯連辟世歸湖范蠡辭家重來改作別生
涯一艇鄱陽東漢又日壯志甯堪左衽同仇莫賦無衣羊
裘獨自上漁磯敢日昨非今是適意魚鰕可友忘機荇藻
俱肥浮家無可去來歸慘澹蒹葭秋水

行朝錄十二

終

光緒十九年徐氏鑄學齋雕本

山陰薛炳校

梨洲先生神道碑文 鄭全祖 望撰

康熙三十四年歲在乙亥七月初三日姚江黃公卒其子百家爲之行畧以求挺道之文於門生鄭高州梁而不果作既又屬之朱檢討彝尊亦未就迄今四十餘年無墓碑然予讀行畧中固嗛嗛多未盡者蓋當時尙不免有所嫌諱也公之理學文章

聖祖仁皇帝知之固當炳炳百世特是公生平事實甚繁世之稱之者不過曰始爲黨綱後爲遺逸而中間陵谷崎嶇起軍乞師從亡諸大案有爲史氏所不詳者今已再易世又幸逢

錄末

一 越中徐氏刻本

聖天子蕩然盡除文字之忌使不亟爲表章且日就湮晦乃因公孫干人之請拮據公遺書參以行畧爲文一通使歸勒之麗牲之石并以爲上史局之張本公之卒也及門私謚之日文孝子謂私謚非古乃溫公所不欲加之橫渠者恐非公意故弗稱而公所歷殘明之官則不必隱近觀明史於乙酉後諸臣未嘗不援炎興之例大書也公諱宗義字太冲海內稱爲梨洲先生浙江紹興府餘姚縣黃竹浦人也忠端公尊素長子太夫人姚氏其王父以上世系詳見忠端公墓銘中公垂髫讀書卽不瑣守章句年十四補諸生隨學京邸忠端公課以舉業公弗甚留意也每夜分秉燭觀書不及經藝忠

錄末

二 越中徐氏刻本

端公爲楊左同志逆奄勢日張諸公听夕過從屏左右論時事或密封急至獨公侍側益得盡知朝局清流濁流之分忠端公死詔獄門戶艱晚而公奉養王父以孝聞夜讀書畢嗚嗚然哭顧不令太夫人知也莊烈卽位公年十九袖長錐草疏入京頌冤至則逆奄已磔有詔死奄難者贈官三品予祭葬祖父如所贈官蔭子公既謝恩卽疏請誅曹欽程李實忠端之削籍由欽程奉奄旨論劾李實則成丙寅之禍者也得旨刑部作速究問五月會訊許顯純崔應元公對簿出所袖錐錐顯純流血蔽體顯純自訴爲孝定皇后外甥律有議親之條公謂顯純與奄構難忠良盡死其手當與謀逆同科夫謀逆則以親王高煦尙不免誅况皇后之外親卒論三人斬行畧誤以爲論二人 洪不待時今據逆案 妻子流徙公又殿應元胸拔其鬚歸而祭之忠端公神主前又與吳江周延祚光山夏承其錐牢子輩咨顏文仲應時而斃時欽程已入逆案六月李實辨原疏不自已心忠賢取其印信空本令李永貞填之故墨在硃上又陰致三千金於公求弗質公卽奏之謂實當今日猶能賄賂公行其所辨豈足信復於對簿時以錐錐之然丙寅之禍確由永貞填寫空本故永貞論死而實未減獄竟偕同難諸子弟設祭於詔獄中門哭聲如雷聞於禁中莊烈知而歎曰忠臣孤子甚惻朕懷旣歸治忠端公葬事畢肆力於學忠端

公之被逮也謂公曰學者不可不通知史事可讀獻徵錄公遂自明十三朝實錄上遡二十一史靡不究心而歸宿於諸經既治經則旁求之九流百家於書無所不窺者憤科舉之學綱人坐平思所以變之既盡發家藏書讀之不足則抄之同里世學樓鈕氏澹生堂祁氏南中則千頃齋黃氏吳中則絳雲樓口氏窮年搜討游屐所至遍歷通衢委巷搜鷲故書薄暮一童肩負而返乘夜丹鉛次日復出率以爲常是時山陰劉忠介公偕道蕺山忠端公遺命令公從之游而越中承海門周氏之緒餘援儒入釋石梁陶氏爽齡爲之魁傳其學者沈國模管宗聖史孝咸王朝式輩鼓動狂瀾翕然從之姚

錄末

王

越中徐氏刻本

江之緒至是大壞忠介憂之未有以爲計也公之及門年尚少奮然起曰是何言與乃約吳越中高材生六十餘人共侍講席力摧其說惡言不及於耳故蕺山弟子如祁章諸公皆以名德重而四友禦侮之助莫如公者蕺山之學專言心性而漳浦黃忠烈公兼及象數當是時擬之程邵兩家公曰是開物成務之學也乃出其所窮律麻諸家相疏證亦多不謀而合一時者宿聞公名者競延致之相折衷經學則何太僕天玉史學則口侍郎口口莫不傾筐倒庋而返因建續抄堂於南雷思承東發之緒閣學文文肅公嘗見公行卷曰是當以大著作名世者都御史方公孩未亦曰是眞古文種子也

有弟宗炎字晦木宗會字澤望並負異才公自教之不數年皆大有聲於是儒林有東湖三黃之目方奄黨之綱也東林桴鼓復盛慈谿馮都御史元颺兄弟浙東領袖也月旦之評待公而定而踰時中官復用事於是逆案中人彈冠共冀然灰在廷諸臣或薦霍維華或薦呂純如或請復涿州冠帶陽羨山已特起馬士英爲鳳督以爲援阮大鍼之漸卽東林中人如常熟亦以退閑日久思相附和獨南中太學諸生居然以東都清議自持出而厄之乃以大鍼觀望南中作南都防亂揭宜興陳公子貞慧靈國沈徵君壽民貴池吳秀才應箕蕪湖沈上舍士柱其議以東林子弟推無錫顧端文公之

錄末

四

越中徐氏刻本

孫臬居首天啟被難諸家推公居首其餘以次列名大鍼恨之刺骨戊寅秋七月事也薦紳則金壇周儀部鑣實主之說者謂莊烈帝十七年中善政莫大於堅持逆案之定力而太學清議亦足以寒奸人之膽使人主聞之其防閑愈固則是揭之功不爲不鉅壬午入京陽羨欲薦公以爲中書舍人力辭不就一日遊市中聞鐸聲曰非吉聲也遽南下已而大兵果入口甲申難作大鍼驟起南中遂案揭中一百四十八姓氏欲盡殺之時公方之南中上書闕下而禍作公里中有奄黨首糾劉忠介公并及其三大弟子則祁都御史彪佳章給事正宸與公也祁章尙列名仕籍而公以朝不坐燕不與

之身挂於彈事聞者駭之繼而里中奄黨徐大化姪官光祿
丞者復疏糾遂與臬並逮太夫人歎曰章妻滂母乃萃吾一
身耶貞慧亦逮至鑣論死壽民應箕士柱亡命而桐城左氏
兄弟入寧南軍晉陽之甲雖良玉白爲避流賊計然大賊以
爲揭中人所爲也公等惴惴不保駕帖尙未出而大兵至
得免南中歸命公踉蹌歸浙東則劉公已死節門弟子多殉
之者而孫公嘉績熊公汝霖以一旅之師畫江而守公糾合
黃竹浦子弟數百人隨諸軍於江上江上人呼之曰世忠營
公請援李泌客從之義以布衣參軍不許授職方尋以柯公
夏卿與孫公等交舉薦改監察御史仍兼職方方王跋扈諸

錄末

五 越中徐氏刻本

亂兵因之總兵陳梧自嘉興之乍浦浮海至餘姚大掠王職
方正中方行縣事集民兵擊殺之亂兵大噪有欲罷正中以
安諸營者公曰借喪亂以濟其私致干眾怒是賊也正中守
土卽當爲國保民何罪之有監國是之尋以公所作監國魯
元年大統麻頌之浙東馬士英在方國安營欲入朝朝臣皆
言其當殺熊公汝霖恐其挾國安以爲患也好言曰此非殺
士英時也宜使其立功自贖耳公曰諸臣力不能殺耳春秋
之孔子豈能加於陳恆但不得謂其不當殺也熊公謝焉又
遣書王之仁曰諸公何不沉舟決戰由楮山直趨浙西而日
於江上放船鳴鼓攻其有備蓋意在自守也蕞爾三府以供

十萬之眾北兵卽不發一矢一年之後恐不能支何守之爲
又曰崇明江海之門戶曷以兵擾之亦足分江上之勢聞者
皆是公言而不能張國柱之浮海至也諸營大震廷議欲
封以伯公言於孫公嘉績曰如此則益橫矣何以待後請署
爲將軍從之公當搶攘之際持議嶽嶽悍帥亦憚於義不敢
有加自公力陳西渡之策惟熊公嘗再以所部西行攻下海
鹽軍弱不能前進而返至是孫公嘉績以所部火攻營卒盡
付公公與王正中合軍得三千人正中者之仁從子也其人
以忠義自奮公深結之使之仁不以私意撓軍事故孫熊錢
沈諸督師皆不得支餉而正中與公二營獨不乏食查職方

錄末

六 越中徐氏刻本

繼佐軍亂披髮走公營巽於牀下公呼其兵責而定之因爲
繼佐治舟使同西行遂渡海剗潭山烽火遍浙西太僕寺卿
陳潛夫以軍同行而尙寶司卿朱大定兵部主事吳乃武等
皆來會師議由海鹽以取海鹽因入太湖招吳中豪傑百里
之內牛酒日至軍容甚整直抵乍浦公約崇德義士孫奭等
爲內應會大兵已纂嚴不得前於是復議再舉而江上已
潰按是役也正中實以敗歸公爲正中墓表不無溢美子攷正之不敢失其實也公遽歸入四明山
結寨自固餘兵願從者尙五百餘人公駐軍杖錫寺微服潛
出欲訪監國消息爲扈從計戒部下善與山民相結部下不
能盡遵節制山民畏禍潛焚其寨部將茅翰汪涵死之公無

所歸於是姚江跡捕之檄累下公以子弟走入剡中已丑聞
監國在海上乃與都御史方端士赴之晉左僉都御史再晉
左副都御史時方發使拜山寨諸營官爵公言諸營之強莫
如王翊其乃心王室亦莫如翊諸營文臣輒自稱都御史侍
郎武臣自稱都督其不自張大亦莫如翊宜優其爵使之總
臨諸營以捍海上朝臣皆以爲然定西侯張名振弗善也俄
而大兵圍健跳城中危甚置靴刀以待命蕩湖棹至得免
時諸帥之悍甚於方王文臣稍異同其間立致禍如熊公汝
霖以非命死劉公中藻以失援死錢公肅樂以憂死公既失
兵日與尙書吳公鍾巒坐船中正襟講學暇則注授時泰西

錄末

七 越中徐氏刻本

回回三麻而已公之從亡也太夫人尙居故里而中朝
詔下以勝國遺臣不順命者錄其家口以聞公聞而歎曰主
上以忠臣之後仗我我所以棲棲不忍去也今方寸亂矣吾
不能爲姜伯約矣乃陳情監國得請變姓名間行歸家公之
歸也吳公掉三板船送之二十里外嗚咽海中是年監國由
健跳至翁洲復召公副馮公京第乞師日本抵長埼不得請
公爲賦式微之章以感將士是馮公第二次乞師事 公旣自桑海中來
杜門匿景東遷西徙靡有寧居而是時大帥治浙東凡得名
籍與海上有連者卽行翦除公於海上位在列卿江湖俠客
多來投止而馮侍郎京第等結寨杜臬卽公舊部風波震撼

齟齬日至當事以馮王二侍郎與公名並懸象魏又有上變
於大帥者以公爲首而公猶挾帛書欲招蔡中將軍以南援
時方搜勦沿海諸寨之竊伏與海上相首尾者山寨諸公相
繼死公弟宗炎首以馮侍郎交通有狀被縛刑有日矣公潛
至鄞以計脫之辛卯夏秋之交公遣間使入海告警令爲之
備而不克甲午定西侯間使至被執於天台又連捕公丙申
蕙水寨主沈爾結禍作亦以公爲首其得以不死者皆有天
幸而公不爲之憚也熊公汝霖夫人將逮入燕公爲調護而
脫之其後海氛漸滅公無復望乃奉太夫人返里門於是始
畢力於著述而四方請業之士漸至矣公嘗自謂受業戴山

錄末

八 越中徐氏刻本

時頗喜爲氣節斬斬一流又不免牽纏科舉之習所得尙淺
患難之餘始多深造於是胸中窒礙爲之盡釋而追恨爲過
時之學蓋公不以少年之功自足也問學者旣多丁未復舉
證人書院之會於越中以申戴山之緒已而東之鄞西之海
寧皆請主講大江南北從者駢集守令亦或與會已而撫軍
張公以下皆請公開講公不得已應之而非其志也公謂明
人講學襲語錄之糟粕不以六經爲根柢束書而從事於遊
談故受業者必先窮經經術所以經世方不爲迂儒之學故
兼令讀史又謂讀書不多無以證斯理之變化多而不求於
心則爲俗學故凡受公之教者不墮講學之流弊公以濂洛

之統綜會諸家橫渠之禮教康節之數學東萊之文獻良齋
止齋之經制水心之文章莫不旁推交通連珠合璧自來儒
林所未有也康熙戊午 詔徵博學鴻儒掌院學士葉公方
請先以詩寄公從史就道公次其韻勉其承莊渠魏氏之絕
學而告以不出之意葉公商於公門人陳庶常錫嘏曰是將
使先生爲壘山九靈之殺身也而葉公已而奏

御前錫嘏問之大驚再往辭葉公乃止未幾又有 詔以葉

公與同院學士徐公元文監修明史徐公以爲公非能召使
就試者然或可聘之修史乃與前大理評事興化李公口同
徵詔督撫以禮敦遣公以母旣耄期已亦老病爲辭葉公知

錄末

九 越中徐氏刻本

必不可致因請 詔下浙中督撫抄公所著書關史事者送
入京徐公延公子百家參史局又徵鄞萬處士斯同萬明經
言同修皆公門人也公以書答徐公戲之曰昔聞首陽山二
老托孤於尙父遂得三年食薇顏色不壞今吾遣子從公可
以置我矣是時

聖祖仁皇帝純心正學表章儒術不遺餘力大臣亦多躬行
君子廟堂之上鐘呂相宣顧皆以不能致公爲恨左都御史
魏公象樞曰吾生平願見而不得者三人夏峯梨洲二曲也
工部尙書湯公斌曰黃先生論學如大禹導水導山脈絡分
明吾黨之斗杓也刑部侍郎鄭公重曰今南望有姚江西望

有二曲足以昭道術之盛兵部侍郎許公三禮前知海鹽從
愛三易洞璣及官京師尙歲貽書問學庚午刑部尙書徐公
乾學因侍直

上訪及遺獻復以公對且言曾經臣弟元文奏薦老不能來
此外更無其倫

上曰可召之京朕不授以事如欲歸當遣官送之徐公對以
篤老恐無來意

上因歎得人之難如此嗚呼公爲勝國遺臣蓋瀕九死之餘
乃卒以大儒耆年愛知當亡又終保完節不可謂非貞元之
運護之矣公於戊辰冬已自營生曠於忠端墓旁中置石牀

錄末

十 越中徐氏刻本

不用棺槨子弟疑之公作葬制或問一篇援趙邵卿陳希夷
例戒身後無得違命公自以身遭國家之變期於速朽而不
欲顯言其故也公雖年逾八十著書不輟乙亥之秋寢疾數
日而歿遺命一被一褥卽以所服角巾深衣殮得年八十有
六遂不棺而葬妻葉氏封淑人廣西按察使憲祖女也三子
長百藥娶李氏繼娶柳氏次正誼娶孫氏閣部忠襄公嘉積
孫女戶部尙書延齡女繼虞氏次百家聘王氏侍郎翊女未
笄殉節娶孫氏百藥正誼皆先公卒女三長適朱朴次適劉
應介公孫茂林忠端被逮忠介送之豫訂爲姻者也次適朱
沆孫男六千人其季也孫女四公所著有明儒學案六十一

卷有明三百年儒林之藪也經術則易學象數論六卷力辨
河洛方位圖說之非而遍及諸家以其依附於易似是而非
者爲內編以其顯背於易而擬作者爲外編授書隨筆一卷
則淮安問徵君若璩問尙書而告之者春秋口食麻一卷辨
衛樸所言之謬律呂新義二卷公少時嘗取餘杭竹管肉好
停勻者斷之爲十二律與四清聲試之因廣其說者也又以
戴山有論語大學中庸諸解獨少孟子乃疏爲孟子師說四
卷史學則公嘗欲重修宋史而未就僅存叢目補遺三卷輯
明史案二百四十四卷有贛州失事一卷紹武爭立紀一卷
四明山寨紀一卷海外慟哭紀一卷日本乞師紀一卷舟山

錄末

士

越中徐氏刻本

興廢一卷沙定洲紀亂一卷賜姓本末一卷又有汰存錄一
卷糾夏考功幸存錄者也麻學則公少有神悟及在海島古
松流水布算箴箴嘗言勾股之術乃周公商高之遺而後人
失之使西人得以竊其傳有授時麻故一卷大統麻推法一
卷授時麻假如一卷西麻回麻假如各一卷外尙有氣運算
法勾股圖說開方命算測圓妄義諸書其若干卷行畧尙有
元珠密語
其實非其後梅徵君文鼎本周髀言麻世驚以爲不傳之秘
公所作而不知公實開之文集則南雷文案十卷外集一卷吾悔集
四卷撰杖集四卷蜀山集四卷子行狀二卷詩麻四卷
忠端祠中神絃曲一卷後又分爲南雷文定凡五集晚年又

定爲南雷文約今合之得四十卷明夷待訪錄二卷留書一
卷則佐王之畧崑山顧先生炎武見而歎曰三代之治可復
也思舊錄二卷追遡山陽舊侶而其中多庀史之文公又選
明三百年之文爲明文案其後廣之爲明文海共四百八十
二卷自言多與十朝國史多彈駁叅正者而別屬李隱君鄴
嗣爲明詩案隱君之書未成而卒晚年於明儒學案外又輯
宋儒學案元儒學案以志七百年來儒苑門戶於明文案外
又輯續宋文鑑无文抄以補呂蘇二家之闕尙未成編而卒
又以蔡正甫之書不傳作今水經其餘四明山誌台宕紀游
匡廬游錄姚江逸詩姚江文畧姚江瑣事補唐詩人傳病榻

錄末

士

越中徐氏刻本

隨筆黃氏宗譜黃氏喪制及自著年譜諸書其若干卷公之
論文以爲唐以前句短唐以後句長唐以前字華唐以後字
質唐以前如高山深谷唐以後如平原曠野故自唐以後爲
一大變然而文之美惡不與焉其所變者詞而已其所不可
變者雖千古如一日也此足以埽盡近人規撫字句之陋故
公之文不名一家晚年忽愛謝臯羽之文以其所處之地同
也公雖不赴徵書而史局大案必咨於公本紀則削去誠意
伯撒座之說以太祖實奉韓氏者也麻志出於吳檢討任臣
之手總裁千里貽書乞公審正而後定其論宋史別立道學
傳爲元儒之陋明史不當仍其例時朱檢討彝尊方有此議

湯公斌出公書以示眾遂去之其於講學諸公辨康齋無與
弟訟田之事曰沙無張蓋出部之事一洗昔人之誣黨禍則
謂鄭鄭杖母之非真寇禍則謂洪承疇殺賊之多誕至於死
忠之籍尤多確核如奄難則丁乾學以瞞死甲申則陳純德
以俘戮死南中之難則張捷揚維垣以逃竄死史局依之資
筆削焉地志亦多取公今水經爲考證蓋自漢唐以來大儒
惟劉向著述強半登於班史如三統麻入麻志鴻範傳入五
行志七畧入藝文志其所續史記散入諸傳列女傳雖未錄
亦爲范史所祖述而公於二千年後起而繼之公多碑版之
文其於國難諸公表章尤力至遺老之以軍持自晦者久之

錄末

圭

越中徐氏重葺

或嗣法上堂公曰是不甘爲異姓之臣者反甘爲異姓之子
也故其所許者祇吾鄉周囊雲一人公弟宗會晚年亦好佛
公爲之反覆言其不可蓋公於異端之學雖其有託而逃者
猶不肯少寬焉初在南京社會歸德侯朝宗每食必以妓侑
公曰朝宗之尊人尙書尙在獄中而燕樂至此乎吾輩不言
是損友也或以朝宗賦性不耐寂寞公曰夫人而不耐寂寞
則亦何所不至矣是皆數爲名言及選明文或謂朝宗不當
復修其中公曰姚孝錫嘗仕金遺山終置之南冠之例不以
爲全人者原其心也夫朝宗亦若是矣乃知公之論人嚴而
未嘗不恕也紹興知府李鐸以鄉飲大賓請公曰吾辭

聖天子之召以老病也貧其養而爲賓可哉卒辭之公晚年
益好聚書所抄自鄞之天一閣范氏歛之叢桂堂鄭氏禾中
倦園曹氏最後則吳之傳是樓徐氏然嘗戒學者曰當以書
明心無玩物喪志也當事之豫於聽講者則曰諸公愛民盡
職卽時習之學也身後故廬一水一火遺書蕩然諸孫僅以
耕讀自給乾隆丙辰千人來京師語及先澤爲悵然久之今
大理寺卿休寧汪公澹鄭高州門生也督學浙中爲置祀田
以守其墓高州之子性又立祠於家春秋仲丁祭以少牢而
草其遺書於祠中因屬予曰先人旣沒知黃氏之學者吾子
而已予乃爲之銘曰

錄末

十四

越中徐氏重葺

魯國而儒者一人矧其爲甘陵之黨籍匡海之孤臣寒芒熠
熠南雷之村更億萬年吾銘不泯
公有日本乞師紀但載馮侍郎奉使始末而于己無豫諸
家亦未有言公會東行者乃避地賦則有曰歷長埭與薩
斯瑪兮方粉飾夫隆平招商人以書船兮七豎緣於東京
予旣惡其汰侈兮日者亦言帝殺夫青龍返旆而西行兮
胡爲乎泥中則是公嘗借馮以行而後諱之顧畧見其事
於賦予以問公孫千人亦愕然不知也事經百年始攷得
之

國史儒林傳彙

黃宗羲浙江餘姚人父尊素明天啟間官御史以抗直死魏
闢之難宗羲奉母里門畢力著述康熙十七年 詔徵博學
鴻儒掌翰林院學士葉方藹欲薦之宗羲辭以疾且言母老
十九年左都御史徐元文監修明史薦宗羲辭如初乃 詔
取所著書關史事者宣付史館二十九年 上訪求遺獄刑
部尚書徐乾學復薦宗羲宗羲仍不出然宗羲雖不在史館
而史局每有疑事必諮之宗羲謂明人講學襲語錄之糟粕
不以六經爲根柢束書而從事於游談更滋流弊故學者必
先窮經然拘執經術不適於用欲免迂儒之訥必兼讀史又
謂讀書不多無以證理之變化多而不求於心則爲俗學故

錄末

圭

越中徐氏刊本

上下古今穿穴羣言自天官地志九流百家之教無不精研
所著易學象數論六卷謂聖人以象示人者七有八卦之象
六爻之象象形之象爻位之象反對之象方位之象互體之
象後儒之爲僞象者四納甲也動爻也卦變也先天也乃崇
七象而斥四象又爲遁甲太乙六壬世謂三式皆主九宮以
參人事乃以鄭康成太乙行九宮者證太乙以吳越春秋占
法國語伶州鳩之對證六壬以訂數學其持論皆有依據孟
子師說二卷闡發良知之旨推究事理不爲空疏無用之談
亦不盡主姚江之說文集則有南雷文案吾悔撰杖蜀山諸
集及詩集後又分爲南雷文定晚年爲文約南雷文定十一

卷文約四卷又著明儒學案六十二卷敘述明代講學諸儒
流派分合得失頗詳明文海四百八十二卷彙集明人集二
千餘家擷其菁華典章人物燦然具備又深衣考一卷今水
經一卷四明山志九卷麻代甲子考一卷二程學案二卷史
學則欲輯宋史而未就僅存叢目補遺三卷輯明史案二百
四十四卷其明史有三例一國史取詳年月二野史取當是
非三家史備官爵世系明史彙出於萬斯同斯同之學出於
宗羲也天文則有大統法辨四卷時憲書法解新推交食法
一卷圖解一卷割圓八綫解一卷授時法假如一卷西洋法
假如一卷回回法假如一卷其後梅文鼎本周髀言天文世

錄末

圭

越中徐氏刊本

驚爲不傳之秘而不知宗羲實開之晚年又輯宋儒學案元
儒學案合之明儒學案以誌七百年儒學源流歸里奉母以
老紹興府知府李鐸欲以爲鄉飲大賓宗羲遺書曰宗羲蒙
聖天子特旨召入史館庶人之義召之役則往役筆墨之
事亦役也宗羲時以老病堅辭不行 聖天子憐而許之今
之鄉飲酒亦奉 詔以行者也若召之役則避勞而不往召
爲賓則貪養而飲食衎衎是爲不忠卒辭之三十四年卒年
八十六弟宗炎宗會並負異才有三黃之目子百家
遺獻黃文孝先生傳餘姚邵廷采撰
先生諱宗羲字太冲號梨洲忠端公尊素長子也忠端公五

子仲宗炎字晦木叔宗會字澤望並有情才著述東林前輩
交稱之而先生最晚沒學問淵海名冠海內發明蕺山劉子
誠意慎獨之說東南學者推爲劉門董常黃幹少補仁和學
諸生而端端公以劾魏忠賢客氏死詔獄莊烈皇帝登極誅
忠賢收捕奄黨先生年十九袖長錐草疏入京訟冤得賜葬
祭贈官錄後再疏請誅曹欽程李實蓋二人受忠賢指論公
而爲大理考問公者許顯仁也五月會審顯仁自訴孝定皇
后外甥律有議親先生對簿顯仁與魏忠賢謀反引高煦宸
濠親王戮社例以錐錐顯仁血流被體卒論立決妻子流三
千里又與夏之令子光山夏承周宗建子吳江周廷祚共策

錄末

十七 越中徐氏刊本

所頭半顏咨葉文仲登時斃六月會審李實李永貞劉若愚
三奄中府實辨原疏不自已出忠賢取空本令永貞填寫故
墨在硃上屬先生所親行賄三千金先生疏首執對墨在硃
土賄成也復川錐錐實當是時先生義勇勃發自分一死衝
仇人胸賴天子仁明念忠臣遺孤子不加罪會審之日觀者
無不裂眦變容當是時姚江黃孝子之名震天下事定還里
四方名士無不停舟黃竹浦願交孝子者引光朝阮大鍼起
用欲盡殺天下清流先生幾及于禍浙河監國授兵部職方
司主事陞御史左副都御史事敗遺民亡命者多赴先生先
生瞿然曰有老母在且先人不可無後乃以俠名江湖即蓬

奉太夫人姚避居山中大啓蕺山書深研默究以爲世知
山之忠清節義而已未知其學也其學則集有宋以後諸
大成聖人復起莫之易也于是作劉子行狀要其指歸之
微有四一曰靜存之外無動察木之培必于其本省察即存
養中切寔工夫今專以存養屬靜安得不流而爲禪省察屬
動安得不流而爲僞又于二者之間方動未動之際求其所
爲幾者而謹之安得不流而爲雜一曰意爲心之所存非所
發傳曰如惡惡臭如好好色指所存言也如意爲心所發孰
爲其所存者乎豈有所發先所存者乎心無體以意爲體意
無體以知爲體知無體以物爲體物無用以知爲用知無用

錄末

十八 越中徐氏刊本

以意爲用工夫結在主意中離却意根更無格致可言一曰
已發未發以內外對待言不以前後際言喜怒哀樂即仁義
禮智四德非七情也一心耳而氣機流行之際自其盎然而
起謂之喜仁也元也春也油然而暢謂之樂禮也亨也夏也
肅然而斂謂之怒義也利也秋也傲然岑寂而止謂之哀智
也貞也冬也是四氣所以循環不窮者賴有中氣存乎其間
而發之爲太和元氣是以謂之中和性之德也人有無七情
之時未有無四德之時存發止是一機中和渾是一性一曰
太極爲萬物之總名易畫一奇太極之象因而偶之陰陽之
象太極即在兩儀四象八卦中理因形氣而立其要歸之

獨人心徑寸間空中四達是爲太虛虛故生靈靈生覺覺有
主是曰意寂然不動之處唯此不慮而知之靈體故舉而名
之曰獨少間見聞情識紛起雜而非獨慎之無及矣可知獨
卽意意非念也氣卽理非理生氣也謂理生氣與佛者有物
先天地之說尙別也武進惲日初仲升氏編劉子節要撮先
生手曰今日窺先師堂室者唯吾與子議論不可以不一但
于意非所發宜稍融之先生不答其爲學不名一家若身焦
思自謂以魯得萃二十二讀二十一史口限丹鉛一本家仇
黨禍舟車茅店之內手不去編寒夜抄書必達雞唱暑則穴
帳通光以避蚊蚋早受先公命就贊哉山然竟崇禎世一十

錄末

一十九

越中徐氏刊本

七載詩文盟會交遊聲氣去其半及蕺山夢奠擔簦避寇匿
影憂讒海澨山陬饑寒顛踣而後乃一意于師門之學然碑
版記述天官星麻句股壬遁夙所精兼未能棄也自言生平
所不作者祝嘏諛楮之文人亦莫敢強康熙丁未復舉郡城
證人書院講會戊申臯比鄞城謂學問必以六經根底于是
甬上遂有講經會先後主海鹽紹興講席而所就經術湛深
士以甬上爲最雖時文淺說亦知崇本蕺山先生倡明之功
大焉己未庚申累以博學宏詞特舉遺獻薦固辭老病有司
承詔取所論著資碑明史者繕寫宣付史館是時先生年八
十矣歲戊辰自爲生曠于先公墓畔論以死後次日昇致石

牀一褥一被不用棺槨不作佛事七七諸鼓吹巫覡銘旌紙
錢紙幡槩去不用作梨洲末命一篇子百家私與宗叔道傳
謀曰諸命皆可遵獨不用棺槨一事奈何先生聞之曰噫以
父之身不能得之子耶作葬制或問或問送死者棺周于身
槨周于棺古今通義也今子易棺以石牀易槨以石穴可乎
曰何爲其不可也余覽西京雜記所發之塚多不用棺石牀
之上藉以雲母趙岐救其子曰吾死之日墓中聚沙爲牀布
簾白衣散髮其上覆以單被卽日便下下訖便掩陳希夷令
門人鑿張超谷置屍于中人人視其顛骨重于常人尙有異
香古之人行此者多矣問者曰爲其子者從之與曰奚爲其
不從也孝子者于親平日之言無有不從至于屬纊之後世
俗謂之遺囑禮家謂之顧命親之所言從此不得聞矣無論
馬醫夏畦之子未敢不奉以終身不必孝子于此而有不從
則平日之爲逆子無疑矣楊王孫裸葬而子從之古今未有
議其子之不孝者是從之爲是也問者曰子以從親爲孝則
古今無諍子矣曰聖人之爲棺槨以槩天下之人其有不欲
槩者自創爲法亦聖人之所不禁也必以去棺槨爲非禮則
趙岐之孟注不當列于諸經希夷之圖書不當傳于後世矣
使爲子者而欲諍之則是自賢以蓋父也問者曰諍之不可
父死之後陰行古制使其父不背于聖人不亦可乎曰惡是

錄末

一二十

越中徐氏刊本

何言也孝子之居喪必誠必信誠信貫于幽明故來格來享欺偽雜于其間精氣隔絕宗廟之饋食松楸之霜露其爲無祀之鬼矣孟子之禮匡章以其不欺死父也父有不善尙不敢欺父之不循流俗何不善之有願使其形骸不能自主則棺槨同于敝蓋人亦何樂乎有子也百家遵末命葬化安山用鄭寒邨先生文立石捧土塞曠門焉其卒以康熙三十四年七月年八十六所著孟子師說明儒學案明文案事案明文海南雷文定吾悔集蜀山集南雷詩歷待訪錄宋史補遺冬青引西臺慟哭記注行朝錄海外慟哭記汰存錄思舊錄今水經四明山志台宕記遊匡廬行脚錄姚江文畧姚江逸

錄長

五

越中徐氏刊本

詩姚江瑣事黃氏家譜喪服制春秋子食麻授時麻故大統麻假如回回麻假如西洋新法假如律呂新義氣運算法納甲納音等皆有成書木下百種納置壙中石几上門人流傳鈔錢偏行京國私謚文孝先生先是忠端蒙難封太僕卿鯤溟公在堂先生承養祖父具給鮮旨後敦匠事冒暑重跣道諸暨購美楨歸而二百金四弟幼孤身自育教迄于成立崇禎庚辰充解南糧連歲奇衿家人環向而泣走黃巖告羅值過禁嚴謀于王峩雲倪鴻寶郝世培三君子其事得集順治庚寅晦木以連染被執將罹大辟先生赤足行冰雪中十指皆血求救于馮君道濟得胡珠百顆獻之大帥乃得釋丙申

墓祭戴家山閩門爲山誠所縛又求救于沈李二君乃得歸凡所遭逢皆人所不能堪者叔葆素子木正亦敦志節潛居注易終身冠髮不改一門羣從能行古人之道浙東黃氏他姓罕比焉

論曰余同里親炙黃先生見其貌古而口微吃不能出辭及夫意思泉湧若決河東注頃刻累百千言續屬不絕著述文章大者羽翼經傳細逮九流百氏靡不通貫嘗示余乾坤鑿度象數等書望而不敢卽蓋弘覽博物多得之黃漳海而理學宗戴山以故雜而不越其爲人有奇氣所交遊勇俠劍客遭連貞元未仲幽憤始終無忘先公詔獄之痛大肆其力于

錄末

三

越中徐氏刊本

輿墳泊乎髦年而智益明神益強累際辟微迄不爲名所累訖然一代學者宗師所謂不得于彼必有得于此者與至全歸不用棺槨雖葬野人中制然灑然超俗何必同方而議者謂其毀滅喪紀過矣故具載其或問一篇附楊王孫書之後焉

東


末

株

三

本

卷



東林本末序

孟堅注書共六卷存陳其年錄太史家

東林者門戶之別名也門戶者又朋黨之別號夫小人欲空人國必加之以朋黨於是東林之名最著而受禍為獨深要亦何負於人國哉東林爭言真偽其真者必不負國家偽者反至負東林此實何歟蓋起事至五六十相傳多失其實於是而有偽者亦勢使然也今之所為東林者又一變往時欲錮之林下者今且下及華野夫感世豈有黨錮之事何論朝野亦辨其真與偽而已矣余於是條次其本末以使觀者有所考而感焉貴池吳應箕

東林本末序

貴池先哲遺書第十三

東林本末上

門戶始末始自並封至丁巳京察未及嘉廟也

嘗觀國家之敗亡未有不起於小人傾君子之一事而小人之傾君子未有不託於朋黨之一言漢有顧廚俊及唐有清流白馬之禍宋有新法偽學所號為黨人流及之禍禍中於君子而國運隨之以亡興言及此真不知賈生之流涕盡而繼之以血也然黨錮之禍其流甚烈而其源有漸宋之黨錮極於元符而蔡襄四賢一不肖之詩已為之端昭代之黨錮極於萬曆丁巳而嘉隆諸政府已開其漸故自張鳳磐以前溯而上之如張太岳居正高中元拱徐存濟階嚴介漢為夏桂洲言其權專其黨同伐異顯行於好惡之間而人莫之敢議然其局專於攻擊前人故一相敗露而為其鷹犬為其斥逐者一轉盼而升沈互異是以君子不久錮林泉小人

東林上

卷一

一

不終據要津也自申瑤泉時行以後遞而下之如王荆石錫爵張淇陽位趙澱陽志奉沈蛟門一貫朱金門其術巧其

黨同伐異詭託於官府之內而人莫之能測又其局專於及引後人故衣鉢相傳而為其所庇護所排擊者縱易地而用舍如前是以君子竟同碩果而小人終等延蔓也遠不具論試就萬曆間言之當鳳磐罷位申王當國而許頌陽預焉其朝議冊立天潢序定誰敢紊之而申王獻媚密主三王並封之說眾口爭之遂詆為黨矣後冊立既定工部主事某有德請造太子儀仗會逢聖怒欲置之法時申王許通於公論具疏救之申王又懼其忤上遂密揭謗過於許而不認前疏自謂陰陽其事神鬼莫知不謂上竟出其密揭以塞廷議而黃正實以之發鈔取正糾之又詆為黨矣夏校云此段與甲午申王既敗許亦致政趙澱陽張淇陽當國而沈蛟門

東林本末上

預焉一日張以其私人于主銓主銓者不聽會傳旨考察銓部四司盡罷職取正薄之已而遼陽有倭變張沈主戰趙與石星主和和議矣而主戰者又私一總戎李如梅會麻貴一日敗倭十一陣倭棲釜山疲困之極麻貴謂遼撫楊鎬曰今日乘勝一攻盡殲醜類矣時鎬因如梅未到鳴金收軍蓋鎬與如梅結盟懼其不得預功耳詰朝倭已結寨如梅始到鎬欲攻之麻貴不可謂倭已有備攻之必敗鎬不聽引兵而進倭用弩銃乘風迎戰鎬與如梅麻貴僅以身免遼陽精銳盡喪於此乃匿不以聞獨贊畫兵部主事丁應泰疏其實於朝參張淇陽沈蛟門楊鎬等於是淇陽與鎬奉旨為民殺陽死而蛟門獨留其禍遂烈乃考察丁應泰坐以不謹陷給事中徐觀瀾幾死並誣害觀瀾親家侍郎張養蒙罷職已而枚卜沈龍江朱金門朱為蛟門之私人龍江乃聖心特眷者

東林上

二

於是申瑤泉貽書蛟門曰藍面賊來矣須備之蓋龍江居宗伯時與瑤泉相忤懼其銜己欲與蛟門謀陷之以龍江面青而黑故謂之藍面云然龍江方正清操無可訥訥適徵商程守訓等賄內使以贖稅動上龍江揭阻之甚力蛟門既欲聯上意又利稅使餽遺於是聞監四出海內騷動聞有言者而蛟門之鷹犬如姚文蔚陳治則楊應文錢夢皋等承風順旨力為排擠矣其大犯公論者有二一曰楚獄蓋自楚撫趙可懷先以家居占人田宅不容於鄉私奔長安重賂蛟門遂使可懷撫楚屬其曲護陳奉到日大失民心已而因楚藩以假王相許楚王與金錢進且賂蛟門諸藩惡其行賄也踰江奪之可懷遂坐以劫掠不俟題請徑加慘刑諸藩執會典爭之而百姓恨其庇陳奉乘機殺可懷蛟門遂坐諸藩以大辟者七繫高牆者數十殺戮太多輿情共憤一曰妖書夫妖書為

東林本末上

越人趙士禎所刻蓋歸美蛟門有功東宮諸人不為出力獻媚耳初無他異蛟門乃以挑激聖怒大索京都一欲逼死沈龍江蓋以議稅釐不合也龍江曰妖書果自我造我當死於西市決不自經一欲逼死郭正域蓋正域發楚送蛟門禮事遂令兵圍其第宅下家僕於獄正域幾不保首領行至楊村復以快兵守之不得去其夫人脫簪珥令小女買薪米以給日用後得總漕李三才排解眾正忿其太險毒具疏參蛟門丙午李三才亦疏論一貫及鯉不和有累聖政蛟門遂密揭逮問李三才沈鯉郭正域上驚曰如何為一閣臣逮一同官一侍郎一督臣一貫果病邪故批其告病疏云卿既病著俟後命蛟門始去位矣然懼龍江留必為後患乃陰賄司禮使臧龍江拉之同去又恐三才入掌總憲發彼妖書楚獄之失令姻婭邵輔忠參之以去在蛟門之忿消矣而蛟門之黨如

東林上

三

錢夢皋等向賴蛟門而留一旦蛟門歸失其所庇惟恐辛亥之祭大不利於羣小於是東林為綱以淮撫秦黨為目結成一大網無人不推入其中而察前發以自保者則有王紹徽鄭繼芳劉國縉金明時南中錢策劉時俊若而人察後謀翻者則有秦聚奎朱一桂喬應甲徐北魁周永春姚宗文張鳳彩彭維城孫紹吉陶子顧馬從龍王三善南京王萬祚曾陳易周達高節若而人所賴主銓諸賢拚卻一官力結此局而小人之忿愈逞君子之身愈危迨考選一下元凶劉廷元李徵儀潘汝楨等或借費於湯賓尹韓敬而浙宣合或乘機於荆養喬熊廷弼而楚秦合或排擊於顧憲成李三才而三吳合假斥詩教為戎首倚方中涵從哲為泰山誣以四凶詆為五鬼并斥去大臣如孫丕揚王圖孫瑋王象乾吳達可翁正春張養蒙孫慎行吳桂芳葉向高崔景榮徐宗濬陳薦

東林本末上

次第逐矣京堂如朱吾弼胡忻葉茂才朱國禎朱世禎郭昌朱延禧南師仲朱光祚馮上知歐陽東鳳吳正志金士衡吳炯等次第逐矣科臣如曹于汴李瑾張國儒李成名孫振基張鍵梅之煥麻禧段然熊明遇張篤敬韓光佑次第逐矣臺臣如孫居相湯北京吳亮彭端吾李邦華周起元徐良彥呂圖南陳一元王時熙馬孟禎劉若星魏雲中張五典吉人劉蘭史學遷荆養喬史記事錢春潘之祥宋槃吳良輔吳允中等次第逐矣部寺如孫鼎相鄒存謙劉崇文張鳳翔張養才鮑應鰲韓萬象賀煥沈正中李朴涂一榛常澄龐時雍劉宗周等次第逐矣至丁巳己未兩察私惡所加不必循例至有未任而懸坐以不謹如李炳恭者有任不數月而妄誣以不謹如丁元薦潘之祥者禁錮考選六七年不下復借名題差陽為轉通陰實斥逐勢孤而言不敢發差出而發不敢盡

東林上

四

致有株守日久貧病而死者有棄之而去者而見任臺省則一人常兼數差俸近必升京堂好官惟我做盡國事聽其曰非世界如此宜虜酋一舉而城堡社稷危矣要皆起於蛟門龍江邪正不合成於蛟門私人畏辛亥京察清議難容故其黨必先發以傾正人而自固其官卒之主察者執持不阿小人愈忿又見南察抑正申邪而北察既竣一二敗羣之夫如許宏綱涂懋衡陽說陰施側身宵小於是僉壬之醜愈張朝廷之正人不得安其位山林之下并不能安其身而天下之大事去矣詩云人之云亡邦國殄瘁豈不痛哉乃邪正之消長政府其本而京察則其候也癸巳以孫龍為冢宰趙南星為考功止有項應祥未歸於正然蓬生麻中卒之黜陟稱平迨至乙巳蛟門力庇私人錢夢皋等所賴楊時喬時以吏侍署尚書總憲溫純考功郎劉一珉掌道吳達可持正不阿雖

東林本末上

史坦侯慶遠事後持之不堅諸被察者逃皆留用然而公論已稍伸矣辛亥京察家宰則孫丕揚而署總憲則許宏綱也考功郎王宗賢史坦曾于汴湯北京雖取正任事而耶氛已煽君子處強弩之末小人當蜂起之初至丁巳己未方中為政鄭繼之趙煥掌銓事李銜掌院事趙士諤為考功郎趙浚掌道事徐紹吉為史坦而居閒把持一手握定者惟劉廷元李徵儀元詩教而已其於正人君子若風掃殘雲兩摧塊靡有孑遺焉故癸巳尚矣乙巳則宋之熙寧元豐也耶正並立而耶不勝正辛亥則元祐紹聖之交君子日退小人日進而正不勝耶矣丁巳則宋之元符廷無君子之蹤而家黨黨錮之禍微欽履轍恐不旋踵矣

東林上

禮

五

貴池先哲遺書第十三

東林本末上終

東林本末上

東林本末中

張江陵敗後諸不得志於江陵者悉被顯擢一時氣節之士
銳然以盪滅餘黨為事張蒲州四維實左祖之而茂苑申公
時行素為江陵所信愛其黨非眾所指名者申輒默為地以
免蒲州亦不久罷去以故眾議紛紛將移師向申矣諸君子
中鄒元標稱首其所建白多禁切主上者上既不堪申因擠
出之又令人構趙用賢等使自相攻於是吳中行遂仇用賢
夏校云當作中行而江東之李植亦內不相善新進附和居
臺省者輒以年例外遷士氣亦益衰矣初東倉王公錫爵以
營救吳趙為江陵所忌故諸君子共推毅致大拜計且藉以
抗申王一旦反面與申合諸所欲斥申不自發輒授意王使
訟言排之諸君子皆愕然出意外粹無以抗也會丁亥內計
主計者希申旨疏申所怒十九人欲悉中之銓曹無異議獨

東林中

河南道御史王國意不可乃起其黨馬允登補河南道事資
故在國前遂掌道事一日諸御史並會堂上允登書十九人
姓名示同列曰諸人亦可謂公論難容矣王國熟視叱之曰
諸人皆骨鯁無罪獨失申相公意耳青天白日何出此魅語
直前奉之允登遂走國逐之環其室廡一帀於是允登與國
悉外補而十九人得不廢迨申相國謝事王為政諸人皆或
進或退終其能遂其志願會王稱病文選郎中顧憲成乘閒
悉進諸人官奏輒得可時趙用賢為東倉計逐且死吳中行
亦久廢不用而沈思孝江東之李植王士性輩則各奮起彬
彬列卿寺矣思孝素善太宰孫丕揚王國屬思孝言於太宰
令推已巡撫太宰未許也國疑思孝不為言怨之構思孝於
太宰太宰頗疑思孝一日思孝等五人會於某勳臣家思孝
掌工部事入內會計葺理費以是後至坐定王國驟問曰吾

諸兄弟同心而公獨屢進官何也思孝曰吾向亦疑之今日

某內臣言我在大理翰某事稱上旨上進聞惡人簿除我名
矣惡人簿者蓋申王二相國去位時疏不相善姓名密白之
上者也王國怒曰汝背我等附新建得遷乃以是欺我眾唯
唯遂罷會於是國與李植遂攻思孝獨江東之王士性與思
孝善如故也乙未秋外計考功郎蔣時馨者鄒元標沈思孝
等所卵翼者也至是亦攻思孝與國等合白太宰並欲除丁
此呂沈敘等以為貪頑比之四凶此呂與敘本斯地士此呂
尤與思孝善思孝揚言於朝欲救之故事計典將行主計者
發單於臺諫人一紙令各列所見聞應察治者會議之此呂
單坐賊數萬然無主名蓋時馨與其黨私造者也時馨恐不
勝思孝等乃持此呂單白太宰奏之此呂由是坐謫戍然自
公卿以下皆重其宿名爭出祖道御史趙文炳因劾時馨賊

東林中

罪時馨亦遂罷職時侍郎呂坤張養蒙皆西人有氣勢為後
進所嚮附善太宰而仇嫉思孝等養蒙呼文炳恐嚇之文炳
即具疏自首前劾時馨疏乃江東之屬草令臣書奏者也臣
負陛下上不問而思孝等則益孤時會東之植皆權巡撫以
出王國與士性亦並推巡撫王國首推顧不得士性得之心
不安疏稱病以官讓國有旨調士性南京而切責之國調外
任思孝獨與其里人岳元聲累數十疏攻呂坤等及諸臺諫
舌戰良久苦之上積怒臺諫多妄言實不任事次相張新建
位頗倚思孝乃聳上敕部院盡疏臺諫名上上親察之逐數
十人思孝雖頗以為得意然亦不安其位矣遂與丕揚並謝
去思孝從此遂廢新建不久亦得罪去自後好名喜事之徒
皆依倚西北謂之正人君子沈歸德為次相溫純為總憲身
為標的招集賢良以引同類而首相沈四明一貫承王東倉

趙蘭溪之後布列私人在要地共相與扼之會楚人郭正域掌禮部謂楚王非宗室裔其疏宗方上奏許正域為之謀主欲遂革正之然王已立三十年事遠證不具四明及諸卿臺諫皆受王賂遺莫肯從正域譏者無何妖書事起四明乘上怒欲陷歸德沈鯉及正域悉取其往來遊客考繫之正域復損走歸幾及於禍獨部郎于玉立左右之亦被斥玉立者名家子少儻喜事自前輩趙用賢即器之為忘年交嘗鞠宜夏事因前釋罪撫魏學曾奏得可學曾西人也以故玉立雖江南人特為西北所欽信時顧憲成罷歸久於錫山創東林書院招集士紳講學其中其經生之所知絕無足聽者徒相與臧否人物嘗議國政冀當國者聞而藥之玉立既參議其中則往往致西北之同志者令多方奏論之以故附四明用者輒罷去四明度不能留遂計挈歸德同去而政柄授之朱

東林中

三

山陰廣矣當四明在位時內外計典已輒為部院所持不能自主及山陰益懦且老不為眾所憚於是謀復召東倉以中旨下之而于東阿慎行李晉江廷機葉福清向高亦同日拜焉晉江獨在京師得先入東倉方引故事疏辭而顧憲成為文二篇號曰夢語寤語譏切之江西參政姜士昌以慶賀入遂疏劾錫爵再居相位福複忌刻推抑人才不宜復用語連廷機大抵推顧憲成指也東阿以拜官日卒不與政福清亦無根柢于舊相持東林者十有八九益相與咀嚼東倉山陰晉江令不得在位并其黨斥逐殆盡而福清遂獨秉政海內皇皇以起廢一事望之福清度不能得請者亦不力也東林暨西北人士所屬望為冢宰總憲者曰淮撫李三才三才與王國有睚眦之隙國恨之深對客罵不絕口國之弟圖翰林掌院事與三才善國亦不信其言西北人士之心始內離矣

東林本末中

先是浙人必趙沈朱三相故為西北所擯困阨日久而西北人方并合勁楚延攬東林浙人雖恨之不能報也會南給事中段然怨翰林顧天峻為忿詞數千言奏詆之天峻與同官李騰芳相期許兩人皆郭正域所親也騰芳疏言臣與天峻同志天峻被詆臣義不得獨留遺棄官去段遂并攻李恐不勝輒走東林求助東林許之於是正域怒曰東林私我所憎攻我所親豈與我為難耶遂切齒東林西楚之雄後來者始不附矣浙人乃令其黨說王國曰當今與公爭權者李三才耳吾等為公盡力攻三才公當為後勁國然之此時方巡撫畿輔日夜削牘走京師毀訾三才其弟圖諷之曰攻淮撫者攻吾兄弟漸也國叱不聽於是攻與救者日夜相構宛若兩敵國互指為奸邪為盜賊棄官者以數十而三才卒用是困矣時孫丕揚復起為太宰銜思孝不已顧憲成貽書勸之欲

東林中

四

令洒濯思孝復引與同心則依附者自解且宜擁衛三才勿墮他人計丕揚信國語怒不省而好事者遂錄其書傳天下東林由是漸為怨府浙人欺丕揚老聾給令發單訪東林得失王圖連夜叩扉激丕揚曰若然先生五十年立朝名節一旦盡矣丕揚悟止不發自是楚浙並側目於圖時朝中猶斥浙人為四明之黨以故每事不敢先發往往推楚人為軍鋒而乃芟刈之顧李已敗詞林久次者前後為臺諫所摘無完人宣城湯賓尹入館纔四五年見前輩寥落頗自負益折節下人以故顧李黨爭附之欲倚以屈王圖辛亥內計王圖掌院事遂斥賓尹而丕揚主察明督請曹察治楚浙黨被斥者甚眾餘人不服閔然為賓尹等七人稱冤章日上獨憲成門生丁元薦抗言謂七人宜察救者非是於是臺諫同聲擊元薦元薦與辨往復數番卒以病罷丕揚圖亦相繼去矣是時

東林本末中

西北東林日益衰謝楚浙之黨夔引他省五立身被數十疏
猶日出奇使其門生故人伺釁攻之不肯遂已後憲成死福
清亦罷相方德清從者用事臺諫右東林者盡出之他傍附
者皆以法謫去向之罪申王攻四明者久亦不復計及而東
林獨為天下大忌諱矣

外史氏曰祿位無常一興一衰固也賢愚是非亦隨以遷轉
謂之何哉往者江陵以前嗣相位者必反前人之政進其所
忌退其所唾申王以後轉相擁護久而不敗議者比之傅鉢
沙門信夫前相用廷杖鉗天下之口被杖者卒成名士乘翻
蹈暇遂起為難申王去廷杖凡得罪者謂之欽降官員終身
不敘遂皆老死不振覆車戒前抑善自為謀哉然朱山陰以
前臺諫雖詆訾內閣內閣終亦有所持不為役使福清之掃
崑宜德清之盪東林曾有一毫已意行乎其閒也哉吁可哀
也已

東林中

刑民

五

貴池先哲遺書第十三

東林本末中終

東林本末中

東林本末下

論

江陵奪情按此論始自鄭南皋諫奪情至三朝要典而止

論曰余追溯東林所自始而本之於爭奪情以其為氣節之倡也夫江陵之鋒觸之立碎諸君子豈甘以其身為劉安成之續哉扶國紀而明人倫雖身死何惜則吉水即徽後日之講學當其發憤抗疏之際雖聖人所謂朝聞夕死者有以加乎吳中行趙用賢沈思孝艾穆後有用不用要之為忠臣義士也江陵敗而後之秉國者如吳如婁又一異矣無江陵之橫而有其擅非江陵之才而多其妬起而角之者非黜則錮於是林巖之間賈詰相望其諸君子進不得用退而有明道聚徒之樂此誰使之而又黨之噫甚矣天啟開耆老僅存者尚秉用未幾黨錮興而實發難於吉水則君以此始亦以此

東林

卷五

一

終者其是之謂歟或謂余吉水晚節稍異甫至京即屬福清以復江陵諡為首務且悔其論劾為少年客氣余曰是何言哉是何言哉後以問方侍御震儒侍御曰先生為總憲莅任諸御史皆在坐先生曰江陵之不守制罪也余往時不得不論由今思之則江陵未嘗無功諡亦不可不復諸君以為何如時諸御史皆服先生無成心其始終皆為國也嗚呼由侍御之言觀之此所以為東林哉

三王並封

論曰余嘗讀王文肅奏議未嘗不歎服其才則亦豈未嘗學問者而東宮繼嫡之議三王並封之擬此何以稱焉重於失君遂於天下之大計有所不服顧者則將焉用彼相哉幸當時諸部科以死爭之而王亦旋自悔劾故其事得寢不然太倉之內豈足食乎爭三王與爭考功俱一時事爭此未盡者

於考功盡焉嗚呼其甚矣余嘗歎國家養士數百年未嘗不收其用然有二盡嘉靖時盡於議禮萬曆時盡於國本非議禮國本盡之而為留中永錮者盡之也永嘉實才相視當時建議者老死竄戍卒無一語推是心也其以破人家國有餘矣區區者何足以盡之況所謂太倉者才不及乎然議禮意見相左其時無黨名爭國本則有苑楛於其間而邪正分邪者遂目諸君子為東朝之黨夫東朝何人也而曰黨則為是言者人道盡矣雖然東朝果可黨也此非不佳事而何以東林之外寥寥焉嘗讀諸君子封事與史玉池夢麟恭推條議及願徑陽所與王太倉書未嘗不作而歎曰黨哉黨哉願國家安得盡若人而為之黨也

癸巳考察

論曰余聞吏部自江陵擅權後諸司仰政府鼻息即冢宰無

東林下

二

能自行其志者迨平湖陸五臺光祖負其權智始一振拔而孫清簡繼陳恭介有年繼之於是閣不得撓部權而統均之體以肅蓋稱國家三太宰云若趙高邑南星之為考功則尤異矣高邑主計大約先邪佞而次貪鄙嚴要津而寬散秩清夜篝燈精心衡量有蟲巢於耳而不知遇一權勢姓名則奮腕抑之而所斥都給事中則其姻家所斥吏主事即冢宰甥也嗟夫國家二百餘年有此銓司哉而使有賢輔臣焉所當委已任之昌言論薦俾蒙不次之擢奈何以喪其所私反肆之螫而一時大寮列署以救罷斥者至十數君子焉政府可謂肆志而愉快矣如國家何如萬世何然則太倉也新建也蘭溪也豈非高皇帝之罪人哉自是之後高邑白首林居而諸子以高邑廢者雖死不悔於是而曰黨也真所謂君子亦有黨矣抑余尤有感焉癸巳而後其為察也可知矣賢者舉

數十年而不勝辛亥則門戶分焉至舉國聚訟不決三案與而東林大敗要之不一案何以知東林哉今亦幸有三案為涇渭矣而邪者尤嗷嗷焉此亦何與夫人而邪也吾無責焉耳而依附門戶者實亦有人見小利害即不能不掉臂去豈獨不能與政府抗實呈身焉豈獨不能棄官以爭且賣友矣嗚呼此烏睹所謂東林哉聞高邑諸君子之風其亦當反而愧死矣

會推閣員

論曰余於萬曆癸巳蓋不勝世道消長之感焉諸君子之被禍也爭並封未盡者大計盡之大計未盡者會推又盡之自顧涇陽削歸而朝空林實東林之門戶始成夫東林故楊龜山講學地涇陽公請之當道創書院其上而因以名之者時梁谿毘陵荆溪金沙雲陽諸公相與以道德切劘而江漢北

東林下

三

直遙相倡和於是人品理學擅千百年未有之盛然是時之朝廷何如哉夫使賢人不得志而相與明道於下此東林之不願有此也即後此之為賢人君子者亦何嘗標榜曰吾東林哉朝廷之上見一出聲吐氣鄉黨之間有一砥行好修率舉而納之曰此東林也浸淫二三十年壯者衰老者死迫遼難作而勢不可復支至不得已求人於此中而又以門戶撓其成而利其敗嗚呼此誰非癸巳以後之為哉吾故觀於此而不勝感慨係之耳雖然國家實非不幸而有此也余嘗以為留東漢之天下者氣節也况如董卓而不能取奸如曹操而不敢取天啟乙丙之間一閹作孽不過刀鋸餘息乃能使天下衣冠之徒回面污行事至不忍言而彙彙相接駢首就誅卒以其死力捍之使聖賢讀書之種不絕而為留未竟之緒以待今日聖明再馭者此誰為之則東林之流風餘韻猶

東林本末下

能繫人宗社如此也誰謂黨人不可為哉余嘗客梁谿歷陽羨徘徊毘陵華陽之間過東林廢址訪求諸君子遺事而益歎夫東林之名世之所諱言也則亦實考其所以為東林者而已矣

辛亥京察上下

論曰是役也舉國分為二黨曰西北曰東朝其實東林也曰崑曰宣其實南也夫君子以小人為小人小人亦以君子為小人於何辨之前此之奪情之並封之京察會推不已較著乎邪者曰彼一時偶為之耳何得概生平今試觀天啟乙丙閒事何如哉何向之攻東林者盡甘心從逆而不辭也夫依附東林者豈曰無人亦寧至媚閹作逆以為狗彘所不為之事此而亦將曰吾一時偶為之耳奈何遂以概我哉夫朋黨之說無代無之未有如吾朝之截然者也唐之二黨皆為小

東林下

四

人所附和宋之三黨皆君子而使小人借之為兵端獨漢之諸君子事起於與宦豎角而鉤黨之禍獨劇夫近時所角者皆朝臣角之不勝至借宦豎以撲之其禍亦略與漢同夫士人與宦豎角而誣以朋黨可言也士人與士人角而以朋黨相傾猶可言也至倚宦豎以作孽而傾士人此固向者節甫輩之所羞稱而不意聖朝士大夫為之然則不有東林其可謂世有士人也哉又何黨之足云
又曰孫富平之為太宰也以不直沈純甫李道甫與東林左及再出而何以為東林驅除也豈非以佐銓者有王衷白宗賢而長臺省者之為湯自平乎然聞湯賓尹之黜也湯京北持之力而蕭雲舉以衙門體救賓尹至於屈膝富平斷斷不可曰老夫為今日去一嚴嵩快哉此真太宰矣然是時攻准撫者無完膚因以及無錫即今號為賢者舉及淮撫輒曰此東

東林本末下

536 422

224

木之累也而於金壇之于中甫亦然蓋謂淮撫貪而違執朝
權者實中甫為之即福清入相于亦有力焉無錫且為兩人
用而不覺是言也嘗疑之乃趙高邑則謂使淮撫為經略為
中樞東事必不至敗而顧涇陽則謂淮撫有功於國家必無
暮夜受金事桐城馬侍御夢慎至死時猶曰謂修吾貪吾不
瞑目夫然賢者盡妄語乎後余以問通州范重卿異升曰淮
撫固不貪然豪俠人也不善自匿飾又揮金如土以故來讒
慝之口耳且不攻淮撫又安得東林之獄而詆之又以中甫
質吾鄉鄭太宰三俊太宰曰果若人言于何自以廢主事終
乎嗚呼兩先生蓋持平之論矣及余閱三朝封事逆黨以李
三才為盜臣其言皆橫詈者此不足辨而吾鄉一御史尤復
首攻淮撫御史固時所稱抹殺忠臣孝子者也其攻淮撫以
貪而御史又非不貪者則其所謂貪又可知矣

東林下

五

三案

論曰余觀逆黨之翻三案也必以東林為口實蓋以並封者
三案之源而東林者以並封而著不傾東林何以護持三案
乎然前之爭並封與後之爭三案者人雖殊也功則同也而
受禍更酷東林之為東林至後而愈難哉夫東林之能既見
於天下如此矣其攻東林者又作孽如彼矣此即三尺童子
能起而明其趨舍者而世之人猶好指摘賢人君子之細以
巧詆而樂道之吾然後知大道之不明而亂臣賊子之不絕
迹於天下也或曰東林往矣向之忠言至計與夫蒙難受禍
之事世多不察而末世浸淫富貴之習又入人骨髓彼豈不
知諸君子之賢反之身而有所不便故即逐聲相吠所不恤
耳要之責人以受禍誠難但不至悖而從逆也此稍讀書知
道理者皆能之彼向之持三案以攻人者乃作如此舉動由

是相提而論竄過而訛東林忍乎哉然則世之覈東林者無
他道也但以今上所欽定之逆案與夫逆黨所作之點將錄
合而觀之而天下之大辨在是矣

東林下

四

六

貴池先哲遺書第十三

東林本末下終

寄孫鍾元傳青主兩先生書

前渡河過街輝見孫先生過太行見傳先生私幸海內孤桐
碩果並獲親承提誨快慰平生泊聆緒論分晰東林逆黨諸
事誠見之確斷之明足為千秋定論不肖小子向讀先子啟
禎兩朝剝復錄稍知明季遺事此書攸關朝野直書不隱昔
罹兵燹散失聞歸德侯督師曾錄副本家藏堅三走中州訪
茲遺稿於侯仲衡先輩家始得之惜零落不全蒙兩先生下
索數番知護惜人文留心家國敢不奉教適同曲沃李仲木
客大梁特錄稿屬其代寄幸存為他日之信史不則效心史
沈鐵函於井底耳乙巳秋九月孟堅寄於杞縣

東林札

七

貴池先哲遺書第十三

東林書札

是册得於廣陵書肆時將歸里舟行二十里即阻石尤重逢
鐵梅三兄兄剛腸疾惡雅慕東林見之愛其類惜猝不及鈔
余心知其意爰將此册副以新刻列子贈別吾兄他日立朝
其必為東林之君子道光甲申七月十八日錢唐何元錫識
東林事略三卷何子夢華贈於廣陵舟中上中二卷紀門戶
始末標題下有夾行小字云自並封起至丁巳京察止蓋一
卷分為二卷也丁巳以前皆萬曆時事蓋追敘東林得禍之
由為嘉廟逆案張本耳下卷論七篇標題下亦有夾行小字
云始自鄒南臯諫奪情至三朝要典止今檢下卷末條標題
三案二字疑三朝要典為轉寫者誤增且是書首尾完具三
案正東林結局也族祖太僕卿吾弼明史有傳言萬曆開召
為大理右丞齊楚浙三黨用事吾弼復辭疾歸是册上卷謂
京堂如朱吾弼等次第斥逐正其官大理時足資考證已見

東林附跋

八

一斑惟撰人題無名氏記案家竹翁明詩綜有吳次尾先生
小傳所著有東林本末六卷此册敘次簡明詞嚴義正絕似
次翁且與所撰嘉朝忠節死臣傳手筆相合疑即吳書標目
卷數不同或錄者改并也如獲拱壁矣比居揚城有老書賈
言曾見吳書視此多三倍質之吾友阮梅叔亭會有客在坐
云即蔣大鴻東林始末梅叔當檢架上 四庫全書提要將
書始於萬曆二十一年吏部稽勳司員外郎虞潛熙兵部職
方司郎中楊于廷之中京察終於崇禎十六年大學士周延
儒之賜死與此迥別雖作者無微未敢臆斷然其時門戶水
火俾後人得以考見亦讀史者所不能廢也抵家後倩里中
吳茂才振鵬楷錄副本度之行篋以俟質之江浙藏書家夢
華名元錫錢唐監生遠於經疏嗜金石阮芸台師十三經校
勘記經籍纂詁蓋多出其手云高安鐵梅朱樂跋

東林附跋

236 MW 62

327

大令貢謙父先生以校證吳忠節公兩朝劄錄刊本寄示
並欲續求遺書以廣其傳聞先子九芝仙館藏書有是編及
留都見聞錄嘉朝忠節傳貽書索鈔爰倩友人丁君知遠各
錄一冊慮有脫誤為之覆校數過並仿書後之劄識之冊末
據公之孫吳銘道所跋留都見聞錄謂東林記事本末歸之
陽羨陳氏久不可問則是書之顯晦殆不可知先子括明詩
綜所載疑所得東林事略標題不同而絕似次翁手筆以無
左證不敢質言家藏副本先子手贈長樂溫伊初丈訓而何
文原本尚在篋中航重加校閱見此冊卷尾有先帝殉社稷
之三年十二月十八日琴川漁父呵凍錄一行攷甲申之三
年為順治丙戌琴川在今蘇州昭文縣明之常熟地則是書
緣起在於

國朝定鼎之初出自勝朝遺老所錄閱二百年展轉入書肆

東林附跋

九

中豈非燒劫之餘燼哉流傳浸久字跡間有漫漶處幸護殼
裝以柿油高麗紙得不殘損因用紙逐葉粘襯以待續鈔及
揭護殼有敘一葉在焉其紙較原書狹五分摺痕已斷字跡
出一手其為何文原本所夾或先子別自他本所鈔均不可
攷其標目曰東林本末序下有夾行小字云書共六卷存陳
其年太史維恭家卷數與明詩綜所載合而存於陽羨陳太
史家與吳銘道所跋之留都見聞錄合益喜先子所疑為公
書者已有確證及校至下卷見辛亥京察論中有吾鄉鄭太
宰吾鄉一御史之語鄭太宰名三俊建德人一御史謂劉光
復青陽人二人皆與公為同郡故稱吾鄉然則是書確係公
之原槧而事略之即本末鐵板證據可無疑矣復與大令性
返商推東林事略疑係轉寫者所更今證以序中標題合之
明詩綜所載本末二字原係先生自定今悉仍之從其朔也

東林附跋

上中下三卷卷數不符先子疑其為并大令疑其為刪檢討
國朝或存卷中自詳詳然六字亦恐傳聞之誤今並記之
以俟他日攷證也撰人名字下題之曰纂仿忠節傳例也嗚
呼不有何文何自得見此書不有太令之索取公書何自定
為樓山原本雖趙璧既歸廬山可識濫觴於先子之一跋而
嚴搜下逮極納重尋遂使四十年來之疑案一旦渙然公釋
豈非忠義之精光有以呵護而默相之者耶駟駒過隙宰木
生風恨不能起先子於九京而快觀之撫卷長觸能勿慨然
時同治甲子之夏朱氏子航謹記

是編東林事略上中下卷即貴池先生東林本末之原書高
安朱鐵梅孝廉跋之於前哲嗣蓮洋徵君記之於後其為樓
山撰著之散軼者灼然如晦之見明矣爰因刊先生兩朝劄
錄錄竣函致索取徵君精心督校錄其副以貽余余檢判駝

東林附跋

十

逸史刻有是編取以對校則序與書標題之異及卷數之分
上中下撰人之題無名氏靡不脗合惟下卷論凡七首佚其
三案之一首而原題七字及原注至三朝要典止尚仍其舊
則轉寫者脫漏也復查此冊鈔本卷尾一行所謂琴川漁父
者疑即汲古閣之毛子晉也然則是編初歸陽羨陳氏展轉
入常熟毛氏錄者在

國初定鼎之二三年其為原本之未梓者遂為稗乘所擄拾而
證以壯悔堂集所撰樓山集序言一時露布被以殷頑之目
宜其片紙隻字悉以挾書之厲禁持之無名氏之稱有自來
已最後又得樓山堂集二十七卷中有國事論一卷則是編
下卷之七論皆在焉又序中並載東林本末序蓋單行之書
凡論與序皆入文集中亦集部通例也若此書歸之陽羨陳
氏載入原序夾行中不但與吳道銘所記合而證以樓山集

東林附跋

中復陳定生書則已卯之春先生以原彙手寄陳公子授梓
越五年遂遭鼎革迫順治壬辰公子僅出其樓山遺彙授歸
德侯公子序之而其時是編已佚宜銘道之以為久不可問
也然則陳氏失之毛氏收之證以卷尾之一行則是編之源
流可攷也已惟原本六卷鐵梅先生以為錄者改并今詳譯
上中二卷多有上下文義不相聯屬者蓋轉寫之亂始於刪
改刪則卷數少而不得不并改則謬謬相沿或下文之混淆
或姓名之舛錯甚至時事顛倒如癸巳以後之京察詞意矛
盾如涇陽貽書之相臣雖先生信筆之書未必無一時誤記
者然其節目之大關乎國事人才今所校證或統觀全書之
前後或參校本文之上下又證以正史及他書所載刊改原
文之誤其有蓋闕者則仍之並合徵君所校散入各條下同
署名於尾嗟乎尋墜緒之茫茫獨旁搜而遠紹朱氏喬梓

東林附跋

十一

其勤矣而變以鄰里後進獲與斯文遂得於破觚殘簡之存
一吐其青燐碧血之焰發潛閨幽非曰能之竊取私淑意在
斯乎汗青有日敢告槩人時同治三年甲子之冬皖南後學
夏燮曠父謹識

光緒甲午四月四日^{世宗}刻吳次尾先生東林本末丹黃滿
紙校未及半越年乙未同上公車二月道出上海四兄疾作
遽歿於南市之吉祥街元源莊次數年來不忍緝其遺墨然
終不忍不卒業以竟其志余適彙刻貴池先哲遺書因搜先
生遺著亟為刻成覆勘一過不禁聞然者久之此書散見於
荆駝逸史按序首行標目下孟堅注書共六卷存陳其年太
史^維家又孟堅編樓山堂集目分已刻未刻於未刻文集
目列有東林本末六卷與明詩綜所載正同惟縣志藝文作
東林紀事本末四卷通志亦作四卷惜世無傳本今所存者
祇此三卷或有所省并未可知也在同治甲子乙丑間當塗
夏曠甫大令^發假得高安朱氏所藏鈔本亦祇三卷刻入樓
山遺書訂誤校訛為力不淺按逸史所收東林事略即此書
上下卷逸史又收江陵紀事亦即此書之中卷互相考證尚

東林跋

十二

有大令未校出者卷上或借費於湯韓而浙宣合夏本脫而
浙宣合四字卷中計且藉以抗申也一旦反面與申合諸人
申所欲斥申不自發輒授意王使訟言排之紀事作計且藉
以抗申王一旦反面與申合諸所欲斥申不自發輒授意王
使訟言排之又馬故在國之前紀事作資故在國前又諸人
皆骨鯁無罪之臣罪獨失申相公意耳紀事作諸人皆骨鯁
無罪獨失申相公意耳又允登遂走王國逐之紀事無王字
又王東倉為政紀事無東倉二字會王相國稱病紀事無相
國二字又此呂為尤紀事作此呂尤與思孝善無為字又四
明自度不能留內外計典已為部院所持紀事作四明度不
能留遂計挈歸德同去而政柄授之朱山陰矣當四明在位
時內外計典已輒為部院所持多二十二字又夢語寐語紀
事作夢語寤語又國此時方巡撫畿輔紀事作國然之此時

方巡撫畿輔又攻淮撫者攻吾兄弟者也紀事作攻吾兄弟
 漸也又宛若兩敵國者紀事無者字又棄官以數十紀事作
 棄官者以數十又東林由是與浙為怨府紀事作東林由是
 漸為怨府卷下幸當時諸部臣以死爭之紀事部臣作部科
 其所異均勝於夏本昔四兄所據乃逸史本也夏本改己亥
 為癸巳改吳中行遂仇用賢當作中行用賢遂仇思孝則大
 令所校者是逸史後有吳孟堅一札為夏本所無夏本有何
 夢華朱鐵梅朱蓮洋三跋今同大令一跋均刻於前庶知大
 令得書原委亦不沒其校訂之功而著吳先生之名於前序
 序既載於樓山堂集文第七卷更又何疑焉後之覽者慎勿
 以夏本有疑於此書也則幸甚矣光緒二十五年己亥三月
 十一日縣後生劉世珩謹跋

東林跋

三

善

氏

卯

澤

如

森

西

末

吳興劉氏
嘉業堂刊

敘

道光丙申歲余在京師偶從藏書家假得閩人江日昇
臺灣紀事本末四十九篇敘天啟甲子歲鄭芝龍倡亂
至康熙癸亥其曾孫克塽投誠而止凡十數萬言頗爲
詳盡惜體類小說辭不雅馴余因參攷他書刪其繁蕪
加以潤色其事蹟年月少有不合者則姑仍之蓋疑以
傳疑古人所尙自非身親目接者固未見彼之爲是而
此之爲非也書旣成析爲六卷題曰臺灣鄭氏始末并
識其緣起於簡端云是年冬十一月德清沈雲自敘

鄭氏始末序

臺灣鄭氏始末卷一

吳興叢書

德清沈雲撰

烏程沈

荏生

臺灣懸大海中北界彰化之雞籠城在縣極北海中南界鳳山

之砂馬磯縣東南二百里縱輪近三千里東背山西面澎湖

島在臺灣縣西五十里海舊稱澎湖之東為毗舍邪國

或曰昆舍那國袒果睢于習鏢弩宋濬熙開嘗有酋眾

肆掠泉之水澳縣即泉南一百里等處明嘉靖

年都督俞大猷嘗迫海寇林道乾於澎湖道乾窮入臺

不樂其土恣殺番眾以血膏艇棄之占城而臺地之闕

實自鄭芝龍父子芝龍南安人父紹祖為泉州府晉芝

龍嘗兒戲擲瓦牆外誤中知府蔡善繼冠折左翼起執

鄭一

一嘉業堂校刊

既至奇其狀而縱之長益矯不羈道廣東香山澳傳市

船之日本豔翁氏女年十七暱焉不反會海澄亡命顏

思齊為甲贏蓋彼夷所立以統華人者也豐積好施貸

與晉江販者楊天生善天生謂日本達閩粵遼句驛得

之可以自大轉鳩洪升陳德張宏陳動等二十八人長

思齊而芝龍年少為之殿日本故於海隘置礮臺列卒

更戍因謀開不意宵殺成者還礮車內嚮發徒眾縱火

板屋乘昏夜襲取要害分奇席卷隱祈天地盟約定天

啟四年夏六月將發翁氏婦夢巨魚觸膺生子男也眾

往賀因誠芝龍勿疏秘於婦人曰何至是是非夫矣而

同盟李英已醉不謹妻倭女王氏覺告而翁氏父翼皇

先奔告芝龍曰殆已王兵將至乃速思齊等駛大艇乘

風遜已說凡艇十三思齊欲之舟山今定海縣陳德謂密邇

鄉土各歸耳難有固志不若風利駛臺灣便僉曰善入

晝夜乃至計撫土番立寮寨以時出獵海上時紹祖已

先死其羣從子姓歸者踵接而思齊以五年秋九月獵

諸羅山反病死咸薦於皇天后土卜以磁質杯二曰邦

伯不祿莫長莫君天庶新造賚一人以父受祐那哉則

一俛一叩而無小損者從祝已乃次年擲杯眾罔協未

至芝龍允如祝眾盟曰盍再乃數十試皆俛叩協且完

眾謹曰天與之眾庇之矣東六年春正月旬有八日受

終芝龍固辭乃就令曰茈茈懼不勝敦顏駕茲弗政曷

鄭一

二

俾孰綱紀黜賞惟平孰斤農食居者行者咸賴孰司工

肆庀廬艦甲兵惟良孰修律度書識別旗表惟察孰肆

戰陳進止坐作攻守惟備孰典祭賓飾辭令盛聲容豫

占候巽條故咸周孰安上下徠豪俊聖邪調納規誨克

均無隱其柬十八人任仔棊予以符旬有八日之應上

帝享予咸休其或不享咸劉咸其戒哉命不貳柬不以

實受而償不濟者差罰勿赦束而身覺不任者讓免芝

龍乳字一官至是更焉更其弟芝虎芝豹芝鴨芝燕餘

十三人皆以芝敘二月以楊天生洪升參軍事楊經李

英總饒軍陳勳林翼督造戰艦陳德張宏為監軍芝龍

帥艇十艇各軍士六十偵事艦二艦各二十五人儲一

月糧於三月犯金門東南五十里海中又犯廈門東南五十里海中

同安縣西南夏四月犯廣東靖海在潮之惠來縣甲子

舊在惠之海豐縣東南一百五二所所設指揮千百戶

轄軍士無禦寇者徒馳羽檄報寇執鋒盛不可當當事

悚懼上聞或以蔡善繼營善芝龍說巡撫為招安計即

起善繼泉州巡海道持撫臣朱欽相檄遣旗鼓黃昌奇

入海芝龍方燭滌戰艇於湄州在莆田縣東南稔昌奇

故亦泉府胥與紹祖善重不忍違善繼意允就撫而陳

德等皆不欲乃別六艇遣還臺灣俟後命而自與羣從

統十二艇眾八百餘人入泉州港謁蔡會欽相疾月餘

不報芝虎因說曰撫臣意不測速去之便芝龍猶豫且

重負蔡虎又曰書生耳身事體不速將及即夕駕汐出

泊圍頭外灣部羣從厲兵攻海豐下之又攻嵌頭莆田

六十又連破甲子靖海二所七年春正月還泊漳浦之

舊鎮縣東南巡撫朱一馮檄都司洪先春等會戰於將軍

澳縣東南先春還舊鎮芝龍屯六鰲外嶼縣東南偵先春

檄調鎮海衛城在縣東懸鐘銅山西南銅山陸鰲

各衛所軍士兼募沿海鄉勇芝豹

夜率二百人持海豐所獲鄉勇旗幟乘岸雜鄉勇中以

待越日先春出港口戰芝虎不勝芝豹起岸上夾擊之

先春大敗遜金門一馮即令金門遊擊盧毓英會勦芝

龍令羣季伴為商船並小艇唱漁歌分伏島嶼間而自

領數艇迎戰毓英少之芝龍復伴敗毓英駛進伏出弓

弩齊發遂禽毓英芝龍以禮遣還屬道嚮者就撫意毓

英還廈門謁都督俞咨皋言芝龍可撫狀咨皋者大猷

子也怒責毓英毓英至泉復以可撫狀告知府王猷猷

心是之而咨皋已至一馮所罪毓英失機繫獄更檄干

戶馬勝百戶楊世爵擊芝龍至將軍澳中伏皆死咨皋

又檄副總兵陳希范過戰於杏仔又敗洪應斗張選舉

沒焉咨皋大慚調閩安在閩縣興化永甯在閩縣

芝龍偵諸將惟王飛熊林盛李夢斗精水戰餘子碌

碌不足數乃分十艇為前鋒分八艇出青水溝約日中

由東碇會分四艇左右翼而自帥中軍六艇策應夜先

發及旦遇咨皋軍芝虎鼓前鋒歷之戰林盛李夢斗至

日中不決芝龍乘間橫擊而東碇艇新軍奮起咨皋急

麾分敵而諸將誤謂退師遂大亂芝龍縱擊軍將溺失

無算咨皋遜入廈門還令指揮傅珪統十五艇抵禦南

山芝龍至又大敗之咨皋遜三汊河在舊鎮東北先是

朱欽相撫海寇楊六楊七咨皋實主其議及中左之戰

皆率眾先遜漳州工科給事中顧繼祖劾咨皋希范逮

問崇禎元年王猷復以撫議說巡撫熊文燦文燦下巡

道鄧良知識問誰可使芝龍者猷以毓英對即白文燦

自獄中釋之使往方是時楊六楊七叛烏洋劉香老擾

惠潮南澳在詔安縣西百餘里鎮平縣東南一百六十里海中三城去懸鐘澳口三十餘里

褚彩老劫沿海李魁奇攻掠澎湖遼羅等處最橫魁奇

惠安漁人能竟日行水中初聚眾澎湖候劫呂宋國船

陳德等回臺灣聞芝龍受撫不決以眾來會至澎湖為

魁奇所劫德及楊天生等皆死免歸臺灣者惟李英與

通事何斌芝龍聞之大恚秋九月毓英說芝龍降偏賂

當事皆喜遂詐以義士鄭芝龍收復鄭一官奏聞一官

見前官為防海遊擊復盧毓英監其軍芝龍曰世無

君子天下皆可貨取耳陳平之聞項也黃金勝百戰矣

二年夏四月芝龍攻殺魁奇於遼羅取其首祭陳德等

盡降其眾六月遂斬楊六楊七於浯洲港即金秋八月

部一

褚彩老寇閩安芝龍追滅之於南日山在興化府城東百里大海中三

年夏五月遣弟芝燕往日本迎婦翁氏及所生子而倭

婦先未有入中地者不許芝龍命統戰艦數十逼竟上

乃以所生子先歸年七歲芝龍喜其貌偉名之曰森字

曰大木能讀書稍長通春秋左氏傳及孫吳兵法喜擊

劍馳射時時東嚮咨嗟念母氏諸昆弟或有侮之者獨

叔父鴻遠深器焉事諸母趙氏無間年十五補南安縣

學生香老寇小垵在連江縣東百二十里芝龍擊之

遂再寇長樂及海豐當事以撫芝龍故事遣惠湖分守

道洪雲蒸巡道康承祖參將夏之木張一傑入海招香

老需重賂皆被執八年春三月兩廣總督熊文燦福建

巡撫鄒惟璋檄芝龍討之香老時屯甲子脅雲蒸同舟

距師夏四月遇於田尾洋當即田尾澳之外洋澳在碇石衛西門外可泊出雲

蒸以撼芝龍雲蒸大呼曰當事非夫我則死急擊勿失

香老怒刃之遂是夜芝龍泊赤澳即赤澳近南澳計香老必乘

潮至今芝虎芝豹伏眾艦前澳當即錢澳在潮陽縣東南二十里碇石在甲子

西甲子東為錢澳又東為赤澳赤澳近拓林浮水寄旋已而果至大戰至日

中芝虎手盾口利刃援登檣嶺近香老大艇躍而過搏

將刃之左隊艦未之見也然礮擊大艇虎與香老俱焚

死芝龍盡俘其眾還承祖之木一傑求芝虎尸五日不

得大慟徒招以祭十二年夏六月荷蘭國將郎畢吉里

哥連犯閩浙所至莫禦號曰紅夷軍夷精機巧用火器

鄭一

多奇中乘巨艦曰夾板堅質密護銃礮矢石無所施故

我軍叩攻多敗失芝龍奉檄令芝豹束善泗水軍要瓠

筒乘小艇實茅薪神煙礮石神沙毒火而艇之首腋錠

狼牙銳釘相風水執駛抵彼艦不可拔然火浮水逸因

是焚其五艦餘遂去或表芝龍累多前虜於朝且善制

敵乃進總兵再進福建都督鴻遠授副總兵鎮南安贛

州荷蘭國王之弟曰揆一王因郎畢吉里哥敗歸請再

舉不許請中占一島地以通往來伺閒隙乃許揆一王

略地至臺灣遇何斌喜甚命為甲螺度形勝築城於七

鯤身山在鳳山縣西北自打鼓山穿田過港遠逾六之

首曰臺灣城外列礮臺更築小城於對岸曰赤嵌城屬臺

灣十七年春三月京師陷夏五月福王立於南京以明年爲宏光元年封芝龍南安伯鎮福建鴻逵靖鹵伯充總兵官守鎮江芝豹彩並充水師副將芝龍遣兵衛南京子森入太學說錢謙益以知人善任招攜懷遠練武備足振貯決壅蔽埽門戶曰少更事知之易行之難曰行之在公等度不能行則去能不我用亦去此豈貪祿位徒事粉飾地邪能將將伊呂一人能將兵虎賁三千足矣不能多益擾衽席間皆流寇也謙益心畏而謝之

鄭一

七

陳於江之西距瓜州十五里絳鴻逵而別以舟師夜濟未至南京福王先率馬士英及眾閣潛逃既至大學士王鐸禮部尙書錢謙益並忻城伯魏國公等一百五十大員馬步兵二十三萬八千三百迎降大軍自徐州進者敗劉澤清高佑於宿遷進清河又敗澤清馬化豹等於淮黃清三河口入淮安界降范鳴珂進次清江澤清田仰遜走柏永馥率兵出降遂克淮安鳳陽廬州望風降福王遜太平六月復走蕪湖黃得功戰死田雄馬得功縛王及妃以獻十總兵并率眾降鴻逵自鎮江奔杭州路王監國三日出降紹興淮王渡江降繫周王眷屬於湖州總兵王之仁率兵二千五百人降檢桂陽王

於和州鴻逵奉唐王入福州改元隆武閏六月丁未日也芝龍鴻逵晉伯爲侯芝豹澄濟伯彩永勝伯鄭森賜姓朱名成功提督禁旅以駙馬都尉禮從事黃道周爲大學士蘇觀生張肯堂吳春枝爲尙書侍郎開儲賢館定十二科取士芝龍議自仙霞關外當守者百餘處所仙霞嶺在衢州府江山縣南一百一十里有關先爲不可敗以規進取又議以明年春出關計戰兵二十餘萬統閩粵正供不足一年之食餉絀入無固志虛名假義不可以空腹爭也時新進者希樹功以駕鄭氏文大臣亦疾鄭氏之擅諷隆武趨出關圖恢復芝龍對曰戰危事非策萬全不可會宴大臣芝龍意侯爵可位文臣上道周曰祖制

鄭一

八

武臣無右芝龍謝不敏讓居下而環睹皆鄭氏宿將不平甚芝龍目止之終宴諸生疏言道周等迂闊無能隆武敕督學御史徧扶之芝龍鴻逵數援引親舊不聽用意鞅鞅若失尙書何楷劾芝龍引疾不陪祀南郊無人臣禮隆武獎楷好風裁令掌都察院事鴻逵偶搖扇殿上楷面呵之秋九月大軍克徽州右僉都御史金聲死之冬十月道周統兵至婺源潰婺源令道周之門人也給爲內應信之至明堂里爲大軍張天祿所執死蓋洪經畧教也何吾騶曾櫻竝爲大學士隆武擇日親征命芝龍會櫻留守鴻逵御營左先鋒出浙江彩右先鋒出江西爲壇西郊行推轂禮鴻逵出城馬仆地隆武方秉

鉞誓師風暴起旗靡天帝及高皇帝前燭滅三軍土色
十二月甲申啟行丙午駐建甯三年春貝勒博洛固山
額真公圖賴征福建浙江洪承疇經畧如故隆武懼將
出汀入贛引湖南何騰蛟為援芝龍諫止駐延平封成
功為忠孝伯潞安王瑞昌王以眾二萬入江甯南都改府不
克闖賊李自成偽總兵馬進忠王進才自岳州叛奔何
騰蛟隆武封騰蛟定興侯騰蛟率眾圍荊州貝勒勒克
德渾馳破之降自成弟李孜偽磁侯田見秀等馬步兵
五千餘人獲玉璽一隆武賜李錦名李赤心號一自
成妻弟名高必正及進忠進才郝永忠原名張光翠袁
應第牛萬才張光壁等十餘營皆隸騰蛟受節制承疇

鄭一

九

大索潛山太湖間殺樊山王朱常采及石應璉等三月
辛未大軍破吉安初汀邵聞有大帽山名洞蠻永甯王誘
之同據撫州博洛分軍圍撫時彩軍屯廣信永甯請救
遣張家玉以三營往圍解已而大軍復合夏四月彩聞
博洛道衢州將至遂棄廣信入關岑陽關在上饒縣東
浦城縣二渡關三十里界廣豐崇安之撫州破永甯死
間二渡關在浦城縣西北一百十里彩削爵待罪江西督師萬元吉自吉安退守張家渡又
退守皂口監紀程亮以新威營援師二百人下守縣津
灘壬午新威營潰元吉奔贛贛督師蘇觀生也丁亥粵
遣副將吳之蕃遊擊張國祚以兵五千人援贛庚寅博
洛軍至觀生退守南康是時滇粵先後援贛者累數萬

士望北軍皆股慄莫敢一戰乙巳閣部楊廷麟厲各營
兵尙四萬餘人劉廣胤自甯都募二千人亦至皆先後
潰五月丙午朔廣胤被執博洛軍抵浙江水涸徑渡數
十騎而列戍驚潰走死不暇矣監國魯王由紹興避舟
山肅鹵伯黃斌卿不納會鄭彩至奉之入閩六月鴻逵
自浙還浦城隆武疾彩奉魯王并削鴻逵封爵先是魯
以都督陳謙使隆武御史錢邦芑以謙與芝龍有舊慮
他變請殺之芝龍亟請解官貸謙死隆武故留芝龍語
及出謙殊死矣晉江人黃熙允故厚芝龍以洪承疇舉
為福建招討使又謂貝勒曰唐藩弱離鄭氏乃匹夫耳
不如給以三省王芝龍使內附乃多為閒書投芝龍秋

鄭一

十

七月己巳隆武由關上主事所搜獲勸鄭氏迎降書二
百餘緘承疇又偽為芝龍允獻隆武彩獻魯王書泄之
隆武左右鄭氏因人人自危隆武亦惡其不還棄也日
思遠鄭氏為全身策成功因以母疾辭還安平鎮在晉
南六守關將施天福等知有內變皆撤兵先後去八月
大軍破仙霞關獲閩部黃鳴峻等進破浦城殺楊廷清
李暄等遂下建甯延平等府庚子隆武奔汀州追騎及
之死芝龍時守泉州與芝豹籌饟貝勒兵卒至眾潰翁
氏婦初由日本至死焉芝龍退保安平貝勒使郭必昌
招芝龍曰我出師平閩浙數月間悉底就功負一隅何
恃速來鑄兩粵總督印待足下緩須臾無及芝龍遂劫

眾奉表出降成功叩馬諫曰海內思漢官威儀出於其性無賢愚恥作蒼頭奴李張二賊窮蹙不日死嘔起巢穴半書生又所嚮無所得食故忽起忽滅若雲掣電明宗室無伯升昆仲才不足奉隆武執既孤大抵走死願大人勿虞北人性習與人殊詐利反覆不可信大人設險以守觀釁而動逸則進勞則退天不厭明擇可立而立之否則終老海濱差可自快弗聽鴻遠諫曰兄位極人臣帶甲數十萬舳艦蔽海糧積齊山以此號召天下何所不可委身而事自比琉球奉正朔可矣且三省王爵頓易兩廣總督偽立破兄以此辭不然必悔又弗聽成功泣曰魚不可脫於淵也大人三思芝龍拂衣起去

鄭一

十二

成功遜歸金門海自泉江口西南至金門百餘里金門西至廈門百里廈門西南至南澳四百里餘貝勒遂挾芝龍北去冬十月大軍破贛州楊廷麟萬元吉投水死初隆武封第四弟由為唐王隆武死乃浮海至粵瞿式耜等已奉桂王由監國肇慶蘇觀生從贛入廣與何吾騶等立唐王廣州改元紹武十一月大軍破廣州王及觀生自縊死吾騶等降彩由廈門奉魯王次長垣改明年為魯監國二年成功自仍隆武舊朔肇慶踰年改元永歷海上遂有三朔

臺灣鄭氏始末卷一

臺灣鄭氏始末卷二

德清沈雲撰

烏程沈 珩注

四年春正月成功令鴻逵鎮金門芝豹芝鵬守安平而

自率舟師泊鼓浪嶼同安縣西南六十里廈門西北多大石魯王以進取

福甯興化功晉彩為建國公熊汝霖為相彩季弟斌鎮

南伯楊耿鄭聯以兵會長垣封耿同安伯聯定遠伯辛

未周崔芝復海口二月壬申朔克海澄漳州府東破九

都堡在海澄西成功令其叔父香守海澄石尾港癸酉攻漳

平不利甲戌福撫佟國爾遣副將鄒必科等援海澄而

自率師攻海壇長樂縣東南七十里海中丙子彩克

漳浦越五日辛巳郎西王朱常彪復建甯其國師王祁

鄭二

一嘉業堂校刊

復邵武辛卯彩攻福州必科等來援相拒月餘不克夏

四月佟撫遣兵破海口崔芝退保火燒嶼六月彩攻漳

州不克秋七月魯王親率彩等攻福州不克八月成功

會鴻逵於泉州桃花山晉江縣東南三十里沈佺期等起兵應之

泉州提督趙國佐以兵二千迎戰成功與鴻逵出奇兵

夾攻大敗之遂圍泉州而分伏於中途襲殺溜石寨參

將解應龍拔其寨八月丙戌彩乘間取連江九月己亥

漳州副將王進率騎兵五百步兵千來援聲言潮州兵

數萬即至成功曰彼出一旅扼五陵在大盈堡東而攻安平西北

安平則腹背受敵矣乃分兵守薊園而自營五陵以待

進果至大盈南安縣西五十里知有備而間道出南安突泉州

圍鴻逵遣洪政迎戰敗鴻逵遜金門成功退保安平前

浙江巡撫盧若騰進士葉翼雲舉人陳鼎海澄人甘輝

南安人施郎與弟顯貴及邱縉林壯猷金裕先後傳成

功冬十月魯王連下長樂永福閩清羅源甯德其大學

士劉中藻別以兵下福甯州十二月魯遣陳世亨復安

固不克林空林汝嘉攻福清兵敗皆死五年春正月興

化分守道彭遇隨以城降魯二月江西總兵金聲桓遣

郭天才援閩養廉慢遇之天才降魯封忠勤伯三月成

功率甘輝攻同安守將折光秋棄城走遂授葉翼雲知

縣陳鼎教諭桂王使輔明侯林察諭成功遂改永曆紀

年還使稱賀以縉等三人守同安而自整舟師趨銅山

鄭二

二

援粵金聲桓及王得仁用隆武年號攻陷南昌等府逆

流攻贛贛帥高進庫故興平伯傑兄子也求援於粵李

成棟與布政袁彭年脅佟養甲奉永曆令民解辦會聲

桓並奉表至桂詔封聲桓豫國公得仁建武侯命吳貞

毓以吏部侍郎使成棟所浙閩總督陳錦勳成功兵出

遣師分攻興化莆田永福長樂建甯等所至皆克凡魯

先後復三府一州二十七縣至是僅保甯德福安二城

郎西王以下死者無算夏五月大軍破聲桓復九江饒

州等府六月彩糾李長蛟王國用陳泰鍾萬餘人分道

攻建甯遣聯等率散卒藏皂衣白旗分伏各城約期內

應秋七月丁卯遣陳鳳藍衍吳豪各以勁卒二百人乘

夜突門楊棟黃勝率舟師奪海口約同夜進燒漳州江東橋柵襲破長泰海澄龍溪遂攻同安安溪福甯守者皇遠皆下八月靖南將軍陳泰率大軍屠同安翼雲等皆死進克長樂連江陳泰等自戰彩聯而別遣李率泰等分攻各城彩等眾寡不敵遂出海口大軍遂入興化殺守者顧世臣等永歷至肇慶成棟迎百里外儲黃金千兩白金十萬緡幣稱是備饑頌好子永歷大喜政無巨細關成棟而後受成焉聲桓得仁圖贛三月不克南贛撫劉武元聞師絕其餉乃解冬十月永歷詔封成功威遠侯辛丑詔養甲代祭興陵武三而密令李元允礫之江中以貳故十二月惠國公成棟出南安攻贛敗單

鄭二

三

騎遜六年春正月大軍破南昌聲桓得仁皆死三月大軍至南安而別將分破南康克信豐連下撫州建昌成棟溺水死初騰蛟開府于長沙之湘潭是月湖南北十三鎮先後破湘潭不守騰蛟死大步橋下永歷遣告急於成功遂遣施郎楊才黃廷柯宸樞攻漳浦守將王起鳳降遂下雲霄殺其守將裴國柱在漳浦西傳檄浙粵江西王翊起四明在四明眾萬餘人攻上虞破之蕭山石仲房會稽王化龍陳天樞台州俞國望金湯奉化吳奎明袁應彪平岡張煌言上虞李長祥皆應翊遂東徇奉化猝遇大軍奎明嘗之翊迎戰於河泊所大敗之是月大軍克甯德夏四月遂克福安劉中藻吞金死

魯將同時死者董世南等數百人王自沙埕徙南田遣張名振復建跳所施郎等進克詔安獲其守將姚國泰進屯分水關在詔安東南分遣黃廷洪政守羅山嶺宸樞守盤陀嶺在詔安西南以書招湖州總兵郝尙久不從五月魯告急於舟山黃斌卿不應又使使四明拜翊河南道御史六月又拜右僉都御史會稽人嚴我公為魯招顧虎臣及長興柏襄甫皆以眾降永歷遣胡執恭以侯爵往封孫可望李定國劉文秀艾能奇已誅張獻忠之四將也執恭既矯詔封可望為秦王秋七月詔封成功延平王固辭不受乃改封廣平公又封李過即一為雙虎與國公高必正鄭國公朱由植率眾攻南贛不克死劉

鄭二

四

治國等九人自廣東分三路進攻南贛亦不克死是皆成功檄奉永歷者也八月成功遣陳斌進破遠濠在縣東三霞美二寨降其守將張禮又令黃山從海靖所破惠來縣以汪匪為知縣正兵鎮盧爵守之九月張名振阮進共殺斌卿迎魯王冬十月丁亥自建跳所徙舟山山西虞允陝西王國賢等皆遙奉永歷年號攻下蒲州及臨晉河津等府縣旋皆失陷大軍既克湘潭遂破永興獲總兵尹舉智等李過一名錦又赤心棄辰州遜又擊王進才馬進忠於寶慶又破光山伯劉體仁等十營於紅江又破衡州進破胡一靖六營於全州彩聯等自舟山還乘閒克復興化斬其推官黎樹聲十二月焦璉分

兵攻全州不克大軍乘勝克道州永州常甯沅州進克
烏撒城及文考洞閣部楊鼐等皆死宜爾都齊等大敗
郝永忠於黎平遂破之七年春正月大軍克南雄永歷
自肇慶奔梧州李元允留守肇慶成功克潮陽在潮
南一百
四十里西南至惠
來縣百六十里

鄭二

五

才攻破其寨才暴卒而以林勇代攝其眾三月遣施郎
招萬禮於詔安九甲夏四月禮率眾降五月撤高必正
等援梧州六月成功圍潮州總兵王邦俊拒守陳斌斷
廣濟橋在廣東潮陽江上廣
濟橋二文長一百八十八丈戰其將郝尙久尙久卻乞
援於漳州王進進攻羅山廷政敗走進攻盤陀宸樞堅
壁守進以騎兵誘戰而別由閩道出雲霄夾擊宸樞死

閣部揭重熙總兵李安民蕩鹵伯洪國王分攻邵武等
處令洪政約東南澳銅山諸島掠詔安饒平擇日進取
會永歷告急自廣西至速成功道虎門入虎頭山在東
莞縣西南五
十五里大海中有大虎小虎二山
各虎頭門外夷人貢及出使要道
冬十月以黃大振守
海壇阮引藍登佐芝鵬守廈門而自帥五將軍之兵抵
潮陽聞廣州已被永歷奔潯州陳邦傳叛劫從官溺死
者董英許玉鳳潘駿觀三人而施郎與陳斌隙又告潮
人黃海如將叛去乃陰遣林習山襲殺海如攝其眾遂
攻潮州未下聞重熙等攻邵武戰失利盡焉川湖督羅
繡錦等各遣大兵助可喜十一月福建巡撫張學聖亦
分兵擊要害十二月兵解潮州八年春正月退屯南澳

鄭二

六

成功大驚乃解圍退潮陽時彩聯方據廈門秋八月成
功令施郎分兵伏諸島而自設宴虎坑巖邀聯聯至半
山塘伏起殺聯成功伴慟購千金告殺聯者分兵護彩
已而其將陳鳳藍衍吳豪楊棟黃勝各以其眾來附并
舊將藍登皆授原職遣洪政持書招彩彩竟全師付政
成功大說九月定南王孔有德軍至桂林諸將望風遜
瞿式耜等不屈死靖南王耿仲明至吉安自盡平南王
尚可喜自攻肇慶等府而碣石守將蘇利開道急破惠
來在粵
西盧壽汪匪皆死成功命輔明侯林察將左軍閩
安侯周瑞將右軍定西侯張名振將前軍平夷侯周崔
芝將後軍自將中軍馮澄世潘庚鍾將遊騎策變別遣

而自屯金門後浦永歷使宦者劉九皋報孔有德已先
後盡克桂平梧柳四府地靖江王并世子文武臣四百
七十三人皆沒上自潯州徙南甯三宮徙田州湖南牛
萬才率總兵以下官八十三員兵七千七百降北是月
成功以施郎有犯囚諸舟中脫去成功怒殺其父大宣
及弟顯貴郎聞行詣蘇茂茂令之安平芝豹所成功捕
之急即遂降北更名瓊成功悔曰自此不復安食矣五
月成功帥九將軍之兵攻漳浦道南溪在縣南六登岸
副將王進迎戰不利入城堅守環攻之不下六月還思
明尚可喜連克雷廉湖惠諸府地秋七月平和人黃梧
來附授副將以陳六御為北鎮領騎兵九月復攻漳浦

鄭二

敗王進於馬口集在縣東北提督楊名高統興泉諸鎮兵入
援成功親勒六軍藍衍杜輝當前甘輝余新督中以繼
蘇茂郭義伏小盈嶺左楊祖蔡祿伏小盈嶺右陳魁黃
梧彌縫左右翼成功憑高示進退引名高步騎戰嶺下
兵交伏發名高突陳遜泉州漳浦守將楊芝德陳堯策
以城降竝授總兵以林其昌守知縣冬十月永歷徙新
甯陳錦遣兵破舟山魯王遜尚書李向中將軍劉世勛
以下死者數十人十二月成功遣乞饑日本以足軍實
阮駿自舟山來歸九年春正月海澄守將郝文興迎成
功入遂授文興前衝鎮以黃維環為知縣張名振沈宸
荃張煌言扈魯王至金門宸荃疑舟南日山風裂維掣

去失所之永歷徙廣南孫可望遣總兵王愛秀迎至安
隆所改名安龍府周全斌同安人以三策干成功曰大
將軍志在勤王當以計開孔尚吳使反正撤孫可望李
定國分兵川楚連師閩粵一道湖北徑取南鄭窺洛陽
拊其背一由巴蜀搗關中封函谷扼其項一浮長江畫
南都遏其饑以虛其腹此上策也會孫李師分克楚粵
巴蜀由黃梅分克太湖潛山德化建昌一趨南贛一趨
合肥粵師由南雄會閩師浙師左右之而又分南贛之
師道浙浮江分下大江南北而下楚蜀之米以蘇閩浙
不時之需此中策也若夫棲兵各島以閒蠶食浙粵沿
海諸郡邑陸取南贛汀邵觀釁乘便此下策也成功大

鄭二

說授房宿鎮參軍事遂密表於永歷會孫李進取偵孔
尚易防之閩而捍合之而自遣諸將從江東驛在龍溪
至長泰龍溪攻長泰戰王進溪西龍溪敗之二月城未下而
總督陳錦撥兵大集成功屯柳營江東江東驛水錦屯
牛蹄山距五里三月錦眾來薄蘇茂林勝逆戰杜輝吳
豪橫截其腋大敗之退同安鳳尾山大鳳山在縣北三
其支其支其奴庫成棟受杖怨錦夜到其首來奔長泰守將
李青棄城走遂以馮澄世為知縣斬成棟以徇曰此殺
主以求利者夏四月以黃廷為前提督黃山為後提督
圍漳州永歷將陳邦傅殺焦璉以潯州降凡思南慶橫
等二十二府州縣皆沒閩撫調金衝鎮總兵馬逢知援

漳甘輝請曰錦襄軍河陽遠知遠來急擊勿失不聽逢
知既入而復圍之數日逢知出戰士皆却後不能軍王
進以師援敗逕巡撫宜永貴潛師攻廈門陳輝擊之逕
五月孫可望分道出師李定國下楚馮雙禮副之劉文
秀下蜀王復臣副之六月壬寅定國軍武岡雙禮軍寶
慶畧沅靖皆捷執可乘勝南下而虞有德之躡其後也
分武岡軍出新寧寶慶軍出祁陽合趨全州別遣西勝
營張勝鐵騎右營郭有名道西延大埠取嚴關嚴關者
所由入桂林要隘也雙禮統前軍都督高存恩鐵騎前
營王會武安營陳國能天威營高文貴坐營靳統武合
兵八萬先進抵驛湖斬有德騎將李四降其騎卒萬餘

鄭二

九

遂薄全州定國統右軍都督王之邦金吾營劉之講左
協營吳子聖武英營廖魚標奇左營卜甯合兵十萬繼
進未至全州下定國令急過全州趨關雙禮既下全州
亦分軍會後有德聞驛湖敗急遣精卒數萬援全不及
遂急趨關則張勝郭有名已營關上諸軍皆會戰關下
定國驅象陳衝之却蒼頭鐵騎持重兵奮突遂大敗之
又追敗之大榕江有德急入桂林閉城守諸軍圍之三
日守陴皆潰有德投火自焚死俘其子庭訓及叛將陳
邦傳及其子陳師禹秋七月敬謹親王尼堪統大軍進
取寶慶而黔將白文選已先克辰常殺總兵徐永興以
下死者無算壬申尼堪入衡州精騎十萬分將援辰州

定國遣張虎助文選而多張疑兵於河上若為堅壁不
出者壁門左右奔坑奔帷濠於邊緣以遊騎伏奇兵間
道繞其後夜火象奔衝其堅迫之河上精騎盡覆文秀
入蜀初克重慶敘州嘉定諸府州吳三桂親兵逆戰寡
敵輒奔文秀諸將多易之既克成都兵益驕弛不設備
三桂簡精卒攻破降其眾乘勝復嘉定殺總兵龍名揚
遂拔重慶殺總兵李廷明九月定南將軍阿爾津都統
馬喇希征廣東冬十月尚可喜耿繼茂兵克欽靈諸州
平西王朱聿鏗率侯伯總兵李元允張月周朝袁勝等
降元允至廣州不屈死尚可喜分兵克梧州成功之圍
漳州者凡七月援絕糧竭死者七十餘萬人固山金礪

鄭二

十一

會總督劉清泰統大兵救漳成功攻益急令周全斌禦
援兵於龍江之東城東四十里將戰聞礪已潛渡長泰出江
東大驚成功解圍屯古縣黃山率陳鳳等迎礪戰不利
成功退屯海澄以郝文興王秀奇守之還思明州永歷
封定國西甯郡王雙禮興國侯三桂破復臣軍於保甯
城下復臣與其將張先璧皆死十二月江西巡撫蔡士
英克安福永新阿爾津馬喇希移征湖廣

德清沈雲撰

烏程沈 堉注

十年春正月魯王在金門去監國號成功為樹宗人府
 正旗月歸芻米三月遣張名振陳輝率兵北上定遠大
 將軍貝勒屯齊統兵會阿爾津韓岱宜爾德等環攻永
 州定國遜去丙子進克寶慶辛巳進宿岔口初可望
 定國功高既封復悔護人從欲禍之故遜去可望盡
 前所復長沙等府縣官印思易置乃皆棄城走甯甯鎮
 朱養恩等數言宜招定國不聽壬午可望統軍自靖州
 會馮雙禮白文選馬進忠合拒大兵岱等出奇連敗之
 可望軍不能成列乃乘莫遜入峒口夏四月金礪劉清

鄭三

泰分兵出福泉二港會攻海澄成功遣林察周瑞防海
 壇近福湄州近泉而自屯海澄王秀奇郝文興陳堯策
 守鎮遠寨甘輝萬禮為援五月察先遭風被執及搏戰
 礪騎數萬不勝陳魁出奇薄敵營遇伏創甚以甘輝救
 得免後衝鎮葉章戰死以周全斌代章楊正攝魁軍復
 振城亦旋裂旋築礪每攻輒為鎮遠寨所撓亟擊不能
 下成功令火器鎮何明隧濠下空中寶神藥火物勒敢
 死士持利斧待斫凡礪兵渡濠先登皆遇斫後者火發
 多斃礪雜散卒遜漳州秋七月攻鷓汀寨澄海縣西關
 陳鐵虎不利師還八月永歷改封成功漳國公九月郝
 尙久奉永歷朔據潮州為尙可喜所困乞援師成功軍

至則耿繼茂已破潮三日遂令甘輝等下揭陽以濟軍

食十一年春正月命將扈魯王謁永歷不達還駐南澳
 永歷改雲南為雲興府辰州為沅興沅州為黔興起劉
 文秀為大招討督諸軍東伐二月 中朝使賈海澄公
 敕印招成功成功辭曰士卒散多無土可著願還上敕
 印便初清泰奉 密諭察奏既至復稱廈門左右故鄭
 氏地非它僭竊者比無臣張學聖道臣黃澍鎮臣馬得
 功垂涎金穴乘成功他出潛師襲取悉其家資致鄭逆
 修怨索償海臺淪陷 命禡三人及革按臣王應元職
 解京嚴訊都人士又藉藉道芝龍初居泉之東石有李
 習者商販日本致累鉅萬無子子芝龍又為取日本長

鄭三

琦王族女多載珍奇還東石富甲八閩第宅縱橫數十
 里每出遊從人數百衣服麗都若一莫辨疇孰芝龍者
 崇禎中受撫于巡撫沈猶龍進珊瑚高尺餘飾珠龍金
 盃為猶龍母壽猶龍歎嘖嘖則復進一樹如前高製生
 犀黃金為甲因得結海內魁傑及世家紈袴子云是月
 成功遣諸將分攻興化漳泉福州三月親整舟師攻畧
 崇明靖江泰興俘戰艦數百械數千遂耀武於金山遙
 祭孝陵而還時尙可喜專鎮廣東耿繼茂移駐桂林定
 國克復高明圍新會未下都統朱瑪喇會可喜大軍往
 援夏四月成功命泉人戴捷為援勦前鎮統三千水師
 援定國攻潮州破之以定海李孟戢守知府防潮陽惠

來六月 中朝封芝龍同安侯遙封鴻逵奉化伯芝豹
就撫官左都督遣使借芝龍季子渡齋惠潮漳泉四府
備安插兵將敕印撫成功使者見成功戒嚴令先薙髮
後接 詔成功疑給已也論數日不決使還成功復書
其父曰曩歲戊子王裕使上聞父被圍後遂不通一介
懼滋累耳歲壬辰周繼武持書來不信先因道路傳聞
卒遭不諱故遣李德走探動靜至於和議實非本心自
古忠孝不兩全成敗不並立成功何人顧能兼是 新
朝徒以孫可望李定國成功三人力扶王室往來馳驟
於滇黔楚蜀閩粵贛浙淮鳳蘇松間犄角執成卒難力
服乃以孔尚耿分藩駐防與三桂爲之竭力而陳錦授

第三

首於東有德隕身於西彼復此陷旋得旋失計以海澄
公四府地相餌折鼎足之執孤孫李之援成功方宴使
者報恩寺禮待極隆而使者哨騎四出張皇山谷委
詔書於草莽徒曉曉於先薙髮後接 詔甚無謂也天
下豈有未稱臣輕薙髮者然諾在布衣往往出肺肝相
示況成功不爲利動不爲害怵磊落作事聞天下一旦
苟且曖昧不特不見重於 新朝亦且貽笑於後世矣
父奇 新朝所謂中流失船一瓠千金其得延今日者
幸也不幸成功亦唯是縞素復仇以結忠孝之局他何
言哉書欲不復黃六表痛哭極陳必得一言以爲信用
詳所以伏維自重秋九月可喜再破定國軍新會圍解

成功大練舟師備進取冬十月漳州守將劉國軒撲世
用等以城降官國軒護衛後鎮魏其志火武鎮世用木
武鎮張世輝監督知府房星華龍溪知縣周瓊等如故
十一月發水陸師十萬應定國漳屬十縣泉屬七縣先
後皆降以南靖知縣李奇生爲同知漳浦知縣范進爲
通判餘守原官如故十二月遣甘輝取仙遊定遠大將
軍世子濟度統大兵至是歲可望出按沅靖諸營由平
越道屯天柱十二年春正月輝使陳謙攻仙遊知縣陳
有虞守不下洪善穴地實火器裂其城百餘丈遂破有
虞死永歷封定國晉王文秀蜀王遣宦者劉玉泛海來
告可望與定國不和可望殺大學士吳貞毓以下十八

第三

四

人二月成功置吏戶禮兵刑工六官令思明知州鄧會
領儲賢育才二館取士黃帶臣洪初闕等四十人三月
應定國師失利還潮州陷夏四月築丙洲新城同安縣南四十
里城周釋林察舉爲總督與周瑞帥舟師勤王破潮州
復之閩繼茂可喜擊斬總兵廖篤增於玉版泉追敗定
國於興業縣名分兵克梧州又連敗之於橫州等處遂分
兵攻下高雷廉三府三州十八縣定國遜南甯府名橫州
等二州四縣皆陷察次虎門不敢進成功責察觀望命
戴舉立功益以前提督黃廷爲帥萬禮爲副率二十鎮
水陸師赴粵命定西侯張名振爲帥陳輝爲副統二十
四鎮入長江前進洪旭爲水師右軍陳六御爲五軍戎

政監其軍中提督甘輝為總督王秀奇為副率二十鎮
繼進為援戈甲耀日鉦鼓闖江夏五月都統石廷柱統
大軍為鎮海將軍駐防京口定遠大將軍世子統大軍
乘虛攻擊總督劉清泰分兵防要害遣使齎書招成功
且言大兵雲集後將無及成功笑不應厚其使而遣之
甘輝會洪旭舟山乘岑江口即岑港在舟山所西北守將巴臣功
即副將堅壁不戰黃廷入揭陽港俗名牛田洋在澄屯
祀成功
桃花山潮州總兵劉伯祿駐鷹嘴埔亦堅壁不出林勝
夜囊土填濠進破其壘伯祿逃揭陽普甯兩縣相去海
澄皆下毀普甯城以峻揭陽六月芝龍圍禁高牆芝豹
成甯古塔都統伊爾德為甯海大將軍統滿漢兵抵舟

鄭三

五

山永歷將軍盧明臣馮雙禮分攻岳州武昌劉文秀攻
常德甯南靖寇大將軍陳泰及護軍統領蘇克薩哈分
徵大敗之明臣赴水死雙禮文秀逃泰窮追文秀為定
國援軍所敗陳泰死都統阿爾津代為甯南靖寇大將
軍偕都統卓羅駐防荊州都統祖澤潤分防長沙成功
令兄泰移安平輜重於金門徒泉屬士民渡金廈空府
藏墮漳府惠安同安諸縣城使張英築沿邊礮臺益戰
艦從澄世計北兵利陸戰不利水戰故也郝文興守海
澄以林其昌為知縣遣英義伯阮駿總制陳雪之會名
振守舟山烏洋遣李化龍招臣功臣功降授鐵騎鎮改
名臣興洪旭甘輝還次台州港總兵馬信以城降授中

權鎮為征南將軍秋九月文興卒令王秀奇守海澄冬
十月名振軍次定海關在鎮海縣南門外降其守將張鴻德授
前鋒鎮十二月世子軍至泉因成功退守兩島復遣招
撫不報十三年春正月可喜遣劉伯祿徐有功克揭陽
普甯次揭陽城西為定遠軍倚角黃梧諸鎮軍屯埔上
蘇茂欲先迎敵郭遂第止之曰列隊過橋勝則可却則
難退梧曰戰無不勝何退為茂遂逆戰有功伯祿夾擊
大敗之黃勝林文燦皆死黃廷急引軍轉攻伯祿營伯
祿反救遂第乃以一軍免諸鎮皆沒浙閩總督屯泰分
兵攻舟山台州二月馬信率降將馮用張洪德謁成功
永歷在安龍可望謀劫駕出降定國舉兵敗可望奉駕

鄭三

六

駐雲南改滇都成功令五軍總制張英督杜輝林勝佐
廷禦伯祿軍三月名振卒以陳雪之代遣馬信洪德助
駿守舟山堵屯泰軍伯祿絕港為營徵各鄉之濟廷食
者耿繼茂攻定國於南甯禽輔辰伯李先芳斬參將杜
紀等定國奔隆安夏四月定遠軍戰艦已具使韓尙亮
為前鋒檄諸軍會戰成功令林順等七鎮屯圍頭陳魁
等四鎮泊遼羅泰李舟師為應萬禮等五鎮分據高崎
浚尾皆在海澄圭嶼縣東及海澄諸港洪天祐張煌言
巡廈門尙亮出泉州港順率火輪舟逆之陳濟王明枋
走舸盡其樓船沈溺十數尙亮却大軍集團頭順以鐵
面軍據上風揚灰火弩齊發大敗之抵暮風雨大作滿

漢兵播蕩不能支既昏雨止風愈暴北艦不能寄旋漂
失過半成功令在廈門俘獲者斷其掌縱還先是有嘉
禾斷人種之謠嘉禾即廈門閩評掌與種似故厭之或
說世子曰金門白沙寨為鴻遠棲隱地出不意攻之可
得也金門得則廈門孤矣從之遣王進功潛軍駛往洪
旭逆擊順率八鎮軍助之進功潰遯泉州港五月廷軍
乏食趨碣石攻蘇利利又堅拒不下遂還六月成功以
蘇茂輕進覆軍斬之罰黃梧輸鎧甲五百代王秀奇守
海澄王元吉為知縣周全斌為左先鋒鎮郭遂第為後
衝鎮改名華棟以忠勇侯陳善守思明州初施郎之去
也茂縱之至是斬茂諸將以茂功多有後言成功乃贈

鄭三

七

茂妻子為文以祭引諸葛忠武斬馬謖以自解梧心猶
不自安遂劫副將鄭純及茂弟明知縣元吉殺總兵華
棟殲其部眾以海澄降協將康雄不從斷其手得墜城
出世子奏梧為海澄公梧薦施琅為總兵蘇明有母在
成功所成功亦不誅也康雄張協請速援五都土城則
大兵畢至海澄甘輝等議土城已不可守令康雄林明
保輜重還海門山在海澄東北成功擢雄左戎旗鎮明右戎旗
鎮秋七月遣黃元佐張進協守銅山在古雷寨隔海之
西古雷在漳浦縣
東南五里時以福州無重兵計潛軍閩安襲福州遂令甘
輝萬禮統杜輝等十五鎮北次湄州命戴捷為嚮道黃
廷守廈門洪旭佐兄泰守金門陳輝統戰艦二十泊南

山圭嶼辛亥親帥王秀奇等奪閩安斬守將胡希孔生
擒百七十餘人遂入南臺亦曰釣臺山在閩縣南九里去建江百步奪橋萬壽橋在府南跨南臺乙卯戰橋北再勝丙辰戰於教場禽
延平參將張禮奪戰馬二十五匹遂圍福州分兵東守
烏龍江即陶邊漳泉援師北守連江嶺邊溫台援師西
絕洪塘水口府西十里以斷延建饋運惟南面近水不
為備築礮臺與烏樓對衝軋撞城巡撫宜永貴急出原
任布政周亮工副將王進於獄中問計亮工謂敵防疏
東南當遣田勝李武伏軍西南遣王進潛師出鼓山後
閩縣東轉六通橋徑攻南臺破敵必矣八月己卯成功
分將克連江府東北九里而進軍來襲眾疑大兵畢至驚

鄭三

八

潰成功不能禁退屯閩安定遠軍偵成功出命馬得功
道雲霄八尺門在雲霄城南攻銅山為黃元所敗走伊
爾德敗總兵王長樹毛光佑沈爾序等於大蘭山殺之
連攻定海敗阮思等於衡水洋口辛丑遂連破陳雪之
等於舟山英義伯阮駿陳六御張洪德等皆蹈海死九
月阿爾津破永厯將姚黃於彝陵之蛇退山冬十月遂
破辰州土司彭宏澍籍所屬三州六司三百八十洞戶
口降成功禮官陳寶鑰逃泉州納降以黃開泰為禮官
以同安死難教諭陳鼎子永華有經濟才命為參軍十
二月攻羅源西南至連甯德源一百里定遠遣阿格商
巴都來援成功回思明州甘輝殿阿格商追至護國嶺

輝使韓英劉巧伏兵西北山谷中黃昭伏橋東北魏其志陳謙逆敵佯敗過橋伏起斬阿格商甘輝還戰巴都盡獲輜重以還是歲芝龍復遣使勸降復書有曰天下豈有無父之人哉然竊私籌父之禍福安危孰矣使者重來良非得已成功死舉更復何言乃所以強忍須臾不即輕身一擲者徒南望吾君雲天萬里北思吾父喘息重園恐一朝落機阱飽虎狼為婦孺之所竊笑負君父重恩靡有既極耳若論創業明君招攜懷遠則有道矣漢光武推誠以待竇融唐太宗於尉遲敬德朝為敵讐暮即心腹宋太祖時吳越王錢俶全家入朝兩月遣還羣臣乞留章疏封固賜之豈不誠恢宏大度能鼓舞

郭三

九

豪桀不自己效章章若斯必謂以德服天下唯唐虞三代獨然與今當事者喜以詐力相尙有初鮮終此成功不幸中之於先而決之於豫者非謂世澆必不古若亦其性習疑殊也父長者不樂以不肖之心測當世乃今若此當亦稍稍自悔矣天實為之嗟何及矣世子王將軍都統總督巡撫四集福壤將三載勞苦功高一弄兵於白沙戰艦蕩沒再弄兵於銅山士卒奔潰舟台先失四將來降巴臣功馬信馮用張洪德希孔格商先後授首乃一裨將黃梧叛獻海澄遠封公爵供成功指揮若梧者累計億千恐盡天下不足封其以是為能詐邪否邪前者庫成棟弒錦首來獻成功即斬以徇為叛臣賊子戒竊謂天

討無私天不變道亦不變而顧反之以為教是誘天下以叛也誠不知當事者自居何等且甚危乎其為上矣本之不持末焉是議為天下別順逆斤斤以雍髮為辭無論古來聖帝明王未有髡完為教忠孝者即如姜瓖金聲桓輩孰非雍髮稱順而叛不旋踵殆深奉其教然與教叛膺上賞果以叛為順與非與夫彼既從其所好所令矣而又從而誅之示天下為爭此區區一片土抑何教之未明量之不廣也漳泉潮惠懸海隅誠以畀我完我君臣父子得保一區如殷巢伯周箕子休養生息於其間彼無此侵此無彼畔使中朝永永無南顧憂成功縱不足見高皇帝於地下然而塗炭生民歲月無

郭三

十

己當亦君父之所不忍出此況乎成敗不可必天命不可知也誓日指心有言不再中腸委折拜使黯然而西火藥局災十四年春正月永歷自滇都以璽書來問且告議開緬甸為省以元江土府為總督不果定遠軍分防泉州大營高濟烏龍江惠安衛套侯官閩安諸隘成功督舟師北上次三都二月攻溫州金鄉衛平陽縣南七十里守將翟永壽降三月使萬禮韓英守閩安羅星塢寨閩東成功師出鎮下澳遇風還定國公鴻遠卒於金門諸鎮戒嚴夏四月都統宗室羅託駐防荊州都統伯佟六十駐長沙成功使楊廷世劉九皋請秦王晉王修好會師進取使施舉李順往浙江遇定海關軍戰死秋七月

成功舟師出興化陳斌盧謙余程守閩安八月抵海門
攻黃巖守將王戎執知縣劉登龍降進圍台州巡道蔡
瓊枝副將李必知府齊維番臨海知縣黎嶽以城降九
月天台太平諸縣降令宗維甯說海門衛台州府東九十里守
將張捷與前所衛城北七里守將劉崇賢皆降而都統屠泰
會總督李率泰兵破閩安余程戰死斌謙率眾出降亦
死成功遣陳堯策守狼崎山在閩縣東而自回廈門防禦冬
十月可望攻定國軍不勝遂率妻子及標下總兵都督
等降北初封義王遂以洪承疇統軍會羅託等由湖廣
進討定國吳三桂會都統侯黑爾根侍衛李國翰由四
川進都統卓布泰會提督綏國安富喀莽吉圖等由廣

鄭三

十二

西進都統濟席哈等隨羅託由湖南進十一月成功師
至南澳攻鷓汀壩寨屠之屠泰以舟山不可守遷民渡
內地迫之海水之間溺死無算遂空其地成功復分兵
屯守招撫十二月永歷使漳平伯周金湯偕廷世九皋
齋詔至思明州封成功延平王泰加少傅賜尙方劍便
宜行事王秀奇祥符伯馬信建威伯甘輝崇明伯黃廷
永安伯萬禮建安伯陳輝忠靖伯洪旭忠振伯餘侯伯
印數十付成功頒錫成功率諸將拜受遂進謝表并會
師江南疏使參軍徐孚遠隨金湯復命乃設長史審理
典寶典仗典儀典膳諸官以王府禮從事

臺灣鄭氏始末卷四

德清沈雲撰

烏程沈

查注

十五年春正月多羅信郡王多尼會平郡王羅可鐸貝勒尙善杜蘭都統伊爾德阿爾津巴思漢卓羅等統兵進取雲南二月延平簡勇士力勝五百斤者爲親軍使工官馮澄世造鐵甲冑試以箭不入又造鐵面繪如神鬼每士一人副二人執斤斫馬足有進無退號曰鐵人

鄭四

嘉慶帝校刊

黃廷洪旭佐泰分鎮金厦鄧會督糧饟五月以中提督甘輝統前軍右提督馬信統中軍後提督萬禮統後軍成功自統大軍凡水師五萬騎射五萬步擊五萬遊軍策應萬鐵面軍萬猛將數千戰艇數千北上澄海遊擊劉進忠率眾以城降授進忠後衝鎮承恩寶康侯賀九儀遣將曹友攻賓州不克羅託等略下沅靖進克平越鎮遠卓布泰略下南丹那地撫甯各土司進克獨山三桂等自重慶分擊定國文秀軍連敗至水西皆逐遂克遵義別將克開州六月延平軍攻降平陽守將車任暹瑞安守將艾誠祥進攻溫州不下秋七月抵洋山山故有龍祠過船必以生羊祭畢卽縱之山上日久孳乳羣

隊滿山延平軍士競逐之成功又不致祭天朗波平怪風卒至戰艦自相樅擊義陽王及成功三子睿裕溫甲士數千人皆溺既禱乃息遂還舟山葺戰艦八月承恩仁壽侯譚詣等攻重慶九月象山知縣徐福率父老迎降延平時有言北將謀叛者成功罷賀世明以姚國泰代又遣張英諭樸世用魏其志李必張魁悉解兵權爲監督世用憤死劉進忠因不自安冬十月率眾奔黃巖海門衛納降周全斌追至海門圍之進忠突圍走全斌不追遂據其城十一月破盤石衛樂清縣西五十里令諸提鎮就汛休養十二月屯沙關籌餉樂清縣東有白沙承疇嶺嶺東有閩卽此承疇遣攻水西宣慰司安坤降定國文秀入貴州都統明安

鄭四

二

達禮俄羅塞臣賽音達禮護軍統領席伯臣車爾布等各統大兵會承疇分劄貴州防禦大將軍多尼會吳三桂卓布泰於平越之楊老堡分三道進攻雲南多尼自桂陽入斬劉將軍於安莊鞏昌王白文選遣將焚盤江鐵鎖橋尼堪軍作浮橋以濟文選拒戰松嶺衛不勝三桂自遵義入攻七星關文選屯兵堅守不下乃轉水西苗界間道度關襲其後克之遂進烏撒卓布泰自都勻入抵盤江之羅顏渡口文選遣將李成爵扼險沈其船定國亦率兵來援屯雙河口山頂而卓布泰軍從下流十里取所沈船乘夜潛渡襲斬成爵於梁瑞津遂會諸軍四合張左右翼奪擊定國定國退守陸格樹寨堅

拒諸軍以火器圍擊再戰再截定國兵不滿千轉戰四十餘里左右衝突大軍累萬圍數十重而火器熱不可執戈刃交前百不當一定國鼓銳奔之所向騰踐披靡莫敢仰視遂衝重堅奔據鐵鎖橋則已先焚不可據乃從普安間道入雲南三道大軍俱迫滇都定國文選扈永歷奔永昌初孚遠取道交趾入安龍交趾要以臣禮不可阻不得前返廈門後孚遠隱吳六奇所得全髮死其子歸柩松江未葬子亦死十六年春仁壽侯譚詣攻殺其兄譚文育新津侯譚宏降北封宏募義侯詣向化侯分平西王駐雲南平南王駐粵東靖南王駐四川二月延平還盤石衛調兵閏三月癸亥三桂卓布泰等攻

鄭四

三

永昌壬申定國扈永歷奔騰越三桂等渡瀘江定國與忠勇伯竇名望伏磨盤山左右偵三桂騎至突出截擊幾斬三桂大軍還戰獲逃免而卓布泰八隊合圍名望戰死定國突圍走石門扈永歷過南甸追至定國遣馬雄飛鄔昌琦護鹵簿先趨孟邨而身自斷後又追及定國扈入三宣六慰斬孔廷訓有德子以謀劫降故夏四月辛丑由蠻漠遷河口水陸分進文臣舟從者六百餘人武臣陸從者九百餘人馬亦如之戊申舟次井梗定國遣文選率兵迎駕往啞哇城爲緬人所阻不爲達時距駐蹕處五十餘里文臣侍從皆畏緬人莫敢通文選既拔營去庚戌舟次沙河口陸行者至啞哇對河距城五

六里屯息緬人疑爲變集眾戰鬪朱蘊金姜承德等死者大半餘亦潰散延平軍抵崇明總兵梁化鳳堅守不下乘風趨瓜州遣監紀劉澄約提督馬逢知爲應令馬信黃安蔡文黃昭藍衍率銳師居前周全斌居中甘輝居左洪天祐居右萬禮居後羅蘊章參伍策變張煌言奉檄傳諭五月辛酉朔緬王具龍舟鼓樂迎永歷宿衛僅百餘人遂止不出定國書三十餘上爲大學士馬吉翔司禮監李國泰所沮不報六月辛卯延平軍抵焦山斬巡江營都司羅明升於談家洲丹徒縣西北六里有沙洲橫列江中以蔡文守焦山丹徒縣東九里令材官張亮率善泅者斬滾龍鎖前軍先登亮圍瓜州江都縣南四十里江防同知徐騰鯨逃陳

鄭四

四

澤追斬遊擊左雲龍於大來橋生擒操江朱衣祚成功曰此腐儒也縱之蘊章督軍士焚木浮營三寨俘斬數千以劉猷守瓜州何平理江防事庚子遂泊鎮江南岸前軍屯銀山下府西二里守將遙見鐵人駭甚反走乘之遂破其柵副將高謙出援全斌爲圓陳持盾外向射之不動火器衝其中忽中分若衝而左右角銳進裏而截擊之奔殪不相顧謙跳入城全斌遂奪門入謙與知府戴可進等十四員兵眾數萬皆降成功以謙爲破國將軍馮澄世爲常鎮道李徵爲知府林若霖爲理刑丁未荆州衛糧官來降擢其首爲衛指揮使餘量授千百戶太平府守將劉世賢遣使迎降加世賢鎮南將軍己酉略

取江浦遣羅蘊章分兵守鎮江蕪湖以降書至遣張煌言守蕪湖韓鏞守江浦儀真吏民迎降持牛酒揚州文武棄城逃吏民來請遂遣將分守勞民馮澄世潘庚鍾說成功緩取南京先設揚淮瓜鎮重兵以斷南北饋道扼各路要害以絕外援遣使定國會師則南京可不勞而定也成功曰定國邂逅無處所且萬里援師不足恃大兵分防各省皆數十萬永歷諸將削平大兵凱旋在即我分兵以守執弱不足當庶神速取南京得形勝守要害傳檄天下反正勤王定國等不召自至南都未得警諸堂與空虛何淮揚門戶之有遂使周全斌高謙益兵守鎮江京口楊朝棟招撫江南袁起震徐春招撫江

郭四

五

北有陳文達者統戰艦二百餘艘來歸授指揮鄉道使時延平聲勢大振旬日之間江南北相率迎降府若太平甯國池徽州若廣德無為滁和縣若當塗繁昌宣城甯國涇黟南陵太平旌德貴池銅陵東流建德石埭青陽含山舒城巢沛廬江高淳溧陽建平句容分將撫安若虞不給常鎮淮徐望風引降文武棄城奔走者絡繹不絕而內大臣達索為安南將軍會都統索洪護軍統領賴塔等統大兵二十萬來援成功遂進取南京至觀音門江甯外郭北而三令黃安總督水師泊三汊河口三新河口遊成功由儀鳳門登岸西出從北第一門率諸將觀鍾山形勢祭太祖列宗而還鍾山在府治東北十五里令甘

輝余新屯獅子山亦名盧龍山萬禮楊祖屯橋山上洪天祐為援馬信郭義黃昭蕭拱宸屯漢西門陳魁陳鵬藍衍蔡祿屯東南隅結水寨劉巧楊正戴捷劉國軒屯西北隅環山為營而自帥張英陳堯策王秀奇林習山等屯嶽廟山與諸鎮營壘雲連勢結首尾相迎巡撫蔣國柱率將士數千騎薄營余新微之大敗單騎遁復為遊卒所禽見成功呼萬歲憐而縱之郎廷佐管効忠等方議降未決會崇明梁化鳳及參將張國俊遊擊徐登第等各率水陸兵數千間道至國柱衣祚依化鳳突圍至城下縋而入與總督廷佐巡城雉東北隅敵營少備聞大兵旦夕將至議出奇夾擊衣祚曰是有門曰神

郭四

六

策在太平之西金川之東是年化鳳大喜秋七月貴州凱旋副都統噶褚哈馬爾賽等由荊州浮江赴援陳魁等逆戰大敗之王成都統劉之源統水師數萬與噶褚哈等合擊魁鵬等眾藍衍蔡祿撒油豆敵艦上而眾以矛擗乘之溺斃過半水為之塞甲子都統哈哈木等統水陸師會戰余新洪天祐分兵拒擊張英林勝督鐵人截攻陸路北帥見矢刃不能傷而斫足競前莫却駭避入壁水師又為天祐等所敗延平屢勝兵益驕諸將爭功互相訐成功令非有台擅自進取者不為功越營爭勝者功敘本營他營非危急不得相救庚鍾諫曰將士奮勇貪功勿苛責以挫其鋒且敵兵已數十萬朝夕益

至吾軍止有此數非連營速戰乘勝合攻不可都城久圍不下或有他虞諸城降納不足守勝則速來敗亦速去爲今日計不如發令諸鎮并力水師爭先取勝以吾所長攻彼所短果能盡覆其水路諸軍殲其渠帥橫江塞隘則陸路軍亦膽落神飛而後乘銳并力靡不濟矣不聽庚午達索等大兵繼至分兵會戰水營而分陸路兵渡江攻擊延平諸鎮各自爲戰勢已不支且北兵蜂集雲奔見勝則進小敗即退朝夕更代以逸擊勞以飽擊飢以多擊少如是者旬有五日延平士卒日疲器械日敝氣衰糧匱累敗欲崩庚鍾曰勢急矣速令并力自全相機退守以圖再舉又不聽甲申夜化鳳等率精騎

鄭四

七

穴城出攻余新營北軍夾之遂禽新盡俘其眾連攻拱宸等營連破之及萬禮等奉令來援而化鳳已入城去甘輝及庚鍾諫成功退屯觀音門連營合陳不必待令爭相救護又不聽乙酉達索統大兵圍擊甘輝張英索洪圍擊林勝陳魁哈哈木等分取姚國泰楊祖藍衍楊正而水師諸鎮爲劉之源大兵所圍橋山寨爲賴塔等所圍西北劉國軒諸營爲噶褚哈大兵圍守嶽廟山諸屯又爲馬爾賽張國俊徐登第據隘環攻成功張黃蓋山上望大兵無不以三圍一以十并二神器雷轟矢石雨注方急避不可爲計而耶廷佐梁化鳳各選精騎表裏合擊鋒銳不可當乃令庚鍾代蓋下指揮自趨江下

整舟師合戰而被所焚溺已五百餘艦觸折滲損無計算急帥周全斌劉猷楊富冒矢石衝堅力戰拔諸將出排沙嶼瓜鎮已破前降諸府縣守者多亡失潘庚鍾萬禮張英林勝陳魁藍衍李必魏其志力戰死軍中甘輝余新被禽亦死收殘卒亡歸者什不二三成功大勳曰悔不用諸將軍言敗棄若是欲自到以謝死者全斌及諸將泣諫乃止遂縞素哭祭悲號咽江躬巡弔卹撫創痍遣使奉表永歷請貶王爵八月次吳淞港遣蔡政齋書馬逢知所都統劉之源爲鎮海大將軍駐鎮江慶陽王馮雙禮兵敗走四川德安侯狄三品執之北降授三品抒誠侯濟安伯朱養恩等以嘉定州降北巡撫高民

鄭四

八

瞻兵克成都成功攻崇明梁化鳳以礮擊死正兵鎮韓英監督王起鳳等遂退九月師還思明前使永歷者道阻反命諸將請仍王號冬十月劉猷往溫州徵饌遇北軍戰沒時安南將軍達索等移兵福建由溫州進十七年春正月遂抵福州三桂等敗定國軍於普洱奏稱滇南負固有年一朝戡定獨永歷在緬李定國白文選分屯三宣六慰等處窺我邊防患在門戶號召諸蠻患在肘腋投誠生心患在隣理請大舉入緬以靖根株三月安南軍抵泉州會總督李率泰提督馬得功海澄公黃梧總兵施琅調甯波溫台各水師檄廣東碣石總兵蘇利南洋總兵許龍饒平總兵吳六奇合兵會勦率泰遣

盜持孔雀膽賂成功庖人張德何成功宴諸將毒之德以付亨人王回回告其父父曰事主而毒之不忠孰甚遽擊回持膽報成功遂捕德磔之而厚錫回父以獎其忠改右提督馬信為提督驍騎親軍與忠正伯林習山守笠嶼即列嶼在同安東南八十里輔明侯林察總督水師與中衝鎮蕭拱宸屯崇武所在惠安東禦泉州兵夏四月安南進泊圍頭即令察等屯劉五店在同安少傅泰與護衛左鎮黃安守金門城仔角五軍戎政王秀奇督右虎衛陳鵬殿兵鎮陳璋守五通高崎五通嶼在同里高崎在五通之西鼓浪之東前衝鎮劉巧後衝鎮門之北雜浦嶼之東南多大石黃昭左衝鎮郭義援勦前鎮林明屯同安港逆戰閩安

鄭四

九

侯周瑞忠靖伯陳輝護衛右鎮鄭仁援勦右鎮林順泊南山麓過海澄兵前提督黃廷右武衛周全斌統蒙衝二十載火物而帷之伏後開發英兵鎮陳瑞護王侯伯以下細小過笠嶼金門而空廈島成功督五府陳堯策等於鼓浪嶼廈門西北指揮號令忠振伯洪旭屯鎮海旂尾往來策應即岐島大武口高千仞屹立海上其南對岸上癸丑夜陳鵬約率泰兵出高崎當迎應飛渡廈門率泰喜諾五月乙卯朔梧潛師出海門成功遣堯策約各鎮聞礮起旋堯策到周瑞船而海門師大至不及他去礮擊瑞船堯策與瑞俱死陳輝督眾鏖戰負重創索洪進同安港海門在鼓浪西同安港在海澄東賴塔鼓溫台水師攻

高崎率泰前進應鵬達索施琅統大軍繼至成功手旂劍問左右流平否曰平矣曰平則潮轉風隨令發礮火艇雍上流壓大軍兩岸轆轤競轉竹緝貫沈樹大起鵬約親軍爭登岸應敵而副將陳蟒性直不可通故大呼發礮擊敵陳璋奮軍鉤遠斧近擲瓜礮敵軍蹂踐蹈淖淖鵬愕然計左則亦麾眾助戰率泰落水逃免達索戰艦絃銳枝半皆沈覆施琅以小舸援達索開道遂成功令何義代已而自乘飛艇督諸鎮合戰索洪泰帥水師鎮蔡叶吉由浯嶼進發截溫台鬪艦黃廷等縱火於鼓浪嶼後夾攻賴塔風起潮湧煙燄漫天馬信督神弩軍圍梧全斌復以竹罌洋礮橫擊之梧兵盡覆索洪賴塔

鄭四

一

皆棄軍逃竄北軍奔殪焚溺死者以億萬計水為不流成功知鵬有變密遣洪旭往勞伏勇士馬鵬喜未泄與旭飲歡甚引鵬送江滑勇士突起縛鵬部眾大譁得陳璋程應璠曉之乃定成功責鵬交通狀伏辜遂磔以徇時吳六奇遣將馬嵩至潮為刺客所殺許龍蘇利聞大軍已敗退還逃帥達索等皆以馬得功軍獲全得功屯黃崎惠安東北不進故也成功厚卹周瑞等擢陳莽右虎衛何義左虎衛陳璋宣毅左鎮俘獲軍寶分賚諸將士舉之數月不盡六月尚書車克納都統索渾統大軍會福州秋七月耿繼茂移駐福建都統宗室羅託為安南將軍會大將軍達索等相機進勦成功使張光啟如日本

乞師八月議棄舟山地明安達禮率滿兵還京內大臣
愛星阿爲定西將軍征李定國九月李率泰泰遷同安
之排頭海澄之方田沿海居民八十八堡入內地安插
成功因議取臺灣招沿海之不願內徙者屯田其中以
益軍儲冬十月魯王卒成功與兵部侍郎王忠孝禮葬
之金門後浦十一月光啟使還言日本上將軍不允發
兵助銅噴鹿統倭刀爲備十八年春正月成功集諸將
議曰吾聞臺灣北自雞籠南至浪崎千里而遙東自多
羅滿西至王城千里而近風便自雞籠淡水趨福州港
口五更可達自臺灣港至澎湖嶼四更可達海運不可
人分一晝夜爲十更
故以更計遠近澎湖至金門七更可達東北至日

鄭四

十一

本七十更可達南至呂宋六十更可達中多大溪流入
海水澹曰澹水洋雞籠名東番亦名北港有數十社社
大者戶數千社小戶數百俗習走過奔馬土宜五穀竹
數拱長十餘丈其鏢鎗竹鐵簇試鹿虎輒中後避倭難
稍稍居山後我太師初開臺灣事耕植通商販密邇漳
泉地廣而腴至今爲紅夷所據屹然一大部落我將復
之以裕兩島進可戰退可守況茲遷民播棄失業者多
招之以耕以戰兵食兩足良計之得也已而臺灣甲螺
何斌持地圖來獻遂檄南澳陳霸備許龍蘇利參軍蔡
叶吉佐少傅泰守金門郭義蔡祿往銅山協張進防禦
洪天祐陳輝楊富楊來嘉何義守南日湄州崇武圍頭

防護金門金門東北至圍頭又東北至崇武
又東北至湄州又東北至南日洪旭黃廷

王秀奇杜輝林順陳永華及其兄子繩武馮澄世之子
錫範等佐世子經守廈門而自率弟襲及馬信周全斌

蕭拱辰黃昭等數十鎮東征二月次澎湖巡視三十六

嶼澎湖島在臺灣縣西大海中西與金門相望東至府
城五十五里三十六嶼泛若水中之鳧其最大而居中
者曰大山嶼縱橫三十餘里分將守之曰此臺灣門戶是矣諸將軍

唯寡人鶴首是向勿以紅夷礮爲疑抵鹿耳門成功曰
此古所謂落際與際者水趨下不回也使測水深丈餘額手謝曰

天興我也潛軍循圖委折至赤嵌城登岸斌曰速據倉
廩乃以兵進不然遠則燬矣從之守赤嵌城酋長苗難

實丁遣何機走鯤身請援成功令諸將持神器傳城遣
鄭四

十一

通事吳邁說曰不速降皆灰燼矣苗難實丁懼以眾降
成功厚賂之令說揆一王曰臺灣吾故物久假當歸而
揆一王已遣酋長英黎三來禦道遇何機機謂唐兵實
由天下非傾國以赴不可還請濟師成功因得整軍速
進徑抵臺灣令黃昭伏鯤身尾楊祥繞出鯤身之左擊
其虛而奪之蕭拱辰以水師截其夾板皆伏以待全斌
速伐大竹環布革若城多張旗幟鉦鼓飛卒譟誘而內
奔坎焉蓋紅夷專恃火礮鎗銃無他長登高遙望發大
礮轟擊城則偃而復起屢擊屢起遂盡挾鎗銃噴弩前
趨奮擊楊祥自後突起昭三面蹙之紅夷軍全覆坑陷
中而成功速兵奪門火器奔下不獲前士卒傷乃退於

七鯤身壘土石環濠以自衛是月白文選密遣緬人齋表承應議要緬王送駕出已作浮橋距行在六十里將渡以馬吉翔李國泰撓阻不果行夏五月改赤嵌城爲承天府楊朝棟爲府尹置天興在今臺灣縣東四十里萬年縣東南二里十二縣以祝敬莊文烈爲知縣黃安顏望忠等率師繼進授安爲右虎衛招沿海居民之不願內徙者數十萬人東渡以實臺地初黃梧監沿海多富商大賈勸率奏遷海澄內地民皆破產哀號自盡至是爲成功所招梧由是吞噬莫遂大怨成功與施琅計聞成功守將銅山北自金石接浯嶼南自梅嶺達廣東西南接元鍾所較諸守者爲最要郭義蔡祿初約萬禮爲兄弟及禮死

鄭四

江南之役還祀忠臣廟中首甘輝次禮復覈禮實逃軍後溺死遂撤不祀因懷不平六月祿遣將陳華羅棟揚言南洋許龍兵將至分據要害劫忠匡伯張進欲俱降梧進佯諾密與呂簇圖義祿不獲進自焚死世子經聞變遣黃廷洪天祐陳霸合討義祿遂大掠城中與察言司薛聯桂等由八尺門納降達索等統大兵至則洪天祐黃元益兵守銅山不敢進又恐成功自澎湖奪福州乃還梧以招撫都督萬儀萬祿等奏入而急與尙書蘇海納劫掠沿海居民塗炭殆盡秋七月土番阿得苟攘聚眾欲救紅夷楊祖與戰敗死成功令黃安陳瑞設伏誘斬之躬巡田野慰撫諸社寨酋長及新遷居民令皆

按堵樂業益繕甲兵堅城守揆一王自是閉城堅拒無所得食八月梧會蘇海納統兵聞道毀鄭氏祖墓盛其屍置獄中而芝龍及子世恩世蔭等以冬十月無少長皆棄柴市十一月成功令陳廣等焚紅夷夾板黃安率眾自鯤身合攻揆一王勢蹙遣通事李仲說曰此去荷蘭遠不可久駐約自倉庫外金玉珠寶悉載歸遲將莫及揆一王與諸酋長如約還荷蘭成功祭告天地山川置社稷宗廟學校改臺灣爲東都今縣西南城曰安平是月三桂愛星阿會師木邦晉王李定國奔景線鞏昌王白文選遞據錫波江大軍造筏將渡文選復奔茶山爲總兵馬甯等連敗至孟養文選降封承恩公三桂愛

鄭四

星阿進攻緬城十二月戊申緬人請移蹕皇太后皇后皇太子同行夜渡河三桂等遂執承應由榔殺華亭侯王維恭等一百餘人越年定國在景線病死成功殺朝棟及敬爲刻減兵糧故以鄭省英爲府尹令黃安城守撫眾周全斌總督承天府南北路分地開墾圍生牛而教之耕鄉仍曰社田仍二十五戈爲一甲三年然後定賦限溝渠時畜洩母聽民兼并買賣察舉孝弟力田及有奇才異能者試用諸將以時簡肄武備嚴守望緝姦宄如律

臺灣鄭氏始末卷四

臺灣鄭氏始末卷五

德清沈雲撰

烏程沈 堯注

康熙元年春正月成功聞冢兆慘發父被族誅踴大
哭帥諸將以下皆縞素二月命洪初關等分理社事成
功切齒梧等未及報病肝急或告南澳陳霸有貳心即
遣全斌往擊霸聞之曰辨無及矣中梧等奸計不自察
卒以兵逼如是而往眾畔親離無日矣豈掘冢之應墮
地若斯雖然霸不忍為梧用也乃率諸將遯粵東去全
斌獲其子士鼂復命以杜輝代守南澳夏四月兵部司
務林英奔告緬事諸將請更朔號成功曰不可傳聞異
辭審而後發喪擇立宗室之賢者乃改元朔諸將以為

鄭五

一嘉業堂校刊

然初世子經取尙書唐顯悅女孫為婦不相得私於其
弟之乳媪陳氏生男詭謂侍妾出者告成功諸王及邑
之大夫皆賀而顯悅責成功書謂禮有八母乳母居一
世子與狎當何辜成功暴怒即令都司黃毓與少傅泰
斬經及陳媪及所生男并斬夫人董氏以理內不職也
諸將大駭莫敢諫少傅與毓議殺陳媪及所生男而諸
王以下合表為夫人世子請遂以兩級付毓報成功成
功愈怒解所佩劍促毓詣少傅少傅令遂見經經拘毓
與眾議未決而參軍蔡鳴雷在臺行多不法恐見誅奔
懇經所已密諭全斌等將至矣令必盡誅乃已洪旭曰
世子不可以拒父諸將不可以拒君唯少傅兄可以拒

弟遂告少傅趨林順統舟師守大擔其在廈門前同安縣東南八十里

會全斌征陳霸還黃廷勸世子出不意執之使黃昌攝
其軍成功聞諸將拒命憤甚遣洪有鼎馳諭全斌有鼎
至銅山聞全斌被執不敢前五月癸酉朔成功病強掖
黃安登將臺望澎湖有船東至否安曰無之梧琅奸計
北既赤族又將滅是中毒事隱安見顯悅非為梧賣者
願王勿疑疑則左右皆義祿霸等父子至親且若是宅
更何以自處成功益忿怒狂走越八日庚辰嚙指而卒
年三十有九弟襲與黃安馬信遣人奔赴金廈信慟哭
不絕死眾將請襲權政為鎮撫計而蔡雲李應清曹從
龍張驥謀遂奉襲告黃安安持不可又說黃昭握重兵

鄭五

二

擁戴昭諾遂與蕭拱辰合謀拒經而襲弟成賜潛軍往
廈門道遇許龍兵被執繼茂率泰遣使招經經請比朝
鮮行事秋八月使再來令先繳所陷州縣印即為奏請
經與泰等議曰先王甫荒東土不幸即世內靡有定其
何外侮之能膺懼而受撫則無以見吾先王不受又左
右無以應敵不如姑受令焉以緩須臾乃使楊來嘉上
州縣印十五率泰遂送來嘉北上且揚言鄭泰洪旭黃
廷等將密獻兩島入奏以閒經心經竟以兩島屬少傅
加全斌為五軍都督率以東征冬十月抵澎湖先遣鄭
斌至安平告諭諸將面視莫敢言獨黃昭等拒命遂進
師西嶼澎湖三十六嶼之正西嶼昭率兵守寮港曹從龍守安平

臺蕭拱辰守洲仔尾張驥自鹿耳門蔡雲李應清自赤
嵌城合兵拒戰全斌說經乘大霧登岸背水列陳驥等
聞水聲人語呼譟縱擊經軍却全斌呼曰却則溺矣諸
將奮死前戰潰驥陳而昭等合師來援昭先中流矢死
眾亂反走遂乘勝進日中霧散全斌持旆周呼曰世子
至矣黃安率諸將倒戈來迎經免胄籲眾出矢言令鄭
斌勞襲至則待之如初斬拱辰等五人餘不問偶於黃
昭營中得少傅泰與昭書令奉襲拒經而自據金厦云
經秘之初不意為繼茂等反聞也十一月經與全斌巡
南北路十二月來嘉還思明洪旭令仍守崇武遣使告
經二年春正月經使顏望忠守安平黃安督承天府南

鄭五

北路而自率全斌等還思明即王位稱永歷十有七年
諸將皆賀少傅泰稱疾不至遣鄭斌視疾還或言來嘉
北使還與少傅往來密甚三月王鐵佛等攻延建率泰
會梧等往勦而梧將有以海澄來獻者經密令諸將整
師泰疑為圖已也載妻孥出泊港口或勸泰出降泰曰
先太師誤矣泰豈再誤已而知海澄有備經不果行經
與全斌謀鑄金厦總制印遣鄭斌吳慎齋赴泰所言經
已決意東行兩島唯伯父總制泰喜受命然未敢躬往
稱謝其弟鳴駿謂曰骨肉至親土地重寄又何疑焉泰
意稍解夏六月經使劉國軒護輜重東渡鳴駿力勸泰
見經與之語及成功相持慟哭且諄屬經理兩島事

越日置酒邀泰酒半經擲杯左右縛泰出與昭誓示之
泰急切不能自明遂縊殺之遣全斌籍其家鳴駿及泰
子績緒陳輝楊富何義揚來嘉蔡鳴雷等文武四百餘
員海艦二百餘艘士卒數萬奔泉州納降封鳴駿遵義
侯績緒慕恩伯餘各授職有差秋七月和蘭揆一王遣
通事李瑞乞師於繼茂率泰攻兩島復臺灣故地乃集
眾議或曰紅毛古不通上國萬歷間嘗駕大艦攜巨礮
薄香山澳求互市不得海澄奸民李錦引據漳南澎湖
嶼侵奪臺灣地築室耕田其中天啟初掠漁舟六百餘
艘役華人運土石築城尋犯廈門泊舟風櫃仔出沒浯
嶼白坑東旋莆頭古雷洪嶼沙洲甲洲閒海寇李旦等

鄭五

復為之助海警戒嚴崇禎中為鄭芝龍所破不敢窺內
地者數年十年駕大船由虎跳門薄廣州主奸民李葉
榮交通總兵陳謙為居停出入為兵科凌義渠所劾坐
逮訊奸民知事不成復引番入據臺灣鄭氏奪復故土
而今引紅毛克鄭氏若據臺灣要互市以閒寇掠閩粵
閒誰復承其咎也率泰曰誰復為百年計功舉目前事
耳吾聞紅夷去中國絕遠其巨舟長三十丈廣六丈厚
二尺餘樹五桅後為三層樓旁設小窗置銅礮桅下置
二丈巨鐵礮發之可洞裂石城震數十里世傳紅夷礮
即其製也花後置照海鏡徑數尺能照數百里其人悉
奉天主教所役使名烏鬼入水不沈走海面若平地然

以舟大難轉其人又不善戰故再為鄭氏所敗今若資其所長先進以挫其銳繼以新降將士俾力戰以樹功而我以大兵承其敝蔑不濟矣乃允揆一王為前鋒使提督馬得功督降將卒數萬繼進經遣全斌督林維等分禦諸隘陳昇守高崎黃廷道南山林順道遠羅策應經自率洪旭王秀奇等屯大擔笠嶼冬十月全斌分諸將引戰紅毛巨艇於沙淺處焚之過半焉得功來援溺水死林維等追敵及海門為琅將守備汪明等所微戰死繼茂帥總兵王進功等截戰於雲霄鎮全斌敗却聞陳昇已降梧高崎失守眾益潰敗琅統大兵擊廷等不利復會紅夷夾板以大礮轟擊廷軍大敗琅遂乘勝奪

鄭五

五

廈門順等聞昇已降不敢出戰琅梧合兵進擊斬千餘級遂取浯嶼金門墮城郭俘寶玉繼茂遣人至銅山招經又遣人告洪旭等有執經獻者當封爵比海澄公守泉州旭謂經曰勢急東渡否則變生肘腋奈之何經乃遣心腹護孥屬先行且諭眾文武其不願東遷者聽十二月蜀中晉王朱宗蕩及郝搖旗等皆敗繼茂遣將克長腰東蚶二島永歷兵部尚書阮春雷左侍郎張煌言僅以身免三年春正月琅遣招林順舉眾降二月南澳守將杜輝率眾赴揭陽港納降甯靖王瀘溪王魯世子巴東王諸宗臣及故臣王忠孝辜朝馬沈佺期郭貞一盧若騰李茂春等從經東渡馮澄世舟至東旋為其僕

所殺若騰卒於澎湖經自往祭以洪旭言於澎湖姥祖宮左右分營立壘中置礮臺令薛進思戴捷林陞守之四閱月而代三月甲子周全斌質其子於李率泰而自率將士數萬從鎮海衛納降丁卯率泰會繼茂王進功黃梧統兵至廈門都督將軍翁求多率將士六萬降丙子夜半渡海進拔銅山降永安侯黃廷都督余寬以下及兵民三萬餘口遂盡驅沿海居民入內地築牆為界縱軍士大淫掠殺人山積海水殷然夏四月經改東都為東甯升天興萬年縣為州設澎湖及南北路安撫使諸將分守土地庶事悉委陳永華崇尙儒雅與民休息而兩島遠近棄兵民眾凡四五十萬秋七月福建提督

鄭五

六

水師總兵官施琅為靖海將軍進攻臺灣遇颶風還八月浙督趙廷臣遣將由懸山花嶼乘漁艇入小港繞山後突入帳房禽煌言及其黨眾得視師兵部銀方印一關防九七年春明珠蔡毓榮與李率泰俱至漳州使興化府知府慕天顏持書招撫經仍以自比朝鮮為請遣柯平葉亨入奏不報十年夏耿繼茂子和碩額駙耿精忠龔爵為靖南王十二年春平南王尙可喜疏請歸老遼東秋七月平西王吳三桂靖南王耿精忠並疏請撤藩八月尙書梁清標等分往雲南廣東福建經理撤藩事宜十一月丙戌三桂拘經理侍郎折爾肯等殺雲南巡撫朱國治自稱天下都招討兵馬大元帥以明年甲

寅爲周王元年總督甘文焜自殺貴州巡撫曹申吉提督李本深以下皆應乃停撤平南靖南二藩梁清標陳一炳召還削三桂爵十二月甲子偏沅巡撫盧震棄長沙逃沅州總兵崔世祿被執十三年春正月四川巡撫羅森提督鄭蛟麟總兵譚宏吳之茂以四川降二月常德總兵楊寶應知府翁應兆長沙副將黃正卿及澧州守將並以城降廣西將軍孫延齡殺都統王永年副都統孟一茂等執巡撫馬雄鎮以叛三月耿精忠以福建反總督范承謨死巡撫劉秉政降約經統舟師徑取南京與三桂爲鼎峙經告藉漳泉地以募軍士精忠不許鄖陽副將洪福以所部叛襄陽總兵楊來嘉據穀城叛

鄭五

七

並遣使告經仍用永歷正朔夏四月湖北總兵蔡祿謀以兵應來嘉不克誅死潮州總兵劉進忠以城降精忠與續順公沈瑞兵巷戰大敗之遂引兵據守三桂子應熊孫世霖誅死延齡削職精忠削爵經遣馮錫範劉國軒帥師徇漳泉屬縣五月經至廈門同安知縣鄧世茂來迎海澄總兵趙得勝同安副將張學堯遊擊花尙蘭皆叛精忠來降授得勝左提督興明伯學堯侍衛將軍泉州兵逐精忠守將王進殺總兵賴玉來降五月平陽兵執總兵蔡朝佐與精忠將會養性台團瑞安六月總兵祖宏勳以溫州叛羅清黃巖太平諸營相繼叛延齡寇柳州精忠遣李連李泰攻建昌杉關柯昇叛廣信以

應精忠甲辰經入泉州以前提督王進功子藩錫爲指揮使何可化爲提刑道王者都仍守知府事郎中周襄緒等招諭精忠而尙可喜攻進忠潮州甚急精忠將李雲龍張雄攻常山開化爲金華副將牟大寅所敗雄死乙卯進忠稱臣求援經授進忠右提督定鹵伯遣陳天祐金漢臣救潮駐軍南門外鳳皇洲一名老可喜出不意來攻天祐等俱戰沒秋七月南瑞總兵楊富叛應精忠事覺伏誅精忠遣將克石城遂攻甯都爲遊擊周球所敗進忠遣將據程鄉縣旋爲官兵所破精忠將閔標攻金華爲將軍喇哈達所斬精忠合兵圍衢州八月又分攻處州金華龍游仙居諸暨新昌甯海象山餘姚遂

鄭五

八

安岷縣進忠將劉斌克據普甯海澄公黃梧率子芳度降精忠已而復叛殺其將劉豹等三人固守漳城黃巖總兵阿爾泰降精忠三桂兵陷徽州祁門歙縣可喜遣人招進忠不受斬進忠副將陳璉等九月精忠將王進攻泉州經遣國軒大敗進於陳潼關仙遊縣南白水駟惠安北乘勝偪興化別以馮錫範趙得勝爲左右提督攻漳浦降其總兵劉炎授前鋒鎮定鹵將軍精忠懼使張文韜詣泉州請和以楓亭爲界仙遊東南五十里東南去惠安五十里許之來嘉兵攻南漳敗三桂兵攻袁州精忠兵據建昌廣西提督馬雄總兵郭義隆降三桂冬十月進忠乞援國軒分兵營新墟與可喜相持潮州圍解十

一月三桂兵守七盤朝天諸關官兵餉絕退屯廣元來嘉克陷竹谿中鋒寨十二月癸巳陝西提督王輔臣兵叛甯羌經畧英洛遇害大將軍貝勒董額退保漢中延齡兵攻懷集欽州給事中蘇拜往招輔臣十四年春正月精忠將黎化中與三桂兵合攻連州乙酉興安兵變殺總兵王懷忠三桂兵據廣元朝天諸關鄂泰統盛京大兵防守太原精忠將沙有祥據桃花嶺克處州輔臣兵陷蘭州巡撫花善奔涼州二月經遣何祐攻饒平獲續順公沈瑞歸授懷安侯三月來嘉攻南漳爲總兵劉成龍所敗畢力克圖統大兵拒輔臣於大同輔臣兵連陷定邊花馬池察哈爾布爾尼以兵叛佟國綱統大兵

鄭五

九

鎮宣府夏四月國軒入潮州使何祐奮擊可喜而自帥驍騎繼進大敗可喜於鸞頭山追奔四十餘里斬級二萬因是湖南諸縣皆聞風納降軍聲大振初黃梧降精忠封平湖公而遣黃藍北使梧忽見厲擊頭生瘍死芳度襲公恐精忠誅又降於經封前提督德化公至是聞又有貳志經乃自將南征將道漳州襲執之芳度不納遣弟芳泰走廣東乞援亦以其多反側莫應來嘉與洪福合攻南漳陷穀城輔臣兵陷延安綏德冬十月輔臣與大兵戰回原殺副將太必圖提督陳福逃靈州馬雄等攻陷高雷廉瓊等處十一月芳度將吳淑與其弟潛以城降經入芳度投開元寺

府治西北

東井中不死出而斬

之斲梧棺支解其尸夷黃氏無少長皆死授淑後提督平鹵將軍潛戎旗一鎮許贊提學葉亨知府守興泉道以陳啟泰拒精忠死故禮葬之十二月甯夏兵變陳福死十五年春正月以畢力克圖鎮甯夏康親王大兵將至精忠將邱飛龍等一百五十餘員就撫經遣劉國軒劉進忠由普甯南路蔡文許貴由大埔程鄉北路會攻惠州三桂兵會攻廣州肇慶二月碣石總兵苗之秀降經授宣毅前鎮滅鹵將軍三月尙之信守其父可喜降三桂鎮南將軍舒恕等引還副都統莽依圖自肇慶突圍走總督金光祖巡撫佟養鉅陳洪明提督嚴自明副將王啟秀等降三桂三桂使之信與經通和經使國軒

鄭五

十

守惠州進忠守潮州薛進恩吳淑統五將軍會攻江西道汀州襲降精忠將劉應麟以爲前提督奉明伯遂略下會昌瑞金諸縣精忠將馮公輔等陷宣平夏五月黨哈里擊走之六月圖海招王輔臣降假靖寇將軍立功贖辜精忠將耿繼善及建昌新城諸守者皆燒營遯康親王知精忠爲經所偏遂檄諸將乘機速進秋八月都統賴塔等敗精忠將馬九玉等於衢州復江山九月胡圖等會擊又連敗之復常山賴塔馬哈達等進攻仙霞關降其將金應虎遂復浦城精忠殺范承謨賴塔紀爾他布等克建陽連克建甯精忠將王進功郭炳興降經授進功中提督匡明伯令炳興守長泰冬十月令許耀

襲取興化以烏龍江爲界馬成龍朱雲龍朱天貴俱降授成龍援勦左提督靖鹵伯雲龍樓船中鎮天貴水師一鎮康親王師抵延平精忠將耿繼美以城降精忠遣子顯祚納印迎王師至福州精忠率諸文武降還精忠爵如故率所部從征自効遂復溫州處州十一月副都統雅泰總兵許貞敗耿繼善於南豐經遣許耀襲福州爲都統喇哈達等所敗王師抵烏龍江或勸耀扼將軍山勿使得渡不聽又請乘半渡擊之不聽既渡耿兵在前滿兵在後并力擊耀耀眾大潰經令何祐趙得勝拒守興化時吳淑方由汀州進取邵武十二月耿繼善棄城走守將楊德降授後勁鎮淑兵進攻延平爲副都統

鄭五

十一

穆赫林所敗守將彭世勳以城降北天大雨雪淑兵利跣足疾走因是敗潰思歸淑遂棄邵武不守薛進思在汀州將棄城走劉應麟固留且決一戰不聽應麟乃自殺其妾率妻子奔潮州是月三桂殺孫延齡以其眾隸線國安尙之信遣人詣簡親王營乞降立功自効舒恕等擊敗嚴自明等於南康

臺灣鄭氏始末卷六

德清沈雲撰

烏程沈 堯注

十六年春正月大軍抵興化城下祐中敵聞疑得勝有貳使先當敵戰敗祐不敢援得勝歎曰與若共不亡何待乃挽強射數人以死祐率敗軍逃還大軍遂入興化分下汀州建甯泰甯長汀甯化清甯歸化連城會昌新城二月林惟仁守周公源口亦棄營逃大軍攻泉州守將皆逃大軍攻經新泉經以諸將皆中間計無固志遂棄漳州及海澄等十縣逃入廈門三月王移師潮州以莽依圖為鎮南將軍會勦粵東使姚啟聖說劉進忠苗之秀並以原官從征進忠曰我率諸鎮皆總兵今與若

鄭六

一

敵其何以率尋以伯爵授進忠討逆將軍進忠遂遣諭惠州陳璉夏四月莽依圖師至南安嚴自明以城降遂克南雄抵韶州傅宏烈迎降授宏烈廣東巡撫五月尙之信以廣東降六月祖澤清以高雷廉降進忠以潮州降尙可喜卒於軍以子之信襲封平南親王授宏烈撫蠻威烈將軍經會文武議棄烏龍江汀州邵武學誅薛進思許耀黜進思兄子常霖而以全軍畀國軒總統分遣鎮將守東石深滬日湖兩州諸澳秋七月國軒自惠州攻東莞將趨廣州之信會大兵圍擊大敗之遂克惠州降璉有白頭賊蔡寅者自稱朱三太子常率眾出沒南安同安間為經聲援八月三桂分兵攻韶州桂林經

遣吳淑會寅據長泰天成寨縣東南三十餘里九月提督段應

舉夜潛軍襲破之冬十月啟聖至廈門招經受冊封奉

正朔稱臣納貢通商販比島夷例經以箕子未嘗奉周

朔辭乃移諸降將東渡劉炎不願東徙聽自就撫去十

二月遣國軒襲泉州為副都統楊鳳翔提督段應舉所

邀不克寅應三桂攻欽州為遊擊劉士貴敗逃還韓大

任據萬安之梁口應三桂十七年春正月舒恕等追敗

之於鷓鴣寨大任逃汀州二月率所部降國軒潛軍襲

玉洲漳州東三汊河會合之所福河府東南四十里下許

諸堡皆下進取石馬鎮在海澄北十五里斷江東橋即虎渡橋跨

經自將攻泉州為應黃芳世等禦國軒參將朱起龍等

鄭六

二

禦經經伴敗堅壁守而分兵西趨合擊芳世大敗之遂

取平和漳平金光祖自潯進兵莽依圖自平樂接戰為

三桂兵所敗三月祖澤清聞大兵失利復叛降三桂副

都統孟安副將楊壯猷統驍騎援石馬國軒與戰却經

遣將楊甯會蔡寅屯天寶山而自督諸將急攻泉州安

等還兵圍天寶力戰甯中流矢死寅遂退壁不出閩三

月芳世復會兵圍寅寅軍乏食夜突圍逃安等復徧沿

海界外居民徙內地申海禁接濟交通寅乘間招集得

數千人攻安溪時侍講學士李光地以憂居練鄉兵與

知縣李鈺計破寅寅蹙降經授前鋒鎮三桂將林興珠

詣安親王軍降封列侯授建義將軍芳世會副都統穆

赫林攻平和國軒迎擊經遣寅伏灣腰樹而自率奇兵焚其營國軒乘之芳世大潰雜敗卒遯穆赫林遇伏大驚三合圍取無免者經故縱穆赫林五騎亡去乘勝進取潮州都統雅塔里統大軍來援夏四月袁本秀據慶陽應三桂澤清攻電白敗將軍額楚又連敗之克高州與之信戰不利遂棄高州本秀為大將軍圖海所敗死五月總兵馬三奇攻經潮州段應舉營祖山頭攻國軒前鋒統領希福及穆赫林大軍營海門左右總兵黃藍統重兵駐海澄餉軍為聲援國軒遣羸兵嘗應舉而別帥步卒齎火器襲山後應舉軍傷火石死者過半諸軍皆遯守海澄告急請益兵將軍賴塔帥師赴援經會國

鄭六

軒并力圍海澄夜掘濠塹數重通潮水以阻援兵絕餉道遣數百人多燃火執幟偽為援兵至者藍等統大兵出戰左右伏起橫擊而遙望燃火皆滅以為援兵盡覆眾大驚爭擁踐入城國軒密遣勇士褫敵衣幟雜進軍進焚其芻糧積貯火光達旦六月辛未賴塔大軍欲乘尸填濠以渡經鼓諸將乘半濟掩擊又大敗之賴塔遯還泉州壬辰海澄破穆赫林應舉自縊三桂兵克永興都統伯宜理布護軍統領哈克山皆死遂據河外營尙之信移鎮潮州總兵班紹明宋思徵益兵守泉州三桂兵又敗碩岱于郴州經既克海澄遣祭穆赫林等收其眾三萬餘人入海官軍死者十餘萬人潰者且數十萬

遣吳淑等乘勢取長泰經自將圍漳州不克遂遣國軒攻同安而自撤圍取南安惠安秋七月國軒遇守將王應奎副將馮昭京拒戰大敗之副都統雅塔里統大軍來援多火器國軒營輒壁周外深濠奔若為久計每挑戰伴敗輒走大軍徑前奮擊而國軒反在大營後鼓噪馳擊已禽應奎走昭京雅塔里急退不得前隊落濠奔倒戈自亂不能軍乃以數十騎遯兵仗輜重盡沒南安惠安聞風皆降紀爾他布石調聲來援國軒伏兵徼之又大潰副都統岳爾多馬思文路遇經將陳諒截戰亦失利遯紀爾他布等退保興化國軒使人斷洛陽橋泉東北二十里會經將吳正璽圍泉州岳爾多等復率兵跨洛陽江上

鄭六

來援堅壁不戰時提督侯襲爵總兵馬三奇守潮州遣兵來援總督姚啟聖遣總兵林賢潛軍攻克平和八月賢敗樓中鎮蕭琛於定海北在連江東經遣陳諒拒賢辛未三桂病中風噎隔有犬登其案而坐病甚口不能張手書永明字庚辰下痢乙酉死馬寶胡國柱立其孫世璠九月賢兵進攻同安巡撫吳興祚帥標兵赴援攻復永春德化啟聖會平南將軍賴塔督大兵進攻國軒國軒攻泉益急而蕭琛遣人馳報將軍喇達哩提督楊捷統滿漢兵興祚帥閩安水師並至眾將士益懼國軒恐內變遂斷南門二橋過追兵全軍道南安金雞橋雪嶺抵同安知琛妄報以告經遂斬琛流其妻子於淡水

啟聖等遂入泉州興祚募水師遣賢統以出海經遣蔡
沖瑀禦之赤澳大戰却之興祚因請仍置水師提督以
備水戰大兵遂克同安啟聖以多金賂國軒左右廖瑄
等令爲之閒而自督捷等會賴塔圍國軒於蜈蚣山大
戰敗之斬四千餘級國軒退據長泰江東窺漳州冬十
月啟聖伏卒深箐中設營壘躬帥捷等挑戰三戰三卻
國軒盡銳前進奪取其營捷等佯遯國軒方據營安撫
夜半伏卒突起啟聖捷還軍掩擊國軒軍大亂遂乘馬
浮水逕鎮將吳正璽等戰死廖瑄等及眾一萬二千餘
人皆降大軍入長泰國軒既去江東寨退保三汊河觀
音山諸處十一月啟聖修江東杉橋開修來館以招降

郭六

五

者與興祚日出金幣縱閒使歸則隆禮甘言立請封授
無吝色至十八年春正月凡招撫蔡沖瑀等及軍士一
萬五千餘人援勦左鎮陳諒襲破官兵於定海甲寅國
軒攻長泰副都統紀爾他布會興祚夾擊大敗之三月
侯襲爵敗楊金日等於山頭仔喇達哩破東石寨陳深
戰死夏四月國軒屯玉洲吳淑屯蕭井寨相倚角丁丑
夜大雷雨淑爲寨牆壓死國軒馳往慟哭曰是又斷吾
一臂矣五月國軒攻江東橋將軍賴塔統大兵迎戰轉
戰及潦窪處國軒豫布竹籤鐵蒺藜泥淖中而長兵鈎
距環偏推引北兵人馬顛蹶不支倅斬萬餘興祚遣將
陳亥來援國軒乘勝連大敗之降亥及其眾八千餘人

而不省其詐也及暮啟聖遣總兵王英統輕騎五千援
至時經方聞捷大喜行人司傅霖諫經夜半子時癸亥
晦劉將軍營離方已已敵乘貪狼將有大敗速遣黑
軍三千由乾方進援緩且無及從之經既遣吳潛江勝
前進而降亥之捷再告霖曰殆矣亥佯降將及其名之
時而內變也速濟師爲援而後可施鳳曰劉將軍不勝
則降速勝則降遲不始終爲鄭氏也霖曰救敗如救焚
王速出令霖請以全屬任劉將軍無他經乃分四將各
帥精騎伏要害進陳亥請國軒願以所部當先自効
許之臨敵力戰斬數十級奔之盡獲其輜重還置營後
又使告捷於經霖曰癸亥坤五也是於象爲大有大車

郭六

六

以載火器也焚如棄如死如急使者還報無及矣夜半
更食將畢火發營後毒燄衝士卒若醉國軒急令將士
持餅缶伏面各厲兵速騎而亥所部卒奮起英遏營矢
石兩注眾大驚竄國軒帥諸將突圍莫可出忽西北角
評譟震擊益惶急以爲官軍重集也則潛勝皂旗黑盾
倭刀背強弩三千人至矣亥眾向之皆披靡國軒遂激
眾奮勇鏖戰竟斬亥頭潰西北出潛勝斷後賴塔追奔
十數里遇王隆曾瑞等伏兵遯還英收亥散卒并所部
得萬餘人追潛勝截戰遇江機援兵橫擊國軒還救圍
英大敗之英突圍遯散卒復集得三千餘人奔潰飢餓
將曙小休而邱輝圍擊不得退乃與親軍數騎間道遯

去所部皆沒啟聖興祚益縱賂廣聞略誘經國軒左右
十九年春正月祖澤清及子良梗伏誅二月楊來嘉乞
降啟聖會水師提督萬正色出閩安興祚會甯海將軍
喇哈達總兵王英等自同安分三路並進經分命諸鎮
將防禦人莫有鬪心乙丑國軒率三鎮拒海壇正色麾
眾大破之國軒力整營壘為自守計癸酉啟聖會平南
將軍賴塔統水陸軍七道並進守將皆聞風納款丙子
水師將軍朱天貴自海壇還勸經速渡臺灣為上策
丁丑國軒遂棄海壇與蘇堪陳昌分守玉洲石馬海澄
天貴守平海嶼經與施鳳守銅山左武衛林陞等分守
湄州南日平山崇武諸嶼江機等分守金厦左右十九

鄭六

七

寨戊寅平南軍徑取銅山鳳等思內應執經以獻鳳故
經所最親信者傅霖密告經經急執鳳等誅之然顧左
右皆莫測遂棄銅山避厦門諸將降去同日啟聖抵海
澄堪昌皆開門納降國軒避厦門見經相持慟哭出啟
聖興祚招書先後數十道曰諸將皆如是奈何庚辰康
親王帥玉洲等降將為先道進取金門厦門平南軍還
屯潮州辛巳正色破天貴於平海嶼甯海軍分克南日
湄州崇武諸嶼壬午經率諸心腹乘艦東渡盡以兩島
委國軒天貴甲申王師克雲霄英等破海門三月庚寅
朔啟聖督總兵趙得壽黃大來會平南軍分攻灣腰山
觀音山展旗等十九寨皆破己亥興祚督王英等會甯

海軍進攻厦門五營將軍江機等爭先迎降國軒手刃
數人不能止僅與天貴等出戰士卒不用命天貴負重
創先逃啟聖會諸軍競進眾益潰叛國軒夜棄厦門退
泊遼羅文武千餘員水陸兵數萬出降大軍遂取金門
俘獲無算啟聖興祚並敘功于世職啟聖加太子少保
興祚擢兩廣總督夏五月天貴窮蹙乞降啟聖待之有
加禮表為浙江平陽鎮總兵復遣人持書幣招國軒謝
使者曰善報熙止努力事事勿復以國軒為念海水若
涸我心則降士為知己者死國軒受延平兩世信任無
有貳參且天下多才何汲汲於二姓臣是貴若天不殄
明延平再振國軒敢不束矢操戈追隨熙止以奮嘉貺

鄭六

八

也六月東渡見經經惘惘病若失政無巨細委馮錫範
錫範澄世子也經初娶唐氏妬悍無子妾林氏生男克
壑唐嫉謂非經出欲害之經乃秘之他所他妾再生男
則又告顯悅以為私乳媪所生遂構大難幾滅族實則
夕御更迭雖經與董夫人莫察也克壑娶陳永華女臺
灣新闢倚永華綜覽上下晏如經既西渡克壑監國性
精毅諸將嚴憚似成功永華時以寬濟之十數年生養
恬謐經得以無東顧憂唐氏死經再娶錫範女生子克
堃兩鳥既失經東歸憂憤遇事輒暴怒少可似成功當
日老成若永華等皆物故錫範因柔佞取媚遂竊柄政
擅威福經病迷眊益構煽帷幄閒肺腑大臣皆側目國

軒知事不可為經又無能與語他多新進難深結徒日與左虎衛何祐行人傅霖輩相向歎恨而已二十年春正月經病卒時成功子聰等九人孫克壘弟克舉等十人克壘年十三最幼錫範構諸將及聰等畏克壘嚴以克壘幼懦易與遂白董夫人克壘非經出馳收監國印執幽別室夜拉殺之妻陳氏自縊死遂立克壘稱承歷三十有五年董夫人憂恚成疾夏六月卒錫範封忠誠伯攝行政事畏國軒封武平侯晉鎮國公何祐謀殺錫範不得聞諸將各懷異志啟聖因遣使弔喪陰以多金賂左右使為閒而密陳規取臺灣事復施琅為水師提督以計誘行人傅霖殺之以忠謀鄭氏故也秋七月改

鄭六

九

萬正色為陸路提督會琅及將軍總督等進取澎湖及浯嶼遇國軒大戰正色軍先敗遜去吳潛追至嵩嶼海澄東又敗之國軒窘琅於嘉禾幾獲琅而啟聖先在丹霞降建威後鎮朱友使向導前進援琅得跳海門啟聖復為琅陳請使守水師如故冬十一月大軍平雲南吳世璠自殺戮其尸傳首京師降其將方光琛等二十一年春正月分三桂骸骨於各省梟世璠首級耿精忠劉進忠徐文耀王世瑜白顯忠江元勳曾養性王振邦蔣得軫凌遲梟示巴養元等五人斬梟示夏國相等凌遲精忠子顯祚黃國瑞林芳孫廖庭雲李似桂夏季旺呂應斗武顯司定猷沈偉郭景汾羅萬里祖宏勳陳儀陳

斌呂八及提督李本深其孫象乾象坤其弟子濟祥濟民張國柱高起隆斬決餘交內務府入旗啟聖督水陸軍出定海所風逆回廈門與琅計進取琅曰海洋呼吸須時攻臺灣宜候寒暑均平西南風便而後可此專責琅奉公指揮足矣公先伐謀俾其攜貳琅承命一舉掃蕩力耳何煩過計夏六月國軒大修戰艦繕甲兵錫範笑曰吳耿尙三王皆靡延平乃賴公獨存國軒曰東甯地什湯武沃壤宜耕穀蔬果實少歉多豐又有糖鹽竹木之饒交市商舶鹿麝珍禽名材異卉皮甲銅鐵不可勝用練卒百萬繕艦數千銃礮神器硝磺怪藥不待他求環海依山天限莫入見利則略地進取沿海皆通無

鄭六

十

利則堅守力農人人自給幸投天際以圖霸王舉天下無足抗耳若夫天命靡常人心鮮固內憂外患交訖游乘則桀紂富有四海亡可翹足待也冬十月國軒屯澎湖築礮城十餘所扼諸險隘二十二年春三月何祐城淡水時啟聖謀自北來襲故備之夏五月琅統舟師集廈門總兵朱天貴林賢泊銅山六月壬午琅會諸軍奪貓嶼花嶼丙戌屯八罩嶼啟聖駐廈門督餉國軒在澎湖分左武衛林陞等守雞籠嶼吳潛援八罩不克死丁亥先鋒遊擊藍理以烏船先進國軒奮擊盡沒其船禽理遂擊琅樓船親搏戰射琅中其一目左衛鎮楊德縱琅遂遜天貴以火器銳奔國軒鏖戰良久天貴中流矢

傷腕乃遜戊子琅退屯八單國軒帥陳啟明王隆曾瑞
江勝分屯虎井在八單西八單在桶盤二嶼雞籠在大
嶼南桶盤而自將攻琅與賢等力戰自辰至午國軒負
重創退琅遂麾諸軍夜進乘風焚殺已丑二嶼盡失庚
寅旦琅遣人持書來招且視疾國軒報曰尊侯仕明遊
擊亡歸延平復主通逃臣事三姓此足下智若轉圜勇
於舍舊捷出尋常萬萬狼欲策驚末步驥塵殷殷意厚
敢不拜嘉國軒老矣君存與存君亡與亡若一旦背而
他之卒然反噬雖犬馬有不忍爲而謂國軒不犬馬若
也詰朝相遇不盡欲言辛卯琅持書幣招錫範及諸守
將壬辰啟聖使者又至諸將皆不欲戰國軒曰以功則

郭六

十二

三桂莫大然以撤藩窘死他皆殲殄唯琅與天貴勵存
假以毒我海氛朝以靖兩人夕以誅耳且兩軍殺掠相
當勝敗未卜何倏然即欲投燼若斯願共諸將軍決一
死戰以定去就何如皆曰唯命矣已琅遣戰艦百餘分
取雞籠嶼四角山牛心灣而自將大艦五十六居中八
十艦居後徑攻澎湖國軒悉眾逆戰乘西北風大起擊
沈其大艦數十天貴中礮死日午風反南琅大呼銳進
賢繼合攻波濤沸天士皆股栗國軒疾戰不支諸將莫
進琅會諸軍圍擊氣益厲國軒大敗乘走舸從吼門遜
楊德先以部眾降陳啟明等四十七鎮將皆死澎湖遂
破旬日間凡喪偏裨三百七十餘人士卒一萬五千餘

人戰艦二百餘艘軍械輜重無算琅給降卒衣冠廩餼
還招臺灣人眾錫範首倡議降國軒與明宗室王等力
不能沮琅方書咨啟聖以臺灣水道紆回且炎酷士卒
不耐計俟八月後乘北風行啟聖謂乘勝進擊可旦夕
下遂賚功賞銀一萬兩增火器弓弩甚具趣琅進兵兵
未發而錫範先遣鄭平英等約以秋七月甲午望日詣
降甯靖王術桂自以明宗室義不可辱舉王印授克塽
具冠服拜天地二祖列宗率妾袁氏王氏秀姑荷姐梅
姐皆死錫範陳夢煒齋降表冊印籍土地府庫軍實以
獻八月庚戌琅自澎湖進發壬子入鹿耳門抵臺灣曉
諭安撫頒 赦詔克塽率聰等六人克舉等八人諸公

郭六

十二

侯伯以下盡以其屬歸京師其降卒願歸農家聽琅封
靖海侯明年設臺灣巡道一知府一知縣三臺灣鳳山
諸羅總兵副將各一兵八千澎湖副將一兵二千克塽
至京隸漢軍封公爵國軒順清侯天津衛總兵錫範順
清伯何祐梧州副將餘各封賞有差後六年以成功受
封明室非他借竊比令與其子經之喪歸葬南安鄭氏
自芝龍至克塽凡四世臺灣自成功建國至歸入版圖
凡二十三年
聞亭子曰世言鄭氏之先遇異人指一葬地名五馬渡
江又傳萬厝中雷震一石有草雞夜鳴長耳大尾凡五
十六言以爲鄭氏興亡之讖辭甚俚鄙疑好事者所爲

余故不載夫芝龍起於海角糜爛東南受撫之後剪除羣盜其功有足錄者逮援立唐藩擁兵驕恣首鼠兩端王師甫臨反顏歸命爲臣不忠終被誅戮固其宜也成功生有異徵雖桀犬吠堯而翊戴明室至死不貳易所稱幹父之蠱者豈其人乎瓜州之役嚮使勝國有人出洞庭下江南首尾相應豈易撲滅卽不然而坐據淮揚分兵略地南北之勢忽焉中斷事猶未可知也天命有在旣非知力所能爭旋師海外肇啟東土闢番夷爲郡縣易鱗介爲衣裳勸學屯田規模宏遠求諸史冊幾難數觀昔項羽以蓋世雄才戰無不勝垓下一戰遂至灰滅以成功方之殆未知孰爲優劣矣子經下士禮賢

鄭六

三

恂恂儒雅而覺生衽席變起蕭牆得國之始亦已多故況復輕信間謀自殘股肱以致兩島淪沒人心瓦解值耿藩構亂略有數郡爰及末年得不償失延平之業衰焉克壞童稚政在外戚嗣位未幾遂爲俘虜昔紅夷有眾一旅據守安平攻圍期年猶不能克今澎湖雖破全臺南北固無恙也而旬日之間國祚傾覆傳曰天之棄商久矣君將興之弗可赦也已其是之謂乎

後跋

臺灣鄭氏始末六卷家閒亭孝廉所著書也余以海島
洲嶼名目錯雜相混因取方輿紀要水道提綱一統志
等書附注於下以便省閱有譌誤者卽以己意辨之戊
戌新秋南江漁父沈垚

鄭氏始末跋

臺灣鄭氏始末紀六卷德清沈雲撰烏程沈垚註摭拾
詳盡信而有徵足備史家之參攷成功父子闢地海外
自保一隅延及三世有明遺老矢志不食周粟者類皆
航海東渡往依鄭氏臺灣文化之盛與各行省相埒皆
鄭氏先導之功也家厚堂教諭莖於道咸間有傳經堂
叢書之刻經子而外旁及史類未歲事而遭亂板毀書
目亦不及刊故傳經堂一書外間絕少流傳同邑劉子
翰怡以表揚前哲爲職志因檢寄傳經堂已刻本十餘
種翰怡深賞是書先行付梓慨自甲午一役臺灣爲日
所得其地不復隸我版圖讀是編者當益增河山今昔
之感云庚申孟秋吳興凌福鏡用臧氏跋

跋

臺灣鄭氏始末六卷沈雲撰沈珪注雲字閒亭德清人
道光甲辰進士官廣西興安知縣嘗取閩人江日昇臺
灣紀事四十九篇參考他書加以潤色自天啟甲子歲
鄭芝龍倡亂至康熙癸亥其曾孫克塽投誠而止子敦
又以海島洲嶼名目錯雜相混因取方輿紀要水道提
綱一統志等書附注於下以便省閱有譌誤者卽以已
意辨之是書於成功江甯一役驕矜取敗他書不若此
本之詳八單一役藍理重傷此本以爲禽理亦誤蓋首
尾全備瑜多瑕少故重刊之歲在屠維協洽季秋朔霜
降日吳興劉承幹跋

學史系稿跋

Faint header text at the top of the page, possibly containing a title or page number.

Main body of text, consisting of several paragraphs of very faint, illegible characters. The text appears to be arranged in a standard left-to-right format.

Faint footer text at the bottom of the page, possibly containing a page number or publication information.

明史擬稿題辭

從來以史才稱者若子長孟堅蔚宗諸君皆畢一生之精力以獨成一書後世分曹設官萃材畢集其褒貶不能自主而文亦龐錯無章所以去古逾遠也方子渭仁膺文學之選珥筆石渠與修明史自景泰本紀外爲列傳者八十有七矢慎矢公詳雅有體猶恐其考據之未確也從丹徒張宗伯假穆神兩朝實錄目涉手鈔不逾月而脫藁遂致怔忡疾劇請假歸里斯可謂勤於其職者矣是書也董其成者爲二三大益去取皆不可定故不敢刊布而什襲以傳於家猶夫名山石室之藏焉耳嗟乎子與渭仁弱冠較文語石少年豪放各以史才自命今忽又三十餘年子杜門家居倘有撰述如候蟲時鳥無當於輕重渭仁雖得行其志而不能自勒一書其顯於世也亦尙有所待未嘗不爲之掩卷而太息也同學姻弟毛際可

余自己未五月奉

命修明史以監修徐公未至十二月十七日開館明年正月分撰景帝本紀景泰天順成化朝臣傳王翱于謙等辛酉六月暫分天啟崇禎朝臣傳顧大章朱燮元等王戍四月分隆慶萬曆朝臣傳梁夢龍許孚遠等計七十六傳又陳檢討維崧段崑山徐公屬續構王崇古等入傳睢州湯公屬補鄧廷瓚胡拱辰二傳通入十六傳次第上史館惟防邊征廣禦倭諸大吏政績年月考據未確癸亥春從丹徒張公借得穆神兩廟實錄日夕蒐尋手披目涉躬自鈔錄一月之內悉皆改定比脫藁而怔忡病作矣迄今五載究未得愈每念才識疎庸虛糜俸祿惟是文章一道稍圖報稱今衰病乞歸所上諸傳藁或用或否或改易或增芟事在總裁非予所敢知願從事此中具極苦心事業考之羣書是非衷之公論文章質之同館諸賢據事敘述其人自見雖不敢希信史然職掌所存或者其無負乎因錄藏笥中俾後之覽者知所考焉啟禎以後書傳無微閒有紀載未可遽信雖綴葺成篇尙多舛漏不敢自以爲是也康熙丁卯午日方象瑛書於吳山旅舍

明史分稿總目

翰林院編修方象瑛著

景皇帝本紀一卷

景泰天順成化朝臣傳

隆慶萬曆朝臣傳

天啟崇禎朝臣傳

總目

振綺堂藏書

明史分稿目錄

翰林院編修方象瑛著

景泰天順成化朝

太子太保吏部尚書贈太保諡忠肅王翱

吏部尚書贈太子少保諡莊敏崔恭

太子少保吏部尚書贈少保諡文敏姚夔子兵部

郎中姚

吏部尚書何文淵

太子少保禮部尚書贈太子太保諡康靖鄒幹

少保兵部尚書贈太傅諡忠肅于謙子庶天府尹

同知陳

都督同知范廣 都指揮使朱驥

兵部右侍郎王偉

太子少保刑部尚書贈少保諡莊敏林聰

工部尚書贈太子少保諡文莊謝一夔

太子太傅工部尚書贈太保諡康懿徐貫

南京吏部尚書諡文通錢溥

南京戶部尚書陳翼

南京工部尚書贈太子少保諡襄敏黃鎬

南京工部尚書贈太子少傅諡莊懿胡拱辰

禮部右侍郎邢讓

太常寺少卿贈禮部左侍郎諡文介劉儼

右都御史贈太子少保諡襄敏鄧廷瓚 廣西按

察使吳倬

右副都御史陳泰

右副都御史朱鑑

巡撫四川右副都御史夏燠子南京大理寺評事

夏鏃

御史練綱

南京光祿寺卿蔚能

江西按察使趙啟

目錄

湖廣副使彭琉

武靖伯追封容國公諡恭肅趙輔

右都督諡武僖周玉

右都督神英

都督同知贈左都督張欽

都督僉事周璽

都督僉事董寬

都指揮使種興

都指揮同知韓青

隆慶萬曆朝

吏部尚書贈少保諡貞敏梁夢龍

禮部尚書徐學謨

禮部尚書諡文簡翁正春

太子少保兵部尚書贈太子太保諡恭襄趙炳然

兵部尚書霍冀

少保兵部尚書贈太子太保諡襄毅王崇古

少保兵部尚書方逢時

兵部尚書贈太子太保諡襄敏鄭洛

兵部尚書贈太子少保周世選

兵部尚書凌雲翼

目錄

太子太保兵部尚書張佳胤

太子太保兵部尚書贈少保張學顏

兵部尚書贈太子太保諡恭敏薛三才

太子太保兵部尚書贈少保諡恭襄涂宗濬

刑部尚書贈太子少保諡莊僖舒化

南京戶部尚書曹邦輔

南京刑部尚書殷正茂

吏部侍郎贈禮部尚書諡文恪丁士美

吏部侍郎靳學顏

吏部右侍郎諡文懿楊起元

兵部左侍郎贈尙書諡恭簡許孚遠

刑部侍郎洪朝選

南京戶部右侍郎贈工部尙書方弘靜

天啟崇禎朝

文淵閣大學士賀逢聖

吏部尙書贈少保崔景榮

太子太傅禮部尙書黃汝良

禮部尙書贈太子太保諡文介薛三省

南京吏部尙書贈太子太保南企仲祖紹興知府南大吉父

幹子禮部主事贈太僕寺少卿南居業 詹事贈禮部右侍郎南居仁附 南京

目錄

四

振綺堂叢書

禮部尙書南師仲祖雁門兵備南逢吉父山東參政南軒附 工部

尙書南居益

左柱國少師總督川湖五省兵部尙書朱燮元

廣東副使謝澗 四川副使周道直

巡撫都御史贈尙書王三善

總督三邊兵部尙書傅宗龍

總督三邊兵部侍郎汪喬年

南京鴻臚寺卿姜習孔

大理寺左少卿方大鎮父諸生方學漸 子右僉
都御史方孔炤 孫檢討

方以智

太常寺少卿贈大理寺卿諡忠節鹿善繼祖御史鹿久徵

父諸生鹿正子 舉人鹿化麟附

太僕寺少卿馬孟禎

太僕寺丞贈太僕寺少卿諡端愍申佳胤

編修贈少詹事諡文節胡守恆

湖廣副使贈太僕寺卿許文岐

陝西副使贈太僕寺少卿顧大章弟 諸生顧大韶

長興知縣贈太僕寺少卿諡忠烈石有恆

南京兵部尙書呂大器王祥附

大理寺左少卿詹兆恆

目錄

五

振綺堂叢書

2014/11/11

翰林院編修方象瑛著

太子太保吏部尚書贈太保諡忠肅王翱

王翱字九皋鹽山人永樂十三年進士成祖都北平思用北士至是朝兩試皆高等大喜召見賜食改翰林院庶吉士授大理寺左寺正遷行人宣德元年楊士奇薦擢行在山東道御史十年陞僉都御史正統元年詔廷臣會舉文武大臣鎮江楚諸省翱陞右僉都御史同都督武興守江西處州賊入廣信為盜遣兵捕獲之召還復巡鹽浙江四年松潘用兵命翱贊理翱布威信招懷

明史分稿殘編上

振綺堂叢書

降附出賜金市牛酒慰犒諸番商巴等十八寨皆來歸松潘遂定六年鎮陝西七年遼東西告警殺掠吏民師出輒北勅翱提督軍務翱以遼東法令久弛不復知朝廷賞罰故賊至不肯戰戰亦不力因諸將庭謁召都督劉端都指揮李弼王祥魯全等責以玩寇喪師失律罪當斬軍中股栗叩首願效死翱乃自行邊起山海關抵開原繕城垣濬溝塹五里為堡十里為屯斥埃相望於是簡卒伍調窮乏偶配鰥寡人情大悅邊塞孤遠軍輿輒虞匱缺緣俗立法細大收贖十數年閒得金穀馬牛羊數十萬邊用充饒器械堅利士皆飽煖樂戰守明年

秩滿陞副都御史留撫遼東指揮孫璟以漏關鞭戍卒

至死妻女哭之亦死他卒訴璟殺一家三人翱曰卒死法妻女死夫父非殺也璟得無累卒以能將名十二年督諸軍大出塞斬首千級賜勅獎諭陞右副都御史十四年秋也先入犯分道寇廣寧翱堅壁清野困之引去景泰三年召還掌院事尋加太子太保建州衛都督李滿住上書乞留鎮遼東帝以翱別經委任慰諭之會南蠻寇兩廣副總兵董興武毅觀望不戰巡撫侍郎揭稽李棠又不相統賊益熾于謙請用安遠侯柳溥總軍務如溥未可出臣謙及翱或戶部尚書金濂乞用一人帝

明史分稿殘編上

振綺堂叢書

用翱時翱威望已著諸蠻聞之大恐翱曰蠻戎撫捕各有機宜略兵威推誠撫諭用遼東收贖法苗獠信向盜賊止息思恩知府岑英領土兵人或疑其反側翱處之桂林厚遇之田州土官岑紹死子鏞鑑治兵相拒思明黃震黃道亦爭襲翱各為奏請亂輒已四年召還臺夏吏部尚書何文淵下獄致仕王直年且老帝欲得剛明果斷者任之練綱率諸御史言翱可大用於是以為吏部尚書直致政去乃專任翱嚴考察公銓注抑奔競杜請寄時稱得人天順初落太子太保任尚書事乞致仕不許女夫賈傑官畿內翱妻數逆女傑恚曰翁方長銓

官我京師何待迎耶妻爲置酒請翱大怒揮案上器擊之卒不調傑李賢爲石亨逐去帝以問翱翱力言賢才行得復留內閣益見倚任賢亦左右翱帝進退大臣時時召見面可否嘗因召對帝曰北人質直雄偉文章藻飾似不及南人然緩急得力故翱引用多北人論薦不使人知忘情恩怨曰吏部豈報恩復讐地耶所推擇文武大吏耿九疇軒輓年富李秉程信施聚焦禮范信皆爲名臣馬昂崔恭位九卿輒名呼之嘗侍游西苑醉命扶還其家南城五花樓成召翱落之稱翱先生賞賜優渥每引選入奉天門或雨雪中貴扶掖上下有所游幸

明史分編殘編上

三 振綺堂叢書

召翱俱輒傳侍郎代選然翱歸雖極暮必蒞署閱所選恐有不當也曹欽反執李賢欲并執翱翱叱曰朝廷何負汝反耶殺他人寧殺我欽謝曰敢驚長者事聞加太子少保屢乞休不允時年七十八矣帝嘗謂李賢曰今大部皆得人獨慮吏部王翱老爾賢對曰翱廉謹老成雖老精力未衰匪祿命之說翱壽最高帝喜曰如此無慮又曰如戶部年富不易得賢對曰若繼翱吏部非富不可帝然之憲宗即位復加太子太保免雨雪朝又命朝參以朔望三上疏乞骸骨特旨慰留數遣醫視疾三年疾甚乃許之賜白金織衣實楮卒年八十四贈太保

論忠肅翱端毅儉約立心制行務循禮法居第三十餘年不改其舊英宗特命有司治第縣西公餘退宿朝房非朔望時令謁先祠未嘗歸門無私謁權要有所屬毅然拒之及處之不甚拂其情故人雖畏翱而心不怨仲孫以廢補國子將秋試以有司印卷請翱曰汝才可登第吾豈蔽汝如誤中選則妨一寒士矣何必強所不能以冀非分耶裂其卷火之嘗入東閣見一主事與內豎談笑翱呼之曰君未讀論語鄉黨篇乎過位色勃勿也此地近奉天門御榻豈嬉笑處耶有中貴人造明珠數顆辭之弗獲綴珠衣領閒數年中貴死召其猶子還之

明史分編殘編上

四 振綺堂叢書

李賢曰臬陶言九德王公有其五亂而敬授而毅簡而廉剛而塞強而義人以爲確論予世官錦衣副千戶

吏部尚書贈太子少保諡莊敏崔恭

崔恭字克讓廣宗人正統元年進士除戶部主事歷郎中督延綏糧儲有能譽十年以李賢薦知萊州府萊濱海難治恭至巡行屬邑獎善良去貪暴增修孔子廟故事郡庫歲入漕海布數萬輒腐爛破庫人家恭請量留餘並出爲兵餉不踰年布盡歸守庫者數十家十三年萊大旱蝗恭親督捕之焚瘞略盡乃發郡縣倉勸富民出粟奏免膠州卽墨諸逃戶芻糧全活甚衆明年也先寇京師恭集民兵數千遣官部署入搜是歲廷議城臨清檄發郡夫恭以方春民乏食請俟秋成檄再下始以

明史分稿殘編上

五

振綺堂叢書

夫赴役無後期人服其能在萊六年吏畏民懷後登萊復饑萊父老相顧歎曰使崔公在我輩何至此耶立石楊震祠中景泰三年陞湖廣右布政使苗蠻寇武岡州督餉訓民兵勦之賊皆就撫岳州報公安監利流民擅相殺恭曰勿急急且大變乃下令曰願附籍者聽否且俟秋遣歸衆遂定尋調江西左布政使行裝惟圖書衣數襲而已司有廣濟庫官吏乾沒至五十萬恭發其奸職巡撫都御史韓雍按治之郡邑肅然又制均徭法酌輕重任勞逸民皆便之弋陽王真璫許寧王真培反逆諸罪韓雍率三司官以聞詔遣中官方伯樂會都御史

余儼案之會赦得釋謫其教授游堅成甘肅王由是怨待三司寢倨恭不平王嘗囑恭增造宮殿又請南昌城內東西二湖派歲祿於近府縣恭皆執不從護衛軍有犯不少貸王愈怒奏恭僭造火夫號衣諸不法狀御史張綱奉命覆之無驗王復奏恭諂惑綱於是恭與按察使原傑巡按御史周一清連章論王私獻王惠王所遺宮人護衛軍生女不令婚嫁長卽收之域內官熊燧逼之死其護衛橫甚不削之慮有變帝遣太監懷忠偕錦衣衛官案其事具言恭奏實請罪王左右帝然之削護軍官校爲南昌左衛隸都司王誣奏恭置不問天順二年陞右副都御史巡撫蘇松諸郡所至進耆老詢問利弊崑山民王凱素無賴利別籍所遺田畝乃自冒爲軍清軍御史郭觀信之坐隱匿者二十四人衆訴於恭下所司覈實事得白提學御史歐某校士不公被黜者訴於前巡撫李秉秉不爲理恭至親試之牒提學覆試仍送入學文風爲之大振時米價騰踊出倉米收其值佐義役費市值以平會都督徐恭請浚儀真漕河恭役夫六萬人程工贍廩民不告勞松江舊設澇清夫眎水旱爲蓄洩廢弛者八十年沿江之民歲被淫潦乃躬詣其地督工挑浚治崑山上海嘉定諸縣水自夏界口至白

明史分稿殘編上

六

振綺堂叢書

鶴江卞家渡莊家涇凡一萬四千二百四十一丈民賴之因呼曹家港曰都堂浦四年英宗以王翱老命舉一人佐之翱以恭對帝喜以爲右侍郎恭佐翱用人無偏黨翱亦倚任不疑帝嘗與李賢論王翱因言恭與姚夔亦佳賢對曰恭夔才器異日皆尙書選帝曰然成化五年代李秉爲尙書未久以母喪去九年南吏部尙書劾不職諸司方高門相等十人黜之尋奉敕參贊南京機務以南監生赴都勞苦請於南吏部紀選從之兩以疾乞致仕不許再請乃許之十五年卒贈太子少保諡莊敏恭寬平坦易臨事剛而不亢柔而不褻其在吏部惜人才獎後進廉靖自處人知嚴憚焉

明史分稿殘編上

七

振綺堂叢書

太子少保吏部尙書贈少保諡文敏姚夔子兵部職方司郎中姚璧

附

姚夔字大章桐廬人正統三年舉鄉試第一入太學祭酒李時勉器之間從侍講劉球遊七年會試復第一授吏科給事中條上時務八事九年旱奉命禱北鎮雨應時至都御史王翱曰此所謂隨車雨也英宗北狩郕王議卽眞集臺省議夔曰朝廷任大臣正爲社稷計何必詢小臣議遂定十月也先逼京城夔上疏請檄總兵楊洪曹義各部勁兵夾擊之師集也先引去景泰元年超陞南京刑部右侍郎三年改南禮部奉敕考察雲南官吏明年還朝留禮部景帝不豫尙書胡濙在告夔強之出率文武大臣議立皇太子商輅具稿有陛下宣宗皇帝之子宜立宣宗皇帝之孫諸夔躍然於立上加一復字已僉名期詰旦入奏而上皇已復辟矣石亨惡夔不附已調禮部南京英宗素重之且聞立儲議召至京賜二品服轉禮部左侍郎會吏部侍郎缺帝以問李賢賢言姚夔表裏相稱有大臣之量遂調吏部眞定守以賄賂石亨求復官夔擲筆大言曰吾甯不爲侍郎必不判此稿事竟止七年遷禮部尙書憲宗卽位耕籍田幸太學悉從夔奏請時帝頗事祠醮工役賞賜寔廣夔深

憂之率羣臣上封事大畧言皇上念祖宗之付託勿以目前無事恣於晏安以禮法齊家以節儉制用爵賞毋濫授金帛毋妄費土木毋妄興齋醮毋煩設出入有方巡遊有度留心萬幾無怠政務帝嘉納之朝鮮進海東青夔言非故事請下詔非常貢不得進以示不寶遠物之意又言少保黃福得諡忠宣土木死事大臣如尙書王佐鄺楚雖贈少保未得易名請諡如福例乃諡佐忠簡楚忠肅四年以災變乞致仕不許時儲位尙虛萬貴妃居昭德宮怙寵夔疏請均愛六宮陛下嘗言內事我自處置今屏息傾聽已半年而昭德宮進膳不減中宮不增宮牆雖深視聽至近豈可以宗廟社稷大事溺情任愛不爲子孫計因請罷西山建塔斥回阿叱哩輩府庫金幣不宜濫費內局諸匠作無大動勞不宜輒予官爵仍乞每日視朝後倣祖宗及英廟初年故事御文華殿裁決政務語皆切直慈懿皇太后崩命擇葬地內閣彭時商輅持不可帝以孝肅太后故屢下部集議夔疏請合葬裕陵一體耐廟且先帝治命錢后與我合葬命內閣無怠朕言今日禮稍失非先皇之心損母后之德皇上亦不得爲至孝綱常大事臣等不敢誤朝廷疏凡三上又率羣臣伏文華殿門哭諫帝爲頓首再四請太

明史分編卷編上 九 振綺堂叢書

后始從百官議合葬耐廟如禮孝宗嘗見夔及彭時疏謂劉健曰先朝大臣忠厚爲國如此南京兵部尙書李賓奉敕賑流民議令官民子弟入粟送監夔言太學育才之地頃起送四十歲以上及納草納馬生員爲數已濫今復有此恐天下以貨爲賢出風日陋請別爲處置從之夔嘗薦都御史張岐巡撫遼東以私怨爲邊軍所奏除名御史謝文祥劾夔濫舉帝怒謫文祥南陵丞夔上疏言文祥以論臣獲譴是因臣罪文祥也請宥之帝謂文祥狂矣不允五年崔恭憂去代爲吏部尙書先是藩臬由臺省會奏臺省由上親簡吏部僅選守令以下至是悉委夔夔連舉數人皆稱職秩滿加太子少保雨雪失時率諸司條列政務七年彗星出軒轅復上疏反復諷諫末言可憂之事冀帝感悟八年南方大風雨水溢夔又力陳洚漉災異禍亂將起疚心危論自是憂形於色乞罷歸田里不允未幾卒贈少保諡文敏夔雄才偉度遇事立斷嘗知貢舉檢防周慎巨細必親見主司凡知名士必極力薦之或曰此非外簾所與曰爲國得人何分內外在吏部獎後進拔淹滯意所交識不避親故雖浮議中傷不爲動立朝三十餘年儉素無異寒士憂國之心至老彌篤當時謂可屬大事比之內吉姚崇

明史分編卷編上 十 振綺堂叢書

云子璧字良甫舉天順八年進士授兵部職方主事歷
郎中尙書項忠具疏論汪直請罷西廠會部院大臣共
上之璧持赴尹旻請署名旻曰疏出兵部當以兵部爲
首璧曰公六卿之長當首公旻怒曰今日乃知六卿長
耶旻署卽遣人報韋瑛奏留中不出會內閣商輅等請
之力遂罷西廠數直罪而責之直憾甚屬東廠官校發
江西指揮劉江黃賓事謂賓求於兄太監黃賜囑忠及
璧下三法司會問眾知出直意無敢違者忠革爲民璧
左遷思明府同知卒於官

吏部尙書何文淵

何文淵字巨川廣昌人永樂十六年進士十八年授湖
廣道監察御史巡按山東洪熙元年命考察四川吏治
劾奏工部侍郎楊和黜參議金文斌副使張銘僉事張
明等烏蒙土官祿昭妻與耆民什枷私昭知之什枷懼
罪告昭謀反詔四川雲貴兵討之昭遣人訟寃文淵移
檄止所謂軍具以上聞事遂白宣德元年奉敕精理山
西戎伍又命察兩京弊政五年都御史顧佐薦知温州
府賜璽書抵任興革利病均徭役郡故與金鄉盤石三
衛隣衛卒以不統於有司肆凶暴文淵法繩之相賊不
敢犯青田民葉孟圭徐成故有郟成爲糧長賦不以時
輸縣遣圭督之圭修怨率五百人毀舍奪其財成訴於
官議調軍捕之文淵曰遣兵追捕民畏兵必逃竄生變
禍且及無辜乃召成孟圭諭以禍福圭拜泣聽命於是
政化大行一郡稱治七年冬入覲追括蒼馮公嶺永嘉
丞遣其子間道以金贖慰諭却之好事者爲立却金館
政聞帝召入便殿命中使傳詔獎勞賜宴於廷以御製
摺隱詩賜之旣復任感帝恩遇知無不爲民益信服服
則與諸生周旋章綸輩講論經史後皆以文行名處州
盜起官軍討之不克文淵謂知賊據烏風洞悉捕其渠

魁時指揮李貴等方執平民使誣服文淵移牒言已得盜彼所捕平民也活二百餘人民朱良規良且爭財召其鄉父老諭以天倫大義兄弟感悔如初布政使黃澤上其治行宣宗璽書獎勵增二秩守郡如故而禮部尙書胡濙復薦文淵宜大用乃超擢刑部右侍郎官吏軍民號泣請留濙行哭送者萬餘人隔江居民亦望風拜岸側在郡六年民思之立祠祀焉正統元年詔赴淮揚理鹽法五年復經理京畿入府荒政隴川思任發叛已遣人謝罪廷臣復議討之文淵請遣官宣諭如真頑梗化相機擒勦免出師轉餉之勞六年旱敕審繫囚時苦盜言者請自今有犯以竊盜榜其門文淵具言律有常憲今爲盜者多若盡署門數年間竊盜牌額遍海內實傷治體議乃寢以疾力求罷許之十四年八月卿王卽位陳循薦起爲吏部左侍郎貴州蠻反文淵請罷布政司仍如洪武中設總兵官鎮守于謙言其非便遂止景泰元年陞本部尙書易儲恩加太子太保文淵在温州廉靜寡欲稱良吏及起爲吏部聲譽大減會災異吏科都給事中林聰等交章論其貪縱奸邪請罷黜以回天意文淵疏乞致仕帝溫旨慰留再請許之已復命還職於是聰等論益力并劾左庶子周旋旋温州人故文淵

所拔士帝欲宥之給事中曹凱廷爭曰文淵奸邪旋黨比法不可縱乃並下獄文淵故與太監與安善其得留安與有力至是聰劾奏有囑託內臣語帝詰責乃釋文淵命致仕英宗復位革所加太子太保文淵自以與議易太子首發父有天下傳之子語慮及禍時副都御史陳泰左遷廣東按察道廣昌人有傳泰來爲文淵者遂自經死子喬新別有傳

太子少保禮部尚書贈太子太保諡康靖鄒幹

鄒幹字宗盛餘杭人父濟永樂中爲少詹事事仁宗於春宮甚被禮遇幹初生卽遣補應天府學生月食米一石正統四年舉進士授兵部職方司主事歷武庫司郎中英宗北狩都城戒嚴一時甲仗糧餉未有能任其劇者幹超遷兵部右侍郎處繁應變或不待奏報輒行一日諸軍擁東城門請給芻草值鄉民萬餘避亂呼號求入城守者難之幹曰草不得不過廐馬瘦斃耳城以衛民有急而拒之非計也亟啟門納之景泰元年改禮部三年奉命考察山西官吏黜布政使侯復奏議于泰等五十餘人巡撫朱鑑奏曰考察使臣出民間告訐日甚有司不敢督責逋賦請召幹還幹上疏論鑑徇私輕聽因言有司爲巡撫所舉故曲爲徇庇請停督撫保舉例一歸吏部帝是其言河南鳳陽大水命往賑揀奏免稅糧若干萬石督理易州山廠積弊頓革因請設主事綜核其事三年召還治部事陞左侍郎天順初尙書胡濙致政去諸冊立大禮悉從幹裁定時襄王來朝故事當祭門而入自遷都後來朝禮絕無知者幹檢太常故典行之瀋王佶焯奏弟妹婚嫁已受封冊未成禮父康王薨今已越大祥請擇吉舉行下禮部議幹言三年之喪

明史分稿殘編上

十五

振綺堂叢書

禮之大者且服內成婚律有明禁今王與郡王郡主皆父喪未終乃惑於陰陽之說輒廢喪制乞行代府長史司啟王俟服闋成禮帝曰是長史不能輔導之罪也命巡按御史執問如律帝不豫復行皇太子御文華門代朝禮七年貢院火幹知貢舉逮詔獄尋釋之成化二年巡撫畿內以老辭不允陞南京禮部尙書改吏部居二年召還復尙書禮部幹爲人謙謹喜稱人之善遇事不肯詭隨嘗因災異首以妄費濫賞及修苑囿設齋醮度僧道爲言皆極陳其弊加太子少保屢疏乞歸十六年汪直嫉言官劾幹及南京兵部尙書薛遠命馳驛歸月給米歲給夫役弘治中浙江饑幹具疏聞孝宗嘉其憂民詔有司具羊酒綵幣勞之比至幹已卒年八十四贈太子太保諡康靖

明史分稿殘編上

十六

振綺堂叢書

少保兵部尚書贈太傅諡忠肅于謙

子應天府尹于冕
都督同知陳達

都督同知范廣 都指揮使朱驥 兵部右侍

郎王偉

于謙字廷益錢塘人生有異質七歲僧蘭古春奇之曰他日救時宰相也登永樂十九年進士宣德元年授山西道御史巡按江西辨誣獄出數百人於死從征漢庶人既擒命謙數其罪辭義嚴正庶人流汗伏地帝大喜賞賚與大臣等五年河南山西災手書謙姓名授吏部超拜兵部右侍郎巡撫二省謙徧歷梁晉問民疾苦歲豐多出官鏹糴民粟儉則減直以糴公私便之齊秦饑民轉徙河南謙命各授田與牛種寬其稅峻黃河隄岸奏設宣大巡按御史奪鎮將私田爲官屯當是時三楊當國皆重謙所奏請朝上夕報可以是得行其志他措置多著爲令正統元年上便宜十事十一年議事京師或請具裝橐稍資餽遺謙笑舉兩袖曰吾惟有清風耳因賦詩見志入朝薦叅政孫原貞王來自代時王振用事怒謙無所餽喉言官劾謙怨望擅舉人自代亾人臣禮下法司論死已語人曰吾嘗見御史頽而哲者狂甚乃非此于謙耶釋之降大理寺右少卿河南山西民赴關請留者萬餘人周習諸王亦言之乃命復以少卿巡

撫明年始復右侍郎還部十四年秋八月也先大舉入

寇王振挾帝親征謙與尚書鄺埜諫不聽埜從治兵留

謙總部事師潰土木帝北陷京師大震皇太后詔立皇

長子爲太子郕王監國攝朝九卿臺諫廷劾王振罪王

倉卒未有以應錦衣指揮馬順者素附振從劾叱眾退

眾怒捶順死索振黨毛貴王遺二長隨亦捶死班行誼

亂不辨人語聲諸大臣皆披靡有趨匿者王懼屢起欲

還宮謙上陛掖止之請下令順等有罪擊死弗論遣都

御史陳鎰籍振家械其姪山礫於市諸臣各歸蒞事時

日已向午謙袍袖盡裂徐步出左掖門吏部尚書王直

迎謂曰朝廷實賴公耳今日雖百王直何能爲皇太后

聞之卽陞謙兵部尚書委以軍事尋加太子太保辭不

允謙旣身任軍國首劾扈駕大臣鎮遠侯顧興祖等預

軍事進止當以失機論卽死不宜濫卹從之九月郕王

卽位遙尊帝太上皇帝改元景泰當是時北征將士十

亾七八軍資器仗皆盡謙入見泣曰賊不道犯我邊陲

敢留大駕今得志必長驅深入請亟遣官募義勇集民

夫更漕卒練神機三營又令工部飭戎器戶部調兵食

馳檄各邊鎮及關陝山東西指授方畧經理畢具十月

叛監喜寧導也先自紫荆關入殺指揮韓青都御史孫

...

祥走死京師大震侍講徐理妄言占象請南遷廷臣依違未敢決謙厲聲曰言遷者可斬夫京師根本也郊廟社稷陵寢在焉百官萬姓公私積聚所繫一動足大勢去矣且彼乘勝驕實無足畏柰何蹈靖康覆轍乎帝是謙言議始息謙乃奏用王通楊善守京城孫鏗衛穎張軌雷通分兵出戰石亨楊洪柳溥爲總兵監以給事中王竑葉盛程信姚夔盡移郭外人入城所至堅壁清野勿與戰通州糧百萬急散官軍悉運入都城芻蕘不及運者焚之無資敵躬擐甲冒慷慨誓六軍士皆感奮也先眾薄城下石亨議斂兵老之謙不可曰彼氣張矣我

明史分編殘編上

十九

振綺堂藏書

柰何示弱遂統兵出賊見我師堅不敢犯喜寧復誘也先要大臣出議和索金帛無算羣臣惶懼以問謙謙曰吾受命治軍旅他非所敢聞乃出德勝門約戰以上皇在末敢急擊已謀知上皇既西發大礮斃數千人殺其弟孛羅及平章叩那孩也先大阻眾請乘勝追躡謙曰勝未足雪恥偶不捷所損多矣榜諭番回奚漢能擒斬也先來獻賞萬金封國公以疑之數日果引去論功加少保總督軍務尙書如故謙上疏辭不允嘗曰四郊多壘卿大夫恥之城下不盟幸耳大同叅將許貴請遣使通和謙言前者非不遣使李鐸岳謙往賊旋入寇王復

王榮繼往不獲徵上皇一信何可言和且讎不共天萬一肆無厭之求從之則坐弊不從且生變內修外攘使彼不得遂其欲上皇當自還矣因劾貴武臣委靡退怯法當誅分遣都督劉全王信陳旺石端汪禮等屯真保通涿易五路以劉安統之也先分兵逼朱謙於關子口又襲石亨雁門謙請自將大舉會寇退乃止景泰元年二月以喜寧未除知我險易虛實諸所要挾皆寧謀密屬楊俊擒寧磔之復令侍郎王偉誘誅謀者小田兒也先既失內間漸悔禍遣使請奉土皇還京帝救謙護都城并議遣使王直等請之力帝不悅謙從容曰天位已定誰復異議惟君臣大義兄弟至情自當遣使奉迎帝不得已乃曰從汝從汝於是都御史楊善等復往九月上皇至京居南宮先是永樂中處降人於近畿也先犯順多從之而北會西南用兵謙奏選其有名號者厚資遣有功則官之已更遣其妻子肘腋得無患楊洪自獨石入衛入城悉委棄謙使都督孫安以輕騎出龍門關據之召民屯田戰守奏遣成山伯王通城昌平衛陵寢又遣平江伯陳豫築臨清城遂爲重鎮三年立懷獻太子加太子太傅再疏辭二俸不允十月也先謀南侵謙奏孫鏗石彪出大同楊能衛穎出宣府叅政葉盛叅贊

明史分編殘編上

二十

振綺堂藏書

獨石八城軍務已竟入貢貴州苗未平何文淵議罷布
按二使專設都司以大將鎮之謙曰是棄之也持不可
京軍分隸神機三千五軍等營各設總兵不相統卒有
徵調兵將皆非素習謙請選精卒十五萬分十營營置
一都督五千人爲小營營置一都指揮更番圍操以待
遣調餘歸本營訓練備京師圍營之制始此當是時也
先旣屢犯京師脫脫不花寇遼東不樂出寇陝西浙江
葉宗留福建鄧茂七廣東黃蕭養各擁眾僭號南蠻西
番復乘間蠢動命將出師變在俄頃謙內固京城外籌
邊鎮條畫悉中機宜僚吏受成相顧駭服雖宿將勳臣
小不中程律卽請旨切責片紙行萬里外無不惴惴効
力以是帝推誠倚任而口不言功深自歛飭帝嘗賜第
闕西謙曰國家多難何以家爲固辭復不允乃取帝前
後所賜璽書袍鎧冠帶弓劍之屬悉加封識歲時一謹
視而已謙自奉儉約所居僅蔽風雨旁無姬侍直宿朝
房嘗卧病中官往來省視見謙器用蕭然具以聞特敕
尙方頒給和藥需竹漚帝爲親幸萬歲山伐竹取漚賜
之或言柄用太過帝意益堅然謙之怨謫自此深矣徐
理自議南遷爲謙所斥後改名有貞求遷國子祭酒謙
亦爲奏請不可得而有貞不知反憾謙石亨爲大同參

明史分稿殘編上

三

振綺堂叢書

將失律繫錦衣獄謙知其材勇請赦而用之城下之役
亨功不如謙顧世侯爵乃請官謙子冕府軍副千戶謙
辭讓再四且云縱臣欲爲子求官當乞恩君父何必假
手石亨於是亨益媿憾屢辭兵柄謙亦辭總督帝爲諭
解亨從子彪驍雄謙數裁抑出彪守大同太監曹吉祥
劉永誠共事兵間憚謙凌已銜之皆往往思構謙景皇
帝不豫亨與吉祥有貞謀奪門復上皇位遂誣謙與大
學士王文太監舒良等意欲盜金符迎立襄世子都御
史蕭維禎責簿坐謀反當族英宗猶豫曰謙實有功若
何有貞進曰不殺謙今日之事爲無名帝意乃決廷鞫
時文不勝憤辯謙笑曰亨等意如此辨之何益遂棄市
籍其家自帝賜外無長物謙才大性坦率遇事敢往初
議立郕王相顧莫敢發謙昌言曰社稷爲重君爲輕議
遂定也先擁上皇至大同守將不納登陴謝曰賴天地
宗社之靈國有君矣至宣府京城皆然上皇聞之頗不
懌然也先計阻始無留上皇意及議易儲謙雖受寵任
見帝意決不復爭故卒以不免死之日天日驟變陰霾
蔽空行路咨嗟涕洟吉祥家指揮彘耳者以一觴酌其
地而慟吉祥撲之明日復酌慟如故皇太后初不知謙
死比聞嗟悼累日帝亦悔之俄有邊警恭順侯吳瑾曰

明史分稿殘編上

三

振綺堂叢書

于謙在當不至此帝默然是年有貞爲亨所中戍金齒
又數年亨亦下獄死吉祥謀反族誅初謙子冕戍龍門
成化元年赦還給沒產二年復謙官遣行人馬瞻諭祭
有曰先帝已知其枉朕心實憐其忠天下傳而快之弘
治三年贈太傅諡肅愍萬曆中更諡忠肅建祠墓側曰
旌功有司歲時致祭是改文秩授兵部員外郎歷禮部
郎中南太僕寺少卿應天府尹致仕節概修潔有文學
無子以族人永忠子爲後世杭州衛千戶奉祠壻朱驥
別有傳謙之死眾皆畏避都督同知陳達密賂守者塞
之冕始請歸葬達六合人以蔭任忠義左衛指揮歷同

明史分傳卷編上

三

振綺堂叢書

知李時勉嘗薦其才鎮通州及倒馬關皆有捕盜功
范廣丹徒人世襲遼東都指揮英宗北陷景帝任尙書
于謙決策戰守悉召諸宿將入衛謙薦廣材勇召爲後
軍都督府僉事尋掌大營圍于手也先犯京師謙與武
清伯石亨帥師陳九門廣爲左副總兵城下之戰以神
鎗火箭殺賊數百人論功于實授復與楊洪孫鏜等分
道躡寇連敗之於固安朔州奪人畜萬餘陞都督同知
謙請命諸將分營訓練廣副石亨統四萬人掌後軍都
督府事賊窺沙窩廣備隆慶右衛率輕騎出黃花鎮截
賊歸路景泰元年搜餘寇還特命總五軍大營三月五

刺寇萬全都督朱謙請益兵謙復請用廣充總兵官與
羅通巡宣府寇退以邊軍餉缺奉勅駐居庸尋召還同
石亨等練京營兵左軍都督孫鏜出行邊廣掌府事廣
驍果善戰知禮義爲謙所知數與亨共治兵亨及張軌
等深忌之亨既謀殺謙遂以廣爲黨弁論死天順元年
二月斬於市京師人憐謙功大被誣廣同罹慘禍爲之
語曰鷲鷲水上走何處尋魚噍又曰京師米貴安得飯
廣聞者哀馬廣既死張軌冒奪門功封侯一日退朝馬
上爲拱揖狀從者問之曰范都督也歸而病遂死成化
二年白謙冤廣亦得復官子昇襲寧遠衛指揮僉事時
有武興者以右都督充右副總兵與廣共事王敬等戰
彰義門興前列神銃弓矢短兵次之而報効內官數百
騎列於後賊至以神銃擊却之內官爭功躍馬出陳亂
輿中流矢死

明史分傳卷編上

三

振綺堂叢書

朱驥字尙德大興人祖喜洪武中以儀衛司積功錦衣
右所正千戶世職驥嗣祖父任家貧未娶落魄不爲人
知嘗給事尙書于謙門謙奇其貌以女妻焉董夫人志
日生女不求快婿顧與窮草耶謙笑此非兒女子所知
卒歸驥驥性不喜刻核既襲職益勤敏任事奉使湖浙
餽遺一無所受天順元年坐謙事成威遠衛成化初赦

還復原職以兵部薦擢指揮僉事理衛務上弭盜安民
六事帝嘉納時以五城玩愒命驥偕吏部選擇驥發其
奸弊畿甸肅然民大饑奪升斗爲旦夕計所司逮捕輒
論死驥曰此窮民可矜也獄上多末滅妖僧真惠以僞
書惑同類語多不道事覺株累數十百人驥謂當罪者
獨惠耳愚民何辜坐惠死餘悉遣戍邊衛卒告其隣人
傳習妖書冀誦發受賞驥斥之焚其書遣歸先是驥在
謫適寇入犯從總兵高陽伯李文禦之斬把禿王至是
論功進世爵指揮同知尋進指揮使歷都指揮僉事同
知帝察其忠實可任特勅兼理機務驥小心慎密不妄

明史分稿殘編上

五

振綺堂叢書

興一事亦未嘗輒遣旗校僚屬才可用任之不疑有功
率推諸官校多累階至顯官二十二年進都指揮使掌
衛事賜勅褒美賚予優渥得入侍經筵與宴郊祀賜蟒
衣時以爲榮驥雖受委任不爲勢利怵嘗奉命撻忤旨
者或奏驥用小 帝怒遣中使詰責驥具以實對卒不
易弘治四年卒於官遣官諭祭葬方天順中門達遠某
先後掌錦衣肆爲羅織汪直開西廠緝事益恣橫官旗
四出株連蔓引人惴惴不能自保驥掌衛二十餘年一
以靜鎮之老成寬厚推有明縉帥第一士大夫莫不賢
驥而歎于謙爲知人

王偉字子英長沙攸人隨父伯靈戍宣府宣宗西巡獻
安邊頌命補保安州學生員正統元年舉進士改翰林
院庶吉士授戶部主事甚有時譽己巳之變行監察御
史事練集民壯守廣平遷兵部職方司郎中上疏陳勤
政務專將權二事時疆圉多事文檄旁午偉遇事立應
少保于謙專任之引使佐已遂擢兵部右侍郎出行邊
具陳方畧有小田兒者降也先數導之入寇偉受謙密
策至陽和伏勇士執殺之給賊曰彼思親亡去矣自是
邊患稍息也先旣通好遣使納哈赤等三千餘人貢駝
馬四萬駐牧宣府命偉及孟鑑同經理之天順復辟石
亨等構謙死偉坐免官成化三年復召爲兵部右侍郎
五年以病乞歸至濟寧卒偉在職方實緣謙薦得擢用
偉亦深相結及爲侍郎嘗伺謙過誤密奏之帝以示謙
謙頓首引罪帝曰朕知卿勿憾也謙出偉迎問今日聖
諭何事謙笑曰吾有過子而言之未必不從向至於此
出疏示偉惶媿無地及再起貳兵部謙寬已得雪而亨
等所錄黨逆榜猶未除偉以爲言乃詔毀之

明史分稿殘編上

五

振綺堂叢書

太子少保刑部尚書贈少保諡莊敏林聰

林聰字季聰寧德人正統四年進士授刑科給事中亢直敢言彈擊無所避初劾光祿卿柰亨及太監王振家僮張伯通不法狀又劾總兵官孫鏗楊洪石亨景泰元年陞刑科都給事中歷吏科劾駙馬都尉石璟時司禮監金英家奴李慶殺人法司莫肯問聰劾英怙寵并論都御史陳鎰王文御史朱璵謝琚等畏勢長奸會內侍單增驕縱大臣有餽贈如王振時者聰率六科十三道盡暴其惡帝皆從之下錦衣逮治二年八月上皇將還議迎復禮有投匿名書者高穀以示廷臣王直曰此所謂禮失求諸野耳胡濙欲上聞王文止之聰疏言直濙皆股肱大臣不當私言齟齬大政詔按之千戶龔遂榮自首曰迎上皇禮本當厚遂榮投此帖冀感動無他腸甘死無悔乃下廷議或言也先遣使言和不可信即迎駕一車二馬足矣聰言上皇北狩與陛下迎鑿皆社稷綱常大計宜從厚無貽他日悔三年議易儲聰與御史朱英言不可然未敢爭尋命廷臣俱兼宮僚改右司直郎商輅曰言官不可無聰復爲吏科都給事中上疏言大寶入事又言修德弭災凡二十條帝嘉納之也先遣人來貢自稱田盛大可汗聰言也先弒逆即不治罪豈

明史分稱殘編上

五

振綺堂叢書

可遜詞厚禮與之通問今從所自稱則長賊志若仍故

號又恐激其怒請待之常禮賜勅來使庶國體不失亦可示威於外時不能從四年戶部侍郎張睿國子祭酒劉鉉並母喪奪情聰抗言侍郎六卿之亞祭酒師儒之宗忠孝大節所關請令遵例守制又劾吏部尚書何文淵刑部尚書俞士悅通政使李錫工部侍郎張敏諸大臣益多忌之王文以議迎復銜其異已嗾御史黃溥論聰挾持吏部錫選教官得善近地下詔獄文欲寘之死按致聰賂不得坐大臣專擅選法論當死胡濙曰大臣以私怨欲殺諫官不可拂衣出議亦旋罷濙歸稱病臥數日不朝帝遣太監興安問之對曰老臣本無病聞欲殺林聰故驚悸耳帝聞即釋聰左遷國子學正英宗復辟超陞右僉都御史賑饑山東又陞右副都御史捕江淮鹽賊田琮朱賢等天順五年曹欽反起大獄牽連多冤濫冒功者至割乞兒頭上功都人不敢夜出聰時掌院事力言其害欽妻父賀三以素與欽絕請宥之先是都御史力能制十三道遇事不言以悅權倖聰掌臺諸御史多所論劾當事厭之或以咎聰聰曰已不能言而復過人使不言非聰所能也七年以御史包瑛被誣下獄益死言官劾聰法度廢弛與李賓同下獄已而得釋

明史分稱殘編上

五

振綺堂叢書

成化二年江淮旱人相食命聰往撫聰言賑濟別無餘策請召賣兩淮沒官鹽引并淮揚舡鈔暫改收米截留漕粟數十萬石從之九載滿陞右都御史七年出撫大同尋致仕十年起掌南京都察院事十三年召入爲刑部尙書加太子少保與定西侯蔣瓌按事遼東馬文升暨御史強珍竟坐謫明年再疏乞致仕不許十八年卒贈少保諡莊敏聰恂恂和易遇事剛決知無不言直聲震一時晚更爲謙厚與物無忤或疑稍涉浮沈卒亦無少貶云

工部尙書贈太子少保諡文莊謝一夔

謝一夔字大韶新建人祖永亨避讐外家冒王氏父仁字得仁以字行薦授汀州經歷秩滿汀民數千人乞留擢推官以廉幹稱鄧茂七圍汀州率民兵擊走之官軍俘男婦三百餘盡誣爲賊仁白都指揮馬雄悉遣歸雄得汀人通賊姓名將斬以狗力請寬脅從焚其籍賊復寇寧化募義勇敗之於寧洋吳彥勝等七百人自拔來歸釋而用之誘擒賊黨鄧受楊受生等率眾趨常平以勞瘁卒在汀十八年吏民感之成化元年請於朝如廣東楊信民故事立祠祀焉一夔天資溫粹天順四年舉進士第一授翰林院修撰始奏請復姓謝與修英宗實錄憲宗御經筵爲日講官彗星犯天江一夔應詔陳言請正宮闈親大臣開言路慎刑獄戒妄費語多剴切皆人所不敢言士大夫翕然稱之時命儒臣纂宋元通鑑綱目一夔分修元史因廣推前待制王禕之論以泰定帝世祖長孫宜承大統燕帖木兒迎立明文冀圖富貴乃於燕帖木兒舉兵以謀逆書凡將兵附者以謀叛書於上都遣兵以討賊書一正修史之謬陞翰林院學士皇太子出閣充東宮講讀陞禮部右侍郎儀文制度悉加釐定前所未有者考據經史參以祖宗舊制二十二

年冬陞工部尚書嚴剔蠹弊謹出納罰逋匿斥工匠長
不得近擇廉司屬董之費出有經人無久役時帝信太
監梁芳大興土木至是復建大永昌寺已遣侍郎杜謙
督造當事以一夔嘗上疏戒妄費乃改命一夔代謙一
夔寢不樂以疾辭復不允恚憤而卒贈太子太保正德
中諡文莊生平篤於孝義成化時請假省墓立義學義
田義倉鄉閭德之初舉會試受知於尹直執禮甚謹直
與李汝省交通一夔不爲異然中實介然也主應天鄉
試得王鏊分校南宮復得羅倫皆爲名臣嘗至汀拜父
祠郡人以賢司理子競來謁無貴賤悉加禮接一時歎
其賢有泣下者

明史分編殘編上

三

振綺堂叢書

太子太傅工部尚書贈太保諡康懿徐貫

徐貫字原一涪安人幼明敏從姚夔受春秋登天順元
年進士授兵部職方司主事成化二年陞郎中武臣張
興求參邊閩夜懷金詣貫第貫拒卻之丁內艱服闋補
武庫尚書白圭知其才仍調職方時延綏連年用兵師
老財費河南山西諸省餽運勞苦貫議揀汰老弱以節
尤費黔國公沐琮請節制三司下部議貫以祖制有世
爵無世土黔國以元勳世守雲南不使節制三司自有
深意若從其請事權太重唐之藩鎮可鑒因具疏進詔
是之十一年陞福建右參政巡視海道民陳外保等以
通番繫獄數年貫察知其枉白巡按御史立釋之時建
寧指揮楊畢坐法當死遣中貴族其家連逮甚衆貫焚
其籍田地沒官者量爲定賦稅建民得無累外艱歸復
除福建參政分守延建汀邵四郡尋陞本省右布政使
閩中饑兼值大疫死者相枕籍貫出官廩賑貸復發帑
給樁瘞之以八郡徭役不均重爲民困覈人戶田糧多
寡斟酌乘除務使畫一人皆便之轉山東左布政使弘
治元年擢都察院右副都御史巡撫遼東時遼左法令
久弛反側跳盪患且不測貫始至劾參將佟昱不職黜
之鎮守總兵多役軍卒爲佃戶悉行禁革邊境以寧七

明史分編殘編上

三

振綺堂叢書

年召爲工部左侍郎蘇松游遭水患命往治貫講求水利以吳淞白茅港東臨大海西接昆承諸湖泛溢不常爲患尤鉅乃起帆歸浦至分莊七十餘里旁浚斜堰七浦塘諸水又開湖州澙涇常州百瀆洩西湖天目溧陽練湖諸水入於太湖開設諸斗門洩運河入於江慮費無所措議役其地卽用其地之人分地程工分工賦糧用粟二十八萬石役夫二十五萬不旬月告成人不知勞東南民至今賴之八年議城潮河川貫與兵部侍郎王宗彝巡撫屠勳相眎地勢以川口土浮脆城不便請增兵戍守九年遷本部尙書清寧宮災率侍郎史琳等

明史分稿殘編上

三 振綺堂叢書

上弭災六事帝嘉納之加太子少保十三年彗星見上疏乞致仕加太子太傅馳驛歸十五年卒贈太保諡康懿

南京吏部尙書諡文通錢溥

錢溥字原博華亭人正統四年進士試藝被露詩稱旨命教內侍書授翰林院檢討溥少有文名既擢第與巡撫周忱論便民條約復移書侍郎李秉論積荒召佃煎鹽水次倉四事景泰中陞左春坊左贊善寰宇通志成陞左諭德天順元年改尙寶寺少卿時以奪門功大臣多受賞溥言於兵部尙書陳汝言曰當時非皇太后手詔曹石安能提兵入禁宜以功歸太后上尊號爲當汝言入奏之卽舉行已知其出於溥特命陞侍讀學士賜二品服充東宮講讀官六年奉使安南國與禮部論移文不當與內臣同行禮又與內官論詔勅開讀先後至安南與王諭郊迎禮儀王辭屈悉從之瀕行贖以金不受王遣陪臣齎入奏乃以帝命受之時以爲得體八年下詔獄當溥教內侍書時所居與陳文鄰內侍多用事每來謁溥必邀文共飲太監王倫者嘗受學尋伴讀東宮至是帝大漸倫出謁溥文意必召已乃竟不召密遣人伺之倫言帝不豫東宮納親事如何溥曰當以遺詔行事及草詔李賢當秉筆文奪之曰已有草之者矣因言溥倫畫計將退賢進溥罷兵部尙書馬昂以韓雍代之賢怒以聞遂下溥獄尋釋之謫廣東順德縣知縣溥

明史分稿殘編上

三 長壽堂叢書

文不當與內臣同行禮又與內官論詔勅開讀先後至安南與王諭郊迎禮儀王辭屈悉從之瀕行贖以金不受王遣陪臣齎入奏乃以帝命受之時以爲得體八年下詔獄當溥教內侍書時所居與陳文鄰內侍多用事每來謁溥必邀文共飲太監王倫者嘗受學尋伴讀東宮至是帝大漸倫出謁溥文意必召已乃竟不召密遣人伺之倫言帝不豫東宮納親事如何溥曰當以遺詔行事及草詔李賢當秉筆文奪之曰已有草之者矣因言溥倫畫計將退賢進溥罷兵部尙書馬昂以韓雍代之賢怒以聞遂下溥獄尋釋之謫廣東順德縣知縣溥

至釋繫囚撫流民成化二年復故官閒任九年起掌南京翰林院事秩滿赴京擢南京吏部左侍郎十五年入賀聖節因乞歸命以本部尙書致仕弘治元年卒年八十一賜諡文通溥前後五典文衡文章贍蔚至老猶不衰四方求請者相屬尤善交際無貴賤皆得其歡心人尤傾慕之

南京戶部尙書陳翼

陳翼字仲霄虹縣人幼有異質父鑑指語人曰吾家世農也人知吾種穀不知吾種德其在此兒乎正統元年舉進士授行在戶部主事也先寇邊王師北征公私無宿儲命往永平諸郡備芻糧百萬還奏稱旨復出內帑金數萬兩命糴粟遼東實邊廩事竣陞郎中督漕江西先是歲賦俱軍運時方用武始更以民有司趣辦嚴急翼至日賦無後期足矣奚亟爲乃案行郡邑得其富厚者令具舟分漕且諭之曰此一時權宜師還毋爾勞也衆皆樂從景泰初條上崇孝敬錄忠義備財用清賦罰申舊典禮羣臣六事未報以父喪乞歸督撫交章留之帝命翼卒事翼已疾馳歸里矣聞命復往督漕抵京師乃歸終喪會帝諭羣臣舉才堪方牧者卽家拜山西右布政使乘傳往問民疾苦奏蠲逋粟十餘萬石民恃五臺山木爲利至是禁民採取翼弛其令雁門關旣設立守禦復役民戍悉釋遣之使歸農暇日築忻州城除道通平西嶺又增修陽曲諸廟學人不知勞英宗復辟召還拜都察院右副都御史巡撫寧夏時西邊連歲用兵民重困翼拊循之籍貧民計口給食免逋租雜稅之累里正者孔廟祀典以歲儉止行釋菜翼謂餘祭皆存丁

祭獨革非聖朝尊崇先師之典且化導邊氓爲利實博
奏復如舊制索來入寇邊將輒失利翼移檄諸郡固城
堡繕器械募材勇士爲土兵參以官軍守之七年陞南
京戶部左侍郎成化元年總督京儲及屯田諸務奉命
祭舉僚屬奏劾不職者數輩倉庾壞例取軍役修復兩
公府餘羨雖積不敢用翼歎曰糜有用之物困無告
之民吾不忍也卽日以便宜從事復因災異上郵民力
錄囚徒裁省鹽糧俸鈔三事丁繼母憂賜葬祭旋命起
復翼懇乞終制陞南京戶部尙書總督如故翼感恩遇
雖精力向衰力疾治事八年卒於官爲人嚴毅有風概
自爲郎署人已憚其剛直及出更藩鎮入長臺省年德
益茂後進以得接納爲幸而下吏趨走聽令無敢仰視
者

明史分編殘編上

三

振綺堂叢書

南京戶部尙書贈太子少保諡襄敏黃鎬

黃鎬字叔高侯官人正統十年進士授監察御史景泰
元年巡按貴州時麓川蠻反詔尙書王驥總兵官張軌
征之未能定貴州道梗鎬率精銳轉戰至平越府會官
軍爲賊襲敗驥退屯辰沅賊益熾各郡縣皆被困遂圍
平越議者以城小無積聚欲棄之鎬獨持不可曰平越
貴州咽喉無平越是無貴也集城中軍民并檄撫苗共
守之賊晝夜督攻食且盡至掘草根爲糧官軍逃亾者
九千餘人鎬奏平越被圍久靖遠伯王驥逗留不進請
勅驥早進兵解孤城之危廷議驥老病命保定伯梁瑄

明史分編殘編上

三

振綺堂叢書

代之侍郎侯璉總督軍務五月右副總兵田禮兵克隴
聳關至令溪舖賊迎戰大敗之長驅抵平越賊遁焚其
寨百餘圍始解當是時畢節赤水永寧普寺等衛及各
千戶所城堡皆爲賊破白羅羅土獠等蠻又乘間蜂起
道路阻絕兵少糧缺鎬前後在圍城凡九月不少懈奏
請湖廣四川雲南秋糧就近輸運濟軍需又請召商開
市劾奏左參議王昇觀望并都指揮張任傅綱諸不法
狀帝命鎬鞫之三年使還湖湘蠻復叛命大臣戡定鎬
監其軍湖湘平遷廣東僉事天順三年改浙江復以爲
廣東左參政高雷廉三郡負海風多盜悉破滅之鎬按

貴州時年甫三十本起諸生未嘗習軍旅及當萃蠻蠻
制勝伐謀屢著戰績朝議錫可大用然秩未酬功時論
惜之錫歷官副都御史南京戶部尚書以疾乞休賜璽
書馳傳歸卒於途贈太子少保諡襄敏

南京工部尚書贈太子少傅諡莊懿胡拱辰

胡拱辰字其之涇安人正統四年進士授彰縣知縣有
惠政擢福建道御史上疏陳八事皆切中時弊以父喪
歸英宗北陷兩遣使蔣文等奪情起復凡四上章請復
天體安宗社及選將保邦修德弭災諸務景帝嘉納之
陞貴州左參政土官宣慰安隴富驕橫拱辰遣王遜往
諭之開示禍福隴富感服率兵捕獻諸梗逆金雞劄佐
等驛復通成化元年陞廣西右布政兩廣猺作亂所在
煽動三司皆戴罪守官朝命都御史韓雍討之拱辰閱
視紀功率諸軍深入卒平大藤峽陞南京都察院右副
都御史提督操江十一年改南京兵部侍郎時儲位尙
虛拱辰率諸大臣上疏乞早定國本陞南京工部尚書
留都議修宮殿費五十一萬有奇拱辰言江南旱澇相
繼民力弗堪請核減又朝陽門外桐樓漆三園各設百
戶及護軍百人每歲復別取工匠開採供具糜費拱辰
請責各園軍充之奏增虞衡營膳主事各一人部無廢
事兩上疏乞休許之家居清苦御史上其貧薄詔給與
廩正德元年拱辰壽九十遣行人王奎存問三年卒貧
不能殮賻助皆出有司知府孟春以告巡按御史史鑑
鑑聞於朝贈太子少傅諡莊懿

禮部右侍郎邢讓

邢讓字遜之襄陵人正統十三年進士改庶吉士授翰林院檢討景泰元年也先遣使講和議奉上皇還京帝以賊多詐及回使不及迎復事廷臣交章請帝命俟楊善回再議讓上疏略曰近李實自瓦剌回也來遣使同來以前次勅書未述迎復上皇之意羣臣皆謂可行封章連上陛下不許豈不以賊情變詐未足言與如以為不足信則前此已不必遣人講和矣且我之所以和者為上皇也不迎上皇而與之和將安圖也夫天下之事成敗勢也君子於事不必其皆成惟為所當為而已彼

明史分編殘編上

聖

振綺堂叢書

賊情變詐誠不可信陛下於迎復之事則在所當為何也上皇之於陛下君也兄也臣知陛下篤君兄之恩必欲迎歸然於此時而不圖臣恐切中賊計藉我為詞假大義以為寇臣未敢必其孰為曲直也如從羣臣之請仍遣李實齎勅以往勅內備述迎復之意則上皇之回否雖未可必而陛下篤君親之義必昭然於天下矣臣又聞兵家以理之曲直為師之壯老我迎而彼不許其曲在彼矣由是而興問罪之師不亦善乎疏人得旨避之議雖不行當時服其剴切英宗復辟與修大明一統志八年居父憂奪情起復陞修撰纂修實錄成化二年

陞國子監祭酒讓欲聲譽出前人上創立勅諭學規諸碑修國子監通志課諸生誦小學及諸經痛懲謁告之弊人以是稱之五年陞禮部右侍郎七年下詔獄先是國子監例有師生會饌錢相沿日久讓取以新學舍碑刻諸費不籍記又不文移有司遂為典簿王允所私陳鑑代讓亦不察核至是給事中邱弘等言之掌助教事檢討葉時復許允下刑部請逮讓鑑置對不許言官交章論劾遂建議及鑑司業張業坐監守自盜論死讓獄中上書言學士萬安李泰素有隙故倡此而邱弘承風奏劾且宣言怖刑部使傳致臣帝命會官雜治國子生盧楷奮曰邢公勵學校不私一錢今被誣吾儕弟子義不可不揀生徒楊守阯等百餘人詣闕請代下法司議得免死贖為民九年卒年僅四十五讓剛直負才氣書法清勁敏於文藝然強忍狹中有所輕重人輒形辭色銳意師道而忌者軋之卒得禍楷東陽人舉鄉試第一能文章早卒守阯後官至布政使

明史分編殘編上

聖

振綺堂叢書

太常寺少卿贈禮部左侍郎諡文介劉儼

劉儼字宣化吉水人幼端介好古力學二十餘中永樂開鄉試下第歸潛心學業凡二十六年正統七年舉進士第一人授翰林修撰十二年選講讀以下官十人入東閣掌制誥儼與焉八年與修五倫書景泰三年遷左春坊大學士修君鑑寰宇通志及宋元通鑑綱目陞太常寺少卿兼侍讀學士七年與編修黃諫主考順天鄉試內閣陳循子瑛王文子倫就畿試以屬儼儼不爲地皆不得舉循等論奏儼閱文不明取士徇私許監試御史林鶚同邑林挺亦在中列會譯字官劉滔卷注翰林

明史分稿殘編上

卷

張綺堂叢書

院考中送入貢院比發榜竟落滔名因劾儼違制且摘試題雖欲自絕并策問有無正統語激帝怒請如洪武中罪劉三吾等例重開科考試於是六科給事中張寧等交章論循文壞法營私失大臣體請逮問如律帝曲宥之命翰林院覆閱諸得舉者高穀懼儼等禍且不測因奏事召至榻前力言二臣子文亦可觀願解有定額儼等本無罪且曰大臣子與寒士並進已不可況又不安於命欲構考官可乎由是儼等得釋而瑛倫特旨賜舉人許赴會試王文復疏辨帝不喜曰敢再言者以大臣擅法論乃已明年裕陵復辟循文得罪二子竟不得

與試儼卒特贈禮部左侍郎諡文介儼性剛直取子不苟居喪哀毀族人貧者爲喪葬婚娶仿范仲淹立義田嗣左人有貸輒焚其券立朝侃侃不爲勢利屈爲文春容典雅以古學名於時

明史分稿殘編上

卷

張綺堂叢書

右都御史贈太子少保諡襄敏鄧廷瓚 廣西按察使

吳倬

鄧廷瓚字宗器巴陵人景泰五年進士授涇安知縣平易廉明不拘小節處吏民如家人父子終九載無知者故兵部尚書張鵬時以都御史巡撫廣西獨知其才薦知梧州府會丁母憂不果成化五年起陞太僕寺丞貴州新設程番府在萬山中彝獠雜聚難治以廷瓚知府事悉心規畫凡城郭街衢學宮廡舍以次興建榜諭諸蠻使受約束政令公平苗民化之墾田不踰界入市不二價四境晏然舉治行異等時方久任九載始擢山東

明史分稿殘編上

聖

振綺堂叢書

參政提督農田水利弘治元年擢本司左布政使明年貴州缺巡撫朝議以廷瓚諳土俗拜右副都御史往填撫之以母憂歸四年貴州黑苗也富架子富等僭號都順王據萊蘭犁田和壁諸峒日益猖獗帝遣鎮遠侯顧溥會四省兵討之勅廷瓚提督軍務尋改巡撫廷瓚初至計遣人撫之不從始決策征勦以兵備吳倬等分兵並進敗之於楊安河斬首六千級生獲二千餘口禽賊首順天王等械赴京悉斬於市寇既平廷瓚上奏都勻清平舊設二衛所屬九長官司其人世祿驕縱侵田奪貨逞欲無厭已四十餘年軍疲於戍守民困於轉輸其

里不可勝言今幸削除非大更張不足安邊境陳善後

十一事下兵部議行始置都勻府一獨山麻哈州二清平縣一更設流官土官兼治七年進右都御史尋召還掌南京都察院事兩廣自成化初都御史韓雍平寇後開府梧州率以才望憲臣總督軍務兼巡撫九年閔珪入為南刑部尚書詔廷瓚總督兩廣廷瓚生平不瑣瑣細故至是益以安靜為治屬吏賢者輒舉薦以勵其餘或不職特去一二太甚者奏除諸冗員曰祿俸出於民無徒費也願羣蠻以劫掠為常往往出沒閩楚諸郡廷贊上言都御史金澤巡撫偏方非宜須以江西一省付

明史分稿殘編上

聖

振綺堂叢書

之使二司並聽節制庶可調度軍餉其湖廣衡州兵備遷治郴州為便又以廣東瀧水為賊巢宜卽其地設千戶所調遣新軍守禦仍給地屯種為久計奏上悉從之廷瓚於羣蠻結以恩信兵不輕出出則成功鬱林州雲鹽大柱諸種作亂皆以次蕩平十一年四會諸縣大饑盜竊發勢益熾廷瓚遣兵禽斬首惡李景光覃傑及其黨二百餘人餘悉解散十三年春復召掌南京都察院未行以疾卒贈太子少保諡襄敏廷瓚廉幹任事施設動中機宜黔人德之與倬並祀諸葛武侯祠

吳倬字克大涇安人成化十一年進士授南京刑部主

事出爲貴州按察司僉事貴多軍衛生徒無廩餼亦無
站軍額糧俸始設學田請給軍糧月三斗改建新添衛
學通關索嶺道路修舉廢墜務求民便程番盜起守臣
遜倬曰此可撫也單車諭降之都勻地險夷獠跳梁且
百年屢征不克弘治三年巡撫鄧廷贊薦倬才擢都勻
兵備副使朝命鎮遠侯及廷贊討黑苗也富等倬上方
略且請引兵先會歲暮微服閒行至賊所賊假商賈買
於場遂獲其魁殲數百人於是先驅深入敗之於楊安
河分兵襲答干禽賊首順天王等斬首八十六級進克
雞腸圍定等寨賊圍湖廣雲南兵於合江州復率師援

明史分稿殘編上

卷七

振綺堂叢書

之賊解圍走時倬威名大著聞其至望風奔潰逃溺死
者過半菜蘭諸洞悉下招附平麻六洞九名九姓等熟
苗廷贊上倬功第一得旨進二級七年陞雲南按察使
以父喪歸服闋補廣西十四年入覲卒於興安驛

右副都御史陳泰

陳泰字吉亨光澤人永樂癸卯舉鄉試第一宣德中除
安慶府學訓導正統二年廷臣交章薦其賢擢江西道
監察御史奉命按貴州時都指揮宮聚素桀驁聞泰至
斂戢不敢肆大軍征麓川歲取土兵二千爲鄉導戰失
利輒殺土兵冒功泰奏罷之越數月召還調陝西道復
巡按山西會南北畿旱澇相仍詔求直言泰言洪範庶
徵皆由人事乞罷大臣不法者以回天意於是都御史
陳智侍郎李庸祭酒貝泰等皆罷去奏劾山西藩臬及
州縣官之貪殘者悉置之法明年復被命山東巡按泰
以奉職多匪人上疏數千言大要以選賢去奸爲治本
帝嘉納之擢四川按察使不踰年蜀大治都御史寇深
忌其才名嗾所私參議誣泰杖殺人下刑部獄久之得
白復故官十四年也先入寇命協同諸將守紫荆關巡
視沿邊諸寨景泰元年陞大理寺右少卿守備白羊口
轉右僉都御史鎮易州節制紫荆倒馬各關及沿河關
口三十六處泰區畫戡守賊知有備引去考察大名廣
平順德河間諸府衛官吏去留咸當三上章辭位不許
五年陞左僉都御史疏理徐州呂梁二洪浚臨清濟寧
諸河道七年巡撫蘇松常鎮暨嘉湖諸大郡泰蒞下嚴

明史分稿殘編上

卷七

振綺堂叢書

而不苛政清明吏不能上下其手天順改元御史沈固言六部尙書都御史添設多員請行裁汰從之泰左遷廣東按察司副使連丁父母憂服闋復左僉都御史巡撫四川蜀中老穉稔秦名聞其至競相告曰陳憲使復來矣州郡望風解組者數十人蒲江賊悟眞等聚眾據岳池官軍追之流劫榮昌遂寧等縣泰調松潘兵勦平之八年陞右副都御史巡撫淮揚諸處兼督漕運成化元年力辭歸家居五年卒泰操履清白有才力爲御史時以搏擊得名所至風規稜峻威名著吳蜀間

右副都御史朱鑑 陳福附

朱鑑字用明晉江人舉永樂中鄉試授蒲圻教諭宣德初擢監察御史巡撫湖廣時梅花峒賊蕭啟寧等久勦無功鑑諭降之請復舊制命副使僉事按行所屬察吏民正統初復按廣東馳諭欽州叛民黃金廣等散其眾明年代還帝命勦衛官習兵法臣鑑請書擇御史董之臺議推鑑乃奏設武學著爲令七年陞山西布政司左參政進右布政使帝北轅景帝監國擢右副都御史巡撫鑑上疏言聖駕被留古今異變夫千金之子坐不垂堂是何奸邪竊弄至此夫既往難追將來宜謹今也先

奸詭百端剽掠殺戮動數十萬復假託和親往來遣使一則覘我虛實一則通我降人蓋假送駕爲由則必開關延接稍示抗拒彼卽有辭請選將練卒假以事權監軍中貴悉行停止重振散漫之兵廣募壯勇之士罄奸邪之積發太倉之陳給賞我軍勝餽外寇重懸賞格用勸庸功於是合力復讐大駕可還殘寇自退如也先欲送駕結好實固未爲可喜虛則愈宜加防務令斂眾減兵方許送駕仍令驍將謹備不可委任奸邪專權用事曩者江南寇亂皆以誅王振爲名事歸朝廷則治歸宦官則亂自秦漢唐宋以來喪位失國未有不由此者昔

太祖皇帝與羣臣議事必屏去左右恐洩事機伏望念祖宗開創之勞將相披臥之苦選智勇託忠義開直諫之路杜權倖之門凡軍國重務與大臣議行事必有濟苟或仍用奸邪竊持國柄外寇不至內讐必生臣聞權臣在內功必難成然君父之讐不共戴天豈敢顧惜身家倘念臣愚忠早革內侍之班再造中興之業庶雪前恥以圖後功臣卽瞑目見先帝於地下矣太后讀其疏至於泣下帝卽位首劾通事指揮李讓潛通瓦剌罪十月與都督孫安巡邊也先入犯堅壁清野待之請調天城陽和軍守振武衛增置通刺諸巡撫帝悉從之景泰

明史分稿殘編上

至

振綺堂藏書

元年移鎮雁門復兼領山西賊入河曲義井殺指揮劉受各關無赴援者鑑以地遠汎廣請分委策應乃以河曲保德岢嵐屬偏頭關寧化靜樂等縣屬山西巡撫五臺繁峙崞縣屬雁門各相援救奏增太原平陽通判澤潞遼沁汾州判官各一人督操民壯尚書于謙覆奏如鑑議會遣大臣案行天下察官吏禮部侍郎鄒幹至山西多所論劾鑑言考察官至民間刁許日甚有司不敢責通賊請召幹還幹疏辨因論鑑保舉狗護帝是幹言召鑑佐院事因乞致仕不許再請許之天順初請都表賀命遣歸成化十四年卒先是寇逼雁門鑑遣兵禦之

麾下壯士陳福躍入陣逐北數十里明年戰代州賊圍之數重矢下如雨福殊死戰潰圍出賊爲歛卻福莆田人慷慨誓滅賊病不解甲擊賊歸血汗沾背力竭病渴數日死年三十六

明史分稿殘編上

至

振綺堂藏書

右副都御史夏堦 子南京大理寺評事夏鏞

夏堦字宗成天台人景泰二年進士授廣東道監察御史巡撫廣西福建江西皆以除貪戢盜名在江西劾罷中官葉遠天順六年擢廣東按察使時兩廣用兵守城兵不足取之民堦曰誰無父母妻子願使舍其親以扞人悉遣歸民皆感泣曰夏公活我也堦復上疏猛獞之亂脅民爲賊進則驅以當矢石退則殺之今用兵不已供費日增恐外患未除內變先作請慎選府州縣官撫綏招致俾見在之民懷恩固守被脅之衆聞風來歸又擇方面官總之力分則事專勢親則人附兩廣藥石端

明史分稿殘編上

卷三 振綺堂叢書

在於此帝是之都御史韓雍等既破賊凱還修具爲燕樂堦徐進曰師以爲民乃病民可乎雍改容謝成化初陞布政使已徙江西未久遂擢右副都御史巡撫四川通苗獠多劇盜堦立互知會捕法賊皆斂戢古州苗萬數徙居爛土人有讐播州宣慰者誣爲賊導議逐之堦亟奏曰馭蠻如虎狼靜則置之使不疑動則羈馭勿令爲患今方靜奈何動之事得寢松茂請益兵堦謂將不在兵兵不在衆以精銳四千八百人更戍一無所增條上嚴責成慎舉錯防變任人重將權設官濫等六事皆撫馭大計尋引疾歸生平剛潔未嘗詘意於人人亦

不得干以私好讀書職務填委不少廢閒爲古文辭尤工於詩

夏鏞字德樹堦之子成化二十三年舉進士時李孜省亂政不欲仕上書乞就近府教職吏部尙書王恕惜其才不與弘治初庶吉士鄒智進士李文祥御史湯鼐給事中方向中書舍人吉人各上疏言時政論劾大學士萬安劉吉尹直太監蔣琮等以直節相標榜御史魏璋希吉意劾湯鼐逮錦衣獄解連鄒智等鏞適謁選抗疏論揀言文祥等皆以言得罪失言官無流竄之加不足彰其譽有謫徙之苦乃愈見其難罪愈重名愈高但非

明史分稿殘編上

卷三 振綺堂叢書

人主之福耳惟聖主優容之則言者無禍亦無名名固歸於人主矣因極論劉吉等壅蔽言路吉大怒亦矯旨下詔獄尋釋之遂謝病歸家居十年始起赴選時火篩入寇廷議急征勦錄獨以寇患雖可憂而蕭牆隱禍尤切復上疏陳自家抵都數千里聞百姓流離賦役煩苦勢豪橫害與有司不能鎮撫歷敘其饑饉流亾之狀且引宋太祖燈宴爲戒乞移見在之宥費助軍需勿取已困之民財充妄用疏入不報尋授南京大理寺評事守備太監違禁受民詞疏請奪其權復不報乃請假終養嘉靖初詔起用以老辭年八十餘卒初父堦撫四川時

鐵方弱冠卽爲詩以盈滿諷堦欣然解組歸五年而歿
鐵雅不欲乞卹典恩命下襄事已畢鐵取以供祭祀餘
悉散貧族當是時堦父子皆以清節直行著於東南

御史練綱

練綱字從道長洲人嗜學通春秋宣德間舉鄉試入國
子監歷事都察院正統十四年英宗北狩郕王總國政
人心洶洶雖大臣臺諫莫敢昌言時事綱奮激上中興
入策大要謂中興與創業無異因敗爲成轉禍爲福在
君心一轉移間也先逼京城復上勤王急務謂賊不道
非直邀留大駕索金帛蓋將效金人以汴宋愚我也國
家輿圖之廣倉廩甲兵固非宋比然求其人如神師道
李綱亦未多見所倚爲安危者于謙石亨耳宜令堅守
中軍遣將分兵接戰俟其深入乃奮擊之仍勅各邊將
勒兵內向邀其歸路擇宗室親王忠孝著聞者同鎮巡
官募義士入援文武羣臣敢主和及倡議南遷卽爲奸
臣立誅之勿留誤國分遣部院官固守九門調陝西土
番兵入衛疏入帝嘉納之擢浙江道御史景泰改元上
時政五事明年巡視兩淮鹽務劾駙馬都尉趙輝權貴
中鹽者爲之斂戢綱以漕舟由江陰夏港孟瀆河入江
抵瓜洲往往失利請浚常州南新河泰興北新河及江
都白塔諸水參差相對橫渡較近又以立開開河工費
繁浩請借商舟財力商苦久候必樂從下廷議行之時
宣府都督紀廣與巡撫李秉互訐命綱往察還奏以細

故請勿問詔求直言率諸御史陳儲邊恤軍選將等入
事復以吏部違制舉用有過監司楊珏李頤等因言何
自學張清輩皆被黜得陞言官非不論劾然直言觸忌
盡以言爲諱寧負皇上不敢犯大臣今吏部復專權鬻
爵臣等不言何由知其弊請下尙書何文淵侍郎項文
曜於法司并治王直俞山失察罪帝是其言姑宥文淵
等明年命廷臣舉可任吏部者綱言左都御史王翱嚴
公峭直右副都御史年富操履端方大理寺卿薛瑄守
正不同三人者擇而用之可稱任使於是召翱爲吏部
尙書而以富爲戶部瑄亦相繼柄用先是京師戒嚴召

明史分稿殘編上

卷

振綺堂叢書

募四方丁壯隸勇敢營歲久多逃大臣請治其罪編之
尺籍綱言召募初皆激以忠義許事定遣還今日久未
沾恩資飢寒迫身勢必逃避皇上好生何忍使無辜之
民名編尺籍刑賞失中恐生他虞且邊方需人正殷倘
更召募誰復應之詔不問得歸復業者數千人帝嘗以
綱協贊延緩軍務綱自陳名輕責重乞領都御史鎮服
人心帝不許并寢其命五年巡按福建時官臺山民聚
爲盜渠魁逸而脅從逮繫繫綱悉釋之趣師勦捕且
罪逸渠魁者於是與諸司忤而按察使楊珏故爲綱所
論乃以綱縱盜聞當道亦多忌之遂謫陝西邠州判官

再徙甘州前衛經歷父喪歸遂不復出葺舊業尹山之
陽奉先賢范仲淹文天祥像其中語人曰吾自分得用
於時當學范公否則爲文公死耳今兩失之奉遺像以
見吾志綱性剛鯁嫉惡有不可必面折之遇事敢言臺
中爲之語曰歐寧手練綱口

明史分稿殘編上

卷

振綺堂叢書

南京光祿寺卿蔚能

蔚能陝西朝邑人以吏進授光祿寺典簿性勤慎盡心職守正統中歷本寺丞景泰元年陞少卿凡大祭祀宮膳節筵及犒四裔貢使降人辨名物量出入察其豐約美惡親視而品別之稍不腆召所司飭責太官無虛事三年陞本寺卿時國家多事軍興每苦缺乏能以遞年所造粟炒數多請準給官軍俸餉又以瓦刺使將至牲醴不足請停內官吉祥等及國師佛子禪師酒醴以資供用從之天順元年陞禮部右侍郎掌寺事大烹內門大言者以罪能等詔勿問十二月以中官鬻月進食器

明史分編卷之七

五

振綺堂叢書

率同列上疏請察核帝怒下詔獄詰所由能謂少卿屬鏞劉連等曰上怒不可測吾老矣諸公方駸駸向用不相累也卒獨受責降南京光祿寺卿無後言能既去任所用多科貢士自居清流不屑親細務任廚傳侵冒饌具粗惡爲外裔所笑又增造龍鳳審器不復恤國用於是都御史年富奏物料歲增請治諸卿貳侵尅罪士大夫以是益賢之成化二年卒有明之世以吏起家者尙書張度徐輝李友直滕德懋徐晞李質萬祺侍郎李信王春劉敏王詔大理卿汪懋楊時習參政平思忠皆躋顯仕況鍾熊尙初賈信仕至知府有政聲而香河人奈

亨歷光祿卿加戶部左侍郎與能同然亨黨王振得職爲言官論罷能在職三十餘年始終勤慎獨以賢能稱

明史分編卷之七

本

振綺堂叢書

江西按察使趙啟

趙啟字叔成武進人景泰五年進士授江西道御史天順中以言事請介休知縣尋復職成化元年赦故尙書于謙子冕等還原籍啟謂謙功在社稷寃未得白因陳新吹首言謙爲石亨曹吉祥誣陷列其罪榜示天下不一二年亨等皆誅死今陳循俞士悅等已蒙恩宥惟是正統十四年寇逼京城賴謙保固其功不小乞收回前榜特從褒卹以慰孤忠於是復謙官遣行人致祭冕得還府軍千戶又言張鵬楊瑄天順初論亨請戍業蒙召用郎中吳節御史葉淇等先後進言皆爲所搆均應查

明史分稿殘編上

李

振綺堂叢書

錄死者贈官生者復職悉從之巡按河南湖廣多所建白最後按江西首發策試士詢民利病江右饑疏請留兌軍米發布政司六十州縣倉上納以備賑採各衛所運軍際凶荒宜暫休息歲徵戶口鹽鈔多奸胥里甲苛索貧民鬻子女畜產不能償今愈無措勢必流移請通行蠲免又言府州縣官徵糧責役分理爭訟不得不結怨於民朝廷設風憲原期激揚清濁江西素刁訟有司稍不如意輒飾詞控害風憲官忠厚正大或能察賢否爲行止其用意深刻者張威干譽不復顧惜人才概從逮繫甚且刁民潛匿被告久稽害民殊甚誠恐此做不

止江西請勅巡按御史按察使行部所至務覈虛實不得輕信斥辱帝從其言於是吏無混淆訟訐稍息其通達識治體類如此秩滿當代戶部尙書馬昂以江西游饑勅致留賑士民復上章請留乃以爲按察使啟在江西久習利弊得士民心至是益勤於職條上息刁風禁撫拾定比附恤矜疑明詳擬分輕重六事下法司議行吏民畏愛然執法徑情頗不便於豪右十四年入覲遂註下考啟與福建布政使鍾清浙江按察使劉鈞皆清慎正直爲時所稱並坐黜士論惜焉或曰尹旻爲之時浙江布政張清亦廉謹被劾清巴人宣德五年進士授戶部主事歷布政奉職清苦非客至不御酒肉入號爲菜張以執法嚴又呼板張浙俗素侈一教以節儉同僚多不堪竟致以老疾去

明史分稿殘編上

李

振綺堂叢書

湖廣副使彭琉

彭琉字毓敬安福人幼聰敏有志操永樂十六年舉進士觀政都察院時初建京營大臣薦琉才命董其事令行無後期者吏受賕立置於法夫道亾者當械琉以誠感之曰能自首勿辜於是首者十人而九溧水人虞真以才力自雄數梗法琉列其狀仍諭之曰若所以安於豐產者朝廷賜也顧不知報耶真媿服自是無敢梗明年以山東夫役緩於運木復委琉督視令甚嚴切衆危之琉如期而還侍郎李友直嘉其能爲之延譽名益著明年冬授政和知縣御史李宥時巡銀場惡琉禁其家人奸利乃文致以罪坐枉道還家爲民洪熙元年以薦授臨清教諭造士有程法諸生莫不感奮前後五典文衡楊士奇高其學行薦爲翰林院編修琉曰是職非易稱也益勵學雖窮匱不恤預修五倫書及宣廟實錄正統初簡儒臣學行淳正者十三人授憲職提督天下學校琉陞廣東按察司僉事比至峻規條嚴考課開導諸生務先德行後文藝增修黌舍二千餘閒書籍殘缺者刻而傳之嶺南士風爲之一變復兼督農桑黜陟官吏皆奉法不撓秩滿陞山西按察司副使仍理學事景泰初能提學改任湖廣奉勅贊理廣西軍務踰年引疾致

明史分稿彙編上

卷

振綺堂叢書

仕天順二年忽疾作不能言昇至中堂秉筆作書有曰丙不見己外不見人又曰保躬全歸始終不移書畢而卒生平寡嗜慾甘勞苦居官泊然如布素勤於職務動以古人自處廉名直節雖老不衰所著有備忘錄慎菴等集

明史分稿彙編上

卷

振綺堂叢書

武靖伯追封容國公諡恭肅趙輔

趙輔鳳陽人梁國武桓公德勝從孫也父本字宗立未生而孤既長襲任邳州衛指揮使督造海舟創新闢以才能稱於戎事尤練習從太宗入金陵四征沙漠又從宣宗討漢庶人皆以功受賞陞山東都指揮僉事齊魯饑朝議停支屯卒月糧本爭曰支尙苦不給不支則轉滿壑矣發廩給如故吏持不可本曰有罪我當之因以

明史分編卷上

奎

振綺堂叢書

上聞卒如請全活甚眾未幾卒輔嗣爲濟寧左衛指揮使正統十四年也先內犯景帝命廷臣舉將材吏部尙書王直平江伯陳豫各薦輔才行志略召署都指揮僉事管京營景泰元年禦寇有功予實授充左參將出居庸關守備懷來天順初召還陞都督同知掌右軍事與趙榮董造南內宮殿又與翁世資督運木植於徐州工成賜白金綵幣成化元年上戰車制是年兩廣蠻作亂巡撫不能討三司皆戴罪守官兵部尙書王竑薦韓雍總軍務而諸將中惟輔勇略可任乃以爲征彝將軍發兩京江西湖廣兵討之輔知雍才軍事悉聽雍督率諸軍克修仁荔浦至尋州遣都督歐信等分道四面環攻大軍營高振嶺身自督戰至大藤峽焚其巢賊大潰敗擒侯大狗等賊平封武靖伯食祿千二百石子世襲未

幾餘賊復相聚爲盜巡按御史端宏奏輔等破峽有功然妄言賊息民安罪亦當罰輔上疏自陳并請率兵圖效詔止之命雍撫定殘寇三年五月佩靖鹵將軍印率五萬騎會朝鮮兵討建州都御史李秉總軍務六月輔奏賊東行請嚴備修戰事十月從撫順關出塞分左右掖躡其境大破之復縱兵深入先後擒斬及俘賊屬二千餘奪還所掠人畜械器無算賊首李滿住董山等皆伏誅明年論功進流侯輔自起偏裨至大將兩平劇寇皆以材勇爲時所稱大藤之役機宜悉出韓雍而輔推誠善下及討建州復與李秉同心協力故所向輒有功

明史分編卷上

奎

振綺堂叢書

八年虜加思蘭出沒河套廷議大發兵勦之尙書白圭請遣威望武臣爲總兵乃復命輔偕右都御史王越刻期大舉輔越議還兵守邊圖進取爲言官所劾十一月以疾召還寧晉伯劉聚代之十年輔辭流侯乞世伯帝以輔功與世伯誥券減祿二百石二十二年卒追封容國公諡恭肅子承慶嗣承慶卒子弘澤嗣弘澤卒子世爵嗣世爵卒子國斌嗣國斌卒子光遠嗣

右都督諡武僖周玉

周玉字廷璧其先滁人高祖庇哥洪武初從定天下有戰功隸籍永平衛曾祖禮始以功爲宣府前衛正千戶父賢有勇略善戰積功凡七遷至後軍都督府僉事充右參將守獨石天順二年寇犯延綏召賢帥師往援與賊戰多斬獲三年正月朔哨賊野馬澗爲流矢所中死贈都督同知玉時甫弱冠痛父歿王事感憤誓滅賊授萬全都司都指揮同知督屯田葉盛爲巡撫首薦掌都司事玉益勤於職明習吏事成化元年威寧伯王越總諸道兵復薦玉廉明謀勇乃以爲游擊將軍領奇兵是

明史分編卷編上

卷七

振綺堂叢書

歲援延綏斬獲甚衆九年春寇逼漫天嶺率所部拒之斬首七十餘級獲馳馬器仗以萬計論功進都指揮使時賊雖挫劬然尙據河套爲巢穴議潛兵搗之諸將相顧莫肯任玉慷慨請往與都督許寧率輕騎直趨紅鹽池擒斬三百五十餘人焚其巢俘獲無算陞署都督僉事十年秋援宣府西路戰於馬營齊家溝再戰赤城所向皆捷明年遂充副總兵鎮宣府十三年佩鎮朔將軍印留鎮謀報賊數窺邊玉計大創之率兵出青邊口至紅崖兒復至龍門獅子衝屢破其衆追奔至水磨灣乃還上功最陞署都督同知十九年賊出沒柴溝堡玉逐

之抵白腰山尋復援大同天城追擊之於安定營皆斬獲賊級奪其軍資牛馬而歸積二功得予實授仍署右都督是年掛征西將軍印徙鎮寧夏冬十月敗賊棗兒溝二十二年寇犯甘肅命掛平羌將軍印鎮守賜勅獎勵蓋至是凡三佩印矣明年實授右都督先是成化初土魯番入哈密擄王母金印去至是復殺都督罕慎據其城朝議大發兵進討玉請因迤西使還命齋詔往諭可不煩兵革已果入貢帝大悅賜勅曰不勞士馬軍餉坐收成功爾本謀也玉歷鎮三邊悉心戰守生平嚴毅凝峻自偏裨至大將撫士卒有恩稍不用命罰無赦每遇敵計定後戰故常取勝寇至見其旗幟輒驚遯邊關倚重者三十餘年然亦因是成疾前後七上疏乞解兵柄皆不允弘治七年始命回京明年正月卒諡武僖

明史分編卷編上

卷七

振綺堂叢書

右都督神英

神英字景賢壽州人祖忠父傑永樂中從北征累立戰功官至陝西都司都指揮同知天順元年傑卒英襲職為榆林寧塞營守備屢將騎兵從都督張欽參將房能又從彰武伯楊信戰於寧夏車道坡花馬池榆林高家堡神木諸處截勦賊眾皆有功成化元年兵部尚書王竑行邊奏英功擢都指揮僉事四年從征石城賊滿四復有功進都指揮使充延綏右參將時亂加思蘭潛伏河套數入寇英帥師禦之敗之於開荒川復敗之於蘆溝諸將皆失利英獨以功擢署都督僉事余子俊建議築邊牆英經營規度子俊數稱其功十三年掛征西將軍印充總兵官鎮守寧夏已改靖鹵將軍鎮延綏復改鎮朔將軍鎮宣府弘治元年以大同為京師屏蔽英宿將有功緩急可倚賴乃復佩征西前將軍印總兵鎮守中軍令嚴斥堠寇憚之每有侵犯輒挫劬去十三年召還京統理果勇營務明年充右參將督京營兵征延綏再充左參將治兵宣府所向克捷論功皆為諸將首正德元年進都督同知僉書左軍都督府事勦畿輔劇賊進右都督五年給事中歐豸劾英年老不任兵旅致仕是時劉瑾用事英素習瑾有旨英歷官五十餘年戰功

明史分編卷編上

卷

振綺堂藏書

多下兵部議封爵尚書曹元盡錄上英前後首功中律復下廷臣議莫敢異同遂封涇陽伯食祿八百石子世券數月瑾敗言官交章論英以金寶萬計賂瑾得封奪爵繳詰券仍以右都督致仕然英實驍勇敢戰先登累有斬獲功

明史分編卷編上

卷

振綺堂藏書

都督同知贈左都督張欽

張欽字克敬京衛人世將家永樂二十一年代父任南京留守右衛指揮僉事年尙少屹然如老成人正統六年從征麓川抵鎮康州破降其酋刁門棒刁門顛等進攻上江及孟底招罕諸寨下之總督尙書王驥奇其功承制進都指揮僉事時諸軍自沙木籠山進圍麓川欽率偏將潛入其中堅大軍乘之思任發走緬甸餘衆悉降師還得世襲指揮使八年掌中都留守司事以所部兵從寧陽侯陳懋討閩寇鄧茂七進都指揮同知景泰元年再從入閩殲餘寇延平進都指揮使尙書于謙上

明史分省卷編上

三 振綺堂叢書

欽前後功奏署後軍都督僉事調中軍天順元年副彰武伯楊信守延綏慶陽諸路明年李來寇神木帥師禦之於柴溝有斬獲捷聞進都督同知充左參將專守延綏西路李來既不得志復大入安邊營欽分道拒之連戰於花馬池野馬澗諸處俘其將鬼力赤獲馳馬兵仗及還所掠人畜視柴溝倍之特勅褒諭楊信奉詔移大同欽代領其衆尋佩征南副將軍印總延綏各道兵成化元年召還復理中軍時方大閱簡精兵十二萬欽分統楊威營蓋出入兵閒者三十五年卒贈左都督五道官諡祭

都督僉事周璽

周璽字廷玉其先永平遷安人伯祖亨洪武初內附授燕山護衛指揮使賜田宅因家東安祖斌從靖難當擢都督讓兄子或父英坐累戍開平積功至都指揮同知寄祿府軍前衛以老罷職璽少負氣自豪遇事剛決無所避精騎射知兵習戰所向輒有功能成化二年襲指揮使七年征迤北功陞署都指揮僉事充右參將分守陽和十六年威寧海功進都指揮同知調大同副總兵十七年黑山墩功進都指揮使十八年黑石崖功署都督僉事十九年亦思馬因大舉入寇璽分兵三千人赴懷仁賊逼夏米莊中軍失利璽還兵援之夜遇賊營乘勝勢銳甚璽大呼厲將士曰今日有進無退退則無遺類矣衆感奮無不一當百賊少卻良久復深入璽臂中流矢呼左右拔鏃督戰益力與其子鵬擊殺數十人會游擊將軍劉寧至合兵中軍潰卒亦稍集其擊賊賊退諸失律者皆坐罪璽獨以功擢都督僉事二十年總兵鎮代州兼督雁門三關弘治初移鎮陝西復充總兵官佩征西將軍印鎮寧夏璽嘗念大功未立既開府益自樹立修邊牆繕墩堡訓軍積粟爲久遠計忽得疾且革召諸子曰吾承祖父業歷邊鎮二十餘年大小數十戰幸

明史分省卷編上

三 振綺堂叢書

有功今得佩印專閫更復何望獨未嘗大創賊報天子
為憾今死矣氣垂絕忽大呼曰好殺好殺遂瞑

都督僉事董寬

董寬字世宏先世懷寧人祖真保燕山左衛百戶從太
宗起兵歷指揮僉事戰死夾河父智代仕至大同中屯
衛指揮使徙治河間寬駢脅鐵面膂力絕人性沈毅寡
言笑稍長從師涉經史習金版六弋善騎射一時軍職
子弟無及者兄宣嗣父職早卒無嗣寬繼任境有劇盜
輒控弦從數騎手殪之正統十四年也先入寇給事中
程信薦其勇謀召赴京城下之捷廷議益遣兵追躡寬
言國兵新勦賊勢尙張不若固守賊內不得戰外無所
掠必引去尙書于謙深然之先是永樂中處降人河間

東昌諸郡為肘腋患至是益恟恟思亂會西南用兵謙
奏選其驍勇從都督毛福壽征蠻而餘眾散畿甸率乘
閒為剽劫謙謂寬可任薦署都指揮僉事將兵自京抵
河間狗捕之兼督河間瀋陽大同三衛兵盜平遂命鎮
守河間地既濱水土城壞賊至為冰牆守之寬壁外城
增重門訓民戢士人賴以安景泰四年召還督操神機
營六年從南和伯方瑛征湖廣五開銅鼓苗四十餘戰
皆捷至擡羅擡綱二寨山益險惡眾驚顧莫敢前寬奮
勇先登諸軍乘之遂克以奇功實授都指揮僉事天順
元年陞署左軍都督府僉事嘗與諸公侯校射南苑矢

發皆中帝大喜他日指謂諸將曰此黑面都督最善射特賜鈔幣二千曹欽反寬率麾下士邀賊西長安門外賊潰奔還家遂與諸軍擒欽論功實授都督僉事是歲總揚州諸道備倭軍開府於吳厲將士嚴斥埃修戰艦戎器暇則延禮師儒凡武學與鄉選輒厚贖之隸庠序者爲蠲其徭役時以爲賢尋領蘇常通泰諸州郡時鹽徒錢厚聚衆倡亂僭號江海上公東南騷動寬畫圖分諸道刻期進兵策賊敗必走江北噉角嘴檄巡鹽御史伏兵數百爲應且曰如約當捕賊無餘不然且逸其半已而失約寬獨以兵進獲厚及其黨數十人餘奔噉角嘴其料敵如此成化九年以疾歸子清襲爲永清左衛指揮使寬少孤事母至孝母疾日跪奉湯藥三月不懈諸子皆訓以禮義無席寵怙侈者家居崇經講武差有古儒將風

明史分編卷上

長崎堂叢書

都指揮使種興

種興順天通州人初襲義勇左衛指揮僉事以薦陞都指揮僉事正統元年北征以功陞都指揮同知敗賊於駱駝山三年巡邊至本納荒泥復力戰擒賊把台等六人論功賚白金綵幣游擊將軍陳友率師襲阿良哈獲賊四百餘人馬牛駝萬計興首功最陞都指揮使尋守備廣武景泰初充左參將鎮守寧夏西路修城繕堡撫士卒爲戰守計天順元年四月賊犯洛陽川營於羚羊角屯勢銳甚總兵官張泰檄興率師禦之於河不得渡乃陽循故道北歸而伏兵於堡左右或前或卻以誘我師興率銳卒千餘人□□□至洛陽川伏發賊揮衆逆戰興前後受敵遂□□□矢所中裹創血戰以死事聞遣官諭祭子泰□□指揮僉事以興歿王事特授鞏昌衛指揮使興老將習兵大小數百戰未嘗劬至是孤軍出河外揀援不至爲敵所誘邊人哀之

明史分編卷上

長崎堂叢書

都指揮同知韓青

韓青全椒人祖春從太宗渡江官副千戶父貴襲守北平取懷來雄縣大戰鄭村壩白溝河及破九門皆有功歷都指揮同知小河之戰死於難時青尙幼叔友襲指揮使既長乃還其官青英勇善騎射文皇征迤北命率邏騎爲前鋒遇賊天城陽和帥勁卒襲擊之宣德元年從討漢庶人明年征甘延羗爲裨將師還陞山東都指揮僉事操持清慎門無私謁暇□□賢士大夫講究今古及將鑑武經諸書嘗駐□□督江淮漕運陞都指揮同知正統十四年秋□□狩景帝立凡邊關要地

明史分稿殘編上 卷一百一十五 張綺堂叢書

悉遣重臣戍之守紫□□察使曹泰言賊入易州涿水剽掠出境官軍□□者況紫荆實京師西北咽喉雖遣兵戍守而都□□左能棄城逃倘復入寇何以制之請擇智勇武臣統師備禦乃命青往鎮而以都御史孫祥監其軍時國兵新敗人心洶洶無固志關又曠遠多歧路青倉卒受命守備單弱雖奏請益兵五千人至者才什之一十月也先擁土皇至大同不得入遂疾趨紫荆青與孫祥出兵禦之凡四晝夜叛監喜寧導也先分兵接戰而以精騎從他道入關遂破士卒潰散青揮旗招之得騎百餘激以忠義衆聞之感泣乃從騎突出

與賊戰於升兒灣殺數十人已悉衆至青被創復爲流矢所中自午達申轉戰益力賊圍之數重招青降青大罵曰我奉天子命守關肯背忠義狗汝乎乃□□自刎孫祥亦戰死賊遂長驅犯京師凡旬有□□出關西去賊退之三日得青屍身無完膚見者□□掩泣景泰元年論關門失守逮按察使曹泰□□死事加三級賜祭于承嗣幼命給廩贍其家□□青友都指揮李文葬之歷山下

明史分稿殘編上 卷一百一十五 張綺堂叢書

翰林院編修方象瑛著

吏部尙書贈少保謚貞敏梁夢龍

梁夢龍字乾吉真定人少英挺五歲能誦詩輒請即日就傅父詒之曰今破日不佳也夢龍應聲曰以破吾愚不亦佳乎父大奇之弱冠舉於鄉嘉靖三十二年成進士改翰林院庶吉士散館當授編修大名人晁東吳者善病憚外補例又不得並留夢龍慨然讓之曰狄懷英柳柳州豈異人耶出爲兵科給事中厯戶吏科左右都給事彈劾無所避忌尙書李默再起爲吏部夢龍劾默

明史分稿殘編卷下

振綺堂叢書

剛褊貪污以名器爲罔利之媒不宜久縱以傷國體又劾罷吏部尙書吳鵬戎政兵部侍郎殷學及延綏巡撫董威貴州巡撫高翀湖廣巡撫陳仕賢等查理甘延洮岷邊儲論劾原任都御史王翰蘭州管糧郎中陳燦各貪冒不職罷之四十年考察復糾拾南京兵部尙書江東刑部右侍郎何遷總漕都御史胡植等一時服其敢言時帝齋居西宮學士袁煒以草青詞稱上意將大用之夢龍上疏言相臣賢否關治道汚隆古人或求之夢卜或決之人情我朝亦有非講讀史職得典機務者請勅廷臣公舉學術純正名德宿望不宜輕用俾聖治不

光帝覽奏以爲寃謂怒甚大學士徐階從容論救乃奪

俸半年而韓卒入相四十一年陞順天府丞明年出爲河南按察司副使河決沛縣總河尙書朱衡開徐邳新河夢龍董其役與工卒共勞苦河上大疫蠲金救療全活數萬人陞陝西關內道參政防秋花馬池鐵柱泉諸隘上書大司馬霍冀條畫五難皆切實可行以新河功陞俸二級厯山西按察使河南右布政使隆慶四年以都察院右僉都御史巡撫山東先是遼東饑遼人避役竄登萊島中者數千以魚爲生海濱人及徼卒或憑陵之至相仇殺始出沒抄掠更數撫莫能定夢龍親歷諸島上招安三策八事得旨允行東土遂安是歲秋河決宿遷口覆運船八百艘蕩糧二十餘萬朝議通海運以屬夢龍夢龍悉心條畫具疏畧曰自古建都一切轉運莫不因形勢以制便宜我成祖定鼎燕京轉運大計一由河道一由海道至永樂十年後平江伯陳瑄開江浦尙書宋禮開會通河始盡由河運然海船猶存遮洋海運未廢宋禮之議又曰雖由會通僨運每三年海運一次是當時未嘗絕意海運也弘治間大學士丘濬倡議請於無事時通海運故道與河漕並行又謂海運之利以放洋而其險也亦以放洋今欲免放洋之害宜講求

明史分稿殘編卷下

振綺堂叢書

傍海通運之法歷淮揚青登等府以抵直沽處處踏石萬一可行是亦良便是時河漕通利間遇滯塞皆以海運爲請竟未力行正德嘉靖間河患益劇每當濬塞工費不資上下窘急三省丁夫調發動踰十萬寒暑風雨暴露經年疾病死囚殆不可計大眾數聚久勞怨生敗壞千和所關不細去歲邳河隄塞一百餘里今歲宿遷漂傷無算太倉空虛咽喉梗阻中外危之皇上命臣等計處膠河期通海運以佐河漕之急社稷大計孰先於此臣等勘得海道南自淮安至膠州北自天津至海倉各有商民往來舟楫屢通中間自膠州至海倉一帶亦有島人商賈出入臣等因遣指揮王惟精等自淮安運米二千石自膠州運麥一千五百石入海出天津以試海道無不利者其淮安至天津三千三百餘里風便兩旬可達每歲五月以前風順而柔較之六月後更爲便利臣等親詣登萊二府委官通踏訪問沿海官民俱稱二十年前傍海潢道未通今二十年來土人淮人島人市販魚鰕芥豆往來不絕其道遂通未見險阻臣等早夜思維大海風波誰則不知然海而多潢猶陸地多歧海人行海猶陸人行陸傍海而行非橫海而渡洋中島嶼聯絡遇風可依岸上人烟舉目可望若船非乾朽行

明史分編卷下

振綺堂叢書

遵古候自無他虞較元人殷明畧踏出之道尤屬穩捷是卽巨濬所稱傍海道運也請及今日以河道爲正運益加綜理以海爲備運兼爲規復萬一河未易通則海運可至河道大工可安心濬築以垂經久再照海防至重沿海衛所疲玩歲久先年江南閩浙蘇松江北淮揚各沿海州縣數被倭患近來加意整飭自是寧謐山東海面東望朝鮮北接遼東西邇畿甸南控淮揚遠達浙閩眞四海上游形勝之區沿海衛所疲玩更甚識者有未然之憂今行海運兼飭海防是不但有裨於國計兼有裨於地方疏入戶部覆奏海運法廢已久難以盡復請令漕司量撥近漕糧十二萬石自淮入海工部發節省銀萬五千兩淮揚稅亦許暫支萬五千兩爲海舟水手之費從之遷右副都御史改撫河南兩河盜賊充斥所司以獲盜爲功夢龍曰俟盜起獲之爲害大矣法當使無盜畫九議行之盜悉平神宗初卽位張居正當國以夢龍爲能召爲戶部右侍郎遼東王杲之捷帝御午門獻俘改夢龍兵部右侍郎賜麒麟服持節賞賚有功將士事竣勒石鑿無間紀上威德而還丁繼母憂服闋起兵部右侍郎陞右副都御史總督薊遼保定軍務當是時速把亥糾合土蠻等屢舉入寇炒蠻又伺間闖入

明史分編卷下

振綺堂叢書

夢龍至鎮問兵民疾苦簡軍實修馬政築城堡慎擇將
領以忠勇勦爲殿最大帥戚繼光李成梁皆宿將有功
自無文法吏獨執夢龍約束夢龍亦推誠正之諸將
受成算有功輒推美將士眾益心服萬曆六年土蠻
萬餘騎犯東昌堡夢龍檄成梁及遊擊秦得倚等擊敗
之斬其渠九人首八百八十四級告廟宣捷十月復寇
寧前夢龍親帥師東以勁卒二千出山海關爲成梁聲
援分遣參將許如繼楊栗等截擊戚繼光移駐一片石
邀之賊無所掠引去明年趙銷羅骨王兀堂等復糾眾
從永奠堡入夢龍謂諸將曰不大創彼將深入成梁迎

明史分編卷下

五 振綱堂表

擊之追奔出塞二百餘里至鴨兒匿斬級七百五十有
奇搗其巢殲渠魁八人俘百六十人他如丁字泊長定
堡馬蘭峪養善木紅土城寬奠廣寧右屯錦義大寧堡
大捷凡九前後上首功至三千四百九十一級馬三千
五百九十五匹橐駝九十一隻軍資甲仗無算帝屢賜
勅獎勵就加兵部尙書修築黃花鎮古北口邊牆功加
太子少保賜金幣置飛魚坐蟒再蔭子至錦衣衛千戶
世襲賜子便蕃使命絡繹近代邊臣未有也召入掌部
事疏陳軍政利弊四事浙江羅木營兵變居正擬簡巡
撫往治之難其人夢龍請用右侍郎張佳胤卒平其亂

明初戰馬官牧承平日久散養於直隸各省課駒起依
大爲民害夢龍請盡變種馬稍徵芻價以蘇民困人至
今德之其他土官襲管商人便宜凡關大利病悉編入
會典著爲令改吏部尙書大計羣吏有所善求爲山東
巡撫夢龍驚曰此何事可私干耶其人慙志去在吏部
僅三月所獎拔楊俊民舒應龍鍾羽正葉夢熊顧憲成
馮時可輩皆爲名臣嘗語人曰居官無他長惟不敢深
刻以效時趨不敢脂韋以乘法守其大概可知已居正
既歿言者指擿無虛日繼當國者素不善夢龍會御史
江東之疏論錦衣徐爵奸狀詞連夢龍上疏乞骸骨三
上始得請家居十九年卒年七十有六巡撫汪應蛟巡
按御史楊宏科爲請卹典大學士沈鯉以爲宜予會給
事中錢夢阜疏論鯉因及夢龍事遂寢天啟初趙南星
爲吏部言於朝謂夢龍功績彰彰在人耳目徒以居正
所取士耽延至今凡事相形則易見今天下多事求一
籌邊任事之臣不易得則皇祖初年中國又安四裔賓
服謂非其時仗鉞諸臣竭忠宣力之效不可也疏上詔
贈少保子祭十壇崇禎末追諡貞敏

明史分編卷下

六 長壽堂表

禮部尚書徐學謨

徐學謨字叔成嘉定人初名學詩字子言嘉靖二十九年舉進士授兵部職方司主事時刑部郎中徐學詩劾奏嚴嵩罪狀帝大怒下鎮撫司考訊學謨以同姓名慮及禍上疏請改今名董築都城外七堡以事樸仇鸞用事吏鸞賺之工竣抑不敘明年改吏部稽勳司主事題管文淵閣制勅丁內艱起補禮部祠祭司主事歷員外郎郎中時世宗齋西宮禮官祇供祀事遇慶典或非時詔諭郎吏奏草立趣辦多以不稱蒙譴獨學謨文詞典雅掄給尚書吳山倚之如左右手會霜降諸司當陪祀

明史分高卷補下

七 振綺堂叢書

吏部侍郎馮天馭以疾辭學謨執不可而尚書吳鵬與山有執遂出為荊州知府山欲抗章留學謨止之時荊州大水乘城七晝夜遣吏卒操舟往來採護增築潰隄自枝江至監利凡七百餘里興山高雞寨界連三郡賊憑險出沒令受賄不以聞學謨言於巡按御史唐繼祿假他事逐令因發旁縣兵擊之禽杜景庫等二十餘人餘賊走入寨學謨遣降者趙伏能等投密策擒其魁諸賊悉平時景恭王之國德安巡撫張雨盛供帳輿馬又發丁夫修治府第學謨曰興巴之民裹糧至武昌蓋千餘里矣請計工出值荆人便之會王以國小多請膏腴

地益封部議下撫按勒給於是各藩府沙洲河泊及民間塗蕩悉圍敎之荊州城北口沙市當川蜀咽喉商民輳聚王府人利之顧初不在奏中至是緣部疏竄入遣承奉巨璫來徵地民間洶洶逃匿強梁少年至搨竿欲殺璫學謨亟下令戒毋恐璫至左右露刃環立學謨亦盛鳴從見之竟坐語不及沙市學謨度不可倉卒巡檢趙應奎者趙人與璫同鄉里召計之使言守疆直沙市必不可奪狀璫稍沮明日學謨置酒仲宣樓從容言沙市固王土天子不即賜王而令有司勘給則有司事也

明史分高卷補下

八 振綺堂叢書

居以肥王國者夫荊州獨倚沙市無沙市是無荆矣安用太守為反復數千言且微及竄奏事璫不能奪乃許輸租五百金報如議開道走白巡撫時景府人訛傳帝寢疾行且召王入巡撫方廉謂學謨曰吾與若當連械走耳已訶知無異議乃大慙仍判予租二千金學謨還荆人謹呼稱沙市為徐市其明年璫倍約復遣人徵圖册學謨不宥且報書曰德安非天府安用民數王大怒奏學謨等抗藐無人臣禮有旨行撫按逮問學謨赴武昌置對民遮道慟哭車擁不得前郡人罷市者數日新撫徐南金欲罪之御史繼祿持不可沙市竟從前議學

謨得罷歸隆慶元年起知南陽府明年陞湖廣按察司副使分守襄陽遼王憲燿獄起遣侍郎洪朝選即訊學謨獨言王不反與同事施篤臣議不合調南贛兵備篤臣復嫉御史雷稽古劾學謨守荊州凶狀刑人聞之訴於朝萬曆元年補江西參政遷湖廣按察使歷左右布政使遂以都察院右副都御史撫治鄖陽學謨自爲荊州仕楚最久大學士張居正以沙市恩益相親厚召入爲刑部左右侍郎未幾超拜禮部尙書故事自成弘後禮部尙書非詞林不得拜嘉靖初席書以言大禮由他曹特遷言路猶交章論劾至是遂無一人言者學謨旣通敏又曾爲禮部郎明習掌故自以外僚蒙特擢益盡心職掌再酌定宗藩事例題革衍聖公女樂請卹把漢那吉之死皆持大體人亦以是稱之初奉命擇壽宮學謨薦刑部尙書陳道基通政司參議梁子琦僉事胡宥善形家言已從道基議卜吉大峪山子琦恥其言不用上疏極論學謨爲荊州時與居正深相結欺藐景王復躡升巡撫居正母死身著素服曲爲經理今又與申時行姻連附勢黨比蔑朝廷大典給事中鄒元標復論之學謨力辭求去後以原官致仕家居十年卒

明史分稿卷下

七 振綺堂叢書

禮部尙書諡文簡翁正春

翁正春字兆震侯官人舉萬曆七年鄉試屢上春官不第循例署龍溪教諭二十年舉進士第一授翰林院修撰奉使冊封周藩歷中允庶子少詹事兼侍讀學士三十八年升禮部左侍郎充日講官尋署部事時神宗高居大內大僚多不點用羣臣疏請考選起廢凡數百上皆不報會十一月壬寅朔日食正春上言日者眾陽之宗本不宜蝕况仲冬律中黃鍾於卦爲復乃陰極陽生之候有此虧蝕其變尤甚臣上下萬曆三十年來八歲之間日食占三前兩歲爲四月朔是純陽之月也今歲爲十一月朔是又陽生之月也夫以純陽而蝕則陽旣受侵以陽生而蝕則陽益寢弱豈非陽德實虧故上天垂象於陰陽消長之際乎君德象日宜照臨不宜蔽閉宜發揚煦育不宜收斂摧折皇上自萬曆二十年後財貨日斂聚人材日剝落旨意日留中至今已極矣一切請補大僚催考選起廢棄皆不省而橫征逮繫者終不止致黃扉紫閣寥寥孤曜六卿九列三五晨星詞閣徒號天聽愈遠天下不見陽和舒育之氣而冰凝之象獨堅夫日之食與更只在一時皇上之寢與行亦只在一念誠鑒於天變之不可不畏而翻然轉移舉從前缺失

明史分稿卷下

十 振綺堂叢書

立見施行將日中之治行天變可挽回矣不報又言欽
天監奏十一月壬寅朔日食七分五十七秒未時正一
刻初虧申時初三刻夫一刻日食而遲至未三刻何差
也曆法果按成法而差當如前代歲差之法隨時修改
以合天道今官生輩於理數未精安望脗合又如華湘
所言於冬至前親詣觀象臺晝夜推測日景黃道赤道
中星分秒日紀月書于次年冬至考驗二十四氣二至
二分日月交食合朔弦望日躔月離黃赤二道及昏旦
中星七政躔度紫炁月孛羅侯計都之屬一一驗實則
於成法果合果離當修改與否始為可信至日食多寡
又當講里差之法蓋日輪大月魄小故自下望之相輝
南北不同每千里約差一分東西不同每千里約差數
刻一并考究庶曆法不差宜訪求精通曆學之人如原
任按察使邢雲鷺兵部郎中范守己照先年給事中樂
濩例改授京堂又翰林院檢討徐光啟原任工部員外
李之藻皆精曆數又大西洋歸化之龐迪莪能三拔等
有推本國曆法測驗推步足備採用請令光啟對譯與
雲鷺等參討修復然曆法疎密莫顯於交食真偽莫逃
於測驗觀象臺年久滲漏地勢失平儀器欹斜與天度
不合宜及時修造并擇天文生陰陽人等疏入亦留中

三十九年八月萬壽節倣古人金鑑錄之意獻萬壽八
箴清君心遵祖制振國紀信臣寮實賢謹財恤民命重
邊防帝雖不能用然心善之王恭妃之薨也久停不擇
地正春力請之乃命偕中貴人往既得吉矣中貴有所
附以地廣費繁難之正春正色曰妃誕育元良他日國
母也詎以天下儉乎奏上得報可初代王無嫡子御人
裴生鼎涓已奏立為嗣已妾張氏有寵進次妃生鼎莎
復援宗藩要例請改正李廷機為禮部主鼎莎謂裴未
經奉選涓不當立也至是王老兩子爭襲廷議以鼎涓
長宜立下禮部正春日均庶立長宜也然訟父得立是
有兄弟無父子矣請以爵子長子之子而以前所立者
為將軍則兄弟之倫正而父子之恩亦不至掃地識者
韙之然鼎涓竟得立正春言不盡行也時倭亂未息琉
球國遣使入貢正春言中山已折於倭今使臣多倭人
物雜倭器其心巧譎絕之便即不然亦宜詔福建撫臣
按驗量留土物以見恭順使臣如例給賞不必入朝帝
是之當是時皇太子輟講已九年福王之國無期瑞王
婚禮亦久不舉廷臣章滿公車總不得命正春以職掌
所關屢疏上請至引天時祖制人情反復入告至是復
連上三疏其請開講日東宮輟講日久控陳愈切際置

不問意臨御日久靜攝多年視天下事無一足爲吾急者遂并大本之地子孫之計而亦緩之乎其何以對列聖慰四海民臣且天下亦多事矣元日風二日火官府金鑄之形朝紳水火之象閭閻困敝內外交訌是尙可泄泄從事乎夫皇上四十年金甌不宜學倦於勤而東宮之爲人子可知皇元孫九齡岐嶷將蒙養其正而東宮之爲人父可知陛下聰明天縱奈何於目前大事遲疑如此請之國曰藩封一事中外竭蹶以待乃吉期至今未定夫親王典禮有先時而備者有臨時而催者督之早民不能堪督之遲又恐一時貽誤今之國無期百

明史分稿卷下

三 風尚堂叢書

司何以爲準青陽啟運出鎮雄藩誠普天大慶也請婚禮曰高皇帝詔民男十六以上女十四以上許及時婚配况帝子天孫願乃旉纓李於深宮嗟標梅於遠閣盛事猶未舉哉三陽初肇宜亟舉行上承聖母歡心下行宗支大慶倘仍逾時不舉是國家爲愆禮臣子爲溺職臣所大懼也皆不報四十年八月順天府鄉試進士鄒之麟分校搜中落卷童學賢等爲御史馬孟禎等所糾孫居相復發科場積弊追論庚戌湯賓尹韓敬等正春議覆學賢黜革之麟降閒散官而給事中趙興邦開詩教謂正春不參論主考爲徇私於是考官郭滄朱延禧

各疏引罪正春議分別罰治未上給事中孫振基欲并議庚戌事遂疏論正春及吏部尙書趙煥等正春言賓尹庚戌事與臣今日先後不同時鄉會不同事臣安敢於詔旨外擅議請終養回籍有旨一併議奏詩教復參正春支吾首鼠正春具辨益求去大學士葉向高言年來禮部事最繁正春止一人獨任言者猶未相亮益見大臣任事之難得旨慰諭正春疏謝條場弊八議四十二年再知貢舉四月改吏部左侍郎掌詹事府日講如故以母老再疏請假歸養許之天啟元年起禮部尙書協理詹事府事四年都御史楊漣疏劾太監魏忠賢二

明史分稿卷下

五 風尚堂叢書

十四大罪舉朝交章攻之正春亦上疏論劾有旨以沽直不諳切責遂抗章乞歸明年御史陳朝輔希忠賢意參正春年踰七十母近百齡猶夜行不休袁鯨復論之時正春已罷歸久矣又明年母夫人百歲正春率子孫爲壽鄉閭榮之九月以勞疾卒崇禎初謚文簡正春在禮部最久職舉政修爲人峻整終日無狎語倦不傾倚暑不裸裎日無流視其教龍溪時芝生學宮又有五色雲之異遂魁天下有明三百年閒職官領廷對者二人曹鼎以典史正春以教諭而正春鄉試居榜末爲尤奇云

太子少保兵部尙書贈太子太保諡恭襄趙炳然

趙炳然字子晦劍州人嘉靖十四年進士由知縣行取授貴州道御史與給事中李文進查覈宣大山西兵餉疏參侵冒督府樊繼祖等十三人監司楊銳等百二十八人詔罷繼祖官銳等降謫有差明年巡按浙江時兩浙新被倭患復疏列失事文武諸臣罪因言沿海石墩諸處久爲賊據特請恩卹奏改領兵僉事羅拱辰駐紹興適中爲聲援悉從之陞大理寺丞歷右少卿巡撫湖廣內艱服闋改右僉都御史協理院事四十一年以右副都御史巡撫浙江時浙閩總督胡宗憲有攘倭功頗川奢侈失士民心至是逮詔獄帝論大學士徐階議罷總督階言寇亂已平正資綏輯止設巡撫便乃命炳然炳然旣以廉平著浙中民間之更謹呼踴躍至則躬行節儉與民休息罷諸浮淫凡政令不便民者立改之汰冗食減餉額立哨道造喇唬兵船又條列海防八事悉中機宜會有詔調浙兵勦賊福建炳然復上言各省募兵皆浙之義烏人夫福建所以致變者民變爲兵兵變爲盜所由來漸矣治盜之策不得不募兵然必多方撫戢使盜化爲兵兵化爲民今又驅浙之兵以赴閩之急竊懼夫浙之爲閩也請令一意團練土著使人皆可用

家自爲守急則爲兵緩則爲農聚散之間各相聯屬卽

不得已而召募亦必先本土後鄰省毋泥一方以釀禍本疏人皆報可六月福建餘倭流入浙東慶元諸縣炳然檄將士迎戰於連嶼陡橋石坪皆敗之斬首數百級新倭百餘亦犯石坪乘勝追擊復殲之帝以炳然督勦一月兩捷特賜金幣升右都御史兼兵部右侍郎巡撫如故先是浙兵未練調集客兵勦賊業恃功驕恣又不立營舍以安戢之往往寄寓僧寺或散處民間出入無稽去爲姦盜炳然深知其害卽羅木營舊址建營房五百餘間分處各兵稽其出入犯者按誅如律兵乃戢浙人感其德貌像營中祀之明年給事中辛自修劾罷協理都御史李燧請別舉知兵者代之廷推炳然乃召爲兵部尙書協理戎政又明年河東卒叛出總督宣大軍務首劾大同總兵姜應熊下總督論治復條列兵務修城儲蓄選戰兵給馬匹等凡七事四十五年以新平平遠保平三堡孤懸口外請增設參將一員與天城參將分地戍守因薦原任副總兵麻祿及應州守備張剛充軍聽用官劉潭可任詔悉從之時套眾千餘騎犯宣府炳然檄總兵馬芳等追襲斬三十六級又遣把總解生參將補于漢逆戰于右衛之丁寧水峪口諸處斬首十

八級論功資金幣有差十月復入爲兵部尙書理部事
加太子少保隆慶元年以病乞休三年卒贈太子太保
謚恭襄炳然敷歷中外三十餘年清勤練達其立身服
官以誠爲本天下稱正人端士焉

兵部尙書霍冀

霍冀字堯封山西孝義人嘉靖二十二年進士授永平
府推官行取廣西道御史清軍兩浙以南北燥濕異宜
遠戍困苦疏請附近補伍毋拘故籍著爲令再按河南
大盜師尙詔等作亂巡撫謝存儒以遷秩去新撫楊宜
未至冀檄將吏乘其未定擊走之因劾存儒養亂及歸
德知府尹一仁等罷其官陞大理寺丞歷都察院僉都
御史巡撫寧夏上疏言俺答久牧西海套眾盤踞賀蘭
勢且狂逞而副總兵吳徵調援莊涼河西單弱請調還
總兵姜應熊仍發客兵家丁伺警截殺其入衛游兵及

時輪番以均勞逸又請如延綏例修築邊牆四百八十
九里督造器械旗幟矢石之屬以資戰守從之明年都
勅兒台吉等寇河東將趨靈州冀檄總兵趙應率師禦
之斬首六十二級會三輔饑改冀保定巡撫提督紫荆
諸關首請發帑賑濟河間瀋陽大同直定等州縣及保
定各衛軍民申飭武備嚴州縣衛所捕盜例凡文武同
蒞一城遇失事衛所巡捕官坐守備不設罪府州縣官
罷職其無衛所郡邑則以衛所官罪罪守令初師尙詔
之亂創此例河南得無盜患至是冀請通行各省報可
召人爲僉都御史四十年薊昌宣大諸郡皆缺餉帝

欲懲弊源命遣大臣往案之戶部左侍郎劉大賓右侍郎趙貞吉皆不欲行廷議屬倉場侍郎林應亮吏部言應亮謹愨有餘總理不足請改命練達勤敏者代之于是進冀戶部左侍郎總理糧餉已而給事中張益言覈餉戶部責也廷臣舍大賓貞吉不推而以冀往必二臣才識不逮竟罷大賓貞吉冀徧歷諸鎮條上虛耗冒支等七事又言薊鎮主兵七萬今已十五萬客兵不過十數萬今則三十萬密雲主兵二萬今則八萬客兵不過九萬今且二十三萬其他冗費雖不盡無而增兵之耗十居八九今令本鎮專練主兵漸減客兵誠務本善後良法若主兵月糧全資民運河南山東巡按事煩宜責巡撫順天保定巡撫事煩宜責巡按屯種子粒責屯田御史各給新勅重其事權從之還朝再疏辭兼官明年以給事中沈潛等糾拾調南京工部侍郎尋改兵部復以戶部右侍郎兼僉都御史巡撫山東漕河決總河尙書朱衡大發卒修築冀以東省民苦徵調檄郡邑計丁輸銀饒近河居民應役公私使之四十五年陞刑部左侍郎時套眾寇延綏固原總督陳其學坐奪職乃復以兵部左侍郎總督陝西三邊軍務冀至鎮首詢諸死事者郵其孥汰不職將吏簡武勇以代之募丁壯補車騎

明史分編卷下

七

振綺堂叢書

繕城勵兵大出塞搗巢延綏寧夏各斬首數百級隆慶元年入爲兵部尙書冀久歷節鎮既總樞務天下士馬強弱邊塞要害及將師材勇高下無不周知會趙貞吉入閣建議更定營制冀持不可下廷臣雜議英國公張溶等十六人議如貞吉言成國公朱希忠等二十八人請革戎政武臣印而仍用三大營給事中魏體明御史尙得恒等各疏言強兵在擇將不在變法冀深然之乃上議曰貞吉深鑒覆轍建議更制以收兵權不爲無見但今京營之制總之爲三大營以統其綱分之爲三十小營以理其目兵權不偏於一將軍法不專於一人有合操有分操有春秋閱視之操有歲終考覈之操祖宗舊制正當欽承無替諸臣多謂京兵訓練不在營制更張而在將佐得人操練如法此皆探本之論臣愚竊謂仍舊便帝從冀議先是冀總理邊餉時貞吉爲言官論罷至是議營制復不合會給事中楊鎔疏論冀鎔故貞吉鄉人疑貞吉嗾之上疏曰臣以無狀忤大學士貞吉積憾於臣當嘉靖四十年議歲出入戶部侍郎一人駐薊總理時貞吉爲右侍郎當行執不肯往眾乃舍貞吉以臨事避難被劾去疑臣使之其憾臣一也去年上采輔臣張居正議將行大閱貞吉乃倡言挾三輔臣止之

明史分編卷下

七

振綺堂叢書

臣與之異議其憾臣二也貞吉議處失事邊臣劉寶川世威及趙崙等輕重任意以臣等不能阿從其憾臣三也貞吉欲更營制臣謂祖宗舊規不宜輕改已廷臣集議皆如臣言其憾臣四也貞吉與臣勢不兩全乞罷臣以謝貞吉貞吉亦疏辨求去且言冀自知贖私狼藉不為清議所容欲俾臣與之同去彼得借以自解請將鎔奏付法司嚴訊有無無則罪言官以謝冀有則重冀之罪於是科臣張鹵鄭大經舒化等交章言貞吉欲以鎔奏付法司恐非古待大臣稱簠簋不飭之義且尙書尊官事非悖逆原無究問之條若言官論人一一逮問殊非事理請罷冀而戒貞吉貞吉再求退不允冀得旨閒任萬曆初言者屢薦以疾不果起三年卒命復其官

明史分編殘編下

三

張琦堂叢書

少保兵部尙書贈太保諡襄毅王崇古

王崇古字學甫蒲州人嘉靖二十年進士授刑部主事歷員外郎郎中出爲安慶知府改汝寧師尙詔作亂設策剿捕戮其魁數十人三十四年陞按察司副使備兵常鎮常鎮故無兵備以倭患特設崇古上海防議從巡撫都御史曹邦輔擊倭於柘林大破之又與總兵俞大猷出海洋斬倭二百餘級尋改鄜延兵備歷陝西按察使河南右布政使遂以右僉都御史巡撫寧夏套眾寇清水營檄總兵吳鼎擊走之招降卜兒丈土忽赤等三百餘人已復寇榆林潰瓦渣梁崇古率師親援前後獲首二百五十四級馬橐駝牛羊等三千七百七十有奇穆宗改元晉右副都御史其年冬陞兵部右侍郎兼僉都御史總督陝西三邊軍務以四鎮爲西北藩籬迫近河套不大創無以威敵條列延寧利病八事二歲中凡三薄塞崇古遣大將趙崙董一奎雷龍等堵擊追奔出長城二百餘里至白城子搗其巢斬首七百六十軍資甲仗無算論功晉右都御史四年改宣大山西總督方是時崇古威名著西北而盡俺答封貢事功尤鉅俺答者小王子賽那郎子也最强盛與兄吉囊等數擾邊嘗兩舉入畿甸京師戒嚴至是復破石州殺知州王亮縱

明史分編殘編下

三

張琦堂叢書

掠交文諸縣二十餘日乃去中國叛人趙全等實誘導之全山西人與妖人呂明鎮巨富等皆以白蓮術謀不執事覺明鎮伏誅全等叛歸俺答居古豐州地屋居農作名曰板升招集凶命百戶張彥文等復歸之眾至數萬人全等尊俺答爲帝俺答亦貴幸之榜所居爲開化府數偕入犯破城堡殺吏卒無歲不至邊人苦之朝論深以板升爲憂募得全者官都指揮賞千金久之竟不能得俺答子七人皆驍悍善戰其季子鐵背台吉早死有子曰把漢那吉鞠於俺答妻一刻哈屯哈屯愛之使僕阿力哥妻乳焉那吉長多智有口辯娶塔比吉女爲婦不相能復爲聘兔捨的金之女未娶俺答長女啞不害者生女三娘子貌艷麗受襖兒都司聘俺答通焉既生子遂奪取之襖兒恚將攻俺答俺答無以解卽以那吉所聘兔捨的金女償之那吉怒謂阿力哥曰我祖妻外孫又奪孫婦予人吾不能爲若孫吾行矣遂與阿力哥等十人叩關請降大同巡撫方逢時受之以告崇古崇古曰此奇貨可居也豐館餼餉與馬厚款之畫三策上聞大畧言尊顯之以示俺答因與爲市令繫送降人保塞奉約束彼卽不急因亦撫納如漢匈奴質子事使招其故部居近塞俺答老且死子黃台吉勢不能有其

明史分傳卷下

臣等謹將堂議書

眾而吾以屠者谷蠡秩秩之置塞外其與黃台吉媾則兩利俱存之弗媾則助以兵外不失興滅扶危之名而內收其力此萬世計也疏上巡按饒仁侃武尙賢等皆以爲不可御史葉夢熊爭尤力至引宋郭藥師張嚴事爲喻朝議紛紛不能決高拱爲相力主崇古議授那吉指揮使阿力哥正千戶各賜衣一襲宴賞供帳甚厚俺答既失那吉計中國必且甘心之其妻一刻哈屯朝夕泣且詈俺答悔之乃召趙全等計擁眾數萬薄大同崇古命總兵馬芳趙崙嚴兵待俺答不敢進因遣百戶鮑崇德諭意俺答見崇德氣張甚曰吾自用兵來不知殺多少總兵矣崇德徐進曰多少總兵殺之可盡乎中國若殺汝孫難再得矣今汝孫予官職收養卽欲歸之當乞恩懇請何持兵深入挾取是速其亾也俺答聞頗頷之乃留崇德別遣騎覘之則那吉方衣金緋與諸將會獵郊原洋洋無歸意騎還報俺答大喜會冬寒草枯駝馬僵死眾怨詈趙全等於是崇德再入營說俺答縛獻叛人可得愛孫俺答知眾心怨欲從崇德言猶豫不忍一刻哈屯力促之乃夜召全計事卽帳中禽全及李自馨等八人送中國奉文稱臣并請封貢至雲石堡待命崇古受其獻厚遣那吉那吉戀戀不欲去崇古諭以朝

明史分傳卷下

臣等謹將堂議書

廷恩許奉表通貢不絕瀕行復加宴資那吉感泣誓
不收貳中國乃攜其妻歸留阿力哥及俺答使爲質崇
古既獲叛人趙全等悉檻送京師帝告廟獻俘磔於市
加崇古太子少保兵部尙書總督如故賜蟒衣白金蔭
一子錦衣千戶拱逢時等陞賞有差那吉歸見哈屯諸
部落皆賀俺答亦感天朝恩遇遣使謝且乞表式請封
崇古度老把都等未與盟恐有詐不許老把都兒昆都
力哈者皆俺答弟而吉能兀慎擺腰永邵卜哆囉土蠻
其親支屬也俺答於諸部爲尊行力能合之必同心內
附始許假王封官諸部長比三衛五年春俺答與老把
都等遣使十八人持番文納款下兵部議部以馬市先
帝明禁慮要索無已議勿許崇古上言今日之事不當
以馬市例論嘉靖中俺答犯薊鎮執馬房內臣楊淮等
脅以奏開馬市先帝不允而咸寧侯仇鸞出塞無功潛
以金幣媚之請許開市以適已異常是時開市非其本
心故旋踵敗盟先帝震怒始實於辟嚴爲之禁今情事
實與昔殊俺答連歲入犯固多殺掠而凶失亦畧相當
屬者感天朝歸孫之恩既獻俘闕下復約其弟姪誓不
犯邊又非昔之擁兵壓境挾我邊臣而坐索也聞彼欲
圖以刺蠶食西番慮我議其後故堅意內附其情可信

明史分編卷編下

三
振綺堂叢書

且其請市非復請馬市也但許貢後貿易如遼東開原
廣寧互市之規此國家常典非昔馬市比况昨歲秋防
告警畿輔震驚至倡爲運甑聚灰寒門乘城之議幾爲
敵笑今納款內附乃必責久要守尺寸以幸百年無事
異日有失究首事之罪則豈惟臣等不能逆覩卽俺答
亦恐能保其身而不能保其弟姪能要諸部於目前而
不能制於身後也夫拒之甚易數言可決度必忿忿去
卽以遣降之恩不犯宣大土蠻及三衛必窺薊遼吉能
子弟必爲洮岷患若允封貢各邊有數年之安卽可乘
時修備設若背盟以數年畜養之力從事戰守不猶愈
於終歲馳騫自揀不暇者哉臣愿指國朝外裔封土亦
有太平賢義安樂及哈密忠順故事故臣以爲許封貢
便因條列八事詔廷臣雜議立有異同定國公徐文壁
吏部侍郎張四維等二十二人謂可許英國公張溶戶
部尙書張守直等十七人以爲不可工部尙書朱衡等
五人謂封貢便互市不便惟僉都御史李棠極言宜許
狀兵部尙書郭乾不知所裁條數事依違上請會文華
殿日講帝以問內閣拱具言外示羈縻內修戰備之意
帝意乃決下其事悉從崇古議封俺答王爵子孫分別
授官許貢市俺答聞之喜復捕獻板升餘黨趙宗山等

明史分編卷編下

三
振綺堂叢書

數十人械至京悉誅之四月俺答貢名馬三十疋遂遣使册封爲順義王賜所居城名歸化寺曰弘慈昆都力哈黃台吉等各授都督同知指揮千百戶等官三娘子封忠順夫人崇古既竣封事乃酌議入貢道路定貢期限馬數與譯使進止之所又議市場大同于右衛威魯堡宣府萬全右衛山西水泉營歲尅期開市裨將統兵憲臣臨閱硝磺銅鐵軍器各有禁入市毋弓矢甲冑與邊民相貿易異時燒荒搗巢虜政悉免夏躬詣弘賜堡宣上威德諸部羅拜謝貢馬五百匹以爲常歲公私市馬羸羊牛凡十數萬其陝西馬附宣大人貢互市與宣大準事竣無敢譁者晉崇古太子太保五年崇古復爲俺答乞陳四事一請給王印如先朝忠順王例二請貢使人京比三衛三請給鐵鍋四請撫賞所部窮丁聽不時小市疏奏給事中梁問孟言鍋可市撫賞不宜輕許陸樹德言貢使入京有五不可於是兵部覆奏貢使至光祿官就邊給賞總兵陪宴廣潞二鍋均犯禁以銅鍋代之其撫賞親屬窮丁不可久請勅崇古密定惟王印如議鑄給詔從之賜俺答順義王鍍金銀印申飭邊臣益嚴武備蓋自是邊鄙不驚奸民知諸番不可恃亦無復通逃矣萬曆元年召入協理京營戎政兵科給事中

蔡汝賢言崇古始議通貢二三年來無西陲之憂其功誠偉願敵情難測邊方未固始終壽畫正資崇古乃忽推舉京營夫循資可馭常材非所以待豪傑遷陟止酬年勤非所以振事功崇古久與俺答處信義相孚威望素服無故驟易能保俺答不疑或新任稍生事端尤足深慮如憫其勞苦則稟請金幣世蔭崇階皆足酬勞何必假京營爲報御史周詠亦言之帝謂體念邊臣不欲盡其力仍召崇古入以方逢時代之十月兵科給事中劉鉉劾崇古媚敵欺君復賄圖內補有詔詰崇古五千金實據鉉不能指帝責鉉輕信汚人名節令崇古遵新命供職崇古疏辨復慰答之明年加少保三年改刑部尙書以病乞休不允五年遷兵部尙書時俺答欲西行求佛請見三鎮通官并議甘肅西寧茶馬事下兵部崇古言前者俺答致書謂其姪孫在河套連攻切盡台吉不得志冀俺答西援復警臣以俺答老報書止之今俺答書來謝臣固知西行非俺答意也且督臣奏俺答忠順宜勅各鎮隨宜撫防俾駐牧者毋疑懼遠行勿致煩擾果志在搶番亦須密諭番族以示恩信從之於是南京御史陳堂以昔年貢市及順義王西行劾崇古狗敵弛防給事中彭應時劉鉉復連章論劾崇古上疏求罷

明史分編卷下

明史分編卷下

并陳款貢始末畧言皇祖御大位四十五年邊患無歲無之將士苦於征戰內帑匱於軍需庚戌之秋京師震驚增兵增餉萬姓疲勞先皇隆慶三年再犯應州宣大告急以臣爲總督適大同巡撫方逢時揭報俺答孫把漢那吉率妻孥來降臣會議上聞首陳遣降媾逆之畧繼言戰守備禦之方蒙先皇納輔臣之謀嘉那吉來歸授以官爵臣構獲叛人遣還那吉俺答乃感恩求貢招集各部誓不相犯臣條上貢市八事以封貢爲權以修防爲經廷議至再輔臣又於講筵面奉諭旨是雖當日邊臣措注之勞實由先皇獨斷輔臣遠畧臣不過奉揚而規畫耳經今七載節餉奚啻百萬保全軍民不可勝紀開墾屯田遠至塞外修築邊城墩堡各數百里往者各邊斗米二三錢今則僅值錢計屯種盡完鹽糧漸減視嘉靖末年隆慶初載安危迥異而鉉等乃謂貢不足恃敵情不可測以安爲危以功爲罪臣去留何足惜恐邊臣轉相顧慮坐失向化之心不至大壞邊事貽憂君父不止乞勅廷臣查核以明國是臣死無憾帝降旨慰勞謂連年款貢誠謹邊圉寧謐卿之勞績朕所素知不必因言求去已而給事中尹瑾御史高維崧復連章詆之崇古再上疏乞歸乃命致仕十年俺答卒子黃台吉

明史分稿殘編下 三子 振綺堂叢書

襲黃台吉卒子捨力克襲以三封告成敘崇古首事功予錦衣世職有司以禮存問踰年卒贈太保謚襄毅孫之采萬曆二十六年進士天啟中歷官兵部侍郎三邊總督崇古歷仕三朝因敵制變操縱悉中機宜封貢之初廷議紛錯甚且緣舊事動搖上心崇古聞之歎曰吾卽從容坐鎮何慮不以功名終願如國事何劃然決策無復疑避當時謂崇古善謀拱善斷二十餘年邊土靖安二人之力也

明史分稿殘編下 三子 振綺堂叢書

少保兵部尚書方逢時

方逢時字行之嘉魚人與王崇古同舉嘉靖二十年進士授宜興知縣調寧津已復補曲周皆以廉幹稱三十二年陞戶部主事歷工部郎中出爲寧國知府四十一年陞廣東按察司副使備兵惠潮時山寇花腰蜂伍端松坑賊温七暨葉丹樓輩各擁眾數萬連結海倭縱橫出沒有司屢撫屢叛積數十年莫能定逢時至毅然以平賊自任會端攻塗村掠刻字陂朱佛嶺遂至平山驛去惠州四十里逢時集兵討之郡縣吏以賊受撫持不可逢時曰賊以撫誤我我又以撫自誤夫賊之得我虛

明史分編卷下

長崎堂叢書

實者居人爲之接濟也無知之民與賊適見官兵不討又從而撫之若奉驕子亦何憚而不爲賊分布游徼禽賊謀十數人悉置之法端始懼復就郡縣求撫會徵兵拒倭潮州逢時檄端使立功自效端佯應諾而倭眾萬餘自潮州至海豐端黨徐某與端率三百人投倭中端聞飾美女名馬金幣結倭約合兵入寇逢時偵知之密爲檄三道移各鎮巡具進兵月日道路并遣新降伍端温七爲前鋒徐某爲內應及美女銀馬餌倭狀遣卒持經倭營倭遂得之乃大驚夜召降者三百人悉殺之徙營去逢時旣以計退倭遂分道攻白馬窰破其三巢

端等皆就禽斬首千三百餘級葉丹樓者名茂長樂人

與伍端等同爲盜已相讐殺流劫長樂龍川閒眾至萬人逢時旣討伍端端遣人求援於茂未至聞端敗返走長樂溥通衢驛逢時遣經歷郭文通出不意斬賊七十餘人茂走乞降逢時計茂強盛無巢居急之且流劫乃聽撫使居縣之橫陂叵何海上兵亂新倭更大至茂乘亂復叛去逢時言於總督吳桂芳請先平倭徐討山賊桂芳然之遣王詔門崇文將狼兵三萬遇倭於海豐敗走之逢時謂桂芳曰茂旣撫復叛法宜討顧兵力不服耳今乘勝掩擊一勞永逸之計也且賊僞受撫非真心

明史分編卷下

長崎堂叢書

向化失今不剿後且難制請假精卒二萬五千人期一月爲公討平之於是留王詔郭文通屬逢時自將逢時檄茂曰督府以餘倭在潮陽遣兵從長樂要擊汝旣就撫當署汝爲前鋒茂得檄不敢信遣親信十七人來謁逢時曰知茂能辦賊所以檄諭者慮兵經汝巢或驚懼耳汝歸告茂亟殺賊自效毋恐十七人者乃大喜乞一官入巢填撫逢時曰善願誰可皆曰無若郭經歷逢時曰更善乃召文通以兵千人往復諭茂選勁兵大軍至卽行毋自誤乃夜整兵王詔將之疾趨抵橫陂旣陳茂大驚曰官軍乃征我也麾眾戰文通兵從中出內外夾

擊斬首五百餘級茂走南嶺分兵扼其要衝賊眾乏食
內潰禽茂以降前後斬獲千八百有奇招降三千餘人
惠潮賊悉平隆慶二年陞山西口北道參議明年陞右
僉都御史巡撫遼東甫十日移鎮大同時大同獨當俺
答部落十餘萬馬四倍之叛人趙全張彥文等居板升
數導爲邊患懸賞購募終莫能得逢時抵鎮值俺答犯
威遠堡將窺老營逢時曰是乘我初至無備耳遣總兵
馬芳馳駐威遠郭虎援老營而總督陳其學移駐高山
城爲二帥聲援自以步兵繼進俺答至諸將皆堅壁不
可攻芳邀擊之斬首十六級始引眾西去留孫把漢那
吉居守那吉以俺答奪其妻大恚恨其僕阿力哥勸之
來降九月叩威遠望參將劉廷玉譯得實以告逢時逢
時曰機不可失也遣中軍康綸率騎五百往受之那吉
至鎮城逢時陳兵召見盛輿馬豐館餼與總督王崇古
畫三策上聞語具崇古傳中方那吉之來降也俺答擁
眾大索逢時遣百戶鮑崇德出雲石堡應之會俺答部
目五奴柱者適來崇德諭之曰那吉慕義來降非我誘
引蓋天意也汝欲求其生當納款哀祈若以兵是速之
也五奴柱然之以告俺答邀崇德至營說以執獻叛人
當歸而孫五奴柱等故不喜趙全力懇恩俺答心動遣

明史分編卷下

三十一

火力赤十六等以書報逢時逢時諭之如崇德言先是
逢時刻木塞上許板升叛人自贖全與李自馨投密書
言悔罪思歸請如約逢時受而藏之至是全導俺答悉
眾內寇可得那吉諸部皆不欲俺答獨信之調其子黃
台吉以二萬騎入弘賜堡永邵卜趨威遠而自以大營
向平城逢時曰此趙全謀也命崇德詰俺答失約因以
密書示之俺答大驚執叛意始決崇德辭歸俺答曰吾
意已定當與永邵卜俱退顧吾兒黃台吉在東不知約
恐深入耳已而黃台吉果以夜半奄至營鎮城之東塘
坡諸將皆先期調遣守禦空虛逢時坐東城大啟四門
疑之又計黃台吉父子不相能難以調而來無必得那
吉之意乃取那吉令箭使龔善土忽智持示黃台吉曰
那吉之事已與汝父約奏請處置汝父恐汝不知以此
示汝毋壞約黃台吉執箭泣曰此非吾父箭乃吾姪把
漢那吉之箭吾弟故物也見此如見吾弟與姪矣我來
非爲寇奉父命求那吉耳那吉既授官在京又有約吾
當出與吾父計之乃以箭馳使報俺答而遣其部目啞
都善見逢時東城樓逢時曉以大義犒遣之黃台吉大
喜因使者求幣逢時笑曰吾聞黃台吉豪傑也故以禮
相待今求賞是好利人耳汝若與汝父同心納款朝廷

明史分編卷下

三十一

且有大爵賞何愛此區區爲今昇汝幣壞汝名吾不爲也使還報黃台吉大慙遣噶都善來謝曰北人不讀書甚鄙蒙太師訓知罪矣拔刀上馬東出至西城爲宣府鎮兵所阻部眾欲戰黃台吉止之曰方太師與我有約戰則約壞何以見太師西反由拒門堡而出逢時咨報崇古而巡按御史姚繼可以逢時輒通敵使請罷斥大學士高拱議曰當俺答執叛乞降之時正撫臣臨機設策之日敵情既不可盡洩密計亦難以自明但當要其後効何如耳有旨供職如故黃台吉既以箭送俺答營俺答遣火力赤十六等復來計事因論黃台吉還比至黃台吉已出矣乃使二人見崇古定歸叛人約俺答欲先得那吉後獻全等鮑崇德不可乃復令打兒漢等同張彥文持書至逢時許歸全等即送還那吉厚犒諸眾而留彥文於陽和俺答乃夜召全等計事使五奴杜恰台吉即帳中執之送大同逢時受之遣康綸奉勅旨賞幣以兵送那吉那吉不官行撫諭數四乃大悟曰朝廷恩德我何敢忘但願朝廷不念我耳使兵備崔鏞副使麻錦置酒餞之俺答與其妻候於河上相抱而泣曰不意今日又得相見此天子恩也焚香稽首以書與馬來謝因請封貢趙全等械至京獻俘告廟隆逢時兵部右

明史分編卷下

振綺堂叢書

侍郎兼右僉都御史賜飛魚衣廕一子錦衣百戶世襲甫拜命而逢時以母喪歸矣其後俺答封順義王通貢互市崇古始終成之要其始那吉實叩大同逢時經營區畫功固不在崇古下也萬曆元年崇古入協理戎政起逢時右副都御史兼兵部左侍郎代爲總督逢時與崇古共事久至是益申明約束諸部用命順聖川懷安保安右衛災逢時疏請主餉萬五千石備賑濟屯團地畝未完者亟停罷又請鎮軍多支本色以平米價訓軍積餉務修實政部議悉從之三年加兵部尚書再酌定三鎮貢市馬價著爲令明年貢市事再竣表上北邊款貢圖帝優詔答之加太子少保時邊境無事朝議輒藉藉論貢市逢時疏陳款貢之堅互市之利議者不必過慮以揣大計因條列敦信義重撫賞審機宜慎招納養士馬凡五事四月召入協理京營戎政王崇古致仕代爲尙書時張居正奪情爲舉朝所誚憤甚假星變考察諸異已者張瀚罷以逢時署吏部尙書事六年正月回部加太子太保七年論兩廣功加恩兵部晉少保九年致仕御書蓋忠二字賜之又賜牙章文曰功存社稷名重華彝二十四年卒逢時與張居正皆楚人在嘉隆中業自以功名顯不必盡由居正其秉樞管秩皆居正

明史分編卷下

振綺堂叢書

國時又署考察不無曲徇人故以此議之卒之日卹典
久不行萬曆末追論逢時功遣行人李日宣予祭九壇
崇禎九年復諭祭然贈謚卒未及云

兵部尚書贈太保謚襄敏鄭洛

鄭洛字禹秀安肅人嘉靖三十五年進士授登州府推
官行取廣東道御史時世宗用御史鄒應龍言黜嚴世
蕃然猶念嚴嵩甚其黨鄒懋卿復橫洛上疏論劾懋卿
及大理寺卿萬家太常寺少卿萬虞龍朋比姦贓不職
詔罷懋卿家降虞龍僉事明年巡按四川討平土酋辭
兆乾等尋出爲四川布政司參議調湖廣副使分守承
天帝營顯陵命內官監督繁費騷動洛上書言今日之
役當以天下之財力助大工不當取之一省以全省之
財力助供億不當取之一郡工作當從雇募毋議編派
供億當從官辦毋累里甲部使者然之會帝崩乃罷隆
慶元年右州陷三晉震動擢山西按察司副使備兵澤
潞郡縣皆嚴城守民踐更不得田作洛悉遣歸申嚴保
甲間里得無患晉按察使河南右布政使丁內艱歸起
浙江左布政使萬曆二年升右僉都御史巡撫山西明
年移鎮大同六年入爲兵部左右侍郎明年總督宣大
山西軍務三鎮自儉答封貢後王崇古方逢時相繼撫
馭邊郡晏安逢時去吳兌代之至是兌召入乃以洛爲
總督宣府部落滿五大青把都及屬部銀定倘不浪等
假起性掠獨石馬營諸堡洛奏停其市賞仍諭順義土

開治簡不浪等尋悔禍九年冬俺答死十一年黃台吉襲封順義王按國俗三娘子當歸嗣子黃台吉老病三娘子不欲從率眾進黃台吉引兵西追貢市久不至洛計貢市無失期三娘子力也三娘子別屬吾封黃台吉何爲乃命人語三娘子曰汝歸王天朝以夫人封汝不則一塞上婦耳三娘子迫於利害乃歸之黃台吉襲封四年三娘子佐之貢市惟謹升洛兵部尙書總督如故洛以承平日久條上邊務帝嘉納會御史辛志登上疏論洛向年媚附王篆以及笄幼女嫁袁暮文選蔣遵箴以求總督棄女廣西萬里之外致妻恚恨病死洛疏辨并辭陞蔭語稍夸大於是工科給事中白希繡復特疏論劾帝以言官不體朝廷優禮邊臣意責而宥之洛再陳邊事言今日事勢在邊外則敵情叵測統馭無人宜預思規畫以消費隙邊內則天時可慮災旱頻仍芻糧不敷軍民疲弱宜善籌策以杜隱憂帝是之聽便宜行事十四年黃台吉死子捨力克當襲是時三娘子築城別居自練兵萬人羣情倚之爲向背洛復論捨力克乃盡逐諸妾就婚三娘子其部落牙答漢等盜掠助馬堡備頭關三娘子悉罰治如法十五年封捨力克順義王三娘子仍忠順夫人蓋至是凡三封矣洛言捨力克雖

明史分編殘編下

振綺堂叢書

剛封須實修軍政爲制馭之方近年貢市原示羈縻修我備禦非恃爲久安也請勅各鎮策戰守勿啗恃款貢亦不得輒起釁端又言處置機宜其要有三一定馬數大同一萬匹宣府二萬匹於樽節之中稍寓通融一限賞額隆慶以來賞至四萬七千有奇若不限以額何以應之請以萬曆十四年爲準一切賞格不出原議外一明軍令款久則玩玩則積衰招寇必馬壯器利修險備粟以實軍需相機度勢制跳梁之氣詔悉從之以病乞休不允十七年召入協理京營戎政以蕭大亨代之捨力克暨忠順夫人上書於洛請假邊內西行洛召其使訊之則順義王三娘子已自多羅西行矣洛曰西行既屢諭不止何得輒道甘肅忠順夫人素恭謹乃輕擾內地耶使者具言復仇瓦剌當從關外顧西河長失免死順義王欲收其眾且聞諸部落起釁甘肅自往鎮定洛因諭之曰假道宜疾行勿逗遛生事彼中撫賞不能多勿厭薄也萬一構難連兵於西爾妻子部落在此能無內顧憂乎吾與若處十年今且還朝汝恪守前規蕭督府當善遇汝毋爲人誘自取禍也使者復引例求通事官同西往洛恐藉通事爲邀求然不欲竟拒因計八月抵甘肅乃計以七月遣通事赴陝使唯唯去至是緘其

明史分編殘編下

振綺堂叢書

書并述所語上聞論者謂洛在西陲善羈縻其所以控馭騎王結歡歲久者方略多類此先是俺答兄吉囊子吉能居套中至是吉能父子俱死子卜失兔幼不能制其眾用事臣切盡台吉亦死莫相統一嘗抄掠諸番而火落赤者切盡台吉弟尤桀黠據莽刺捏工二川時掠漢人畜邊將就索輒歸之時副將李奎方醉卒以侵掠報奎單騎徑赴火落赤持鞭白奎拔刀砍之遂大譟射奎死總兵劉承嗣擊之不勝遂入犯洮河副將李聯芳戰歿西邊騷動而捨力克適西行火落赤等挾以為重朝議藉藉特設重臣經略洛方以戎政被論求去申

明史分編卷下

長壽堂叢書

時行薦之十八年八月詔停順義王市賞命洛經略陝西四鎮及宣大山西軍務或勸洛疾驅救臨洮洛曰彼謀未合安能十日居內地也已果退乃為檄諭諸部火落赤真相台吉悖逆法無赦其支屬及西來非黨逆者悉貸之十月至阜蘭山大會文武將吏上疏言臣自偏頭關渡河抵貴甫川細詢情形皆言順義王東歸隨赴固原會督臣梅友松出三娘子一書大抵理窮認罪而其子不他失里書尤激切火落赤真相台吉向在莽捏二川今亦遯跡臣同贊畫僉事萬世德先至莊浪候總兵尤繼先至分布總督于蘭州固原聞巡撫趙可懷駐

洮河為犄角多集兵餉廣布開謀先伐其交次問其罪警稍假時日勿責近效又言火落赤未大創五部蜂屯海上要使其黨漸移孤雛自困故自北來者必力為堵禦其南歸者宜稍寬一路至彼欲移牧海上竊以為可許蓋拒之臨邊不若先聲于未動也因請練兵延緩薦原任總兵李真遊擊吳顯來保可任從之是時梅友松奪職命洛兼總督事洛疏辭不許十九年二月以鄧喬林為總督道卒魏學曾代之未至而卜失兔率眾西援火落赤洛遣兵邀擊斬首九十五級奪其坐纛及原受勅書卜失兔被創走西海洛欲大舉搗巢念其母太虎罕素恭順乃請革市賞示杜絕仍撫諭沿邊各部使知奉法大懸賞格購禽火真諸逆前後招徠馬其撒卜爾加等七族賓免妻及紅帽西番雜毛扎爾的等一十四人又於河州西寧招降未來番族編兵作隊者二千餘人火落赤聞之踏冰宵遯其黨可卜列等尙住莽刺尤繼先馳赴之斬首百三十八級禽十二人捷奏敘賚有功將士洛辭陝西三邊軍務專任經略復不許時捨力克尙駐仰華寺套眾未盡服洛一意撫戢而巡撫葉夢熊及新督魏學會皆主戰洛奏臣奉勅諭務使順義東歸火真各還原寨而夢熊必欲戰夫兵凶戰危臣度時

明史分編卷下

長壽堂叢書

勢未可輕動不敢委生靈於鋒鏑貽君父憂章下兵部
尙書王一鶚言洛稱順義已歸頃尙西駐故言者紛紛
不閱視科臣鍾羽正疏稱播力克果去仰華羣醜盡徙
則經略遠計可見蓋兵出有名彼方遠遷輕出爲難若
乘秋再逞正可畜銳以俟趙充國之服先零計不出此
學曾議絕款貢修備禦夫絕款之始須以虛實緩急權
之未可率易啟釁請勅經略督撫同心共濟于是光祿
寺丞朱維京等各疏論經撫持議異同請召洛還以經
略總督委學曾夢熊而太僕丞徐玟給事中張棟李汝
華連章論洛掩耳偷鈴玩寇起釁詔下撫按覈實巡按

明史分稿殘編下

振綺堂叢書

御史周盤言近日諸臣皆欲言戰獨洛觀變隱忍俟時
請以更始善後付洛必能使西事就緒宣大總督蕭大
亨亦言通事王漢林親見播力克三娘子歸巢於是羣
議始息詔洛還宣大洛遣兵焚西海仰華寺條上邊計
十二事因言卜失兔當誅松套各部宜別順逆以爲剿
撫又言甘肅爲清海門戶歸德爲兩川咽喉請增設守
備于歸德又言臣自西寧起行甘肅寧夏市規已定卜
失兔亦回巢惟延綏明安莊亮頓等寇未靖而餘眾就
市四鎮自可無虞臣不敢以身離地方不以上聞旋師
至自登播力克求復貢市洛責令縛獻諸逆時火落赤

眞相台吉已遠竄乃執叛人史二致塞上洛責而宥之
史二播力克兄安兔塔也于是復貢市二年其賞賜準
初封時事竣人爲兵部尙書明年二月以病乞罷許之
五月兵部覆奏議者皆言洛重利啗敵東歸今洛所請
馬價四十萬科臣李汝華覈驗皆實則非賄敵明甚且
火落赤渡河遠徙卜失兔奔逃來歸而順義王八九萬
眾出邊秋毫無犯又執獻史二操縱在我謂非洛有成
算不可當此多事不可久投林麓失邊臣任事心有詔
起用不果家居九年卒贈太保諡襄敏洛生平頗不愜
于清議洮河之役撫剿紛紛獨一意撫款卒就寧謚子

明史分稿殘編下

振綺堂叢書

材承父蔭歷戶部郎中以絕婚葬母二事許起用賢傾
陷善類高攀龍疏糾之已調南京論爲民復單騎持刀
入都揭參通政司參議吳默及用賢爲給事中周永春
等交章論劾并請改洛諡謂許敬宗以女嫁蠻酋馮盎
子多納其貨而洛嫁女萬里爲求總督事正相類敬宗
諡繆而洛得諡襄敏是宜改時帝章奏皆留中議得不
行

兵部尚書贈太子少保周世選

周世選字文賢故城人嘉靖四十一年進士授常州府推官時倭患未息御史行部至海上世選從倭報踵至御史將去之世選曰督撫在遠而公幸至今去必生民心有如倭遂登岸莫難圖也御史然之以兵屬世選督而前俘斬數十百人獲器甲資糧無算擢禮科給事中條上時政七事又論劾禮部侍郎潘晟工部尚書雷禮吏部侍郎秦鳴雷皆極切直時河決馬家橋而浙江礦寇作亂軍政廢弛上疏陳時弊四事一曰治水國初夏原吉以重臣治水江南功施至今自後止憑文移往來

明史分編殘編下

卷一百一十五 振綺堂叢書

塞責臣謂震澤暴漲潮沙壅塞浸為東南大患宜亟令修治陂塘舉行原吉故事庶根本重地可以無虞二曰通賦夫通賦之弊起於額額不均姦人包占及巨家貴族投充優免影射詭寄宜令有司定為則例而糧長收頭一切汰除三曰議將南北將帥多資緣賄賂如京營游擊韓濟文遣家人投千金於權門以求美遷延緩總兵趙苛假公差挾金入都以圖大柄宜嚴治之四曰勦盜各省巡撫有司官如傳舍故多隱匿如川湖閩廣羣盜紛紛不即撲滅宜坐姑息養亂之罪今徽寧礦賊尙熾而秦州史家庄監徒復起此江淮咽喉乞令守臣勦

明史分編殘編下

卷一百一十五 振綺堂叢書

平仍通行天下各舉保甲之法約束齊民以消禍本疏入詔所司行之世宗末言官摧抑過甚人皆以言為諱穆宗卽位諸臣猶觀望如昔世選首請勤政御朝聞帝馳馬禁中上疏切諫留中數日不下卒降溫旨慰藉之世選故出大學士高拱門拱與徐階隙授疏使劾階世選謝不應且曰吾不能為權門鷹犬拱銜之請旨非時考察科道官坐世選素行不謹奪職萬曆元年拱罷諸黜謫者相繼進用獨世選削籍不敘家居久之十一年都御史丘橈論薦起戶科給事中疏請召用原任禮部侍郎王錫爵刑部尚書劉應節操江都御史吳時來巡撫孫丕揚等帝閱內操復上疏極論應尙寶寺卿通政使司右通政太僕光祿寺卿晉右僉都御史巡撫河南中州承大祲後又多疫田蕪棄不治立發帑金檄所屬墾田數十萬頃開封以給餉失期軍譁于府門杖其首亂者眾帖息礦盜嘯聚盧氏諸縣有司不能制世選親勒兵討平之疏論文武失事功罪并議善後事宜請以嵩縣守備冬春移駐樂州夏秋仍駐嵩從之召入協理院事行李蕭然不知其為中丞也時朝鮮中倭俾董餉事遷工部左右侍郎尋改兵部協理京營戎政歷都察院右都御史兼戶部右侍郎總督倉場二十一年陞南

京戶部尙書復改兵部參贊機務世選以倭患未息南
京根本地踞長江上游條上戰守入議凡南北沿海沿
江軍兵務選精壯查補虛名有不足召募本處者民漁
戶厚其募直練爲游兵將領擇謀勇忠義者爲之不拘
世職行伍見任廢閒本鎮外省有功破格陞賞仍降空
劄給督撫酌授以示鼓舞沿海哨探之法久弛嚴行撫
鎮選熟知水道之人出洋遠探遇警星傳凡寇入犯以
邀擊海洋爲功若縱令登岸不與陸兵夾勦則水路任
其咎登岸以初至堵拒爲功若縱令流突不與水兵夾
勦則陸路任其咎仍照失事大小議罪城守責有司墩
臺責將領務修葺完固收斂儲蓄保障人民爲持久計
大江南北鎮兵固宜同心共濟而隣近郡邑亦當互爲
聲援或設疑搗虛或出奇伏穿先至者賞坐視者必誅
臨事推諉由責成不嚴凡屬沿海如薊遼保定山東浙
江應天鳳陽福建廣東操江都御史及總督撫按務嚴
行各道將分職任事不得怠忽先因東倭猖獗題定賞
格合行懸示激厲人心至於陸戰衝鋒水戰沈船皆爲
上功不論斬獲首級其退縮者罪之章下兵部皆如議
行世選在南樞訓練軍卒造戰艦立營舍奉命調發水
兵三千人援朝鮮倭遣閒入留都輒搜捕得之生平廉

峻遇事敢言誠意伯劉世延驕倖世選劾其罪逮下獄
兵部尙書石星主封貢議勿成帝怒責及言官復具疏
申抹持論侃侃老且不衰三上疏告歸時兵部尙書缺
左侍郎李植薦世選足備任使不報二十六年起兵部
尙書以疾乞致仕不允再請許之數年卒贈太子少保

兵部尚書凌雲翼

凌雲翼號洋山太倉州人嘉靖二十六年進士授南京工部主事歷郎中出為浙江僉事屢遷至江西左參政連丁父母憂服闋上疏言蘇松財賦所入當天下一分之一由外濱大海內阻河湖大河環繞於郡縣以吐納江海之流支河錯綜於原野以分析大河之派寸土尺地皆得灌溉此東南財賦之原也邇來淤塞日甚支河不達於大河大河不達於江海旱則一望枯槁潦則立成巨浸田畝日荒逃移日眾請專設御史督理水利詔是其言命巡鹽御史兼之是歲補山東右參政陞浙江

明史分稿卷編下

振綺堂叢書

按察使再遷至山東左布政管密雲兵備以疾請告歸隆慶末起河南右布政未任陞右僉都御史撫治鄖陽疏陳清軍六事凡丁差屯田運軍班軍及科派月糧條畫井井萬曆元年陞右副都御史巡撫江西召為南京兵部右侍郎三年陞工部尚書兩廣總督殷正茂入尚書南戶部改雲翼兵部左侍郎兼右僉都御史代之時海寇林鳳流劫閩廣界雲翼至檄總兵胡守仁禦之追奔至淡水洋沈海船二十餘艘鳳走西番雲翼以廣西地界遼曠非一參將所能任請命陳璘守高州陳典守肇慶韶廣而練兵諸務調松潘遊擊張延虞任之前後

鵬勦有功撫降馬志善李成等千七百餘人海寇平賜金幣有差五年以廣西民屯二糧積弊請嚴核務使民不得指為屯地軍不得指為民田尺籍既定仍歸屯糧道綜理報可是歲兵克羅旁初肇慶梧州間有地曰羅旁東西二山相距二百里南通信宜電白西接瀧水岑溪跨帶德慶陽春新興茂名諸縣延亘二千餘里獠人盤踞其中叢山深箐叛服不常嘉靖間與浪賊黃德祥合二山遂為浪據四方亡命復歸之嘯聚益眾截斂商賈剽掠諸村落久之戕官吏殺人民雖聞受招撫恣橫如故殷正茂為總督決策討之以去任不果條羅旁進

明史分稿卷編下

振綺堂叢書

勦機宜十事上之至是下其議命雲翼進討雲翼方經略惠潮至於海聞命亟還鎮召諸將吏計事皆言羅旁地險惡國初鄧申國曾一討之成化中韓襄毅平嶺表亦未從事羅旁今遽議大征恐未易且其人頑犷喜殺得其地難於善後雲翼曰上命也非某所敢知於是調兵食簡將士選膽勇材官十人入賊中諭以招撫使不疑諸險隘預置兵屯守凡山陵險易峒窟淺深蹊道遠近蠻情虛實悉偵得之於是大誓將吏岑溪哨違令殺降民雲翼立召其帥將斬之許立功自贖諸將股栗調狼兵十六萬合土漸兵三十六營分十道使二廣潘泉

參遊分領之張元勳陳璘爲總兵尅期並進猺眾出不
意連戰大破之克木夷山焚其巢五百六十四所禽斬
俘獲共四萬三千八百有奇降者二千餘數百年逋寇
蕩除無一人得脫者雲翼條奏善後事宜請升瀧水縣
爲羅定州東山黃姜峒西山大峒分置東安西寧二縣
各築城選將屯駐其南鄉富霖封門函口設千戶所四
改惠潮仲威諸道以徐時可徐汝陽劉倬等爲之增設
參將分守二峒移德慶守備駐瀧水撥兵哨守有不足
就近抽補或以間遣新軍充之士民浪獠願受田隸軍
所者聽開闢道路改壽康驛于南江口創置東亭新昌
立石那夏等六驛以通水道召附近民佃種其他經理
稅糧課程皆有次第奏上帝大悅告廟宣捷加雲翼右
副都御史總督如故賜金幣飛魚服蔭一子錦衣衛副
千戶六月復與廣西巡撫吳文華討平黎賊上首功千
三百七十六有旨敘賚有差是時雲翼威名震嶺海岑
溪六十三山及七山那留連山等皆與羅旁接壤向獠
獠煽聚至是賊首滿積舍等皆請撫願歸地輸賦雲翼
以聞請設指揮千戶駐守從之六年遂進兵勦河池嘯
咳北三諸獠斬首四千八百四十級獲馬牛刀仗千計
提奏蔭子副千戶于世襲廣東大廟陳黎等寨劇寇爲

張頰濫論者議之

患化英德清遠諸縣雲翼遣兵勦捕悉平之請于白芷山下建營舍調韶州清遠兵守之自新村至上下二次分築上圍以安新集之眾開路築橋集編氓爲保甲丁是嶺表悉平冬十月陞南京工部尙書七年改兵部尙書兼左副都御史總督河漕以漕舡廠敝論劾監督參政胡定管廠員外郎陳瑛等帝以邇年法令止罪微員於甲科監司多恕命奪定等俸著爲例明年濟茶城至留城運河又以徐州戚家港水溜急妨運議開新渠建梁境內華古洪三閘詔悉從之十一年黃河南徙上治河疏請自馬家嘴歷龍江至楊家閘出武家墩別開新河以通運道下廷臣議給事中尹瑾等以爲不可議遂寢尋召還部協理京營戎政以病乞歸許之雲翼家居頗寬縱十五年家人以爭產毆諸生章士偉至死諸生詣雲翼申論復錐辱張元輔等數人元輔忿極自縊吳人爲之罷市提學御史詹事講疏論給事中徐桓御史陳奇謨復連章劾之下撫按案實革職閒任雲翼與殷正茂同舉進士皆有幹濟才正茂入主南計部請征羅旁稱雲翼可屬大事雲翼慷慨任之卒能成功雲翼之決策正茂之讓能並有足多者河池北三之役當時謂

無叛逆雲翼喜事邀功殺掠過慘失朝廷撫綏意陰

明史分稿殘編下

張綺堂叢書

太子太保兵部尙書張佳胤

張佳胤字肖甫銅梁人儻有才略諸生時光州劉繪爲太守奇其才致幕中語其子黃裳曰今之乖崖也盡出所藏書授之遂博通今古嘉靖二十九年舉進士授滑縣知縣滑多緹校往來一日晏坐有弁疾驅至一髯輔之曰我官校也奉命捕邑豪與若有連胥吏以下皆辟易遂挾佳胤入別室出匕首佳胤心知之曰若何欲曰予我萬金乃佯驚曰我何所得萬金卽庫金有之然皆邑賦長名若出十里外敗矣今日予庫金法必死不予亦死請受刃髯者曰我何必死公第欲得金耳佳胤乃曰邑故多富人我出一紙授之卽不滿萬可半致也呼小吏前書應賦金者二十輩曰緹帥責金急人致二百金來時丞簿尉踟躕儀門外謂官校果捕佳胤旣得所賦金主名則皆賊曹游徼也於是亟遣二十人進以次出金而袖鐵錐前擊之髯者出不意自到死縛弁訊之名任敬髯者高章也使人跡郊外得三四騎禽之皆磔於市擢戶部主事權閩廣道改職方丁外艱服除擬授吏部郎嚴世蕃索賂不得乃遷禮部尋假風霾考察

明史分稿殘編下

張綺堂叢書

謫陳州同知遷蒲州歷河南僉事屢遷至山西按察使隆慶六年拜都察院右僉都御史提督應天等處兼巡

撫乘傳至九江而安慶兵變先是以安慶踞長江上游設守備戍之體與郡守抗至是知府查至隆以武弁多僕夫冒餉吏自爲盜稍裁抑之會懷寧尉夜巡撲其怠者江卒忿指揮馬負圖張志學等遂張旗幟爲亂志隆設策平之佳盾具疏白其事請一切正法著爲令又以徽寧池太安慶廣德地遼曠多盜舊以徽隸金衢道安隸九江道頃礦寇流劫徽池浙兵不救安慶江卒作亂九江道不聞請置兵備池州罷二道遙制從之方佳盾推巡撫時故相高拱稱之張居正又薦其才皆無所報謝乃兩疑之及拱去居正柄國安慶通判王應桂故嘗

明史分稿卷編下

振綺堂叢書

庇亂卒爲佳盾所糾乃爲蜚語居正信之俾回籍聽調久之乃大悔曰吾幾失此人召補南鴻臚卿擢右副都御史巡撫眞定母喪歸召撫陝西未上改宣府西番部落滿五擁鐵騎闌入獨石口檄總兵麻錦伏兵邀之生獲其副八賴時方互市滿五使來求詞甚哀佳盾計從之則見狎戮之且見警乃以屬錦俾建大將旗鼓縛八賴將斬而親馳赦之八賴叩首誓不敢犯然滿五益驕挾賞購段奈台吉銀定倘不浪等入寇佳盾移檄順義王罰治滿五等強俺答不能制廷議稍益賞示羈縻佳盾上疏言今日之事與曩異奈何曲爲徇臣請悉一鎮

力制之不效則治臣罪帝從佳盾議滿五聞之乃大恐還所掠人畜獻馬百八十匹牛羊橐駝稱之是歲省籍錢萬計入爲兵部右侍郎萬曆十年浙兵亂浙江巡撫吳善言者故循吏不習兵奉旨減卒月餉卒訴之不聽持益堅黠卒馬文英劉廷用乃媾其黨謀於治餉僉事王許之門許之逸遂闖入幕府善言匿他室跡得之擁而至營窘辱之萬狀巡按御史張文熙巡鹽御史孫洵及權關主事王謙等曉諭百端始稍稍解然猶責善言自書股削狀出庫金爲酒食資當是時吳楚閩越卒皆騎督撫惟憐至有穴垣防不測者事聞居正議簡巡撫

明史分稿卷編下

振綺堂叢書

往定之難其人已而曰吾得之矣與吏部尙書梁夢龍各書姓名手中已出驗之皆佳盾也遂以佳盾兼右僉都御史巡撫浙江甫受代而市民之亂復起始杭城諸柵例有役夫諸土著多捐金募游手充之前二歲始嚴其法必以身受役役者既惰不任借摺紳以免夫數益少役益迫而游手驟失募亦怨上虞人丁佐卿者僑居素舞文與市大猾相結假利便言之監司守令皆不聽意忿忿思爲亂會佐卿坐他法徇于市市猾嗾眾奪之諸叻賴響應遂至千餘人焚免役薦紳家破兩臺使門掠其貲文熙及諸監司俱匿佛寺以免報至佳盾不色

勅徐問曰營兵哨海者發乎曰發矣留者二營與市民
合乎曰未也佳胤喜曰速驅之尙可離而二也從吏懼
備無人邑佳胤食飲笑談自若既抵鎮民行剽益甚盡
毀諸柵且抵臺門佳胤從數卒肩輿出諭之曰汝曹毋
反反則族矣且汝必有所苦眾乃以夜役告佳胤曰易
耳卽下令除役眾始叩首退然氣益張夜掠諸巨室火
光亘天佳胤秉燭草檄質明馳諭之眾不聽裂其檄佳
胤大怒召游擊徐景星呼二營長入慰勉之曰民亂極
矣然非汝曹比汝何不自爲功又呼馬文英劉廷用曰
聞汝前自縛請死壯士也汝死法何不死義且必不死

明史分稿殘編下

卷

振綺堂叢書

皆踴躍聽命乃約束二營卒使景星帥而討亂民凡四
戰大敗之生獲百五十人而丁佐卿與焉佳胤以便宜
斬韓謹等五十二人餘悉放歸亂始定疏聞帝優詔褒
答佳胤念亂兵未伏法急之慮生變假他事或密掩斃
之則法不振乃召文英廷用曰罪可贖矣予之冠帶二
人意自得揚揚卒聞且有所侮羣卒大怨憾佳胤知
眾心異乃發營卒哨海而密以名屬景星捕陳德勝等
七人至轅門并文英廷用數而斬之餘皆赦勿治呼平
亂二營卒語之曰吾非不得若主名以有微勞耳且吾
不欲食言羣卒咸忱服于是二亂悉平論功陞左侍郎

還理部事道拜兵部尙書協理京營戎政尋又改兼右
副都御史總督薊遼三鎮上薊事當慎遼事當行凡八
事下部議行時遼左與土蠻近而開原屬部還家奴仰
家奴與之通爲鄉導數犯邊佳胤檄李成梁禦之伏發
斬二渠及偏裨四十五人甲首千五百有奇告廟獻俘
加太子少保土蠻再入寇復斬首八百三十七級進太
子太保累蔭子錦衣衛千戶世襲當是時山海關外屬
部董狐狸駐牧頗眾而桀黠多詐邊臣貪功欲以薊遼
兵夾攻之佳胤謂邊釁不可開藩籬不可撤議得寢狐
狸自款塞脫帽跪起甚悲佳胤責讓之叩頭請奉撫賞
他所陳備邊諸策皆報可召入爲兵部尙書三疏乞歸
家居數年卒三十六年御史黃吉士議卹論定遺賢爲
佳胤請謚時帝章奏多留中寢不行佳胤善詩宰滑縣
日李攀龍守順德以詩謁見攀龍大善之及爲戶部與
王世貞等相倡和遂以詩名

明史分稿殘編下

卷

振綺堂叢書

太子太保兵部尚書贈少保張學顏

張學顏字子愚肥鄉人嘉靖三十二年進士授曲沃知縣三十六年行取考選工科給事中兵部尚書楊博總督宣大命事竣還部至是右衛圍解議召還學顏以博老臣知兵請假事權俾專任經理帝然之命博留鎮治事復疏議久任凡總督巡撫非六年九年以上毋驟遷部議格不行出爲河南僉事陞山西布政司參議學顏素明察執法嚴諸將吏多不便誣學顏稽遲邊務虛冒軍儲等十事譖於總督尚書江東東不察反以所糾發者罪之奏至廷論大譁吏部循例請調用帝以東奏關

明史分簡卷編下

五

振綺堂叢書

軍務命回籍聽勘已覆驗皆不實復原官歷山東副使遼左用兵擢右僉都御史巡撫王杲以索降人不得聚兵寇掠撫順備禦賈汝翼責其抗違者十餘人杲益憾約諸部入寇總兵趙完故違學顏令不發兵委罪汝翼請罷之學顏上言近奉命招降若因挾索遣還降人塞生全之路且啟輕視心汝翼卻餽遺懲其違抗實伸國威倘因而罷斥是進退邊將皆敵主之非便又言杲與王台連和益密秋冬必大逞宜諭還所掠不則閉關絕市遣兵捕勦大槩諸部衣食皆倚內地撫順勦逆自足服其心不宜姑息畜禍詔責完殺賊自効仍宣諭杲等

有犯聽禽斬計功不以啟發論八月杲果入犯學顏傲完堵擊敗之斬首一十八級已杲約海西王台等還所掠人口學顏爲言於朝請加賞允其人貢而趙完益貪肆慮學顏論劾使其弟察賈貂裘金飾投學顏家學顏發其事革職逮問萬曆元年總兵李成梁請展築寬奠等六堡其地北界王杲東隣兀堂去磬陽二百里方修築十全學顏按視兀堂等數十人環跪言築堡塞道不得圍獵內地願質子所在易鹽布工竣學顏請聽市寬奠等堡謂諸部惟易米布豬鹽無他違禁物與開原廣寧異卽以市稅量充撫賞便詔如所議於是開原撫順

明史分簡卷編下

五

振綺堂叢書

清河磬陽寬奠並有市諸部亦利互易自撫順以北清河而南皆遵約束三月土蠻寇邊成梁出師禦之獲五十七級馬二百餘匹論功加學顏一級遼東旱陳弭災五事疏糾治餉主事王念侵冒罪罷之二年杲復誘殺我裨將裴承祖學顏與成梁鼓行前大敗之追奔至紅力寨斬級千一百有奇馬馳牛羊亾算是歲冬王台執杲父子致闕下詔磔杲加台龍虎將軍學顏等賚金幣有差尋敘長勇諸堡卻敵功蔭一子入監五年冬升兵部右侍郎協理京營戎政會速把亥復犯遼東學顏偕成梁出邊二百餘里至劈山斬阿丑哈等四百三十五

級時帝方舉大婚禮成學顏捷奏至帝大悅加賚學顏等原蔭升一級世襲召入爲戶部尙書請帝加意撙節以足國用爲會計錄上之是時張居正柄國清丈天下土田學顏悉心綜理由是諸弊悉清甲字庫太監王劾以歲額銀硃缺疏請部給學顏奏諸庫物料歲派俱有定額費少則用日饒費多則用必竭皇上登極一詔不經不急之費悉行停免數年來有昔減而今復舊者有前少而後反多者又有昔本無而今乃加增者比入各庫視之甚輕耗之甚易而不知民間供億之甚難也請飭各監局凡造作器用量停罷應更新者悉從省約勿

明史分稿殘編下

全

振綺堂叢書

以虛冒而成匱乏勿以奇淫而恣觀美帝是其言十一年改兵部尙書御史孫繼先曾乾亨論學顏先撫遼東與按臣劉臺有卻誣臺贓私以媚居正故委之勘問已乃營入本兵是殺臺者學顏也帝怒降繼先等各一級調外於是御史馮景隆疏參李成梁謂學顏誇敘成梁之功激聖怒罪言官亟宜罷斥帝惡其黨護坐謫學顏疏辨求罷溫旨慰留之給事中黃道瞻復言學顏既被論不宜復主部務請解任以邊方總督用不聽十二年正月加太子少保九月以緬甸獻俘加太子太保無逸殿災請嚴巡禁因言內操兵止二千而僕從亾算地在

內苑守衛者不敢問請行嚴飭從之十三年順天通判周弘論學顏先附張居正誣陷劉臺今又與太監張鯨以同姓結爲兄弟請斥之以儆官邪帝謂弘論越職言事謫代州判官學顏連疏乞休允之二十六年卒贈少保學顏生九月失母事繼母以孝聞父母卒皆廬墓有白雀來巢之異神宗御書移孝作忠字賜之

明史分稿殘編下

全

振綺堂叢書

兵部尙書贈太子太保諡恭敏韓三才

韓三才字中孺定海人萬曆十四年進士改庶吉士授兵科給事中李沂以論太監張鯨下詔獄三才上疏申抹復劾黔國公沐昌祚欺罔參原四川總兵李應祥北路參將麻承恩罷之時神宗倦勤章奏多留中前後請補大僚錄用建言諸臣姜應麟孫如法等皆不報十九年升禮科都給事中時議遣使封倭有言秦時古本尙書在日本欲因使求之三才上疏諫止又言侍郎王希烈汪道昆行業無稱不宜予謚秦府奉國中尉詎涉再從不宜封郡王代府庶子隴勺居喪被論近又通贖盜

明史分稿殘編下

卷

振綺堂叢書

未結不宜予勅琉球國冊封請俟世子表求不宜祇憑使臣朝鮮國王李昫以長子有疾請立次子暉爲嗣三才駁其非制且不宜以播遷之餘輕率立少議皆切直會湖廣貢鮮不如式帝怒降布政司武尙耕等官給事中張濤喬胤亦以言事降謫三才立草疏論救人或危之日以職掌爭卽獲罪不辭也奏入帝愈怒尙耕濤胤皆爲民奪三才俸一年二十三年陞湖廣參政歷本省布政使在楚凡十二年是時楚宗室華越等十九人告楚王華奎非楚恭王子禮部侍郎郭正域請行勘大學士沈一貫朱廣石楚王正域坐奪職下撫按會訊三才

與一貫同鄉里知楚王假不肯附會獄上有旨以夫首

妻證坐華越等罪王喜得解以萬金助大工又購玉帶名馬珍玩數千金遣人人都餽謝至漢陽楚宗蘊鈐等偵知率眾百餘人挾刃渡江邀之計得通中朝貴要書爲指名槓發不得書止賴者遂奪其貨巡撫都御史趙可懷遣兵捕蘊鈐等械之獄三才言宗人無繫法不若屬教授不聽諸宗羣以爲恥曰我輩所奪者假王賂何名上供于是諸宗千百人長謀入軍門挾放獄中繫者遂脫械擊可懷三才叱之不聽從吏扶可懷入諸宗隨之見案上奏草則題劫槓疏也羣毆可懷立斃人心洶

明史分稿殘編下

卷

振綺堂叢書

洶時巡按吳楷在荊州獨三才與按察使李燾俱憚又以繫宗有後言投劾去三才下教守令榜于市劫盜入相格殺以盜論不抵罪民以此得與諸宗相持又密授意各郡王計縻諸宗候命方是時牒報巡按止言奪槓殺巡撫而吳楷目不覩曲折遂疏言楚宗反詔發兵捕獲并下鄖陽江西河南及南京兵部相機協剿及諸司會鞠擬蘊鈐等反叛三才爭之曰今日之事謂同強賊可也豈可比寧濠輩吳楷曰然則獄辭當如何三才曰毆死重臣劫貢槓其最重矣次則鼓譟搶掠而情有首從則擬罪不無差等于是定爲五等具奏都御史溫純

曰此獄詞不可易也蘇上悉如擬是役也三才念諸宗
怒起一時急之且生變凡四十五日堂皇治事自如南
京耶陽江淮兵先後至皆犒遣之耶守備率兵捕反者
甚亟三才馳論楚宗不反倘以兵入激使變罪有所歸
乃稍戢需命三十里外事既定三才曰吾故與李公同
事吾不得獨留遂引疾歸廷推湖廣巡撫溫純稱三才
謂楚宗知其賢用之足服其心一貫私人錢夢阜劾純
朋黨純求去乃用梁雲龍三十六年朱廢卒遺表言楚
事不宜更改御史史學遷論廢臨死惓惓楚事一生病
痛全在于此當時惟辯三才不然其說終于告病請亟

明史分編卷下

卷

振綺堂叢書

錄用三十七年陞右副都御史巡撫宣府修築邊墻起
火焰山至平遠堡延亘二千二百餘里又于空倉嶺築石
城以聚居民墾西郊養馬場故地裁幕府飛驛百二十
頭給驛置邊人戴之四十年陞兵部右侍郎兼右僉都
御史總督薊遼保定軍務御史潘之祥追論楚宗事言
臣起家楚吏親見當日會問諸臣無一人平反一言如
田叔之燒梁獄詞者因舉三才楚王貌類王秀才語爲
徵三才上疏言臣雖不能平反斯獄然于當日撫按爭
之強辨之力至爭之不得引郭正域手書爲證而巡撫
梁雲龍巡按吳楷遂疑臣與正域實爲楚宗謀欲形之

論列臣是時乞歸百同事諸臣謂臣一去反增一番枝
蔓以是隱忍然楚王之事通國皆知臣始終不敢謂真
亦始終不附會撫按不獨與之祥言之也原疏具在曾
有一字稱楚宗反乎今雲龍楷已死其罪自不容貸然
不能平反實臣之罪請乞罷斥帝溫旨留之時薊遼市
賞厚于諸邊而諸部以要挾屢增三才請如故額勿因
挾溢增惟設伏出奇使無所利則操縱可施從之四十
五年召入爲兵部尙書協理戎政崔景榮去遂署部事
時撫順既陷遼左告急三才請責督臣刻期出關與新
鎮臣協守又以總兵張承胤戰歿恐乘虛大入請速召
募調登州三營兵從海道渡遼嚴嚴十六門額軍罷內
臣提督以資戰守又以山海關薊遼門戶請設大將屯
駐薦原任總兵杜松王宣忠勇可任從之方是時邊事
已迫請餉請帑皆不得命而永寧宣撫奢崇明逆惡漸
著三才請下撫按查覈在部凡五月尙書及左右侍郎
皆缺職方亦在告上總堂篆下攝司務羽書旁午朝上
夕奏覆遂積勞成疾再疏乞休不允上遼河地圖指陳
緣邊衝急請發新餉二十萬責成各鎮又請修戰車火
器繫獄參將張名世精火攻宜如景泰中用石亨例俾
効所長皆不報時已疾亟與提督忻城伯趙世新會食

明史分編卷下

卷

振綺堂叢書

東門分隊校閱日旣歸邸第數令家人視西北當有雲
起已復嘆曰京師若久旱人情當益惶惑是夕卒贈太
子太保諡恭敏三才在諫垣遇事敢言其于楚宗事獨
據事力爭中旨一出楚獄遂定然言楚事者必以三才
爲正數歷中樞勞瘁以殞時論惜之

太子太保兵部尚書贈少保諡恭襄涂宗濬

涂宗濬字及甫南昌人萬曆十一年進士授浙江慈谿
知縣補湖廣蘄水調繁江陵黃岡皆有政事稱考選山
東道御史巡按廣西河南山西時鄭洛方經略西事宗
濬上疏論洛始終主和厚遺閼氏要給掾力克回巢權
紆邊難寧夏兵變復薦李材可任請令立功贖罪不報
朝鮮中倭條聚餉訓兵用人賞功四事請錄用逐臣孫
丕揚鍾羽正鄒元標等亦不報乃具疏引疾不許二十
七年再按順天遼東稅監高淮暴橫宗濬劾其懷姦越
俎請旨嚴飭勿干預政務准以事陷永平通判羅大器
復疏辨其廉謹又不報時議征播州宗濬言楊應龍眾
叛親離緣剿議未定或恐改土爲流羣懷觀望宜明詔
諸蠻誅止首惡若安氏及七姓五司能禽斬應龍來獻
卽裂地予世守平清偏鎮諸處乃入黔要害白泥飛練
尤轉輸所必經請命湖撫移鎮沅州我兵新練未知地
利應行南丹東蘭泗城三司各選土兵三千聽川督調
發仍勅督撫條上方略假以便宜帝是其議前後積臺
資凡九年升大理寺丞歷左右少卿給事中錢夢皋以
楚宗事欲追褫侍郎郭正域并論左都御史溫純坐以
朋黨而外轉給事中鍾兆斗復繼夢皋極論純連章求

去宗濬上疏駁之皆切直留中三十四年升都察院右
僉都御史巡撫延綏保寧堡當極邊舊設參將守之而
波羅在延安西止用守備防禦前巡撫鄭汝璧募兵更
易將卒戍兵遂寡弱宗濬請復舊制已猛克什力等果
犯保寧參將高繼光禦之格斬二百五十餘級邊鹽壅
滯榆林道陳性學條六弊宗濬疏上之因言小票盛行
官引愈滯二路軍資缺乏請行禁革從之猛克什力等
復犯神木波羅宗濬檄總兵張承胤遊擊杜文煥等擊
走之斬獲千八十二級陞右副都御史蔭一子錦衣百
戶三十九年沙計挾款遂大舉入寇宗濬率承胤東援
斬級百有二十七沙計走二月升兵部右侍郎兼右僉
都御史總督宣大山西軍務當是時順義王擄力克已
死卜石兔以長孫當嗣素囊爭之王封六年不成至是
五路台吉糾合七十三台吉攻素囊右卜石兔而素囊
與忠順夫人亦修戰具拒之宗濬兼程至鎮河諭素囊
解兵又檄五路等循彼俗先婚後封皆退聽於是卜石
兔及忠順夫人議婚方候封而五路復要忠順割板升
之半予卜石兔忠順不從五路復搆兵忠順懼賄以名
馬金幣乃止宗濬言忠順諸部之主也五路要挾忠順
不能制則忠順孤而五路益強將以挾忠順者挾中國

明史分稿卷編下

卷

振綺堂叢書

矣請訓還賀世賢於大同報可四十年夏忠順夫人卒
宗濬以三世款貢請恩優恤詔予祭七壇九月東西各
部吉能素囊等款關援俺答例爲卜石兔請封宗濬疏
言封事不成由忠順年老拒婚素囊復據彼俗家財例
與少子而卜石兔寡弱藉五路等爲聲援臣等嚴加備
禦不言王封其計始窮今三枝十二部各投結請封應
請如例查俺答時東自宣府西至河套皆責令約束今
宣府白洪大河套吉能皆各爲一部順義所制者山西
大同三枝十二部而已十二部中智力相雄長者五路
台吉也兵馬足抗卜石兔者素囊也公正服諸部者兀
慎也恭順能調和素囊者把漢比妓也臣借素囊兵力
樹兩匈奴之形而以把漢恭順調素囊之悍以兀慎公
正破諸部之姦三人歸心則十二部眾臣皆得而聯屬
之今既就封五路等宜各加陞授于是卜石兔襲封順
義王封把漢比妓忠義夫人五路等各都督同知僉事
有差四十一年正月遣序班王弘憲賞勅赴邊請部不
至宗濬復疏言卜石兔定議之頃忠順忽亡今九月至
塞以天寒回巢取衣跡似延緩誠恐論議橫生彼情中
變請飭嚴禁於是給事中趙興邦疏劾宗濬明知諸部
遠出曲爲護解請收回成命兵部尚書王象乾言順義

明史分稿卷編下

卷

振綺堂叢書

四十餘年不敢忘中國恩宜以天地之量處之乃命留
勅使侯冰解竣事五月卜石兔等至得勝市請勅賞六
月受封西鄙復寧宗濬上其事詔加太子太保原蔭子
升一級總督如故已錄延綬雙山響水保寧三次斬獲
功升兵部尚書兼右都御史蔭子錦衣百戶世襲四十
二年命原官回部管事宗濬以下石兔雖封而與素囊
久不相讓請暫停大市所有新命望別選名德俾一意
邊事不許給事中解經雅劾宗濬貢事未完輒離鎮城
至蔚州又自蔚州還陽和倏來倏去市藜開悔不堪中
樞之任不聽明年卜石兔等貢馬詔陞賞如例命宗濬
馳赴京給事中元詩教復論宗濬貪功冒破宗濬具陳
歷年出入之數且卜素交爭絕口不與言封今補進表
馬非臣始望所及何云曲徇帝優詔答之會追敘三十
七年波羅常東三堡功告廟宣捷賜飛魚衣蔭子錦衣
副千戶世襲以病乞歸天啟元年遼事急御史周宗建
刑部侍郎鄒元標各疏薦宗濬詔起協理京營戎政具
疏辭凡十三上不許力疾赴闕尋卒贈少保諡恭襄

明史分稿疏編下

三

振綺堂叢書

刑部尚書贈太子少保諡莊偉舒化

舒化字汝德臨川人性剛直遇事敢言嘉靖三十八年
舉進士授衡州府推官母喪服闋補鳳陽鳳陽民皆窳
不治產又苦種馬歲稔不能具芻茭馬多斃化請以折
色償且蠲其最窶者民困得稍稍蘇能聲大著江淮徐
沛間諸大徭役及疑獄久不決者率咨化化條列利弊
皆切實中窾曲以治行高等考選戶科給事中化既好
直言自爲言官益侃侃持大體奉使冊封蜀王時支羅
寨黃中等構亂楚蜀間朝議兩省剿撫未能決化馳奏
中實首亂既伏誅脅從可勿治請置兵巡施州而移守
備于南坪楊博爲兵部善之覆疏如化言陞刑科都給
事中時穆宗初政旨多中出化上言法者承之于天與
天下共者也夫既以法與臣矣而誰敢擅之日至祭南
郊聞帝咳聲輒推論陰陽姤復之漸人主宜法天養微
陽詞甚切至會命廠衛察各部院政事化言國家設廠
衛徼巡輦下惟詰姦禁盜賊耳豈令詞察百官若屬虎
而翼今得操吏短長害可勝言帝雖不能用然心善之
寺人李陽春者有所懇帝內降從之化不可曰臣嘗爲
陛下言宜使法信于臣彼臯陶爲士雖舜亦聽其所執
以信法也臣既獲請矣陛下奈何以弗信繼乎尙寶司

明史分稿疏編下

三

振綺堂叢書

丞鄭履清給事中守已皆以言事廷杖下詔獄且死化
囚熱審疏言二臣誠任愚然心無他脫瘼死恐貽後世
殺直臣名帝爲出已履清并淹繫者三十五人方是時
言官競爲搏擊向上意化獨請遵祖宗成法斥酷吏然
邊帥張剛楊縉等廢軍恆怯疏請亟誅之卒未嘗以實
廢法也高拱以大學士攝吏部頗專恣化每事執爭意
有所不可輒前把其筆拱不能屈先是御史路楷承嚴
嵩指屬總督楊順構殺錦衣衛經歷沈鍊嵩敗楷等皆
論治如律至是廷讞拱欲爲楷地謂順實首禍順死楷
可勿坐化取獄牘指楷筆示曰獄故無鍊名有之自楷
始楷誠罪首第磔順何以謝天下拱又議宥諸方士王
金等化言此遺詔意即欲勿罪宜何辭於是益忤拱會
有詔考察科道官乃出爲陝西參政再疏致政歸神宗
卽位起山東參政督蘇松常鎮糧儲擢山西按察使以
病辭起河南擢太僕卿則又辭起光祿卿又辭遷南太
常寺卿歷南大理卿陞刑部左侍郎化顴骨隆起修眉
方頤目光炯炯帝嘗目屬之滇南平御五鳳樓受俘化
奏詞音吐洪亮進退有常度愈益重之會刑部尙書缺
帝手詔用化化拜命卽上疏曰皇上仁心出于天性故
錢若廣以酷聞而服上刑方復乾以酷聞而蒙遠戍今

明史分編卷下

嚴詞堂叢書

大小問刑衙門曰杖責曰枷責曰監禁宜遵律例不得
淫刑以殘民命又言大明律一書高皇帝揭之兩廡手
爲史定今未經詳斷者有從重擬罪之旨已經定議者
有加等處斬之旨是謂律不足用也去冬雨雪不時兩
京皇城內災異頻見咎當在此帝優詔答之會禮部請
修大明會典移咨刑部化因輯嘉靖三十四年以後凡
宗藩軍政捕盜漕運與刑名相關者律爲正文例爲附
注凡三百八十二條頒布中外十月廷推右都御史帝
以司寇重任化執法平允不宜更以辛自修爲之化奉
詔陳言請修詔令清詞訟速問理嚴檢驗禁冤濫而以
格天安民之本歸重聖心帝嘉納之帝既益明習政事
慮下欺有問輒遣緹騎械至都連逮證案纍纍願事多
不核化言主術貴因不貴爲若好以已爲是代有司事
也徒使人歸過于上而下反得緣是以飾非潞王府官
校以事爲兵馬司吏目所笞帝怒逮吏目詔獄掠至死
又罪其捕卒六七十人化以吏目官雖微亦朝廷命吏今
由廝役以死願又波及六七十人請罷長枷之刑從之化
自起家司理歷仕皆刑官凡事據法力爭無少隱避十
五年南京科道拾遺眾憤惋欲爲辨化嘆曰安有大臣
被口語自疏辨爲平義有去而已遂上疏乞歸不許再

明史分編卷下

嚴詞堂叢書

疏復不允會盛暑當慮囚復起視事中貴人傳帝意有
重辟二十餘人化爭之語中貴曰第道尙書某以爲不
可卒從化議事竣賜羊酒慰勞化稱病篤乃聽歸嘗曰
言官拾遺法也寧吾一人受枉豈可使國法自此格不
行論者以爲得體卒贈太子少保諡莊愷

南京戶部尙書曹邦輔

曹邦輔字子忠定陶人嘉靖十一年進士授元城知縣
補南和皆以廉幹稱擢雲南道御史巡視河東鹽政二
十四年按陝西時套眾大入延綏殺鹵男婦數千掠馬
牛羊十四萬邊臣匿不報更以捷聞邦輔行部至慶陽
廉得實上疏論劾帝怒逮總督尙書張珩巡撫都御史
張子立下獄總兵吳璘參將楊銳等七人皆論如法秦
府宗人惟熇殺人父子燔其屍獄十餘年不決邦輔至
一訊而服他所雪冤獄凡十餘人秦民德之由南京刷
卷出爲湖廣按察司副使未上丁內艱服闋補添注河

南副使閱邊功事竣以原官管理河道大盜師尙詔等
流剽睢陳閒兩河騷動下所在將吏捕治邦輔監其軍
一日寇猝至監司皆駭愕莫知所措或竄走伏匿邦輔
率吏士往禦之士蝟縮不肯前邦輔怒揮戈馳入賊壁
眾不得退乃奮勇向賊遂破走之追奔至五河襄陽城
皆捷賊平擢山西右叅政防秋寧武關套眾嘗一人被
劊而去論功賜白金綺幣陞浙江按察使時倭寇浙江
勢日熾道拜都察院右僉都御史巡撫應天倭方聚柘
林其餘眾自杭州西掠至嚴州徽州趨太平犯江寧鎮
指揮朱襄等戰敗遂由安德趨秣陵關流劫溧水溧陽

掠宜興無錫薄許鑿邦輔慮與柏林賊合乃親督兵備王崇古集各部兵扼其東四面感之僉事董邦政捐揮婁宇以沙兵助戰賊奔吳舍欲走太湖追擊之于楊家橋盡殲其眾副將何卿潰于東渡邦輔復分兵親援之以神鎗火器破賊舟賊敗去邦輔本文人又新任寇賊充斥人無固志徒以忠義激發不解胃者旬月嘗一月七捷前後俘斬六百餘人捷聞歸功邦政等方是時趙文華以工部尙書督察海防倭且滅亟趨赴欲擴其功比至邦輔已先奏文華怒思有以陷之會柘林賊進據陶家港文華易之悉簡浙兵得四千人與巡撫胡

明史分稿殘編下

七

振綺堂叢書

宗憲自將營于松江之磚橋約邦輔東西並進賊悉銳當浙兵諸營皆潰直兵亦陷伏中死者二百餘人文華既憾邦輔至是悉以罪委之及董邦政詔逮邦政下總督論治刑科給事中孫澂言文華請罷邦輔謂直兵失期致敗及考原疏邦輔督總兵俞大猷等進勦而浙兵次日始至則後期之罪不在直兵今蘓松士民稱邦輔實心任事前流劫南都之倭又爲邦輔所滅功能顯然遽請罷斥文華之意殆不可曉兵科夏杖亦言之帝乃諭飭文華召還京明年逮邦輔詣京卽訊時帝深以倭寇爲憂疑文華餘寇將滅爲不實屢問大學士嚴嵩嵩

明史分稿殘編下

七

振綺堂叢書

曲爲解帝意終不釋文華懼因言餘寇指日可滅督撫非人一敗塗地臣前論曹邦輔而給事夏杖孫澂反媒孽臣黨留邦輔東南塗炭何時解廷臣畏嵩及文華無敢言者乃奪邦輔職論戍朔州山西巡撫萬恭尙書鄭曉楊博都給事中張益先後論薦皆不報穆宗改元楊博爲吏部薦起左副都御史協理院事尋陞兵部右侍郎理戎政復以左侍郎兼右僉都御史總督薊遼保定軍務至則條上方略謂修邊自守非安攘上策願罷省浮文一以練士爲務士練而後邊事乃可議時論題之會給事中張鹵言邦輔以功受誣久置邊方豈宜復處危地遂召還陞南京都察院右都御史掌院事條上理財四事明年大學士趙貞吉薦知兵大臣三人首邦輔乃召爲左都御史提督京營戎政時承平久武備廢弛士卒富者倚金錢包班貧者至不免飢餒且公私占役伍逃餉缺一有警報至負弓刀補苴鞍轡邦輔盡釐諸弊首疏城外劄營之失繼疏守城八戰法論者頗不便是歲秋警率所練卒營城下戰守畢具乃相顧嘆服轉南京戶部尙書累疏乞骸骨帝嘉其清直不允萬曆元年考績赴闕請益力乃以原官致仕家居三年卒邦輔生平廉峻歷仕四十年田不過數頃一老僕應門寂

然如寒士自吳中逃入時有司上其數年月俸非輔日
吾不能爲國平寇今得罪何言俸也揮之去其去薊鎮
亦然

明史分稿殘編下

三九

振綺堂叢書

南京刑部尚書殷正茂

殷正茂字養實歙縣人嘉靖二十六年進士授行人考
選兵科給事中巡視京營京營故多虛冒提督平江伯
陳圭與嚴嵩連姻人不敢詰正茂劾圭請不法狀嵩父
子及諸勳貴皆銜之時世宗事齋醮正茂率同官疏諫
忤旨論杖闕下會赦得免出爲廣西按察司副使土舍
白振衣與隣徭構兵正茂請單車往諭當道不可土捨
李華有心計正茂密授策禽振衣由是以知兵名丁外
艱服闋補雲南瀾滄兵備西洱女土官鳳索林與子婦
瞿氏爭印鳳繼祖復從中煽爲亂督撫檄正茂討之正
茂以苗蠻爭奪固本性不足煩天討不聽已出師無功
仍頒賞監軍以下正茂曰暴師左次深自愧不敢言受
賞也復以祖母憂歸起補湖廣副使歷浙江右布政江
西按察使隆慶三年廣西徭獠叛詔特設開府升正茂
右僉都御史討之先是徭韋銀豹與其黨黃朝猛等據
鳳凰湖水二寨爲亂陷古田洛容王師征之皆不克銀
豹遂入會城劫藩府殺官吏粵摺紳連疏請討而是時
倭躡並海諸郡粵東告急廷議難之大學士高拱張居
正獨主勦薦正茂可大任正茂抵桂林大會將吏皆言
古田劇寇盤踞非百萬眾不可請借以復兵姑取羈縻

明史分稿殘編下

三九

振綺堂叢書

俟有隙可乘則力易任正茂曰不然古田劫帑殺官法無赦願未可並圖莫若釋八寨專事古田會海昇龍師徵還川浙兵陰勒部曲檄調焚燹諸部屆期畢集合漢土兵凡十四萬屬總兵俞大猷將之列七屯分道進剿大懸賞格許相捕斬論功時猗憑阻牛河三尼龍門西江諸險要不可攻會賊謀獻黃朝猛約賞正茂遣之果殺朝猛來獻數日又有偽獻銀約首者正茂亦如令賞給諸蠻聞之皆錯愕遂伐山開道襲其東山石玉龍口等十餘巢破之次克藤根淥里等巢又次克龍旋馬嶺鴨峒等巢各斬首千餘級賊退保潮水寨正茂駢竹爲井幹併力夾攻復募敢勇士乘夜雨升嶺伏其巔黎明乘高趨下窺眾驚潰遂大破之計出師纔二月破巢寨六十二斬首七千四百有奇鹵賊屬及創死崖谷者無算韋銀豹實未死正茂令僉事金柱踪跡之其兄銀站縛銀豹致麾下正茂具言狀引罪自劾帝嘉其功勿問進兵部右侍郎蔭一子前後所上便宜十二事悉著爲令升古田爲永寧州置兵備參將彈壓之仍設土司參治八寨會廣東倭警詔正茂總督兩廣軍務五年十一月抵梧州甫七日倭陷神電衛繼復陷錦囊所山海嶺狼盡起與倭合正茂深憂之會海賊許瑞林萬樹上

狀願擊倭自劾正茂喜使親吏吳天賞往諭之皆感泣願効死方是時正茂威名久著倭聞頗惕息願粵東網廢弛官吏便文苟免山海之利巨室專之小民不聊生甘心附盜正茂得韓雍傳讀之慨然曰刑亂國用重典襄毅功成兩廣其用法嚴也於是下教振肅綱紀守相以下不法者悉案之巨室圍斂民利勒還官請托不行上下震慄乃上疏言廣東燭亂二十年來更巡撫十五六人糜餉至數千百萬訖無成功夫賊發而募兵兵至賊已解散賊散而兵撤兵撤賊又復來是賊坐得勝算而我糜軍實於道路也自今聽司道各統偏裨分護海上要郡人有分地地有具餉寇至部兵出擊毋失事機又島倭嚮導率中國亡命請令福興漳泉刑徒毋配隸沿海則內蠻自絕並報可正茂既得請置簿籍嚴責戒明賞罰寇至輒敗去俘鹵斬馘以數千計民始不樂從賊矣初惠州賊藍一清賴元爵等嘯聚馬口諸寨叢山深箐凡四十九巢盤亘八百餘里以殺人爲戲劊孕婦粥嬰兒積四五年屠戮村落男婦以萬萬計其黨曾廷鳳偽遣子入學馬祖昌等亦面縛請降而剽掠益甚正茂決計討之召諸軍大會徵左右江土兵以參議顧養謙等爲監軍分三道入大戰數十諸將佐承嗣及諸

生有武略者悉効死奮擊搜捕山巖窟岫生獲一清元
等出師亦僅兩月上首功萬二千二百八十級滅大
巢五十餘小巢七十嶺東賊悉平帝臨朝受賀加右都
御史兼兵部右侍郎賜飛魚服白金文綺蔭一子錦衣
副千戶萬曆元年廣西府江等賊復叛正茂移勝兵搗
之正月平府江二月平懷遠洛容禽賊首陳金鶯及黃
高飛等升兵部尚書兼右副都御史總督如故海寇林
道乾者出沒南洋踰二十年名受招撫實窟穴海中民
受其害正茂駐師惠州道乾度且加兵遣人繳告身徒
妻子輜重入海保甘埔其黨諸良寶收餘眾尙二千人

明史分稿卷下

振綺堂叢書

出寇陽江正茂督諸將張元勳陳璘等逐之禽斬大半
賊退守故砦阻水深濶良寶又善戰得眾死力一日假
拾穗嘗我師眾爭赴之賊悉銳衝中堅軍大潰所亡失
甚眾正茂詰責諸將上疏自劾益調集新兵毀舟塞隧
起土山木樵歷其城賊亦撤屋材蔽城爲死拒計正茂
積芻菱竹楫與城埒復束草人前驅虛鼓之盡其火器
於是鈎援臨衝八面附城賊不能支城破斬良寶及其
脅從千餘人捷聞命陞蔭世職亾何新倭千餘復襲破
雙魚所據其城正茂曰是流倭爲南風引至嬰孤城易
與耳逸之且流突四劫今賊窘必走高雷西有河夾河

爲伏俟半渡擊之必勝賊矣已果西出渡河伏發大破
之禽斬八百三十一人餘眾逃入山箐村民輒縛以獻
當時謂禦倭全捷未有若此舉者正茂鎮兩廣五六年
積功次凡四萬八千一百八十六級諸俘獲不與初至
帑儲無幾至是餘鏹數十萬粵東舊有海商艚船兵強
勁械器精利向時黃蕭養林烏鐵之亂皆倚艚船勦滅
後浙直借禦倭船皆不存正茂奏請再造以制倭寇船
船復盛三年正茂將開拓羅旁部署已定升南京戶部
尚書遂不果條羅旁進勦便宜十事上之明年召入爲
戶部尚書疏陳淮徐鹽屯海防諸事南京科道詹沂等

明史分稿卷下

振綺堂叢書

糾拾因乞休命原官致仕九年赴南京刑部尚書御史
張應詔論正茂穢跡久著爲御史安九域論劾緣張居
正同年賄督兩廣假犒軍索郡邑官銀百千萬屬吏抵
任陞遷皆有餽每年又不下數十萬嘗造金盤二中植
珊瑚各一株高三尺許傳以金寶賄居正復取金珠翡翠
象牙餽馮保及居正家人游七正茂疏辨復請告許
之二十年卒正茂歷任四十年勳績最著在廣任法嚴
核舉戶部考成之法吏部升選之典悉歸督府道將以
下奉命惟謹無復以撫綏爲意又懼彈治賂遺大啟由
是叢怨丁元薦曰正茂甫節鉞高拱委以古田之役曰

吾捐百萬金子之縱乾沒者半而事可立辨蓋拱知人
善任而正茂之爲人亦槩可見已

吏部侍郎贈禮部尙書諡文恪丁士美

丁士美字邦彥南直清河人少端重嘉靖二十八年舉
于鄉三十八年舉進士時廷對已有所擬世宗親閱卷
勿善也士美者以君臣交儆人臣自靖對帝嘉之遂以
第一人及第柄國者慕其才欲以妻之女兒結好士美
辭不可人服其操兩典鄉會試又充武會試考官凡五
總文衡皆稱得人重修永樂大典成賜金幣升右諭德
應侍讀學士掌翰林院事隆慶五年升太常寺卿管國
子監祭酒事尋充東宮侍班又充日講官復掌翰林院
教習庶吉士萬曆元年充經筵講官帝書責難陳善四
大字賜之升禮部右侍郎改吏部左右侍郎兼日講官
如故士美以父老屢請終養不許居常鬱鬱曰惡有爲
人子不獲養其親者及聞父訃號慟至絕每自咎責不
可以爲人遂哀毀成疾家居二年卒贈禮部尙書諡文
恪士美爲人謹厚不露廉錫在翰林書問餽遺一切謝
絕與人處退然若無能意所不可輒艷然見於色性好
聚書尤慎取與時以爲有古君子風

吏部侍郎靳學顏

靳學顏字子愚濟寧人舉山東省試第一嘉靖十四年成進士授南陽府推官歷吉安府知府廉平節愛吉人稱之以藩府姻連久仕外累官左布政使入為太僕光祿寺卿隆慶初拜都察院副都御史巡撫山西時星變求言學顏應詔上選兵鑄錢積穀疏累數十萬言最切時弊疏略曰臣惟今日耗天下之財者兵也而邊兵不可以言耗蓋國家海內皆兵民處其七以供舊軍之餉新軍則一切仰給太倉舊軍之餉不減而新軍之餉日增其費一前代周有豐鎬漢置南都率有其名而無其實我朝留都之設建官立衛稱兩京焉坐食公帑其費二宋人宗室或通名仕版或散處民間我朝分封列爵強支固本不農不仕啖民脂膏其費三夫此三費者天下之大費也賦歛安得不日急儲蓄安得不日匱哉今之計宗室者章奏屢煩矣留都官曹軍衛是否祖宗初意樞軸之臣必有通其變而詳其故者非臣愚所預知也臣惟有見於耗天下之財者在兵故陳兵說俟司計者擇焉夫天下之兵有四曰邊兵曰京兵曰留都之兵曰腹內衛所之兵此四兵者坐食則同而緩急之用異焉又其目有五曰見伍曰召募曰徵調曰清勾曰充發

明史分稿卷編下

振綺堂叢書

此五目者尺籍則同而名實之歸異焉然四兵之中邊兵為急何也戎馬日臨所以外捍內恃者非邊兵乎京兵則居重馭輕彈壓四方爾至于留都腹內之兵除駕運差撥京班做工之外無庸施矣五日之中召募見伍為實何也應急濟事所與負材勁而當矢石者非召募乎根生土著所與長子孫而充營伍者非見伍乎徵調則虛彼實此但資擺守爾至於清勾充發按冊則可觀責實則難必無益兵數而專取擾民矣夫惟邊兵為急而邊兵中又惟見伍召募為實所謂新增仰給太倉者此也今為計者曰欲言理財先裁冗食夫邊鎮所在兵誠多可損食誠冗可裁如是而損之裁之何不可然而臣不敢為是說也其敢為是說者必其人未嘗居是地者也誠使為計者知緩急之異用也而酌量于損益之間如免班軍之役而徵價以解邊非一計乎知名實之異歸也而通融于因革之際如省充發之解而量其等以折贖非一計乎夫所貴乎兵者不謂其習號令閑技擊日走演場而已謂其衝鋒對敵也今敵視邊兵易與耳然邊兵猶有盜馬斬級之事何者彼固習見而數嘗之雖濱死尚冀一生若他兵則不能爾是以邊兵則易腹兵腹兵則易京兵京兵則易南兵謂其終世皆不嘗

明史分稿卷編下

振綺堂叢書

此五目者尺籍則同而名實之歸異焉然四兵之中邊兵為急何也戎馬日臨所以外捍內恃者非邊兵乎京兵則居重馭輕彈壓四方爾至于留都腹內之兵除駕運差撥京班做工之外無庸施矣五日之中召募見伍為實何也應急濟事所與負材勁而當矢石者非召募乎根生土著所與長子孫而充營伍者非見伍乎徵調則虛彼實此但資擺守爾至於清勾充發按冊則可觀責實則難必無益兵數而專取擾民矣夫惟邊兵為急而邊兵中又惟見伍召募為實所謂新增仰給太倉者此也今為計者曰欲言理財先裁冗食夫邊鎮所在兵誠多可損食誠冗可裁如是而損之裁之何不可然而臣不敢為是說也其敢為是說者必其人未嘗居是地者也誠使為計者知緩急之異用也而酌量于損益之間如免班軍之役而徵價以解邊非一計乎知名實之異歸也而通融于因革之際如省充發之解而量其等以折贖非一計乎夫所貴乎兵者不謂其習號令閑技擊日走演場而已謂其衝鋒對敵也今敵視邊兵易與耳然邊兵猶有盜馬斬級之事何者彼固習見而數嘗之雖濱死尚冀一生若他兵則不能爾是以邊兵則易腹兵腹兵則易京兵京兵則易南兵謂其終世皆不嘗

遠不足也臣謂腹內之兵既名以兵當責以實欲責以實當試以戰欲試以戰當限以輪番戍守之法彼或遠而不可使或弱而不願戍則優其身以自便而移其食以解邊有事則按籍而徵之而饋餉一出於官無事則任其自便而耕商無異於民要之無事時多有事時少也而名籍屯牧住居部署固在也臣又見庚戌以來山東河南江北皆創募義勇即以山東言之義勇蓋六千人其始一名徵銀八十兩而民不堪命今漸減至三十餘兩民猶以為病也而國又無賴焉今皆不敢言去臣愚以為既不敢言去試以六千人者分為二班賣其

明史分稿殘編下

九 振綺堂叢書

馬之半而歸其值于官以其半給三千人歲一上班其下班三千人者每名于正貼戶下徵銀三之二貯庫而優免其身以自便遇有徵發計日而與之銀其上班者來歲亦復下班而交其馬於上班之人三年無事則計其所貯以一年者留備不測以二年者解輸於邊其河南江北等處亦復如是其於邊餉又一計也天下腹裏民壯原非祖宗舊制亦自己已以後始今不過充游手勾攝官府掃除耳終歲無戰鬪之事者臣請亦如義勇分班餉其於邊餉又一計也故臣非欲盡去腹內之兵以此兵二百年來未嘗見敵乃與不可一日緩之邊兵

同一坐食孔子曰不得已而去兵今固不得已之時也可忽焉不一較哉若乃京兵臣非謂其虛設無謂冗食無益也謂夫依託葦葢涵有太平比夫邊兵之日臨鋒鏑濱危亡者有間也今乃懷生顧養銷輒積弱為邊兵所易奈何望其控制四方哉臣愚以為欲京兵強亦宜試以戰欲試以戰亦宜責以輪番戍守之法夫京師去宣府薊鎮纔數百里耳以京營九萬之卒歲以一萬戍二鎮是九年而一戍於京卒未為苦也不數年而戍徧而京卒之法亦與邊兵同其勁矣又以畿輔之卒填京戍之空其部伍號令月糧犒賞亦與京卒同不數年而

明史分稿殘編下

九 振綺堂叢書

畿輔之卒皆親軍之兵矣夫出京卒以戍薊鎮則延回之費可省出京卒以戍宣府則宣府之勢益強宣府之勢益強而大同之氣自倍彼即敢扣巖關而搦根本宜大制其後京卒當其前而仰攻深入之事鮮矣臣所謂耗天下之財者在兵在京與邊猶當倍其數而責其實何敢言耗也乃若留都徵調清勾充撥之兵則緩急名實居然指掌之間而通融斟酌斯其時矣失今不為臣見夫內外並耗三費交加也何益於計哉世之言理財者曰財無從生也惟有節費而已臣愚以前代生財之法較之今日尚缺一大政焉錢法是已夫人所出生衣

食爲大今天下之民皇皇以匱乏爲慮者豈布帛五穀不足之謂哉謂銀兩不足耳夫銀寒不可衣飢不可食又非衣食所自出也不過質遷以通衣食之用耳而銅錢亦質遷以通用三者不同而致用則一焉今獨奈何用銀而廢錢錢益廢則銀益獨行銀獨行則豪右之藏益深而銀益貴銀益貴則貨益賤而折色之辨益難矣右者又乘其賤而收之時其貴而糶之銀之積在豪右者愈厚而銀之行於天下者愈少再逾數年臣不知其又何如也臣聞錢者泉也如水之行地中不得一日廢者漢唐宋以來一一可觀而用錢之多鑄錢之盛尤莫如宋今去宋不遠所用錢多宋物故用錢則民生日裕鑄錢則國用益饒裁成輔相之業惟人主得爲之故又曰錢者權也權者立之乎無形而達之乎無窮用之則天下舉有求于我而有餘不用則日擾擾焉以求之於天下而不足爲驗甚明也且夫富貴其權一也皇上今出數寸之符以匹夫而拜將相焉又能使同姓王異姓侯焉於公帑未有損也此馭貴之權若是乎其易也若乃今日與人以千金焉明日與人以萬金焉曾不踰年而太倉告匱矣夫何馭富之權若是乎其不侔與誠以有其權而不用與無權等爾今之爲計者謂錢法之難

明史分稿錢編下

卷

長壽堂書

有二一曰利不酬本所費多而所得鮮也臣愚以爲此民間之算非天府之算也天府之算以山海之產爲財以億兆之力爲工以修潔英達之士爲役果何本而何利哉此所謂本猶不免用銀之說爾何則鑄錢之需曰銅料曰炭曰轉致曰人工夫此四者在民間計之銀一分而得錢四文誠十不酬五矣自臣愚計之皆可不用銀而取辦誠將天下產銅之處贖軍徒以下之罪而定其則以收銅於西山產煤之窯以法司有罪之人而準其罪以納炭其運銅則通水路者附以官民之舟如臨清帶輒之例通陸路者資以驛遞而給之官錢其運炭則請出府庫見貯之錢或於京城或於近縣或於營軍如係官身則量給以工食如係民藏則平給以腳價如是而患無材與夫轉致之難臣不信也至于人工取之見役而皆足臣不知工部及寶源局原額匠役若干見今坐食與否卽以營軍九萬人論之抽用其一二千人足矣而謂妨訓練耶今京城之內銀金刺繡聲技力作之徒與夫靠衙門而衣食者孰非營軍奚啻一二千也而木嘗患其妨凡此皆不用銀而可以成務固無本利之足較矣其二曰民不願行強之恐物情之沸騰也臣竊詳之錢比鈔異於小民無不利也所不便者奸豪耳

明史分稿錢編下

卷

長壽堂書

盜不便官利爲姦弊不便商賈挾持不便豪家蓋藏不
便此數不便者與小民無與也臣竊聞往時行錢法張
告示戒嚴衛不先之於賣菜之儲則責之以荷擔之賤
彼愚而相煽既聞匪觀望之不免而姦商豪右又從旁
簧鼓之以濟其不便之私一日而下令二日而閉匿不
三四日而中阻矣務大計者宜若是其易動哉臣聞施
恩澤者自無告始行法令者自貴近始豈惟貴近自朝
廷始可也請自今以後追紙贖者除折穀外責之以納
錢上事例者除二分納銀外而一分納錢存留戶口則
兼收錢穀商稅課程則純用收錢此謂自朝廷始又因
而賜予之費宗室之祿百官之俸則銀錢兼支又因而
驛遞應付雇夫雇馬則惟錢是用又因而軍旅之餉則
分其主客量其遠近或以代布花或以充折色此謂自
貴近始夫此數者有出入而民間無底滯之患誠以
一切之費取辦于一權故也權不可行之於天下以啟
盜權之毀請于寶源局或西倉專設侍郎或即左右侍
郎督於上以十三司員外或主事分理於下以科道各
一員監之銅料工材各有攸掌各省欲散各照分司而
又輕重適均仍以唐宋舊錢兼之著之以必行之令進
之以歲月之效久之而本末兼利公私循環可以輟鼓

明史分稿卷編下

振綺堂叢書

鑄之勞而罷工作之使臣愚不揣竊謂于慮一得也臣
又聞之中原者邊鄙之根本也衣食者百姓之根本也
閭閻之細有終世無銀而不能終歲無衣寧終歲無衣
而不能終日無食今百司夙夜不遑者乃在銀而不在
穀臣竊慮之國家北據幽都京師以南絕無名山大澤
之限強藩與國之資所恃爲腹心股肱者河南山東江
北襄八府之人心耳此數處之人率鷙悍而輕生易動
而難戢游食而寡積者也一不如意則輕去其鄉一有
所激則視死如歸臣固觀之熟矣八府遭歉則走山東
山東遭歉則走江北匹夫作難千人嚮應彌之計不
過曰恤農以繫其家足食以繫其身聚其骨月以繫其
心而已今試移文數處而毀其官舍之所藏每郡得穀
十萬馬則司計者可安枕無慮矣得三萬馬猶可以塞
轉徙者之望設不滿萬馬真寒心哉臣竊意其不滿萬
者多也卽有水旱師旅之興何所賴焉臣觀自古中原
空虛未有如今日者也漢以前有敖倉隋以前有洛口
倉唐有義倉宋有常平倉皆隨在而貯不專京師今徐
豫德州皆有官倉本爲寄囤至于存積幾何哉臣近日
行疏謂一日官倉蓋發官銀以糴此必甚豐乃可以舉
日社倉蓋收民穀以充者此雖中藏皆可以行然非

明史分稿卷編下

振綺堂叢書

官府主持於上則其事終不能成夫社倉卽義倉也始
于漢耿壽昌而盛於隋長孫平唐戴胃之徒唐又最盛
計天下積至數千萬以上及推其故唐義倉之開每歲
自王公以下皆有入是以其積獨多所謂法令之行自
貴近始也宋則准各民正稅之數於二十分而取其一
以爲社蓋富者必田多田多則稅多稅多則社入多亦
唐意也要之其出也中歛賑極貧大歛賑中戶又大歛
焉乃沾及于富室所謂恩澤之加自無告始也今之言
官倉者今年曰庫無銀焉明年曰庫無銀焉如是除八
分紙贖之外無幾耳言社倉者此曰官戶當優免我也

明史分稿殘編下

卷

振綺堂叢書

彼曰役占何科擾我也又田多者曰我不願賑於後亦
不願出於今也如是不過貧民下戶之輸無幾耳是二
法終不可行而中原之空虛如故也夫民之飢也必至
于轉徙轉徙不已必至于盜盜必先諸官戶與夫役占
有力之家而此輩多不悟非官府主持而鼓舞之終空
言耳臣請下之各省以唐宋歛穀之法爲則而就土俗
合人情占歲候以通其變限明春以裏盡報各府已前
見貯之數以品其虛盈於明年冬未通計一歲二倉新
收之穀以驗其功能著而爲令歲歲修之在官倉者時
其豐歉而歛散之利歸於官若民有大飢則以賑之在

民倉者時其豐歉而歛散之利歸於民雖官有大役亦
不許借此藏富於民卽藏富於官皇上所爲南面而恃
以無恐者根本在此今之言計者不憂穀之不足而憂
銀之不足夫銀實生亂穀實彌亂銀之不足而泉貨代
之五穀不足則孰可以代者哉故曰明君不寶金玉而
寶五穀伏惟聖明垂意焉疏入下所司議行尋入爲工
部侍郎改吏部以病乞歸學顏廉謹樸茂內行修絮于
世味澹然無所嗜博學好古文詞道麗有魏晉風

明史分稿殘編下

卷

振綺堂叢書

吏部右侍郎諡文懿楊起元

楊起元字貞復歸善人父傳芬從湛若水遊起元幼而知學弱冠時爲亂兵所掠從容賦詩自若賊異而釋之隆慶元年舉廣東鄉試第一三上春官不第讀書金陵於諸儒學旨皆不相入一日道過建昌黎允儒與之語豁然因叩學所自黎曰吾師近溪羅子汝芳也起元悅相與聯榻半年不忍別萬曆五年舉進士改翰林院庶吉士適汝芳以代覲入都遂往受學焉汝芳爲言者劾罷起元方授編修嘆曰吾師且老今若不盡其傳終身之憾也奉使册封崇王迂道南城訪之往復辨證因次

明史分稿殘編下

振綺堂叢書

汝芳語爲答問又摘其論仁者爲識仁篇日諷誦之十六年陞修撰典試福建發策大扞所學晉司經局洗馬充經筵講官上崇聖志勤聖學疏日臣得之父師者如此陞南翰林院學士入爲國子監祭酒以母老乞歸不允二十四年晉南禮部右侍郎奉命祭告中都皇陵會諸人士講中庸及牛山之木一章聞者感動又輯太祖御製集稍爲詮注取洪範語名日訓行錄時神宗深居大內會推諸大寮疏皆留中起元上疏請補南京各部尙書及都察院又因災異上恭勤勤學疏皆不報轉南吏部二十六年召入爲吏部右侍郎兼翰林院侍讀學

士未至以母卒于官舍明年還營葬事哀毀致疾卒天啟初諡文懿起元性孝友厚宗族闔黨人有過耳不欲聞惟就其善獎成之居恆持論以明德新民止至善爲宗而要歸于孝弟慈讓生平一意近溪之學稍入于禪許孚遠在南中極非之孚遠守建昌素不滿汝芳故起元多不合起元奉汝芳最篤圖其像於室出入必告有事稟命而行歲時率同志祭奠以爲常嘗語鄒元標曰吾嘗侍師坐師未語吾未嘗問但見會堂中長幼畢集融融魚魚此卽唐虞太和氣象吾終身不能忘顧憲成曰羅近溪以顏山農爲聖人楊復所卽以近溪爲聖人

明史分稿殘編下

振綺堂叢書

當時評論如此所著有證學篇楊子學解格言政序論學存筭稿白沙語錄諸書

兵部左侍郎贈尚書諡恭簡許孚遠

許孚遠字孟中德清人弱冠舉鄉試從歸安居樞學嘉靖四十一年成進士授南工部虞衡司主事調考功在南中三年以講學自任四十五年入為吏部稽勳主事尚書胡松任南參贊時以汰營兵知其才時文選郎中胡汝桂自附講學孚遠與語不合因移病歸隆慶三年起考功尋出為廣東僉事時廣有倭警而大盜李茂許俊美等復乘間剽掠孚遠陳十策以水陸夾攻為要領身率二軍薄賊壘一軍石城村一軍烏嶼茂等懼請縛倭自効已遊擊希功將掩降者覆之茂俊美復逃去孚

明史分編卷下

振綺堂藏書

遠航海抵賊舟開誠撫諭賊眾感泣禽倭莊西榕等七十餘人以降捷上轉武平道副使會大計考功王篆擠之謫兩淮鹽運判官萬曆二年擢南太僕寺丞明年遷南文選郎中復請告尋丁內艱服闋補車駕是時張居正當國惡講學嘗因進謁詢馬政孚遠倉卒置對甚詳明上便宜四事居正心善之而王篆顧以為功使親已孚遠不應復出為建昌知府雖簿書旁午不廢講學新城人鄧元錫篤行著書親造其廬訪焉以給事中鄒元標薦擢陝西提學副使舉人王之仁劉元卿積學不仕皆移書當路薦之三年陞應天府丞南畿大水溧水高

濟當三湖上流每苦衝決孚遠請內帑萬五千緡築浦隄民至今賴之會都御史李材以澳事被逮孚遠投揭

中救御史管九皋言李材之獄發自巡按蘇瓚孚遠與材講學相善出揭代噉有旨鑄二級調用復以給事中陳尙象薦起廣東僉事轉廣西副使入為右通政二十年冬進右僉都御史巡撫福建倭寇朝鮮久詭乞封兵部尙書石星信之孚遠至福建募海商偵倭遂大閱營兵裁行都司及各府巡司諸海地雜稅不隸司農者悉并入稅局由是餉漸充已偵者至悉得倭詭謀洎諸島相讐狀孚遠備述以聞請勅諭日本諸將禽斬秀吉朝廷不封凶逆而封能除凶逆者又言莫妙於用閒莫急於備禦莫重於征勦不可輕與封又言天津遼陽不可不慮嘉靖中倭亂由嚴海禁激成之今禁故在而姦民出入無稽或相緣為盜莫若弛其禁俾官給帖為官商私出者罪無赦庶法得行而海患可弭詔悉從之時閩大飢民嘯聚至薄會城諸司皆避匿孚遠開門待之密捕治數十人亂遂定及獄上有司株連甚眾宥之罪巨魁三人給事中耿隨龍反劾孚遠撫馭乖方歲荒不能採又寬縱亂民御史甘士价亦言孚遠道學自任經濟全疎請別選才品者代之詔勿問呂宋者海南小國

明史分編卷下

振綺堂藏書

也素奉正朔中國奸民潘利五等利其質襲殺其部長
部長子訴之孚遠爲上疏請究治厚遺其使以堅內附
且藉之偵倭時利五失道入安南已爲所殺其黨郭惟
泰等逃歸悉置於理孚遠在閩二年開墾福州海壇山
田地八萬三千有奇以海壇密邇鎮東爲閩省藩籬既
成屯聚必資城守請卽本處三年稅糧創建城郭營舍
俾遊兵屯守自成重鎮又澎湖島爲海中諸國必經之
地若築城置營且耕且守據海洋要害斷諸番之往來
尤爲勝算因言浙中沿海諸山如陳錢金塘玉環南麂
等處皆可經理帝是其議命便宜施行二十二年冬升

明史分編殘卷下

振綺堂叢書

南大理寺卿明年晉南兵部右侍郎時倭患未平孚遠
既佐留樞益募閩人偵伺朝議以孚遠熟倭情召入爲
兵部左侍郎以病乞休不允五請乃許之孚遠自爲諸
生恥與鄉黨士相爭逐釋褐後益反身尋究嘗過蘭溪
徐魯源謂其言動尙少凝重便與道不相應孚遠指水
自誓故所學以克己爲要於近代學者服膺王守仁然
未嘗專提良知於援儒入佛者惡之尤切嘗規羅汝芳
爲後生領袖令二三輕浮之徒恣爲荒唐無忌憚之說
惑亂人聽聞使守正好修者拒學不信不可不思其故
其在南中與楊起元周汝登持論不同汝登起元皆汝

芳門人也兩家之門互有口語議者藉藉然孚遠則已
解官去矣家居以身驗學著書根極理要有敬和堂集
論語學庸周易述諸書年七十卒贈兵部尙書諡恭簡
孚遠與李材最善材下獄營抹無所不至及材戍閩在
道仍用督撫儀從孚遠時撫閩出郭迓之相見勞苦涕
泣已正色曰公蒙恩得出猶是罪人當貶損思過而鼓
吹騶從此豈待罪之體材斃然孚遠色愈和其交友真
至如此

明史分編殘卷下

百

振綺堂叢書

刑部侍郎洪朝選

洪朝選字舜臣同安人嘉靖二十年進士授戶部主事
朝選長于古文與唐順之王慎中文善凡國家典故經
史微義莫不淹貫自南吏部郎累官刑部左右侍郎遂
王憲燬者居國中荒淫無度巡按御史郅光先劾其戕
殺淫酗十三罪大學士張居正故不悅選王至是以勘
獄委朝選朝選至襄陽諸司已會勘成獄荆州副使施
篤臣持牘請署名朝選曰未提審一人據成案定獄亦安
用我乎篤臣去已復來曰遼王反形見矣府中招軍黨
何為者朝選使人覘之兵圍府數匝王聞法司至度不

明史分編卷編下

五 振綺堂叢書

得伸書訟寃二字於蠶日夕跪其下無他也篤臣既大
興遼獄乃詐為憲燬書餽朝選而因持之至再促署名
甚厲朝選視羅織已定乃曰去謀反二字餘如擬乃具
獄上論憲燬如載瑜典模例削爵鋼高培除其國是役
也朝選奉命臨勘已不能無曲狗乃居正意殊未慊以
大計罷朝選朝選出都忿忿見詞色抵家益稍激上疏
自辨御史郝杰等交章劾朝選考察自辨例當發為編
民有旨冠帶問任會御史劉臺劾居正指及施篤臣朝
選曰使我扶同坐遼獄臺且及我矣居正聞益不悅然
未嘗有意殺之也福建布政使勞堪者居正私人起家

四川廣文與朝選督學時不相能至是以支餉夫軍士

心巡撫耿定向檄止之語侵堪而朝選適過耿堪疑朝
選中之耿憂去堪遂代耿時時屬同安令金校伺朝選
短長而朝選不知方與里中劉夢龍等為難夢龍訟于
堪堪大喜謂可快居正意乃具疏上聞朝選遂奪職逮
訊堪又言朝選精選甲且入海秘部檄不發遣兵圍
其第誘執朝選露縛肩輿上兩日夜馳五百里下之獄
副使譚啟者蜀人朝選所拔士也饋之食命驛卒供寢
堪聞杖卒戒吏毋輒納譚副使譚怒拂衣去堪遂以擅
離官守劾譚罷其官朝選在獄親信往來俱絕獄卒夜

明史分編卷編下

囊沙殺之或云絕其食或云縊死堪猶謂朝選在蜀時
得回生藥停尸三日晉江人趙日榮排獄門入撫屍大
慟收斂之蟲流且出戶也堪燬煉具獄坐以通海接濟
等罪居正悅擢堪左副都御史協理院事朝選子競訟
寃堪復嗾太監馮保矯詔杖之奪其陰明年夏居正卒
御史羊可立追論居正以私構遼庶人于是庶人妃上
書陳寃引朝選為證且曰庶人金寶悉入居正府詔籍
其家亾有也給事中戴光啟李廷儀疏白朝選寃堪坐
奪職明年競再訟父寃及堪諸酷虐狀御史黃師顏復
言之乃下堪獄謫定海夢龍坐戍邊篤臣亦死朝選復

原官補蔭如故說者謂庶人之獄憲燻實有罪居正得
借以洩忿以朝選故止削國後卒以遼事敗故居正當
日深嘆之勞堪赴召過蘇州兵部尙書凌雲翼在告過
堪戲曰吾故與洪左然事過輒忘願與君周旋久不謂
君遂能殺人堪曰我何能殺人殺之者王篆也因出篆
手書謂不殺洪將有俎醢禍堪懼故力爲之小人希意
黨比殺人婦人如此

南京戶部右侍郎贈工部尙書方弘靜


方弘靜字定之歙人嘉靖二十九年舉進士嚴嵩方柄
國慕其才使客啖以鼎甲弘靜笑而謝之及同榜設聞
喜宴嵩首唱紅字韻詩令諸進士屬和弘靜詩傳京師
獨不呈嵩嵩怒置二甲授東平知州邑太猾李某久匿
賦不輸弘靜榜於市曰汝能畢今歲賦甚善其貫汝李
唯唯眾相傳告謂某賦且輸奚待爲負擔踵至終事不
撻一人往編役多不均弘靜審正則審其副審副亦如
之一再互校悉得其平歲飢盜蜂起弘靜曰此民也急
之則益張緩且滋蔓乃下令舍竿而鋤者非盜禽盜以
獻者非盜且有賞月餘悉解散陞南戶部員外郎以東
平舊事罷歸凡四年得自補原職久之陞郎中出爲四
川僉事攝學政縣令有以前典史祀名宦請者弘靜問
曰有惠政乎曰否然則奚祀曰太宰之先也當道所命
耳弘靜曰己之吾不習爲媚也晉山東叅政明年改江
西副使備兵饒州時礦盜嘯聚近千人弘靜簡卒蒐乘
示必勦閒遣人諭以利害眾一夕散去乃埽其峒而封
之會嵩父子敗有司株連頗眾弘靜爲辨白復檄袁州
守以禮葬嵩初釋褐時爲嵩父子所抑至是卹其死人
服其厚尋改廣西歷江西廣東左右布政使萬曆元年

陞右副都御史巡撫浙江浙自倭亂多費後當事者務以裁減爲能諸務弛廢弘靜疏于朝曰議者無不言去冗便顧所謂冗者謂無當於用耳苟無當於用雖至纖猶冗也當矣卽甚鉅不爲冗故兵不習舟則兵冗也舟不耐水則舟冗也舟苟飾兵苟練則冗去矣臣今請增費以去冗於是條列六事復額兵造福蒼啣唬諸船製軍火器復水操陸操又每歲四五月開南自溫台寧紹北至乍浦蘇州濱海人皆出洋捕黃魚爲生時正值風汛編立魚甲于捕魚時資之防寇稍徵稅銀爲修船養兵費漁事畢聽回生理朝議悉從之弘靜乃下令凡備

明史分稿殘編下

夏編振荷堂叢書

倭禦之外洋毋使至岸至岸者以失事論諸將會哨陳錢山倭大至諸軍力戰沈其船九斬首百餘級部議當論功以事忤張居正僅資金幣尋聽勅回籍十二年起撫鄖陽召爲南京戶部右侍郎以老乞歸生平簡澹肅穆勵羔羊素絲之節年九十五卒贈工部尙書



海東通史

四明張氏約園開雕

序

明崇禎十七年乙酉三月京師陷五月福王立于南京
魯王徙封江廣暫住台州是月南都陷六月潞王監國
杭州旋出降閏六月張國維自杭州來朝魯王請監國
時孫嘉績熊汝霖錢肅樂沈宸荃并起兵先後奉表至
台七月王至紹興行監國事以明年為監國元年十月
與清兵戰敗之十一月議分餉分防拜方國安為大將
明年國安劫閩餉六月江上師潰馬士英阮大鍼先在
國安軍中至是欲劫王降清王幸脫去國安阮馬並降

海東逸史

序

一四明叢書

約園刊本

國維諸臣死之鄭彩乃奉王如閩十一月次廈門鄭芝
龍既前降令彩執王彩不從奉王次長垣芝龍子成功
亦建義海上而不欲奉王改明年為隆武三年實王監
國二年海上遂有二朔王在閩先後復三府一州二十
七縣三年皆陷僅有福安寧德明年春寧德福安相繼
陷六月張名振復健跳王次健跳十月移次舟山十二
月粵使至閩海遂用永曆年號監國于是名存實終六
年乙卯九月舟山陷妃嬪大臣多死之七年壬辰張名
振沈宸荃張煌言諸臣扈王至廈門成功以金門居王

八年癸巳三月遂去監國號奉表滇中至是監國虛名

亦不復存然監國諸臣仍奉王如故歷甲午實監國九年乙

未十丙申十一年三年王在金門丁酉十二年戊戌十三年己

亥十四年三年王在南澳是年五月成功徙王澎湖島而

滇中使王復監國庚子十五年王在澎湖島成功克臺灣

王其地辛丑十六年王在澎湖島四月成功復居王金門

壬寅十七年王在金門五月成功卒海上諸臣議復奉王

監國十一月二十三日王薨而監國于是終魯監國終

始凡十有七載其大要略如此嗚乎廢興存亡之際雖

海東逸史

序

一四明叢書

約園刊本

曰天命又豈不由人事哉紹興之不守以方國安之為
大將而可知分餉分防而義師潰閩餉劫而江上師潰
馬阮主其謀國安肆其橫劫王以降無待筮卜可前知
焉易曰開國承家小人勿用豈不信然哉迨于入閩寄
命延平腋下苟活而已豈足議遠謀然三府一州二十
七縣之恢復不亦盛與鄭彩驕恣又隳大業此希聲蒼
水諸公所為痛心飲血者也癸巳而後益不足論然已
亥復號竟不果行意必延平使之吾讀延平戰國史來
人余培有餘痛焉延平世以忠賢歸之擬諸史公道鄰

豈其人哉不然已亥五月延平提師北指蒼水前驅入江克瓜洲鎮江大江南北降附者四府三州二十四縣幾溥金陵則亦可以有爲矣而延平竟以前鋒小挫倉皇出海遁走吾讀蒼水南征諸集有餘痛焉萃四方之忠義以力挽既頽之大勢殫心竭知僅可望濟而一二武夫不用命卒敗垂成之功易曰啞人凶武人爲于大君豈不以其所視者眇所履者危而務逞其剛暴之志氣哉魯監國十七年之事實至短暫也而其存亡勝敗之故昭昭可鑒若此記史者顧可略而不載乎福唐桂

海東逸史序

二四明叢書
約圖刊本

諸王始末史既備錄魯監國獨不得比數此史家之隘漏也有海東逸史者專載記魯監國始末爲監國紀二卷家人傳一卷列傳十五卷都爲卷十八撰者翁洲老民不知何許人也余既獲慈谿楊氏刻本因重刊之以廣流傳而書次魯監國始末大要于簡端且識所慨痛畀覽者考鑒焉民國二十一年六月張壽鏞序

序

洪惟我高宗純皇帝大公至正度越百王御批通鑑輯覽不削福藩位號於分注且備列唐桂二王本未附於後以爲千古興亡鑑至若魯王之延息海隅則并不得列於小朝廷數故載紀亦從其略然而南日孤舟結朱家殘局流離瑣尾猶之厓山一塊肉也其間忠臣義士東浙爲多有如張沈諸公始終抗節勢不能不行柴市之誅我二祖列宗未嘗不諒其忠於所事易名之典光昭汗青凡以立萬世臣極而寓教忠之至意也於是明

海東逸史序

二四明叢書
約圖刊本

越遺獻據所見聞彙筆殘山賸水間取錄東荒碧血者往往而有若黎洲黃氏謝山全氏先後撰述尤夥大抵碑傳之文而所見異詞所聞異詞所傳聞又異詞容亦尙未審者也自余與於慈谿縣志之役之二年昭文鄒君文沅來攝縣事出其藏籍得海東逸史蓋前此所未見也爲書凡十有八卷首監國紀則正名而猶與以帝系也次家人傳傳監國諸妃用歐陽氏五代史例也次列傳次忠義次遺民史體具焉凡所敘述大都身親見之文尤雅馴其微者或不經見於他紀賴以存孤忠介

節之姓氏而其善者亦足以參訂南雷鮎埼之書洵可
 貴也嘗曰翁洲老民計非行遜故臣則亦山林枯槁有
 心郭灌者而惜乎其不可攷也理庵楊檢討以詞曹星
 使告養家居方勤於鄉邦文獻尤重忠孝大節亟鈔得
 副本屬王君子祥及其次公繩孫孝廉校正而刻之於
 乎鱗波鯨島陰火終熿猿鶴蟲沙久淪物化而寫本孤
 行不歸漸滅卒表章於累治重熙之代自非大聖人量
 包天地覆幬所存久矣死灰殘劫亡復留此蠹蝕餘編
 寄千秋感愴矣闕逢渚灘開月甲辰朔會稽孫德祖彥

海東逸史

二四明叢書
 約園刊本

清謹敘

海東逸史目錄

卷一

監國紀上

卷二

監國紀下

卷三

家人傳

烈如某氏

義如周氏

元如張氏

貞如陳氏

氏

海東逸史 目錄

一四明叢書
 約園刊本

卷四

列傳一

張國維

子世鳳

朱大典

子萬化

孫珪

莊元辰

王思任

卷五

列傳二

余煌

陳函輝

陳潛夫

妻孟氏

朱繼祚

劉中藻 董世南

卷六

列傳三

錢肅樂 董光遠

錢肅圖

錢肅範 僕張貴

錢肅遊 妻鮑氏

錢肅典

熊汝霖 子琦

孫嘉績 子延齡

沈宸荃

卷七

列傳四

海東逸史 目錄

二四明叢書 約圖刊本

王之仁

張鵬翼 弟繼榮

蔣若來

鄭遵謙 弟遵儉

荆本微 子元相

卷八

列傳五

沈廷揚 子元泰 妻張氏 沈始元 蔡德

朱斌 林樹 畢從義 陳邦定

黃銘丹 妻施氏

馮京第

徐孚遠 妻姚氏 子度遠

陳士京

卷九

列傳六

王翊 蔣士銓 趙立言 立言子楨

王江 石必正 沈調倫 明知

卷十

列傳七

張肯堂 妻周氏 方氏 姜氏 畢氏 子婦

吳士俊 家人張俊 彭欽

蘇兆人

吳鍾巒 子福之

海東逸史 目錄

三四明叢書 約圖刊本

李向中 子善毓

朱永祐

卷十一

列傳八

黃斌卿

王朝先

周鶴芝 林篤舞 趙牧

阮進 從子駿 陳雪之

姚志卓 兄志元 方元章 張起芬

卷十二

列傳九

張名振 母李氏 庶母范氏 妻馬氏 兄名

民楫 梁隆吉 焦文 文妻張氏 楊復英

卷十三

列傳十

張煌言 子萬祺 甘輝 羅子木 僕楊冠玉

卷十四

忠義一

董志寧 妻羅氏 子士駿 士驥 僕文周

華夏 妻陸氏 王辰 張夢錫

王家勤

陸宇燦

海東逸史 目錄

四四明叢書 約圖刊本

毛聚奎

屠獻宸 妻朱氏

楊文琦 妻沈氏

楊文琮

楊文瓚 妻張氏 王如

楊文球

董德欽

倪懋燾

徐啟睿

趙毅

李桐 子文景 文昱

路國挺

李文纘

杜懋俊

杜兆苜

施邦焮

魏耕 李達 楊暹 錢纘 曾

汪涵

張廷綬 李唐禧

章有功

章欽臣 妻金氏

戴爾惠

卷十五

忠義二

傅巖 子齡文 齡發

王之拭

林汝翥

林奎 葉子器

俞元良 兄元禮

周宗彝 妻卜氏 妾朱弟

啟琦

湯芬

林喟

海東逸史 目錄

五四四明叢書 約圖刊本

都廷諫

洪有文

鄔正畿

林逢經

王恩及 妻李氏

王祈

沈履祥

陳世亨

卷十六

忠義三

高岱 子朗

葉如楹 妻王氏

徐復儀

唐自綵 妻某氏 姪借豫

王玉藻 姚亦方

周元懋

周元初

倪懋楷

朱養時

董廣生

楊鼎臣

林瑛

妻陳氏

江用楫

妻某氏

董玄

張家璧

朱萬年

顧珍

李開國

母某氏

顧宗堯

母某氏

顧玢

江中汜

陳所學

顧行

翁健

海東逸史 目錄

六四明叢書 約園刊本

戴仲明

章有期

劉世勳

王朝相

劉朝

卷十七

忠義四

張榘

倪文徵

朱璋

鄒欽光

鄒之琦

張君正

傅日炯

族父平公

趙景麟

趙天生

周西

張成義

趙旬

葉尙高

朱錫齡

婁文煥

林世英

陳瑞芝

母李氏

周容

朱金芝

紀五昌

趙自新

卷十八

遺民

海東逸史 目錄

七四明叢書 約園刊本

于頴

林時對

李長祥

黃宗義

黃宗炎

陳希友

熊日繪

任延責

沈崇瑜

周齊曾

高宇泰

盧若騰

沈文光

朱憲宗

徐桐

馮元颺

董守諭

原闕今補

王正中

原闕今補

章正宸 原闕今補

朱之瑜 原闕今補

海東逸史 目錄

八四明叢書
約圖刊本

海東逸史卷一

翁洲老民撰

監國紀上

王諱以海太祖第十子荒王檀九世孫也父肅王壽鏞以崇禎九年襲封十二年薨子以派嗣十五年北兵破兗州自縊死十七年二月詔以王紹封三月京師陷王避兵南下五月福王立於南京命徙封江廣暫駐台州乙酉五月南京亡踰月潞王常汭監國於杭州不數日出降按小腆紀年諸臣請監國不受明季南略云杭人擁戴之大兵至即開門率眾降○是刻考異均註

海東逸史 卷一

約圖刊本

首見處六月九日按紀年東陽兵起在諸義旅後此或當作十九日原任兵部尚書右僉都御史張國維自杭州來朝請王監國會故九江僉事孫嘉績吏科給事中熊汝霖起兵餘姚刑部員外郎錢肅樂起兵寧波蘇松兵備僉事沈宸荃起兵慈谿並奉表至台而會詹諸生鄭遵謙亦起兵應之既而定海總兵王之仁翁洲參將黃斌卿石浦游擊張名振各以本鎮兵來會王遂赴紹興

七月十八日小腆紀年作閏六月十八日王至紹興行監國事以分

守公署為行在祭告天地祖宗以明年為監國元年立

元妃張氏上故皇太子號曰悼皇帝弘光帝曰報皇帝

潞王曰潞閔王

進張國維少傅兼太子太傅兵部尚書武英殿大學士

按小腆紀年時召直東閣尋加是銜以朱大典宋之普南疆釋史為東閣

大學士國維督師江上大典鎮守金華之普司票擬

加孫嘉績熊汝霖錢肅樂沈宸荃皆督師右僉都御史

以鄭遵謙為中軍都督府左都督

以章正宸為吏部尚書原注後紹興陷棄家為僧南疆釋史云起為戶部左侍郎行吏

部李自春釋史作占春為戶部尚書王思任為禮部尚書張

海東逸史 卷一

二 四明叢書 約園刊本

文郁為工部尚書陳函輝為禮部右侍郎按小腆紀年時擢少詹事

歸尋遷是職陳潛夫為太僕寺少卿起原任右庶子余煌為

禮部右侍郎不至

封嚴州總兵方國安按小腆紀年國安浙人或云舊輔達年子鎮東侯定海

總兵王之仁武寧侯南疆釋史作武寧侯羣臣皆奉表勸

進王曰孤之監國原非得已當俟展拜孝陵徐議樂推

未晚也

賜鄞縣舉人張煌言進士出身授翰林院編修小腆紀年作八

事月

以原任紹興知府于穎為按察使行巡撫事

鑄大明通寶錢小腆紀年作十二月事

大學士宋之普謝政起舊輔方逢年為東閣大學士

張國維連復富陽於潛明季南略以復富陽為七月事小腆紀年以復於潛為八月事

諸縣

命仁武伯姚志卓小腆紀年作倬守分水

八月原任兵部尚書田仰從海道至拜東閣大學士

九月加按察使于穎右僉都御史督師

十月初二日北兵至方國安嚴陣以待張國維率隊接

海東逸史 卷一

二 四明叢書 約園刊本

應裨將王國斌趙天祥繼之連戰十日北兵敗去

以原任吏科都給事中林時對為太常寺卿原任刑部

主事莊元辰為吏科都給事中

十一月進方國安荆國公王之仁寧國公封鄭遵謙義

興伯尋進侯

議分餉分地

以編修張煌言為兵科給事中

以太常寺卿林時對為都察院右僉都御史吏科都給

事中莊元辰為太常寺卿

加右僉都御史孫嘉績熊汝霖並兵部右侍郎

閩中遺給事中劉中藻頒詔至大學士張國維侍郎熊

汝霖等拒之小腆紀年作十月事

王勞軍江上駐蹕西興築壇拜方國安為大將命各營

皆守節制馬士英阮大鍼按小腆紀年士英字瑤草貴陽人中萬曆丙辰會試又三年成進士大鍼懷寧人萬曆丙辰進士竄入方國安營請朝覲不許

十二月王回越城以降臣故太僕卿謝三賓為禮部尚

書兼東閣大學士

頒監國魯元年大統曆職方主事黃宗羲所造也

海東通史卷一 四四明叢書 約圖刊本

海東通史卷一

四四明叢書 約圖刊本

監國魯元年丙戌正月己酉朔王在紹興

遣原任天津參政柯夏卿原注號遊庵黃巖人進士太常少卿曹維

才使閩中

以原任右庶子余煌為兵部尚書

加右僉都御史錢肅樂為兵部右侍郎

二月叛將張國柱掠餘姚其部曲張邦寧掠慈谿

總兵陳梧敗於橋李自乍浦浮海至餘姚大掠職方主

事王正中方行縣事集民兵擊殺之

閩中遣僉都御史陸清源解餉十萬給浙東方國安縱

兵攫之拘清源不遣小腆紀年云字嗣白平湖人崇禎甲戌進士為國安所殺勝朝殉節諸臣錄云江防潰投蓋馬阮所構也並以為在錢塘江死國朝賜諡忠節

後戰

三月十九日毅宗大祥戶部主事原作郎中据第董守十八卷補傳正

論請王吳臨三軍縞素一日從之

北兵決壩放船入錢塘江張國維嚴飭各營守汎王之

仁鄭遵謙率水師襲戰敗之小腆紀年作是月朔日事

平海將軍周鶴芝議乞師日本黃斌卿止之

四月王正中率師渡海鹽破澈浦城小腆紀年作三月事

海東通史卷一 五四四明叢書 約圖刊本

海東通史卷一

五四四明叢書 約圖刊本

五月兵部右侍郎錢肅樂棄軍之舟山

都督鄞縣志作總兵陳謙奉使至閩中為御史錢邦芑所劾被

殺

加兵部右侍郎孫嘉績戶部尚書据第六卷本傳四字疑衍熊汝霖

兵部尚書並兼東閣大學士

尚寶寺卿朱大定太僕寺卿陳潛夫兵部主事黃宗羲

吳乃武查繼佐等會師渡海劄潭山南疆釋史以江上作海壇山

兵潰乃還

六月丙子朔江上兵潰方國安馬士英等欲劫王投降

遣人守之會守者病王得脫乃由江門出海令保定伯
毛有倫扈元妃世子自定海出海明季南略作五月二
十八日事小腆紀年
作二十
七日事

大學士張國維兵部尚書余煌禮部右侍郎勝朝殉節
諸臣錄作

兵部左侍郎陳函輝通政使吳從魯小腆紀年云字金堂山
陰人萬曆丙辰進士官

通政司大理原作太僕据第
五卷本傳正寺少卿陳潛夫翰林院編

修徐復儀紀年以為唐
藩遇害後死江西道御史傅巖兵部主事高

岱葉如蒞紀年作汝蒞
一作汝蒞原任山西僉事鄭之尹諸生傅

日炯趙景麟等皆死之方逢年謝三寶宋之普方國安

海東逸史卷一
四明叢書
約圖刊本

及馬士英阮大鍼等並降

寧國公王之仁泛海至金陵死之北兵破金華大學士

朱大典闔門死之

富平將軍張名振棄石浦以舟師扈王出海投蕭虜伯

黃斌卿斌卿不納

永勝伯鄭彩至舟山奉王入閩

叛將張國柱攻舟山為水營將阮進所敗劫元妃世子

去以上三節小腆紀
年並繫九月內

二十四日大學士孫嘉績卒

八月十一日建寧陷僉事倪懋燾死之

二十七日閩中陷唐藩出奔汀州為北兵所殺按小腆
藩名聿鍵小字長壽太祖九世孫二十一日自延平出
奔二十四日大兵取延平及天興府追殺於汀州之府
堂時二十
八日也

九月以兵科給事中張煌言為右僉都御史按小腆紀
年以明年
正月進
是職

十月丁酉王發舟山

十一月丙寅王次廈門南疆釋史稱中
左所亦名鷺門時鄭芝龍小腆
云字飛皇小字一官
福建南安縣石井人已降北令彩執王以降彩不從芝

龍之子成功亦不肯隨父復建義海上而以廈門為營

然亦不欲奉王改明年為隆武三年於是鄭彩改次長

垣改明年為監國二年海上遂有二朔

海東逸史卷一
四明叢書
約圖刊本

海東逸史卷一

翁洲老民撰

監國紀下

二年丁亥正月癸卯朔王在長垣

辛未王禡牙出師提督楊耿總兵鄭聯皆以兵來會進

鄭彩建國公封張名振定西侯楊耿同安伯鄭聯定遠

伯周瑞閩安伯周鶴芝平夷小腆紀年伯阮進蕩胡紀年

伯阮駿英義伯

以原任雲南僉事林汝翥為兵部右侍郎

海東逸史卷二

周鶴芝復海口以參議小腆紀年林銜舞總兵趙牧守

之

進册貴嬪陳氏小腆紀年為元妃

二月壬申朔克海澄明日攻漳平南疆傳史作漳州按漳平屬龍巖州此疑

謬失利又明日北兵攻海澄南師退入於海

丙子克漳浦以閩人洪有文南疆傳史云饒州人同安阮錫夕賜寶稿作有楨字

亮士嘉禾里人為令五日復陷有文死之

邸西王常澁小腆紀年作常潮事在四月常澁為貴溪王明年二月永寧寨破死復建寧

其裨將王祈南疆傳復邵武

三月兵部右侍郎林汝翥吏部員外郎林奎合兵攻福

清不克死之小腆紀年作十月事

四月海口陷參議林銜舞總兵趙牧死之周鶴芝退保

火燒輿

吳淞提督吳勝兆反正命定西侯張名振率舟師赴之

以兵部小腆紀年右侍郎沈廷揚右僉都御史張煌言

給事中徐孚遠御史馮京第監其軍抵崇明舟覆名振

等從間道脫歸廷揚被執死之

六月攻漳失利

海東逸史卷二

王至瓊江錢肅樂來朝拜兵部尚書

以閩中原任太僕寺卿劉沂春為右副都御史原任廣

東糧道小腆紀年稱副使吳鍾繼為通政使按紀年以第十卷本傳同

並以錢肅樂薦也

七月王親征會鄭彩周瑞周鶴芝阮進之師攻福州敗

績

八月丙戌克連江按小腆紀年是

以右僉都御史沈宸荃為兵部尚書按小腆紀年以十月進是職

以閩中原任溫州巡撫劉中藻為兵部尚書武英殿按

興紀年於是年正月授職兼東閣大學士

十月長樂永福閩清皆下羅源知縣朱丕承寧德知縣

錢楷皆以城來降按小腆紀年九月遣兵復羅源又復連江於是長樂永福閩清諸城皆下

以閩中原任戶部侍郎林正亨為戶部尚書僉都御史

余颺為左都御史御史林嶠為吏科給事中禮部主事

黃岳南疆釋史作冥小腆紀年作賓按俗書賓作冥字典無此字為吏部考功司郎

中

辛未鄧藩審理小腆紀年作鄧藩理係人名陳世亨以一旅復安固

按瑞安縣在晉時為安固縣援兵不繼復陷被執大罵而死

海東通史 卷一 四明叢書 約圖刊本

遣大學士劉中藻攻福寧州破之鎮將涂登華降

以兵科給事中孫廷齡為兵部右侍郎大學士嘉績子

也

三年戊子正月丁酉朔王在閩安鎮

遣閩中原任東閣大學士朱繼祚與同安伯楊耿攻興

化克之

以兵科給事中勝朝殉節諸臣錄止稱給事中陳士京為光祿寺卿奉

使粵中

癸丑鄭彩殺大學士熊汝霖義興侯鄭遵謙

兵科給事中陳希友熊曰繪疏參鄭彩逆惡大罪為該臣所勸不果上

二月以兵部尚書錢肅樂兼東閣大學士

北帥郭三才南疆釋史作天才來降封為忠勤伯

三月興化陷吏科給事中林嶠與泉道湯芬死之莆田

陷大學士朱繼祚知縣都廷諫死之永福陷里居給事

中郭勝朝殉節諸臣錄作郭正畿御史林逢經死之長樂陷里居

御史王恩及小腆紀年作王恩死之建寧陷守將王祈死之王

在閩中先後復三府一州二十七縣至是皆失僅留寧

海東通史 卷一 四明叢書 約圖刊本

德福安二縣

六月初五日戊戌大學士錢肅樂以憂卒

十月以工部尚書沈宸荃右副都御史劉沂春兼東閣

大學士

四年己丑正月辛酉小腆紀年作庚申朔王次沙埕

監察御史黃宗羲自剡中至拜為左僉都御史尋進左

副都御史

三月寧德陷

黃斌卿遣其弟孝卿偕僉都御史馮京第乞師日本不

777 92 66

328

得要領而還

四月福安陷大學士劉中藻及其部將董世南小腆紀年作世

上等並死之兵科給事中原作翰林院簡討錢肅範被

執不屈見殺

六月定西侯張名振復健跳所

七月壬戌王次健跳所遣使者拜山寨諸營官爵授東

山寨李長祥四明寨王翊並都察院右僉都御史按小

年時授翊河南道御史按小壬午北兵圍健跳蕩胡伯阮進追

敗之

海東逸史 卷二

五四明叢書 約圖刊本

封平西將軍王朝先平西伯

以右僉都御史馮京第為兵部右侍郎

八月壬辰世子生

九月丁酉張名振阮進王朝先共殺黃斌卿

十月己巳小腆紀年作乙巳按王移蹕舟山以參將府

為行在

大學士劉沂春還閩

以閩中原任戶工二部尚書張肯堂為東閣大學士吏

部右侍郎朱永祐為左侍郎按小腆紀年時進工部尚

傳進戶部侍郎孫延齡為戶部尚書以右僉都御史李

長祥張煌言並為兵部左侍郎按紀年煌言為右侍

命兵部右侍郎馮京第左副都御史黃宗義乞師日本

不得要領而還按小腆紀年是年十一月乞師日本以

十二月粵中遣使封鄭成功為延平王閩海始用永曆

年號

左副都御史黃宗義以母老乞歸許之

五年庚寅正月乙卯朔王在舟山

三月右僉都御史四明寨王翊來朝拜兵部左侍郎小

海東逸史 卷二

六四明叢書 約圖刊本

紀年作右侍郎第九卷本傳同

八月兵部左侍郎王翊帥師破新昌拔虎山進本部尚

書小腆紀年止稱侍

九月鄭彩與鄭成功爭廈門為成功所敗泊沙埕張名

振擊破其餘兵按小腆紀年爭廈門在八月沙埕

以兵科給事中徐孚遠為國子監祭酒按小腆紀年於

僉都御史未

周瑞周鶴芝以樓船三百分屯温州之三盤為舟山特

角

十月辛巳朔日有食之

十一月北兵攻杜密兵部右侍郎馮京第死之小腆紀年作九年

事月

六年辛卯正月己卯朔王在舟山

二月小腆紀年作閏二月乙卯張名振殺王朝先并其軍

以太僕寺少卿曹從龍為兵部右侍郎

七月北兵攻四明寨兵部尚書王翊死之按小腆紀年是月被執入

第九卷本傳同

北兵會攻行朝定西侯張名振英義伯阮駿扈王發舟

海東逸史 卷二

七四明叢書約圖刊本

山

八月辛酉北人試舟海口為南師所敗獲其樓船數十

一人而縱之

丙寅大霧北兵悉抵螺頭門守陴者方覺蕩胡伯阮進

邀擊大洋風反師燬進死之

九月丙子城陷元妃陳氏投井死貴嬪小腆紀年稱宮娥張氏

義陽王妃杜氏從之大學士張肯堂禮部尚書吳鍾繼

兵部尚書李向中工部尚書原作吏部侍郎茲據第十卷本傳正朱永祐

通政司參議紀年稱通政使鄭遵儉兵科給事中董志寧兵部

郎中朱養時戶部主事林瑛江用楫紀年瑛為吏部禮部主事

董玄兵部主事李航海遺聞作湯開國朱萬年顧珍工部主事

顧宗堯工部所正戴仲明禮部主事原作中書舍人勝

茲據第十卷本傳正蘇火人安洋將軍劉世勳左都督張名揚錦

衣衛指揮至朝相內官監太監劉朝南疆紀史作潮定西侯參

謀顧明構賈生妻文煥諸生林世英朱錫齡等並死之

北兵相謂曰吾兵南下所不易拔者江陰涇縣合舟山

而三耳

七年壬辰正月癸酉朔定西侯張名振大學士沈宸荃

海東逸史 卷二

八四明叢書約圖刊本

兵部右侍郎張煌言扈王至廈門按小腆紀年是在是月丁酉後

延平王鄭成功朝見行四拜禮小腆紀年云以崇人府府正禮見費千

金細緞百匹供應甚殷從臣亦皆有贈尋奉王居金門

七月大學士沈宸荃艤舟南日山遭風沒於海

八年癸巳正月戊辰朔王在金門

三月王自去監國號奉表滇中

九月定西侯張名振帥師北上以兵部右侍郎張煌言

為監軍入長江趨丹陽掠丹徒左次崇明冬盡乃還

甲午年王在金門按小腆紀年以是年正月移居南澳

二月小腆紀年定西侯張名振監軍張煌言帥師再入

長江掠瓜洲侵儀真抵燕子磯而還

乙未年王在金門

十一月航海遺聞作八月行朝延平王鄭成功遣英義

伯阮駿總制陳雪之小腆紀年帥帥圍舟山北將巴臣

興降紀年云原名臣

二十九日定西侯張名振卒於軍

丙申年王在金門

八月二十六日北師復取舟山英義伯阮駿總制陳雪

海東遺史 卷二

九四明叢書

之並赴海死小腆紀年云陳北人以舟山不可守迫其

民過海溺死者無算遂空其地

丁酉年王在南澳

滇中遣使至加張煌言左侍郎小腆紀年作

戊戌年王在南澳

二月張忠烈公神道碑作三延平王鄭成功會師浙海

以兵部左侍郎張煌言為監軍北伐抵洋山按洋山當

怪風猝至義陽王溺死乃還

己亥年王在南澳

五月延平王鄭成功全師北指監軍張煌言以所部前

驅入江抵瓜洲克其城成功南攻鎮江亦克之大江南

北皆來降附其已下者四府三州二十四縣會前鋒敗

成功倉猝移帳遂大潰乘流出海煌言亦從間道歸天

台按小腆紀年煌言徇江南北下四府三鄭成功還王

於澎湖島按小腆紀年在

六月王遣使祭光祿寺卿陳士京

滇中遣使齎手敕仍命王監國加張煌言本部尙書兼

東閣大學士按小腆紀年

在天台後

十四明叢書

庚子年王在澎湖島

鄭成功攻臺灣克之紅夷乞降以大船還其國成功遂

王其地按小腆紀年在

辛丑年王在澎湖島

四月鄭成功復奉王居金門

壬寅年王在金門

二月十三日滇中陷桂藩為北將吳三桂小腆紀年云

人遼東中所殺按紀年滇都以己亥正月陷桂藩由檣

後所籍於雲以辛丑十二月被執至是年四月絞死

南

五月初八日延平王鄭成功卒海上諸臣議復奉王監國

十一月二十三日王薨

海東逸史卷二

十一四明叢書
約圖刊本

海東逸史卷二

海東逸史卷三

翁洲老民撰

家人傳

妃某氏王為世子時所納崇禎十五年北兵破兗州兄魯王以派自縊死王被執詭稱魯王牧兒見北兵掠王邸皆忽流淚怪之旁有人曰此魯藩之弟也北兵刃之三擊不中駭曰汝有大福我不汝害前有一少女子甚麗知是汝妻犯之不從死於牆下汝其埋之王因得脫紹興監國諡曰烈妃

海東逸史卷三

十一四明叢書
約圖刊本

元妃周氏濟寧人王以崇禎十七年二月襲封魯王妃入宮已年餘矣遂進元妃甫逾月而京師陷王避兵南下妃時臥病不起王強之妃泣曰王速行勿以妾故為王累王不忍妃乃手碎瓷盤勒喉而死紹興監國諡曰義妃按小腆紀年江上師潰王命扈宮眷出海張妃辭碎瓷盤自剄死宮嬪周氏出海後張國柱劫之亦自剄死魯紀年海上見閭紀並云張妃被劫中途碎瓷盤自剄死

元妃張氏蕭山人小腆紀年云會稽人乙酉七月王至紹興行監

國事立為元妃父國俊得封伯爵內結閣臣客鳳儀李

國輔按紀年國輔司禮監韓贊周養子也外倚悍將方國安王之仁頗通

賄擅事諸臣相繼進諫王不聽侍郎錢肅樂特疏糾之
留中國俊遂引降臣謝三賓直東閣以擠肅樂肅樂遂
去明年六月江上師潰王由江門出海令保定伯毛有
倫扈宮眷自蛟關出期會於舟山適叛將張國柱來攻
爲水營將阮進所敗國柱僅以身免遂攜妃去不知所
終

元妃陳氏鄞縣人丙戌春入宮爲宮人

小腆紀年云次
會稽張妃下

張妃既爲亂兵所擄妃在副舟中急令舟人鼓棹特前
追兵不及伏荒島數日飄泊至舟山王已入閩傍徨無

海東逸史

卷三

三四明叢書
約圖刊本

所歸尚書張肯堂遣人護之得達長垣王見之流涕進
册爲元妃在海上三年生世子黃斌卿伏誅始復入舟
山先是張妃在會稽其父國俊頗豫事擅威福妃歎曰
是何國家是何勳戚而尚欲爾爾乎至是族親有至者
悉遣之辛卯北兵三道入海王以蛟關未能猝渡親帥
舟師搗吳淞以牽其勢蕩胡伯阮進居守敗死北兵直
抵城下安洋將軍劉世勳議分兵先送宮眷出海然後
背城一戰妃傳諭辭曰將軍意良厚然蠲灘鯨背之間
懼爲奸人所賣則張妃之績也願得死此淨土乃止城

陷妃整冠服北向拜謝投井死貴嬪張氏及義陽王妃
杜氏從焉錦衣指揮王朝相內官監太監劉朝共昇巨
石填井平之卽自刎其旁而死至乙未年英義伯阮駿
再下舟山得妃死狀表言於王加謚貞妃

海東逸史

卷三

三四明叢書
約圖刊本

海東逸史卷三

翁洲老民撰

列傳一

張國維字玉筍號止庵明季南略云字正庵號玉筍東陽人天啟二

年進士授番禺知縣歷官至都察院右僉都御史應天

巡撫崇禎十七年三月以兵部尚書兼右僉都御史赴

江南浙江督練兵輸餉諸務出都十日而都城陷五月

福王立於南京召為戎政尚書尋敘山東討賊功加大

子太保廕一子錦衣僉事吏部尚書徐石麒小腆紀年云字寶摩

海東逸史 卷四

一四明叢書 約園刊本

嘉興人天啟壬戌進士乙酉嘉去位眾議歸國維馬士

與破自經死國朝賜諡忠懿紀年云捷丹陽人進國維乃乞省親

英不用而用張捷紀年云捷丹陽人進國維乃乞省親

歸乙酉五月南都覆六月潞王監國於杭州不數日出

降國維乃以閏六月朝魯王於台州請王監國即日移

駐紹興進國維少傅兼太子太傅兵部尚書武英殿大

學士賜尚方劔督師江上會嚴州總兵官方國安亦自

金華至馬士英素善國安匿其軍中請入朝國維劾其

十大罪乃不敢入連復富陽於潛諸縣時兵馬雲集人

治一軍不相統一部曲騷然國維上疏謂刻期會戰則

彼出此入我有休番之逸而攻堅擣虛人無應接之暇

此為勝算必聯諸帥之心為一心然後使人人之功罪

視為一人之功罪於是樹木城緣江要害聯絡國安及

王之仁鄭遵謙熊汝霖孫嘉績錢肅樂諸營為持久計

按紀年至是賜尚十月北兵至國安嚴陣以待國維率

王國斌趙天祥以步兵接應連戰十日前鋒鍾鼎新用

火攻首擊殺緋衣大將一諸將李南疆釋史點琦宗忠

等各斬數十級俞國榮等直抵張灣取其軍械而歸北

兵大敗是冬閩中遣給事中劉中藻頒詔至諸求富貴

海東逸史 卷四

一四明叢書 約園刊本

者爭欲應之王下令返台士民惶惶國維乃馳至紹上

疏唐王曰今日之事凡為高皇帝子孫皆當同心并力

共復國離成功之後入關者王監國退守藩服禮制昭

然若以倫序叔姪定分在今日原未假易且浙東人心

渙散鳩集為勞一旦南拜正朔則江上諸將皆須聽命

猝然有變監國之號令不行唇亡齒寒悔莫可追臣老

矣豈敢朝秦暮楚有所左右於其間哉疏出議始定然

閩浙自是成水火矣明年五月諸軍乏餉師潰六月朔

日北兵至王走台州航海國維亦還守東陽及義烏破

眾勸國維入山圖後舉國維曰誤天下事者文山疊山

也一死而已二十八日北兵至七里寺國維遂具衣冠

南向再拜曰臣力竭矣賦詩三章按紀年載首章自述

拒敵辭唐氣勵雲時去仍為朱氏鬼精靈長傍孝陵墳

次章念母云一瞑織塵不挂胸惟哀豈母存遂窮仁人

暫鼓鉦而今絕口莫談兵蒼蒼肯施存恤秉末全身

答所赴園池死年五十二國朝賜子世鳳官平敵將軍

後以吳賜南略云字日生號朔清吳江人崇禎丁丑進

歷官至兵部尚書封長興事連亦死難

伯殉節死國朝賜諡節愍

朱大典字延之號未孩金華人家世貧賤大典始讀書

為人豪邁舉萬曆四十四年進士歷官至兵部左侍郎

總督江北諸軍小腆紀年云官僉都御史總督漕運兼

國變止福王立起巡撫廬鳳淮揚四都以許都事被逮會

是職尋進尚書紀年云東陽人諸生知縣桐

事有連逮治京師陷福王立有白其誣者乃以原官召

用踰月進尚書督上江諸務南都陷走杭州會潞王亦

降乃還鄉郡據城固守唐王聞就加東閣大學士督師

海東逸史 卷四

三四明叢書 約圖刊本

不下城既陷閩門縱火自焚死國朝賜諡烈愍大典本與馬士

英阮大鍼善南都亡大鍼出走由太平趨浙東投大典

於金華大典方舉義留與其治軍士民不可檄逐之大

典乃送大鍼於方國安軍士英國安同鄉也先在其軍

中於是兩人掀髯抵掌日夕談兵國安甚喜及北兵至

士英大鍼國安皆降而大典獨殉節部將吳邦璿從死

子萬化巷戰被執亦不屈死孫珏少年能文有經濟才

亦死於浦城

莊元辰字起貞號頑庵鄞縣人崇禎十年進士授南京

太常博士甲申之變一日七至中樞史可法國朝賜諡忠正

門促以勤王福王立議選科臣劉宗周小腆紀年云字

陰人學者稱蕺山先生萬曆辛丑進士官東號念臺山

左都御史杭州失守絕粒死國朝賜諡忠介章正宸等並

首舉元辰馬士英惡之以中旨授刑部主事已見士英

日橫遂告歸乙酉閏六月錢肅樂等舉兵元辰破家輸

餉肅樂等西行推元辰任城守事魯王監國擢吏科都

給事中尋遷太常寺少卿進正卿仍兼吏科如故元辰

疏言陛下大雉未雪舉兵以來將士宣勞於外炎威寒

海東逸史 卷四

三四明叢書 約圖刊本

今茲亢旱臥薪嘗膽之不遑而數月以來頗安逸樂釜
魚幕燕撫事增憂則晏安何可懷也敵在門庭朝不及
夕有深宮養優之心安得有前席借箸之事則蒙蔽何
可滋也天下安危託命將相今左右之人頗能內承色
笑則事權何可移也五等崇封有如探囊有為昔時佐
命元臣所不能得者則恩賞何可濫也陛下試念兩都
之毀禾黍麥秀之悲則居處必不安試念孝陵長陵銅
駝荆棘之慘則對越必不安試念青宮二王之辱則撫
王子何以爲情試念江干將士列邦生民之慘則衣食

海東逸史 卷四

五十四明叢書

約圖刊本

可以俱廢疏入優詔報聞又言中旨用人乃報王之稅
政臣叨居科長斷不能隨聲奉詔上不能用而馬士英
又至元辰言士英不斬國事必不可爲遂三疏請歸歸
逾月而紹興破狂走諸山中朝夕野哭疽發於背而卒
原注元辰舉鄉試出汪偉門會試出
馬世奇門論者以爲鍼芥之合云
王思任字季重號遂東山陰人萬曆二十三年進士歷
知興平當塗青浦三縣袁州推官所至皆被鐫級稍遷
刑工二部主事出爲九江僉事罷歸乙酉五月南都陷
福王走蕪湖馬士英擁兵奉太妃入浙思任猶未知福

王被擒也乃上疏太妃請斬士英按小腆紀年思任疏
憤忠憤之心發於廉恥事至今日人人無恥在在不憤
矣主上寬仁有餘而剛斷不足士英公竊太阿肆無忌
憚窺上之微而有以中之上嗜飲則進醜態上悅色則
獻淫妖上喜音則真優鮑上好玩則奉古董巧卸疆場
之事於史可法而又心忌其成功招集無賴真官鬻爵
門下狐狗腰纏橫行朝廷篤信之以至於斯也今事急
矣政事關臣可以走乎兵部尚書可以逃乎不職不守
而身兼重兵口稱護太后之嬖則聖駕不當扈耶及今
猶可呼號泣召之際太后宜速趨上照臨出政斷絕酒
色臥薪嘗膽立斬士英之頭傳示各省以爲謀國敗君
之戒仍下哀痛之詔以昭悔悟則人心士氣猶可復振
也復致書士英曰閣下文采風流才情義俠某素欽慕
即當國破眾疑之際援立今上以定時局以爲古之郭
汾陽今之手少保也然而氣驕腹滿政本自由不講戰
守之事只知貪黷之謀酒色逢君門牆固黨以致人心
解體士氣不揚叛兵至則束手無策強敵來則先期已

海東逸史 卷四

六十四明叢書

約圖刊本

走致令乘輿播遷社稷邱墟閣下謀國至此即喙長三
尺亦何以自解莫若明水一盂自剗以謝天下則忠憤
氣節之士尚爾相諒無他若但求全首領亦當立解樞
機授之才向爾清正大臣以召英雄豪傑呼號揚厲猶可
冀望中興如或迨遠湖上潦倒烟霞仍賈似道之故轍
千古笑齒已經冷絕再不然而如伯紹渡江吾越乃報仇
雪恥之國非藏垢納污之區也某當先赴胥濤乞素車
白馬以拒閣下上干洪怒死不贖辜閣下以國法處之
則束身以候綬騎私法處之則引王既監國起拜禮部
領以待鉏耨士英愧憤不能答也
尚書年七十餘矣明年六月紹興破踰險避兵入雲門
山痛哭而卒紀年云城破不食死南疆釋史云
思任已病避至秦望山丙舍以死

海東逸史卷四

翁洲老民撰

列傳二

余煌字武貞號公遜會稽人天啟五年進士第一歷官至右庶子乞假歸遂丁外艱服除久不起魯王監國起禮部右侍郎再起戶部尚書皆不就明年以武將橫甚拜煌兵部尚書始受命時內閣田仰與義興伯鄭遵謙爭餉兩軍格鬪喋血禁廷煌至叱之始去乃申嚴軍紀將士稍戢諸臣競營高爵請乞無厭煌上言今國勢愈

海東逸史 卷五

四明叢書 約園刊本

危朝政愈紛尺土未復戰守無資諸臣請祭則當思先帝烝嘗未備請葬則當思先帝山陵未營請封則當思先帝宗廟未享請陰則當思先帝子孫未保請諡則當思先帝光烈未昭時以為名言江干師潰王航海遺眾有議據城抗守者煌以徒害民生不可遂大張殊示放兵民出走畢賦絕命詩一章按小腆紀年載其詞云穆羅以了吾事有婉文山不入柴市自沈渡東橋下舟人拯起之乃歎曰忠臣不易做也居二日復投深處乃死國朝賜諡忠節

陳函輝字木叔號寒山臨海人崇禎七年進士授靖江

知縣為人不苟小節好交游日事詩酒為御史左光先

紀年云光先弟崇禎末幼罷京師陷慟哭刑牲誓眾倡

義紀年載其檄文云嗚呼故老有未經之變禾黍傷心

虹日相君素車馬錢塘怒激江濤嗚呼三月望後之報

此後盤古而蝕日月者也昔我太祖高皇帝手挽三辰

之軸一掃腥羶身鍾二曜之英雙驅海盡行統曆追我

紹何人不沐皇恩傳世一十五朝寶海盡行統曆追我

皇上御宇十有七年於茲矣始政誅瑤獨屬震霆作鼓

頻年禦敵威持宵旰為衣九邊寒暑幾警呼庚呼癸之

嗚萬姓號號時切已滿已飢之痛雖舉朝肉食之多鄙

而一人身極之未遷運至覆轍有何失序嗚呼即爾紛

然造逆之輩嗜無累世休養之恩乃者饑逼神京九廟

不獲安其主應流宮寢先帝不得正其終罪極海山負

知已滿慘深天地普豈共生嗚呼誰秉國成詎無封事

門戶膏肓河北賊置之不問藩籬破壞大將軍竟若罔

聞開門納叛皆觀軍容使者之流賣主投降盡宏文館

學士之輩乞歸便云有恥徒死即係忠臣此則劫運真

遺陽九百六之交而凡民並值柱折維裂之會矣安祿

山以番將代漢將帳中豬早抽刀李希烈自汴州奔蔡

州丸內鳩先進毒鳳既斬於京口剖屍之戮安逃景亦

焚於舟中跛足之凶終盡無強不折有逆必誅又況漢

德猶存周曆未過赤眉銅馬適開光武之中興夷羿逢

海東逸史 卷五

四明叢書 約園刊本

乎北風旗常紀於南極以赤手而挾神鼎事在人爲即
白衣而效前籌君不我負一洗橫槍晦蝕日月重光再
開帶礪山河朝廷不小海內共 會福王立不許草澤勤
扶正氣神明鑒此血誠謹檄

王乃止尋起職方主事監軍江北南都陷歸與孫嘉績

熊汝霖錢肅樂等會師江干時魯王在台州西輝走謁

王曰國統再絕矣王亦高皇帝子孫也報讎繼統於是

乎在王盍圖之王謝曰國家禍亂相仍區區江南且不

能保尙何冀乎西輝曰不然浙東沃野千里南倚甌閩

北據三江環以大海士民忠義此句踐所以擒吳稱霸

也會兵部尙書張國維起兵東陽來迎王西輝乃侍王

海東逸史 卷五

三四明徵書
約圖刊本

至紹興王既監國擢爲禮部右侍郎進禮兵二部尙書

按小腆紀年止稱侍郎明年六月紹興陷從王航海已

未嘗進尙書監國紀同 而相失哭入雲峯山作絕命詞數章

爲大明之人死作大明之鬼笑指白雲深處蕭然一無

所累其二云子房始終爲韓木叔始終爲魯赤松千古

成名黃蘗存心獨苦其三云父母恩無可報妻兒面不

能親落日樵夫河上應憐故國忠臣其四云臣年五十

有七回頭萬事已畢徒慚赤手擎天惟見白虹貫日其

五云去夏六月廿七今夏六月初八但嚴心內春秋莫

問人問花甲其六闕其七云手著遺文千卷尙傳副在

名山正學焚書亦出所南心史難刪其八云慧業降生

人文此去不留隻字惟將子孝臣忠貽與世間同志其

不可投水死勝朝殉節諸臣錄一云年五十七
考 陳潛夫字玄倩號退庵錢塘人南疆釋史云仁和人崇禎丙子同年錄云仁和人原籍山陰越殉義錄云會稽人籍錢塘崇禎丙子舉人十六年授開封推官抗疏言時事請召對不報聞京師陷編素誓師邀擊賊於柳園大破之福王立擢監軍御史巡按河南所規畫皆盡善而馬士英不用先是有童氏者自言福王繼妃廣昌伯劉良佐小腆紀年云字明輔大同左衛人具禮送之潛夫至壽州見車馬馳從傳呼王后來亦稱臣朝謁及童氏入都王以爲假冒下之獄遂責潛夫私謁妖婦逮下獄治

海東逸史 卷五

三四明徵書
約圖刊本

之紹興府志云給事中林有本劾御史彭遇與並及潛夫馬士英獨令議潛夫罪逮下獄治之未幾

南都不守得脫歸聞魯王監國紹興渡江往謁命復故

官加太僕寺少卿監江上軍乃自募得三百人與孫熊

諸家列營江上尋進大理寺少卿兼御史如故潛夫以

家財餉軍久之財竭支四百金於餉臣不得右副都錢

肅樂言潛夫破家爲國今聽其軍之餓死而不恤何以

鼓各營因爲潛夫請餉王是其言而方王終不發也丙

戌五月江上師潰王航海去潛夫作絕筆詩走至山陰

抵小楮村謂其妻孟氏曰勉之吾爲忠臣爾爲烈婦孟

死尙多抱慟請與同人證此又自作祭文及埋骨記皆

氏曰此吾心也與其女弟櫛髮更服以待女弟者潛夫

妾也紹興府志云孟桓初二女並潛夫乃整衣冠拜祖

父像已復拜其母別其弟攜妻妾至化龍橋投水死紹興

府志云潛夫先推二妻入水為其棺殮然後賦年三十

詩雖水死並欲拉二子同死以繼母不許免七國朝賜

朱繼祚字胤岡莆田人萬曆四十七年進士由庶吉士

歷官至南京禮部尚書按小腆紀年崇禎初官禮部右侍郎以人言罷去

福王時起故官未赴而南都陷唐王召為東閣大學士

從至汀州王被擒繼祚奔還其鄉舉兵應魯王戊子正

海東逸史 卷五

五 四明叢書

月與同安伯楊耿攻取興化城時北之分守道彭遇胤

紀年云崇禎癸未進故弘光時御史也令其守將出戰

而已登陴樹大明旗幟於城守將不敢入遂克之三月

北兵至城復破繼祚被執羈之獄中賦絕命詞數章自

縊死國朝賜將死自書祠堂對聯云臣罪當誅生奚補

死奚遲故國舊君安在帝臨有赫身可灰家可燼周頑

殷義若何

劉中藻字薦叔福安人崇禎十三年進士官行人賊陷

京師鬚髮被擄掠賊敗南還唐王時官兵科給事中奉

命頒詔浙東為張國維熊汝霖等所拒廢然而返至金

華朱大典薦之召對稱旨擢右僉都御史巡撫金衢取

苧獠善獠諸種人練之為卒時稱能軍閩中陷魯王召

拜兵部尚書尋兼武英殿大學士中藻善撫循激勸富

人使出財佐軍士卒並樂為用其兵最盛鄭彩專主閩

事心弗善也中藻亦不相下由此有隙王使大學士沈

宸荃解之彩不聽丁亥十月中藻率兵攻取福寧州守

之與周鶴芝相犄角久之移駐福安鄭彩遂掠其地北

兵乘之來攻中藻善守所殺傷數千人己丑三月北兵

海東逸史 卷五

六 四明叢書

乃循城十里掘濠樹柵以困之按小腆紀年福安自前

月城陷凡中藻不能出戰食盡冠帶坐堂上為文自祭

吞金屑而死國朝賜將董世南等同死者數百人紀

載中藻子思沛諸生聞父死曰父死節子可不繼先志乎亦死

海東逸史卷五

翁洲老民撰

列傳三

錢肅樂字希聲一字虞孫號止亭鄞縣人臨江知府若
賡孫寧國知府敬忠兄子也崇禎十年進士授太倉知
州遷刑部員外郎連丁內艱乙酉五月南京失守六月
杭州繼陷閏六月寧波鄉官議納款肅樂建議起兵諸
生董志寧華夏等遮拜肅樂大呼倡首士民集者數萬
人肅樂乃建牙行事郡中監司守令皆逃惟一同知按

海東逸史 卷六

一四明叢書
約園刊本

臆紀年同知治府事已齋圖籍迎降聞兵起叩首請罪
為朱之葵

肅樂索取倉庫籍繕完守具會定海總兵王之仁既納
款而悔入城與肅樂締盟共守聞魯王在台州遣舉人
張煌言奉表請監國時紹興餘姚慈谿並舉兵王乃赴
紹興行監國事召肅樂為右僉都御史畫錢塘江而守
尋進右副都御史上疏言目前時勢國有十亡而無一
存民有十死而無一生若不圖變計不知所稅駕矣當
是時之仁已封武寧侯方國安亦進鎮東侯其兵謂之
正兵食寧波紹興台州三郡田賦為正餉孫嘉績熊汝

海東逸史 卷六

一四明叢書
約園刊本

霖沈宸荃及肅樂等兵謂之義兵所食者皆取給於富
室樂輸為義餉正兵司餉者直至殿陛爭譁奪取義餉
而義兵遂無所取給恆缺食已加兵部右侍郎累疏辭
不許明年四月軍食盡乃上疏言臣兵既無餉不得不
散但臣以舉義而來大仇未雪終不敢歸安廬墓遂棄
軍之温州王得疏知不可留乃降旨令往海上同藩臣
黃斌卿鎮臣張名振其取道崇明以復三吳時方有由
舟山窺吳之計也逾月紹興失守王航海肅樂亦之舟
山唐王召之甫入境而延平陷遂隱海壇山採山薯為
食丁亥鄭彩治兵海上王入長垣召為兵部尚書疏薦
故太僕卿劉沂春廣東糧道吳鍾繼及閩中諸遺臣並
起用戊子王次閩安鎮拜為東閣大學士與馬思理勝朝殉
錄云長樂人官東閣大學士兼禮部尚書大兵平福州自縊死國朝賜諡節愍林正亨同入直
每日繫舟於王舟之次稟擬章奏既畢則牽舟別去匡
坐讀書而已時唐王雖歿而其將涂登華尚守福寧王
遣大學士劉中藻攻之登華欲降而未決謂人曰豈有
海上天子舟中國公肅樂致書謂將軍不聞南宋之末
二帝不在海上文陸不在舟中乎後世卒以正統歸之

而況不為宋末者乎今將軍死守孤城以言乎忠義則非其主也以言乎保身則非其策也倣沸鼎以稱安巢危林而自得計之左矣登華得書遂降而是時鄭彩專柄連殺熊汝霖鄭遵謙又登華之降由於劉中藻故幕府立焉而彩反掠其地肅樂與中藻書每不直彩彩聞之恨甚肅樂故有血疾遂憂憤疾作卒於海外之瑯琦山年四十二殉節諸臣錄云聞連江陷以頭觸牀死遺言以故員外郎章服入殮贈太保諡忠介國朝改諡忠節後六年故相葉向高曾南疆釋史尚寶卿進晟葬之福清黃蘗山婦翁董光作向高孫

海東通史 卷六

三四明叢書 約園刊本

遠破家為肅樂輸餉奏授職方主事參幕府事肅樂既入海乃自縊而死

錢肅圖字退山號東村鄞縣志云字一號退山肅樂第四弟為諸

生隨肅樂倡義授監紀推官紹興破從王泛海入閩擢

御史召募義勇聯絡山海諸寨肅樂死與弟簡討肅範

同人福安圍城中福安破肅範死肅圖從王至舟山又

二年舟山破乃歸久之卒於家

錢肅範字錫九一字箕仲肅樂第五弟肅樂起兵其諸

弟之從軍者並授監紀江干失守從肅樂浮海而南一

時諸從亡詰敕皆出其手授翰林院簡討肅樂既死大學士劉中藻方守福安招之往擢兵科給事中己丑四月福安陷望百辟山歎曰此宋少帝入海處也賦絕命詞投緘兵至被執不屈死年二十九僕張貴從之

錢肅遴字兼三肅樂第七弟以諸生從軍初授監紀未

受人間以薦授兵部職方主事方主二字原脫以意補己丑從亡

翁洲辛卯翁洲破來歸甲午張煌言以定西之軍入長

江肅遴與弟推官肅典閒道赴之乙未翁洲復歸海上

肅遴復與推官赴之丙申翁洲復破推官死焉肅遴亡

海東通史 卷六

四四明叢書 約園刊本

命至崑山思得閒為入海計己亥煌言復入長江肅遴

又從之己而兵敗相失流轉太倉嘉定閒怏怏不自得

一夕嘔血數斗大呼不絕以死年三十妻鮑氏祝髮為

尼

錢肅典字叶虞肅樂第九弟庚寅與兄肅遴從亡共保

翁洲授監紀推官丙申大兵復下翁洲肅典與肅遴渡

海告警追騎至肅遴得脫而肅典被執不屈死年二十

六

熊汝霖字兩股餘姚人崇禎四年進士授同安知縣擢

戶科給事中以言事謫福建按察使照磨福王立召還

以原官給事中起用轉按九字原脫據南疆釋史補吏科右給事中

南都陷馬士英竄走杭州汝霖責其棄主士英無以應

之逾月杭州亦破乃與同里孫嘉績共起兵魯王監國

擢右僉都御史督師防江時江上之兵每日尋食鳴鼓

放船登陸搏戰未幾又復轉柁還守率以為常惟汝霖

率五百人渡海寧轉戰數日夜至橋司士卒殘破略盡

乃還因入海寧募兵得萬餘人別行伍分汛地以本邑

進士俞元良司餉指揮姜國成主兵由是浙西吳中並

海東逸史 卷六

五四明叢書 約圖刊本

皆響應進兵部右侍郎兼左副都御史總督義師唐藩

立聞中遣劉中藻頒詔至越汝霖曰吾知奉主上而已

不知其他因出檄拒之丙戌五月進兵部尚書兼東閣

大學士六月江干失守從王泛海時鄭彩自以扈駕功

勢張甚汝霖票擬每右諸將而抑彩彩積恨久之已而

彩與義興伯鄭遵謙交惡王次閩安從亡諸臣之室俱

保琅琦李茂者彩之裨將也汝霖奴子與之爭口戊子

元夕汝霖自王所歸沐熊鄭兩家簪珥相問遺茂以熊

鄭合謀奔告彩乃夜使賊黨百人破門而入縛汝霖投

之海國朝賜子琦紀年稱甫六歲即彩婿彩陽撫而陰

賊之亦投之海中

孫嘉績字碩膚餘姚人宋燭湖先生之後忠烈公燧五

世孫大學士文恭公如游孫崇禎十年進士授南京工

部主事召改兵部擢職方員外郎進郎中小職紀年作主事未嘗進

郎為中官高起潛所譖下獄久之釋歸福王時起九江

兵備僉事未赴南都既陷杭州隨之乃與同里熊汝霖

共舉兵迎魯王監國擢右僉都御史督師防江進兵部

右侍郎兼都御史諸人雖迫於忠憤創義起事然皆書

海東逸史 卷六

六四明叢書 約圖刊本

生不知兵迎方王二帥拱手而授之國成凡原設營兵

衛軍俱隸方王而召募之街卒里兒則身領之方王既

自專反惡諸人之參決於是有分地分餉之議方王猶

為不足攘奪義餉於是義兵無所取給恆散去無存奇

零殘卒不能成軍嘉績乃盡以歸之職方二字御史黃

宗羲而謝兵事丙戌五月以兵部尚書與汝霖同拜東

閣大學士六月江上師潰從王航海卒於舟山年四十

南疆釋史贈太保諡忠襄子延齡官中書舍人從亡

海外歷仕至戶部尚書

沈宸荃字友蓀號彤庵慈谿人崇禎十三年進士授行人奉使旋里福王立復命南都擢山西道御史時馬阮亂政宸荃頻疏論之最後直糾士英擅權納賄蠹國殃民十二大罪士英怒必欲殺之臺省力救得免遂出爲蘇松兵備僉事未赴而南都被破北兵至浙宸荃起義里中與熊汝霖孫嘉績錢肅樂等會師迎魯王監國擢右僉都御史江干失守棄家從王海外王次長垣連擢至兵部尙書東閣大學士復從王至舟山加太子太保舟山破又從泛海抵廈門至金門後艤舟南日山遭風沒

海東逸史 卷六

七四明叢書 約園刊本

於海國朝賜宸荃從亡時其父居家當事齟齬之父亦強直不能加害宸荃每思其父輒吟詩詩寵慟哭聞者不哀之

海東逸史卷六

海東逸史卷七

翁洲老民撰

列傳四

王之仁字

原開

直隸保定人官吳淞總兵遷浙江定海

總兵在定海已納款得貝勒令仍舊任勤之故太僕謝三賓者家富耦國方西行見貝勒歸害錢肅樂等所爲乃貽書之仁謂滄滄訛訛出自庸妄六狂生而一穉紳和之將軍以所部來斬此七人事即定矣某當以千金爲壽穉紳指肅樂蓋肅樂時年未四十也會肅樂亦遣

海東逸史 卷七

一四明叢書 約園刊本

客倪懋竊以書告之仁勸其來歸之仁兩答書約以十五日至勤而密語懋令具燕犒三賓不知也方以爲殺肅樂在旦夕屆期之仁至諸鄉老大會於演武場坐定之仁出三賓書對眾朗誦三賓遽起欲奪其書之仁變色因問肅樂曰是當殺以祭纛否語未畢長刀夾三賓下三賓哀號跪階下請輸萬金以充餉乃釋之之仁遂以兵迎魯王於台州王既監國封之仁武寧侯進寧國公時諸帥爭地爭餉攘臂爭敵兵臨江置之不問之仁雖悍戾尙忠奮上疏言起事之日人人有直搗黃

龍之志乃一敗之後遂以錢塘為鴻溝天下事尚何忍
言臣今日計惟有前死一尺願以所部之兵沈船一戰
今日欲死猶戰而死他日即死恐不能戰也丙戌三月
朔北兵驅船開堰入江閣部張國維嚴飭各營守汛令
之仁統水師從江心襲戰而自督諸軍復杭州會東南
風大起之仁揚帆奮擊之北兵敗去六月朔江上兵潰
諸將皆遁惟之仁一軍尚在將由江入海國維與之仁
議抽兵五千分守各營之仁泣曰壞天下事者方國安
也敵兵數萬屯北岸倏然而渡孤軍何以迎敵惟一死

海東逸史 卷七

二 四明叢書
約園刊本

而已乃載其妻妾并兩子婦幼女諸孫盡沈於蛟門下
捧所奉敕印北面再拜投之水乃立旗幟鼓吹張蓋泛
海至松江北兵意其降也護送至金陵我冠大袖肩輿
而入百姓駭愕聚觀之仁從容入見內院洪承疇自稱
前朝大帥國亡當死恐葬於鯨鯢身死不明後世青史
無所徵信故來投見欲死於明處耳承疇優接以禮勸
之鬚髮不從乃戮於市從子正中別有傳

張鵬翼字耀先浙江諸暨人官浙江總兵中軍都督府
左都督乙酉四月北兵南下鵬翼與右都督徐洪瑋合

兵入援未至而南都陷遂從海道至紹興魯王封為承
豐伯丙戌三月移鎮衢州北兵至副將秦應科等內應
城遂破鵬翼巷戰力竭被執諭之降大罵乃殺之國朝
賜諡
烈愍小腆紀年載弟鵬弟繼榮南疆釋史
作季熊勇冠三軍與
飛同被執不屈自刎死紀年云季熊嚴州守將戰敗拔
有老
北兵戰力竭而死紀年云季熊嚴州守將戰敗拔
有老
僧昇其屍歸將近衢里許道旁有旅肆忽見繼榮披甲
躍馬從數人至命具酒食肆主飛報入城軍中皆驚喜
急出迎之則繼榮屍適至始知向入旅店者乃其魂也
洪瑋亦不屈死

海東逸史 卷七

三 四明叢書
約園刊本

蔣若來字龍江南直長洲人世居窰門身材短小獨骨
臂善騎射以事亡命居劉河巡撫張國維異其才拔自
行伍明季北略
作生員以把總守江浦流賊薄城蟻附而上若
來提刀截殺應手而斃方坐城樓下俄見賊金冠紫袍
者擡大石直前擊中若來面仆地賊乘勢合圍而前若
來奮躍登城射殪其首復發大砲擊殺三千人以功擢
游擊守江浦六安宿松之役以無援敗累遷至浙江總
兵勝朝殉節諸臣錄小
兵 腆紀年並稱都督唐王立令與朱大典同守金華
魯王授官亦加之及城破令長子出而集妻妾子女於

應縱火焚之提刀巷戰殺四十餘人力盡自刎死國朝賜諡

忠烈

鄭遵謙字履公紹興府志作履恭會稽人僉事之尹子為諸生

跡弛任俠不為繩墨之士所理南都陷闖人屈尙志按

騰紀年福府內臣有屈尙忠者疑即一人逃至越遵謙執而殺之曰吾聞諸

劉先生凡係逃官皆可誅劉先生謂宗周也北兵至潞

王以杭州降遵謙創賊起義殺北人所署紹興守會稽

令紀年云紹興守張棟山陰令彭萬里與錢肅樂等奉箋魯王拜中軍都

督府左都督封義興伯丙戌三月北兵決壩放船入錢

海東逸史 卷七

四四明叢書 約園刊本

塘江遵謙帥師敗之獲其鐵甲八百餘副紹興破崎嶇

浙閩間從王航海至廈門進封義興侯大學士熊汝霖

為鄭彩所害遵謙不平彩乃詐扑部將吳輝輝扶傷就

遵謙求書投鄭鴻遠遵謙過輝船送之遂被擒輝既擒

遵謙而難於面之伏艙底不出遵謙呼之曰汝鄭彩所

養殺我豈出汝意而相避乎輝乃出遵謙乞雙雞孟黍

哭奠汝霖既畢遂躍入海中死國朝賜諡節愍弟遵儉同有妾金四

姐者故妓也嘗管殺其婢王氏因下獄謙以千金出之

謙死四姐束藁象彩每饋奠斬象人以侑食彩聞之使

人沈之海中弟遵儉官通政司參議舟山破殉節死

荆本徹字太徽丹陽人崇禎辛未小興紀年作甲戌進士官兵

部司務為溫體仁所惡免官十七年起原官出為下江

監軍道福王時授職方郎中仍監軍海上南都亡屯軍

施翹何號四會營招集諸將士會故總兵貢五常原注崇明

人張士儀原注太倉人張鵬翼諸暨人原注崇明人疑承巡

撫田仰光原注太倉人卿沈廷揚各以眾至義陽王避亂亦自太

倉投馬魯王進拜副使丙戌扈王出海屯小沙嶼其將

士多善射黃斌卿忌之造為流言率眾攻之遂遇害勝朝

海東逸史 卷七

五四明叢書 約園刊本

殉節諸臣錄云沒於浙東國朝賜諡節愍子元相亦見殺

海東逸史卷七

列傳五

翁洲老民撰

沈廷揚字季明號五梅崇明人少為諸生慕忠孝大節
崇禎中由國子生為武英殿中書舍人以海運功擢戶
部郎中尋加光祿寺少卿仍督運駐劄登州京師陷福
王立於南都命廷揚以海舟防江尋命兼理餉務餽江
北諸軍南都失守航海至舟山依黃斌卿唐王在福建
授兵部右侍郎總督水師魯王授戶部左侍郎王航海

海東逸史 卷八

一四明叢書
約園刊本

之明年四月吳淞提督吳勝兆反正以蠟書來求援斌
卿不敢應廷揚及都御史張煌言給事中徐孚遠御史
馮京第勸定西侯張名振就其約名振遂率舟師同廷
揚等北上統水船二百餘號直抵崇明及吳淞會颶風
大作舟覆名振等踉蹌逃歸廷揚獨與北兵大戰四晝
夜抵福山次鹿苑夜分颶風又起舟膠於沙與麾下七
百人俱被執蘇撫土國寶勸之降不從乃先驅七百人
於婁門外李玉廟駢戮之無一人肯屈者廷揚至南京
內院洪承疇素與廷揚善欲脫之詭曰我聞沈廷揚已

為僧若敢誑乎廷揚嘗之遂下獄猶遺其門人周亮工
說之廷揚曰毋多言吾今日非一死不足塞責乃與部
下贊畫職方主事沈始元總兵官蔡德游擊蔡耀戴啟
施榮劉金城翁彪朱斌林樹守備畢從義陳邦定及嗣
子元泰同就戮年五十三國朝賜諡忠節妾張氏奔視含斂哀
慟道路歸亦自縊後贈戶部尚書

黃銘丹字丹侯崇明人諸生崇禎十二年流寇毀鳳陽
祖陵銘丹憤激與妻子訣誓不破賊不還因謁制府獻
平寇諸策為史可法參謀及京師陷里人沈廷揚方以

海東逸史 卷八

一四明叢書
約園刊本

光祿卿駐淮上銘丹投謁曰丹在史公處無所表見願
假一旅以自效因令至崇明募水師師方舉而福藩以
江北分屬四鎮廷揚無分地遂無功南都失守吳中瓦
解銘丹方抵浙詢帝王消息知廷揚已入舟山乃撫膺
曰事不可為矣南向慟哭赴海死妻施氏亦殉焉

馮京第字躋仲號簞谿慈谿人崇禎十三年進士授行
人按京第不由進士出身詳見鮑琦亭集及谿
上遺問集錄以上十字當由沈宸荃傳謄移改禮部
主事乞假歸福王立以原官召未赴南都亡杭州繼陷
乃從里人沈宸荃等起義紹興監國擢御史尋進僉都

江干師潰從王航海時議遣平海將軍周鶴芝乞師曰
本黃斌卿止之鶴芝怒而入闕京第謂斌卿曰北都之
變東南如故并使其東南而失之者是誠吳三桂乞師
之誤今我無可失之地比之前者為不倫矣斌卿乃使
其弟孝卿同京第往至長崎島其王不聽登陸京第日
於舟中朝服拜哭不已會東京撒斯馬王遣官行部如
中國巡方御史京第因致其血書王聞長崎王之拒中
國也曰中國喪亂我不違恤而使其使臣哭於吾國吾
國之恥也遂議發各島罪人同孝卿往而令京第先還

海東逸史 卷八

二四明叢書
約圖刊本

致洪武錢數十萬蓋其國不能鼓鑄但用中國古錢舟
山之用洪武錢始此按餘姚縣志京第乞師與朱之瑜
偕京第先歸之瑜遂留南疆釋史
結崎亭集諸書並不著之瑜名日本人岡千仞來徵乞
師事則祇知之之不知京第蓋之瑜留故也事詳補傳
丁亥四月同定西侯張名振率舟師北上至崇明而海
歎舟覆得脫歸己丑秋擢兵部右侍郎是冬仍命京第
及副都御史黃宗義同澄波將軍阮美往日本乞師終
以不得要領而還時餘姚人王翊結寨四明京第乃閒
行至與之合軍杜舉聲勢頗振庚寅冬北兵將攻舟山
惡四明中梗乃分兵兩道入大蘭山時京第已寢疾匿

鶴紀年 頂山中為其叛將紀年云所縛致之寧波諭降
不從乃殺之

徐孚遠字闇公晚號復齋南直華亭人南京刑部侍郎
陟曾孫崇禎十五年舉人明年下第歸兩京相繼陷慨
然而起指其髮誓曰此卽蘇武之節也我甯全髮而死
必不去髮而生遂與夏允彝小腆紀年云字彝仲號瑗
公崇禎丁丑進士自吏部
主事乙酉九月自溺陳子龍明季南略云字臥子號海
死國朝賜諡忠節等謀勤王事不
左侍郎勝朝殉節諸臣錄作右侍郎事
敗被執乘間投水死國朝賜諡忠裕
克入於湖湖中遇兵與家相失妻姚氏子度遠並死焉

海東逸史 卷八

二四明叢書
約圖刊本

遂間道往浙自浙入閩時唐王方卽位於福州府改福
州為天興府遂除孚遠天興司李斷獄平正尙書張肯
堂出募師加孚遠兵科給事中同行既而閩浙相繼陷
魯王航海孚遠從之從定西侯張名振帥舟師北上颶
風舟覆孚遠以後殿得免王至舟山擢國子監祭酒舟
山破從王之廈門依鄭成功成功以師禮事之戊戌正
月滇中遣使齎璽書通問成功拜孚遠左副都御史孚
遠隨使入覲遂泛海由交趾入安隆交趾要原諺其行
禮不從不聽過仍返廈門臺海外紀以為從滇朝見歸
履失道安南而行朝錄則云

朝滇時不得過
安南遂回廈門

廈門破為北帥吳六奇所藏完髮以死

在海外復娶戴氏生子永貞扶櫬至松江未葬子亦死

明史謂字遠因松江破死島中泉州府志謂居廈之曾

屠寧卒龍溪縣志謂遊龍溪後不知所終南疆釋史謂

歿於臺灣野乘謂癸卯廈門破諸搢紳東渡獨字遠歸

華亭明詩綜引靜志居詩話亦有乘桴遠引騎鶴重歸

語似字遠未渡臺者惟字遠交行摘稿後附林霍王漢

所撰二傳言癸卯之變擬歸故鄉不果轉徙入潮之饒

平山以歿又賜姓本末說與此台所著詩文散佚殆盡

按六奇為潮之饒平人當得實也

字遠少時與同里夏允彝陳子龍齊名三人嘗言志字

遠慨然流涕曰百折不回死而後已允彝曰吾僅安於

無用守其不奪子龍曰吾無閩公之才而志則過於彝

仲願成敗則不知也後皆如其言

陳士京字齊莫號佛莊鄞縣人崇禎之季天下多故挾

策浪游久之無所遇歸而國難作悒悒不出畫江之舉

熊汝霖薦授職方郎中會都督鄞縣志陳謙奉使閩中

命士京監其軍以行謙被殺士京遁之海上鄭芝龍聞

其名令其子成功與游芝龍降北成功不從士京實贊

之戊子王在閩安擢兵科給事中遷光祿寺卿奉表粵

-2 43 38 426" data-label="Text">

中時惠潮路斷乃迂道沿海資斧俱竭賣卜以前粵中

海東逸史 卷八

五四明叢書
約園刊本

在閩與成功相結以為後圖成功頗以恢復自任賓禮

遺臣故老於是海上衣冠雲集久之見海師無功粵事

亦日壞乃築室同安之鼓浪嶼題曰鹿石山房賦詩自

遣己亥成功統師入長江以士京參預島上留守事觸

疾而卒國朝賜年六十五時王在南澳聞之震悼親為

文以祭之諡節愍

海東逸史 卷八

六四明叢書
約園刊本

海東逸史卷八

0121 卷八

015

翁洲老民撰

列傳六

王翊字完勳號篤庵慈谿人後居餘姚少孤為諸生有智略魯王監國翊與慈谿諸生王江同起兵海濱與江上師為聲援授兵部職方主事浙東不守翊渡海按小紀年翊走海隅王師購之急囚其弟翊以招之翊不屈死翊泣曰是不負完勳家也至舟山說黃斌卿攻寧波許為內應為降紳謝三賓告變及斌卿以舟師至遂為北兵所敗翊乃入四明山結寨於大蘭居

海東逸史 卷九

一四明叢書 約圖刊本

之戊子三月破上虞殺其署縣事者浙東震動御史馮京第自湖州軍破亦開行至四明與翊合軍杜舉守關馮牙軍容甚整北帥勒兵東渡下教鄉聚團練攻杜舉破之京第匿民舍翊以四百人走天台謂諸將曰是皆團練之罪也北兵雖健我視其銳則避之懈則擊之非團練為之鄉導彼敢行險地如枕席乎然北兵團練豈能相守吾卒雖殘其破團練尚有餘力乃自天台至四明擊破鄉聚之團練者沿道招集流亡一月復至萬餘人而京第亦出己丑春又破上虞新令逃去得其印當

是時浙東山寨蕭山則石仲房

南疆釋史作仲芳

會稽則王化

龍陳天樞天台則俞國望金湯奉化則吳奎明紀年云在天台

袁應彪紀年作彪千里之間屹然相望然皆擄掠暴橫而平

岡張煌言上虞李長祥且耕且屯獨不擾民又單弱不

能成軍惟翊一旅蔓延於四明八百里之內設為五營

五司翊主兵江主餉勸分富室單門而下安堵如故履

畝而稅人亦無不樂輸者平時不義之徒立置重典其

所決罰人人稱快浙東列城為之晝閉胥吏不敢催租

縛民惴惴以保守一城為幸皆薦誠講解翊計天下不

海東逸史 卷九

一四明叢書 約圖刊本

能無事待之數年庶幾為中原之應也自上虞出東徇奉化北兵方攻吳奎明奎明力竭而遁北兵追奔至河泊所翊猝遇之而戰北兵大敗六月紀年作十月翊朝行在拜右僉都御史會稽人嚴我公以招撫至浙湖州柏襄甫會稽顧虎臣等皆降我公得渡海發使至四明山翊之部將左都督黃中道烹其使我公遁去庚寅三月復來朝進兵部右侍郎兼官如故八月破新昌拔虎山進木部尚書右副都御史明年春北兵將攻舟山惡翊中梗乃分二道一由奉化一由餘姚會師於大蘭山帳房

三十里游騎四出以搜伏聽者翊遁入海庚辰九月復

還山中所留諸將降殺且盡翊傍徨無所倚二十四日

至北溪為團練兵所執是夜大星墮地野雞皆鳴過奉

化賦絕命詩有平生忠憤血飛濺於羣虜之句在獄中

每日從容束幘掠髮修容謂守卒曰使汝曹得見此漢

官威儀也八月十二日會訊於定海翊坐地上曰毋多

言成敗利鈍皆天也汝等何所知十四日行刑羣帥憤

其積年倔強聚而射之或中肩或中頰或中脇翊不稍

動如貫植木洞胸者三尚不仆乃斧其首而下之始仆

海東逸史 卷九

三四明叢書

按紀年翊以辛卯七月復入山二十四日夜有大星墜

地詰朝被執至定海不月死之時八月十二日也遺一

女年十三字黃忠義子以例沒入勳貴家參領某憐其

為忠臣女撫之如所生有劉弁者求之女不可參領難

之女突出所佩劍自刎死年三十六國朝賜從者二人

參領大驚以劍殉葬焉

一曰石必正揚州人一曰明知餘姚人皆不肯跪掠之

跪則跪而向翊又有參軍蔣士銓嘉善諸生在軍三年

山寨之破他人皆去士銓獨從之初五日先翊受刑賦

絕命詞翊在獄為文祭之而北人見者無不泣下曰非

獨王公忠也乃其從者亦義士也江母為北帥所得以

之招江江削髮以僧服見安置杭州母以天年終江復

與定西侯張名振引師入長江登金山遙祭孝陵題詩

慟哭丙申復與沈調倫聚眾四明山調倫見殺江亦傷

箭而死詳江本傳先是休寧人趙立言以餘眾棲四明

山中與江山諸生李國楹約取江山按紀年繫於丙申

年則為丁戊子正月朔立言將三百人攻克之國楹失

期不至明日北兵大至立言迎戰殺數人馬墮墮水死

子植恨甚至國楹家欲殺之乃為北兵所執與國楹同

死

王江字長升慈谿人為諸生與同里王翊同起兵結寨

海東逸史 卷九

四四明叢書

四明山中先是畫江而守二人連名上書監國請募沿

海義勇勤王自效授戶部主事按小腆紀年以己丑七

改戶科都給事中師甫集而王航海二人遂頓兵四明

之杜舉以為海上聲援海上人呼東西王以別之西王

主兵東王主餉當是時浙東之師雲起由寧紹以至台

處所謂山寨者相望也然皆烏合不練之兵又無所得

餉四出劫掠居民苦之獨翊招兵最盛而江善理餉計

山中屯糧所收不足親往民家計其產用什一為勸輸

以忠孝感動之有額外擾民一粟者必誅又時遣人入

山中屯糧所收不足親往民家計其產用什一為勸輸

以忠孝感動之有額外擾民一粟者必誅又時遣人入

內地結連遺老致其屏屨之助故杜舉一軍之強甲於
他寨馮京第張夢錫遂合軍來守大蘭江總司三營之
餉浙東列城畏之如老熊當道胥吏不復下鄉催租於
是山中之民益樂輸監國之居舟山非此一軍莫能安
也拜都察院右僉都御史晉右副都御史庚寅大兵決
計下舟山先廓清山寨以絕其援兩軍由餘姚奉化會
於大蘭而游騎分道四馳京第夢錫並死之翊避入海
江亦遁去大帥劫江之母以招之江乃盡鬻其髮以浮
屠服至杭大帥喜甚盛爲館帳如幕府而防閑之未幾

海東逸史 卷九

五四明叢書

約園刊本

母卒江買一妾昵之其妻晨夜勃谿詎江乃控之吏
而出之妻亦攘臂登車歷數江之過而去一日江游湖
上守者以其妾在不疑而江竟不知所往乃知向者特
以術脫其妻也江乃復入海朝監國於金門張名振請
爲監軍甲午引師入大江抵燕子磯望祭孝陵題詩慟
哭而還乙未名振卒海師復下舟山時按紀年係丙申八月有沈
調倫者復起四明山中來迎江乃赴之山中人聞江至
壺漿以迎者如蠅浙東大帥方以舟山爲急聞江至謂
山寨且復爲舟山犄角急攻之調倫見殺江亦中流矢

卒

海東逸史 卷九

六四明叢書

約園刊本

海東逸史卷九

翁洲老民撰

列傳七

張肯堂字載寧號鯢淵小腆紀年南直華亭人天

啟五年進士崇禎末以僉都御史巡撫福建南都亡總

兵鄭鴻逵擁唐王入閩與其兄南安伯芝龍及肯堂勸

進遂加太子少保吏部尚書會原任工部侍郎曾櫻明

南略云字仲含號二雲江西峽江縣人萬曆丙戌進士

官至文淵閣大學士閩中亡避居廈門辛卯廈門破自

縊死國朝至言官請令櫻掌吏部乃令肯堂掌都察院

紀年云肯堂以勦賊功進兵部尚書改肯堂面陳恢復

大計因言江干之禍皆由罪輔馬士英又加以棄主而

逃今聞其在浙法所不赦故唐王登極詔中即發其罪

士英叩關自理七疏皆不納而芝龍力為之請詔令其

恢復杭州始申雪於是士英竟不得入然芝龍終無意

恢復惡肯堂之日以親征勸王也思出之外肯堂因自

請出募舟師由海道抵吳淞倡義旅與浙東相倚援及

加少保兼戶工二部尚書總制北征賜尚方劍給敕印

便宜從事以吏部侍郎朱永祐兵科給事中徐孚遠從

行皆肯堂同里人也按紀年時永祐官太常寺卿本肯

堂乃請平海將軍周鶴芝將前軍定洋將軍辛一根將

中軍樓船將軍林習山釋史鮪埼亭集紀年並作林習

兵海上又云以林習山為將後軍行有日矣芝龍密疏

止之以其私人郭必昌代為總制命肯堂回福京監鄉

試事丙戌八月閩中陷肯堂飄泊海外出私財募兵與

周鶴芝共事尋為鶴芝所忌乃北發已丑十月至舟山

魯王拜為東閣大學士加大傅辛卯八月北兵大至有

勸肯堂他適者肯堂曰我昔為閩撫應死封疆以唐王

存亡未審故不死後知魯王在是亦高皇帝子孫因事

之今更何所圖惟有一死而已北兵乘大霧集螺頭門

定西侯張名振奉王航海擣吳淞思牽制北兵以肯堂

為留守城中兵六千居民萬餘堅守十餘日城破肯堂

衣蟒玉南向坐視其妾周氏方氏姜氏鮪埼亭集云

氏子婦沈氏女孫茂漪次第縊死乃從容賦詩紀年載

虛名廿載誤塵寰晚節空餘學圃閒難賦歸來如靖節

聊歌正氣續文山君恩未報徒長恨臣道無虧在克艱

寄語千秋青史筆國朝賜自縊於院左之雪交亭雪交

亭者滿院梨花肯堂平日讀書處也中軍將林志燦林

海東逸史卷十

四明叢書

桂並格鬪死守備吳士俊家人張俊彭欽集並作歡皆絕脰死北帥聞肯堂有絕命詞手跡懸賞募之一老兵得之以獻北帥賞之不受曰我志在表揚忠義耳不為利也

蘇兆人字寅堂鮑琦亭集吳江人諸生少師事張肯堂

南都失守亡命海上肯堂既相薦授中書舍人尋進禮

部主事嘗謂肯堂曰先生他日必死國事兆人當為先

驅時傳江陰諸生黃毓祺殉節時獄中詩至小腆紀年

介茲貢生乙酉閏六月起兵行塘已丑三月被執至江寧不屈死有小遊仙詩云大夢誰分曉與妍白楊風起

海東逸史 卷十 三四明叢書

總茫然瓠緣無用從人剖膏為能明苦自煎桂折蘭推誠短景蕭數艾苑豈長年歸途不向虛無覓朽骨徒為蔓草纏為愁草盛稻苗稀日暮徐看荷鋪歸何處先生多好此中居士故非肥魚不肯憐蛟瘦飽鷄偏能笑鶴飢讀蒙莊齊物論橫空白月冷侵衣散髮人閒汗漫遊風吹白日忽西流淘沙慣嚇斜飛燕孔雀偏逢厭觸牛鄉里小兒朝拜相江湖暴客夜封侯神仙赤舌如飛電開口舒光笑不休腹中書任他人曬嶺鼻禪從甚處懸惟有丹心堅自愛忍能鑿破化為圓最無根蒂是人羣會合真成偶爾文沙際鷗常泛泛風前落葉自紛紛掉頭東海隨烟霧屈指西園散雨雲况復炎涼堪絕倒瀟陵愁殺故將軍百年世事弈棋冷眼常觀局屢更鳥喙只堪同患難龍顏與共昇平遙空自有飢鷹擊古路曾無狡兔橫為報韓盧并宋鵲只今公等固當烹四章肯堂兆人並和之紀年云兆人和詩有不自注七夕作肯堂兆人並和之改衣冠可為士誤移頭面即成及舟山破賦絕命詞曰保髮屨夷夏扶明一死

生孤忠惟自許義重此身輕拜肯堂曰兆人行矣即縊於雪交亭下國朝賜肯堂拜且哭以酒醑之而後自縊

吳鍾巒字峻伯別字穉山號震舟南直武進人弱冠為

諸生出入文壇者四十餘年海內推為名宿而不得第

晚以貢生教諭光州從河南鄉舉成崇禎七年進士年

已五十八矣授長興知縣以旱潦徵練餉不中額謫紹

興府照磨踰年移桂林推官聞京師變流涕曰馬君常

小腆紀年云必能死節已而果然福王立遷禮部南疆

部作吏主事行抵南雄聞江南陷轉赴福建痛陳國計唐

海東逸史 卷十 三四明叢書

王甚重之補廣東副使未行閩中又亡魯王次長垣以

錢肅樂薦召為通政使肅樂鍾巒丙子同考所得士也

申明職掌疏言近來遠近奏章武臣則自稱將軍都督

文臣則自稱都御史侍郎三品以下不屑署也至所在

游食江湖者則又假造偽印販鬻官爵偃臥邱園而曰

聯師齊楚保守妻子而曰聚兵數萬請加嚴核募兵起

義者則當辨其冊籍花名原任職官者則當辨其敕書

劄付王是之陞禮部尚書原官如故兼督學政己丑七

月王次健跳閩地盡失每日朝於水殿而鍾巒飄流所

至輒試其士之秀者入學率之見王欄衫巾縑拜起秩

秩或哂其迂鍾繼曰陸秀夫在厓山舟中尚講大學豈

可顧沛失禮乎按紀年鍾繼曰濟濟多士維周之積可

講顧氏東林之學或笑其迂答日然則厓山陸丞相亦非耶

十月從至舟山加太子

太保辛卯八月舟山破鍾繼時在普陀慷慨語人曰昔

者吾師高忠憲公紀年云謂高攀龍與吾弟子李仲達死奄難

吾為詩哭之吾友馬君常死國難吾為詩哭之吾門生

錢希聲從亡而死吾為詩哭之吾子福之倡義而死按

年以乙酉六月起兵太湖越三月事敗投湖死國朝入祀忠義祠

吾為師哭之吾老矣

不及此時尋塊乾淨土即一旦疾病死其何以見先帝

謝諸君於地下哉然吾從亡之臣當死行在遂復渡海

入城與大學士張肯堂訣曰吾以前途待公乃至文廟

積薪左廡下藏所註易經於懷抱孔子木主舉火自焚

賦絕命詞曰只為同志催程急故遣臨行火澣衣時年

七十五國朝賜諡忠烈

李向中字豹韋號立齋湖廣鍾祥人崇禎十三年進士

授長興知縣以能調秀水內遷車駕司主事甫至淮而

國亡福王時進郎中巡視浙西嘉湖兵備尋調蘇松甫

至任而南都又亡乃與沈猶龍小腆紀年云字雲升華

官至兵部右侍郎乙酉八月松江破中流矢死

夏允彝等起兵不克走至閩唐

王以為尚寶卿閩中敗避海濱劉中藻起兵於福安向

中同朝於王所拜兵部侍郎巡撫福寧監福安軍福安

破從王航海進兵部尚書兼掌都察院事從至舟山加

太子太保是時諸臣寄命舟楫日炙風餐面目黧黑獨

向中丰采隱然白誓如故庚寅冬丁外艱令墨綬視事

辛卯八月舟山破歎曰先帝以治行拔向中不能死難

華亭之役不與沈夏諸公俱死福寧之役不與劉公俱

死偷生七載亦希得一當以報先帝今已矣我死幸投

我海中以志恨北帥召之大罵不赴發兵捕之以縲絰

見北帥呵之曰聘汝不至捕之即來何也向中瞠目曰

前則辭官今來就戮耳因大罵而死其絕命詞有血化

莫宏碧相向燃死灰之句行刑者乃其舊部遂投其屍

於海年四十一國朝賜諡忠節長子善毓從死

朱永祐字爰啟號問玄南直上海人崇禎七年進士授

刑部主事改吏部乞假歸友人問近讀何書曰忠孝二

字未熟何暇丹鉛乙酉南都大亂預於夏陳諸公之事

海東逸史 卷十

五十四明叢書

海東逸史 卷十

六十四明叢書

唐王立於閩中召爲文選司郎中改戶兵二科都給事中遷太常寺卿兼原官時尙書張肯堂出募舟師乃加承祐侍郎銜偕行數勸鄭芝龍毋降不聽將遣力士趙牧刺之亦不果閩中破魯王擢拜刑部侍郎王至台加吏部左侍郎舟山建國以工部尙書仍兼吏部事辛卯八月舟山破適病不能起被執北帥勸之曰文丞相尙有黃冠歸故鄉之語先生若肯鬚髮便可不死承祐曰吾髮可鬚何待今日遂口占絕命詩有云縱使文山猶在日也應無髮戴黃冠請死益力跌坐受刃其僕負屍

海東逸史 卷十

七十四 四明叢書 約園刊本

出城流血沾衣哭曰主生前好潔今遂無知耶血遂止

國朝賜諡烈愍

海東逸史卷十

海東逸史卷十一

翁洲老民撰

列傳八

黃斌卿號虎癡興化衛人以恩例授把總崇禎開官至翁洲參將福王時擢浙江小興紀年總兵南都亡遁歸唐王立得附勸進乃上言舟山爲海外巨鎮番舶來往饒魚鹽之利西連越郡北達長江此進取之地也王善之封爲肅虜伯賜劔印率兵屯舟山得便宜行事魯王監國以兵來會進侯紹興陷富平將軍張名振扈王出

海東逸史 卷十一

一四 四明叢書 約園刊本

海投斌卿斌卿不納王遂飄泊外洋然斌卿怯於大敵而勇於害其同類副使荆本徹屯小沙嶼斌卿擊殺之并其眾叛將張國柱悉師攻舟山爲阮進敗去斌卿復得其樓船百號聲勢益振而進寶名振之水營部將斌卿聞之使背名振奪其船隻軍資器械無算寧國公王之仁鎮倭將軍王鳴謙至舟山斌卿並誘擊之忠威伯賀君堯以殺禮部尙書顧錫疇紀年云字瑞屏崑山人禮部尙書閩中進東閣大學士國朝賜諡節愍爲眾論所不與挾重貨來舟山斌卿遣盜殺之掠其貨平西將軍王朝先在蛟關斌卿

利其兵力貽書招之中途遣將假迎劫之朝先跳水得免於是諸將積恨斌卿會王在沙埕名振進同往迎之進軍飢恃昔口保全舟山之力以百艘來告急斌卿不應亦不使人至行在朝先遂與名振進合詞上疏於王揭其罪惡有旨奉討斌卿遣其將朱攻紀年陸瑋禦之作攻輒敗求救於安昌王恭楸大學士張肯堂上章待罪所不改心以事召者有如水又議和於諸營曰彼此皆王臣也兵至無妄動靜候處分初皆安堵既而攻瑋背約出洋諸將疑斌卿之逃也縱兵擊之沈斌卿於水國朝賜諡

海東逸史 卷十一

二四明叢書 約園刊本

節二女皆死焉

王朝先故四川土司也小腆紀年云翁洲人崇禎中調征遼東官

平西將軍京師陷南奔魯王時擁兵蛟關黃斌卿利其兵力屢貽書招之朝先率二艦渡橫水洋斌卿即遣標將朱攻陸瑋以假迎劫之朝先跳水得免既至斌卿摘其印留之部下不任以事定西侯張名振爲之力請還其印解衣衣之贈以千金朝先居閒請徇邊海至奉化之鹿頸南疆釋史作鹿頭鎮四五月而聚兵數千邊海爲之出賦丁亥王次長垣封爲平西伯紀年作已丑七月受封伯爵監國紀同朝先

於是深結名振及蕩胡伯阮進以二人與斌卿有隙也已丑閩地盡陷王至健跳軍飢告急斌卿斌卿不應會斌卿標將黃大振得罪逃朝先所因誑朝先曰將軍家口及標屬盡被本爵所鈔沒某以苦諫獲戾故出亡耳朝先積恨久遂與名振進合兵攻之殺斌卿而并其眾朝先既得志威福日作漸與名振攜貳爭糧爭汛逞力恃強名振銜之辛卯二月名振忽引兵至時朝先居守舟山名振治兵南田朝先不虞其見襲也士卒散遣民舍倉猝無備手格數人而死

海東逸史 卷十一

二四明叢書 約園刊本

周鶴芝字九玄小腆紀年作號九京福清人讀書不成去而爲盜

於海嘗往來日本以善射名與撒斯瑪王結爲父子故在海中無不如意閒至家爲有司迹捕繫獄三年賄吏得解爲盜如故久之就撫以黃華關把總稽察商船唐王立加水軍都督封平海將軍副黃斌卿駐舟山斌卿爲人猜忌而鶴芝慷慨下士來者多歸附由是與斌卿不合魯王在紹興鶴芝議乞師日本已有成約斌卿止之曰大司馬余煌書來此吳三桂乞師之續也鶴芝怒而入閩斌卿乃自遣其弟孝卿同御史馮京第往日本

不見鶴芝師卒不出王至長垣禡牙出師封鶴芝爲平
夷伯鶴芝帥師復海口以參議林簡舞總兵趙牧守之
旋復陷簡舞牧並死之鶴芝退保火燒輿尋同鄭彩阮
進之師攻福州復敗績王至舟山鶴芝與弟瑞以樓船
三百餘號分屯温之三盤以爲舟山犄角未幾與瑞有
隙王使吳紀年明中往解之明中至構之益甚瑞遂南
依鄭彩鶴芝亦北結阮進彩與鄭成功爭廈門爲成功
所敗泊沙埕鶴芝進既怨瑞而張名振欲結歡成功遂
與鶴芝進擊破彩之餘兵鶴芝軍遂振辛卯八月舟山

海東逸史 卷十一

四四明叢書
約園刊本

破鶴芝航海往日本不知所終簡舞莆田人趙牧常熟
人並爲鶴芝客鄭芝龍之降北也簡舞陳八不可弗聽
監軍朱永祐謂鶴芝曰虞山趙牧其人勇士也我欲使
見芝龍而刺之不果後並死海口

阮進會稽人本海中盜也善水戰富平將軍張名振拔
之使管水營常率一艦破賊船三百餘故海上多望而
畏之叛將張國柱攻舟山黃斌卿不能禦進以四舟衝
國柱營時秋濤方壯大礮乘之所向糜碎國柱僅以身
免斌卿獲其樓船器械無算反忌名振之有是人也以

計開之使背名振而從已進心弗善也丁亥王次長垣
封進蕩胡伯己丑六月名振復健跳所以處王七月北
兵圍健跳進率其樓船數百奮勇而至金鼓震天北兵
解去九月軍飢進恃昔日保全舟山之力以百艘泊舟
山告急斌卿不應遂與名振朝先等合兵攻之殺斌卿
投之於海由是水師盡歸於進王至舟山加進太子太
保辛卯八月北兵分三道來攻名振扈王出海而使進
居守進詣海門議和北人欲誘之進以數船脫歸值北
師舟過進投以火毬風轉篷腳反擊進面創甚投水爲

海東逸史 卷十一

五四四明叢書
約園刊本

北兵所獲逼之降大罵乃殺之姪駿初官英義將軍加
封英義伯舟山破與名振扈王出海屯廈門乙未與總
制陳雪之共圍舟山破之丙申復陷與雪之並赴海死
姚志卓字子求長興人小腆紀年云與金堡同里係仁和人乙酉閏六月
與參將方元章起兵以錢塘人張起芬爲將攻破餘杭
與江東諸營遙爲聲援金堡紀年云字道隱崇禎庚辰進士至閩奏其
戰功唐王封爲仁武伯十二月餘杭陷走於潛元章戰
死丙戌十月戰江山又敗遁入處州山中其兄志元僞
稱志卓已降志卓得脫而志元見殺是月與詹兆恆紀年

云字月如江西永豐人崇禎辛未進士歷官至兵部同
尚書丁亥三月攻開化不克死之國朝賜諡忠烈
破永豐其後遷徙無常至乙未冬紀年作甲午正月定西侯張
名振少司馬張煌言率水師至鎮江志卓以其兵來會
力攻崇明沒於陣而起芬被執至杭懸之樹間射殺之
素不讀書臨刑有詩云身經刀過頭方貴死不泥封骨
亦香

海東逸史 卷十一

六四明叢書
約園刊本

海東逸史卷十一

海東逸史卷十二

列傳九

翁洲老民撰

張名振字侯服山西人南京錦衣衛籍崇禎末以副將
任台州石浦游擊封富平將軍據小腆紀年魯王監國始加是銜乙酉
杭州失守潞王降錢肅樂等舉義名振以兵來赴魯王
監國封富平伯丙戌六月江上師潰名振棄石浦遣中
軍方簡以舟師迎王出海投肅虜伯黃斌卿於舟山斌
卿不納遂飄泊外洋會閩中永勝伯鄭彩以失撫州獲

海東逸史 卷十二

一四明叢書
約園刊本

罪乃遣其將陳輝來迎王遂居廈門封彩建國公進名
振定西侯丁亥四月吳淞提督吳勝兆反正以蠟書來
求援斌卿不敢應而故都御史按紀年時方進侍郎沈廷揚及僉
憲張煌言侍御馮京第並勸名振以其兵就約時斌卿
已進肅虜侯其肅虜伯故印猶在名振卽以其印封勝
兆刻師期而請廷揚煌言京第及給事中徐孚遠監其
軍以行聯鯨二千將抵崇明海嘯大風舟覆踉蹌而歸
廷揚死焉己丑六月帥師復健跳所時閩地盡陷鄭彩
亦棄王而去名振迎王至浙九月與蕩胡伯阮進平西

伯王朝先合兵攻舟山殺斌卿王遂移蹕舟山稱行在
焉乃進名振太師當國政辛卯七月北兵三道攻舟山
名振以蛟關天險海上諸軍熟於風信足以相拒必不
能猝渡乃留阮進守橫水洋而自以兵奉王搗吳淞以
牽制之軍甫發而進以反風失勢戰死城遂陷名振聞
信慟哭欲投於海王與諸將救之而止乃復與英義伯
阮駿扈王出海至廈門見延平王鄭成功成功大言曰
汝爲定西侯數年所作何事名振曰中興大業成功曰
安在名振曰濟則徵之實績不濟則在方寸聞耳成功

海東逸史 卷十二

二四明叢書
約園刊本

曰方寸何據名振曰在背上卽解衣示之有赤心報國
四字長徑寸深入肌膚成功見之愕然悔謝曰久仰老
將軍聲望奈多憎之口何因出歷年謗書盈篋名振立
命火之於是待名振以上賓行交拜禮總制諸軍癸巳
春名振請師北上成功與兵二萬糧三月以兵部侍郎
張煌言監其軍師過舟山遙祭死事諸公遂入長江趨
丹陽掠丹徒登金山望石頭城遙祭孝陵三軍慟哭失
聲題詩絕壁有十年橫海一孤臣之句原註詩云十年
橫海一孤臣佳
氣鍾山望裏真鶴首義旗方出楚燕雲羽檄已通閩王
節杙鼓心肝碎父老盡漿涕淚頻南望孝陵兵編素會

看大憲冬盡撤回明年春益以兵將再入長江掠瓜州

侵儀真抵燕子磯札營平陽時以上游有蠟書請爲內

應故名振再舉而所約卒不至乃還復屯軍南田名振

與士卒同甘苦諸軍感甚有太師旣朽腹我輩亦忘飢

之謠會故仁武伯姚志卓誠意伯劉孔昭並以軍來依

名振立營號召舊旅聲勢益振遂攻崇明入吳淞掠戰

船六百餘艘徑入山東登萊諸處直抵高麗而還按紀

已三月請兵北上姚志卓劉孔昭以眾來依駐營崇明

尋撤回九月復駐平陽糧絕十二月大兵與戰敗績甲

午正月以上游有蠟書爲內應再入長江登金山遙祭

孝陵題詩東下四月復以海艘至儀真焚商船六百艘

尋以沙船入山東登萊乙未冬英義伯阮駿總制陳雪

諸處直抵高麗而還之帥師破舟山北將巴臣興降名振徒步痛哭入城至

故宮祭元妃陳氏及殉難諸忠臣又祭其母大作佛事

哀動三軍按紀年事在旋感疾臨終起坐擊牀連呼先

帝數聲而沒紀年云時乙未有大星隕海光芒如雷聲

甚洪葬時白鶴千羣盤旋數日而去先是舟山破名振

母李氏自縊死庶母范氏赴水死妻馬氏奉其舅木主

赴火死兄諸生名甲觸階死弟左都督名揚被執不屈

死國朝賜諡烈愍紀年云母范氏妻馬氏弟名揚內姪

海東逸史 卷十二

二四明叢書
約園刊本

職方主事馬呈圖兵部司務貢圖參謀顧民楫

監國紀作明楫

紀年同入太廟題詩有慈魂應傍孝陵歸之句扼吭死勝朝殉節諸臣錄云順天人國朝入祀忠義祠

軍御史梁隆吉並自刎死部將焦文

紀年作焦文玉

字稚存山

西人官總兵舟山破力戰負傷自刎死妻張氏葬畢亦

自刎楊復葵字向昇亦山西人官陸師副將舟山破其

標下挾之降投水死計一門三十餘人無一存者

海東逸史 卷十二

四 四明叢書

約園刊本

海東逸史卷十三

翁洲老民撰

列傳十

張煌言字玄箸號蒼水鄞縣人刑部員外郎圭章子少時跌踢不羈常負博進錢醉臥社祠中夢神謂之曰君宜自愛他日成大事者君也由是感磨折節讀書崇禎十五年舉鄉試明年下第歸京師陷憤不欲生乙酉閏六月錢肅樂等舉兵移檄會諸鄉老煌言先至即遣迎魯王於天台授行人至會稽賜進士出身加翰林院編

海東逸史 卷十三

一 四明叢書

約園刊本

修改兵科給事中入典制誥出籌軍旅頗見其優紹興破泛海入舟山道逢富平將軍張名振扈王入閩從之既至招討使鄭成功以前頒詔之隙修寓公之敬於王而不為用煌言勸名振還石浦謀再舉加右僉都御史自立一營曰平岡軍時黃斌卿守舟山名振以石浦之軍與為犄角明年春小腆紀年作丙戌四月監國紀同吳淞提督吳勝兆請以所部來歸斌卿不欲往煌言勸名振應之遂監其軍以行抵崇明大風舟覆煌言等皆被執乘間脫歸已諸將殺斌卿王至舟山煌言以所部入衛拜兵部右

海東逸史卷十二

777 44 22

218

侍郎辛卯八月紀年作九月舟山破煌言與名振扈王

再入閩次廈門時滇中已封鄭成功為延平王軍容甚

盛不肯奉王煌言獨以名振之軍為王衛時時激發諸

藩使為致貢然煌言極推成功之忠嘗曰招討始終為

唐真純臣也成功聞之亦曰侍郎始終為魯豈與吾異

趣哉故成功與煌言所奉不同而其交甚睦癸巳春會

名振之師入長江烽火逮金陵江南震動時上游故有

宿約而失期不至左次崇明甲午再入長江故誠意伯

劉孔昭以軍來會或以孔昭南都亂臣宜絕之煌言曰

海東逸史 卷十三 二 四明叢書 約圖刊本

孔昭罪與馬阮等然馬阮再賣浙東而孔昭以操江親

兵棲遲海上累年則其心尚可原也明年名振卒遺言

以所部歸煌言時王已去監國號通表滇中桂王遣使

加煌言左侍郎兼翰林院學士已亥成功與煌言會於

天台悉師北上六月成功攻鎮江煌言以偏師薄觀音

門乘虛原作應入江浦會所遣別將以蕪湖降書至乃

至蕪湖傳檄郡縣大江南北相率來歸其已下者四府

三州二十四縣而成功以累捷又聞江北如破竹謂金

陵可且夕下前鋒將余新銳而輕士卒樵蘇四出營壘

一空北師謀知之以輕騎襲破前屯擒新去成功倉猝

移帳諸營瓦解其將甘輝紀年云以馬蹟被擒死之軍

遂大潰竟撤鎮江之師出海煌言歸路已梗乃引舟歸

邵陽八月七日與楚師遇而兵潰焚舟登陸士卒尚數

百人歷霍山英山度東溪嶺追兵奄至士卒皆竄止一

童一卒從迷失道乃賂土人為導變服夜行由樅陽湖

出江渡黃湓抵東流之張家灘陸原作陸以意改行建德祁門

原諺山据兩山之中由休寧入嚴州既而山行自東陽

義烏出天台以達海壖樹燾鳴角散亡復集遣使告敗

海東逸史 卷十三 三 四明叢書 約圖刊本

滇中且引咎桂王手敕慰問加煌言兵部尚書兼東閣

大學士命仍奉魯王監國而成功自喪敗之後不能自

振思取臺灣以休士煌言始書挽之謂軍有進寸無退

尺今入臺則將來兩島皆不可守孤天下之望矣成功

不聽王寅春滇中陷五月成功亦卒於臺北安撫使以

書來招煌言煌言復書略言不佞所以百折不回者上

則欲匡扶宗社下則欲保捍桑梓乃因國事之靡寧而

致民生之愈蹙十餘年來海上芻蕘糗糒之供樓櫓舟

航之費敲骨吸髓言之慘然況復重之以遷徙訖以流

離哀我人斯亦已勢止今執事既以保民息兵為言則莫若盡復濱海之民即以濱海之賦畀我在貴朝既捐棄地以收人心在不佞亦暫息爭端以俟天命當與執事從容羊陸之交別求生取教訓之區於十洲三島間而沿海藉我外兵以禦他盜是珠厓雖棄休息宜然朝鮮自存艱貞如故特恐執事之疑且畏耳則請與幕府約但使殘黎朝還故土不佞即當夕挂高帆不重困此一方也十一月魯王薨於金門煌言泣曰孤臣之栖栖有待徒苦部下相依不去者以吾主上也今何望乎甲

海東逸史 卷十三 四四明叢書 約圖刊本

辰六月遂散軍於南田之懸壘小腆紀年作懸山壘其地在海中荒瘠無人山南有汶港可通舟楫而其北為峭壁煌言因結茅居之北帥懼終為患募得其故校以夜半從山背緣蘿踰嶺而入暗中執之七月十七日至寧波紀年云十七日被執越北帥舉酒屬曰待公久矣煌言曰父死不能葬國亡不能救死有餘罪今日之事速死而已何必多言至杭州供帳如上賓自督撫而下無不敬禮之浙人路守者得覩一面為幸煌言方巾葛衣終日南面坐不言不食惟啜水而已見者以為天神九月七日臨刑

赴市在竹輿中遙望鳳凰山一帶始一言曰好山色因

索筆賦絕命詞數章行朝錄載其詞云義橫橫二十光鈞筆澤難回范翁胎生此鴻毛猶負國死留碧血欲支天忠貞自是孤臣事敢望千秋青史傳國亡家破欲何之西子湖頭有我師日月雙懸于氏墓乾坤半壁岳家祠慚將赤手分三席特為丹心借一枝他日素車東浙路怒濤豈必盡鴟夷何事孤臣竟息機魯戈不復挽斜暉到來晚節慚松柏此去清風笑蕞蕞雙鬢難容五獄任一帆仍向十洲歸嶺山遲死文山早南史他年任是非又明季南略所載二首諸書所無備錄之詩云揮翰一息尚存吞炭香魂可共論復望臣靡與夏祀祇憑帝眷答商孫衣冠猶帶雲霞色旌旆仍留日月痕贏得孤臣同碩果也留正氣在乾坤不堪百折播孤臣一望蒼茫九死身獨挽龍髯空問鼎姑留螻蛄強當輪謀同曹社非無鬼哭向秦庭那有人可挺立受刑年四十是紅羊剛換劫黃雲白草未曾春

海東逸史 卷十三 五四明叢書 約圖刊本

五國朝賜參軍羅子木僕人楊冠玉殉焉子萬祺已先三日死鎮江子木名綸以字行溧陽人已亥煌言師出長江子木挾策上謁煌言奇之欲留之幕以父老辭成功因強其奉父泛海子木至海上不欲參成功軍事奉父北行將赴煌言軍猝遇北兵格鬪子木墮水得救起而其父被縛去子木展轉閩南思出奇計以救父逾時不得音問嘔血幾死復赴煌言軍煌言勉以立功即為報讎遂相依不去竟同死冠玉鄂人

海東逸史卷十三

翁洲老民撰

忠義一

董志寧字幼安鄞縣人歲貢生以名節自勵乙酉六月北兵入浙志寧與同里諸生陸宇燦張夢錫華夏王家勤毛聚奎徧謁搢紳勸以舉義皆笑以為狂獨刑部員外郎錢肅樂是之顧其事莫能集閏六月八日餘姚兵起明日會稽應之又明日鄞人始會議肅樂獨任之按肅樂年餘姚兵起係初九日鄞縣則十二日也而故太僕謝三賓家富耦國適

海東逸史 卷十四

四明叢書 約園刊本

從江上迎降歸惡聞其事定海總兵王之仁亦以迎降得仍舊任者三賓私遺書乞以所部來斬此六狂生當以千金為壽之仁許之既而中悔致書肅樂請自效三賓不知也望日大會演武場之仁出書責三賓令斬以祭肅三賓叩頭乞哀請出家財充餉乃止魯王監國授志寧大理寺評事視師瓜里而三賓亦至以賂結戚晚張國俊驟躋東閣志寧遂棄官歸丙戌六月江干師潰三賓復降時浙地盡陷祇存舟山石浦而航海之軍至長垣連取閩海州縣且逼福州於是北兵之備浙者頗

抽以備閩浙中諸山因復結寨自固志寧與華夏王家

勤及諸生楊文琦楊文瓚屠獻宸董德欽等謀取寧紹

台諸府遣使走舟山約黃斌卿又約義旅之在四明者

王翊在東山者李長祥令以兵攻寧波而已翻城應之

復為三賓所謀知發其事志寧與德欽逸去而五人皆

遇害所謂五君子也魯王至舟山遷志寧兵科都給事

中時時奉使入內地聯絡山寨諸軍以為海上策應辛

卯九月舟山破自刎明史通鑑輯覽南死國朝賜繼妻

羅氏聞訃仰藥卒子士駿士驥蹈海不返僕文周縞素

海東逸史 卷十四

四明叢書 約園刊本

終身

華夏字吉甫一字過宜號默農浙江定海人後遷鄞貢

生通樂律少與同里王家勤同受業於倪鴻寶又同學

於黃石齋又同參劉戡山講席杭州破與董志寧等佐

錢肅樂起兵魯王監國授職方郎中結埼亭集云授兵部司務進職方主

事江干師潰慟哭歸戊子復謀翻城之舉按行朝錄此舉在丁亥二

月乞師翁洲黃斌卿許之乃歸而其書為偵者所得降

臣謝三賓證之遂被執當事詰同謀者夏慷慨獨承曰

心腹腎腸肝膽吾同謀也再拷之大呼曰太祖高皇帝

造謀烈皇帝主兵安皇帝主餉其餘甲申乙酉殉節諸

忠范公景文史公可法而下皆同謀也當事利三賓之

財亦誣以同謀令夏引之夏對曰若謝三賓者醜鄙鄙

夫反面易行首先送款建議之事何可引之三賓在旁

搏頰以謝夏在獄中鼓琴賦詩如平日絕命時有白光

一縷冲天而去繼妻陸氏名玉辰知例當發遣慮有汗

辱乃結帨於梁引頸就縊忽絕復取結之須臾而盡

魯王監國翁洲贈簡討門人私諡曰毅烈國朝入祀忠義祠

張夢錫字雲生鄞縣人爲諸生精武事與董志寧等佐

海東逸史 卷十四 四明叢書 約園刊本

錢肅樂起兵授兵部司務擢御史江干師潰走結山寨

曰大皎軍庚寅十月小腆紀年 作九月北兵至夢錫持長矛出

鬪殺傷略相當眾寡不敵遂死其下五百餘人皆從之

無一降者當戰時有突圍而去者三人翼日有負夢錫

屍葬之大皎之南麓者卽此三人也

王家勤字齒一號石雁鄞縣人小腆紀年 云定海人爲諸生通經

術三禮俱有論說受業劉宗周之門與董志寧等佐錢

肅樂起兵授大理寺評事江干師潰復謀翻城之舉事

洩被執移獄錢塘累訊瞠目無一語乃殺之門人私諡

忠潔著有靜遠閣集

陸宇燭字周明號巖庵鄞縣人右都御史世科子以諸

生與董志寧等佐錢肅樂起兵授監紀推官俄進按察

副使仍監軍江干師潰遯歸不出歷十八年復謀舉兵

應海上事洩被執死之年五十六鄉人私諡節介

毛聚奎字象來一字文垣自號吞月子鄞縣人貢生與

董志寧等佐錢肅樂起兵參瓜里幕務授戶部郎中專

司餉事紹興破奔走山海之間累遭名捕行遯得免六

狂生之幸得終老牖下者聚奎一人而已

海東逸史 卷十四 四明叢書 約園刊本

屠獻宸字天生鄞縣人小腆紀年 云定海人兵部侍郎大山曾孫

以諸生從軍授車駕司勝朝殉節諸臣 錄作兵部職方主事江上事敗

角巾歸里戊子與華夏等同謀翻城之舉事洩被執死

之監國還軍翁洲贈大理寺丞國朝賜諡烈愍妻朱氏賢而有

文獻宸死賦絕命詞而自經

楊文琦字瑤仲號楚石鄞縣人唐王臨軒以貢生召對

授惠安訓導尋加監紀推官視惠安諸軍聞亡返浙與

華夏等同謀翻城之舉事洩被執不屈死妻沈氏亦白

經監國還軍翁洲贈兵科給事中國朝入祀忠義祠

楊文琮字天璧監國時以諸生從軍授職方郎中小腆紀年

作主 戊子與謀翻城之舉事洩遁去張煌言託以聯絡

中土事自是每歲往來海上不絕癸卯有降卒自海上

言文琮將引海上將趙彪為患逮至錢塘歎曰吾固雁

行中漏網也本可死矣賦絕命詞曰憑誰瘞我孤山上

魄是梅花鶴是魂遂扼吭而卒

楊文瓚字贊玉號圓石鄞縣人崇禎十二年舉人監國

初官御史力言閩浙宜合不宜分時方爭開讀禮多不

以為然文瓚乃入閩又力言當聯絡閩浙以為同仇不

海東逸史 卷十四 五十四 四明叢書 約圖刊本

當啟爭端唐王然之乃命以掌貴州道扼防建延三關

而浙東亡仙霞告急唐王出走乃返故里與華夏等同

謀翻城之舉事洩被執大呼高皇帝不絕而死國朝賜諡烈忠

妻張氏名玉如工翰墨文瓚死以初聯其身首一慟幾

絕遂衣其故時衣服題絕命詞一首解所佩帶自縊而

絕監國還軍翁洲贈都察院右僉都御史

楊文球字天琅魯王監國授都督府都事翻城事洩二

兄皆死乃之閩就閣部劉中藻於福寧令參幕府軍事

次年福寧不守死之董德欽字若思鄞縣人小腆紀年 云定海人

兵部侍郎光宏之孫以諸生從軍授監紀推官江干兵

敗乃歸戊子與華夏等同謀事洩被執死之監國還軍

翁洲贈兵部郎中

倪懋熹字仲晦一字煜生鄞縣人錢肅樂起兵欲貽書

王之仁而難其使懋熹請行事遂定及畫江分守以職

方主事參瓜里軍唐魯爭頒詔之禮越使陳謙入閩而

死閩使陟清源入浙亦死議募一能者乃以懋熹往果

稱旨令以僉事分守建寧丙戌北兵來攻出戰力不支

死之時八月十一日也年三十九

海東逸史 卷十四 六十四 四明叢書 約圖刊本

徐啟睿字聖思鄞縣人為諸生負才任氣感憤時事削

髮為僧聞錢肅樂等舉兵乃破關出投其營魯王授錦

衣衛指揮不拜自稱白衣參軍時江上諸營多首鼠觀

望無一肯發兵者啟睿乃集其麾下百人諭以大義提

劍渡江直薄西岸北兵以為游騎亦遣裨將禦之啟睿

奮劍直前掩殺過半城上乃亟出銳師長圍四合遂被

執諭之降大罵乃殺之

趙毅字金城平湖人尚氣節工武略嘗有百足蟲伏其

臥處雖遠出數十里經宿必至毅心竊喜自負謂他

日必能崛起布衣於是人皆呼爲趙百足云乙酉南都被北兵至浙江魯王監國於紹興毅慨然仗劍從之授左營游擊率軍與北兵戰於杭城外飛礮中首首已飛去猶持劍策馬大戰北兵大駭爲少卻毅猶單騎馳逐數里馬蹶墮地乃仆

李桐字封若號侗庵鄞縣人三歲而孤事兩母盡孝爲諸生不屑數行墨甲申之變抗言於諸當事請發義旅以待勤王之舉南都亡呼天大慟遂得疾呼祝宗祈死會浙東舉義錢肅樂等強之起乃稍稍進食遣長子文

海東逸史 卷十四

七四明叢書

約園刊本

景從軍授兵部主事病稍愈明年六月紹興陷哭曰吾今定死矣疾果作遂卒年四十九門人私諡貞愍先生文景與弟文昱葬父畢墨縵赴海上崎嶇軍旅文昱亦授戶部主事辛卯翁洲失守扈王出海遭風同溺死

路國挺鄞縣志 路作駱字天植號寒厓諸暨人僑居鄞生有殊

才江東兵起破家輸餉授職方主事鄞縣志云以奉權 戴魯王箋得貢士

爲降臣謝三賓所惡幾殺之紹興破三賓復降國挺晦迹里居三賓復散流言以激眾怒遂被逮久之得脫貧

困死

李文縉字昭武一字夢公號譽樵鄞縣人錢肅樂起兵文縉以諸生實先從之授兵部員外郎江干師潰悒鬱不自得戊子豫翻城之難被訊不爲遜詞在獄中與同事楊文瓚分賦雁字詩一月之中遂成卷帙明年再訊再被拷終不屈而華夏力任之乃放歸遨遊四方以老臨終其子問遺言命取紙筆題曰眾人皆醒非夫也瞑目而卒所著有春秋經傳纂注鹿溪新語賜隱樓古文並散佚

杜懋俊字英侯鄞縣人小腆紀年 云定海人世居縣東之管江爲

海東逸史 卷十四

八四明叢書

約園刊本

諸生以仗義聞浙東不守日夕痛哭與其叔兆祐及施邦焮聚眾三千刻期舉事謀洩邏者至懋俊梟其首據山立寨鳴鼓起事與北兵轉戰三日及寨破懋俊猶以家丁力戰頭目中矢如蝟倚牆而斃尸屹立不仆者數日

杜兆祐字承芝爲諸生嘗以兵法部勒族人分隊瞭野擊柝行夜閭黨賴以安堵沿海諸村亦多做而行之寨破被執大罵不屈斫其首十二刀而後墜

施邦焮雪交亭集作珩 鮑墟亭集作 宗焮四明談助云一作宗珩字仲茂雪交亭集 作仲吳

鄞縣人諸生故都督僉事翰子其先世亦居管江因以家財佐杜氏募死士事敗拔先世所遺佩刀自刎曰吾不負此刀也

鮑琦亭集云事敗縱火自焚

時稱管江三烈士

魏耕原名璧字楚白甲申後改名字白衣又名甦號雪寶山人慈谿人以贅婿僑居歸安遂充歸安學博士弟子國亡棄去所交皆當世豪俠者上起兵亦與焉事敗亡命江湖妻子滿獄弗恤也久之事解乃閉戶爲詩酷嗜李供奉已亥鄭成功兵入長江幾下金陵江南半壁震動知其謀出於耕刊章名捕亡命潛行癸卯又以海

海東逸史 卷十四

九四明叢書

約園刊本

上降卒至語連耕遁入山陰蹤跡得之至錢塘抗詞不屈死於菜市山陰人李達楊遷經營其喪甚力亦以是遣戍先是歸安諸生錢纘曾與耕善耕被執纘曾以兼金賄吏得解孔孟文者險人也從成功軍來有所求於纘曾不屢并怨耕以其蠟書首之故纘曾亦被殺番禺屈大均不可一世獨心折耕詩嘗有詩云平生梁雪竇是我最知音一自斯人死三年不鼓琴

汪涵字叔度號晦溪奉化人諸生從學黃宗羲遂參其軍事浙東失守監國由江門入海涵隨宗義走四明山

中宗義偶出邏卒至焚寨夜半火起同里出鬪從烈焰中殺數人已得出歎曰所圖不遂命也不死且自取辱還鬪而死

張廷綬字雲衢鄞縣人少喜讀兵法善挽強弓舞大刀補武學生錢肅樂起兵以驍勇署總統陳函耀

鄞縣志作函輝

此疑起兵台州而以會推留中調度乃以其兵屬之廷

綬奏授都督僉事統所部還鎮台之海門已而閩中大將李唐禧至監國以其宿將使其治軍於台唐禧故金山衛官起兵不克入閩由閩入浙廷綬讓之凡署銜列

海東逸史 卷十四

十四四明叢書

約園刊本

座必使居己上而唐禧自以客將每事皆咨廷綬而行大兵入台唐禧謂廷綬曰公當俟陳公消息然兵已逼不如借我早死徒殺士卒無爲也廷綬曰諾各遣其麾下袍笏兀坐營門大兵過其營論降不屈殺之唐禧亦被殺而廷綬眷屬之從軍者皆死無一存章有功會稽農夫也浙東建義應募從軍驍銳敢戰以指揮爲前鋒華夏等翻城謀洩大兵急攻東山有功所將五百人皆具兼人勇每戰必勝大兵以全力壓之不支被擒拉脅決齒垂斃猶大罵而死

章欽臣督師孫嘉績部將也以都督司別營火攻事江
上破欽臣散軍亡命其後以應山寨諸軍事敗被執死
之妻金氏沒入旗下將發遣大罵不屈竟磔之行刑者
見氏有姿不無褻語氏罵愈甚刑畢而其人暴死氏遂
時時降神東越居民尸祝之

戴爾惠字少峰鄞縣布衣錢肅樂倡義時大會城隍廟
爾惠舉手一麾三四千人皆從之相與擁肅樂赴巡按
署遂舉事以戰功封義武將軍江干失守遁歸其後山
寨大起復出而預之遂一門殉焉

海東逸史 卷十四

十一 四明叢書
約園刊本

海東逸史卷十四

海東逸史卷十五

翁洲老民撰

忠義二

傅巖字野倩義烏人崇禎七年進士授歙縣知縣被讒
去官魯王監國擢江西道御史為朱大典監軍北兵破
金華與二子齡發齡熙並死之小腆紀年云巖還至義
烏死國朝賜諡節愍子
附入 初巖之遇禍刃將及齡熙年甫十四以身翼蔽其
父刃著於頤而死齡發趨救矢洞右腋移時復甦見父
弟已死遂以手抉其創而卒長子齡文從外至得不死
乃奉其母歸杭州藜藿不充蓬頭垢面者又十餘年而
終

海東逸史 卷十五

十一 四明叢書
約園刊本

王之拭勝朝殉節諸
臣錄作拭字瞻御南直武進人甲申殉難忠

臣章子南都不守東走至鄞截江之役監國令以墨纒
任車駕王事知鄞縣事其制詞曰以汝父之遺愛望厥
子之世忠之拭泣而受命蓋章初亦為鄞縣令也已見
江上事不可為辭去入閩唐王令仍管駕部事而閩事
亦壞復返鄞閣部朱大典守金華招之之拭乃為之練
兵於義烏兵敗入山中謀再舉被執勝朝殉節諸臣錄
云至永康被執

不屈死之國朝賜諡忠節

林汝翥字大威號心泓福清人萬曆末舉於鄉授沛縣知縣天啟二年以擊白蓮賊徐鴻儒緝妖人王普光等

功擢御史巡視京城忤逆關魏忠賢廷杖削籍崇禎末起廣東瓊州道坐奸民煽亂貶秩歸福王時起雲南僉

事小腆紀年云起臨沅道已而解職魯王次長垣召為兵部右侍郎總督義師與員外郎林奎攻取福寧兵敗被執諭降

不從繫之除夕吞金屑死國朝賜諡忠節林奎字子野號恥齋汝翥同邑人勝朝殉節諸臣錄云侯官人崇禎

海東逸史 卷十五

約圖刊本

十六年進士授海寧知縣南都亡杭州亦不守營卒乘

機乞餉環署大噪奎罪為首者而如其請以城孤不能存引去唐王時黃道周小腆紀年云字幼平漳浦人門下士稱石齋先生天啟壬戌進士歷官至兵吏二部尚書武英殿大學士乙酉十二月

發源敗績被執明年三月至江寧不屈死贈文明伯諡忠烈國朝改諡忠端督師請與偕行以戶部員外郎司餉改監察

御史往諭浙西行至贛州以典銓缺人召還復改文選員外郎主銓政殉節諸臣錄云一作左僉都御史奎曰此潤色太平之

事非今日之所急也乃辭去募兵數千人為鄭芝龍所阻聞王被殺號痛而返散兵入山制棺一具布衣一襲

書大明孤臣之極以待死及魯王航海至長垣郡邑響

應福清鄉兵請奎為主奎別其父曰兒當死久矣奉命守海寧失城池當死扈蹕不終當死豈可再使延命漏

刻以不令之名貽羞父母乎遂直履負戈雜徒旅中與汝翥攻取福寧身被數創猶勒兵力戰為流矢中喉而

死國朝賜諡忠烈友人葉子器者初在營中為北兵所獲使之作書招奎子器書所作絕命詞授之亦被殺南疆釋史云二林皆福州人因攻取福清死

俞元良字仲驥南疆釋史云字綬毅海寧人崇禎癸未進士魯王

海東逸史 卷十五

約圖刊本

監國熊汝霖以數百人襲海寧士民迎之者萬人汝霖

欲擇一人主兵而紳士持論皆首鼠汝霖數陳大義元良慨然曰此豈公一人之事某焉敢獨後遂以監軍兼

攝海寧縣事及北兵破城與兄元禮同殉節死國朝賜諡忠烈附入祠

周宗彝字五重海寧人崇禎十二年舉人少受業於吳太冲章正宸為人有膽決尚氣節嘉興之城守也宗彝

亦集里中少年應之魯王授職方員外郎大學士熊汝霖令守硤石鎮兵潰赴海死國朝入祀忠義祠弟啟琦附妻卜氏與

二妾名朱衣紫衣者並自縊弟啟琦巷戰力竭亦被殺

湯芬字方侯嘉善人勝朝殉節諸臣錄崇禎十六年進

士福王時為史可法監紀推官唐王以為御史尋以福

建參政小腆紀年云魯分守福興泉三府興化城破緋

衣坐堂上被殺國朝賜諡烈愍

林喟字小眉莆田人由進士為吳江知縣蘇州失歸事

唐王官御史小腆紀年云復事魯王為吏科給事中勝

殉節諸臣錄云一作興化破自縊死國朝賜

都廷諫杭州人官莆田知縣城破死之勝朝殉節諸臣

海東逸史 卷十五

四四明叢書 約園刊本

之國朝賜諡節愍

洪有文官澄海勝朝殉節諸臣錄南疆釋史並作知縣

城破死之國朝賜諡節愍

鄔正畿字王都南疆釋史永福人官兵科給事中鄭彩

專政棄官歸里居城破賦絕命詞投水死國朝賜

林逢經字守一永福人以御史里居城破投水死國朝

賜節愍

王恩及長樂人官御史遷太常按小腆紀年止稱里居

城破服毒死妻李氏亦死焉諡忠襄國朝改諡節愍

士祈太倉人建寧守將封鄖國公建寧破巷戰不勝自

焚死國朝賜諡烈愍

沈履祥字其旋號復庵慈谿人大學士宸荃從兄也登

崇禎十年丁丑進士知侯官甌寧二縣有循績福王時

上治安策又上責成疏頗見採納魯藩監國以御史督

餉台州城破遜之山中北兵搜山得之被殺於野其弟

穀祥往求其屍得其首於桑園得其身於亂屍中以服

帶可據也乃紉合而葬之國朝賜諡節愍

陳世亨官中書舍人為鄧藩審理以一旅復安固援兵

海東逸史 卷十五

五四明叢書 約園刊本

不繼被執大罵而死

海東逸史卷十五

忠義三

翁洲老民撰

高岱字魯瞻號白浦會稽人崇禎中以武學生舉順天鄉試被黜久之辨復魯王監國授職方主事及紹興失守慨然曰上恩厚矣國家文武異途重文輕武佔嗶小生持議廟堂而戮力疆場者指為癩人以致寇盜充斥不能抗禦神州陸沈職是故也我本武學得授文職偏側搶攘無益毫髮尚不能以一死報國乎劉戡山吾鄉

海東逸史 卷十六

四明叢書 約園刊本

先生也吾當師之即絕粒祈死其子諸生朗坐守之閱八日知父意不可回泣拜父前曰兒請先之乃攜巾服泛小舟給舟子出海禱神去岸遠北面再拜躍入海中舟子急挽之齧舟子臂始得下舟子又入水救之梓其巾朗躍出水面正巾而沒岱問之曰兒果能先我乎自是不復言又閱數日而卒國朝賜諡節愍子附入祠
葉如菴字衡生會稽人崇禎三年舉人魯王監國與同里高岱同授兵部主事每會食相與抵掌言忠孝事紹興破與妻王氏出居柯塢墓所岱送之曰君殆隱於是

乎如菴曰非也我無城守責死於墓耳遂與王氏並赴水死國朝賜諡節愍王以被救免次日復死之

徐復儀字漢官號雪潭錢塘人小腆紀年云上虞人崇禎癸未進

士福王立授刑部員外郎明年主試雲南行數日而南

都陷歸事魯王加翰林院編修辭曰侍從文墨所以潤

色太平也今戎馬日逼臣不得馳驅疆場為陛下負弩

矢猥賜臣清燕死無以塞責不報未幾浙東破歸家拜

父母別妻子泣奔蹲山投空谷中虎豹觸之不為怪一

日大風雨晝晦傳聞兵四合乃曰吾命盡矣遂扼喉死

海東逸史 卷十六

四明叢書 約園刊本

紀年云投崖死勝朝殉節諸臣錄云抗拒死待旦而父始至持其首而泣目

尚張父曰兒得死所矣乃瞑國朝賜諡節愍

唐自綵字西望四川達州籍江寧人崇禎末以貢生官

臨安知縣有循聲杭州失守自綵與姪偕豫逃山中有

言其受魯王敕陰部署為變者遂被捕獲北帥諭之曰

我知汝賢吏故不加兵行且薦於朝矣自綵曰士各有

志安用相強北帥曰獨不念少妾幼子乎自綵曰大丈夫

豈以子女易大節卒與姪偕死國朝賜諡忠節其妾大呼願

從死亦殺之偕豫字敬子南疆釋史偕作附子作之亦貢生唐王贈

自綵太常寺少卿借豫太常寺博士

王玉藻字質夫號螺山南直江都人司勳郎納諫子崇
頑癸未進士授慈谿知縣有異政甲申國變哀號求死
家人勸之乃止南都繼陷與沈宸荃共起兵進御史尋
以兵科都給事中往軍前而江上諸帥惡其任事邁往
壯氣勃然皆不予餉乃力請還朝在垣中持正又不為
諸臣所喜乃力求罷不許及紹興失守王走海島玉藻
仰天大慟躍入池中復為家人所救得免遂隱居不出
終身不鬚髮不改故衣冠一夕忽作絕命詞曰半生辛

海東逸史 卷十六 二二四明叢書 約園刊本

苦泣孤臣賸得乾乾淨淨身四大既崩神失散這篇草
稿付誰人擲筆而逝小腆紀年云辛卯年六十六玉藻後歸故鄉以餓死
為令時首拔童子姚亦方國亡後亦棄衣巾來依玉藻
往往無人時師弟相對悲嘯久之成癩疾每一動念疾
輒作作則踴躍踣繞屋而泣竟以癩死

周元懋字柱礎一字德林鄞縣人文穆公應賓從子以
文穆蔭官南京右軍都事工部屯田郎中原作屯部郎中以意改
知貴州思南府丁艱未赴而京師陷江東建國錢肅樂
等招之固辭不出而破家輸餉不吝丙戌六月江上失

守慟哭自沈於水以救得甦乃披髮為僧日夕縱酒嘔
血而卒

周元初字自一號立之文穆公應賓從子文穆無子撫
以為子少負大略所交皆忠義士江東建國罄家財以
輸餉錢肅樂以文穆遺恩奏授郎署不受遂以白帟從
軍紹興破行遜深山以死

倪懋楷鮑琦亭集 作元楷字端卿與懋熹同族同起江上授大

理寺評事去歸家以不鬚髮被執論死下獄其母遣
人攜酒入獄飲之醉熟睡盡去其髮醒而禿矣痛哭欲

海東逸史 卷十六 四四明叢書 約園刊本

自裁旁人以母命止之得免

朱養時江陰人官兵部郎中兼禮科給事中舟山破抗

節死國朝賜 諡節愍

董廣生原闕人官御史舟山破自焚死

楊鼎臣字思任鄞縣人官吏部文選司主事舟山破先

驅妻子入井乃從之

林瑛勝朝殉節諸臣 錄云一作之瑛字玉之南疆釋史 作玉瑛福建人官吏部

主事同母妻女及婿五人航海入浙墻隨鄭彩去瑛至
健跳所母死貧甚妻陳氏及女為人紉衣給食已而女

死及舟山破瑛與陳氏並自縊國朝賜諡節愍

江用楫蘇州人官戶部主事舟山破殉節死國朝賜諡節愍妻

原闕氏亦自盡

董玄會稽人官禮部祠祭司主事舟山破自縊於學宮國朝賜諡節愍

張家璧原闕人官禮部儀制司主事舟山破自投城下

未死被執勸之降不從乃殺之

朱萬年福建人官兵部主事勝朝殉節諸臣錄一云職方員外郎舟山破

死之國朝賜諡節愍

海東逸史 卷十六 五十四明叢書 約園刊本

顧珍長洲人官兵部主事舟山破死之國朝賜諡節愍

李開國臨水衛人南疆釋史作臨山衛人官職方主事舟山破死

之國朝賜諡節愍母原闕氏亦自縊

顧宗堯長洲人勝朝殉節諸臣錄一云寧波人官工部主事舟山破同

母死之國朝賜諡節愍

顧玠江中汜陳所學顧行翁健小腆紀年云顧玠陳所學

山陰人南疆釋史據遺云陳所並中書舍人舟山破皆

學字顧行無江中汜翁健名

死之

戴仲明鄞縣人官工部營繕所所正舟山破殉節死國朝賜諡節愍

賜諡節愍

章有期原闕人官太醫院院副舟山破自焚死

劉世勳字胤之南直上元人崇禎末以武進士歷官都

督僉事助防翁洲黃斌卿不能用監國駐師進安洋將

軍辛卯八月大兵分道下舟山張名振奉王出海而世

勳城守世勳料簡城中步卒尙有五千麾下死士五百

居民助之乘城而守大兵屢攻屢卻乃益兵攻之城陷

世勳朝服北面望海拜謝自刎而死國朝賜諡節愍

王朝相大興人官錦衣指揮舟山破護元妃陳氏貴嬪

海東逸史 卷十六 六十四明叢書 約園刊本

張氏義陽王妃杜氏入井用巨石覆之即自刎其旁國朝賜諡節愍

劉朝原闕人內官監太監舟山破視宮眷入井畢即自

刎其旁

海東逸史卷十六

翁洲老民撰

忠義四

張槿字子隆號四岑鄞縣布衣性坦率敦倫紀國變後日咄咄會鬚髮令下閉戶坐室中取酒獨酌摩其頂而歎曰彼曲局者惡可以兵之乎乃往竈下得炭滿甕和以木屑置牀下熱之投身其上覆以重衿時方盛暑俄頃酒力墳盈而絕昇屍出已紺色矣丙戌六月二十日也

海東逸史 卷十七

一四明叢書 約園刊本

倪文徵字舜平山陰人以布衣為蒙師兼通醫術紹興破市酒肴飲里中少年求辦一事有諾之者偕至墓所命掘坎自瘞眾駭欲散文徵恚甚曰此何事可誤我乎或尼之曰死義也今某某等皆不死汝一醫生何自苦文徵曰人各行其志惟諸公玉子於成也一人曰豈可使土親膚乎以二缸贈之埋於坎中文徵跌坐其內命覆之封其隙眾環坐竊聽微聞其聲逾三時而寂國朝人祀

忠義

朱瑋小腆紀年作瑋字鴻儒山陰人諸生南疆紀史稱布衣北兵至浙

避家梅里尖江上師潰人皆竄伏瑋痛哭不已曰此日而生全歸之謂何乃書絕命詞二語於几上潛往礁石躍水死家人徧覓不得見遺語始知其赴難也年甫二

十四國朝入祀 忠義祠

鄒欽光瑞安人諸生明季南略光作堯字維則永嘉人郡庠生紹興破溺死

國朝入祀 忠義祠

鄒之琦永嘉人諸生紹興破投水死國朝入祀 忠義祠

張君正浦江人諸生郡城破自縊於明倫堂國朝入祀 忠義祠

傅日炯字中貢諸暨人為諸生與其族父平公同受業

海東逸史 卷十七

一四明叢書 約園刊本

劉宗周之門江干師潰兩人相謂曰吾輩義固當死然俱有老母在亦惟白於老母許死則死耳平公白於母不許日炯白於母許之遂赴湄池死平公乃養日炯母終身國朝賜日炯入祀忠義祠

趙景麟鄞縣人諸生明史作布衣寓居紹興江上師潰整巾

服懷所作文走謁文廟拜先聖畢赴泮池死鄞縣志趙景麟字天

生蓋一人無赴泮池事小腆紀年云投泮池不死後絕食死

趙天生鄞縣人為諸生有節概丙戌六月江上失守題

詩案上曰書生不律難驅敵何處秦庭可借兵只有東

532 117

津橋下水西流直接汨羅清竟往城東躍入江水漁人
救之昇還不食不語乃強與入太白山欲令食不可則
為謬語以慰之或曰李侍郎長祥克紹興矣或曰翁洲
大將黃斌卿將奉監國來恢復矣或曰石浦大將張名
振奇捷矣或曰四明山寨下慈谿矣天生聞之即進食
如是者半年謬語漸窮而天生病亦稍愈聞出山中問
樵子輩以近事則循髮示之曰天下大定更何問焉天
生大慟踣地更不復食竟餓死鄉人私謚節愍先生朝

入祀忠義祠

海東逸史 卷十七

二四明叢書 約園刊本

周西字方人定海衛人丙戌六月紹興破年僅二十六
也歎曰楊鐵崖稱老寡婦今其時矣遂棄舉業訓蒙養
母所著詩古文曰痛定集嘗與友人書曰今日所斷不
可當者妄欲以義士自欺也夫何地非我朝之士何人
非我朝之民又何倉庾非我朝之粟不必為首陽頑民
以自表異也所謂義士者當為蹈海之魯連爭帝暴秦
奮臂之陳涉特起發難張良之報讎翟義之討賊駱賓
王之草檄謝枋得之卻聘而死否則如陳咸之閉戶不
出海福之逃吳門為市卒陶潛之終身為晉處士此雖

不得志於今亦當知重於後而我皆未能也其敢侈談
義士乎此書蓋其自道云

張成義字能信慈谿人有異材為諸生受業劉宗周之
門江干師潰起兵不克行遜不返莫知所終

趙旬字禹功會稽人少極貧學幣以養親藝絕工時稱
為趙孝子長游劉宗周之門得其學丙戌後有高節隱

於緇時賣畫以自給世所稱壁原關士畫者也晚講學
偁山即宗周少時讀書地

葉尙高字而立樂清人温州府學生亂後伴狂幅巾大

海東逸史 卷十七

二四明叢書 約園刊本

袖行於市太守見而執之賦詩云北風袖大惹寒涼惱
殺温州刺史腸何似蜉蝣易生死得全楚楚好衣裳太
守釋之不問丁亥二月上丁攜水一杯采芹一束乘太
守未釋莫哭於孔子之庭曰吾師乎吾師乎縱泰山之
已頽曾林放之不如乎太守至怒繫之獄迨五月四日
語獄卒曰詰朝屈大夫沈湘之日吾其死夫俾具湯沐
至明白經明季南略云字而栗永嘉縣學生獄中和正
氣歌有未吞蒲酒心先醉不浴蘭湯骨已香
之句飲藥
痛罵死

朱錫齡字元序上海人諸生己酉松江破借華亭蕭賓

侯渡海而南寓舟山僧寺舟山破死之

夏文煥字長明象山人諸生監國紀作貢生舟山破痛哭具衣

冠別親族拱坐海邊沙上潮至隨水湧去越數日其屍

復隨潮至顏色如生遠近驚以為神張名振在石浦聞

之來臨哭焉國朝入祀忠義祠

林世英福建人諸生舟山破殉節死國朝入祀忠義祠

陳瑞芝定海人諸生北兵圍舟山其母李氏縶也密紉

衣上下連為一曰吾苦節十餘年不可使人見吾體及

城陷即躍入井中死瑞芝倉皇自外至聞母死亦自縊

海東逸史 卷十七

五四明叢書 約園刊本

李年三十六瑞芝甫十七也

周容字茂三號鄖山鄞縣人為諸生受知黃宗義能詩

善書畫滄桑之際嘗渡蛟門脫友人之厄幾死不悔足

跡徧天下所至皆有詩康熙己未歲有欲以博學鴻詞

薦者歎曰吾雖周容實商容也遂止所著有春酒堂集

朱金芝字漢生甬上續耆舊傳云一字曉庵鄞縣人少從黃道周游

得其易學甲申之變方在北都削髮南歸自號忍辱道

人流滯白門又遭兵禍遂往來英霍諸山寨及太湖軍

中幾死者數矣既知海上之局始返里門亦牽連被捕

亡命深山久之喟然襍被長往或云直抵辰沅客中湘

王幕中湘殉節按小腆紀年何騰蛟湘潭殉節贈中湘王謚忠烈不知所終或

云曾入滇中崎嶇扈從卒死王事或云投鄖陽山中為

道士不可得而詳也所著詩集二十餘種皆散佚不傳

紀五昌字衷文鄞縣人性倜儻不欲以經生自位置所

與游多奇才劔客受業錢肅樂之門肅樂航海死於閩

家人不知五昌所在月餘而返乃知為哭肅樂入閩也

卜居太白山中足跡不入城市自言年六十二當終已

而果然

海東逸史 卷十七

六四明叢書 約園刊本

趙自新字我完太倉人四歲失足墮井家人引縋出之

無怖色年十一從父觀射飛矢中股醫者治之出鏃色

不變喪母家貧身執廝養役而勤學弗輟崇禎十二年

舉於鄉父老思就祿養十六年需次京邸忽心痛遂歸

父果病劇乙酉詣州守請給僧牒微服出行祝髮於松

江之會龍庵旋隱嘉定之封家村既而有謝姓者告以

應舟山之招自新謝之及事洩逮者至門自新與弟方

奔徐斂手就縛曰吾久辦此矣械至松江絕食數日不

死復械至江寧時主讞者為洪承疇自新昂身對曰

身為故國遺民豈嘗須臾忘死哉顧有志無其事徒負虛名竊用為媿復鞠謝姓者卒無實得釋歸旬日卒年五十三臨終謂其子曰吾生無益於世歿後題墓石曰明鄉進士憤道僧趙某願足矣著作甚多陳瑚陸世儀皆其弟子

海東逸史 卷十七

七四明叢書 約園刊本

海東逸史卷十七

海東逸史卷十八

翁洲老民撰

遺民

于穎字穎長號九瀛金壇人崇禎四年進士由工部員外郎歷知順德西安二府罷歸福王立起知紹興府分巡寧紹台道南都亡北兵至杭穎密募兵舉義北帥使人以榜至穎執之禁其榜鳴鼓會眾誓於都亭以五百人夜赴固陵北兵在西岸未之知也乃衝潮徑渡盡驅西岸之船而東至中流北兵始知之無所得船穎軍上東岸大噪遂畫江而守一軍扼潭頭一軍扼橋司一軍扼海門一軍扼七條沙北兵拽內河船百餘江干又紮木排填土擬東渡穎復遣死士沈其舟會西北風起木排飄向東岸各營得句致以為用穎謂諸將曰杭已有重兵攻之不易莫若於下流由橋司入海寧出海鹽以通震澤上流由潭頭入富陽通餘杭以扼獨松關昨聞海寧兵已起而富陽尚為北人所據不可坐視乃遣人夜襲之遂通餘杭之道於是方國安得駐七條沙江干立國北兵所以不能遽渡者以穎之取富陽也魯王至

海東逸史 卷十八

一四明叢書 約園刊本

越擢按察使行巡撫事尋進右僉都御史督師當是時正兵義兵爭地爭餉內外交訐穎以守上臣悉力支拄而方王諸將終惡之三疏乞休不許丙戌六月北兵至列戍皆潰王航海去穎扈從不及乃由海道還京口黃冠以終

林時對字殿颺號繭庵鄞縣人崇禎十三年進士年未冠也授行人性恬淡嘗曰士人若愛一錢卽不值一錢

丁艱歸福王立起吏科都給事中甬上續耆舊傳云福王監國召爲御史鄞

縣志據莊元辰奏疏亦從御史爲阮大鍼所惡罷歸魯王監國遷太常

海東逸史 卷十八 二 四明叢書 約園刊本

寺卿佐孫嘉績幕事力主渡江熊汝霖之下海寧時對

實贊之擢都察院右僉都御史逾年而紹興陷遂歸又

十八年而卒所著繭庵逸史皆紀國難事

李長祥字研齋四川達州人生而神采英毅喜談兵是

時獻賊縱橫蜀中長祥練鄉勇躬擐甲冑以助城守賊

中皆知其名崇禎癸未成進士授庶吉士同里薛國觀

方爲首輔欲引爲私人拒之京師陷南奔改監察御史

巡浙鹽而南都又覆乃起兵浙東魯王加右僉都御史

督師西行而七條沙之兵又潰王浮海長祥以餘眾結

寨上虞之東山時浙東諸寨林立願無所得餉四出募

輸居民苦之獨長祥與張煌言王翊且屯且耕井邑不

擾戊子監軍華夏爲長祥聯絡布置請引翁洲之兵合

諸寨以下西陵議奉長祥爲盟主刻期將集而降臣謝

三寶告之大兵急攻東山長祥匿勺人舟中遁至奉化

依王朝先朝先亦蜀人得其資助由健跳所入舟山加

兵部左侍郎兼官如故辛卯舟山破亡命江淮聞大兵

得之京口安置江寧羈守之長祥忽娶一妾朝夕甚昵

守者謂長祥有所戀矣稍懈而長祥竟遁去由吳門渡

海東逸史 卷十八 二 四明叢書 約園刊本

秦郵走河北徧歷宣府大同復南下百粵與屈大均處

者久之天下大定始居毘陵築讀易臺以老焉著有天

問閣原闕 四卷

黃宗義字太冲號梨洲餘姚人忠端公尊素子爲諸生

受業劉宗周學行醇備家禍國難備嘗艱苦北兵入浙

孫嘉績熊汝霖等以一旅之師畫江而守宗義亦合子

弟數百人隨諸軍於江上人呼之曰世忠營授職方主

事改御史總兵陳梧自嘉興之乍浦浮海至餘姚大掠

職方主事王正中署縣事集民兵擊殺之亂兵大噪有

欲罷正中以安諸營者宗義曰借喪亂以濟其私致干眾怒是賊也正中守土即當爲國保民何罪之有尋以宗義所作監國魯元年大統曆頒之浙東馬士英在方國安營欲入朝朝臣皆言其當殺熊汝霖曰此非殺士英時也宗義曰諸臣力不能殺耳春秋之孔子豈能加於陳恆但不得謂其不當殺也汝霖謝焉又謂諸將曰諸公何不乘機決戰由赭山直趨浙西而日於江上放船鳴鼓攻其有備蓋意在自守也然鼓爾三府以供十萬之眾一年之後恐不能支聞者皆是之而不能張

海東逸史 卷十八

四四明叢書
約圖刊本

國柱之浮海至也諸營大震廷議欲以伯爵餌之宗義曰若是則獎亂也何以待後乃署爲勝虜將軍始去與太僕陳潛夫尙寶朱大定主事吳乃武查繼佐及正中
等謀會師由海寧以取海鹽因入太湖以招吳中豪傑而江上師潰乃入四明山結寨自固己丑聞王在海上方發使拜山寨諸營官爵宗義言諸營之強莫如王翊其乃心王室亦莫如翊諸營文臣輒自稱都御史侍郎武臣自稱都督其不自張大亦莫如翊宜優其爵使之

總臨諸營以捍海上遂拜翊右僉都御史而是時諸帥之悍甚於方王宗義既失兵日與尙書吳鍾巒坐船中講學而已是冬命澄波將軍阮美使日本以兵部右侍郎馮京第及宗義監其軍以行至長崎島不得要領而還久之以母老乞歸

黃宗炎字晦木一字立谿人稱鷓鴣先生餘姚人忠端公次子崇禎中貢生畫江之役兄弟步迎監國事敗入四明參馮侍郎京第軍事馮軍敗隱於白雲莊亂定游石門海昌間賣畫自給畫宗小李將軍趙千里工繆篆

海東逸史 卷十八

五五四明叢書
約圖刊本

又善製硯所著有周易象詞尋門餘論易圖辨惑諸書陳希友字孝兼長樂人舉人官兵科給事中鄭彩殺熊汝霖特疏參之不納知不爲彩所容乃繳印披髮去熊曰繪字遜木黃州人督師文燦子官兵科給事中與同僚陳希友同劾鄭彩草疏送督臣錢肅樂肅樂浩歎勸其火之曰繪大慟竟自去嘗有詩云一身如洗惟存髮兩手無成賸有心

任廷貴籍貫未詳官太常卿舟山破從王航海至廈門尋至金門壬辰九月奉命北上至北茭洋舟覆得救遂

鬚髮爲僧有詩云還將不二證西歸未遂黃冠卽衲衣
力任四十餘年事癡擔六十七年非翩翩野鶴隨雲適
點點寒梅鬪雪霏勒破瞿然成正覺澄潭明月自相依
蓋亦志節士也

沈崇瑜字宇昆慈谿人大學士宸荃族弟崇禎十六年
進士授金壇知縣其父手書忠君愛國勿玷清白家聲
十字付之魯王監國擢兵部主事紹興破棄官耕於野
順治庚寅黃陂王爾祿爲巡海道以同年生屏車騎至
海濱訪之崇瑜稱病不起爾祿徘徊門外久之乃長歎

海東逸史 卷十八

六四明叢書
約圖刊本

而去

周齊曾字思沂鄞縣人崇禎十六年進士授廣東順德
知縣邑故多盜齊曾捕得其魁置之辟向之爲遁逃主
者乃中以飛語遂罷歸魯王監國起給事中紹興破痛
哭入山結茅爲庵託於禪以自晦更號囊雲裏足不入
城市順治庚寅王爾祿爲巡海道以同年誼屢致書冀
其一見終不至所著詩文清高曠逸絕去煙火沒後鄉
人欽其高風私諡曰貞靖先生

高宇泰字元發又字虞尊號蕪庵鄞縣人父斗樞官陝

西巡撫鄞縣志云以斗樞爲宇泰少負才名乙酉六月

從錢肅樂等起兵監國手諭獎之謂不媿江東喬木授

兵部武選員外郎尋以奉使過里門而江上陷時斗樞

尙在陝鄞縣志云六月之而陝已內附乃開道來歸父

子並豫海上事丙戌冬蠟書自海至謀者得之四字據

集補遂首被捕戊子夏華王事洩再被囚繫辛卯幾復株

累僅而得免壬寅之逮尤爲震撼雖幸得保而家已被

矣所著有雪交亭集雪交亭者張肯堂翁洲所寓也字

泰愛之故取以名其集

海東逸史 卷十八

七四明叢書
約圖刊本

盧若騰字閑之號牧舟福建同安人崇禎庚辰進士召

對稱旨卽授寧紹台道僉事別奸獎抑勢豪風裁凜然

與寧波知府陸自嶽平奉化姦民胡乘龍之亂閩井晏

然京師旣陷南都命以都御史撫鳳陽未行而南都又

亡閩中拜兵部尙書撫軍永嘉甫至而事勢已瓦解

桐鎮下關浮海至翁洲閒行入大蘭諸出寨父老壺漿

上謁若騰垂涕而遣之及海上之局一時同袍澤者並

極莫逆諸人淪喪殆盡獨與張煌言同事最久竟依鄭

氏以終

沈文光鄞縣志字文開號斯庵鄞縣人以明經貢太學

豫於畫江之役授太常博士浮海至長垣再豫琅江諸

軍事擢工部郎中閩師潰而北扈從不及開粵中方舉

事乃走肇慶遷太僕寺少卿由潮陽航海抵金門當事

以書幣招之文光焚書返幣及鄭成功克臺灣遂依之

以終所著詩文甚多皆賦臺灣風景

朱憲宗一作顯宗字閩生崑山人以歲貢授丹陽訓導

丁內艱歸福王時起補衢州府西安訓導南都陷逃兵

敗將所至蹂躪而衢當其衝魯王命西安令守衢而以

海東逸史 卷十八

八四明叢書 約園刊本

憲宗攝縣事撫輯兵民勞績甚著明年授監軍理刑專

司餉事轉餉開化北兵至被執諭之降不從殺五弁相

脅終不動械致金陵意必死矣有故交以百口保之者

放還開化時衢猶未下守將知憲宗不屈而還請其事

憲宗謝以病衢兵復開化強之安撫甫三日而衢破遂

歸久之卒於家

徐桐字古木嘉興人有膂力善射挽兩石弓百發百中

工擊劍能飛斬人頭百步外通詩古文詞人目為文武

才紹興建國當事薦為游擊將軍率軍守嘉禾城破遂

入太湖後鬻染為僧號木頭陀以岐黃術終其身

馮元颺字沛祖慈谿人天津巡撫元颺兵部尚書元颺

弟以五經中崇禎十六年進士死於海外年三十二

董守諭字次公浙江通志父世登性至孝工詩為諸生有名

守諭秉資耿介不俯同流俗浙志少受業於黃道

周講學大滌山中全祖望學讀書討古窮極幽遠浙志倪

元潞見其文大稱賞之題詞天啟四年舉於鄉與翁鴻業

姜思睿齊名所謂浙東三俊也南疆七試南宮不第而

學日進名曰盛東江初建尙書李白春薦守諭授戶部

海東逸史 卷十八

九四明叢書 約園刊本

貴州司主事續者時分饒分地之議起分饒者以孫嘉

績熊汝霖之師謂之義兵食義饒以方國安王之仁之

師謂之正兵食正饒田賦所出義饒勸分無名之

征也分地者某正兵支某邑正饒某義兵支某邑義饒

也魯王令會議方王司饒者皆至殿陛譁然魯紀守諭

厲聲進曰公等今日所為何事而不為咫尺天威地乎

乃面奏分饒分地非也當以一切正供悉歸戶部覈兵

而後酌給之所謂義饒者雖有其名不可為繼是散遣

義兵之別名王以為然黃宗義方王諸將不可戶部主

事邵之詹乃調停之卒從原議守諭歎曰江上從此潰

矣續者舊傳無何王之仁請稅漁舟守諭謂其客曰今日所

恃者人心耳料謹案續者舊傳作科及漁舟其細已甚民弗堪也

之仁又請塞鄞之萬金湖為田又請行稅人法又請官

賣大戶祀田三疏既上兵士抽刃守諭門以待覆守諭

疏言湖不可塞祀田不可官賣稅人必至激變之仁大

怒謂行朝大臣尙不敢裁量幕府何物豎儒乃爾事事

中格乎上言得孟軻百不如得商鞅一得談仁講義之

徒百不如得雞鳴狗盜之雄一遂折簡召守諭王雖惜

海東逸史 卷十八

十四明叢書 約園刊本

守諭不能為力陰使避之守諭慷慨對曰命吏生死聽

於主上非之仁所能專臣歸死上前之仁能以臣血濺

丹墀則可舉朝忿忿皆言若之仁殺饜司直反耳何名

義師之仁亦迫於大義而止丙戌三月十九日思宗大

祥廷議寂然慕志守諭乃上疏曰臣聞忠孝節義由於朝

廷之激厲濡忍偷安由於志氣之卑昏故舉一事而能

令臣民上下有悲憤振肅之狀動一念而能令天地祖

宗有式靈威格之忱萃渙合離全藉此道設人主於終

天大恨置之若遺履之若忘則士氣不作士氣不作則

兵氣不揚無論無以恢復亦無以立國也臣痛憶先帝

焦勞十七載無一日不思治求賢無一日不籌兵辦寇

奈庸臣誤國頓遭千古未有之慘凡有血性忍忘先帝

身殉社稷之烈乎臣去年窮居值此時日北望一哭幾

絕痛恨南都臣子若遺若忘何怪忠孝節義掃地殆盡

也今臣覩顏都曹皆先帝培養之餘澤驚心歲月當遺

弓抱恨之春秋遊魂未返陵寢安存真一回思之一斷

腸矣宋高宗每正月朔日率百官遙拜二帝不受朝賀

今主上仁孝性成百倍高宗刻刻不忘報仇則刻刻不

海東逸史 卷十八

十四明叢書 約園刊本

忘先帝刻刻不忘恢復則刻刻不忘三月十九日今年

是日即魯監國元年追思泣血之首一日也臣請躬率

臣民徧諭各藩軍士縞素哭祭每歲定以為制使人人

切齒怒號庶君父大倫從此振起然後吳穹悔禍神人

共助報不共戴天之仇而建中興復古之烈也王著禮

部傳示速為舉行雨東正氣集杭人陸培王道焜並殉節廷

議賜諡不及道焜守諭爭曰兩人同死何由分其優劣

豈以道焜非進士乎今進士而賣國者累累也道焜乃

得諡節愍王累欲遷守諭官而難於代者命兼經筵日

講江東內附志守諭遂行避江幹朝夕涕洟有慰之者

輒告之曰吾不能與在長源陳木叔同逝尚何顏立人

世其為詩歌徧哭所知之死國者淋漓悲悽令人不能

自勝是時海上未靖柳車從亡日在島嶼之間守諭不

惜傾家助之以是盡落其所有續書一日翁洲破相國

張肯堂之孫俘入欲還里無有為之保者守諭曰此吾

事也入言於監司守諭之干涉當道者惟此而已志晚

年困守一廬苦心易學聚古今言易數十家攷其異同

有得即鈔之積以成帙曹甲辰卒年六十九縣令張幼

海東通史 卷十八 十二四明叢書

學赴弔歎曰名可得聞身不可得見也續書子道權謹

鄞縣志補

王正中字仲搆直隸保定人登丁丑進士第未謁選索

游於高唐州守以為銀缸且晚是敵物不如以此為城

免士女屠戮流離之苦立要約使與議者押字仲搆與

焉事平轉運者上失物狀於是逮高唐守及仲搆論死

繫獄數年刑科給事中李靖理而出之降補揚州照磨

移知長興縣國變後失官避地於紹興截江時以兵部

職方司主事攝餘姚縣事是時公私未立割奪為豪市

魁里正朝得劄付一紙暮便入民舍根括金帛係保丁

壯郡縣不敢向問為某營也仲搆設兵彈壓各營取餽

必使經由於縣品覈資產裁量以應之非是則為盜賊

總兵陳梧敗於橋李渡海至姚幽掠鄉聚仲搆遣兵擊

之鄉聚相犄角殺梧行在忌仲搆者以此聲討黃宗義

上疏救之乃止張國柱劫定海列船江上入城牢搜者

二千人仲搆攔止國柱終不得志而去田仰荆本徹先

後逼姚皆帖帖俯首不驚雞犬陞監察御史尙寶寺卿

朱大定太僕寺卿陳潛夫兵部主事吳乃武皆從浙西

海東通史 卷十八 十三四明叢書

來受約束仲搆短小精悍好讀實用之書其言星象則

從閩人柯仲炯於獄中受之行在初建進宗義所著監

國魯元年大統曆又累受宗義所註授時曆及律呂壬

遁皆能有所發明丁未八月十九日卒年六十九權厝

於山陰之陳常壩所著周易註若干卷律書詳註一卷

子三捷謹撰墓表宗義

章正宸字羽侯倉權人從學同里劉宗周有學行舉崇

禎四年進士由庶吉士改禮科給事中疏請帝法周孔

仁義黜管商富強則太平可坐致報聞禮部侍郎王應

熊者溫體仁私人也廷推閣臣望輕不得與帝特命入
閣輔政正宸上言應熊見擯廷推何緣特簡今事因多
擾變以刻成綜核傷察宜存渾厚奈何復使很傲之人
與贊平明之治哉因力詆其狼籍封靡請寢前命帝大
怒下獄拷訊御史米助國金光辰龔廷獻給事中范淑
泰吳麟徵傅朝佑論救皆不聽竟削籍歸九年冬有詔
起廢召爲戶科給事中正宸因言起廢旨屢下而與臣
同列名若詞臣劉必達楊世芳等已死乞敕所司速舉
帝納之藥廠災壞公私廬舍無算正宸言火於五德爲

海東逸史 卷十八

十四 四明叢書
約園刊本

禮禮教不修災災乃見陛下臨御初未以沽名市德疑
大臣頃大臣救鄭三俊錢謙益忽爲是言是一無禮也
史莖下吏疏辨抵稱時局思籍眾口又一無禮也朝廷
每一番令甲輒增一番私營如吏部郎張樞芳以不謹
被黜巧借城工復職非陳啟新任怨鈔參則考功之法
可以金錢贖矣又一無禮也災異頻仍聖心憂憫而戶
部主事李鳳鳴謂善言不可退災星亦一無禮也帝是
其言時廠衛務羅織人罪而巡撫武弁從而效之正宸
言京師死刑視四方獨多其處決視四方又獨速請申

飭廠衛巡捕官帝令司巡捕者回奏氣勢稍衰十四年
屢遷吏科都給事中周延儒再相中外仰望丰采而門
多雜貨正宸其門生也獨不肯附會十五年正旦朝會
帝進延儒等揖之待以師傅禮正宸因言陛下隆禮閣
臣閣臣宜積誠以格君心不與中官作緣不憑恩怨起
見不以龍利居成功不以爵祿私親暱語皆風延儒及
宣大缺總督延儒欲用宣府巡撫江禹緒正宸持不可
吏部希延儒指用之正宸復劾其行賄事帝不納延儒
欲起江陵知縣史調元正宸止之延儒再召頗得馮銓

海東逸史 卷十八

十五 四明叢書
約園刊本

力欲以守涿功復其冠帶正宸與金光辰力爭事遂寢
尋詆兵部尙書陳新甲奸邪薦李繼貞李邦華史可法
孫傳庭可代及松山師覆請先正中樞破壞之律然後
正行開失陷之條新甲遂獲罪既而會推閣臣失帝意
謫戍均州福王立召復故官疏請亟撤四鎮分渡河淮
與江北山東協力互爲聲援且請編素率師駐蹕淮上
時不能用內傳用張有譽爲戶部尙書正宸以有譽雖
有望而中旨不宜出抗疏力爭有譽卒以延推用魏國
公徐宏基等公疏薦張捷命下部議非議前戶部主事

鄒之麟前御史張孫振劉光斗起用正宸分別論諸人稍寬捷而力詆之麟孫振光斗馬士英不悅擬諭詰責回奏上獲免尋以安遠侯柳祚昌薦起用阮大鍼正宸又力爭且曰朝廷如此舉動邸報流傳見臣姓名尙挂仕版必相顧駭愕謂負掖垣職掌萬死何辭乞先放臣歸里士英輩忌正宸居言路遂用爲大理寺丞已見國事曰非請假歸魯王監國起吏部左侍郎不受仍署舊官事敗棄家爲僧不知所之

謹據王鴻緒撰明史彙補

朱之瑜字楚嶼至海外復字魯嶼又號舜水餘姚人少

海東逸史 卷十八

十六 四明叢書

約圖刊本

伉爽有志概有持譜獻者謂朱文公子爲餘姚令家於此族人欲附之之瑜曰中有一世訛脫卽難徵信且人貴自立不必攀附紫陽也寄籍松江成諸生提學御史元某以才備文武上諸禮部癸未甲申兩奉徵辟明社旣屋福王建號江南總兵方國安薦授江西按察副使兼兵部職方司郎中監國安軍馬士英方用事遣私人周某偕同邑何進士東平招之之瑜念方馬終誤大計力辭臺省劾偃蹇不奉詔將逮捕會南都亡遂解黃斌卿奉表閩中勸進唐王加斌卿肅虜伯鎮舟山之瑜往

依焉於斌卿強悍不法數有所救正承制授昌國知縣又表授監察御史管理屯田事務聘軍前贊畫均不應御史馮京第之自湖州軍破也聞關入四明王職方翊軍中時內地單弱欲藉海外之師爲響應京第勸斌卿乞師日本斌卿因命弟孝卿副京第往之瑜從之撤斯瑪王許發罪人三千及洪武錢數十萬京第先歸之瑜留而師不果出己丑魯王駐舟山安洋將軍劉世勳疏薦監紀推官吏部擬兵科給事中改吏科時禮部尙書吳鍾巒扈王兼督學政以開國第一人薦將授翰林院

海東逸史 卷十八

十七 四明叢書

約圖刊本

官先後力辭王翊之朝王也見之瑜恨晚舉孝廉辭辛卯舟山陷飄泊海島轉徙日本交趾暹羅開甲午徵選敕書達交趾焚香開讀東望涕零戊戌赴廈門朝王不果己亥朝王金門時朱成功張煌言會師入長江之瑜主建威伯馬信營信台州副將降於張名振者也名振死以兵屬成功與忠靖伯陳輝之瑜常往來兩軍間克瓜州下鎮江皆親歷行陣未幾事敗益徬徨無所向還日本日本人安東守約周給之丁未水戶藩侯源光國爲築第駒籠別莊造膝訪道東國未有學者學宮圖說

依以創造凡古升古尺蠶豆籩劍之屬咸備又命俊秀子弟從受釋奠禮已酉年七十辭歸不聽喪之後樂固以屏風爲壽繪東國及中華耆德六人則武內宿禰藤原在衡藤原俊成太公望桓榮文彥博也已未年八十致祝如初壬戌四月十七日卒年八十三光國遺世子綱條臨喪葬常陸久慈郡大田鄉瑞龍山諡曰文恭構祠堂駒籠川莊親製文誄之之瑜生八歲而孤伯兄啟明天啟乙丑武進士南京神武營總兵都督同知以忤閣制職特旨昭雪授漕運總督國變未赴任行由總兵

海東逸史

卷十八

十八 四明叢書

約圖刊本

劫歸國朝強起之不可後以老壽卒仲兄之瑾諸生弱冠卽天之瑜在日本苦蚊有勸幃以紗廚者謝曰先世葬域兵後恐遭蹂躪轉思維不敢身處安逸耳凡中華人來必泣問伯兄近狀娶葉氏生子元模元楷繼娶陳氏生女高字柔端元模履省父交趾廈門辛丑歿於海外元楷隱居教授己酉卒柔端六歲喪母年十二遭世亂卽佩刀自防字何東平于鬱鬱未嫁而亡之瑜篤於友誼初以詩受知於張國維朝列相知者陳函輝張肯堂同縣則鄒元質斗東葉大受陳遵之族子錦尤與

王翊吳鍾巒朱永祐契之瑜之返日本也諸將留之張煌言挽之尤力之瑜以海濱無田可耕坐而操餉有負本志遂行初交趾王檄取逆曉中華文字者被擄至不拜王怒錮禁之繼知不可用遣書有太公佐周而周王陳平在漢而漢與語答曰天祐明室不佞逆遺貴邦苟全性命如欲委質他國皇天后土實鑒此心儻異日者瑜藉大王之靈還歸桑梓當舉貴國擣貳之端昌言於朝使聖主明見萬里貴國得世守藩維歲貢終王寧不賢於瑜之竭誠貴邦哉乃縱之歸之瑜問學賅博少從

海東逸史

卷十八

十九 四明叢書

約圖刊本

業慈谿李契元有詩數十篇附刻姚江詩存文集二十八卷皆海外所作日本正德二年源綱條刻之有安東守約序日本高弟有守約子安積覺又令并將與謹據朱衍

精家傳補

海東逸史卷之十八

姜

氏

秘

史

五

卷



欽定四庫全書總目卷五十三 史部 雜史類

姜氏秘史一卷 浙江汪啟淑家藏本

明姜清撰清弋陽人正德辛未進士官至尙寶司少卿自靖難之後建文一朝事蹟大抵遺失是書於故案文集搜輯遺聞編年紀載至於地道出亡等事則未嘗載及紀錄頗覓精核案明史稟例議辨野史所載建文元年二月燕王來朝行御道登陛不拜爲御史曾鳳韶所劾以爲必無之事而是書載鳳韶劾燕王事云本吉安府志又證以南京錦衣百戶潘瑄貼黃冊內載

姜氏秘史總目

一 豫章叢書

校尉潘安三月二十三日欽接隨侍燕王還北平陸坐云云據此則來朝明矣第不知所云潘瑄貼黃者果足徵信否也又世傳王良於成祖入城前一日與胡靖解縉集吳溥舍靖縉陳說慷慨良流涕而已其後獨良死節是書載其事而辨之以爲良家譜載良以建文辛巳九月卒上遣黃觀諭祭未嘗及成祖之來也其言似乎可據然革除之際誅鋤異已凡効忠於建文者皆禍及子孫安知王氏家譜非爲宗族之計諱其死難以自全未必遽爲定論明史良傳仍用

前說蓋必有所考也

姜氏秘史總目

二

□□皇帝諱允炆字□□太祖高皇帝嫡長孫初太祖從滁陽王日侍左右王夫人善觀謂太祖風格異常語王妻以養女馬氏周旋兵間生五子長諱標幼有異質聰明英毅器如也稍長師事宋濂通經史大旨洪武戊申太祖卽位於南郊既還宮受賀遂追尊四祖爲皇帝冊立馬氏爲皇后長子標爲皇太子大赦天下洪武十五年高皇后崩太祖倦勤命皇太子裁決庶政惟軍國重務以聞於是皇太子日御文華

姜氏秘史

一 原章叢書

殿百官做事寬仁有國臣工盡服歲餘太祖復親政時有告密者以晉王桐逆謀聞太祖遣人察之藏兵五臺山反形已具太祖大怒欲發兵討之皇太子曰桐反期尙遲告密者桐未必知今以兵往萬一桐拒命是父子爲敵也莫若令臣巡邊因與俱來太祖大悅於是皇太子出巡歷燕代及晉居浹旬歡甚皇太子行晉王送及河南界皇太子曰父皇欲見汝可備叩頭乞哀乃降爲庶人居京師皇太子友愛彌篤日誇諭之晉王大悟日夜號泣悔罪太祖憐之赦復爵

晉王於是改行爲善令譽日著比還國卒爲賢王皇太子之教也洪武七年秋九月貴妃薨十一月一日孝慈錄成太祖既裁定喪禮太子當服齊衰杖期太子曰在禮惟士爲庶母服總大夫以上爲庶母則無服又公子爲其母練冠麻衣既葬除之蓋諸侯絕期以下無服諸侯之庶子雖爲其母亦厭於嫡母而不得伸其私故權爲此制也然則諸侯之庶子不爲庶母服也明矣今陛下貴爲天子臣雖不肖地居嫡長幸得備位儲副而爲庶母服期非所以敬宗廟明正體重繼世也上必欲太子服之太子終不奉詔上大

姜氏秘史

二

怒頓取劍太子走上逐之羣臣震懼皆不知所爲時有桂彥良當上前跪抱上泣曰陛下之於太子愛之深故責之重也上爲之止彥良乃追太子及之諫曰貴妃逮事至尊殿下當緣君父之情爲之制服不可執小禮以虧大孝也乃持衰衣之太子不得已乃服以拜謝上怒解擲劍於地日老桂爾今日竟能和朕父子者矣洪武二十四年太祖以江南地薄頗有遷都之意八月命皇太子往視關洛皇太子志欲定都洛陽歸而獻圖明年四月以疾薨太祖哭之慟追諡爲懿文皇太子葬孝陵之次時太祖春秋六十有五

日御東角門向羣臣泣翰林學士劉三吾進曰皇嫡長孫富於年早定大計孰不歸心皇太子生六子長曰雄英洪武十五年卒追封虞王諡曰懷次日允炆洪武九年生聰明英達二十五年九月立允炆爲太孫詔曰曩古列聖相繼馭宇者首立儲君朕自甲辰卽王位戊申卽帝位於今二十九年矣操將練兵平天下亂偃天下兵奠萬民於田里用心多矣及一統以來除奸暴去豪強亦用心多矣近來蒼顏皓首儲嗣爲重嫡孫允炆以九月十三日冊爲皇太孫嗣奉上下神祇以安民庶詔告臣民想宜知悉於是命禮

姜氏秘史一

三

部定親王相見儀凡親王係尊屬於文華殿朝見行四拜禮皇太孫坐受禮畢入宮乃叙家人禮制既定親王從之多不悅時太祖春秋高政務嘗付太孫裁決太孫頗尙寬仁兆民欣欣罔不愛戴洪武三十一年五月乙酉太祖崩遺詔皇太孫嗣位詔曰朕受皇天之命膺大命於世定禍亂而偃兵安民生於市野謹撫馭以膺天命今三十一年矣憂危積心克勤不怠尙志有益於民奈何起自寒微無古人博志好善惡惡過不及多矣今年七十有一筋力衰微朝夕危懼惟恐不終今得萬物自然之理其奚哀念之有皇

太孫允炆仁明孝友天下歸心宜登大位以勤民口中外文武臣僚同心輔佐以福我民凡喪葬之儀一如漢文勿異布告天下使明知朕意孝陵山川一由其故無有所改一天下臣民令到出臨三日皆釋服嫁娶飲酒食肉皆無禁一無發民哭臨宮殿中當臨者皆以且晡十五舉哀禮畢罷非且晡臨無得擅哭一當給喪事及哭臨者皆無洗經帶無三寸無布車兵器一諸王各於本國哭臨不必赴京中外官軍戍守官員無得擅離信地許遣人至京一王國所在文武衙門官民軍士今後一聽朝廷節制護衛官軍王

姜氏秘史一

四

自處分一諸王不在令中者皆以此令比類從事明日皇太孫令禮部定喪儀羣臣上議曰在京府部等官聞喪次日素服烏帽黑帶赴廷聽遺詔遂於本衙門素服齋宿朝晡詣几筵哭仍各置素服第四日成服朝晡哭臨葬畢乃止自成服始二十七日除命婦亦以第四日具衰服由西華門入哭不許金銀首飾諸王世子郡主妃及郡王內使宮人等俱斬衰三年自成服二十七日除凡臨視事素服烏帽黑帶退朝服衰麻衫大袖圓領不緝紗帽麻布裹之去翅垂帶麻經鞋命婦麻長衫大袖圓領麻布蓋頭器依鹵薄

名數工部及司禮監等處造神主用栗木制依家禮遣人奉詔於各布政司及直隸府州開讀詔書文武官員人等素服烏帽黑帶四拜跪聽舉哀四拜禮畢各置衰服第四日成服每旦官僚人等於本衙門朝闕設香案哭臨三日除大小衙門各令官一員赴京致祭禮物備辦皇太孫從之庚寅葬孝陵

十六日皇太孫允炆卽皇帝位

十八日詔以明年爲建文元年大赦天下詔曰天祐下民作之君我高祖皇帝受天之命統有萬邦宵衣旰食弘濟斯民凡事有益於天下者無所不用其心

姜氏秘史一

五

政教休明規模弘遠朕以眇躬纂承大統恭依遺詔於洪武三十一年閏五月十六日卽皇帝位夙夜惶懼思所克相上帝寵綏四方以無忝我皇祖之大命永惟寬猛之宜誕布維新之政其以明年正月初一日爲建文元年大赦天下自洪武三十一年閏五月十八日昧爽以前大辟罪以下已發覺未發覺已結正未結正常赦所不原者咸赦除之敢有以赦前事相告以其罪罪之所有事宜條列於後一天下布政司府州縣自洪武三十一年以前拖欠錢糧鹽運司鹽課提舉司自洪武三十一年以前拖欠鹽課盡行

蠲免一天下軍民所養孳牲馬匹羊隻者盡皆免一天下田土或有人戶爲事全家發充軍者或有死絕者或因饑窘逃移者以致拋荒數多糧稅拖欠詔書到日將拋荒數目從實取勘報官開除其逃移人戶復業耕種者優免雜泛差役三年一水旱災傷何代無之今天下人民其有因而失所者當該有司將預備糧賑給一今後官民有犯五刑者一依大明律科斷法司遵守無深文一軍民詞訟今後務要自下而上陳告敢有越訴紊亂者罪一囚徒已行宥罪發衛所充軍守禦者及已編定衛所有司官領未曾到衛

姜氏秘史一

六

所者不在赦例一天下衛所在逃者詔書到日限五箇月以內赴所在官司首告與免本罪所在官司仍給口糧遞送京衛所着役過違此月仍罪如初於戲德惟善政政在養民當遵先聖之言期致雍熙之盛百辟卿士體朕至懷故茲詔示想宜知悉十九日立宜山縣得勝馬驛改宜陽水驛爲水馬驛二十一日詔內外五品以上文官及州縣正官各舉所知先是內外缺官於進士舉人監生人材秀才孝廉稅戶考滿吏員知印承差除用至此定保舉法不問下僚鄉民及因累充軍者或多或少悉聽保舉

吏部選用

六月上大行皇帝諡曰高皇帝廟號太祖追諡孝慈皇后曰高皇后

召漢中府學教授方孝孺爲翰林院侍讀學士

孝孺字希直一字希古台州甯海人世家侯城里父克勤受易童奩得伊洛之學長子孝聞季孝友孝孺仲也孝孺始生之夕有木星墮其所自幼穎敏絕倫雙眸炯炯如電日讀書積尺人以其善屬文呼爲小韓子年十五時從父爲濟甯知府因達觀於鄒魯間訪古聖賢遺跡慨然自期曰顏閔未

姜氏秘史一

七

可幾及樊遲冉有使學同時豈皆讓之但世無孔子不得所依歸耳自是精思力踐進修不已越三載克勤被繫請以身代不報竟戍江浦未幾復逮至京卒孝孺哀毀骨立思自奮以昭先德明年以文謁宋濂濂深器之名流先進如胡翰蘇伯衡葉光大輩皆自以爲不及濂致仕還浦復往卒業四載辭歸濂尋以罪徙蜀孝孺欲往省不得爲文獻天願輸壽以延之濂嘗欲以爲甥而不果及其文至曰歐陽少師蘇長公姑置勿論其餘諸子與之角逐文場不知其孰爲先後也然孝孺下視文藝

恆以明王道爲己任友人或稱其文辭則告以學者當以道德爲本文詞非所尙反覆明辯不已謂道之行必先於家著宗範九篇以示厥宗蓋自任以天下之重也聞異端爲己任進德所詣月異而歲不同世或以爲程朱復出嘗卧病絕糧家人以告笑曰古人有三旬九食瓶無儲粟者窮者豈獨我哉其不爲貧窶所動如此洪武十五年吳沉揭樞等薦孝孺可大用聘至入見稱旨上謂樞等曰孝孺孰與汝對曰十倍於臣錫之几稍欹必正而後坐上喜其舉動端正謂太孫曰此莊士也當老

姜氏秘史一

八

其才以輔汝試靈芝甘露論稱旨諭遣還家二十一年復辟至上方重賞罰以其心存教化謂左右曰今非用孝孺時乃擢將仕佐郎漢中府學教授明年閏四月抵任漢中府水土暴惡病瘵瘵者十人而五孝孺安之甘蔬糲飯與諸生談道不倦視其色若飲萬鍾者二十七年春蜀獻王延之處以賓師恆曰方先生古之賢者也孝孺每見必以仁義道德陳於前王喜甚使入講經論文無虛晷爲名其讀書之廬曰正學當時蜀治依於禮樂諸王莫及孝孺之功也久於蜀因得訪宋濂墓恤其遺孤

癸丑丙子投文應天府至是首加召用一時倚之
上好讀書每有疑卽召使講解臨朝奏事至僚面
議可否必命孝孺就展前批答言聽諫行不愧昭
烈孝孺嘗作書事詩曰斧展臨軒几視聞春風和
氣滿龍顏細聽天語揮毫久攜得香煙兩袖還風
軟形庭寒尙薄御爐香繞玉闌干黃門忽報文淵
閣天子看書召講官其相與如此靖難兵入自念
必死乃作絕命詞畧曰天降喪亂兮莫知其由奸
臣得計兮謀國用猶忠臣發憤兮血泪交流以死
殉君兮抑又何求嗚呼哀哉兮庶不我尤旣而死

姜氏秘史一

九

廣孝薦之草詔文廟遣召數回竟以衰服往投筆
慟哭不能止文廟不悅而詔之辭益厲旣而曰若
稱周公成王安在命割其舌孝孺含血犯御座文
廟大怒磔之詈至死遂誅其宗親八百四十七人
焚夷方氏墓後仁廟嘗與近臣論及曰孝孺是个
忠臣永樂二十二年十一月御書付禮部尙書呂
震建文中奸臣正犯已受顯戮家屬初發教坊司
錦衣衛浣衣局并習匠及功臣家爲奴今有存者
旣經大赦可宥爲民給還田宅於是惟一子婦得
歸還族卽其故居立祠祀之成化中甯海知縣宜

春郭紳復新其祠取所著遜志齋集四十卷拾遺
十卷梓行於世又有周禮考次大易枝辭武王戒
書註帝王基命錄文統宋史要語諸書皆逸不傳
正德間遺族方主祠事初孝孺被召入京王叔英
預以書告之曰天下事有可行於今者有行於古
而難行於今者可行者行之則人之從之也易而
樂其利難行者行之則人之從之也難而受其患
此用世所以貴時措之宜也孝孺好古故叔英及
之建文中改舊制求天下利弊而欲新之靖難兵
起日召之謀議詔檄多出於孝孺嘉靖初南京兵

姜氏秘史一

十

部郎中永豐夏尙樸讀其遺文歎其詞義雄偉不
讓歐蘇惜其說理虛無着於意其致用亦然斯
言得之說者又謂孝孺與景隆父子交誼甚篤景
隆帥師北伐實由孝孺旣而兵敗漸有異志人多
知之告於帝帝雅信孝孺遂不復疑卒成開門之
變蓋不免於誤國云記曰夷齊採薇子路結纓
其志烈矣然其從容就義乃得處死之道後世遂
有不勝其憤肆詈言以召奇禍者孝孺負剛毅之
氣奮雄博之辨致使不能窮詰故其受禍之慘極
於一時君臣三代以來所未有也後十餘年文廟

言及輒足頓憤憤不能平其當時論可知夏進士
過孝孺祠題云一个爲忠九族亡全身遠害亦天
常夷齊死後君臣薄力與君王繼首陽君子以爲
然

鄭居貞徽州人父潛有文名國初歷任潞州一作州

同知洪武中居貞以明經舉授鞏昌府通判陞禮
部郎中甚見重太祖時至河南布政司左參政以
永樂初坐累死於南京有閩南集關隴行藁歸來
藁隨檜庭藁子孫因留住居福建瓜山方孝孺之
爲漢中教授也居貞以詩送之孝孺亦嘗贈之文

姜氏秘史一

十一

謂其爲參政三年而去吏民以不能留爲憾事在
洪武二十三年然其坐累歲月不可攷蓋亦因孝
孺之故云

魏澤字彥恩應天府溧水人有孝行累遷至刑部
尚書先是燕邸南下姚廣孝請曰殿下至京須全
方孝孺殺此人則天下讀書種子絕矣上納之既
至建文帝亡去遂召孝孺問曰我以周公匡成王
而來成王不在當議所立對曰殿下既以匡王室
而來成王不在當立成王之子忤旨因有滅十族
等語上大怒卽收捕其族黨盡誅之澤是時謫爲

甯海典史當捕方氏時悉力保護既免於辱且資
以行費後過方孝孺故居賦詩曰荀與衡雨過侯
城撫景令人感慨生黃鳥向人空百嘯青猿墮淚
只三聲山中自可全高節天下難居是今名却憶
令威千載後重歸華表不勝情聞者壯澤之言

王稔字叔豐祖禕死國父紳自有傳稔少有志向
從學方孝孺甚爲所器許妻以女未及也嘗周卹
其族又嘗與孝孺表姪鄭珣至聚寶門外求其遺
骸葬不可得卒逮繫文皇帝念祖禕死國之功特
從宥免且方嚮用也而稔以疾力辭讀書青岩之

姜氏秘史一

十二

下將終身焉後輯方氏遺文爲侯城集以傳世咸
義之稔性至孝初紳痛念父沒每食必斥兼味稔
遵其教子孫相承閱數十年不變事母丁如事其
父送終盡禮三年酒肉未嘗入於口學問該博士
之從游者日眾郡邑交重之所著有青岩藁聖文
纂金華賢達傳續文章正宗卒年五十九門人私
謚曰孝莊先生

釋刺面正軍及囚徒還鄉里 後洪武三十五年七
月復拘入伍
十二日革都察院司獄四員

十六日革天下陰陽學醫學衙門 羣臣議其無別
辨又所隸皆有司版籍爲戶詔革之
立孝陵衛設經歷司

以黃子澄爲太常寺卿

黃子澄名湜以字行袁州分宜人少從邑人歐陽
貞受易周與學受尙書清江梁寅受春秋博士員
俊聲游鄉校同舍避席推爲高等嘗賦寒江把釣
圖及枯梅詩人爭誦之洪武癸亥應貢入太學明
年定科舉之制中京闈鄉試第二乙丑會試第一
進士及第第三授翰林院修撰尋兼春坊官侍東

姜氏秘史一

十三

宮講讀累遷太常寺卿皇太孫立諸王以叔父之
尊多不遜服一日太孫在東開門召子澄告曰諸
王尊屬各擁重兵何以制之澄以漢平七國事爲
對太孫喜曰得先生謀吾無慮矣及卽位時周齊
湘代岷五府相繼煽動朝罷召子澄謂曰先生憶
昔者東開門之言乎子澄曰不敢忘也然事幾甚
密與齊泰謀之時有告周王櫛者遂遣李景隆往
執之詞連代湘齊三王徙代王於邊以兵圍湘王
於荆王狼狽自焚死執齊王樽囚之京師岷王榘
降爲庶人燕王亦加譙讓朝廷以子澄爲功褒賞

之元年三月命都督宋忠等練兵北方七月靖難
兵起首以誅齊泰及子澄爲名耿炳文旣敗詔以
李景隆率兵百萬以往景隆自負文武方子澄授
以指畫景隆依違而已子澄甚憂之未幾景隆戰
敗奔還京師赦不誅子澄哭諫曰景隆出師無紀
意在觀望不誅之以謝宗社何以懲將士不聽已
而徐凱盛庸繼踵敗衄顧成等皆降子澄撫膺大
慟曰大事去矣萬死不足贖誤國之罪矣乃賦一
詩以志痛詩曰仗鉞曾登大將壇貂裘遠賜朔風
寒出師無律真兒戲負國全身獨汝安論將每時

姜氏秘史一

十四

悲趙括援夷何日見齊桓尙方有劍憑誰借哭向
蒼天幾墮冠聞者哀之尋用廷臣議詔誦齊泰及
子澄於遠方以快敵意其實陰使之募兵也時諸
將獨守淮南而文廟之師渡江矣景隆開門迎謁
尋有詔執子澄等責之不服子澄遂死之命赤其
族一子逃難易姓爲田經宥後乃復姓家湖廣之
咸甯至今不絕今有登進士科者嘉靖初提學僉
事邵毓命知府羅輅立祠祀之成化間刑部尙書
彭韶著哀江南詞曰臨江號名郡佳麗傳自昔豈
不產異人爲茲壯顏色云何百年間不見有遺跡

館人聞我言掩袂長太息扣之至再三欲語還跋
踏爲言有奸臣名字不記憶道是練子甯

內臺司風紀適遭陽九厄飛簡論魏曹戮力
事討賊膠固不知幾祇顧順與逆

奇禍嬰六戚茲事有始末

賤子請折一神考早謝世太孫推正嫡母妃開平
家元勳載帝室姻婭盡雄豪健鬪萬人敵隱然九
鼎重

嫌隙一以開讒言肆罔極居然
尾不掉大都勢耦國時有黃子澄輕佻故無匹伴
讀

東室踪跡類叔文論事時造膝

姜氏秘史一

十五

一旦剪侯王忽徃何太急細人間大體國釁此焉
隙漁陽動地來六軍盡股栗齊泰爲司馬折衝乃
其職堂堂正正旗誓書嚴紀律內則方孝孺早學
富經術倚馬草檄文樞機資密勿又有黃門迪自
少稱英特五畝給繙黃異端恨至骨餘者亦黨人
我今半遺失當其橫行時俱立萬仞壁之死矢靡
他鼎鑊甘如蜜仰視三光明萬古常昭晰俯視五
岳尊神維賴以立父母豈不顧天常不可易妻子
豈不愛吾分自當適寄語謝諸親業緣皆宿積憤
無我怨尤怨尤竟何益所貴賢士模萬段死奚惜

後來奸佞儒巧言自粉飾叩頭乞餘生無乃非直
筆簿書日埋 欲昏塞乍聞毛髮豎空拳幾
欲擊孤燈 夜長四壁蟲聲寂耿耿不成寐此意
誰能識聖人順天命四海瞻曉日爾何守慧愚甘
心致族滅不觀解與胡乘時附鳳翼恩寵日月加
聲名重簡冊

以平江縣知縣陳彥回爲徽州府知府

彥回字士淵號內齋興化府莆田人父立誠舉秀
才爲保德州知州改應州左遷博白縣知縣坐事
廢十六年復起爲歸安丞尋以事致大辟籍其家

姜氏秘史一

十六

弟彥回成遠東彥回及祖七秀祖母郭氏母塗氏
子善需並成滇南比至蜀惟彥回與祖母郭得存
時遇赦不及彥回監送者哀而釋之貧莫能還乃
依鄉人定遠縣尹黃積良遂從其姓更名禮稱郭
爲母未幾積良去位乃依南充縣丞于仲和其後
閩中教授嚴德政知彥回通尙書薦爲保甯府學
訓導九載考績至京侍殿陛承顧問者四十三日
高廟悅之擢知平江縣蒞任甫十三日高廟晏駕
彥回捧香入臨給事中楊惟康等以文學廉幹薦
遂陞徽州知府彥回下車甫數月政教一新士民

咸悅明年爲革除己卯以考覈稱職蒙賞資甚厚
其年冬郭氏卒當承重持服徼民汪侃詣闕奏乞
奪情終任不報彥回衰經赴闕疏其改姓歷官情
罪乞正明籍疏入報可特宥爲民尋復其官釋彥
因遼東之役彥回復上疏終制不許詔遷葬其祖
母父母畢卽蒞郡視事每旦必哀奠如禮士民因
名其山曰太守山彥回自慝官以避難亡命更易
姓名爲非禮恒悒悒不自安屢欲陳旨輒自籌曰
祖母年旣高萬一蹉跌將託之何所隱忍二十餘
年至是始得行其志識者偉之後靖難兵起彥回

姜氏秘史一

十七

奉命召募義勇至京適彥回至自遼東邂逅旅邸
悲喜交集郡中士人曰曹從善者偶聞而往賀焉
彥回謂曹曰子荷朝廷再造之恩此生再生不足
以報萬一余固有以處之矣到郡遣我弟歸以治
家事余身許國他不卹也子其爲我述一詞以道
我家顛末仍爲索名筆書務本兩字以遺之俾知
孝弟爲修身克家之道曹唯唯因已知彥回之必
殉國矣未幾復蒞郡會靖難師已渡江彥回率義
勇赴援而勢已不及文廟繼統械至京師不屈而
死壬午十月十五日也時年四十七

二十四年革建昌府盱江遞運所南城縣藍田巡檢
司
改河南陳州淮陽加遞運所爲潁岐站遞運所隸商
水縣

以戶部主事夏原吉爲戶部右侍郎

七月十三日召前河南布政司右參議董倫還自雲
南擢禮部右侍郎兼翰林院學士

倫字安常東昌恩縣人世居燕之宛平自爲儒士
處山林間布褐藜藿已懷憂世之志學者多從之
游以所居具川稱具川先生元末徵辟不出世高

姜氏秘史一

十八

其行國初擢用單縣儒士張甯洪武十五年甯以
倫薦遣使徵之以爲春坊贊善大夫賜冠帶事懿
文皇太子其所陳說多忠孝之言太祖皇帝聞而
善之十八年正月由春坊右贊善陞左春坊大學
士賜綺六疋鈔五千錠會東宮晏駕二十五年出
爲河南左參議在任盡心民事名其思政之堂曰
後樂方孝孺爲之記嘗草封事數千言無一不愜
上心者二十六年上書薦肇州吏目諸葛伯術太
祖遽擢爲陝西參議三十年以誑誤坐免典教滇
南東宮憐其老賜以白金若干錠倫行至成都蜀

獻王深寵之賦詩八章以送行至滇凡作養成就
用夏變夷漸摩膏 皆出於仁義道德故雖蠻夷
童豎皆知向方洪武三十一年閏五月建文卽位
眷戀東宮舊臣屢詢久之左右多言倫可用卽召
至京師慰勞備至拜嘉議大夫禮部侍郎兼翰林
院學士與方孝孺皆入館閣傳經史是年七月十
三日御書怡老堂三大字及絲几玉鳩杖各一賜
之倫上表謝初監察御史解縉嘗代夏長文作劾
袁泰書泰卿之因肆誣斥太祖令縉十年著作始
許擢用未及期會太祖賓天縉遠赴臨權臣謂赴

姜氏秘史一

十九

臨非詔旨遂謫河州縉與倫書祈援歲餘權臣出
倫爲言之乃召縉還以爲翰林待詔其汲引人才
類如此倫爲人質直敦厚富文學爲時所重革除
間屢懇言當務親睦不聽太宗卽位時倫年八十
餘有旨令致仕出京悒悒成病數日卒
二十三日周王橚有罪遣曹國公李景隆往問逮其
護衛官軍廢櫛爲庶人景隆受賄至金寶七擡
二十四日革左右給事中
二十五日增神樂觀知觀一員 六科都給事中
舊

三十日革北平府常慶鄭村二壩衙門
以周府奉祠正周是修爲衡府紀善

八月八日增國子監司業一員

九月立浦江縣毛塘巡檢司

十四日革鞏縣廖子王站遞運所

十八日增置浙江江西湖廣福建山東山西河南陝

西布政司揚州府各織染局局置大使一人副使一

人

十九日以臨江府推官劉翼爲知府

二十四日革鳳陽府屬鳳陽縣蚌埠站穎上縣穎陽

姜氏秘史一

二十

站聶家灣站太和縣要灣站舊縣站穎川乾溝站泗
州黃崗站雙溝站壽州下蔡站獨溝站凡十三遞運
所開封府陳州穎岐店站項城縣緝店站蔡河站祥
符縣金梁站太康縣長領站扶溝縣義聲站通許縣
青岡站滎澤縣通濟站陽武縣城南站凡九遞運所
懷慶府濟源縣小交村站孟津縣下孟里站凡三遞
運平陽府垣曲縣梨樹交斜陽壺站絳縣乾澗橫嶺
夏縣常村閏壽城西東鎮安邑縣運司陶村凡十遞
運所 出南京吏部卷

遣都督同知何福佩征虜將軍印總兵征百夷都督

徐凱等從

以兵部尙書茹瑯爲吏部尙書工部侍郎練子甯爲
吏部左侍郎蹇義爲右侍郎 今南京吏部卷內有
三十一年十一月尙書茹瑯奏保舉人材案先是四
月子甯以工部右侍郎掌吏部事署卷

練安字子甯以字行臨江新淦人父伯尙洪武間
爲起居注以直言忤旨謫廣德州同知後遷臨汀
鎮安二府通判卒於官安性資英邁志操不凡幼
從鄉長者竹莊先生遊竹莊命賦水竹村居有干
山暮雨石泉通一夜春雷龍箠長之句竹莊甚奇

姜氏秘史一

二十二

之游邑岸與金幼孜相友善嘗謂之曰子異日必
爲良臣我必爲忠臣洪武甲子年領鄉薦明年入
對大廷極言今日朝廷用人徇其名而不求其實
以小善而遽進之以小過而遽戮之因歷陳古人
所以教養任用之道言甚剴切不顧忌諱高廟嘉
之擢第二名進士及第授翰林院修撰安益以名
節自砥礪於是聲望藹然中外咸以文學行義稱
之未幾以母喪去位杜門屏迹力行古喪禮服闋
陞吏部左侍郎時建文君初嗣位安進賢退不肖
多所建白與方孝孺等特見信用尋遷左副都御

史後改御史大夫靖難師起安極論曹國公李景
隆奸邪不忠一日於朝班內執景隆數其罪奏請
誅之不聽安憤激稽首請先伏誅遂罷朝師渡淮
靖江府直史蕭用過衡府紀善周是修上書論大
計指用事者罪過書下羣臣及兩人議用事者怒
盛氣以詰兩人安言國事至此尙不容言者乎顧
所論我過有則改之無則加勉詰者愧而止壬午
年六月有詔治奸黨安不屈遂族誅之姻戚被論
死者百五十一人戍遠方者又數百人惟吉水錢
氏得免錢習禮仕於朝爲鄉人所持恒懷不安以

姜氏秘史一

二十三

告少保楊榮乘間以聞文廟欣然曰使練子甯今
日在此朕固當用之耳况習禮乎後同知王佐緝
安遺文一帙序之曰金川玉屑集提學副使李夢
陽始命有司梓之又立金川書院祀安父子名其
堂曰浩然云

二十九日增置兵部武選職方二司主事四員
以兵部左侍郎齊泰爲兵部尙書右侍郎劉儁爲左
侍郎郎中盧淵爲右侍郎 是時兵科給事中王坦
康健兵部郎中 賢潘行杜禹祈昭員外石朴張子
真

齊泰應天府溧水人洪武丁卯鄉貢進士始名德後受知於高廟改賜今名筮仕禮部主事一日雷震謹身殿上躬禱於天擇九年無過官員陪禮泰與焉乙亥爲兵部左侍郎戊寅進本部尙書嘗被召問邊將姓名泰歷數無遺又欲考諸圖籍泰出袖中手冊以進甚悉自是益承眷遇及上乘羣臣泰與受顧命輔嗣君奉命使燕賂之泰受之歸請以所賂爲兵費上奇其識口見倚重及燕藩將入臨至淮南泰言於上曰令人資勅符使歸國及靖難兵起泰主征討之策命將出師多其籌畫嗣君

姜氏秘史一

二二二

惟召學士輩討論周官法度處便殿弄柔翰而已詔闕外事一以付泰泰遂移檄指斥親王或難之泰怒曰名正言順敵乃可服是何言耶語聞靖難師遂首以誅泰爲名泰以谷王穗漏師遁還慮遼甯二府爲變召還京師甯王權與燕合惟遼王植至始與燕戰猶有勝負及勢不可支乃謫其官以求解兵時二年七月也李景隆以書與燕謂齊黃已屏竄遐荒可息兵矣燕不信進兵益急尋召泰還而京城已定嗣君出走泰追之不及至廣德州語在王叔英傳旣而被執泰不屈遂見殺其從兄

弟敬宗等皆死叔時永陽彥等皆充軍有子甫六歲給配後赦還今子孫猶有存者以雲南右布政使陳迪爲禮部尙書

迪字景道甯國宣城人世居麻姑山西村曾祖巨卿元江州路總管祖宥賢父仲康撫州守禦千戶所百戶迪自幼儻有志操洪武中辟郡學訓導己未以通經召除翰林院編修乙丑二月陞侍讀豫修大典辛未八月陞山東布政司左參議捕蝗弭盜民甚德之甲戌六月丁內艱奪情起復辭不允乙亥二月陞雲南左布政使時普定曲靖烏撒

姜氏秘史一

二二四

烏蒙等處苗賊猖獗迪以土兵擊破之獻俘於朝有白金綵幣之賜戊寅八月徵詣行在陞禮部尙書特授榮祿大夫庚辰水旱有旨集議迪言刑獄未清宜勅法司擇公廉仁厚者分詣諸郡縣覆審獄囚無令久淹致傷和氣又言逃民家業旣喪且畏公私逋負之迫矣失今不卹必嘯聚爲患宜使有司招徠之其不願歸者聽附籍田暫免其差役則民安而盜息矣上皆從之辛巳二月加太子少保辭所兼俸不受靖難師起迪與黃子澄等上疏陳論大計迪受命饋運糧儲於外過家未嘗入聞

變印赴京師掌禁旅

征虜前將軍雲南總兵西平侯沐春卒

此語原闕從朱白民說補

沐春字景春年十七從父英平西番又從征雲南

有功冬江西僭寇順天王扇諸郡作亂春與征先

登藏之乙丑秋受驃騎將軍僉後軍都督府事廷

臣請試職太祖曰是兒我家人非他比也俾實授

春剖決如流嘗錄囚烈山奏釋數百人擒逆黨那

于蔚州開釋誣誤亦數百人壬申英薨於雲南萬

里奔赴冀西平侯爵鎮雲南一遵父道謂屯田為

政要務歲較多寡賞罰稽功乃倍饋餉以足癸酉

姜氏秘史一

二五

春細甸暨東川夷相繼作難春調都督罷能授以

成算俄皆殄平甲戌春復平越傷番寇越州蠻阿

資者倡亂西南朝廷費數百萬之師往往無功春

卒平之麓州宜慰思倫發為其下所圖戊寅四月

破刀干孟諸若誅其渠餘釋復業自是百蠻震懾

不復搆貳拜征虜前將軍命盡平其地功未竟而

春以九月十二日卒矣時年三十六帝悼恤遣官

就祭命有司護喪至京復諭祭者再賜諡惠襄春

沉毅果敢明識絕倫在鎮七年闢田至三十餘萬

畝復人戶至五千餘又嘗鑿鐵池河灌田數萬畝

民受其利

二十日革五軍都督府斷事官 是日復設大理寺

置卿一員左右少卿左右寺丞各二員餘官左司左

司正一員正六品左司副一員從六品左評事六員

品同左右司務二員從九品先是大理寺革至是復立

二十六日革廣通鎮批驗茶鹽 長星西隕有聲如

雷

以張鳳等為錦衣衛千百戶等官有差 初太祖崩

於西室室人殉葬者若干人其近親張鳳李衡趙福

張弼汪濱孫瑞王斌楊忠林良李成張敏劉政等以

姜氏秘史一

二六

錦衣衛所試百戶散騎帶刀舍人進官本衛千戶百

戶靖難初革建文間陞除官張鳳等亦在革中文廟

日他每這幾家都是孝順的職事不動都調孝陵衛

支俸不管事今尚稱太祖朝天女戶官世世襲授

十月四日征虜將軍何福進兵金齒

貶安陸侯吳傑為廣西南甯衛指揮使

增置尙寶司少卿一員

六月革邵武府泰甯縣河泊所

十五日增置陝西洮州茶馬司

二十一日革大昌縣并儒學 縣隸夔州府至是革

二十五日革衛州府藍山縣毛俊堡張家小山堡三
巡檢司

以戴元禮爲太醫使

元禮金華人名思恭以字行學於朱彥修初以御
醫事太祖大漸時常目之曰此人仁義頗憶之故
有是命後遼王來朝爲書仁義卷肅慶二王爲之
贊咏董士爲之跋或云文皇時以舊恩陞院使非
也時蔣用文爲御醫

召總兵官左都督楊文還京師

文合山人以開國功累官都督洪武丁丑春正月

姜氏秘史一

二七

命往遼東練兵屯田七月召還俄充大總兵官征
虜前將軍率京師湖廣江西兵征五開太祖以詩
送之自總兵顧成以下悉聽節制冬先諸將還京
戊寅夏五月復充總兵官揀選北平行都司及王
府護衛精銳馬步官軍往開平禦備太祖崩未幾
召還永樂丙戌正月卒

十一月十三日立金華府義烏清溪巡檢司

十二月癸丑帝省牲於郊祀壇

四日復置工部照磨所

九日增設開封府常盈庫大使一員青州府將楹庫

大使一員立福建下里場鹽課司

十五日革青州府博羅縣陳遞站益都縣北門外樂
安縣樂安臨淄縣古城凡四遞運所

二十一日革紹興府蕭山縣錢清北壩

省衛輝府胙城縣儒學訓導二員

二十八日省永平府江華縣縣丞主簿各一員

罷吏部尙書茹瑄雲南左布政使張統爲吏部尙書
張統字昭季號鷄菴西安富平人父月川文行知
名統由明經舉爲東宮侍書才識通敏懿文皇太
子器重之洪武十二年冬陞通政司左參議尋出

姜氏秘史一

二八

爲雲南右參議進左布政使凡土地貢賦法令條
格祀神壇祠公署廨宇與夫上下典儀公用程度
悉裁定之夷民心孚遠邇奠安二十年三月秩滿
入覲考功能爲天下第一賜璽書勞之曰曩者討
平西南夷命官撫守爾統實先赴任今五年矣言
出則諸夷聽服令布則四野懽抃皆由誠信相孚
克恭乃職今來朝不待考而朕知其功出乎天下
十二牧之首故嘉汝績復命乃治黔南汝欽哉遂
遷治三十一年召爲吏部尙書會修太祖皇帝實
錄被旨試翰林之任編纂者考第高下而官之時

楊士奇以教官徵入翰林亦在試列統讀其策獨
喜曰明達時務有用之才不但文辭之工也以爲
第一奏授王府審理士奇由是著名後果大用其
知人之鑒若此壬午六月靖難之師入京城討奸
黨統與焉及上卽位召統與王純諭曰卿二人久
事皇考習知典故今皆老矣其解職務予給尙書
半俸居京師視時政有疾舊制向朕直言無隱庶
稱厚望老成之意統懼自經於部之後堂

以茹瑞掌河南布政司事尙書如舊

茹瑞衡州衡山縣人面骨深峻身長八尺相者謂

姜氏秘史一

二十九

封侯而不令終洪武中以貢入監吏部試居第一
累官至右通政甚稱上意舊令中外文武服勤在
官者復其家上以瑞卓異并其田塘園林一切稅
租悉蠲之其叔父弟詣闕謝及陛辭賜鈔十錠仍
勅光祿寺賜酒有瑞詣其門餞之累遷兵部尙
書太子少保革除間以尙書掌河南布政司事靖
難師起瑞主兵餉及迺近京師詔以諸王分守諸
城門遣李景隆都督王佐及瑞往龍潭見太宗瑞
望風納款未幾遂入京羣臣未有言瑞獨先於上
前稽首勸進及卽位以瑞有奉天征討功封奉天

翊運守正文臣特進榮祿大夫柱國太子少保兼
兵部尙書忠誠伯食祿一千石子孫不世襲賜券
文有內外一人中流砥柱之褒詔以秦王第二女
長安郡主下嫁其子鑑禮遇優渥賜賚不可勝算
後乞骸骨得致仕於家尋以事逮至京師死於獄
宣德初徵其幼子鏞以父勲與官鏞不敢受蓋鏞
以瑞在功罪之間也

以工部右侍郎張昂掌北平布政司事 吏部卷內
有洪武三十一年五月二日工部侍郎張昂奏事

昂山西澤州人國初舉人材建文時遷至禮部侍

姜氏秘史一

三十

郎會諸藩不靖廷臣建議凡藩國所在悉更置守
臣以素負重望者居之乃以昂爲北平左布政使
至察文皇帝必起兵遂與都指揮謝貴以在城七
衛及屯田軍士列九門防守飛章奏聞有搽吏李
友直者智諂人也昂以腹心寄之友直乃竊其章
密獻王府而都指揮張信亦告貴之謀會朝廷遣
內官逮護衛官僚至府文皇帝遣使逼召昂及貴
入至端禮門爲燕山右護衛副千戶譚淵所執昂
及貴皆不屈而死時己卯七月六日也昂得屍還
葬文皇帝登極族其家生焚近戚口口程輩其疎

戚及同里人咸分遣戍邊後上屢夢曷等被髮爲厲命出其屍焚而棄之曷面猶如生者有一子逃去不知所之或曰養子也洪熙改元詔曷戚屬戍邊者家籍一人餘縱之還里曷家墳在水南去州城之東三十里正德庚辰春正月知州馬汝冀立祠祀之

以王鈍爲戶部尙書

鈍字仕魯河南太康人洪武間由吏部郎中爲福建布政司參議陞參政寬慎廉介民懷其惠革除年間遷戶部尙書靖難師至鈍走出城外已而歸

姜氏秘史一

三十一

附文廟登極召見之曰爾向輔建文間朕骨肉今何顏耶鈍頓首慙謝命降布政使仍令致仕快快成疾死子淪官至戶部侍郎

以鄭賜爲工部侍郎

鄭賜字彥嘉建甯甌甯人乙丑進士除監察御史陞湖廣布政司右參政丁艱起復改北平布政司坐事謫安東屯革除間召爲工部尙書太宗登極轉刑部後改爲侍郎趙玘讒間以憂死文廟初贈太子少師諡文安

監察御史尹昌隆上書帝嘉納頒示天下

尹昌隆者江西泰和人也洪武中舉進士及第第二人授監察御史建文初人主視朝頗晏昌隆諫曰昔太祖高皇帝鷄鳴而起昧爽而朝未嘗日出而臨百官於是乎戒懼故能庶績乂安陛下嗣守大業因而追繩祖武兢兢業業憂勤萬幾未明求衣日盱忘食常有不及者蓋天下之大四海之廣兆民之衆不可不勤以撫之也今乃卽於晏安日刻甚晏猶未臨朝羣臣宿衛疲於候伺曠職廢業上下懈弛流爲陵遲臣恐播之天下傳之四夷非爲社稷之福也帝以昌隆所言切中朕過禮部

姜氏秘史一

三十二

可徧行天下使朕有過人得而知之及太宗文皇帝舉兵南向昌隆上書言今事勢而北來章奏有周公輔成王之語不若罷兵息戰許其入朝彼旣欲申大義於天下毋使相違戾設有蹉跌便須舉位讓之猶不失作藩王也若沉吟不斷禍至無日進退失據雖欲求爲丹徒布衣不可得矣不報文皇入南京命捕齊泰黃子澄方孝孺昌隆等爲奸黨同驥出戮之昌隆當陞大呼曰臣當時會上章勸以位讓陛下奏牘尙在可覆案上乃命緩昌隆刑閱其奏上流涕曰火燒頭若早從此言則南北

生靈受禍未至若是之酷朕亦無此勞苦也詔特
貸昌隆死且諭之曰朕長子在北京爾往視之爾
能盡誠輔導朕不忘爾遂改北平按察司知事昌
隆頓首謝永樂二年冊立尋與嫡庶議授昌隆左
春坊中允前後在東宮隨事匡諫多所補益漢庶
人廢之踰年出爲禮部主事尙書呂震方承寵用
事屬官惟諂附取容而已昌隆獨以剛直自處震
獨處則必有密謀深計官屬相戒無敢白事者而
昌隆適有事往白震怒不已昌隆未喻移時又白
之震愈怒拂衣起曰事當行自行何問爲昌隆跋

姜氏秘史一

三三

踏而退謀於所知者或謂之曰今既請不得公舊
客宮僚皇太子素知公何不啟取令旨行之昌隆
從其計果得令依所請震大怒遂奏昌隆傲暴剛
愎事多專行臣以職守相臨動爲所拒無屬官禮
且身爲王官事無大小並須上奏而乃假託宮僚
怙賴恩私陰欲樹結故不之父而之子其潛蓄無
君之心可以槩見矣又言昌隆身事庶人名在黨
籍僥倖苟免見利忘義其心叵測其行匪良不宜
任用上乃命逮昌隆下獄尋遇赦復官丁父憂
服錦衣衛獄且籍其家上方巡狩西京凡下詔獄

率與載以從謂之隨駕重囚昌隆與焉後數年谷
王謀反事發辭連昌隆處以極刑以曾經保奏爲
長史乃坐以共謀詔公卿雜問昌隆初不服力辯
不已震折之昌隆知不可免乃無言獄具上上竟
夷其族是年震病面疽痛不可忍宛轉牀褥間常
號呼曰尹相尹相其妻子問之云見昌隆手欲殺
之竟死

以謝貴爲北平都指揮使

謝貴官指揮參事洪武末黃子澄齊泰建議削奪
侯王事時燕藩稱病泰謀以備虜爲名乃以貴爲

姜氏秘史一

三四

北平都指揮使張昂爲布政使俾通王府官屬覬
察動靜元年二月朝廷師至燕約貴先發六月貴
等在城七衛并屯田軍士布於城內填溢街巷
追圍王城外牆又以木柵斷端禮等四門燕王聞
之曰我病不出雖塞之可也已而軍士登城擐甲
執兵飛走入王城四面鼓噪震動城內七月王乃
命指揮張玉朱能等帥護衛勇士八百餘人應之
能請先擒謝貴張昂王曰彼防守旣密猝難擒之
須以計致之可也今朝廷遣內官來逮護衛官屬
悉依所坐名收之就令差內官召貴昂付所逮者

則貴冑必末來則縛之一夫之力耳乃匿壯士端
禮門內遣人召貴冑久之乃至衛從甚眾至王門
門者呵止其衛從惟貴冑得入至端禮門內壯士
出擒之其後者猶未知移時貴冑不出稍稍散去
將士聞二人被擒皆散走玉等率勇士捕之是夜
玉等攻九門黎明克其八惟西直門未下王命指
揮詹雲單騎往諭守者皆散乃盡克九門上親問
貴冑乃知其謀出於齊黃遂上書請誅之於是靖
難之師出矣

以進士曾鳳韶爲監察御史

姜氏秘史一

三五

鳳韶吉安廬陵人洪武末年進士高廟升遐後授
監察御史時藩王入覲有馳皇道入且不拜者鳳
韶時侍班有殿上宜展君臣之禮宮中乃叙叔姪
之言聞者駭愕靖難師起議遣使致書請罷兵入
國無敢行者鳳韶獨請行至軍前不納取竹通竹
節鼓風蓬之亦不報既而歸第支廟卽位嘉其直
復以御史召不赴尋加侍郎召又不赴仍刺血書
憤辭于襟其畧曰子生居廬陵素負骨鯁慨一死
之得宜可以含笑於地下而不愧於天祥矣囑其
妻李氏子公望勿易衣遂自殺時年二十九歲李

氏亦死於節云

以流人劉有年爲太平知府

有年字大有其先本廬陵人元季徙家沅州洪武
中以明經起家擢監察御史學行焯焯有稱尋以
辭官養母忤旨謫通州擺站間於州故家得儀禮
經十八篇上之詔藏秘閣建文卽位復起太平知
府丙子之春與王紳遇以道義相勗文廟入正大
統以不肯迎駕謫雲南黔國公知其賢進諸子從
學且薦於朝及交趾平起爲交趾按察司僉事其
卒也尙書黃福誅之曰江湖胸次洙泗規模文宗

姜氏秘史一

三六

韓柳學本程朱其爲名流所推如此惜欠革除君
一死耳

以右都督沐晟襲封西平侯充總兵官鎮守雲南
晟春之弟春卒未幾晟襲爵鎮雲南永樂中以平
交趾功封黔國公追封定遠王賜諡敬忠
以何福爲右軍都督同知

國初福奮立武功爲指揮使洪武辛酉潁川侯傅
友德永昌侯藍玉西平侯沐英三將軍征雲南福
與有功來獻捷再僉都督事戊辰北征捕魚兒海
俘獲萬計辛未充平羌將軍代領西平侯兵討阿

資氏寅三月掄永南酋十八加如麓州叛魁刀干
孟降其衆七萬自是百蠻畏服南鄙甯謐擢貳都
督府

以燕府參軍事訓導康汝楫爲安岳縣知縣

汝楫武功人以儒術薦起爲燕府訓導饒習畧文
皇在邸特與密議朝廷頗疑之改安岳縣知縣縣
在漳州南四百里號難治汝楫公勤蒞政撫馭有
方善績日著永樂以舊臣召民遮道涕泗留之未
及擢北京刑部左侍郎比卒官其二子爵上林苑
監左監正禮監副爵累官至太常寺少卿禮通政

姜氏秘史一

三七

司參議

召宋懌還京師

懌金華人故翰林學士承旨宋濂之孫也濂嘗授
先太子經以孫慎累謫夔州帝卽位念濂皇考舊
學之臣召懌復官翰林

詔求直言舉山林巖穴懷才抱德之士 帝虛心圖

治惟日不給下詔求直言令內外羣臣各舉逸士於
是壽州學訓導劉亨疏言六卿秩當與五督府等國
子監祭酒不當位在太僕卿下諸將子弟宜設武學
教之上納覽授亨武進崇仁學訓導羅恢被薦上書

論政入史館同修太祖實錄吉安府知府朱仲智薦
蕭用蘇州府同知姚善薦錢芹用授靖江府直史芹
授戶部司務

遼人高巍者事母蕭至孝蕭老癩疾巍奉侍湯藥
不懈母亡廬墓蔬食三年洪武壬戌應貢入太學
甲子以孝行旌表尋授前軍督府試左斷事乙丑
上疏欲墾河南山東北平兵後荒田抑木技慎選
舉惜名器數事太祖深嘉納之後以斷事不稱旨
當罪以議賢謫戍貴州關索嶺仍許以姪代役帝
卽位上疏陳論時政請加恩諸王疏曰我太祖高

姜氏秘史一

三八

皇帝遭胡運之大更羣雄並起龍飛淮甸芟除羣
雄東征西怨混一區宇中國既定惟有四夷命將
征討高居九重神謀聖算所向克捷海內之國五
帝三王不能服者皆來臣服無不納貢而効職焉
比之漢高誠以爲過正所謂我武惟揚于湯有光
雖因天與人歸實賴我太祖皇帝有文王純一之
德大行皇后有后妃不妒之行則百斯男無不穆
穆皇皇宜君宜王者矣故世之本宗百世爲天子
支庶百世爲諸侯上法三代之公一洗孤秦之陋
於是體三代封建分茅胙土先封形勢之地陝西

百二山河昔人有言一夫當關其人悍勇西隣吐蕃以藩王之長秦府王之山西表裏山河地產良馬屈產之乘在焉其人剛壯所謂山西出將者也北近胡虜故以晉府王之其燕府雖無名山大川之限其南冀州真定保定順德廣平大名等府所謂桑土之野地里坦肥沃其供賦之饒不待言而可知其北雖曰沙漠寒冷不毛之地廣畜牛馬其地土之人不耕不蠶皮衣肉食弓馬是務遼金發元藉之而各興一代之業故以燕府王之其四川雖曰西南一隅山河阻深劉備諸葛據之而虎

姜氏秘史一

三十九

視吳魏者也故以蜀府王之其餘楚湘齊兗甯遼谷代慶肅星羅碁布比之古制雖皆分封過當然太祖之聖意莫不欲護中國而屏四夷也今各處親王固多驕逸違犯朝制者朝廷紀綱不立削之則傷親親之意此我皇上之所難處也賈誼曰欲天下之治安莫務於眾建諸侯而少其力力少則易使以義國小則無邪心令海內之勢如身之使臂臂之使指莫不率從真裁制諸侯之良策也當今之勢以臣愚見莫聽晁錯削奪之策當行主父偃推恩之令秦晉燕蜀其餘甯遠代谷慶肅等府

類比而分王之小其力而少其地如此則藩王之權不削而自弱矣至又願皇上待遇親王薄其貢而厚其恩當盡親親之禮如歲時伏臘外國所貢稀罕之物并京製嘉馨美味命使臣頒送就問起居安否何如其賢如漢之河間獻王與東平王蒼者下明詔褒賞之其驕逸不法如漢之淮南濟北者初犯則容之再犯則赦之三犯而不改者當合親王告太廟削其地而廢處之豈有不順服哉臣嘗以爲人君之有天下亦如人之有一身也天下之患人身疥癩之疾骨肉之患人身腹心之疾疥

姜氏秘史一

四十一

癩之疾有時而搔癢吾體食良醫修方一掃之而平復矣腹心之疾非知識膏肓者不能也昔賈誼見漢諸侯弘盛故以指股爲喻今臣以一身百體爲喻今我皇上乃天君一心也所謂具眾理而宰萬物百體之從命者也各處親王五臟耳目口鼻手足也五臟酸甜嗜欲不同手足安逸亦異目好色耳好音鼻好臭口好甘其心天君隨百體之好則失主宰不隨則擾吾心而已故醫書云智者能調和五臟既利則不惟無心腹之疾而疥癩之疾亦不生矣噫五臟和而一身安一家和而百事遂

里諺云家不和而四隣欺臣亦謂國不和而四夷
窺此一理也蓋自古帝王之治天下莫不以修身
齊家爲先是以堯之文思安安允恭克讓者亦必
先戒九族平章百姓文王之小心翼翼亦必先刑
于寡妻至于兄弟以御于家邦則孔子所謂身修
而家齊家齊而國治國治而天下平孟子曰言舉
斯心加諸彼而已親親而仁民而愛物此古今聖
王治天下之軌範也伏望皇上鑒戒焉未踰年靖
難兵起時又有仙居鄭恕金華樓璉浦江鄭楷皆
見擢用

姜氏秘史一

四十一

詔顧成班師 先是成以都督僉事充征南將軍總
兵官帥師征西蠻居宗既平將旋師洪武丙子五開
諸蠻叛遂命成自水西移師五開副總兵何貴宋晟
韓觀各助師佐之成在軍秋七月至十月征平州大
同等長官司苗坡羨塘光金家臺等一百三十七峒
及龍里鎮遠蠻爲亂者前後斬首二千八百六十四
俘獲人口三千八百五十二萬馬六十二匹

明 弋陽姜 清撰

己卯建文元年春正月癸未帝祀天地於郊祀禮始以太祖高皇帝配享 是歲即位改元郊見上帝如歲祀之禮戊辰御奉天殿誓戒百官是夕宿於文華殿齋室己卯出舍皇邸尙膳進素食庚辰夜台祀天地配以太祖高皇帝太祖座西向帝脫烏登太祀殿秉圭奠瓊與俯拜跪罔弗如禮昧爽還宮御奉天殿受羣臣賀翰林院侍讀方孝孺進郊祀頌謂是日夜半禮成天宇澄瑩父老咸謂未嘗遇

姜氏秘史二

孫章叢書

四日改行都司昌州爲昌州長官司普洛州爲普洛長官司威龍州爲威龍長官司

詔應天府及十三布政司開科鄉試 應天北平山

東山西陝西浙江河南江西湖廣福建廣東廣西雲

南四川

十七日革雲南等十四府照磨所

二十二日革武昌府江夏縣金口鎮鮎魚鎮二巡檢

司立贛州府安遠縣南橋保巡檢司

二十七日革會州衛已松大龍會川黎溪腰驛凡五

驛革平陽府僧會司

遣使告即位於天下合祀日神司業張智詣闕里

百夷平征虜將軍何福等歸還 先是十月八日兵

次金齒十六日克何登等寨十八日克小南和寨二

十二日還金齒十一月二日兵次百夷崖旬克魯麻

等寨五日次麓川大甸六日克子孟寨朝首賊刁

幹孟景七日次木邦十一日克麻底浪傍等寨十三

日克孟斯寨十六日克孟別三十日還大甸十二月

三日師還金齒二十二日征蒲蠻并木邦孟定等處

二十三日次石甸招諭蒲蠻降二十六日克阿哈喇

寨老老姚寨明年正月二日克枯阿莽寨初五日平

姜氏秘史二

二

要甸七日班師於是百蠻悉平

勅修太祖高皇帝實錄 以禮部左侍郎兼翰林院

學士董倫右侍郎兼翰林院學士王景彰爲總裁官

太常寺少卿廖昇翰林院侍讀學士高遜志爲副總

裁官翰林院修撰國子監博士王紳陝西漢中府學

教授胡子昭齊府審理副楊士奇津西崇仁縣學訓

導羅恢雲南馬龍池郎甸長官司東自程本立等爲

纂修官給大官僕寵眷有加

景彰浙江松陽人名景以字行洪武初爲懷遠教

諭以文字知名後擢山西右參政坐事謫雲南時

修太祖實錄召入翰林充總裁官雪菴集引曰松陽人名暨姓不傳永樂初年逾壯者矣始落髮爲僧過江而上抵重慶府善慶里山水奇絕可逃曳杖而將至憇於邑既而善

慶杜氏景賢賢之乃相與陟親洞諸山復降至

鳩材構之寺成而入斯夕命僧徒誦經呪聞者則易之乾卦也景賢曰上人祖釋而誦儒經奚其可乃易御梵而寺以觀音名嗚呼寺也豈其心哉嘗買楚詞泛小舟於灘之中流讀一葉輒投之

水而哭焉如是至于卷斯已衆駭之莫測其意嗚呼僧也豈其心哉聞能破塵障每脯注一壺以候客時至者雖拒而與飲漸暝呼曰我歌爾和竟而冥寐嗚呼酒也豈侍者曰吾師形碩而則星流雲造出見者哉訝其爲洪武三

姜氏秘史二

三

翰林學士而今乃滅其跡予未冠得其又素其遺者藏之皆手書也嗚呼日月逝人無聞於世也夫庸言而髮諸梓以傳抑者不知何許人往來於隆安里

問帕首鍋而食其力垂老不漏一字偶值詩小酌聯句適業暇而立於側怪其語者再詰老怒叱曰汝能詩仰續吾所未能者不得已拾韻而應之諸老起延之上坐不可強之而後可僅一絕過此若病人言其與雪菴故僚反不

一也謹以其詩附於是集之

人之心曰矣豈終言日知

廖昇字襄陽人學行最知名洪武末由左府

斷事上十月擢太常寺少卿

姜氏秘史二

四

建文初修太祖實錄學士董倫爲總裁昇與高遜志爲副總裁會太宗平定內難昇慟哭與家人訣自縊死于午都御史陳瑛奏昇與王良顏伯璋皆不順命而効死於建文君同宜追錄之上憫其忠不問

高遜志字士敏州蕭縣人元末僑居嘉興自幼好學京師其一時文章大家如宣城袁昌鄭元祐皆在遜

家如宣城袁昌鄭元祐皆在遜

家如宣城袁昌鄭元祐皆在遜

家如宣城袁昌鄭元祐皆在遜

志獲受其業故其文章典雅

成一家言年二十五為鄞山書院山長洪

徵修元史入翰林為編修累遷侍講學士建文初召為太常寺少

卿庾辰會試與董倫為考選官精

名士胡廣吳溥楊子榮楊溥胡濙輩皆入彀

人焉內難既平遜志存歿莫考嘗考是科同

者右拾遺朱逢編修史官吳勤葉惠仲趙友士

張秉彜監試官御史王度俞士吉蓋皆一時之

選

葉惠仲王度死難餘皆

故而徐旭者承樂初為東部郎中與逢預

賈錄旭

李貫

陸國子監祭酒俞士吉承樂

者吉水人革除中為翰林修

宗

一日於宮中持建文時羣

覽一二千犯者命翰林院侍講

馬錢糧數目則晉餘千犯者悉燒

籍等曰爾等宜皆有之眾稽首未對賈

無之上曰爾以猶無為是耶食其祿思任其事

國家危急之際在近侍獨無一言可乎朕非惡夫

盡心於建文者但惡導引建文壞祖法亂政經也

爾等前日事彼則忠於彼今日事朕當忠於朕不

必曲自遮蔽也後賈以姻家累坐罪下獄

王紳字仲縉金華義烏人父禱以文行重海內與

宋濂齊名國初擢儒教授理歷起居注出判南康

臨漳二郡會修元史召為總裁官尋擢翰林待制

使雲南仗節死紳甫十三聰敏過人落筆為文沛

然不可禦鞠於伯氏殺事母何盡孝及卒哀毀踰

禮未幾綬亦沒紳獨綜理生業兢兢憂患中傑然

負奇志暇日益取經史百氏言窮其旨歸縱橫磅

礴出入上下宋濂一見即器之日王華川其有後

乎蜀獻王問其賢馳幣聘至待以客禮俾教授蜀

郡縉痛父遺骸未還邱壠白其情事王憫之給道

里費以

雲南訪求不獲遂即死所奠祭仰天

號慟幾

之泣下沾襟作滇南慟哭記以

著志雲南

重之作弔王翰林文紆其

情還王慰勞

賈賤咸知愛敬建文即

位召為國子博士

編修太祖實錄與侯

城方孝孺交游嘗尊孝

代儒宗勸之著書

以淑來世孝孺不以為然紳

益嚮道德而畧

二月丙午繙卒年四十有一繼志集三十卷藏於家子稔事見第五卷

胡子昭字仲常一字伯尙嘉定榮縣人舊名志高後以避嫌改居縣之東川鄉子昭富經術性忠介方孝孺爲漢中教授請明理學往從之學蜀獻王賦詩贈之其後由儒士被薦至京師王紳輩甚重之革除間爲史官歷陞山南按察司僉事刑部侍郎壬午九月十一日戮時年四十一閩族被擒父復初母郭氏皆年八十餘編伍子紹續維發習匠後亦編伍獨弟志遂爲蜀府典寶匿丹穰以免近

姜氏秘史二

七

御史熊相於州治西立祠祀之

楊士奇名寓以字行江西泰和人早孤母改適羅戴奮志力學郡縣交辟不就尋以明經授教官未赴會修太祖實錄送留翰林編纂未幾命吏部考第史館尙書張紉奏士奇第一授齊府審理副明日復入翰林

程本立字原道嘉興崇德人少讀書不務章句聞金華朱彥修得考亭正傳於白雲許謙乃就學焉寓金華最久造詣日深洪武丙辰以明經秀才擢秦府典儀所引禮舍人 秦晉燕三府官僚召

見奉天門下賜馬匹楮幣有差在任五閱月以母艱去庚申復除補周府禮官丁卯從王朝京師被累謫雲南馬龍池郎甸長官司吏目留家大梁自以一僕之任時所部百夷煽誘爲逆本立單騎突入爲書開諭逆順利害由是諸夷咸悅歸順邊事以息當王師初靖餘孽尙驕時西平侯沐英布政使張統以本立統領守禦因白誓曰我當以死救一方之民遂不避艱險山行野宿自楚雄姚安以逮大理鶴慶嚴江永安咸賴其撫綏安輯自是民得安業軍得着伍本立之功也戊寅奏計京師應

姜氏秘史二

八

天府尹向瑤學士董倫以文學優長守身廉潔薦乃徵入翰林纂修高廟實錄陞都察院左僉都御史階中順大夫支四品俸辛巳以失誤陪祀調除仍留翰林纂修明年實錄完調江西按察司副使未行適靖難兵起渡江逮入京本立自盡壬午六月十三日也官因追其恩典家無遺貲時稱爲清所著有異隱集十卷僉事吳昂刊行於閩而參政林廷楫序之稱爲今之夷齊云時同纂修者學士董倫禮部郎中夏正善史官錢塘高讓廬陵吳勤趙友士端孝思同郡張秉彝唐畊侍講王景修撰

李貫編修吳溥楊溥楊子榮劉觀待香劉彥銘皆不能死節或見用新朝焉

唐愚士名之滔字愚士以字行紹興山陰人父肅國初應奉翰林文字有名愚士少有奇志攻學不倦年二十餘已有聲浙水父謫死臨濠辛勤扶喪歸葬追求其平生所作不憚荒遠纂錄收拾如獲金壁時伏讀凄切人為之掩泣然愚士亦工為文章且善筆劄酷似其父洪武中屢有薦之者謝不就曹國公李景隆勲業第一好士聞名走使者請至家俾其子師焉征行四方皆與俱歷燕薊秦周

姜氏秘史二

九

覽前代遺迹援筆而賦蹂躪一時歲辛巳嗣君詔翰林詞臣集數千載經史中事為書以考治亂為監戒命舉優通文學士方孝孺輩以愚士薦上亦雅知其名且謂曹國公之客賢趣召至殿前即拜翰林侍讀賜以冠帶俾與孝孺俱領修書事且同以前漢書進讀未幾病以閏三月二十三日卒時景隆以將兵於外及歸則愚士病甚不可為矣賜卹之甚厚所著有萍居稿文斷諸書

二月六日都督韓觀練兵於德州
革會川衛儒學

三月改大理寺卿為大理卿革司務二員立典簿一員

改太常寺卿為太常卿
革鴻臚寺司儀司二署

改光祿寺卿為光祿卿寺丞各加左右字陞秩從四品寺丞從五品

改太僕寺卿為太僕卿少卿寺丞各加左右字陞少卿秩從四品寺丞從五品改主簿增典廐典牧二署各設正一員丞二員監事二員吏目一員典廐署增屬官 驥等一十五郡郡置長一人改馬千戶所倉

姜氏秘史二

十

一處副使屬本署典牧署增屬官遂生等三郡

五日革安遠縣僧會司

七日增置衡州府來陽縣觀山巡檢司

九日改福州府福甯縣青灣巡檢司為相山巡檢司

松山巡檢司為庫溪巡檢司

十日追尊懿文皇太子為孝康皇帝廟號興宗皇妣敬妃為孝康皇后立妃馬氏為皇后封弟允熲為吳王允燧為衡王允熿為徐王詔誥天下遂命有司舉賢養老恤窮重農造士任官旌義周恤裕荒恤兵存廢掩骼以佐邦國詔曰朕惟有盛德而不享其報者

必垂裕於後昆履大位而不遠乎親者必致尊於宗廟此天下之至理古今之通義也昔我太祖高皇帝平定天下承千載之大統皇考懿文皇太子早登儲位參決萬幾默施寬仁陰贊至治視斯民如赤子體天眷之聖盛錫佑朕躬太祖皇帝奄棄臣民肆朕嗣登大位既諡太祖爲高皇帝孝慈皇后爲高皇后而皇考諡號未稱朕心實悼焉邇者採羣臣之言追尊皇考爲孝康皇帝廟號興宗皇帝妣敬妃爲孝康皇后擇日冊羣臣復謂中宮之號未正無與共承祭祀諸弟之封未定無以夾輔邦家繼以爲請已冊妃馬

姜氏秘史二

十一

氏爲皇后封弟允熲爲吳王允燧爲衡王允燾爲徐王夫尊親所以崇孝敬之道正家所以厚風俗之原嘉興萬邦同臻至治布告中外咸使聞知 一祖宗廟諡稱號所以褒顯功德非所當諱今後惟廟諱如律回避廟諡稱號勿諱 一民間及山林巖穴有懷才抱德送來授以祿位以安黎庶 一軍民男婦有八十九十者賜米一石肉十觔酒三觔九十者加賜帛一疋綿一觔其身犯杖罪以上隸卒優娼不用此例 一所在蠲寡孤獨貧無產業不能自存有司每歲給米三石責令親戚收養如無親戚鄰里養之毋

致失所其有田地荒蕪無人耕種者從實開報以憑分豁 一農桑乃衣食之本有司勿奪其時使得盡力耕種足其衣食 一學乃風化之原教養英俊以備任用有司宜加意禮以勸勉禁其習於浮華毋得通同擾民太后開平忠武王常遇春女皇太子數歲薨皇后父金爲光祿少卿洪武丙子九月十三日立爲皇太孫妃至是冊爲皇后吳王國杭州衡王國衡州明年之國徐王幼未行歲壬午七月降封吳王爲廣澤王衡王爲懷恩王是歲十二月召至京皆降爲庶人幽之後隨駕入北京至天順元年釋放無存惟

姜氏秘史二

十二

吳庶人有老姊數人耳徐王永樂四年封甌甯王未之國永樂十五年薨遷葬太平門外無子國除至今南燕光祿寺歲供節祀用時俗棹面酒菓所祭之 二十一日改廣東鹽課提舉司爲廣東都轉運鹽使司海北鹽課提舉司爲北分司 二十二日革邵武府光澤縣河泊所 二十五日革戶部浙江等十三清吏司立職民度支金帛倉庫四司革刑部浙江等十二清吏司立詳憲比議職闕都官四司立郎中一人員外二人主事八人

革紹興府在城河泊所

二十九日改浙江等十二提刑按察司爲浙江十二道肅政按察司各分巡道改爲分司革照磨所

燕王來朝。吉安志載御史曾鳳韶是日侍班王由皇道入登陛不拜鳳韶劾奏曰殿下宜展君臣之禮宮中乃叙叔姪之情燕王由皇道不拜大不敬帝曰王至親勿問。又南京錦衣衛百戶潘暄貼黃冊內載校尉潘安二十三日欽撥隨侍燕王還北平任坐以拿張昇功陞職據此則來朝明矣

戶部侍郎卓敬上書。時燕王來朝敬密奏曰燕王

姜氏秘史二

十三

智慮絕人酷類先帝夫北平者強幹之地金元所由興也宜徙燕封南昌以絕禍萌夫萌而未動者幾也量時而爲者勢也勢非至剛莫能斷幾非至明莫能祭上覽奏大驚袖而入明日語敬曰燕王骨肉至親卿何得及此敬曰楊廣之於隋文非父子耶上默然良久曰卿休矣事竟寢

敬字惟恭浙江瑞安人家卓奧後徙滄州少讀書十行俱下一日棄不復讀亦未忘也七歲有異人見之曰此奇兒也第血不華色耳年十五六讀書賣香山性至孝晨昏禮雖遠不廢夜嘗歸值風雨

路得一牛騎之歸及門縱之則虎也洪武戊辰登

進士授給事中好直言嘗勸上曰諸王服飾尙有

擬天子者此亂之道何以命天下耶上笑而納之

他日與同官見適八十一人上命改爲元士尋以

六科爲政事本源又更爲源士後復稱給事上

疏多過直或戒以太剛則折敬謝曰敬知盡諫諍

職耳禍福非所計也言之益力歷宗人府經歷進

戶部侍郎後靖難兵入有執敬數之曰此得非前

日奏我諸王者耶敬厲聲對辭不遜且曰若用敬

言王何能至此上怒欲殺之繫之獄使人諷之受

姜氏秘史二

十四

官不屈姚廣孝曰昔吳不殺范蠡而蠡卒滅吳王衍不殺石勒而勒終滅衍夫敬言誠見用陛下豈有今日於是斬敬夷三族敬臨刑神色自如經日其面如生敬之死出於廣孝所技上實不忍嘗嘆曰國家養士三十餘年卓敬可謂不負君矣敬博學多能談論英發天文律曆地理兵刑靡不造其奧所著有道詩十卷詩文五十卷宣德間門人黃朝光子養正齋敬小像并其詩至京師求編修劉球作傳稱其與夷齊當不朽且私謚之曰忠貞駙馬都尉郭鎮卒

鎮開國初功臣武定侯郭英之子卒贈營國武襄公伯父子興亦以開國公封鞏昌侯追封陝國宣武公姑高廟妃二女弟爲遼郢二王妃鎮以勲戚子弟姿貌潔修儀止詳謹朝謁之際太祖屬目洪武己巳選尙永嘉公主時年甫十七好學工詩熟於禮度每命練兵總事恭勤不懈帝卽位命賞遼東兵事竣還中途疾作至今不能朝帝令醫治勿痊卒於賜第輟朝三日殮葬皆遣官賜祭諸王亦遣祭奠定襄伯登者鎮姪也國朝一門爲公侯駙馬伯者惟郭氏云

姜氏秘史二

十五

以中軍都督府事朱晟充總兵官鎮守甘肅晟父朝用兄國興皆起定遠田間累有開國功朝用官至右督國興以總管戰歿南臺晟承兄官克徵寧征關陝三鎮涼州進官督府洪武庚午制充總兵官征哈密去肅州千餘里虜府城也晟誅其僞王子別立法等三十餘人獲眾千五百人金印一銀印一送京師所得馬牛羊咸給將士明年征罕東西番擒誅七千五百餘人獲馬二千五百牛羊十萬送還京師甲戌調中府充總兵討遼東邊寇戰腦溫江大捷明年平廣西并像諸寨又明年

總羽林八軍平五開平里十三洞戍寅率師城萬全諸衛還京己卯以晟久居涼州回番畏服遂充總兵官出鎮甘肅靖難後來朝進左都督授平羌將軍復任永樂乙酉諭降虜酋把都帖木兒倫篤倪灰邊境底寧命徐都督膺趙尙書班持節卽里中封西寧侯子琥珀尙安成威寧公主皆爲駙馬都尉琥珀侯有罪改命瑛

姜氏秘史二

十六

免官民債舍月錢 洪武中尤無舍者官自奏吏校人等首告並從錦衣衛同兵馬司撥與在市廊房居住月收債錢視毀者工部修理至是悉免月錢令戶工二部同管旣而戶部尙書郁新謂事不歸一奏令工部專管行五城兵馬司取勘見數凡遇官民告討房屋以兵馬司查勘卽與撥住令改憲兩司糾察屬吏以戶部右侍郎夏原吉等充採訪使巡行天下 侍郎夏原吉給事中徐思勉等二十四人同日拜命充採訪使分巡天下問民所疾苦賞廉平吏出貪墨不職者皆得以便宜行之原吉在福建號稱寬平未幾移鎮浙州思勉華亭人尋擢山東按察僉事革松潘衛

詔求賢 自守令以上皆得薦舉

京師地震 詔求直言敢諫

三月丁亥帝祀孔子於太學駕至文廟祀先聖孔子
拜跪盛獻用享廟社禮畢御養倫堂見師生賞幣鈔
有差

二月革汝寧府新蔡縣儒學訓導二員

陞布政司為正二品堂上陞一級

七日革福州府福寧縣河泊所

九日革應天府及各府照磨所檢校一員

革徽州及各府照磨所司獄司

姜氏秘史二

十七

十二日改儀真縣清江關為清江堤

十三日改開封杞縣清溝馬驛為雍邱馬驛祥符縣

時和馬驛為陳留縣清城馬驛雅川涉平馬驛為蔡

邱馬驛

革贛州府上館驛

十四日以散騎散人張成等七十一人為延海巡檢

以前監生傅以莊為山東南河縣知縣 以莊舊名

中為監生洪武中以極刑家屬放為民至是舉保選

除後永樂二年考滿

十八日改陝西山西甘肅行太僕寺主簿為典簿改

鴻臚寺主簿為典簿

二十日定廣惠庫舊鈔免進天財庫就庫收放立廣
惠庫勘合并底簿

二十二日燕王還國

二十四日革漢中府署陽縣并儒學

謫監察御史尹昌隆為福寧縣知縣尋召還官 昌

隆上疏言奸臣專政陰盛陽微謫見於天是以地震

執政者惡之斥知福寧縣帝初即位大臣相許奏者

命各道鞠之同官皆畏縮昌隆獨不避一繩以法巡

關中去貪苛理冤獄所至風裁凜然還朝上疏言當

姜氏秘史二

十八

節民力謹嗜欲勤政治務正學不報比落職福寧益

以清勤自勵俄坐師巫呪咀下獄得白還職

遣參將宋忠屯兵開平都督徐凱練兵臨清都督耿

滋練兵山海關 忠之屯開平也調沿邊各衛馬步

官軍三萬選燕府護衛精壯官軍悉隸麾下其護衛

胡琦指揮關童等悉送入京調永清左衛軍於彰德

右衛軍於德州以防燕也

四月四日改揚州府泰興印莊巡檢司為新河巡檢

司

增置通津巡檢司

六日革都察院右都御史僉都御史各一人止設都御史副都御史僉都御史各一人

八日革留守左右等衛聚寶等門千戶所并各門吏

目

九日改和州牛屯巡檢司為新河口巡檢司革浮沙

口巡檢司革彰德府涉縣偏店巡檢司

十二日革烏撒軍民府同知一人推官一人知事一

人

十六日改通政司為通政寺改使為通政卿左右通

政為左右少卿左右參議為左右寺丞經歷司為典

姜氏秘史二

十九

簿知事為錄事

增置左右補闕左右拾遺各一員

十七日分太常寺少卿寺丞為左右陞寺丞秩正五

品分鴻臚少卿寺丞各為左右少卿正五品鳴贊序

班改正九品

十八日分陝西山西甘肅行太僕少卿寺丞為左右

二十四日革開封府考城柘城延津寧陵四縣儒學

訓導各一員

革延平府順昌縣仁壽巡檢司

二十八日立鍾山祠祭署設奉祀祀丞各一員

革南丹衛以其官軍附慶遠衛

湘王栢有罪自殺國除 湘王謀逆事覺守臣奏之

且以兵衛王城栢窮蹙縱火焚其宮室美人已而乘

馬執弓躍入火中死 貼黃册有是月荆州護衛後

所鎮撫王者逮赴京師調廣東廉州欽州千戶所

齊王棖有罪廢為庶人青州中護衛指揮柴真伏誅

青州護衛軍曾名深告王謀反柴真鞫實極刑遂

廢棖為庶人出貼黃册按是年七月詔書稱棖謀反

辭連湘王栢先已自焚死廢棖為庶人據此齊當自

湘王反後 以茅大芳為副都御史

姜氏秘史二

二十

大芳揚州泰興人博學能詩文為宗黨所重洪武

間以儒士應辟典教淮南考績入朝高廟召對悅

之擢秦府長史且勉以董子輔相之業賜資期待

者甚隆大芳以為特受隆遇懼無以稱聖天子眷

知之恩益自感激諫諍彌篤得大臣體未踰年秦

國稱治圖書揭其正堂曰希董之堂以章聖訓且

著其志方孝儒為之記稱其志偉然廓大和雅而

不諂深有得於正誼明道之旨革除間累官至副

都御史靖難師起嘗以詩寄梅隱曰幽燕消息近

如何聞道將軍志不磨縱使大龍蟠地軸莫教鐵

騎過天河關中事業蕭丞相塞上功勳馬伏波老
我不才無補報西風一度一悲歌此蓋燕兵初起
爲鐵鉉所拒尙未至淮時壬午八月十七日與其
子順童道壽皆戮死永樂四年十二月初子文生
亦誅焉

以左補闕胡閏爲大理左少卿

閏字松友饒州鄱陽人學博行修素以忠直自許
初太祖征陳友諒時謁吳芮祠壁間有閏題竹詩
曰幽人無俗懷寫此蒼龍骨九天風雨來飛騰作
靈物太祖嘆賞久之陰記其姓名洪武中以有薦

姜氏秘史二

三十一

辟至闕下上識之曰此題詩鄱陽廟者也拜都督
府經歷革除閏遷右補闕進大理寺左少卿靖難
兵定京師閏時坐誅戮子傳道誅死次子傳慶等
俱戍邊衛妻汪氏女二人俱配象奴郡志稱其忠
貞饒直節行聞天下云又聞諸其隣人云一女後
歸貧無所依閏里競以錢米給之曰此忠臣女也
旬日饒足節行之感人如此嘉靖二年提學副使
邵銑立祠祀之

北平按察使陳瑛有罪安置廣西

瑛字

人歷洪武至革除年初爲北平按

察使坐交通藩邸謫廣西太宗卽位首召爲都察
院右副都御史怨建文諸臣最深上爲帝允攷輟
朝五日瑛請減之上不從勢抗奏黃觀廖昇王叔
英周是修王良顏伯瑋皆從逆宜追戮之上曰朕
初舉義師誅奸臣不過齊黃數輩等後來二十九
人中如張統王鈍鄭賜黃福尹昌隆皆有而用之
今汝所言數人况有不是二十九人之數者彼食
祿自盡其心耳悉置勿問蓋上初入京師昇及自
修自縊死良在官闔家自焚死先是上兵至沛縣
伯瑋不肯下與其子俱死觀時守安慶投江死叔

姜氏秘史二

三十二

英守廣德自縊死後瑛閱方孝孺等獄辭遂錄其
妻女皆將給配觀妻出通濟門先擠其二子於河
遂自沉死叔英二女皆就錦衣獄俱赴井死其違
命忍心如此後竟以羅織苛刻得罪誅至洪熙諸
臣宗族皆釋還田里天順中英宗有釋建文庶人
之詔孝宗朝有建言欲繼絕褒忠者於是瑛之罪
益不可掩矣

繆恭字思敬號守謙台州人學古行高晚年赴京
建言列爲六事上之其曰紹絕屬者請封建庶人
後也疏入通政司官大懼遂拘留而勅奏之賴上

聖明不之辨特勅有司遣之王古直作詩贈其行
追贈翰林待制王禕爲學士謚曰文節 禕洪武
中使雲南死國事

五月一日革贛縣黃金稅課局南安府南昌澤口稅
課局

四日增置臨洮府金河縣濟遠倉

七日革鎮江府甘露壩省瀕新港壩官一人

十二日革東昌府臨清州會同關

革荊州府登雲驛省夷陵州安遠縣學訓導二人

十四日改錦衣衛千戶徐斌于蘇州衛庚戌斌從蔡

姜氏秘史二

三三

指揮捕賊常州有功受賞

二十一日革東昌府聊城縣李海務關

選補天下儒學官員 先是學官缺以舉人及試中

監生通經儒士補之至是吏部奏缺畧詔今天下凡

見任未入及流官及爲事充軍令已替役但通經者

所在訪舉試用其後二年四月十四日復詔軍司軍

士軍餘凡有通經者軍官舉送按布二司試中選用

二十二日革萊州府掖縣柴胡寨膠州逢猛卽墨縣

栲栳島三巡檢司

改襄陽府鉤州江口巡檢司置郟縣馬昌口巡檢司

二十三日革登州府嶺海州乳山寨文登縣辛汪寨
溫泉鎮福山縣孫芥鎮黃縣馬停鎮蓬萊縣楊家店
高山招遠縣東良海口萊陽縣行村寨凡九處巡檢
司

二十六日革邵武府建寧縣河泊所

二十七日省廣州府連山縣以其地入連州

以監察御史戴德彙爲左拾遺

德彙藍波奉化人洪武甲戌進士第三人入翰林

院爲編修甫三載陞侍講上諭之曰官翰林者雖

以論思爲職然旣列近侍旦夕在朕左右凡國家

姜氏秘史二

三三

政治得失生民利病當知無不言者昔唐陸贄崔

羣李絳之徒在翰林皆持正言讜論補益當時顯

名後世爾盍以古人自期待哉德彙與侍讀張信

皆頓首謝由是感奮思所以稱上意拾遺補闕以

直聲振於朝後改監察御史益善于其職革除年

間改左拾遺靖難之師旣迫與太常卿黃子澄吏

部尙書張統兵部尙書齊泰翰林侍講方孝孺御

史大夫練子宣大理少卿胡閏宗人府經歷宋徵

戶科給事中韓永等日夕畫策防禦後俱死難

四川岳池縣教諭程濟上書

濟陝西朝邑人有法術以明經爲四川岳池縣儒學教諭岳池去朝邑數千里濟寢食俱在朝邑而日治兵岳池學事不廢革除閭上書言某月某日西北方兵起朝廷以爲非所宜言繫至京師召入將殺之濟叩頭曰陛下幸囚臣至期而無兵臣死未晚也遂繫獄已而兵果起乃赦出濟更以爲軍師護諸將行北與靖難兵先鋒戰於徐州大捷會曹國公師退文皇帝至江上濟逃去不知所終始徐州捷時諸將乃樹碑載戰次第及統軍者姓名濟一日夜往祭碑人莫測其故後文皇帝過徐州

姜氏秘史二

三十五

望見碑顧左右曰碑者何也或以狀對上大怒趣左右摧碑一再擊遽日止止爲我錄碑來乃按碑族誅諸將無得脫者濟姓名止因擊處得免濟曩者之祭蓋禳之也

以宋徵爲宗人經歷

徵字

人嘗建議親藩謀逆削其屬籍故

靖難之兵討焉事平就戮其詳不可考

陝西按察司僉事林嘉猷以給由至京

嘉猷本名鼎以字行台州寧海人始師事同邑王

琦琦坐累家徙雲南姻族無一人顧恤者嘉猷徒

步千里追送涕泣與之決別人高其誼後復行六千里至漢中求方孝孺而師焉方氏之門嗜學之士至者無虛席而孝孺獨以得嘉猷及鄭叔貞爲喜場之使進乎聖賢之道且曰匡我者二子也洪武丙子以儒士被四川蜀獻王謂其名字不相蒙乃賜之名曰良顯後以字行由薦辟入史館爲史官累遷至陝西按察司僉事嘗被燕邸召入居處得其隱情至是以告孝孺其後以靖難師迫遣錦衣衛千戶張安賚書詣燕許以世子襲正位本嘉猷之言也內難平坐孝孺之黨逮至京師壬午九月丁亥被戮

姜氏秘史二

三十六

以文學舉人樓璉爲翰林侍讀

璉字士連金華人嘗從宋濂學洪武中以儒士名主宣宣仁壽二縣簿至是嗣位屢下詔求賢璉以文學舉入翰林侍經筵官至侍讀靖難師入京師文廟命方孝孺草詔孝孺哭且罵授之筆擲諸地曰身可死詔不可草改命璉爲之方入見時孝孺受凌遲之刑未畢璉惶懼受命歸而憤歎妻子問之曰得毋傷方孝孺耶璉曰我受刑尙可正恐累及爾輩耳遂巡間一夕自縊死

以錢芹爲戶部司務

芹字繼忠蘇州吳縣人少負氣節以奇功自奮元季以策干諸將無所遇洪武初辟大都督府掾從大將軍徐達出北平絕大漠凱旋俄以例解職家居二十年甘貧守道爲郡守姚善所知語在善傳革除初年詔求遺逸善以芹應詔召對稱旨留中議事授戶部司務北陲有警署行斷事從征虜將軍杏謀會軍府遣芹入奏道病卒瀕卒猶條邊事緩急上執政年七十二賜棺歛葬黃山以浙江仙居縣學訓導王叔英爲翰林修撰

姜氏秘史二

三七

叔英字元采台州黃巖人始從母姓爲陳後復本姓洪武丁卯辟爲仙居訓導丁丑改德安府學後拜漢陽知縣高廟晏駕之明年召拜翰林修撰上資政入策日務學問日謹好惡日辨邪正日納諫諍日審才否日慎刑賞日明利害日定法制皆援古証今鑿鑿可行且日大祖皇帝除奸剔穢抑強鋤梗不啻如醫者之去病農夫之去草急於去病則或傷於體膚嚴於去草則或損於禾稼固自然之勢然體膚去疾之餘則宜調理其血氣禾稼去草之後則宜培養其根苗亦自然之理也識者知

爲經濟遠器靖難師起叔英奉命募兵廣德未幾文廟已渡江都人皆散走兵部尙書齊泰來奔叔英以泰爲二令州人執之既至泰告之故乃釋泰圖再舉然知事不可爲乃沐浴具衣冠書絕命詞日人生穹壤間忠孝貴克全嗟予事君父自省多過愆有志未及竟奇疾忽見纏肥甘空在案對之不能咽意在造化神有命歸九泉嘗聞夷與齊俄死首陽巖周粟豈不佳所見良獨偏高踪遠難繼偶爾無足等千秋史臣筆噴勿稱希賢又書於案日生既久矣愧無補於當時死亦徒然庶無慚於

姜氏秘史二

三八

後世自經而死時年四十將死時以書投祠山道人盛希年日可葬我祠山之麓希年卒取葬之蓋希年亦台州人故托以後事尋有詔治奸黨其妻繫獄死二女俱赴井死或上其死賦詩上日彼食其祿自盡其心耳乃置不問叔英自號靜學有靜學集與同郡林右方孝孺二人友善嘗序之以傳叔英沒後竟無完稿後廣德知州周瑛重修叔英墓立石爲之記少師楊士奇寶英所薦嘗爲祭文以祭之日先生之學聖賢是師先生之志綱常自持先生之心金玉其章先生之行霜雪其光又追

稱之曰先生學醇行正子道臣道終其身無一毫之苟忠孝二字蓋真足以當之且不愧其言云

六月二日省贛州府安遠縣儒學訓導一員

革濟南府歷城縣堰頭關

六日省興濟縣入青縣

增置臨江府羅漢鎮巡檢司

八日改莊浪衛稅課局隸甘州在護衛

十五日令金華府雙溪水驛馬驛爲雙溪驛

省雲南府昆陽州臨安府通海縣楚雄府南安州凡

三儒學訓導各一人

姜氏秘史二

二十九

十九日置河間府滄州長蘆鎮河南東批驗所

以敘州衛左所官軍置成縣守禦千戶所

二十四日革慶陽府靈州鹽課司

二十五日革岳州府澤州萬盈倉副使一人

二十六日革宣課司副使置聚寶門宣課司上坊橋

分司

調荆左衛所官軍于大同中屯衛

召解縉還京爲翰林待詔

縉吉水人舉洪武戊辰進士擢中書庶吉士累上

封事指斥時政詞甚剴切太祖多見納用兵部尙

書沈縉嫌其年少譖改御史意實苦之在臺以敢

言稱久之太祖命其父將歸鄉里臨遣之曰十年

後來朕必用汝及期而太祖崩遂奔喪來京師時

縉母喪未葬父年九十矣有司以非詔旨請河南

衛吏或言其爲左右所中歲餘帝憐其才召還以

爲翰林待詔大見信任靖難兵入首先迎後爲交

趾叅議以漢庶人請徵下獄後三年死獄中家徙

邊

七月四日革九江府彭澤縣峯山磯鎮巡檢司湖口

縣菱石磯巡檢司

姜氏秘史二

三十

五日燕王舉兵靖難殺長史葛誠教授余逢辰北平

布政使張昂都指揮謝貴彭二死之

先是周王不法廷臣建議凡王府所在更置守臣

於是以昂爲北平布政使昂至以掾吏李友直爲

才託以腹心友直泄之至是起兵首執昂及都指

揮謝貴惟昂不屈死葛誠亦死城中軍民聞變悉

據九門城中乃定以友直爲布政司右叅議

今按南京錦衣衛貼黃冊載校尉潘安拿母燕山

右護衛小旗丁勝從罷來興殺彭二子家賞紵絲

二表裡銀二十兩或曰文廟潛邸衛士袁廷玉相

之日鬚若至臍當戴白帽以王加白卽皇也于是
遂有大志建文建元悉致羣賢力行古道仁聲四
布民莫不悅復密致廷玉質以人心所向廷玉曰
天之所造何論民心又曰渡江來渡天有金帶相
者革命之應也意遂決先是高廟崩諸王庶子及
郡王多在京遣命三年喪畢遣還時仁廟漢庶人
趙王皆留遣詔至北平稱風痺屢曰遣人扶掖哭
臨語莫能辨如是數月乃乞三子視疾朝廷以遺
詔不可乃止明年疾愈來朝由是正道入不拜御
史曾鳳韶劾奏曰殿下當展君臣之禮宮中乃敘

姜氏秘史二

三十一

叔姪之情由正道不拜大不敬當問王大驚左右
顧上徐曰是至親饒他自是日宴便殿親愛浹洽
矣未幾復稱疾以三子請上不忍違召輝祖及弟
都督增壽議之增壽獨曰臣以一家保不反時中
山王女爲王妃故朝廷必謀及之輝祖忠於建文
增壽則厚於文廟也於是三子得還至國後稱疾
伴狂走市中奪食物飲酒語言蹇亂或食土壤或
暈仆彌日曷等嘗問疾殿中文皇擁紅爐猶呼寒
曷嘆息而出誠密語云非病也不得於上故耳曷
勿信防益懈布置既定乃稱疾愈府僚三司畢賀

南面扶雙杖臨朝遂賜宴酒酣進西瓜令校拳碎
之以進已而日水去不堪取刀割之於是兩廡伏
兵盡出掉曷下擲杖曰我何病爲爾輩奸臣所迫
耳曷不服遂斬之以殉

寫誠字

人不知其所以進仕爲燕府長

史靖難師未起時王常病中暑四圍皆著火爐猶
自言寒三司官入視病皆懼危篤獨誠告之以不
得於上之故因令人上變會王遣人至京奏事齊
泰等言於上執之既成獄卽發符逮王府官屬後
謀不果見殺族其家

姜氏秘史二

三十二

俞逢辰南陽鎮平人兵起時以泣諫被戮子嘗見
其所寄家書戒子之言自分必死而爾等無希富
貴之心此亦持正君子而人少知之者故贊陳尙
書者謂宛陵大節惟公一人不知又有是公也
七月增置北平府宛平縣豐儲倉大使一員

革蘇州府崑山縣監海驛吳江縣松陵驛

甲戌靖難兵次通州指揮房勝以城降

丙子靖難與拔劑州擒都督指揮馬宣鎮撫曾濟

馬宣者革除中都指揮也守剡州戊寅七月靖難
師起宣謀起兵禦之已而張玉朱能來戰宣與鎮

撫曾濬等閉城堅守反復諭之不下王擁眾急攻
宣率兵出拒王遣精銳衝入其陣執而殺之并殺
濬事聞革除君哀卹之初張玉以衡州東連雄鎮
外接大寧可控引女直諸虜且兵多騎士三河潞
河躍馬可渡不先定將爲後患議未定決薊州都
督指揮馬宣聞變果起兵迎拒太宗遂遣玉及朱
能將兵攻之敗於公樂驛宣旋帥守州城玉等環
城攻之宣率眾出戰爲北將鄭亨所擒不屈死之
己卯革雲南等府免兒關巡檢司衙門雲南府高州
府所屬河泊所清江巡檢司及歸化楊林羅次三泊

姜氏秘史二

三十三

四縣并歸化河泊所祿豐縣南平巡檢司凡革一十
六處大理府屬太和縣神磨洞巡檢司趙州蔓神寨
巡檢司雲南縣大安倉赤石厓巡檢司浪穹縣鳳羽
鄉巡檢司凡五處蒙化縣屬蒙化州甸尾巡檢司臨
安府屬西河縣曲陀巡檢司河泊所通海縣河泊所
確峨縣鐵冶所寧州河泊所凡七處楚雄府呂令巡
檢司定遠縣會基關巡檢司鎮南巡檢司凡三處潞
江府稅課司河泊所陽宗遠河川縣二河泊所廣西
稅課

府稅課司景東府景豐倉曲靖霽益州通運倉交水

稅課司鶴慶府稅課司劍川州河泊所武丁府稅課
司和曲州雞摩弭巡檢司石臼縣皆渡河巡檢司尋
甸府稅課司沅江府禾摩村巡檢司麗江府稅課司
通四十八處又安南府大庾縣楊林弄都稅課局二
處

革楚雄府磻嘉縣

增置濟南府豐濟倉大使一人

革雲南黑鹽井鹽課提舉司屬浪井鹽課司 五井

鹽課司改爲師井山井鹽井三鹽課司

革麗江府臨西縣

姜氏秘史二

三十四

革武定府和曲州祿勸州

革曲靖府南寧縣

置潞江府泗水縣周荅巡司

滑難兵克居庸關俞瑱敗死進攻懷來克之殺叅政

宋忠都指揮彭聚孫太遂取密雲驢兒領

北平去居庸關一百二十里關跨南北四十里兩

山夾峙一水旁流淮南子所謂天下九塞而居庸

其一者也北兵毀破居庸於是山後諸州不能守

上谷雲中守將往往降附北克懷來指揮宋忠被

執而開平龍門亦降焉皆無完者矣

宋忠者始爲鳳陽衛指揮使以智聞洪武三十一年都督齊讓討西南夷無功以忠代爲參將以虜功奏革除君尤任之靖難兵起忠守懷來大將俞瑛守居庸關相爲聲援己卯靖難將指揮徐安等敗瑛拔其城瑛走依忠而居庸爲燕將所守太宗曰非爾等所知當以智取難以力論力則不足智則有餘彼眾新集其心不一宋忠輕躁寡謀復復自用乘其未定擊之必破矣癸未太宗率馬雲徐祥等馬步精銳八千卷甲倍道而進甲申至懷來先是獲敵謀者言諸忠証其將士云爾等家在北

姜氏秘史二

三三五

平城中皆爲燕所殺委屍積滿道路宜爲報仇將士聞之或信或否燕王聞之乃命其家人張其舊用旗幟爲前鋒眾遙識其幟又識其父兄弟無恙相呼輒應皆喜曰我家固安遂多降者忠舉餘眾倉惶列陣未成王麾師渡河鼓噪直衝其陣忠大敗奔入城燕師乘之而入忠急匿於廁搜獲之遂被戮忠子謙鎮南指揮充軍尋賜死年十六彭聚以都指揮與同官孫太副宋忠守懷來忠之敗也與都指揮瑛皆見執聚大力戰死之爲靖難所俘獲者不可勝計獨都指揮莊得一軍遁走得

脫其後反間得行名將卜萬吳高皆見疑而耿炳文李景隆相繼敗衄雖有大將陳暉平安歷城侯盛庸皆不能軍而亡勢成矣初卜萬將陳亨欲降燕而爲萬所制太宗設奇乃詐貽卜萬書盛稱獎萬而極詆毀亨誠識牢密召一卒飲之酒且賞賚之而置書其衣中俾歸與萬其同獲之卒竊窺之問守者曰遣歸通意故得厚賚卒跪告守者曰能爲我請得偕行惟命是從不敢望賚守者如所言爲請遂俱遣而不與賚者終不平至發其事劉眞陳亨搜卒衣得與卜萬書遂疑萬執下獄籍其家

姜氏秘史二

三三六

其間吳高亦用此策云

丙戌靖難兵破遵化指揮僉事鎖住降

鎖住本朔方人魁梧英敏仕元爲樞密斷事國初降附馬兵長隸興武衛洪武乙丑正月太祖夜夢一人長身廣眉器宇弘偉侍衛左右周旋甚悉問其姓名對曰鎖住次日卽命羽林百戶潘雄宣訪得鎖住引見上熟視狀如所夢將軍未幾從軍北征屢立征功俾守大寧前衛乙巳調守遵化縣練兵龍山之陽北兵旣破薊州乘勝度石門趨遵化夜入其城守將拒戰死鎖住遂降俄與其子祥俱

戰歿太宗官其孫榮為指揮同知

戊子革興化府興化縣道會司

十八日革九江府德化縣南湖嘴巡檢司

庚辰靖難兵攻永平指揮郭虎陳旭趙葵以城降

兵自遵化移軍而東豐潤玉田昌黎樂亭皆下至

永平指揮同知陳旭僉事趙葵以城降旭隨北將

徐忠等分兵攻堯深河轉攻密雲皆下

旭全椒人靖難後封榮陽伯羹虹縣人洪武中任

虎賁百戶築城沙漠改官永平後封忻城伯

增置忠州安撫司經歷司知事一員

姜氏秘史二

三十七

省躬殿成改謹身殿為正心殿

先是於乾清坤寧南北二宮之間建退朝燕居殿

一所中儲古書聖訓名曰省躬命侍講方孝孺作

記

二十六日革漢中府沔縣以縣屬黃陂金牛順政相

林青陽楊平六縣驛改隸慶城縣

詔京官還宜納內官勘合

吏部考功員外盧義言在京官給解省親俱於應

天府給引有失體統合照依丁憂例於吏部給勘

合定限回銷詔從之

遣長興侯耿炳文佩征虜將軍印帥師北伐詔告天

下

詔曰朕奉先皇帝遺詔纂承大統宵衣旰食思圖

善政以安兆民豈意國家不幸骨肉之親屢謀僭

逆去年周庶人楠潛為不軌詞連燕齊湘三王皆

與同謀朕以親親之故不忍暴揚其過止正楠罪

餘不問今年齊王樽謀逆事覺推問犯者又言與

燕王棣湘王柏同謀大逆柏自知罪惡難逃先已

自焚死樽已廢為庶人朕於燕王於親最近未忍

究其事今乃稱兵犯闕遣長興侯耿炳文等率兵

姜氏秘史二

三十八

三十萬征討其罪否爾中外臣民軍士各宜懷忠

守義奉職平燕與國同心永安至治布告天下咸

使聞知

敘州府戎縣守禦千戶王瑁招安萬里菁首賊王偉

等三百處

八月五日壬寅改淮安府賴榆縣荻水鎮巡檢司為

大興莊圍巡檢司置漢中府金州茶倉

己巳革除陝西行都司西寧衛遞運所

己酉征虜大將軍耿炳文率師次於真定遣都督徐

凱以兵次於河間都督潘忠楊松以兵次於冀州遂

遣兵進次雄縣

庚戌革紹興府上虞河泊所餘姚縣河泊所桑盆河泊所蕭山縣河泊所

甲寅諸軍與靖難兵戰於月漾橋敗績都督潘忠楊松降

忠松聞雄縣被圍引兵往援太宗謀伏兵于湖忠渡橋伏兵起大敗全軍皆歿諸軍不及戰登城大罵而已

乙卯革池州銅陵青陽石隸東流建德五縣稅課司革武昌金紫磯鎮巡檢司

姜氏秘史二

三九

戊午革衢州府常山縣草坪驛

庚申革杭州府南城河泊所

都督徐眞及靖難兵戰於大王庄敗績

癸亥以田州府屬思恩州直隸廣西布政司

省雲南府晉寧州儒學訓導一員

革淮安府清河縣白茆站遞運所

帝臨朝諭禮官曰今後薦新的品物教太常寺差一

員官常川聚寶門外太常司官處報知合行薦新品物增價收買即便從他貨賣毋得因而作弊刁蹬留難虧折小民違者治以重罪禮部出榜都教知道

癸亥耿炳文及靖難兵戰於真定敗績左副將軍駙馬都尉李堅右將軍都督寧忠左都督顧成皆被執炳文入城靖難兵攻之不克

耿炳文濠州人父君用元末從高廟取滁積功爲明威將軍總督其後克采石取金陵日有功炳文皆從焉丙申歲與張士誠戰於宜興君用賈勇先登而死炳文代領其眾明年取廣德長沙擒士誠守將而降其兵會立元帥府於長興以炳文爲總都元帥守之辛丑敗士誠將李伯昇追斬五千餘級拜指揮使撫綏有方湖人安堵吳元年破蘇州

姜氏秘史二

四十

士誠就擒論功召見戟門降諭曰今日之功雖古名將不能過也陞大都督府僉事洪武初年授鎮國上將軍兼右率府副使二年同徐達征陝西克之留炳文鎮守三年正月授秦王府王相兼陝西行省右丞十一月封長興侯十四年輔徐達大兵追虜兵於北黃河復還陝西二十四年賜寶鏐五萬錠鈔二千錠使造鳳陽建其先塋而追爵君用爲侯二十五年陝西兩當縣妖人作亂承制總兵聲討至二十七年始克之三十年蜀中盜起命爲征西將軍往勦平之三十二年鎮守遼東革除改

元靖難兵起其後年九月命炳文佩大將軍印自
遼東率二十萬援真定都督徐凱領兵十萬駐河
間都督潘忠揚松營莫州先鋒至雄縣太宗帥師
禦之中秋出炳文不虞破其城忠松引眾來援伏
兵起忠等皆被擒因得炳文不虞虛實遂長驅至
真定壬戌靖難將張玉朱能潭淵來戰炳文大敗
幾爲所擒奔還滹沱河東炳文眾尙數十萬十月
復與能戰皆潰降副將駙馬都尉李堅都督萬忠
顯成都指揮劉遂俱被擒炳文固守燕兵攻城二
日不能下而去炳文老將長于戰至是敗覆建文

姜氏秘史二

四十二

君如有憂色遂召之還以李景隆代之遂至於亡
聞國功臣錄謂炳文戰歿于陣時年六十有五子
際前軍都督僉事尙懿文長女江都郡主革除中
爲駙馬都尉璫爲龍虎將軍後軍都督僉事嘗率
遼東軍馬與江陰使吳高圍燕城有功瑄散騎舍
人擢尙寶卿後皆獲死
李堅懷慶武涉人洪武中以功臣子選尙太祖女
大名公主爲駙馬革除君卽位公主進封大長公
主堅以軍功封桑城侯無幾何命耿炳文伐燕拜
堅爲左副將軍及燕戰於真定時炳文軍惟備西

北其東南無備燕師出其不意夾擊之炳文幾爲
所擒燕將邱福攻堅墮馬揮刀砍之堅大呼曰
我駙馬也勿殺遂生擒之以獻太宗謂曰爾至親
也今至此尙逃罪予送械北平遂道死姑蘇王琦
謂堅歿於王事子莊見宥當襲爵公主猶在懼禍
至納其誥券莊得流寓南京娛情詩酒以壽終焉
崔銑彰德志又載堅爲邵人與李讓同時爲駙馬
都尉而讓歸附太宗爲之宣力要之堅實河南產
焉

陞六部尙書秩正一品增左右侍郎

姜氏秘史二

四十二

劉儁奏僉押當以勘合爲正
遣曹國公李景隆佩征虜大將軍印北伐
李景隆泗州盱眙縣人父文忠曹國長公主之子
爲開國元勳追諡岐陽武靖王景隆以洪武十九
年四月襲封曹國公上嘗書體爾祖福忠孝不息
八字以賜之使之讀書友儒生一時韋布有名者
若天台林右輩皆與交遊革除君卽位與魏國公
徐輝祖等俱以元勳子見任用太宗靖難師起命
爲征虜大將軍帥師往伐賜通犀帶饒之江游遂
乘傳至德州收集耿炳文已敗將卒悉調各處軍

馬五十萬進營河間太宗語諸將曰九江象養之子寡謀而驕矜色厲而中餒忌刻而自用況未嘗習兵曾見戰陣而以五十萬付之是自坑也漢高祖大度知人善任使英雄爲用不過能將十萬九江何等才而能將兵五十萬趙括之敗可待矣時復召報者問景隆軍中事上笑曰兵法有五敗景隆皆蹈之爲將政令不修紀律不整上下異心死生離志一也今北平早寒卒禍不足披冒霜雪手足皸瘃甚者墮指又士無行糧馬無宿蒿二也不量險易深入趨利三也貪而不洽智信不足氣盈

姜氏秘史二

四十三

而恆仁勇俱無威令不行三軍易搖四也部曲譁譁金鼓無節好諛喜佞尚任小人五也九江五敗悉備保無能爲然吾在此必不敢至今須往援永平彼知我出必來攻城回師擊之堅城在前大軍在後必成擒矣諸將曰援永平則兵少太宗曰城中之眾以戰則不足以守則有餘且世子能推誠任人足辦禦敵若全軍在城祇自示弱彼得尚攻非策之善兵出在外奇變隨用且內外犄角破敵必矣吾出非尚爲永平直欲誘九江來就擒耳吳高法不能戰聞我來必走是我一舉解永平圍而

破九江也九江景隆小字十一月景隆引兵十萬圍北平城再戰鄭村塢大敗匿不以聞明年二月癸亥景隆致書太宗辭不遜諸將皆怒四月丙申引兵號百萬軍德州郭英吳傑等軍真定漸移近北平先是朝廷命中官賈璽書賜景隆斧鉞俾尙征伐渡江忽沉於水議者以爲不祥至是復賜之已而遇靖難師戰於白溝河三進三卻兵將漫散南奔而德州等處俱失守景隆亦奔還朝臣多請誅之帝不從靖難兵渡江後令總領東城兵馬卒致開門之禍永樂初封太師寵賚莫比明年周王

姜氏秘史二

四十四

以受賄開遂執下獄景隆曰非臣陛下何以有今日文皇曰幸是朕來若他人來汝亦開門耶景隆語塞闔門幽閉者四十餘年其男女自相婚配云世傳李文忠與張臘鬪友善張嘗以斗笠簑衣爲贈曰汝家有奇禍絕食時令人披戴仰天呼張仙當有應至是一老漢尙記其語攜以入居數日未嘗有旨給糧家大困乃仰而呼平地麥出成穗採之可食藉以全活云

詔貴州都司軍士高巍參贊李景隆軍務

巍山西遼州人洪武壬戌應貢入太學以孝行被

旌尋授前軍都督府左斷事乙丑上疏欲墾河南
山東北平兵後荒田及抑末役慎選舉惜名器數
事高廟深嘉納之後以斷事違旨當罪以議賢謫
戍貴州關索嶺仍許以姪代役上既登極詔至魏
上表稱賀大意謂先帝傳位嫡長大居正也復舉
下武詩絕其祖武爲體五始之要未幾復上疏言
事一曰欲弱藩王之權云云書奏不報既而知州
王欽辟舉入朝九月乙卯吏部言魏失伍詔還貴
州靖難兵起乃言周公東征必待三年而滅之欲
三叔武庚自悔而修耳今某不軌命將討之易皇

姜氏秘史二

四十五

上好生之心豈忍赤子肝腦塗地乎臣願奉明詔
曉以天命禍福明親親有和解之義無仇殺之理
使罷兵而復守分土至是景隆出師詔魏參贊魏
遂上書文廟畧曰近因天下不幸我太祖皇帝升
遐天子欽遵遺制嗣登寶位誕布維新之政下養
老之詔天下感戴莫不願立於朝而忠其事皆曰
內有聖明君王外有骨肉藩翰二帝三王之治可
待也忽聞大王與朝廷有隙張皇三軍抗禦六師
不知其意何出令在朝諸臣文者導之以智武者
奮之以勇執言仗義以順討逆焉有不勝臣寄迹

巖穴不忍坐視兵連禍結挺身自投願效一策蓋
以爲一二之欲而覆百萬之生靈豈仁智之爲哉
以爲動干戈孰若和解使帝者復帝王者復王君
臣之義大明骨肉之恩愈厚乃天下萬世之幸也
臣所以奉詔置死度外來見大王欲盡一言者臣
宿許太祖殞首結草豈有要求哉且天下神器也
不可智力求素以智力求不能以二世守魏以智
力求不能以三世守若我太祖乘元亂提一旅奄
有華夏豈智力所能實應乎天而順乎人也以大
王之賢智躬承先帝聖訓不爲不熟何以一朝之

姜氏秘史二

四十六

忿遂以骨肉之親翻爲仇敵其爲先帝之累何如
哉昔周公遇流言之謗卽避居東若使大王聞疑
謗之言解護衛甲兵釋骨肉猜忌之疑塞讒邪離
間之口大王安得不與周公比隆哉大王慮不及
此遂馳檄興兵侵襲疆守所以任事者得藉口以
爲大王假誅右班文臣實欲效漢之吳王倡六國
以誅錯爲名也孟子云家必自毀而後人毀之臣
恐奸雄豪傑乘釁突起萬一失利大王獲罪先帝
不能辭責矣今大王據北平取密雲下永平襲雄
縣掩真定擒將虜士易若建瓴雖孫武豈能過哉

但自興兵以來雖今數月尙不能出區區葢爾一隅之地較之天下十五而未有一焉其用兵之際又可知矣且佳兵者不祥百戰百勝兵家不以爲奇今大王兵士大約三十萬眾與我天子義則君臣親則骨肉猶生離間之疑况三十萬眾異姓之士保終身困迫而死於殿下乎蓋屢戰則疲疲則離離則孤大王其熟思之臣躬奉聖天子之旨念及大王以爲帝室最近之親何至如此未嘗不洒泣流涕大王若信臣言以爲質上表謝罪按甲休兵以待事報朝廷必有大王及軍民士之罪用修

姜氏秘史二

四十七

親好則天意順人心和太祖在天之靈亦安矣大王執迷不回恃小勝忘大義以寡敵眾爲此僥倖不可成之恃事臣不知孰優也况太祖大喪未終毒興師旅恐與伯夷叔齊泰伯仲雍求仁讓國之義有徑庭矣殿下有清夷朝廷之心天下臣民以殿下不無篡奪之意幸而得成固中大王之計後世公論以大王爲何如倘有蹉跌取譏萬世於斯時也追論愚臣之言其可得乎願大王再思而審處焉書奏不報魏又假周公援引詩書反覆幾千言末云今殿下論親親最長最賢卽我朝之周公

也當流言之謗亦如周公安重自修無一毫驕吝之態有則改之無則加勉內輔朝廷外屏四夷則周公不得專美矣惟我朝家業同周室太祖純德同文王皇后慈惠同后妃今殿下才美同周公輔吾皇上守成邁成康故以周家始終之說言之魏白髮書生生死不懼者久蒙太祖教養無所補報故披露肝膽大陳義理之辭如果賜死九泉之下得見太祖問臣所以臣亦有以藉口矣書奏又不報庚辰夏從景隆北伐軍潰南奔德州皆降已而遇督餉參政于臨邑時遇端陽酌酒同盟遂協謀

姜氏秘史二

四十八

固守濟南大著勞績後從征晉陽雁門等處壬午夏聞京師已定乃縊死驛舍

九月戊辰朔監察御史韓郁上書奏爲機密事臣聞人主親其親然後不獨親其親茲陛下講之有素行之方篤而佐之無人以致激變也蓋嘗卽彼諸王旣廢而言之以言其規則太祖之遺體也以言其貴則孝康之手足也以言其尊則陛下之叔父也彼雖可廢而太祖之體不可廢也親之手足不可缺也父叔之恩不可虧也且使二帝在天之靈有子有孫爲天子而厥弟厥子

遭殘戮是則其心爲何如哉臣每念及此未嘗不爲之流涕也此皆殘酷豎儒持一己之偏見廢天下之六公或者病藩封之太重謀削貶之權衡疑之太重慮之太深所以流禍而至於此也方周王不軌之際進言則曰六國反叛漢帝未嘗不削也執法則曰三叔流言周公未嘗不誅也遂使周王父子流離播遷有甚於周公之誅管蔡者矣夫辱亡齒寒人人自危理之常也矧周王既廢湘王自焚代府被推而齊臣又告王反矣爲計者必曰兵不舉則禍必如是則朝廷激變之也及燕之舉兵

姜氏秘史二

四十九

厥今兩月前後調兵者不下五十餘萬而乃一矢亡獲謂之國有謀臣可乎夫兵凶器也戰危事也以危事而用凶器其可淹久而不勇決乎經營幾許而軍需猶是告乏糧餉猶是不給將不效謀士不効力徒使中原無辜赤子困於道路迫於轉輸民不聊生且甚一日九重之慮無已出入帷幄與圖大事者方且洋洋自得若無事人由此而觀彼其勸陛下必削藩國者果何心哉諺曰親者割之而不斷疎者積之而不堅殊有理也陛下誠不察此愚臣以爲不待十年必噬臍之悔矣臣至愚惑

思至厚不敢不言伏願少垂洞鑒與九維絕釋齊王之囚封湘王之墓還周王於京師迎楚蜀爲周公傳其各命世子持書勸燕以罷干戈之舉以慰宗廟之靈明詔天下使之撥亂反正以厚親親之恩如是宗社幸甚天下幸甚

革兗州府東平金線關口巡檢司

又改平陰縣滑口鎮巡檢司爲潘家口堆巡檢司

遼東總兵官都督耿獻帥師攻永平府不克

乙亥革廣寧中屯等衛于廣寧中衛

丙子革池州府東流縣吉陽鎮巡檢司

姜氏秘史二

五十

增陞肇慶府陽江縣丞簿各一人

壬午改鎮江府丹徒縣京口驛直隸南京

癸亥改保寧府江油縣西平馬驛爲武平馬驛

己丑改鞏昌府會寧縣青家驛巡檢司爲古城巡檢司

徵謫戊官伏離等入京復爲指揮僉事等官

李景隆次於德州徵謫戊武官赴德州操備

調撫州守禦千戶所官軍赴德州聽操

十月五日辛丑革四川行都司利濟驛

壬寅革會州衛河南驛

癸卯置雲南府昆明縣儒學

增置平陽府置實庫大使一員

甲辰革國子監博士學正學錄增置助教一十七員

戊申改贛州府南橋堡巡檢司為安遠巡檢司

辛亥李景隆以諸軍至北平攻城不克遂築壘於九

門

壬子增置鶴慶府訓導二員

甲寅靖難兵襲執宣王權三衛官軍總兵官都督劉

貞道還京師守將都指揮朱鑑死之行軍都督陳亨

等降遂以其眾歸

姜氏秘史二

五十二

或記曰文廟初起兵猶未盛聞景隆將進攻北平

患之先是高廟末年嘗命文廟巡邊大宣軍隸護

衛官軍相與權甚大宣領朶顏三衛多胡人精銳

不靖而戊卒皆中州遷徙之眾北方苦寒日夜思

歸文廟知之至是命仁廟嬰城固守獨率千餘倍

道趨大宣遺書宣王告以窮蹙求為和鮮宣王信

之遂單騎入城執手大慟祈請甚切宣王為之草

表陳謝居數日情好甚篤從官稍稍入城陰結諸

胡并思歸之士皆許之既行宣王餞送郊外伏兵

擁宣王偕行招諸胡及戊卒皆從大宣城空墟難

兵自是愈盛矣世傳文廟善戰宣王善謀一時章

檄令諭多出其手嘗有事成中分之約後京城平

宣王欲建國遂上奏乞巡視許之宣王出以飛旗

諭有司治道文廟聞之大怒詔禁飛旗治有司罪

宣王不自安悉屏從兵與老弱中官數人偕往南

昌稱疾卧城樓乞封南昌詔即布政司為府屋舍

無所更厯武廟殿閣尙黑云宣王既得請遂放志

神仙以善終

貞合肥人洪武中宣獻王封大宣貞為總兵官北

平兵入大宣宣王盡以護衛官軍之北平意貞亦

姜氏秘史二

五十二

降籍其家下之獄俄而貞由海道自福建還京師

家人遂得釋大宣在喜峯口外石惠州地國初設

大宣行都司與遼東宣府二鎮相為聲援自後棄

大宣與朶顏諸虜都司遷保定而東邊遂失一藩

籬矣貞女為文廟昭順德妃

甲子省順慶府蓬州儒學訓導三員營山縣儒學訓

導二員

乙丑改貴州思州府平溪馬驛

革辰州府沅州使溪水驛改令水驛為使溪馬驛

州水馬驛為見州馬驛

丙寅省南陽府鎮平縣訓導二員

徵雲南官軍入京備征

十一月五日辛未李景隆及靖難兵戰於鄭村壩大敗壬申景隆還德州北平城九壘皆潰癸酉靖難兵入城

先是景隆次德州徵兵諸路合五十餘萬聞文廟東出遂圍北平刑部郎中魏校曰景隆號令嚴明莫敢違初圍北平築九壘於九門又結九營於鄭村壩親督之以待文廟之還令壘營人各爲戰非受令不得輕動文廟謀知之遂悉銳攻一營盡殲

姜氏秘史二

五十三

之莫有救者連破七營遂逼景隆營景隆不能支宵遁翌日九壘猶固守次第破其四壘諸軍始聞景隆走委棄兵糧晨夜南奔景隆遂還德州

丁丑改四川鹽課提舉司屬黑鹽井白鹽井鹽課司隸會川衛軍民指揮使司

改宣番衛白鹽井二鹽課司隸鹽井衛軍民指揮使司

己卯改四川宣番衛大鹽場鹽課司

庚辰革延安府葭州稅課司

辛巳革池州府貴池縣李陽河巡檢司

癸未改曲靖府南宣縣白水關馬驛隸霑益州

壬辰改福建寧德浦村批驗鹽引所于北茭批驗鹽引所

罷兵部尙書齊泰復以茹瑺爲戶部尙書

罷太常寺卿黃子澄

時以文廟表列子澄等罷之

革平夷衛

李景隆復聚兵於德州軍聲復振

以副都御史陳性善監景隆軍

陳性善名復以字行山陰人洪武中以春秋魁鄉

姜氏秘史二

五十四

試列名上第臚唱時上見其凝重屬目久之謂侍臣曰向唱名陳性善者君子也賜進士第出身授行人司副已而入翰林爲檢討初誠意伯劉基薨上命御史李鐸往取其遺書基子璉卽出觀象玩占於石室中從鐸詣闕上之上簡精楷者數人入便殿繙錄性善預焉上天威嚴重進見者皆惶汗甚或掣肘不成一字惟性善動止安雅旣竣書法端妍上喜悅令賜以酒是時威譴叵測性善淹留竟日家人以爲必死旣出莫不大驚久之起陞禮部左侍郎薦達薛正言輩云前河南布政司使韓

宜可方隸謫籍亦以性善言起爲副都御史皇太孫在東宮時已熟性善名及卽位一日退朝獨留性善賜之坐問以治天下之道要且使書於紙以是性善感知遇盡所欲言朝廷悉從之然施行未竟輒爲權奸所更改性善朝見曰陛下不以臣愚猥承顧問臣旣借塵上聽許臣必行今而詔書云然所謂爲法自戾陛下無以信天下矣未幾文皇帝入靖內難上命性善監李景隆大戰白溝河敗績與大理寺丞彭與明欽天監副劉伯完指揮王賀等皆被執以歸縱遺之性善朝服躍馬入於河

姜氏秘史二

五十五

以死詔加追戮徙其家屬於邊後悉赦之還邑人吳源爲傳其事

十二月十一日丁未置濟南府長山縣白山遞運所歷城縣龍山遞運所鄒平縣青陽遞運所青州府安邱縣沿河遞運所沿河驛渠邱遞運所渠邱驛益都縣青社金嶺鎮二遞運所昌樂新興遞運所新興驛庚戌革烏撒軍民府在城 二遞運所甲寅增置營繕虞衡司主事各三人戊午革烏撒軍民府趙班巡檢司辛酉靖難兵攻廣寧克之

癸亥置長蘆運司兩淮運司廣東運司福建運司各照磨所

改威武衛爲濟南左衛

改淮南武崇河驛隸桃源縣

置重慶衛石柱宣撫司監關巡檢司

遣都督瞿能將兵北伐

岷王榘有罪廢爲庶人岷府典膳李英等伏誅

革湖廣五開衛武陽千戶所

移蓋州等衛軍質廣寧左右前三所

營州右屯等衛官軍逃詣遼東詔編發給賞有差

姜氏秘史二

五十六

薊州衛鎮撫曾瑄謀起兵還朝不克死之

薊馬都尉王壺謀反幽於其第

改牧馬看山所四所隸孝陵衛

永樂元年封 寧爲永春侯世襲宣德間止授指揮僉事

揮僉事

改興州左右二屯衛官軍於營州衛

衛官張倫等率二衛官軍逃還結盟報効

詔興州營州開平等衛全家在伍者分房發回天下

衛所軍士死亡籍止一人者放爲民 此當在三十一

年

以禮科給事中鐵鉉爲山東參政

鐵鉉河南鄧州和豐鄉人洪武間由國子監生授禮科給事中一云初爲都督府斷事奏對詳明高廟善之字之曰鼎石凡法司有疑獄未決者必以屬鐵鉉文廟潛邸時有訴違法狀者召至屬法司問之數日獄未成高廟怒命鉉鞠之片時而成以此益愛重之未幾擢山東布政司參政庚辰靖難兵起曹國公李景隆駐師德州鉉督漕運飛芻輓粟水陸立進露集山邱未嘗缺乏旣而軍敗南奔與參贊高巍相遇於臨邑遂協謀固守濟南被圍

姜氏秘史二

五十七

月餘不下城有被攻破者輒完之以計詐降開門板候其入下之幾中其計靖難師知不能克越三月乃棄去事聞遣使賜以白銀練幣封及三代鉉入謝上賜宴陞布政司使尋陞兵部尙書佐大將軍歷城侯盛庸總天下兵文廟踐祚用計擒至正言不屈令其一顧終不可得去其耳鼻亦不顧碎分其體至死罵方已壬午十月十七日也時年三十七父仲名母薛氏皆踰年八袞並海南安置子福安年十二發河南編伍七歲鞍轡局充匠尋皆死

燕王上書

燕王棖謹奏爲報父仇事臣稽首頓首百拜昧死言臣聞天下至尊而大莫君與親也故臣之於君子之於父母必當盡其禮者蓋不忘其大本大恩也所以不敢忘者亦理之當然也故臣之於君則止乎忠子之於父則止乎孝如臣不忠於君子不孝於父是忘大本大恩也此豈人之類也與若然則君親之大本大恩爲臣子旣不可以不報則君親之仇爲臣子者其可不與君親報乎禮父之仇不共戴天兄弟之仇不反兵今我太祖高皇帝臣

姜氏秘史二

五十八

之君也父也君父之仇其可以不報矣乎我父皇存日因春秋高故每歲宣藩屏諸王曰我之所以每歲喚爾諸子來見我年老慮有不虞父皇健日尙如此父皇病久焉得不來宣我諸子者不知父皇果有病也亦不知用何藥而勿救以至於此大故也父皇五月初十日亥時崩寅時卽殮不知何爲如此之速也禮曰三日而殮候復生也今父皇不一日而殮禮乎自天子至於庶人焉有父死而不報子者焉有父死而不得奔喪者也何故父皇賓天一月纔發詔令親王天下百姓知之如此則

我親子與庶民同也禮乎禮曰天子七月而葬今
父皇七日卽葬不知何爲如此之速也臣以此禮
不知出於何典今見詔令言燕庶人父子方知父
皇葬以庶人禮也其可哀也矣其可痛也矣父皇
賓天葬禮未期卽將宮殿折毀掘起地五尺不知
父皇得何罪而至如此也況陛下卽位之初嘗諭
普天下文武百官其中有云太祖高皇帝用心三
十年大綱紀大法度都擺布定了如今想着太祖
皇帝開基創業平定天下便如做下一所大房子
與人住的一般若是做官的政事上不同心不守

姜氏秘史二

五十九

法度便是將房子折毀了却要房子裡安穩住的
一般世間安有此理旨哉言乎今陛下聽信奸臣
齊尙書等之言卽將祖業折毀與詔旨大相違背
使天下之人皆欲守其法度亦難矣哉孔子曰父
在觀其志父歿觀其行三年無改於父之道可謂
孝矣我父皇存日嘗與眾王曰我爲天子蓋造宮
殿不過欲壯觀天下萬邦來朝使其觀瞻知中國
天子之尊嚴如此也然此勞民苦軍費用錢糧豈
易爲爾故我今日蓋造宮殿極爲堅久壯麗使後
爲帝者享用不須再造勞苦軍民也今將祖業折

毀禮乎臣於父皇賓天便欲詣闕突問恐彼外人
不知者以爲臣有他心犯陛下也故不出一言吞
聲忍氣而淚從腹中落也不意在朝左班文臣齊
尙書黃太常卿等官皆是奸邪小人貪墨猾吏皆
我太祖皇帝誅不盡之餘黨又行結構爲惡以陛
下年少寬容每用巧言欺惑變亂祖法豈不知皇
明祖訓御製序云凡我子孫欽承朕命毋作聰明
亂我已成之法一字不可改易非但負朕垂法之
意而天地祖宗亦將予祐於無窮矣嗚呼其欽戒
之哉齊尙書嘗奏凡朝几筵揖而不拜及乎小祥

姜氏秘史二

六十

節屆亦不親行祭祀至於各王差官到京行祭祀
禮及奏事將百戶林玉鄧庸等拿下囚繫捶楚鍛
鍊令其誣王造反此何禮也齊尙書又誣親王擅
自操練軍馬造軍器必有他圖齊尙書明知皇明
祖訓兵衛二條凡王教練軍馬一月十次或七八
次五六次其臨事有警或王有閒暇則遍數不拘
又云凡王入朝其隨侍文武官員馬步軍旗不拘
數目若王恐供給繁重斟酌從行者聽之其軍士
儀衛旗幟甲仗務要鮮明整齊以壯臣民之觀於
洪武二十五年春父皇太祖高皇帝特詔諸王赴

京賜勅內一件云常歲訓將練兵驗視週迴封疆
險易造作軍器務要精堅堪用庶使奸邪難以口
舌惑眾勅後書曰洪武二十五年正月二十一日
早朝後午時分朕於奉天門命翰林修撰練子寧
許觀編修吳信三員執筆聽命朕口占以成以示
後人以辨真偽孫允攸親目之後發行故勅臣想
太祖皇帝以諸子出守藩屏使其常歲操練兵馬
造作軍器欲爲防邊禦寇以保社稷使帝業萬世
固也豈有他心哉其奈奸臣齊尙書黃太卿左班
文職等官不遵祖法恣行奸兇操威福子奪之權

姜氏秘史二

六十一

天下之人但知有齊泰等不知有陛下也七月來
詐傳聖旨使令惡少都督宋忠指揮謝貴等來謀
殺臣臣爲性命不得已而動擒獲反賊宋忠謝貴
等了當已嘗具本奏聞拘留宋忠謝貴等在官欽
候降旨誅決到今不蒙示諭其奈齊尙書又行矯
詔令長興侯耿炳文等領軍馬駐營雄縣眞定來
攻北平臣爲保性命不得已而又行動兵殺敗逆
賊耿炳文等所領軍馬擒獲駙馬李堅都督潘忠
甯忠顯成都督指揮劉燧指揮成等了當奸臣
齊尙書出榜令軍馬燕賊父子太祖皇帝我之父

也罵賊父子是罵祖與叔父爲賊豈非大逆不道
奸臣齊尙書如此無禮其罪當何如哉不意十月
初六日又矯詔令曹國公李景隆總兵令天下應
有軍馬來攻北平城欲殺臣臣不免親帥精兵盡
行殺敗李景隆等夜遁而去若是如此齊尙書等
必欲殺吾父皇子孫壞我父皇基業意在蕩盡無
餘將有以溷天下此等逆賊必不與之共戴天不
與父皇報得此仇臣縱死亦不已也今臣昧死上
奏皇上陛下憐太祖高皇帝起布衣奮萬死不顧
一生創業分封諸子今陛下聽奸臣之言父皇賓

姜氏秘史二

六十二

天未及期年將父皇諸子誅滅殆盡伏望陛下俯
賜仁慈留我太祖皇帝一二親子以奉祖宗香火
至幸陛下累發軍馬攻北平必欲殺臣臣爲保性
命將十萬之眾俱是舍死忘生之士報我父皇太
祖皇帝平日恩養之厚保我父皇子孫盡力効忠
於今日諺云一人拚命千人莫當縱陛下有數百
萬之眾亦無如之何也伏望陛下體太上好生之
德莫驅無罪之人死於白刃之下其恩莫大焉復
請陛下但是父皇宮中曾侍病者宮人并長隨內
官又用藥醫官營辦葬事及監折宮殿等官奸臣

齊尚書黃太卿應有左班文職等官發來與臣軍前突問欽願皇帝陛下奉承皇祖之訓以安聖心永爲社稷之主使天下人民各得其所矣如陛下聽奸臣之言執而不發臣請帥精兵三十五萬直抵京城索取去也此等皆我父皇之仇人臣必不與之共戴天臣若不得與父皇報得此仇是臣爲子不孝也爲子不孝此是忘大本大恩也豈人之類

今將合行奸臣數目開列於后

一宮中侍病老宮人 一長隨內官

姜氏秘史二

六十三

一太醫院官

一禮部官

一葬事官

一造孝陵駙馬等官

一奸臣齊尚書黃太卿左班文職

一監折毀宮殿工部官內官

如上逆黨一一如數發來臣軍前突問的實卽行差官賈押司具本奏聞伏取聖明裁決如果不發奸臣齊泰等來臣必不已也兵抵京赤地千里臣冒瀆天威無任激切恐懼之至臣棟頓首稽首百拜昧死謹具奏聞

元年十一月初九日臣棟燕王移檄天下

燕王令旨爲報父仇事諭天下藩屏諸王大小各衙門官吏軍民人等曰惟我父皇太祖高皇帝奉天承運華夷一統天下生民之主自踐天位以來誕敷聖澤廣被萬方彌扇仁風溥及八表使天下雍熙無一物不得其所何異唐堯虞舜之世我父皇可謂道通遠古德齊前聖雖漢開國之君豈能企及哉然而四海旣平天下底定以長子立爲皇太子餘子無分嫡庶悉皆裂土封王各守藩屏同享富貴以爲萬代子孫之計豈期數年以來不幸皇太子薨逝秦晉二王相繼而卒我父皇慈念皇

姜氏秘史二

六十四

太子蚤逝遂立其次子爲皇太孫居東宮洪武三十一年閏五月初十日不幸父皇賓天皇太孫卽帝位然我眾王不敢以叔道自尊凡表奏稱賀頓首百拜萬死言何因則欽遵父皇明命不敢爲一毫之非禮臣子之情至矣然而帝年幼冲卽位以來任用奸邪小人貪墨猾吏爲六部都察院左班文職等官日以甘言巧計蔽君之聰明使君淫酗酒色不遵喪制不孝於祖不親政事崇信奸回放黜師保屏棄典刑殘害骨肉於是穢德怒於天地京城地震十日山崩水溢天火災其上庫二月霹

震大風雨發屋拔木蝗虫遍生於隴畝占書曰地震者地德至靜欲其嘗安不敢動搖若主弱臣強地必震動臣下擅權則土爲不寧而變怪生焉陽伏不能出陰迫不能入陰陽相激地必震於宗廟宮殿者人君失位國無忠臣誅伐不能以理理下不相親也山崩水溢者五行失序也山公輔之象賢人退小人進則山崩山無故自崩國易政人主失位必流散也天火焚其上庫者賞罰不明也燒宮室者君不思道厥妖火焚宮室也霹靂大風雨發屋拔木者小人在位賢人出走君用讒言殺正

姜氏秘史二

六十五

人蝗虫遍生隴畝者佞臣輔君以貪苛之政邪臣在位則虫食苗葉君用才不當臣不任職則虫食苗節佞臣在位則虫食苗心任用奸邪則虫食苗根也吁天之警戒如此此皆齊尙書黃太卿左班文職等官讒佞恣行不道苦軍害民惟以誅滅親王爲心以致災異如此先是父皇有病付勅宣我第四子來奸臣齊尙書匿其使命使我父子不得相見至於父皇疾革數問曰第四子來否豈知佞臣齊尙書陰謀用心如此所以父皇有病焉肯令我諸子知之至於升遐亦不卽報我諸子奔喪至

今父皇得何疾用何藥而弗救至於大故五月初十日亥時崩寅時卽歛禮三日而歛冀其復生不知何爲如此之速也停棺不於中殿七日卽葬古禮天子七月而葬何爲如此之速也余以禮不知出於何典今見詔內言燕庶人父子方知父皇太祖皇帝葬以庶人之禮也其可哀也已其可痛也已何故父皇賓天一月方發詔令親王及百姓知之如此則我親王與庶民同也禮乎非禮乎况父皇賓天葬禮未具卽毀折宮殿掘地五尺不知父皇得何罪而至於如此也况帝卽位之初嘗諭

姜氏秘史二

六十六

普天下文武百官其中有云太祖皇帝用心三十年大綱紀大法度都擺布定了如今想着太祖皇帝開基創業平定天下便如做下一所大房子與人住的一般若是做官的政事上不用心不守法度便是將房子折毀了却要在房子裡安穩住的一般世間安有此禮旨哉言乎今上任聽信奸臣齊尙書等之言卽將祖業折毀與詔旨大相違背使天下之人皆欲守其法度亦難矣哉孔子曰父在觀其志父沒觀其行三年無改於父之道可謂孝矣我父皇存日嘗與我眾王曰我爲天子蓋造

宮殿不過欲壯觀天下萬邦來朝使其觀瞻知中國天子之尊嚴如此也然此勞民苦軍費用錢糧豈易爲爾故我今日蓋此宮殿極爲堅久壯麗使爲帝者費用不須再造勞民苦軍也今將祖業折毀禮乎及齊尙書嘗奏凡朝凡筵揖而不拜及乎小祥節屆亦不親行祭祀至各王差官到京行祭祀之禮及奏事將百戶林玉鄧庸等拿下囚繫極楚鍛鍊令其誣王造反此何理也齊尙書又誣親王擅自操練軍馬造軍器必有他圖齊尙書明知皇明祖訓兵衛內二條凡王教練軍士一月十次

姜氏秘史二

六十七

或七八次五六次或臨事有警或王有間暇則遍數不拘凡王入朝其隨侍文武官員馬步旗軍不拘數目若王恐供給繁重斟酌隨行者聽之其軍士儀衛旗幟甲仗務要鮮明整肅以壯臣民之觀於洪武二十五年春父皇太祖高皇帝時詔諸王赴京賜勅內一件云常歲訓將練兵驗視周巡封疆險易造作軍器務要精堅堪用庶使奸邪難以口舌惑聽勅後書曰洪武二十五年正月二十一日早朝後午時分朕於奉天門命翰林修撰練子宣許觀編修吳信三員執筆聽命朕口占以成以

示後人以辨真偽孫允杖觀日之發行故勅臣想太祖皇帝以諸子出守藩屏使其常歲操練軍馬造作軍器欲爲防邊禦寇以保社稷使帝業萬世固也豈有他心哉其奈奸臣齊尙書黃太卿左班文職等官不遵祖法恣行奸宄操威福子奪之權天下之人但知有齊尙書不知有皇帝在上也然而帝被奸臣所惑溺甚故我父皇骨肉未冷墳土未乾後母盡妻之初以流言而罪周王破其家滅其國將周王次妃選入其宮人悉配於軍士湘王無罪聽讒臣之言賜其焚死齊王無罪又聽讒臣

姜氏秘史二

六十八

之言降爲庶人拘囚在獄護衛侍從人等盡皆撥散及乎岷王又聽讒臣左班文武齊尙書等官之言以金帛賞王之左右使其誣告岷王降爲庶人流於漳州烟瘴地面想齊尙書黃太卿等奸邪小人貪墨猾吏將我父皇之子孫報其私仇快其心志嗚呼彼人之毒甚於狼虎我父母能有幾多子孫受彼之害能消幾日盡痛心疾首豈勝言哉不意奸臣齊尙書等又使令惡少謝貴等爲北平都司官張昂爲布政司官有本府長史葛誠用心狡詐來謀殺我於六月將軍馬圍住外墻柵木截我

端禮四門行路殺我守王城上軍士披甲執仗銳鼓叫呼聲震城野使人在城坐食惶懼不安我亦能耐之至七月十五日來謀殺我約申時引兵入王城當日有都指揮張信來透消息爲保性命不得已於未時動兵擒獲逆賊謝貴等了當七月十六日都督宋忠等領軍馬八千步軍一萬二千調山西萬安懷安宣撫前衛軍馬一萬前往懷來下營期會各處軍馬來攻北平予故不免親帥精騎八千直抵懷來與忠軍交戰自辰至午忠軍大敗獲馬六千匹生擒到逆賊宋忠都指揮孫太俞填

姜氏秘史二

六十九

等盡行殺死餘眾悉降八月奸臣齊尙書等又矯詔使長興侯耿炳文等領軍馬三十萬前來雄縣真定期會各處軍馬來攻北平不免又行親帥軍馬往彼迎敵於當月十六日破雄縣斬首九千餘級獲馬三千匹生擒到都督潘忠指揮楊松二十五日大破真定將逆賊長興侯耿炳文所領軍馬盡行殺敗斬首五萬餘級獲良馬二萬五千餘匹生擒左副大將軍駙馬李堅右副大將軍甯忠右都督顧成何都指揮劉遂眾降咸宥歸於原衛江陰侯吳高都督耿璈楊文將遼東軍馬來圍永

平我帥騎士一萬九千倍道兼行直抵永平吳高等聞風夙夜逃奔以太祖皇帝恩養厚德都指揮房寬領軍馬出城來降所有逆賊朱鑑萬凌遲處死了當惟都督劉貞陳亨將領軍馬守住松亭關不肯來降我親帥精銳騎士三萬襲破其營生擒都督劉貞陳亨單騎遁去太監遂平奸臣齊尙書出榜令軍民罵燕賊父子是罵祖與叔父爲賊豈非大逆不道奸臣齊尙書等如此無理其罪當何如哉未幾奸臣齊尙書黃太卿等左班文職又行矯詔使令曹國公李景隆領天下各都司軍馬

姜氏秘史二

七十

五十餘萬於十月初六日來攻北平圍我之城必欲殺我謂天下官軍何不念太祖皇帝恩養厚德留我一二親王以奉祖宗香火豈不幸哉故我仰賴祖宗積德之深於是親帥軍馬以寡敵眾將景隆所領天下軍馬盡行殺敗斬首一十萬九千餘級餘眾降者咸宥歸於原衛景隆等夜遁西而去然余之用兵所向克捷此皆余平日存忠孝之心故天地祖宗神明憐而佑我也若不如是縱用兵如孫吳亦無能爲也余想奸臣齊尙書等必欲害壞我父子孫基業蕩盡無餘將以圖天下也何

如此之苦毒也哉竊惟我父皇親親之心天下之人所知者且如靖江王守謙其祖爲惡至於守謙景惡不悛降爲庶人我父皇思念祖宗尙不忍破其家滅其國復立其長子爲靖江王諸子皆爲鎮國將軍享有爵祿與朝廷同其久遠也周齊湘代岷五王皆父皇親子縱有惡亦當寬恕何況無爲惡之實迹皇明祖訓法律內一條凡風憲官以上小過奏聞離間親戚者斬風聞王有大過亦無實迹可驗職以上聞者其罪亦同奸臣齊尙書左班文職等官不遵祖訓助君爲惡而遂至於如此使

姜氏秘史二

七十二

我眾王日夜憂愁飲食睡夢不遑寤處况子自父皇賓天以來抱病持服未嘗一日離苦次遵其親法毋敢少犯惟曰守分而已奈其誅滅五王又來殺我願余雖匪才乃父皇太祖高皇帝親子母后孝慈高皇后親生皇太子親弟忝居眾王之長禮曰父之仇不共戴天兄弟之仇不反兵今奸臣齊尙書黃太卿等余必不與之共戴不報得此仇縱死亦不已矣故用欽遵皇明祖訓法律內一條躬行率領精兵三十萬誅討左班文職奸臣獻俘於祖宗神明令受非常之刑上以政其君下以安其

軍民使我父皇基業以永萬世豈不幸哉嗚呼皇天后土常以大中正而爲心祖宗神明寧無誅奸去邪而爲念故用諭示普天下藩屏諸王暨大小各衙門官吏軍民人等咸使知朝廷左班文職奸邪大逆不道我父皇之讐爲子者其可不報乎
故諭

姜氏秘史二

七十二

明 弋陽姜 清撰

庚辰二年春正月丙寅朔天下司寺郡縣來朝免賀靖難兵圍蔚州指揮李誠謀叛伏誅數日守將王忠以城降遂進攻大同不克

先是誠出城哨探為遊騎所獲誠素勇號冲天李文廟釋而禮之誠欲獻城自救遂縱遣入城謀覺繫獄死文廟乃悉眾登舊臺負土下築高與城齊急攻之城乃降擢忠等官拘其妻子送北平遂以其眾進攻大同

姜氏秘史三

一 豫章叢書

庚辰革韶州府翁源縣以其地并桂山巖巡檢司入於英德

革平越衛稅課司

增置萊州府慶豐庫大使二人

丙戌革平樂府昭平遞運所

改永州府祁陽縣湘江市巡檢司為和平巡檢司

庚寅置應天府知候所於後湖掌册人數設大使大

副使秩未入流

增本府通判一員

壬辰革四川行都司來遠驛

二月二日丁酉改漢陽府為漢陽州更置官屬革僧綱道紀司稅課司及漢陽縣儒學蔡店新灘二稅課局桑臺湖馬影湖二河泊所百人磯巡檢司其蔡店鎮巡檢司仍隸本州

壬寅詔禮部右侍郎兼翰林院學士董倫太常寺右少卿高遜志考試天下貢士

時知貢舉官禮部尚書陳巡右侍郎黃觀同考試官右拾遺朱逢吉史官吳勤葉惠仲趙友士徐景旭又作張秉彜監試官御史王度俞士吉

黃觀字爛伯一字尚濱池州貴池人父贊於同邑

姜氏秘史三

二

許氏生觀遂從母家姓習尚書補邑諸生常作翠微書舍讀書其間受業於元翰林待制黃暉大兵入大都暉死之觀益砥礪以名節自許洪武庚午貢入胄監是歲領鄉薦明年會試第一入對御試策大要以天道福善禍淫之機人事練兵講武之法為言高廟嘉之擢狀元及第由翰林歷尚寶司卿禮部右侍郎革除年間改官制增侍中員次尚書以觀為之仍掌尚寶司事奏復其姓與方孝孺等日見親用靖難兵起觀奉命草詔極陳大義師既渡淮奉命徵兵上游諸郡入援觀奮不顧家且

行且募兵至安慶聞京師已定痛哭謂人曰吾妻
素有志節必不肯受辱遂招魂葬之江上明日家
僮自京逃來言當國者索傳國寶不得或言許尙
寶已赴上游起兵矣因命執其妻翁氏并二女配
象奴叱取釵釧出市酒殺翁攜二女率家屬十人
赴淮清橋下溺焉一云城南濠中觀舟次李陽河
聞上已出奔過池之建德而郡臣奉新皇帝卽位
今三日矣自分大事已去力不能支乃東向再拜
於羅刹磯湍急處紿舟人奮棹投水而死舟人急
鉤之僅得珠絲棕帽後追捕者得之以獻命購其

姜氏秘史三

三

屍不獲有匿之者遂族觀家且逮其姻黨百餘人
坐繫詔獄仁廟初悉釋不問其謫戍邊徼者又數
十人景泰中進士邑人孫仁使遼有老卒朱徽者
給事使館亦以觀累戍徽故爲諸生嘗從觀游仁
問舊事且泣且言云翁氏池口人歿時有司收其
屍并二女具棺斂以待朝命不報天順中池人至
南京柳林破棺猶有存者詢之父老咸曰此黃狀
元妻女云近知縣龔守愚於所居故址學宮之西
立祠祀之或傳故尙書泰州儲曜家燕有觀集尙
存

王度字子中惠州歸善人嘗肆力經書稽理修詞
爲人所師部使者以明經儒士薦起家拜山東道
監察御史繩糾務持大體疏十餘上多見用高皇
帝棄羣臣諸藩不靖兵部尙書齊泰等會議軍事
度與僉謀庚辰會試俾度監之翕然稱得人時太
將軍曹國公李景隆北向敗績退保濟南以歷城
侯盛庸代之度密陳便宜無不可制勝者乃有東
昌之捷景隆徵還赦不誅又當軸用事惡庸等掩
已譏聞遂行度等與謀者皆見疎辛巳夏六月濟
寧告急師徒屢敗將士皆異更避敵度奏請募兵

姜氏秘史三

四

壬午春有小河之捷命度勞師徐州而還夏五月
鳳陽不守方孝孺與度等畫策誓死社稷秋七月
坐黨禍戍賀縣千戶所出語得罪合族被戮度死
年四十有七

葉惠仲台州臨海人兄刑部主事夷仲常雅爲方
孝孺所知有文名惠仲亦不愧其兄時稱二葉各
有集以傳惠仲初任廣武衛知事洪武末嘗以知
縣充修史官革除二年會試後陞知府永樂元年
二月二十二日戮死年六十四妻蕭氏爲奴
改南雄府爲州更置官屬

革保昌縣以所屬紅梅平田百順三巡檢司隸於州

壬寅增置會川衛馬刺畢直金縣三長官司吏目

癸卯置涪州關山巡檢司

甲辰革贛州府長洛巡檢司

革南安府南康縣潭口鎮巡檢司

庚申考試官董倫等賜宴於禮部

陸都給事中秩正七品給事中秩從七品

辛酉革廬州道紀司無為六安二州道正司巢縣道

會司

壬戌改五城兵馬指揮司為五城兵馬司指揮為兵

姜氏秘史三

五

馬副指揮為副兵馬

癸亥革行人司改行人於鴻臚寺

改大理寺左右寺正為都評寺副司各設評事六員

甲子改都察院為御史府革十二道置察院一設監

察御史二十八員司獄一員革司照磨檢校

詔曰頃以斷獄繁易御史臺號都察院與刑部分

治庶獄今賴宗廟神靈斷獄頗簡其都察院承漢

制為御史員定為二十八人務為忠厚以底治平

乙丑革常德府九潭湖河泊所詔江西浙江蘇松人

仍授戶部官

洪武間以戶部掌錢糧勅禁浙江江西蘇松人不
得除授至是除禁

三月丙寅朔帝御奉天殿以勅問試天下貢士賜狀

元胡靖等及第出身有差

時奏策王良第一上召諸進士問之以靖貌逾良

遂擢靖第一良次之李貫又次之未幾授翰林院

修撰良貫大見信用建安楊子榮亦以是年第二

甲第三名賜進士出身除翰林院編修

靖初名廣字光大吉水人生八歲而孤自幼好學

日記數千言至是廷試對策有親藩陸梁人心不

姜氏秘史三

六

搖等語帝以為敢言擢第一賜名靖除翰林修撰

擢侍讀附大宗復名廣拜翰林學士兼春坊大學

士為上所知一時制誥戒諭之文多出其手詔修

五經四書性理大全命廣總裁嘗從上巡北虜出

居庸關入沙漠王師所至功烈炳耀廣記述之十

一年春上幸北京再扈從出塞滅虜還既丁艱服

闕進文淵閣大學士兼春坊嘗上却封禪頌歷數

前代帝王厭務國事矯誣上天卒貽天下後世笑

時稱其有識又上駱虞神龜等頌以取媚自稱澹

庵之後喜談忠義事嘗集文山事蹟為傳記序之

以傳卒年四十九果贈少師謚文穆與廣同時者
解縉楊士奇夏原吉楊溥楊榮黃淮金幼孜蹇義
輩皆攀龍附鳳爲時大臣云初靖難兵入撫州吳
溥爲應天學教授與靖良解縉鄰三人者踰垣集
溥舍靖縉陳說大義靖慷慨良弗言但流淚耳溥
曰三子名重受知日深事在頃刻若溥去就固可
從容三人去與弼時以童子侍嘆曰好胡叔能仗
節溥口不然王叔死耳語未竟靖呼曰外面鬧甚
看猪溥頷嘆曰一猪不忍肯自忍乎須臾良舍哭
聲震動矣縉乃馳謁文皇入見甚喜是日暮歸靖

姜氏秘史三

七

復會縉日情與君殊當自決縉給靖入房曰吾與
汝不死鑰之而去告文皇曰臣才不及靖方欲自
盡臣以人守之文皇曰盡與俱來對曰非臣力所
能須遣近臣數人喻以大義強之庶可文皇亟如
縉言靖既至文皇迎執其手曰好箇秀才如何從
我蚩兒靖遂叩頭文皇大悅故信遇特甚亦縉推
重致之也至今靖支裔在庠序者人尙目爲猪仔
云

王良字欽止吉水人建文己卯江西鄉試第一明
年廷試對帝親擢廣爲第一而以良次遵洪武乙

丑事例著首甲皆授修撰良與第三人李貫皆與
焉良聞靖難帥起居常憂輒不食日就羸憊以辛
巳九月卒上憫之道吏部侍郎黃觀諭祭良之家
譜所述如此而吉安志乃曰文廟繼統先一日羣
臣多往迎附良闔門與妻子訣是夜吞腦子死非
其實也良子修亦首舉鄉薦云
己巳革詹事府爲御史府賜御史衣宴於新第詔太
預宴
以都察院在太平門北不便朝參改於此
壬寅以備榜舉人選署教諭訓導

姜氏秘史三

八

詔年十九以下願選者聽給俸廩三年仍許會試
有登第者論其徒得中省試就進士合授官遞陞
一級無則止從合受其下第而有徒已中省試許
以實授教訓九載考滿黜陟其下第而徒皆不中
省試仍署職減半俸

癸酉革慶遠府忻城縣以其地入東蘭州

革臨江府新喻縣河泊所

革青州府壽光縣稻田店二遞運所

革高州府廣寧庫

癸未革辰州府麻陽縣僧會司

丁亥置松江府渠堰處

庚寅革鳳陽府廣儲一倉二倉三倉四倉五倉

革辰州府沅州平溪巡檢司置黔陽巡檢司

乙未置建寧府歐寧縣漳州巡檢司

遣鎮東將軍總兵官吳高督遼軍圍永平不克

以襄義為右府都督僉事

義廬江人國初累立戰功授楚雄指揮使洪武庚

午入朝太祖憐其老命太醫院為染髮鬢還治帝

褒用舊將徵拜都督僉事尋卒子聚襲府軍右衛

指揮使

姜氏秘史三

九

遷肅王於蘭縣

肅莊王太祖十三世子初封甘州僻在河西羌虜

時時擾害王乞內徙遂移度金城關置府蘭縣東

北甘州中護衛官軍從之

以進士黃鎮為戶科給事中

鎮字叔揚蘇州常熟人洪武初以太學生授典史

後登革除庚辰進士遷戶科給事中以憂居家王

午歲自投琴川橋下死

改左都御史景清為御史大夫

時改都察院為御史大夫府遂改左都御史為御

史大夫清陝西真寧人本姓耿以報籍訛僞儻尙

大節領鄉薦游國學時同舍生有秘書清求焉弗

與固請但一見即還曰吾縱敏一夕盡熟之邪生

不待已與之日往索其書曰吾不知何書初未嘗

假汝也生急訟於祭酒清持其所假書往見曰此

燈窗所業書耳即背誦徹卷及問生生無以對也

祭酒叱生退清即以書還生日吾子珍秘特甚持

此相戲耳初清赴學時主家有女為妖憑清宿其

家是夜妖不來去即復來女詰之曰避景秀才耳

旦日女以聞其父父追及清語之故清書景清在

姜氏秘史三

十

此四字令父歸粘於戶而妖自是遂絕後清試甲

戌禮部第三錄詩書二經對大廷第二人及第八

翰林三載改監察御史丁丑春召見嘉其才能命

署都察院左僉都御史革除間陞左都御史文廟

繼統練子監同日死之而清獨委蛇待朝人疑焉

一日清早朝著緋衣入先是星者奏文曲犯帝座

甚急上疑之因疑清及朝清獨緋也遂收之而得

所帶劍因加詰責清不屈而死死之夕精英迭見

嗚呼為主報仇清豈其倫耶

四月丙申朔丁酉改嘉定州峯門水驛隸眉州清神

縣

戊戌增置蘇州府吳長洲嘉定崑山吳江常熟六隸
縣主簿各一員

革杭州府臨安縣稅課司

己亥增置松江府上海華亭二縣丞簿典史各一員

壬寅革襄陽府宜城縣柳陰套河泊所

革鞏昌府階州峯帖山巡檢司

乙巳革漢中府沔縣栢林青林驛

丙午李景隆自德州進兵北伐

丁未改辰州府沅州水驛為沅陽水馬驛

姜氏秘史三

十一

省保寧府劍州儒學訓導三員昭化縣儒學訓導二
員

省馬湖東川芒部烏撒烏蒙五府同知推官知事各

三員

辛亥革安慶府懷寧縣長楓夾鎮巡檢司

乙亥置西安府咸寧縣乾祐鎮冶所鞏昌府寧遠縣

寧遠鎮冶所

丙辰改武定軍民府和曲縣屬金沙江巡檢司善驛

環州驛隸於元謀縣

乙未諸軍次於白溝河靖難兵行戰不利

庚申及靖難兵大戰陸梁衛指揮滕聚等死之諸軍
大敗李景隆走德州

按開國功臣錄俞通海衛三十二年七月有旨遣

艾端起越雋侯俞通海授豹韜衛指揮使八月領

軍北伐三十三年四月死於白溝河之戰朝廷哀

悼勅葬南門聚寶山號公墓傍賜神策老軍劉海

等守之失書於此

癸亥置濟南府泰安州新暉驛

甲子革撫州府臨川縣航埠稅課司

革永州府江華縣錦田巡檢司

姜氏秘史三

十二

五月戊辰革德安府孝感縣道會司

己巳參贊軍務高巍山東左參政鐵鉉會於臨邑遂

還濟南

景隆南奔巍及督餉隨之次臨邑諸城堡皆望風

奔潰巍及鉉置酒同盟協謀固守濟南以偵後援

遂趨濟南

庚午革南昌府原儲庫

革吉安府永新縣河泊所

辛未李景隆棄德州走濟南

聞北兵將至遂遁

癸酉靖難兵入德州

戊寅詔吏部凡官員三日一赴吏部填註

先是內外官缺月報吏部聽選彙缺赴填註遂補
選至是吏科請每三日一註庶免遺漏從之

革慶遠府宜山縣德勝馬驛河池縣馬安馬驛

以貴州都指揮使程遲為左軍都督府都督僉事

己卯靖難兵攻濟南李景隆奔還遂圍城

革韶州府樂昌縣河泊所 此當係戊寅

庚辰改廉州府欽州靈山縣直隸本府

壬午革兩淮小海鹽場課司入於革堰場鹽課司

姜氏秘史三

十三

徙廣州府陽山縣西岸巡檢司於河南為巡陽巡檢
司

甲申改長洲吳縣二稅課局為蘇州府稅課司長洲

吳縣分司各設副使一人

置建寧府政和縣黃梅巡檢司

丙戌革德安府雲夢縣儒學訓導二員

己丑革慶遠府忻城縣三寨鎮巡檢司

革會川衛黑鹽井監課司副使一員

立濟南中衛以雄崖千戶所附之

時路阻不能達九月都督盛庸遣兵召雄崖兵至

都督僉事朱榮棄樂城走還詔誅之

留守左衛指揮同知李申伏誅

申子讓為燕府儀賓居守北平甚力申以故坐誅

沒其產丁男典刑幼者收孥婦女入浣衣局異姓

家屬俱發邊衛充軍讓舒城人靖難兵起進謝馬

都尉承樂初掌北平刑部事封富陽侯景泰追贈

敏公

六月甲午革廣信府廣濟倉副使一人

戊戌置延平府南平縣武步驛

己巳詹事府增置少師少傅各一員賓客二員

姜氏秘史三

十四

置資德院設資德一員資善二員屬官贊讀贊講贊
書著作郎各二員掌籍典簿各一員

丙午置各王府賓輔二員正三品伴讀伴講伴書各

一員從七品長史司長史一員正五品改左右長左

從五品改審理正典膳正奉祠正良醫正典簿正為

審理典膳奉祠良醫典簿審理副典膳副奉祠副良

醫副典簿副各郡賓友二員正四品教授一員正八

品記室二員正九品直史司直史一員正六品左右

直史各一員從六品首領吏目一員未入流典印署

典印典祠署典祠典禮署典禮各一員正九品引禮

二員未入流典饌署典饌典藥署典藥各一員正九品儀仗司吏目一員未入流詔賓輔伴讀伴講伴書及賓友教授進對侍坐稱名不稱臣用師賓之儀

己酉省常德府沅江縣訓導二員

八百上官刀板面遺頭目罕入貢方物

己卯革肇慶府開建縣僧會司

丙辰革太原府興縣孟家峪巡檢司革袁州府萍鄉縣河泊所

縣河泊所

壬戌改陝西行都司儒學為監夏等衛儒學

徵鳳陽府官軍赴大教場備操

姜氏秘史三

十五

遣御史周觀政典兵徐州

秋七月甲子朔革典牧所

革慶遠府忻城縣羅目鎮巡檢司

革濟南府歷城縣堰頭水驛

改衛經歷秩正七品

辛未改建昌府新城縣飛猿巡檢司

革福建木蘭陂批驗鹽運所

己卯革沔縣以其地附褒城縣

庚辰置開封府西華縣河清驛

辛巳增設欽天監五官監候一員當在三年七月十六日

丁亥復置河南府新安縣鈇治所吉水縣關山巡檢司

戊子革大同府雜造局副使一員

辛卯改濟南歷城縣堰頭巡檢司為長嶺巡檢司隸

章邱縣

置山西河南雜造局各設大使一員

壬辰革廬州府英山縣稅課司

遣遼東都督楊文圍永平不克

以徐寶署兵部右侍郎事

八月癸巳朔革徽州府新安驛

姜氏秘史三

十六

承天門災詔求直言

甲午革袁州府萍鄉縣盧溪稅課司

壬寅改衢州府上航埠頭馬驛常山縣廣濟渡為廣

濟水馬驛

革西安縣信安山二驛

癸卯改承天門為臯門端門為應門午門為端門謹

身殿為正心殿

改大學士為學士華蓋文華武英正心四殿各置一

員文淵閣一員各殿增設待詔無定員增文淵閣典

籍二員革東閣大學士

甲辰革廣州府清遠縣橫石馬驛東莞縣城西水驛
乙巳增置翰林院承旨一人文學博士二人改孔目
爲兵簿正九品省侍講學士五經博士待詔典籍置
文翰館設官以侍讀并中書舍人改爲侍書正七品
丙修撰一員正六品編修從六品檢討正七品居之
按吏部册己卯八月十二日改中書舍人爲侍書
蓋設於翰林院至是始立文翰館分附焉

戊申遣都督陳 帥兵援濟南

山東參政鈇鉉謀襲靖難兵下克遂大戰於城下靖
難兵大敗解圍奔還北平遂復德州諸州縣以鉉爲

姜氏秘史三

十七

山東布政使

北兵圍濟南不下城中軍民日夜乘城詬罵不已
北兵大怒築長圍攻之三月內外不通鉉乃詐開
門降密遣壯士提鉄坂於樓上使其入下之北兵
覺亟還鉉知計不獲遂帥眾出戰北兵亂大敗窘
甚奔還北平於是德州及諸郡皆復兵勢大振捷
聞

上遣檢討陳 勞以金幣吏部主事魯 賜誥封三

代鉉入謝擢山東布政使

辛亥革金華府東陽縣土山關巡檢司

九月十日辛未復建昌府南豐縣太平巡檢司
以歷城侯盛庸爲總兵官佩平燕將軍印帥師北伐
置饒州府餘干縣康山巡檢司平陽府臨汾縣汾水
巡檢司

革潮州府程鄉縣河泊所

革漳州府漳浦縣後葛巡檢司爲古雷巡檢司

癸酉革郴州郴江驛

己亥革鳳翔府東河橋驛革漢中府略陽縣峽口驛
褒城縣關山清橋二驛南鄭縣黃沙驛鳳縣草涼樓
梁山岔安山四驛金州稅課局

姜氏秘史三

十八

丁丑置淮安府南銷倉

辛巳淮安分司置東官場鹽課司

癸未置杭州府錢塘縣諸橋巡檢司海鹽縣長安鎮

巡檢司

丙戌增設太常寺贊禮郎二人

革漢中府峽陽縣嘉陵 泉二驛

丁亥革漢中府城固縣稅課局徙金川茶倉於漢中

府

辛卯復置贛州府寧都縣寧都寨馬頭寨二巡檢司

赦流放官員緣用子孫

洪武中以過誤逮及得罪者皆徵其子孫錄用之
十月壬辰朔改天壇祠祭署爲郊壇祠祭署山川壇
祠祭署爲籍田祠祭署泗州祠祭署爲泗濱祠祭署
宿州祠祭署爲新豐祠祭署
癸巳革郴州桂陽縣濠村巡檢司長樂山口巡檢司
增置興寧縣永成巡檢司
丙申革慶遠府舊忻城縣來蘇鎮巡檢司
戊戌革郴州宜章縣稅課司德安府雲夢縣二稅課
司荊州府長陽縣稅課局
己亥革刑部司獄一員

姜氏秘史三

十九

庚子定監生歷事各衙門者一年爲滿從本衙門考
覈分上中下三等引奏上等不拘選用中等下等仍
歷一年再考上等者依上等用中等者不拘品級隨
材任用下等送監讀書

洪武中監生隨本監司務分勤謹平常才力不及
奸懶等用引奏勤謹者仍歷俟缺官以次取用平
常再歷俟缺官以次取用平常再歷才力不及送
監讀書奸懶充吏

己酉增設兗州府供給倉大使一員

甲寅革光祿寺各署丞二員設監事二員

戊午革金華府蘭溪縣耕塘稅課司
己未革杭州府昌化縣平密巡檢司肇慶府陽春縣
古良巡檢司

省成都府綿威二州訓導各三員新繁雙流崇寧安
井研德陽什方綿竹彰明羅江十一縣重慶府黔江
鄂都武隆三縣順慶府蓬州及營山縣保寧府劍州
及昭化廣元江油梓潼四縣敘州府筠連縣夔州府
萬縣眉州丹稜彭山青神三縣潼川州蓬溪鹽亭射
洪中江四縣嘉定州威遠縣雅州及榮經名山蘆山
三縣凡州省訓導三員縣省訓導二員并馬湖府訓

姜氏秘史三

二十一

導二員

庚申靖難兵襲滄州入其城追執都督徐凱程暹諸
軍降是夜盡坑之

十一月壬戌朔定京官還家程限

吏科都給事中汪奏請依監生省親例往來路程
外許在家三月先是止一月朔

癸亥革常州府江陰縣黃田關宜興縣張清批驗茶
引所

戊辰置平涼涇州溫泉鎮巡檢司

壬申靖難兵掠景州次於臨清

甲戌改靖州會同縣鎮遠巡檢司爲江東巡檢司
革鳳翔府郿縣稅課司

乙亥革延平府南平縣大曆稅課司潮州府海陽縣
園頭稅課司

丙子革安慶府宿松縣涇江口歸陵灘鎮二巡檢司
改大理府太和縣金沙巡檢司隸蘭滄衛北勝州

革四川筠連茶司

丁丑置澂江府路南新興二州陽宗江川二縣儒學

戊寅改華州潼關倉隸河南都司潼衛

庚辰革鞏昌府兩當縣以其地并 花驛隸於徽

姜氏秘史三

二十二

州置兩當巡檢司

壬午改湖州府揭陽縣鮑補巡檢司

置徐州永福倉設大使副使

甲申革濟南府堰頭遞運所

乙丑革鳳陽府定遠縣豐儲倉置臨淮縣花園倉設

大使副使

四川蒼州歸附

十二月己亥置真定州永定倉

庚子增應天府訓導二員

甲辰革永寧宣撫司赤水河貴州宣慰司畢節二處

運所

己酉革鳳陽府稅課司改廣濟關稅課分司爲府稅
課司

辛亥復置御史府

革建寧府建陽崇安浦城三縣河泊所及建陽縣后

山河泊所

壬午改封邱縣中藥巡檢司爲武陽縣東趙巡檢司

乙卯靖難兵攻東昌都督盛庸帥師拒戰殺指揮張

玉太破之

先是上詔諸將戒約軍士無使朕有殺叔父之名

姜氏秘史三

二十二

文廟知之故每戰挺身獨出短兵相接莫敢有加

文廟騎射尤精進者每爲所殺至是兵大敗奔文

廟猶以一騎殿後追者數百人不敢近丙辰追兵

大至圍之數里文廟策馬大呼擊殺數十人潰圍

出遂奔北平

置武威中衛募兵充各衛壯士

擢山東布政使鐵鉉爲兵部尙書佐歷城侯北伐

兵部左侍郎盧淵有罪除名

淵除名煎鹽永樂初召用

革牧馬所吏目改所倉屬太僕寺典廐署

先是三十一年五月十二日所鎮撫王化奏養馬
收糧草多請置倉

遼王渡海來朝請設官吏太孫許之閏五月七日開
設

辛亥置播州長官司長官儒學

革延平府將樂尤溪順昌沙四縣河泊所及南平縣
西芹河泊所

山西都司清遠衛戍卒羅義上書下獄數日釋之

義以朝廷加兵親藩詣闕上書乞恩命講和又上
燕王書其畧曰昔者武崩成幼管叔流言周公誅

姜氏秘史三

二十三

之殿下聰明英武博通經史今之周公周公乃叔
父也而相輔焉管叔流言間王室也宜以周公之
心爲心謹守燕土則天下皆以爲周公之聖復生
於今日矣又謂古之夷齊以國相讓去隱於首陽
山矧聖賢欲成天下之事必先明順逆之理成敗
之勢福禍之機又得天宜人心之安然後可今殿
下以藩國敵朝廷如遂其願愚實羞之乞早息兵
書上忤旨下獄太宗卽位以義爲戶科給事中尋
陞湖廣左叅議又陞前湖廣左叅議楊砥爲鴻臚
寺卿以其建文時嘗上書請敦親恩罷兵息民故

也

姜氏秘史三

二十四

姜氏秘史卷三終

姜氏秘史卷四

明 弋陽姜 清撰

辛巳三年正月辛卯朔帝御奉天殿始受親王百官朝賀是日宴百官於奉天門頒賞於四夷朝使作凝命神寶成詔誥天下

初元年得青玉於雪山爲璽方六寸九分篆曰天命明德表率萬方精一執中宇宙永昌至是成方孝孺有頌

靖難兵還取邱縣又取威縣

真定守將吳傑平安遣兵邀擊不利

姜氏秘史四

一 豫章叢書

平安一名保兒真定藁城人驍勇有名決戰善取勝庚辰四月以都指揮從李景隆戰白溝河辛巳閏三月戰藁城統卒十萬餘人大敗北兵於小河壬午春充副兵督遼東軍十萬圍通州大戰單家橋四月退至靈壁大戰爲北將朱能所擒安常持長鎗馳馬追文廟幾及之會馬蹶乃弗克前至是上問向若非馬蹶汝將何爲安大言曰刺殿下若拉朽耳上壯其言嘆曰高皇帝養下好漢子慰勞備至命掌北平都指揮使事京師既平久之上嘗謂曰平保兒尙在邪安遂自經死李賢稱鐵鉉之

死之烈日平氏有愧焉又有北平都指揮孫狗皮者徐州人革除間有戰功以忠義聞後永樂初降百戶

己丑靖難軍克 州真定守將復遣兵邀擊不利遂攻德州長圍軍敗之

戊辰靖難兵據蠡縣

革廣南府花朵驛

改建寧府松溪縣東關巡司爲遂應巡檢司

庚午革廣西太平府乃積倉

辛未帝祀天地於大祀殿是日還宮羣臣賀畢

姜氏秘史四

二

壬申宴羣臣於奉天殿大祀慶成也是日羣臣大歡會賦詩紀成頌天下

戊子革瓊州府陵水縣牛嶺巡檢司改感恩縣延德巡檢司爲感恩巡檢司

二月丁未革武昌府江夏縣寨湖湖泊所

辛未省平樂府富川縣學訓導二人

癸丑革廣西太平府左江驛

甲寅革贛州府信豐縣稅課司

乙卯革廬州府道紀司及無爲等州道正司巢縣舒城縣道會司

丙辰革平涼府崇信縣稅課司

三月辛酉革兗州府魚臺縣僧會司

壬戌革韶州府曲江縣綿普巡檢司

癸亥革平樂府榕津巡檢司

改欽州為欽縣更置官屬

革廣州府陽山縣以其并三巡檢司

革瓊州府樂安縣丞簿二人

革會州衛稅課司

丙寅革成都府灌縣道會司

庚午革肇慶府四會縣金溪巡檢司

姜氏秘史四

三

吳傑平安帥師於蕤城及靖難兵大戰不利還真定靖難兵遂渡滹河而南

丙午革建昌府廣昌縣巡檢司

甲寅革永州府江華縣稅課司

遣大理寺少卿薛巖奉書詣靖難軍

巖陝西閩鄉人慷慨負志操有治才口辯洪武間

累官大理少卿大兒信任辛巳春兵屢敗方孝孺

建議草詔命巖資至燕軍又作宣諭數下言刊印

千餘紙付巖令密散諸將士使歸心巖曰上言殿

下且釋甲謁孝陵尊印下令旋師太宗叱其紿已

左右欲殺之太宗曰此天子命使也釋之其謀不

行及平內難免巖死謫廣西永樂初安南國王為

黎季犛所殺其孫陳天平自老搃來歸季犛子蒼

請還君之上命廣西總兵官都督黃中以兵五千

送歸其國中舉巖為輔行至芹站伏發劫天平巖

被虜死

四月己未靖難兵攻順德府不克

甲子革濟南府東昌縣稅課司

乙丑置揚州府江都縣瓜州倉儀真縣儀真倉

丙寅革遼東履鹽倉

姜氏秘史四

四

辛未置播州宣慰司及僧綱道紀司

壬申革邵武府建寧縣稅課司

甲戌復置慶陽府靈益課司大使一員

乙亥改永寧宣撫司稅課司為司

庚辰革辰州府盧溪縣丞簿一員

壬午改金華府蘭溪縣水驛為澗江水驛衢州府

停步驛為停步水驛

都指揮吳三帥師至新城縣敗績

五月二日庚寅革夔州府並巫山縣二河泊所

丁未置平陽府翼城縣東嶺巡檢司岳陽縣沁村巡

檢司靈石縣高壁巡檢司

壬子省常州府稅課司副使一員

革大同府馬邑縣稅課司

甲寅改思明府利州直隸廣西布政司

詔選武官弟任為沿海巡檢

錦衣衛所鎮撫陳直言廣東海南濱巡檢多係人

才不諳操戰禦賊請於軍官弟任中不應襲替者

保選上從之詔在京各衛所選取相應年三十以

上者送吏部查缺選補

黜刑部左侍郎王良為浙江按察使

姜氏秘史四

五

良字天性河南開封府人居常以忠孝自許後任

刑部左侍郎辛巳五月滅燕人罪輕左遷浙江按

察使謁岳飛墓誓曰苟媿武穆非人也內難平良

聞變慟哭會令使來召良即集本司與各道印於

私第嗟嘆躊躇久之妻問其故但曰我分應死所

以處汝未決耳妻笑曰我則不難處君為男子乃

為婦人謀乎遂命妾餽食即抱其子欲獻如廁自

投於池而死良久往覓之子匍匐池亭其鞋猶在

頃之浮起良殞殮畢即列薪於戶寫遺囑付家人

妻抱幼子往某僉事家以圖存宗祀遂舉火闔家

自焚死壬午九月也事聞於朝上曰死是其分印

乃我父皇所制不宜毀而毀之特可罪耳詔徙其

家於邊其後台人陳璘私識其事每談及必流涕

沾襟云正德戊寅九月按察使梁材提學副使劉

瑞於公署之東曰冰鑑亭者改為祠以祀之

六月戊午朔革常德府沅江縣稅課局

乙未增廣州府南海縣主簿一員

戊辰改邳州遞運所為宿遷遞運所

己巳革太原府五臺縣稅課局

壬申靖難兵次濟寧潛兵掠沙河沛縣徐焚糧廩京

姜氏秘史四

六

師大震

癸酉革河間府任邱縣河泊所

甲戌革衢州府開化縣稅課局瑞州府新昌縣稅課

局

戊寅置復臨江府新喻縣鐵冶所

庚辰省荊州歸州興山縣學訓導二人

辛巳革汝寧府上蔡縣崇禮驛鳳陽府鳳陽縣太平

驛西家驛懷遠縣柳灘驛潁州兗峒驛義塘驛沈邱

驛潁上縣黃岡驛淮潤驛壽州南關驛東正陽驛開

封府鄆陵縣美化驛西華縣關口驛商水縣德政驛

項城縣金雞驛尉氏縣蓬池驛潮州府程鄉縣鐵冶所高州府石城縣廣州府建寧鐵冶所

乙酉省松江府稅課司副使一人

革嚴州府淳安縣壽昌縣紹興府新昌縣徐州豐縣及金華府蘭溪縣香溪鎮各稅課司

觀海衛指揮張壽伏誅

壽同 會飲議國事安危爲人所告刑部鞠之

處斬詔磔於市

遣太僕少卿祝孟獻使朝鮮易馬

孟獻賫紵絲五千疋絹四萬疋布二萬疋藥材一

姜氏秘史四

七

萬六千斤易馬未及還上出奔

七月戊子朔庚寅革泉州府惠安縣河泊所

甲午靖難兵襲破彰德府軍遂破瓦尖寨

戊戌置兗州府濟寧州任城驛

省徽州府紹興府稅課司副使各一員

革績溪縣會稽縣蒿陵及嚴州府分水縣和州含山

縣四稅課司

壬寅大同守將房昭引兵入紫荆關遂趨保定府靖

難兵還救之昭退保西山寨

甲辰革池州府東流縣道會司

丙午革南寧府武緣縣那馬博合寨二巡檢司

己酉增設寧夏衛永寧倉副使一人

甲寅詔限僧人田五畝餘以賦民

戶科給事中陳繼之言江南僧道多占肥腴田請人給五畝以賦民上從之遂勅禮部曰朕聞釋道

之教其來久矣本以清淨空幻爲宗避事離俗爲

事近代以來俗僧鄙士食著自養貨殖富豪甚至

田連阡陌本欲以財自奉然利害相承遂不之覺

既有饒足之利必受官府之擾况因此不能自守

每罹刑憲雖身遭戮辱而教亦隳焉夫佛道本心

姜氏秘史四

八

陰翊王化其助弘多至於末流所習華奢蠹蝕教

門致使訓毀肆行貽累厥初朕甚憫之原其教驅

實自用始今天下寺庵宮觀除無田產外其有田

者每僧道一人各存田五畝免其租稅以供香火

之費餘田盡入官有佃戶者佃者自承其業無佃

戶者均給平民如舊田不及今定數者不增若有

祖業及歷代撥賜爲辭告言者勿理如原係本朝

撥賜者不在此例凡僧道一應丁役並免其有自

相告許爭訟非干軍民詞訟者仍聽有司受理其

入有司公廳堂理訟者不許仍服僧道官洪武年

問已有清理及開設教民榜文當申明各遵守本
教之規化緣者不在禁限非奉朝命不許私竊簪
剃年未五十者不許爲尼及女冠嗚呼多藏厚亡
老氏攸戒除欲去累大覺所珍欲利減則善心生
善人多則風俗美欽茲定制永底太平爾禮部及
僧錄道司如勅奉行

繼之字 福建興化府莆田縣仁壽里十五圖
人庚辰進士北京不息間有建白因肆指斥嘗言
於朝曰徐承福燕之至親必有陰謀請誅之不聽
已而承福果開門降於敵靖難兵入城與黃子澄

姜氏秘史四

九

齊泰卓敬韓永等不服夷三族錦衣衛監簿載繼
之父四秀年六十九發甘肅充軍十月二十四日
次開封府卒母黃一姐年六十五發甘肅隨住十
月二十九日次鄭州卒男徵子四歲隨母給配後
永樂六年抄送鎮撫司十月十六日在屯田所亡
妻饒氏卽姚氏年四十二配象奴阿宗女進奴年
十三給指揮袁江爲奴次京奴一歲永樂初亡弟
俞湖等悉戍邊

革衛輝府輝縣稅課司

丙辰革開封府陳留縣稅課司

革播州長官司黃平安撫司儒學
定急選法

洪武中吏部凡選官文選司抄選具本覆奏附選
送吏科科目類附選簿用寶鈐記選榜亦送科收
至是定制陞除等項官員吏部選官之日將引選
過官員就於當日從本部官自行附寫及不係選
官之日有因急文除授并逐日實授陞調等項內
外官員通類各官實授除授等項月日處所職名
鄉土於選官日覆奏附選就用寶鈐選榜送司禮
監收

姜氏秘史四

一

八月丁巳朔置高州府石城縣河泊所
己未雲南老撾及八百刀板面各遣入貢 先是指揮
丙寅革汝寧府光州南陽府舞陽縣衢州開化縣仙
霞關三稅課司
革播州宣慰司僧綱司道紀司
丁卯詔人才不識字及未三十者歲准放
洪武中人才不識字卽充校尉年未三十者仍免
充人才不放諸人屢以爲言從之
己巳改慶遠府泗城州直隸廣西布政司
辛未革臨安府寧遠州吏目一人

省各布政司參議各一人

甲戌置夔州府巫山縣驛

己巳增設各布政司理問副 此係前己巳復

乙亥置永州府道州填光巡檢司

戊寅增設高州府石城縣丞一人

己卯置慶陽府阜城馬驛

庚辰省兗州府稅課司副使一人

革鄒縣及青州府博興臨朐淄濰蒙陰四縣凡六稅

課司

辛巳省雲南府嵩明縣訓導一人

姜氏秘史四

十一

增置番衛仙泉鹽井新羅等三井黃市等二井鹽課

司各副使一人

癸未改黃州復湖河泊所隸黃岡縣

復置瑞州府上高縣麻塘巡檢司

甲申置河間中衛鎮番衛

靖難兵圍西山寨又圍定州

時房昭結寨西山以窺北平至真定守將運糧赴

寨寨險甚水薪不足以糧少為憂北平兵聞真定

糧至邀之不克遂圍寨

九月戊子詔北方衛所幼官年十七以下不能治軍

者挈家赴京送南方衛所供給

置贛州府會昌縣長河巡檢司

己丑置曲靖府陸涼州陸涼驛

庚寅革邵武府光澤九江府瑞昌袁州府分宜武昌

府通城大冶凡五縣稅課局

辛卯改四川行都司廣盈倉大使未入流

庚子省金華稅課局副使一人

革常德府南城及安陸州荆山縣郴州興寧縣汝寧

府羅山縣九江府彭澤縣凡五稅課局

壬寅革寧番衛瀘州納溪鹽倉

姜氏秘史四

十二

省富等小三井上流等九泉二鹽課司副使各一人

增設太常寺太祝二人

丙午革平樂府恭城縣黃州府黃陂縣鐵冶所

庚戌革眉州府德縣濟南府海豐縣兗州府泗水縣

贛州府會昌縣等都縣襄陽府鄖縣凡七稅課局又

荊州府監利縣稅課司局

丁巳真定府守將遣兵援西山寨與靖難兵戰於峨

嶺山下不利都指揮葉英以寨降房昭奔還遂定

壬子改平樂府為平樂州更置官屬革平樂府增置

安源鎮巡檢司革西嶺白面鎮峽三寨巡檢司

甲寅改成都府華陽縣馬軍寨巡檢司爲保寧府廣元縣七盤關巡檢司

十月辛酉省思南府都儒五保三坑等處巡檢司爲三坑巡檢司及婺川縣丞簿各一人

革建寧府建陽縣后山稅課局

庚子革平陽府萬泉縣沁州及武鄉縣延安府鄜州

鄜城南安府南康縣頭汝寧府信陽縣永州府祁

陽縣郴州凡八稅課局

丙寅置瓊州府陵水縣苗山巡檢司

己卯改和州雍家城馬驛爲水驛

姜氏秘史四

十三

革廣西太平府稅課司

庚辰置武守軍民府儒學

甲申革河南府偃師縣太原府孟縣二道會司

十一月乙酉朔

壬辰革萊州府平度州亭口鎮巡檢司

戊戌省襄陽府稅課司副使

革開封府鄭州彰德府涉縣南安府南康縣饒田饒

州府德興縣西安府咸陽興平盤屋醴泉鄠五縣乾

州及淳化縣三水縣登州府福山縣黃源太原府陽

曲縣平陽府榮河縣大同府山陰縣及潞州屯留縣

成都府漢中縣福州府羅源縣凡十九稅課局

己亥革保寧府廣元縣九井馬驛

增設南陽府永平庫大使一人

戊申革辰州府盧溪縣河泊所

庚戌改光祿寺司牲司爲慈牧所置司圖所設大使

未入流

辛亥革韶州昌樂縣道會司

省湖州府永豐倉副使一人

鞦韆遣使通於靖難兵

壬子省荊州當陽縣儒學訓導二人

姜氏秘史四

十四

鞦韆冠鉄嶺衛殺百戶鼓城

總兵遼東都督楊文帥師圍永平靖難兵還救永平

十二月丙辰靖難兵據西山寨攻真定游兵

庚申革鳳翔府岐山汧河二縣登州府招遠縣大同

府渾源州順慶府大竹縣夔州府開縣瞿塘凡六稅

課司

壬戌革保寧府紫石水驛廣元縣問津朝天二馬驛

閬中縣高橋水驛

丙寅復置袁州府分宜縣鐵冶所武昌府興國州鐵

冶所

丁卯改南寧府宣化縣那樓寨巡檢司爲那九寨巡檢司

庚午置重慶府江津縣五脉巡檢司

丁丑革成都府茂州汶川縣寨水巡司土巡檢置流官巡檢一人

戊寅革潮州府海陽縣黃岡遞運所

辛巳省黃州府稅課司副使一人

置神武中衛

置錦州衛

置鎮淮衛

姜氏秘史四

十五

置豐沛衛軍民指揮使

兵部册係十二月備遺錄以爲是年九月

遣駙馬梅殷鎮守淮安

殷守淮號令嚴軍威大震都御史茅大方以詩勗之曰近來消息事如何聞道將軍志不磨縱有大龍蟠地軸莫教鐵騎渡天河關中事業蕭丞相塞上功勳馬伏波老我不才無補報西風一度一悲歌後靖難兵入京不由淮安文廟召殷還寵賚甚至殷不能平時見辭色文廟不得已屬人伺之竟殺殷於橋投屍水中公主聞變入宮大慟文廟官

其子皆爲指揮孫純成化辛丑進士博學性剛有

祖風嘉靖初卒

靖難兵焚真定六縣糧

詔內官出使放縱許有司械送於京

洪武初內官奉使出外約束甚嚴不得與士民交然亦恃寵放縱有司畏之嘗有魯內官過廣信之弋陽縱馬於田踏食其稼佃者不知也擊之傷足魯詢佃者知田主富人周也遂遣人告之周大懼償其馬傾貲賄焉魯歸有以擊馬事聞高廟竟籍周滿戍銅鼓衛至是有以內官暴橫爲言詔所在

姜氏秘史四

十六

有司但遇內官奉使暴橫虐害士民者卽擒縛送京師以聞於是內官奪氣密謀推戴矣或曰靖難兵起三年屢戰多勝衝突千里罕能禦之然所過城邑往往堅守不下間克之兵去卽殺守帥復爲朝廷及壬午所據者惟北平永平保定三郡而已至是內官密言於文廟直擣京師約爲內應天下可定文廟然之壬午春舉兵直赴京師不復爲歸計意有所屬而朝廷不知之也兵旣入城天下大定內官言功不已文廟患之未幾諸有謀者皆爲邊藩鎮守假以大權賜公侯服儕於侯伯之上永

樂未征胡出塞數十日不遇虜軍士困迫大臣諫者輒鎖之太監沐敬力爭文廟罵曰反蠻敢爾敬乃仰首徐應曰不知誰是反蠻文廟大怒命曳出斬之敬語漸不遜文廟舍之乃曰吾家養人皆如此何憂不治敬亦與謀者也

詔吏部考試翰林編纂士以楊士奇第一授吳王府副審理仍居翰林

士奇自志曰起家文學除審理副又云叨祿於朝四十四年乃歷事四聖已自造建文矣

以遼府紀善程通爲遼王左長史

姜氏秘史四

十七

通字彥亨徽州績溪人少有至性動必遵理嗜學不倦鄉先生奇之年十四補縣學生洪武乙丑以貢入太學時年二十二丙寅遭父喪歸廬墓下三年哀慟毀形妻子至不相識戊辰復上太學時祖平調戊辰安年已大耄通乃上書曰臣壯而無父祖猶父也臣祖老而無子孫猶子也更相爲命今邊徼戍卒如林願豈少臣祖者辭極懇切書奏高皇憐之持其章不下私命兵部檄召平既至乃并召通東西立石陛下願通曰汝識此人否祖孫相持哽咽不能仰視高廟嘆曰孝哉若人命兵部除

其籍驛送平還鄉庚午秋通以尙書舉應天府鄉試時遣諸王將兵行守邊以封建策諸貢士於廷獨通所對稱旨親擢第一授遼王府紀善辛未從王閱武臨清壬申從王之國遼西時王府未建以祖喪免歸復廬墓三年服闋復任未幾高廟上賓庚辰從王渡海南還辛巳進左長史明年始從之國荊州悉心輔導王敬禮之凡一國之事咨焉府中有衛士紀綱者川調事得幸每召而笞戒之會文廟既正大統紀綱以入賀留侍歷官錦衣指揮使被顧問因乘間及封事遂有詔械通詣京師簿

姜氏秘史四

十八

錄其家得物田四十畝遺書千百卷牯皮數張黃希范洪武末先出知徽州府雅與通善至是亦爲衛卒所捕并籍其家同赴京師而績溪程姓最眾幸使者仁恕罪止一房餘獲保焉有文稿百餘卷悉毀於官

以戶科給事中龔泰爲禮科都給事中

泰字叔安金華義烏人九歲而孤母傅氏躬教之遣就外傳而日記數千言長從宋濂之門人宋思睿游洪武丙子領鄉薦明年入太學奉旨閱齊府衛總畫周密眾始危而後服之吏部策試第一除

戶科都給事中辛巳遷都給事中壬午六月太宗師渡江泰與其妻傅訣曰願事至此吾分且死矣爾第賈勃搗幼稚以歸否則俱溺於井辱可免矣言未竟火起內廷泰赴之道爲兵校所執見上於金川門命非奸籍者釋之泰亦釋乃遂投城以死是月十三日也泰遇事剛果有爲以孝友聞始居邑庠出息學宮之陰俄有狂者至擠泰於池幾溺勿救或請訟官泰曰使誠溺彼病狂於我何校卒不納鄉人趙文慶者爲奸所竊跡之勿得有謂巫言其應如響叩之當得其實願泰俱往及往巫見

姜氏秘史四

十九

泰暄不能出一語眾由是服泰之正死時年三十六鄉人士夫莫不悲之子永吉累官兵部右侍郎改南京大理寺卿致仕議者謂泰得釋罪不及族必有其由或謂泰懲軍士最嚴其死蓋讐之者所爲也

右副總兵平安帥遼東兵十萬圍通州不克師及靖難兵大戰九門城

按楊文敏公集孫岩鳳陽人從太祖渡江擢金吾左衛百戶尋陞燕山中護衛正千戶洪武庚申從王之國己卯王起靖難以岩守通州南兵大至城

圍數重起土山臨城攻西門燬樓堞岩率眾捍禦城賴以完未幾兩軍合戰岩操戈身先士卒大呼陷陣士氣爭奮追奔逐北斬馘甚眾得饋運船三百餘艘貨糧無算陞指揮僉事辛巳兵復至攻城益急岩勵將士登城立戰矢石交下敵乃退陞都指揮僉事壬午春平安督遼東兵十餘萬逼城岩語將佐曰彼眾我寡若城守不出是示弱也不若及其始至擊之彼必敗也乃率敢死士數百犯其鋒而城上亦合勢大呼眾大潰自是畏岩無敢復來攻者通城屏蔽冀方使六師南進而無北顧

姜氏秘史四

二十

憂者岩之力也事平封應城伯永樂戊戌六月二十日卒贈翼城侯謚威武子亨嗣

姜氏秘史卷五

明 弋陽姜 清撰

壬午四年春正月甲申朔都指揮葛進帥兵渡海沈河遇靖難兵戰不利奔還真定

丙申省杭州府昌化縣丞簿各一人

增置仁和海寧二縣主簿各一人

丁酉增設各衛經歷知事一人理刑

置錦衣衛經歷優給武學設教授一人啟中等十齋

訓導各二人

革柳州永昌縣稅課局

姜氏秘史五

一 豫章叢書

置西安府同官縣金鎖關巡檢司

靖難兵拔兗州府鄒縣

戊戌靖難兵拔東平州通判鄭華死之

鄭華者台州臨海人洪武丙子貢士丁丑進士官

行人誦東平州判將赴任聞靖難兵至時鄉人趙

次進丞無錫華以妻託之馳至東平力疾戰死

庚子靖難兵克汶上縣遂攻濟陽縣庠生高賢宣以

書諫城陷教諭王省死之

王省字子職吉水人洪武壬子領鄉薦明年詔免

會試命吏部次第擢用之省以親老乞歸養復以

文學應徵高廟親試稱旨例當殊擢自陳才薄學

疎親老乞便遂授泮梁教諭尋丁外艱赴改睢陽

八年改濟陽靖難兵至濟陽省為游軍所獲從容

引譬辭義慷慨眾舍之省乃升明倫堂召諸生謂

曰若等如此當如何名明倫堂今日且都不說只

說君臣之義一節如何遂大哭諸生亦哭遂以頭

觸堂柱而死後有司立祠學宮院祀之

高賢宣者濟陽人建文中國子生文廟兵至濟南

城未下以箭書射城中使亟降時賢宣適在城中

乃作周公輔成王論射城外請罷兵未幾城下賢

姜氏秘史五

二

宣被執文皇帝曰此作論秀才耶好人也欲官之

固辭其友紀綱勸令就職賢宣曰君是學校棄才

我食廩有年不可也綱言於上全其志而遣之後

卒年九十有七棄才云者以綱被黜庠生也

癸卯革荊州府松滋縣襄陽府穀城縣兗州府魚臺

縣福州府連江縣四稅課司

丙午增設金華蘭溪二縣主簿各一人

丁未革保定府涿州辰州府溆浦縣彰德府武安縣

鳳翔府寶雞縣太原府寧鄉縣平陽府浮水縣敘州

府高縣西安府耀州

庚戌靖難兵攻沛縣守備指揮王顯迎降知縣顏環主簿唐子清典史黃謙皆死之

環字伯璋以字行吉安廬陵人唐魯公之後以賢良徵長徐州沛縣知縣文廟舉兵靖難所過郡縣皆歸附環獨以死守會曹國公李景隆出師駐於德州環率淮北民給軍餉措畫有方未嘗缺乏辛巳六月靖難師直擣濟寧過沛沛民竄匿環招來之九月設沛豐軍民指揮司集民壯五千人築堡備禦尋調三千益前軍壬午正月靖難師駐沙河二十二日攻沛環遣縣丞胡先詣徐州告急而度

姜氏秘史五

三

不能支頂送其子有為使歸且告之曰汝還家白太太子職勿克盡矣題察院壁曰太守諸公鑒此情只因國難未能平丹心不改人臣節青史誰書縣尹名一木豈能支大厦三軍空擬築長城吾徒雖死終無憾望采民謠達聖明夜二鼓師入東門指揮王顯迎降環冠帶升堂南面拜大哭曰臣無以報國矣乃自經死時年五十其子不忍去父復還已死矣遂自刎以從俄擒主簿唐子清典史黃謙至亦死之縣丞胡先收環父子屍葬南關題曰顏公墓正統初監察御史彭最巡邑詢諸戶部主

事致仕孟式得其葬處令有司起墳立祠祀之靖難兵入蕭縣知縣鄭恕死之

鄭恕台州仙居人由訓導舉陞直隸徐州蕭縣知縣靖難師至力拒焉被擒死時年五十六二女當配亦死之子濂湜任皆從坐恕之戮也在壬午八月十七日云仙居建祠祀恕及其二女春秋祭之癸丑革東昌府臨清縣臨清關

靖難兵次徐州城守不下

置四川英武前衛

何福陳暉平安帥師追靖難兵次於濟寧盛庸次於

姜氏秘史五

四

淮河

刑部尚書侯泰督運通濟寧

泰字順懷南和人累官刑部尚書靖難師起泰主抗禦之策壬午二月運糧至濟寧諸郡五月復運糧至淮安京師已告急六月赴京行至高郵被執七月十二日就戮弟敬祖子玘尋坐死

蘇州府知府姚善以郡兵入衛京師

善字克一湖廣安陸州人初姓李後復今姓居魚竇為人志行純篤學識高遠為書生時扁讀書所日待旦軒會稽唐之淳為之銘善工詩與唐相唱

和洪武中由鄉舉歷祁門丞同知廬州重慶所至
有能聲三十年擢同知蘇州初上以吳民薰染夷
俗借靡達法明法以齊之器者或更籍持短長賊
謫蜂起號難理善洞達政體周悉人情張弛寬密
各協事宜每數造諸郡賢哲考治道商畧民生休
戚俗尚淳漓以期消息自革由是吏民頗尚禮義
轉稱大治為列郡最隱士王賓獨居陋巷善往候
見舍車躬詣門賓問為誰應曰姚善乃開門延語
及賓報謁面府門再拜而去善自邀還辭曰非公
事不敢入也又將候韓奕避入太湖善嘆曰韓先

姜氏秘史五

五

生可謂名可得聞面不可得而見也己卯靖難師
起善畫策勤王與有勞焉壬午京師平時黃子澄
朝廷案之急避於善所約與航海善曰在公則可
在善則不可善守土之臣當與城存亡子澄去竟
仗節而死其見危致命節義可稱云長子節發戍
賀千戶所幼子繼兒蘇州隨母給配保兒頂兒送
工部習匠善以壬午六月二十一日逮問七月十
一日就戮時年四十三又考之太宗實錄云燕師
日迫建文與方孝孺用漢破七國之策貶齊黃於
外善言於朝曰有文武才畧可以扶顛濟危者反

置之散地不用今事狼狽須急召之詢其姓名不
對再三詢之則曰於今人才豈有過於黃太卿哉
遂復召二人不至則是善嘗在朝也然其詳不可
考矣正德丙子巡撫都御史秦金祀之鄉賢祠

二月丙寅朔

己未增置蘇州府推官一人

丙寅論征伐功榜於德州陞賞有差

雲南左衛副千戶關慶陞楚雄衛指揮使

辛未改瓊州府寧遠縣藤橋巡檢司為臨川巡檢司

癸酉革沔陽景陵縣僧會司

姜氏秘史五

六

甲戌革鳳陽府太和縣延安府宜君縣鞏昌府寧遠
縣太原府崞縣潼川州安岳縣四稅課司

乙亥改田州府向武縣都康州直隸廣西布政司革

武林縣以其地附富勞縣改隸向武州

丙子改福州府古田縣谷口巡檢司為水口巡檢司

丁丑革邵武府泰寧縣道會同

己卯省楚雄府稅課司副使一人

更定品級階勳

尚書為特進資政上卿侍中資政卿侍郎資政亞
卿郎中資政中大夫員外資政大夫給事中嘉正

中士

三月甲申朔

丙戌革廣平府廣平縣真定府趙州二稅課司局

靖難兵自徐州趨宿州

丁亥革武昌嘉魚縣辰州府辰溪縣濟南府齊河長

清肥城新城新泰萊蕪六縣兗州府鉅野東阿二縣

肇慶府陽江縣凡十一稅課局

丁酉右副總兵都督平安帥師次淝河擊敗靖難兵

復戰不利

時安部下胡騎指揮火耳灰素驍勇及北兵敗持

姜氏秘史五

七

猶直趨文廟不敢有加欲執之北兵童信引兵射

之蹶其馬遂降而復與安戰安敗績

丙午改九江府德化縣龍開河鎮巡檢司為瑞昌縣

白石巡檢司

增設西安府稅課司副使一人

改封遼王於荊州府遂之國

遼東都指揮帥兵圍薊州指揮李廣以城降指揮孫

通拒之北平都指揮陳賢以靖難兵來救諸軍退送

移師圍保定不克

遣監察御史魯鳳韶使靖難兵

靖難兵日迫朝廷議遣使致書罷兵無敢行者鳳

韶獨請至軍前不納鳳韶取竹通節入書鼓風達

之亦不報既而歸第鳳韶江西廬陵人

四月甲寅朔

丙辰省重慶府綦江縣訓導二人

靖難兵次文廟及諸軍戰自是諸軍及靖難兵按縱

行守互戰不已

庚午省徽州府永豐倉池州府太平府豐積倉副使

一人

革永昌府道州永明縣郴州桂陽縣平陽府吉州大

姜氏秘史五

八

同府沁水縣廣州府增城縣嘉定州隰為縣烏蒙府

稅課局

省烏撒曲靖二府稅課司副使一人

己巳置撫州府臨川縣壇林崇仁縣 稜宜黃縣止

馬廣信府貴溪縣南津四巡檢司

庚午總兵官何福帥師次於小河敗靖難兵

時上欲還朱能諫止小河之戰指揮同知徐 深

入陷陣連殺十餘人敵亦辟易莫敢當忽大風塵

起軍亂猶奮槊直呼曰男兒當於死中求生會馬

蹶沒於陣初太宗起兵置勇士一軍自將皆才力

過人者而徐與焉永樂初贈驃騎將軍都指揮使
右見抑庵文集

遼東諸軍復圍保定積四十日不克引還

都督韓觀帥兵次於保定三臺及靖難兵 都指
揮丁 帥師次於小保定縣靖難兵遂戰大敗觀
軍還敗績

辛未革龍江關副使二人

丙子何福次於汴河及靖難兵大戰丁丑至齊眉山
復戰

洪武中有道士題其門曰滅烟知府聞而從之至

姜氏秘史五

九

是靖難兵駐高平坡日亭午攻城遣人來覘以門
榜報文皇大恐拔營而去觀此革命之際豈人謀
哉

丁丑置雲南府祿豐縣儒學

庚辰吐蕃寇保寧千戶所陷之

辛巳靖難守將敗韓觀於安州西南及山西右護衛
軍

壬午靖難兵及諸軍戰於靈壁悉破營寨諸軍大敗
執左副總兵陳暉右副將軍總兵平安總兵官何福
皆遁

於是文廟慰勞備至遣將費璵送暉安於北暉中
道逸去不知所終安後掌北平都司印後文廟登
極語北平使曰平保兒尙在耶安遂自經

五月癸未朔

戊子省鳳陽府泗州廣濟倉廬州府六安州軍備倉
廣德州和豐倉臨江府豐儲倉袁州府永豐倉吉安
府大有倉各副使一人

革貴州都司及福建閩清縣平陽府汾西縣三稅課
司

靖難兵次泗州指揮周景以城降

姜氏秘史五

十

壽州千戶劉源以城降

辛卯省泉州府永春縣興化府興化縣辰州府辰溪
縣各丞簿一人

靖難兵渡淮都督盛庸敗走遂克盱眙縣

壬辰靖難兵據鐵裏寨及都督韓觀軍戰大敗

丙申置慶陽府靈州巡檢司

遣京衛官軍操戰

戊戌靖難兵次三河諸軍迎戰敗績

張本字致中東河人洪武中以國子生擢揚州府
江都縣知縣靖難兵及境衛府皆已歸附本猶率

民治守具其母曰此天命也可避天以禍人乎遂率民詣軍門朝事平陞知府後官兵部尙書宣德六年正月七日卒 見東里文集

己亥揚州衛指揮王禮謀叛御史王彬守將崇剛覺之執禮係獄弟王宗誘指揮徐政作亂遂執剛彬庚子靖難兵至禮迎降

政係張勝故人王彬宇文質東平人革除中爲御史歲壬午與指揮崇剛知之執禮及其黨係獄五月乙亥燕將都指揮吳王招諭揚州禮弟宗與干戶徐政張勝率舍人吳麟等數人出禮等於獄執

姜氏秘史五

彬及剛開門以降惜彬之死狀無可考也崇剛鎮守揚州指揮語見前

今按自建文初年靖難師興被執者無慮數十人不止剛與彬而已己卯懷來之戰都指揮俞瑱莫州之戰都指揮潘忠楊松真定之戰都督甯忠都指揮劉遂庚辰白溝河之戰都指揮何清滄州之戰都督徐凱程暹都指揮俞琪趙濟胡原李英張傑德州之掠千戶蘇瓌東昌之襲都指揮唐化辛巳滹河之戰都指揮鄧猷陳鵬真定之圍都指揮朱榮定州之戰都指揮花英鄭琦王恭指揮詹忠

壬午渡衡水則指揮賈榮拔東平則指揮詹景拔汶上則都指揮薛鵬滄河之戰則胡騎都指揮林帖木兒淮河之戰則守將丁良朱彬都督陳暉馬溥徐真都指揮孫成指揮王貴等一百八十餘人及彬與剛見執則勢已不支矣又有守將陶銘胡觀先鋒孫林都指揮袁宇房昭葛造何福皆力戰有功未嘗被執也其戰蹟與死狀皆未悉始備書其姓名以俟知者補之

靖難兵趨鳳陽渡淮知府徐安守之不克

安宣波人洪武中舉人才官知山東濟南府後調

姜氏秘史五

十二

鳳陽至是靖難兵謀自揚州趨南京微服間道從靈壁出鳳陽安知之折浮橋絕舟楫以守竟獲一漁舟而濟後上正大統罷安放歸田里年餘舉遺逸有司以安姓名上遂得復仕居數載鳳陽諸戚里奏安不體朝廷親親大義庇護細民奪還庄業上始怒曰朕昔猶有所困况若曹乎逮安至謫戍雲南

辛丑靖難兵次六合縣諸軍與戰敗績

壬寅靖難兵次高郵守備指揮王傑出降遂以黃旗入城招諭城中軍民悉降於是沿江郡縣多降

甲辰省襄陽府上津竹山及房山縣儒學訓導各三人

諸軍至骷髏 遇靖難兵大潰

徵鳳陽府種馬赴京次大柳樹驛遇靖難兵奪之

遣刑部侍郎金

禮部侍郎黃觀國子監祭酒張

顯宗翰林院修撰王叔英等徵兵於江西等處

兵部貼黃册有朱進係常州人跟金侍郎往江西

六月被南昌左衛百戶

縛送京

張顯宗汀州宣化人少喪父其母黃守志教之洪

武辛未進士第二人授編修陞太常寺丞建文中

姜氏秘史五

十三

自國子監祭酒陞工部右侍郎往江西招集壯丁

募民出粟太宗即位顯宗及江西布政使楊璉按

察司房安僉事呂升並為軍卒執告其罪釋之不

誅謫戍興州顯宗有文學多著述惜其功名不終

於一時皈附之臣有政事者如大理卿虞謙侍郎

徐宗實文學者如侍講王景司業張智修撰李貫

輩難免於罪咎然文廟未嘗重之顯宗後起為交

趾布政

謙字伯益金壇人建文中任杭州知府永樂初召

為大理寺左少卿

詔天下勤王盛波知府王璉以海舟入衛京師

璉字器之首州日照人學通經史長於春秋初任

教授謫遠方洪武末以賢能薦授盛波知府清儉

律已平易近民杜私謁革吏獎政教兼舉璉自奉

儉約一日見饌有魚肉大怒命撤而瘞之號埋羹

大守惟痛繩武人之不法者以故軍衛啣之靖難

兵進方造船航海勤王為軍衛縛之往京師請罪

上問造舟何為對曰由海趨瓜州以截來路耳上

義而釋之得還田里故鄞人黃潤玉四明文獻錄

稱云獨於軍衛痛抑奸貪卒罹橫逆又贊曰富貴

姜氏秘史五

十四

不淫患難奚恤神明其心終始一德蓋指此云

六月癸丑朔靖難兵次浦子口諸軍迎戰敗之高煦

至復戰諸軍不利帝遣都督陳瑄率水軍往援瑄以

舟師逃降靖難兵次於江上都督盛庸會軍南岸禦

之

時戰敗文廟欲還適高煦帥兵至文廟撫其背曰

兒當再戰吾力疲矣世子多疾天下若定以爾為

太子於是高煦殊死戰竟敗諸軍

乙卯靖難兵以陳瑄舟師渡江盛庸力戰敗績遂次

於江上帝遣魏國公徐輝祖開國公常昇等分道禦

之諸宦官喧然謂不如避位有竊寶勅出見文廟者
李景隆已令金川門守卒解甲而宮中火起矣

姜氏秘史五

十五

姜氏秘史卷五終

姜氏秘史校勘記

卷一

一頁四行觀下疑脫人字

七頁九行年十五 原作十五年 十七行不得

原作行得 十八行及 原誤亟

十頁六行而難行於今 而原作者

十一頁七行太祖 原作高祖

十六頁八行蒲 訛作蒲 末行徽州知府 原作

知府徽州

十八頁十二行遣 原誤遺

姜氏秘史校勘記

豫章叢書

十九頁首行送 原誤道 八行縮嘗 嘗原誤雲

十三行類下原遺如字

二十頁首行鄭村 村原誤材 十四行扶下原遺

溝字 十六行交村下原行皆字

二十三頁十二行以下原遺付字

二十五頁三行沐春下脫一行節明史補十七字

十一行瞿能 原作瞿然 十四行麓川 川原

誤用 十八行至京 至原誤主 末行千原作

十

二十六頁十三行日 原誤每

二十七頁首行毛俊堡張家小山堡 明史作毛家

鎮張家陂

二十八頁五行昨 原誤昨

二十九頁十八行城門 原作門城 往原誤住

三十一頁八行太原作泰

三十二頁十一行徧 原誤徧

三十三頁十三行請 原誤謂 末行服錦衣衛土

有脫文

三十四頁九行謝貴下脫五字節明史補 十五行

難字原闕

姜氏秘史校勘記

二

三十六頁三行徙原誤徒

三十七頁十八行與字原脫

三十八頁 行帝即位下十三字節明史改補 原

作昔漢高不免於傷胸亦危而後定似是他處或

疏首脫文

四十頁首行小其力 小原亦作少

卷二

十頁四行司儀司下脫一字

二十三頁十八行柴胡寨 胡明史作葫

二十四頁首行寧海州誤作海寧 辛汪寨誤作辛

溫 二行孫奔鎮誤作大川 三行行村寨誤作
行材俱據明史改正

二十九頁大同中屯衛 大同誤作文岡

四十八頁十三行郁 原誤都

五十二頁十九行革使溪水驛為使溪馬驛 原作

便溪馬驛疑使便二字必有一誤

五十三頁十五行會川衛 川原誤州

五十五頁十五行安邱縣潞河 邱誤作平潞誤作

浩 末行攻廣寧 誤作廣西

五十七頁十九行伍下遺鉉次子名

姜氏秘史校勘記

三

卷三

一頁十六行湘江 誤作江湘 十七行設大使大

副使 明史官制無大副使大字疑行

二頁二行新灘 灘原作儼 十四行御試 誤作

禦式

六頁九行字光大 大原誤六

八頁十六行蘭 原誤簡

十一頁十行沅州水驛 原作沅縣州 十五行長

楓夾鎮 明史作長風沙 十八行和曲縣 明

史和曲自元為州治不稱縣

十三頁十七行忻 原誤帆 三寨鎮 明史作三
寨堡

十五頁十六行飛猿 原作飛鳶

十六頁首行復置河南府新安縣鐵冶所吉水縣關

山巡檢 明史河南府無吉水縣新安有缺門山

函谷新關吉水縣三字疑衍

十八頁九行草涼樓 草原誤革

十九頁五行濠村 村原誤林 十七行用下平常

再懸四字疑重出

二十頁八行潼川州蓬溪鹽亭射洪中江四縣 潼

姜氏秘史校勘記

四

川州誤作蓬州中下遺江字 九行榮經名山蘆

山三縣 榮誤作營名下遺山下 十二行暹

原誤暹 十九行置平涼涇州溫泉鎮巡檢司

原作平常溫州明史無溫州

二十一頁八行潑 原誤微 陽宗江川 江原誤

河

二十二頁七行改封邱縣中樂巡檢司為武陽縣東

趙巡檢司 樂原誤灣明史開封府無武陽縣疑

為陽武之訛

二十三頁七行西芹 疑為西岸之訛

卷四

三頁三行曲江縣綿普 江訛作山綿普明史作平

圃 七行瓊州府樂安縣 明史瓊州府無樂安

縣疑爲樂會或萬安定安之訛

四頁十六行澱水驛 澱明史作澱 未行沁村

誤作境村

五頁三行馬邑 馬原誤爲

七頁首行程鄉縣鐵冶所 原遺縣字

八頁首行南寧府武緣縣 明史南寧府無武緣縣

十一頁十行嵩明縣 明史作嵩明州不稱縣

姜氏秘史校勘記

五

十二頁八行革常德府南城及安陸州荆山縣 明

史安陸稱州見宏治四年洪武初縣省地理志仍

稱縣屬德安府無荆山縣荆門州嘗改縣不稱荆

山 十三行黃陂 原作黃梅 十四行眉州府

德縣 明史眉州不稱府無德縣 十五行襄陽

府鄭縣 明史無鄭縣成化十二年置鄭陽府

十三頁四行婺川縣 川原誤州 十三行孟縣

孟原誤孟

十四頁首行羅源縣 源原誤青 四行盧溪縣

盧原誤靈 十四行沂河 沂原作沔 十六行

廣元縣 廣原誤慶

十五頁四行茂州汶川縣 茂下遺州字

卷五

一頁十行草柳州永昌縣稅課局 明史柳州無永

昌縣疑爲郴州永興之訛

二頁三行改濟陽 濟原作淮 十九行革太原府

寧鄉縣平陽府浮水縣 明史太原無寧鄉縣平

陽有浮山縣無浮水或革後易名

四頁五行子濂湜任皆從坐 湜任疑作任湜

六頁九行藤橋 明史作藤橋

姜氏秘史校勘記

六

七頁五行齊河 齊原作濟 六行東阿 阿原作

河

八頁十行永明縣郴州 原誤作永明府柳州 十

一行沁水縣 沁原誤泌 十四行止馬 止原

誤正

九頁八行何福次於汴河條下注洪武中有道士題

其門一段與本條事不合疑有脫誤

十一頁五行王宗誘指揮徐政作亂 明史作王崇

十二頁六行袁宇 宇原誤字 十八行次六合縣

六原誤平

十三頁五行遺刑部侍金關名 據致身錄當爲金焦

是書四庫存目原作一卷因編帙繁重分爲五卷

姜氏秘史校勘記

七

姜氏不知何名何里所著秘史但歷數建文君仁厚好古死難諸君視死如歸則知當時亦無難可清金川門誠爲失守矣抑鬱不平之情見乎言外與鄭端節遜國記大都相似者歟野人之見不約而同乃喜而藏之并議數語時萬曆乙未四月一日也

信天緣生

王莽之閔漢朱全忠之篡唐其罪貫盈而紀年仍書於史燕王取天下于兄子非有積怨深怒乃革除建文君之五年毋亦太忍也乎紀遜國事者不啻百家大約惑于齊東野人之語尤甚者從亡遺筆致身錄

姜氏秘史跋


豫章叢書

也弋陽姜清撰秘史稽之故牒以證其非幸書成于致身錄未出之前願猶信程濟爲有其人則亦非信史矣福藩稱制無一善政可紀惟追贈壬午殉難諸臣贈官錫謚差快人意第易名多至十人未免失之太濫然程濟史仲彬不及焉其勝于刊勝國逸書者多也竊怪吾鄉姚御史瑄坐奸黨籍產載于文皇實錄而諸書無紀其姓名者又高太常遜志棄官道永嘉山中窮餓而卒比于林右出處未詳者有間右有謚而太常無之是亦闕典也已清字源甫弋陽人正德辛未進士官考功司郎中歷尚寶少卿

竹垞老人跋

姜氏秘史跋

二



崇禎皇帝

己未年四月

危

縉

巾

酉

忝

錐

威

氏

用

舊

鈔

足

本

開

彫

崇禎朝記事卷一

江陰李遜之庸公

毅宗烈皇帝為光廟第五子母選侍劉氏後追諡為孝純太后萬曆三十八年庚戌十二月二十四日卯時生於東宮孝純早逝撫育於李莊妃天啟二年九月冊封為信王七年二月就外邸成婚冊妃周氏是為烈皇后后為兵馬司周奎之女奎係蘇州府長洲縣人後封嘉定伯熹廟病亟時魏璫方張盛中外危傑上在信邸為魏璫疑忌常稱疾不朝謁至是詔入見諭以吾弟當為堯舜上懼不敢當但言陛下為此語臣應萬死熹廟再以善視中宮為託又言忠賢宜委用上益懼求出至八月甲寅日熹廟已寔駕諸奸秘不傳翌日凶聞彰露始宣皇后懿旨告外逆璫遣涂文輔等迎入宮上自危甚袖食物以進不敢食宮中物也是時羣臣無得見上者上秉燭坐久之見一闍搆劔以過取視之置几上許給以賞聞巡邏聲勞苦之間左右欲給以酒食安從取乎侍者對宜問之光祿寺傳令旨取給之歡聲如雷以二十四日即皇帝位於中

極殿受百官朝朝時忽天鳴諭免召買香燭節省三萬餘兩加恩文武軍民人等賞賚守邊官軍論內閣動支戶部太倉銀三十萬兩兵部太僕寺馬價銀三十萬兩工部二十萬兩順天府按括稅契等項銀一萬兩各運給發

內閣奉上傳凡本內遇天地祖宗列后字樣俱要出格朕不敢與天地祖宗並傳旨遵行

上一日御便殿閱章奏聞香煙心動疑之出步階城開乃定詢問內官此自何至曰宮中舊方上叱毀之勿復進太息曰皇考皇兄皆為此也

九月甲寅勅太監魏忠賢乞辭職務不允奉聖夫人客氏准出外宅給監國公魏良卿安平伯魏鵬翼鐵券太監李永貞疏病准回籍調理

客氏既奉旨出宮於五更衰服赴梓官前出一小函用黃色龍袱包裹先帝胎髮痘痂及累年剃髮落齒指甲等焚化痛哭而

去後奉旨籍其家命太監王太政嚴訊之得宮人有嫖者八人蓋出入掖庭多攜其家侍勝其如呂不韋李園事也上大怒命赴浣衣局掠死後仍傷屍凌遲子侯國興伏誅客光先客璫楊六奇等永成忠賢肆惡皆與客氏同謀成之其危中宮害裕妃成妃用王體乾殺王安皆客氏之造意也 光先璫皆客氏兄子楊六奇忠賢之婿

上初即位所以優禮客魏者一如熹廟而潛邸承奉靈易以新街大內供事其李朝欽裝有聲王秉躬吳光承說敬裝方等次第准其乞休逆賢羽翼翦除一空復散遣家丁然後黜逐逆賢肘腋大非不動聲色潛移馱奪非天縱神武何以有此

四大朝廷臣俱用朝衣朝服內閣則否惟歲除祭中霽之神司禮監掌印代行祭禮奏請祭服服之大朝止磕頭呼萬歲而已逆賢擅政凡遇大朝與王體乾等下至牌子俱備用朝衣冠於乾清宮大殿內照外庭儀制行慶賀山呼禮贊禮內閣一如鴻臚班首亦

致詞焉後魏良卿晉封逆賢改戴貂蟬冠位在王體乾上烈皇登極逆賢欲仍照熹廟行禮繼憚上英明止用本等服色同眾叩頭呼萬歲

御史楊維垣疏論崔呈秀依附魏忠賢立志卑污居身穢濁上答以諸臣俱經先帝簡擢不得妄詆

御史賈繼春參崔呈秀以聽勅御史未及二年驟升官保賈官階爵貪淫穢迹不可枚舉田吉以殿試而被懷挾之參瓦全已幸乃二載曹即而至尚書極品叨名器如承蜩單明詡踰期主政而督撫侍郎取節鉞如拾芥又笑破士林之口應聽自裁工部主事陸澄原上言四事一正士習比來士氣漸卑惟以稱功頌德為事如

廉臣魏忠賢奏疏不書姓名盡廢君前臣名之禮祝釐徧於海內奔走狂於域中士風之卑莫此為甚一糾官邪如尚書崔呈秀貪積無恥臺臣雖悉其概其惡實罄竹難書一安民生立柳之法爰書未定而命已斃厥術深文林遂引慘酷不忍言一足圖用今

之勳磨充塞滿路祿費不支又如忠賢生祠在在創立費不下百萬及今變賣尚可得數十萬金兵部主事錢元愬疏言巨奸崔呈秀雖已劬去然呈秀之惡皆緣藉忠賢之權勢忠賢以梟獍之姿供綴衣之役先帝念其服勤假以事權羣小蟻附稱功頌德徧滿天下幾如王莽之妄引符命列爵三等昇於乳臭幾如梁冀之一門五侯列私人分布要津幾如王行之狡兔三窟與珍華寶藏積蕭宣幾如董卓之節節自固動輒稱旨狎制百僚幾如趙高之指鹿為馬誅劬士類傷殘元氣幾如節甫之鉤黨株連陰養死士陳兵自衛幾如桓溫之壁後置人廣開告訐道路以目幾如則天之羅鉗吉網天佑國家誕啟聖明然羽翼未除陰謀未散可漫焉不加意乎至魏良卿輩既非開國之勳又非從龍之寵安得玷茲茅土又如告訐獲賞之張體乾鍛鍊賤貴之楊寰夫頭乘輪之張凌雲委官開棍之陳大同號稱大兒之田爾畊宜國契友之白木始等凡為忠賢之爪牙鷹犬俱宜正其罪或殛或放則奸黨肅清

崇禎朝紀事一

三

矣御史吳尙默疏言賊臣之身已去賊臣之惡未暴呈秀爾身與援之門入寶閣寺之幕不顧笑罵稱功頌德天下幾不知有廉恥立馬之呼屢斥朝陽之音罕聞天下幾不知有名節疏揭一入家籍沒而身齋粉人人重足天下幾不知有身家將作何事乃與奪情天下幾不知有倫理都察一院而設四憲臣左都一秩而設兩獨座天下幾不知有名位甚者先帝易簪將及乃連章累牘頌爵賞而列封贈羣臣謝恩之日即先帝寶天之日天下幾不知有改革之大故論及此而賊臣之罪案定厥臣魏忠賢之罪案亦可定矣貢士錢嘉徵疏劾魏忠賢十大罪一曰並帝內外封章必先開白稱功頌德上配先帝及奉俞旨必曰朕與厥臣二曰其後皇親國紀未罹不赦之條恨皇后當御前折逆奸遂羅織國紀欲置之死幾危中宮三曰弄兵祖宗朝不聞有內操之制忠賢外脅臣民內逼宮闈操刀厲刃破石雷擊深可寒心四曰無祖二祖列宗

皇皇垂訓中涓不許干預朝政乃忠賢於軍國重事一手障天凡邊腹重地漕運咽喉多置腹心意欲何為五日剋削藩封三王之國柱田賜賚甚薄而忠賢封公侯伯之士田膏腴萬頃六曰無聖先師為萬世名教之主忠賢何人敢建祠太學之側七曰濫爵古制非軍功不侯忠賢有何功績而襲上公之封八曰邀邊功遠左失陷未恢寸土而封侯伯聯鑲冒賞九曰傷民財祠宇徧天下糜費金錢萬萬敲骨剝髓就非小民之脂膏十曰聚名器制科取士慎重關防忠賢所私崔呈秀之子鐸目不識丁竟玷賢書疏入俱報聞先是已准崔呈秀回籍守制同時奪情者又有工部尙書李養德延綬巡撫朱童蒙俱准丁憂去忠賢再疏引疾求退准回私宅調理靈國公魏良卿改錦衣衛指揮使東安侯魏良棟改指揮同知安平伯魏鵬翼改指揮僉事尋有旨安置忠賢于鳳陽安置徐應元于顯陵應元故信邸承奉以從龍升司禮得忠賢賄為之左右上知之故并得罪

崇禎朝紀事一

四

十一月初四日諭兵部逆惡魏忠賢擅竊國柄蠶盜內帑陷誣忠直草菅多命本當肆市以雪眾冤姑從輕降發鳳陽豈巨惡不思自改輒敢將素蓄亡命之徒身帶凶刃環擁隨衛勢若叛然朕心甚惡著錦衣衛卽遣的當官前往去扭解押赴彼處交割明白其經過地方各該督撫等官多撥官兵沿途護送所有跟隨羣奸即擒拿具奏勿得縱容遺患時旂官方出京忠賢至阜城縣聞信即自縊於飯店中其名下隨身用事李朝欽同縊死焉崔呈秀亦報縊死于家旋奉旨各犯家產俱籍沒入官各處生祠盡行拆毀變價解京其忠賢在京原賜第宅一所命不必變賣留俟東西底定以賜有功之臣榜曰策勳府

夏允彝曰烈皇不動聲色逐元兇處奸黨宗社再安旁無一人之助較之世宗為更難時在朝皆奄黨莫發其奸維垣首利呈秀始自相構貳然於瑞仍不放致譏澄源元愬乃直指瑞罪至嘉徵所言更詳盡瑞不勝憤哭訴于上愈屬上怒即放之出至

中途偵知上必重處遂自縊死呈秀列姬妾并羅列珍異酒器
縱飲飲一杯即擲壞之飲已自盡天地再辟皆上獨斷也
徵循循大雅以貢為縣令元整權司銓澄源屢與東林反骨所
行多不簡以京察錮之為善不卒惜哉
楊維垣又疏參魏良卿奉旨逆擊魏良卿法當籍沒著內外官將
有名入犯拘究僧浴光嚴緝務在必獲其原籍蕭寧家產撫按嚴
加封固查明具奏

當逆璫盛時曾以十萬金構一佛剎延浴光為主僧璫既敗平
時往來者俱絕迹矣浴光獨延之一飯俄而維垣參疏詞及浴
光人盡為危之浴光曰吾不出無以安此法屬挺身赴京維垣
見之大驚曰不意即師業上疏矣奈何前此維垣曾求光薦引
于璫光卻之至是色沮恐其吐實光殊無此意也夫以出家學
道之人而受逆璫供養其人固無足取然視維垣輩身列衣冠
而前後反覆始則鑽穴呈身繼則參論以博名高其人之賢不

肖相去又何如哉

刑部為遵旨會議事奉旨逆惡魏忠賢掃除厥孽藉寵靈睥睨
宮闈荼毒良善非開國而妄分茅土逼至尊而自命尚公盜帑弄
兵陰謀不軌逆婦客氏傳遞消息把持內外崔呈秀委身奸閹無
君無親明攘威福之權大開縉紳之禍無將之誅自有常刑既會
議明確著行原籍忠賢於河間府戮屍凌遲呈秀於薊州戮屍斬
首仍將爰書刊布中外魏志德等俱發煙瘴地面永遠充軍
罷蘇杭織造諭曰封疆多事征輸繁重朕甚憫焉不忍以衣被組
繡之工重困此一方民俟東西底定之日方行開造以稱朕敬天
恤民之意

撤回各邊鎮守內官諭兵部曰軍旅大事必事權一而後號令行
矧官官觀兵古來有戒今于各鎮守內官盡行撤回一切相度機
宜約束吏士無事修備有事御敵俱聽督撫便宜調度無復委任
不專體統相軋各督撫諸臣及大小將領務殫竭忠盡以副朕懷

諭吏部魏忠賢崔呈秀天刑已殛臣民之忿稍舒而詔獄游魂猶
然鬱錮含冤未伸著部院并九卿科道將已前斥害諸臣從公酌
議採擇官評有非法禁禁情最可憫者應與復官即與復職應與
即與卸磨其削奪牽連者應復官即與復官應起用即與起用有
身故捏贖權給家屬波累囚者應開釋即與開釋勿致久淹傷
厥好生之心至元年三月吏部始以死事諸臣列名上請贈卹有

刑部奉旨嚴衛深文附會鍛鍊朕深為痛恨耿如杞著與開復原
職胡士容李柱明俱改擬發落方震猶惠世揚著九卿科道會議
耿以不拜逆祠得罪胡任薊州兵備為崔呈秀所陷李任戶部管
倉誣以盜米被獲逆璫以此敘功方以封疆惠以移官皆誣坐大
辟至是俱得釋而部院初猶擬擬方惠二人改斬為戍再擬始復官
起用云如杞疏言撫臣劉詔上建祠疏怪臣不肯呈詳乃取忠賢
像懸之喜峰見者俱五拜三叩頭呼九千歲臣見其像冤旒也半

擢而行詔即馳報忠賢參臣逮問矣臣入鎮撫司許顯純酷刑所

加其於盜賊反叛懸坐賊六千三百兩家資變盡親友代完乃得
送刑部問成大辟押赴市曹者日日有聞幸遇皇上出臣於獄准
復原職乞容臣回籍調理奉旨著即銓補優缺以旌直氣不必陳
請方震孺亦具疏陳被誣始末略云縉紳之禍至臣等而極今即
荷雨露之恩宜永銷報復之念若纒作藩籬之因便又種園扉之
果願以之為報被罪諸人規既遇聖主攀龍鳳者建豎固奇狎鷗
鷺者夢魂亦穩假使逆璫不遭天譴即蟻伏空山得安枕乎又願
以之為廢棄諸臣規猶有請焉逆璫秉政最善深文經廠衛者冤
苦固多即不經廠衛者冤苦亦復不少且恩詔減等齊民得之猶
易縉紳得之反難臣在獄與諸臣累言儻異日蒙生必以此情控
于皇上今既邀高厚政負此心故乞敷下法司從公盡數公審一
番此又臣附於工替芻蕘之後者也
監生胡煥猷疏論大學士黃立極施鳳來張瑞圖李國權當忠賢

專擅揣摩意旨專事逢迎省直建祠各撰碑稱頌宜急罷去并糾各撫按之請建祠者奉旨下刑部問刑部侍郎李若柱輒引臥碑生員禁言事律論杖除名四輔各具疏辨託言忠賢碑文使其游士食客自爲之至於取旨褒贊則文書官稱上命票擬臣等不能盡職計惟有見幾之作而徘徊其間冀有毫髮之益於國亦少盡區區之心耳并引陳平周勃狄仁傑事上優容之未幾四輔相繼去位惟國體階陛辭疏言煥歆書生義憤勃然自今觀之其言有一不行不用其言而乘其人何以發忠義之氣願還之自監以作敢言從之時謂高陽此舉猶覺相度勝同事諸人多矣四輔既被劾難久留因合疏請赦十允之令部院會推以十人名具題是時楚璫餘燄未滅邪議尙存上明聖知列名前後不無意議爲此名金瓶中對天焚告行一拜三叩頭禮以筋夾之首得錢龍錫次李標次來宗道次楊景震輔臣以天下多事求廣一二上乃復夾得二則周道登劉鴻訓也未幾來以署部時爲崔呈秀之母請卹有在

崇禎朝紀事一

七

天之靈語爲言路所糾楊在掌院時有頌疏上益疑會推之不足信始從眾望特諭召起舊輔韓蒲州矣御史楊維垣既疏參崔呈秀擬與羣奸共收餘燄力持殘局時已差河東巡鹽矣掌道安伸疏請留佐大計凡削籍諸臣雖屢奉起用之旨維垣一手握定百方阻遏其游移兩歧及本邪黨而偶被逐者始爲推轂於是編修倪元璐上方隅未化正氣未伸疏略言曰凡攻崔魏者必列東林爲對案名曰邪黨以東林諸臣爲邪人黨人將以何名加之崔魏之輩崔魏而既邪黨矣向之劾忠賢論呈考者又邪黨乎哉且天下論議蓋涉假借必不可不歸於名義士人行己盡任矯激必不可不準諸廉隅自以假借矯激深咎前人而虎彪之徒公然毀裂廉隅背叛名義於是乎連名頌德生祠而地矣夫頌德不已必將勸進生祠不已必且呼嵩猶寬之曰無可奈何不得不然耳充一無可奈何不得不然之心又將何所不至哉今大獄之後湯火僅存猶以道學封疆四字持爲鐵案深防

報復竊以爲過計也未因爲舊輔韓煥詞臣文震孟辯雪浮謗請賜召用又言鄒元標宜易名海內書院宜修復維垣隨出詞臣持論甚謬生心害政可虞疏糾之倪復出微臣平心入告臺臣我見未除疏略云維垣折臣盛稱東林以東林之護李三才熊廷弼也亦知東林中有首參魏忠賢二十四大罪之楊漣及提問崔呈秀欲追賊擬戍之高攀龍乎且當時之議於三才也特推其揮霍之略未嘗不指之爲貪於廷弼也特未卽西市之誅未嘗不坐之以辟則猶未爲失論失刑今以忠賢之窮凶極惡維垣猶尊稱之曰廠臣公廠臣不受錢廠臣爲國爲民何況三才以虎彪之交結近侍律當處斬初擬止於削奪豈不驕兒護之維垣不聞駁正又何尤昔人之護熊廷弼至行賄之說自是逆璫借此爲楊左諸臣追贓地耳初擬以移宮一案殺諸臣及獄上而以爲難于坐賊再傳覆訊改爲封疆派賊毒比此天下其知者奈何尙守是說乎王紀以參沈淮忤逆璫而譴斥文震孟以薦王紀而降削均得罪於璫

崇禎朝紀事一

八

者耳試觀數年來破帽寒驢之輩較超階級者孰爲榮辱自此義不明於是畏破帽寒驢者相率爲頌德建祠而希蟒玉馳驛者遂呼父呼九千歲而不顧矣逆璫毀書院逐正人鉗學士大夫之口鄒元標以僞學見驅逆璫遂以真儒自命學宮之席儼然揖宣聖爲平交使講學諸臣在豈遂至此維垣以無可奈何之心爲頌德建祠解嘲假令呈秀舞蹈稱臣於逆璫諸臣便以爲無可奈何而盡舞蹈稱臣乎又令逆璫以兵劫諸臣使從叛逆諸臣亦以爲無可奈何俛首從叛乎初疏入平湖施鳳來擬票有持論未當之旨益猶堅持璫局也至再疏入上親覽心動得奉諭旨維垣輩毒網始無所施人謂二疏實爲廓清首功也御史高弘圖疏言魏忠賢亂政竊權謀爲不軌廷臣但指爲奸皇上暴其罪狀名曰逆從此後運戮屍頒布免書而案始定虎彪怙寵毒害忠良法司初擬末減皇上列其顯惡敕用重典從此論斬遣成明著讞詞而案始定若夫傾危社稷搖動官闈顯稱擁衛之

干戈爭作反叛之羽翼如劉詔志選梁夢環者罪實浮於虎彪
詔以天子憲臣于忠賢像呼九千歲行五拜三叩頭禮非倡逆九
邊使效尤乎又於先帝廟日遵化教場貼兵更置將領精甲良
馬皆忠賢頒賜家丁直接都門非大聖人出而內外應合非詔而
誰先帝在官無驪衰之寵凡魚貫而進者非忠賢所貢概行殘害
俾后父張國紀志選夢環連章糾劾一旦易后謀成兩賊為華歆
矣志選僅與潘汝楨同削夢環弗與倪文煥同逮則閣臣稟擬權
校非所以為訓也奉旨志選夢環著撫案提問劉詔先行革職
御史葉成章疏言李實督造蘇松參榜美坐職巡撫周起元力救
之起元參道臣朱章蒙實遂贊于忠賢削逐起元橫坐以開說公
事申入周順昌高攀龍周宗建李應昇穆昌期黃尊素而一網之
緹騎四出械繫相續概送鎮撫司而許顯純操其生殺之權矣李
實構於外李永貞織於內顯純下此辣手即舉三凶立磔於西市
未足償七臣之命也

崇禎朝紀事一

九

上既命傑魏忠賢客氏斬崔呈秀即命定附逆諸臣罪給事中李
覺斯疏參忠賢有十孩兒五虎五彪奉旨法司會議具奏虎為吳
淳夫李夔龍田吉倪文煥其一則霍維華也維華廣布神通遂以
已死之崔呈秀代之彪為田爾耕許顯純崔應元楊實孫雲鶴時
刑部尚書蘇茂相左都御史曹思誠大理寺署事少卿姚士慎皆
與瑞黨者香火情深曲加護持引職司受財枉法律發附近衛所
充軍終身倪文煥追贖五千兩吳淳夫三千兩李夔龍田吉各一
千兩解助邊餉田爾耕許顯純引職官故勘平人因而致死律斬
監候處決崔應元楊實孫雲鶴引同僚官知情共劫減等發邊衛
充軍獄上輿論不平甚惟時劉志選梁夢環以誣論張國紀傾搖
國母辭貞以枉殺劉錚皆相繼論列逮問而內外蒙徇起解無期
給事中曹思謨疏言虎彪為逆瑞心腹同惡相濟接以交結之律
盜有首從之殊乃牽引尋常貪贓職官律例巧為諸奸出脫其監
候必於原籍充軍必於附近物議沸騰豈曰無因今劉志選梁夢

環李永貞並奉旨提問竊恐法司復祖前人故智以護虎彪者護
諸奸也御史吳煥疏言昔年被禍諸臣朝聞命而夕就道至不敢
入與妻孥訣今虎彪諸奸雖屢奉明旨而詔書挂壁優游任意如
劉志選梁夢環曹欽程肇或燕處家園或潛藏京邸與援有靈朝
廷無法許貞以堂堂司寇為逆瑞劄于抗不赴逮公然疏辨蔑法
甚矣於是再奉嚴旨勒限嚴催起解云時新咨科道考選命下彈
擊魏黨無虛日瑞所拔用之大僚黃立極周應秋郭允厚孫杰陳
九疇阮大誠呂純如等咸次第撤回虎彪與諸奸始得逮問正法
次年遂定逆案頒行天下

吏部疏題贈卹死事諸臣高攀龍兵部尚書後加贈太僕楊漣右都
御史子太保左光斗右副都御史子太保周起元兵部侍郎周順
昌魏大中俱太常寺卿李應昇周宗建黃尊素袁化中吳裕中夏
之令俱太僕寺卿周朝瑞大理寺卿穆昌期正詹事萬燝光祿寺
卿各廕一子入監讀書照品級賜祭葬丁乾學侍讀學士顧大章

崇禎朝紀事一

十

劉錚太僕寺少卿張汝刑部員外郎俱賜祭葬奉旨高攀龍等守
正有生忠魂久鬱既經分別贈廕准如議行以昭朕顯忠勵世之
意
以嘉廟梓宮發引廷試進士改於四月初二日上畱心策士是日
額天所得真才又將進呈三十六卷並貯金甌中以金筋夾之首
得劉若宰遂定為狀元

按弘治乙丑科廷試進士孝宗皇帝亦焚香籲天於後宮是科
所得名臣惟顧鼎臣崔銑黃鞏魏校四人以文章品望著方獻
夫以議大禮顯嚴嵩以貪奸敗今戊辰科所得如汪偉金鉉王
章吳甘來周鳳翔徐沂李夢辰胡守恆史可法金聲劉之綸徐
澤皆以死節著似勝於弘治矣而是科亦有宋企郊以首先降
闕賊聞其他失節敗類者亦尚有人也是科以登極恩中進士
三百五十人房考二十人科臣有帶副都銜者在逆瑞亂政時
所加然序列仍在翰林編簡後

三朝要典一書乃逆黨願乘謙呈秀馮銓等迎合魏璫意借題以入諸正人罪者也其所指罪魁紅丸則以孫慎行為首移官則以楊漣為首挺擊則以王之來為首當日名賢一網俱盡至是倪元璫請毀之疏云挺擊紅丸移官三案關於清流要典一書成於逆豎其義不可不兼行其書不可不速毀蓋當事起議與盈廷互訟爭挺擊者力護東官爭願題者計安神祖主紅丸者仗義之真爭紅丸者原心之論主移官者弭變於幾先爭移官者持平於事後各有其是不可偏非既而楊漣二十四罪之疏發魏廣微此輩門戶之說與於是逆璫殺人則借三案羣小求富貴則借三案經此二借而三案之面目全非矣故凡推慈歸孝於先皇即其頌德稱功於義父網已密而猶疑有遺鱗勢極重而或憂其翻局於是諸奸始創立私編標題要典以之批根今日則取正之黨碑以之免死他年即上公之鐵券由此而觀三案者天下之公論要典者魏氏之私書夫以閣寺之權屈役史臣之筆互古未聞當毀一未

崇禎朝紀事

上

易代而有編年不直書而加論斷若云彷彿明倫大典則是魏忠賢欲與肅皇帝爭聖惟呈秀可與張孚敬比賢恃逆非倫當毀二矯誣允帝偽撰宸篇假竊誣妄當毀三又況史局將開館鈔具備七載非難稽之世實錄有本等之書何事留此駢枝供人唾罵當毀四奏入上即欲將要典焚燬內閣來宗道擬旨這所奏關係重大著禮部會同史館諸臣詳議具奏御筆於具奏下增聽朕獨斷行五字既而眾議愈同奉旨即行焚燬矣侍講孫之獬語東閣力爭不可毀繼以痛哭復上疏極言不可毀之故於是張承詔吳煥吳玉等連疏參之獬語皆絕快而蕭山輩居中極力調護僅票旨回籍至次年定入逆案中

朱文肅曰甚哉小人之意自供罪案又代為他人發揚盛美也要典一書先列爭者之疏附以史斷曲詆妄言無所不至然後附以駁者之疏其人則楊維垣趙興邦徐大化劉志選崔呈秀也由今而觀五人之肉足食乎骨之臭可洗乎前之爭者或死

或廢其疏稿未必盡存其子孫未必一一搜集而要典收之略盡借天子威靈既藏內府又徧散民間未幾內府燬而散者不可收人皆得而見之于爭者無不歎賞于駁者無不唾罵而史臣數語段段可羞可恨穢莫加焉罪孰甚焉天奪其魄自投穢廁中沒頂而不可拔也五人既坐大誅其二又擢大戮此外又如劉廷元岳駿聲霍維華才皆有為皆入其中吾惜遠賊既害多少善人又累多少才人故立身者不可不慎總之功名之念淡則思過半矣

按文肅此論暢矣然似微為劉霍致惜者亦知倡瘋顛二字以護挺擊者廷元也首開通內之徑陰導逆璫戕善類者維華也即謂之才亦小人之才耳何足言

御史毛羽健疏參阮大鍼先後舉主前則五虎之倪文煥後則十孫之長李魯生非黨邪確證乎甲子歲營吏垣之長恨趙南星不與而與魏大中遂拜忠賢為義父而南星戍死大中慘殺非害正

崇禎朝紀事

上

確證乎若通算一疏力詆左光斗極罵周嘉謨等臣言過難一疏復力薦之非陽附正人以掩其黨邪害良之確證乎至屈指待皇祖鼎湖一語此何事而今日屈一指明日屈一指以待皇祖之龍升非大逆不道乎初大鍼以附璫升光祿卿見璫敗因上合算七年通內諸臣一疏以惠世揚申汪文言通王安井及諸人其掩其諸附之醜至是被劾即奉阮大鍼前後反覆陰陽閃爍者間住之旨蓋長山所票也大鍼因恨長山遂私通內庭暗布蜚語以構之不久即得罪去

御史任贊化吳玉鄒毓祚鄧英毛羽健等連疏參楊維垣把持朝政黨邪害正諸罪已奉下部議處斥革矣至是而原任尚寶卿黃正賓上除惡務本疏略云結交內侍明律森嚴乃虎彪肆行而子孫蟪蛄究其為作俑者魏廣微發縱指示者徐大化也大化始以政熊廷弼為媚璫贊見既而逢迎廣微以擔當其謀富貴某宜成某宜削一一疏記與廣微使大肆其排擠之毒手實緣督理大工

日奉魏忠賢色笑剋減工銀無算最後私受銅商厚賄那借借薪
司錢糧二十萬兩拂忠賢之意罷令閒住及賄逆局將敗令表姪
楊維垣疏參崔呈秀為翻身轉局地目今大化維垣雖奉譴斥潛
居輦轂日與閣臣往來世界翻雲覆雨已三轉於大化之機索何
巨測也時蕭山票旨有不必苛求句御批楊維垣不許潛住京師
徐大化著回原籍去

先忠毅與周宗建輩七公之遺也由於織監李實之疏李實已越
問大辟矣一日上召對時宣刑部侍郎丁啟睿問曰李實一
案有疑感無疑或有暗昧無暗昧啟睿對九卿科道會問據實回
奏上曰李實何以當決不待時啟睿對實與李永貞構殺七命不
刑自招上曰豈有不刑自招之理因問吏部尚書王永光永光對
李實初亦不肯承及用刑然後承認上曰重刑之下何求不得李
實為魏忠賢追取印信空本令李永貞填寫如何含糊定罪啟睿
對威福出于朝廷一憑聖裁上曰持法要平朕豈為李實五虎五

崇禎朝記卷一

三

彪絲何不問他決不待時後一日召對上特攜李實原疏示閣臣
曰此李實參七臣原疏也卿等可詳細看是殊在墨上墨在殊上
諸臣羣覽久之俱對以果是墨在殊上上曰可見是空頭本復命
傳諭九卿科道遞閱畢於是宣閣臣改票李永貞決不待時刻若
愚次一等李實又次一等

按李實空印本是矣安知非實預為後日卸罪地故作此先殊
後墨之伎倆耶時為實齋奏者司房孫升何不即提之詰問窮
究到底耶又何不取實平日入奏之本較對筆跡異同耶縱云
填寫出於永貞次一等足矣何至又次一等也王永光俯順上
意小人故態不必言丁啟睿身列司寇不能執法廷爭乃以威
福出於朝廷一語卸責閣部科道又俱無一言糾正此廷臣所
以見輕也明主可以理格時遠之尚在童年同難諸子亦無一
人在京執奏者使冤對未償大法未正痛哉至虎彪何以不問
決不待時天語琅琅諸臣置面頰于何地當時以此案為司寇

蘇茂相竊謂其罪不減虎彪也厥後三法司會審虎彪諸奸始
正大辟者主稿屬掌道蔣公允儀筆始無失刑矣

李永貞在忠賢名下用事三年十月升玉帶隨堂秉筆賜坐蟒
襖枕而月五遷皆由逆賢心腹掌班劉榮所薦凡賊害諸人造
謀實由外廷縶索永貞即非助逆殺人之入然其心地可概見
也七年八月上即位告病未充至九月初七日始准辭十月初
二日自砌于私宅小院穴牆以通飲食二十六日聞逆賢允辭
始出牆見人蓋初求退原欲與徐應元合成一局積退逆賢從
新另做世界至應元亦退永貞始手忙脚亂密託心腹掌班丁
紹呂等饋王體乾王永祚王文政每人銀五萬兩三人畏永貞
反覆懼上英明都不敢收十一月十七日各進獻御前是日晚
永貞不自安密具鞍馬逃走二十六日奉旨降淨軍發承天顯
陵安置舉家驚惶無覓處至十二月初九日永貞外宅得報信
人持承貞親筆帖取盤費即舉獲奏聞著押赴顯陵二月又調

崇禎朝記卷一

南

發鳳陽三月以御史劉重慶疏參提解赴京六月二十日會審
引奸邪進讒言佐使殺人律斬決不待時二十七日召對云李
實空本永貞填寫驗是墨壓殊上遂於十六日縛赴正義街斬

訖

御史吳煥疏參漕運太監崔文昇引進李可灼漫投寒藥以致光
廟實天寶坐不救之條而甘為逆賢心腹總督漕運控扼江淮要
害與劉志選虎踞南北遂為聲援貪污慘刻人人切齒文昇在淮
尤為縱肆剝軍虐民應行逮問疏入文昇拉同伴伏宮門哭聲達
帝座上立擊首倡二暨同文昇各杖一百俱降淨軍發往孝陵煥
疏遂留中

應天巡撫李待問疏為地方死難諸臣高攀龍左光斗繆昌期周
順昌李應昇周宗建顧大章請建祠尸祝言諸臣生平各有本末
橫樹威著朝端揆厥致禍非擊魏逆之奸萌即覆崔賊之貪魄不
然觸光抗忌構端以陷之者也彼時虐骸四張羣兇羅織殞身破

家之慘無不為之號泣早冤憤實有同情此時天日重開發爵賜廢之恩無不幸其潤枯噓稿招揭尤有同志此各府士民相繼以尸祝請也乞下該部具覆特允本地建祠崇祀庶忠魂大慰泉臺直節永光來禩奉旨郡邑鄉賢祠原以俎豆示風勸近來濫入太多褻越巨典殊非舊制這慘死諸臣風節較著著有司遵旨送祀使士子曉然知忠孝之義不必建祠

擬此旨者次輔吳江周道登也實欲阻鄉人之建祠故以送祀鄉賢為詞試觀當時精神即庸碌致位考終牖下者何一不入賢祠且入賢祠止須地方官批行何必奉旨哉聞之前輩云吳江本與瑞黨臭味頗枝嫉諸正人憎及死骨故不喜同鄉有此盛事也後經臺臣王道直劉士禎論列亦指及此可見公論有在矣故瞿公稼軒是時東先祖父有云朝政日見清明邪黨尚守瑞局如聖慮皇皇求舊彼必肆力擠排皇衷懇懇恤冤彼必痛加沈抑有君無臣直使人扼腕太息耳噫向非聖主獨斷即

崇禎朝記事一

五

一切卹典亦安能如此之優渥哉

御史黃宗昌疏言逆瑞竊柄陰謀叵測皆由懷祿固寵輩當先逢迎有以生其矯竊問鼎之漸如靈錦報捷不過解圍自去乃命爵論賞卹一毫無與者皆升官廕子濫至百餘人國家名器盡為逆奄收買心腹之物此距先帝升遐時尙有旬日或矯或否半屬疑端至三殿不日之成一敘尤互古所無先帝賓天在八月二十二日敘功行賞在二十一日先帝久已不豫此正大漸之時豈有安閒出詔之理不聞此時召我皇上付託大寶願命大臣申論國事乃以不要緊之事為大願命乎蓋逆賢此時雄心正熱故預先竊命巧結腹心此皆魏氏官非皇上官也今日猶帶偽官立堂堂之朝亦良心盡喪矣奉旨宗昌知矯偽有人不妨指名奏來宗昌因復疏言臣只糾其事不能盡憶其人使查邸報列名直指之因舉黃克縉霍維華邵輔忠呂純如等六十人以對大約先帝上仙之日即諸臣謝恩之日揚揚得意以假為真總之皆所稱偽官也於

是奉旨下部查核凡殿功邊功所加恩典一概削除不敘而爵賞始一清矣

戶科韓一良疏言皇帝平臺召對有文臣不愛錢之語然今世何處非用錢之地何官非愛錢之人向以錢進安得不以錢償臣起蘇令居言路以官言之則縣令為行賄之首給事乃納賄之魁今各守令之不廉然守令亦安得廉俸薪幾何上司督取既多過客動有善儀至考選朝覲動費四五千金此金非從天降非從地出而欲令守令之不愛錢乎至於科道人號為抹布官只要他人淨不替自己污也臣兩月來辭卻書帕五百餘金臣寡交猶然餘可知矣此猶為有名之饋臣則懼其以皇上之言路為嚇人之腐鼠若操一二愛錢之心則流水至矣乞大為懲創使諸臣視錢為汗懼錢為禍庶不愛錢之風可觀至開之有原導之有流猶未敢深言也疏入上嘉之因召對出此疏命一良高聲朗誦畢付閣臣互閱對鴻訓奏這算有兩端有交際有納賄上問曰何謂交際鴻訓

崇禎朝記事一

六

奏交際如親友饋遺情有可原納賄則希榮求寵便不可以數計上曰一良所奏大破情面忠鯁可嘉諭吏部破格擢用吏部尚書王永光奏曰科臣露章必有所指乞令指出一二重處以為貪官戒上召一良指疏中開之有源導之有流等語可據實具奏一良對臣今未敢深言待插遼平復後具奏上又令指名一良曰此二語蓋指事例言若納賄等事臣疏中原說風聞上怒曰難道一人不知遠有此疏限五日內指名來一良回奏參周應秋閻鳴泰張翼明褚太初上又召一良面詰曰周應秋等自有公論張翼明已下部議何待爾參復取前疏反覆展視御音朗誦至此金非從天降及辭卻五百餘金一段擊節歎賞聲厲臣鄰問一良此五百金何人所饋一良對臣有交際簿在上固問終以風聞對上遂震怒即諭閣臣曰韓一良所奏前後矛盾前疏明明有人今乃以周應秋等塞責劉鴻訓等合詞奏請再三上愠曰都御史不是輕易授的要實功鴻訓再奏曰臣不為皇上惜此官但為皇上惜此一

言上曰分明替他說話豈有紙上說一說便與他一箇都御史復
召一良面叱曰所奏前後矛盾顯是肺腸大換本當擊問姑饒這
遭

監錦督師缺廷推袁崇煥赴任陛辭上召問曰封疆淪陷遼民塗
炭卿萬里赴召忠勇可嘉所有方略可具實奏聞崇煥奏所有方
略已具疏中臣受皇上特恩願假以便宜計五年而東可平遼可
復上曰五年減口便是方略朕不吝封侯之賞卿其努力以解天
下倒懸之苦卿子孫亦受其福崇煥謝恩暫退時上亦暫憩便殿
給事中許譽卿面叩五年之略崇煥言聊慰上意耳譽卿言上英
明豈可浪對異日按期責功奈何崇煥自覺失言頃之上再御便
殿崇煥即奏東口四十年蓄聚此局原不易結但皇上留心封疆
宵旰於上臣何忍言難此五年中須事事應手首先錢糧上即召
戶部署事王家楨令竭力措辦毋致不充於用崇煥又請器械凡
解邊弓甲等項必須精利上即諭工部署事張維樞所解各項須

鑄定監造司官及匠作姓名有不堪者核查查究治崇煥又奏五年
之中事變不一必須吏兵二部俱應臣手所當用之人即為選授
不當用者勿為濫推上即召吏部尚書王永光兵部尚書王在晉
諭以崇煥意崇煥又奏以臣之力制全遼而有餘調眾口而不足
一出國門便成萬里忌功嫉能夫豈無人即凜凜於皇上法度不
以權掣臣之肘亦能任意亂臣之方略上起立聽久之尋諭曰
卿條奏井井不必謙退朕自有主持閣臣劉鴻訓等俱奏請假崇
煥便宜賜之尚方至如王之臣滿桂之尚方應行撤回以一事權
上然之遂命傳示該部遵行

王象乾以原官起用總督宣大陸見上召同閣臣俱入檻內去御
案咫尺益異數也上曰卿三朝元老忠猷素著見卿變鍊知袁崇
煥薦舉不差有何方略可面奏來象乾奏臣年踰八旬齒疏不能
詳奏所有方略具在疏中上固問之象乾先言插漢卜哈諸酋離
合始末因奏朵顏等三十六家今日應當與哈慎等一同連絡可

得數萬安插剴鎮沿邊駐牧為我藩籬似亦可以敵口上曰觀插
意似不肯受撫者象乾奏從容籠絡撫亦可成上曰禦夷當恩威
兼濟不可專恃羈縻閣臣劉鴻訓奏聞插酋知王象乾至退去六
百餘里上即問退去在何地方鴻訓不能對象乾代奏退去直北
沙磧中上又問備款事不成如何象乾密奏虜情數百言上始色
喜諭曰卿雖年逾八旬精力尚壯卿撫插於西袁崇煥禦口於東
恢復功成皆卿等之力也百官俱叩首退

按崇煥原知邊事難為莫以款羈縻歲月故舉象乾專主撫也
象乾既赴任專任插酋撫賞事宜舊例屬夷出馬中國出綵綉
互相貿易名曰馬市虜中駒初生繫其母於山頂駒從下一躍
而上者留充馳驅躍至半而路者殺以為食情不能躍者則以
與中國市象乾建議彼既以驚馬相欺不若卻其馬以價之半
與之少司馬申用懋謂所市馬誠不堪用然每歲徵馬以萬計
於彼不無少損且以幣易馬尚為有名若無故斂幣與之去歲

幣幾何又插索數甚奢若遽損其數彼未必聽命塞外舊棄地
甚多盡以秦宣等地為請能歸我舊疆我當如所索不能然後
減損其數則我為有辭矣時象乾年電無遠圖當事俱急欲成
功苟且從事不半年而內犯闖入大同殺戮甚慘撫卒不成浪
擲金錢幾十萬云

袁崇煥甫至錦州即連疏請餉上御文華殿召諸臣諭曰前崇煥
云安插錦州兵變可弭今又云欲鼓操求發內帑與前疏何相矛
盾卿等奏來時諸臣有請允發者上詰問戶部尚書畢自嚴自嚴
極言戶部關之容當陸續措給上曰據崇煥疏云至初三日即變
今已初二日即發去已遲何救於鼓譟又曰內帑外庫俱係萬民
脂膏原用以保封疆安社稷若發去實實有用朕豈吝此且委實
不足有人盜去卿等那得知禮部侍郎周延儒奏國家最忌關門
首防口變今又防兵變前宜遠鼓譟未曾慮置今又因鼓譟發帑
儉各趨效尤將何底止上曰卿以為何如延儒奏臣非敢阻皇上

發帑此時安危在呼吸間當與之然非常策須還盡一經久之計上曰此說良是若事急專一請發內帑內帑豈不涸之源何以應之上又曰爾等不肯大破情面極力擔當動稱邊餉缺乏每下旨通不見解來即如贖銀充餉至今不到頭解行查亦不回奏如此稽遲錢糧何時得足又曰你們每每求舉行召對文華商推猶然事事如故將召對都成舊套商推俱為空文何曾做得一件實事又曰朕即位以來孜孜求治以為卿等當有嘉謀奇策召對商推未及周知者悉為朕告乃推諉不知朕又何從知之時天威震迅憂形於色諸臣皆戰懼稽首而退時元年十月初二日也越數日復召對論缺餉事須講求長策邊兵動輒鼓譟各邊效尤將何底止廷儒奏軍士要挾畢竟別有隱情古人還有羅雀掘鼠軍心不變的今各兵只少他折色銀兩如何動輒鼓譟上曰正是如此古人還有羅雀掘鼠軍心不變的今雖缺餉豈遂至此廷儒又奏安知非不肖將官造出恐嚇言語搖惑軍心上稱善者再自此兩

崇禎朝事一

九

番召對而廷儒遂簡在帝心矣
插入犯大同總兵渠家禎閉門不出任其殺掠上召百官論云朝廷養士費許多兵餉一旦有警便束手無策只曉得請兵請餉又曰插首殺戮人民巡撫不能防禦是功是罪止仗一喇嘛僧講款不令輕中國耶又曰邊疆失事只參總兵等官難道敵功不升文官朦朧偏護朕甚惡之後家禎疏至上示閣臣俱言大同失事家禎擁兵坐視豈能逃罪上曰督撫如何令千餘兵馬便要去敵捕十萬餘眾渠家禎既有罪督撫作何事劉鴻訓奏武臣在外調兵文臣在內調度上曰文臣還當節制武臣而今督撫一向不行操練平日虛冒臨敵張皇以千餘弱軍抵十萬強敵如何抵得鴻訓奏皇上責備文臣極是但自皇祖靜攝以來至先帝時已二十年邊備廢弛已久一時猝難整頓上曰而今何如輔臣等俱奏而今比前大不相同上曰此皆是贊揚之辭尚未見行一實事如何便見大不相同諸臣默無以對又一日御講筵問閣臣曰宰相須用

讀書人當作何解周道登對曰容臣等到閣中查明回奏上始有愠色既而微哂之又問近來諸臣本內多有情面二字何謂情面道登對曰情面者面情之謂也左右皆為匿笑噫有君無臣之概已於此數事見之矣

工科黃承吳奏言東南時患水災因水利不修上問水利為何不修閣臣錢龍錫周道登同奏水利是東南第一大事但修理要錢糧前已擬旨著撫按酌議上沈思久之曰要修水利可擾民否龍錫奏臣等惟恐擾民故行撫按酌議

御史毛羽健疏請蘇驛遞上即令羽健自讀因諭閣臣曰驛遞疲困已極小民敲膏吸髓馬不食蹏人不息肩朕甚恨之若不痛革民困何由得蘇卿等即擬票來及票至上以內有撫按司道公務外俱不許遣白牌語屬含糊命改票

御史梁子璠請汰兵清餉內有邊臣虛冒等語上召戶兵二部問何冒濫至此戶部署事王家禎兵部尚書王在晉奏兵餉濫冒已久各邊有事督撫屢次請添兵餉情弊已非一日又讀至老弱之人曾荷戈而勿克上矍然曰荷戈皆老弱如何不查隨敕戶兵二部差廉幹司官挨年挨月查核具奏

又一日召對特召科道官至前諭曰朕思進賢退不肖故令爾等為耳目司舉劾就中不無濫冒爾等試一思之所舉者果人人皆實所劾者果人人皆不肖乎朕特降諭切責有反坐二字以求直言今又面諭爾等又鉗口不言要科道官何用蓋上孜孜求治朝夕靡盬竟無一人能仰慰聖意者至蘇驛遞清兵餉尤屬救時良策而奉行不善反以開流寇之禍悲夫

召御史吳玉讀所劾樞臣王在晉疏至在晉何如人也命高聲讀至公子親家等語上問親家姓名又問疏中壘斷字面玉曰壘斷是市人登高處望左右而取利之意又讀至時局等語上問何為時局玉曰即當時是魏忠賢的局面今日是皇上的局面上怒曰如何以他比朕又讀至妄自矜詡等語上問輔臣何如李標奏在

晉履被人言宜放他去上曰事事有箇是非如何只教他去便了
又問張慶臻一事如何改敕閣臣奏先見兵部手本慶臻揭帖在
後上問慶臻如何敢送私揭慶臻奏以小事不敢瀆奏上曰改敕
如何是小事又令諸臣及科道官奏王道直等俱云慶臻用賄改
敕是實吳玉又奏劉鴻訓主使慶臻奏改敕是中書臣只多了一
揭上怒其妄辨叱之因以擅改敕書罪下九卿科道會議議上奉
旨劉鴻訓擅增敕書欺君說謊發邊衛充軍王在晉徇私受屬并
司官苗思順俱革職張慶臻行賄鑽營念係勳臣罰俸三年中書
田佳璧等法司定罪其吳玉王道直等參劾有據各加一級先
是慶臻奉命提督京營救內增有兼管捕營四字提督鄭其心以
侵職掌論之上命查寫救中書官因追究賄改緣由云
命會推開臣以成基命錢謙益鄭以偉孫慎行李騰芳何如龍薛
三省盛以弘羅喻義九人名上溫體仁憤其不得與也因疏許錢
謙益於辛酉科主試浙江期中秋不宜與推上召廷臣面問

體仁謙益辨良久上問體仁所稱神奸結黨者誰體仁奏謙益之
黨甚多臣不敢盡言至此番枚卜俱是謙益主持吏科章允儒奏
錢千秋一事已經問結體仁資雖深望甚輕因會推不與遂爾熱
中如糾謙益何不糾於未推之先體仁奏科臣此言正見其黨蓋
前猶冷局參他何用糾於此時正為皇上慎用人耳允儒奏從來
小人陷君子皆以黨之一字當日魏廣微欲逐趙南星等於會推
疏中使魏忠賢加一黨字盡行削奪至今為小人害君子之榜樣
上怒叱曰胡說御前奏事恁這樣胡扯擊了錦衣衛將允儒扶出
體仁又奏皇上試問冢臣王永光屢奉溫旨何以不出瞿式耜有
言直待完了枚卜然後聽其去皇上方眷注冢臣如何命他去又
奏謙益熱中枚卜先是使梁子璠上疏令侍郎張鳳翔代行會推
此從來未有之事上召諸臣問曰枚卜大典會推要公如何推道
樣人是公不是公諸臣奏來閣臣李標等俱奏關節與謙益無干
前已招問明白上曰招也極閃爍不可憑據禮部侍郎周延儒奏

皇上再三下問諸臣不敢奏者一則懼于天威一則率於情面總
之錢千秋一案關節是真不必又問上又詰問曰九卿科道會推
便推這樣人就是會議今後要公不公不如不會議卿等如何不
奏延儒又奏大凡會議會推明旨下九卿科道以為極公不知外
廷只是一二人把持定了諸臣多不敢開口就開口也不行徒然
言出禍隨上命再奏延儒復奏如前上曰朕問卿等別無言答應
何貴召對因目視延儒曰適二班官中只這官奏了數句又謂輔
臣曰諸臣如此反不如歌功頌德之時邊防也完罔財用也充裕
今枚卜且暫停時謙益伏地待罪命出外候旨次日奉旨錢謙益
關節有據又濫與枚卜有黨可知著革職回籍錢千秋法司提問
又旨章允儒徇私滅公肆言無忌革職為民耿志焯梁子璠罰俸
一年罷式耜房可壯降級調外
先是兩次召對上以宜興奏語稱旨已心屬之適當枚卜同鄉
恐兩人不能並相因力阻宜興宜興不堪也許公霞城欲為兩

解之商之掌垣章公亦唯唯再過虞山寓則瞿公稼軒在
坐執意堅拒且以擁戴宜興譏許公矣虞山且云彼與涿州相
知非吾臭味若推宜興可不推我許公遂不置喙宜興見絕之
已甚因與烏程合謀烏程既出疏忽蒙召對虞山猶不知以為
拜相定於此日揚揚得意及入對方知有疏兩人廷辨烏程言
如彌泉虞山出於不意言頗屈科道諸臣又多為虞山左袒者
於是黨同之疑中於上意不可解矣
宜興雖與涿州同年相好當涿州附奄拜相時宜興正居憂在
籍未嘗附之升官也丙寅之獄諸賢以忤璠被難者宜興皆力
為援援貽書涿州規以大義一時同志皆稱之不獨避之一人
之私也乃虞山輩獨絕之已甚激成一番水火反使烏程得志
惜哉
御史毛九華糾溫體仁逆祠獻媚詩冊任贊化參體仁居鄉不法
諸事上復召對命宜九華疏以問體仁體仁奏若有獻媚璠祠詩

必手書為贊無木刻之理既刻流傳廣布豈有九華獨得之途中京師反無刻冊且何不發於籍沒逆璫之時而待於九華之奏若以刻本為據則刻匠徧滿都中以錢謙益之力何所不可假捏上如言詰九華九華對臣八月買自途中上曰八月買的如何總發九華對臣十月考選上問閣臣如何說首輔韓爌奏體仁平日徑徑自守亦有品望止以參論枚卜一疏忿激過當致犯眾怒上展冊指後四人俱杭州人定是此四人所為只問此四人便知又召翰林官宣讀任贊化疏問溫體仁體仁奏臣之居鄉惟知奉公守法贊化不參臣居官之事而參臣居鄉之事以為誣臣居官之事懼皇上召問廷臣欺罔立見故誣以居鄉之事以為道里遙遠耳目易眩因參贊化為錢謙益死黨代謙益首攻陳以瑞以瑞係逆璫削奪皇上賜還因曾參謙益科場之事贊化反以媚璫糾之把持銓部覆之為民又贊化相才一疏稱謙益為伊周班行此皆為謙益死黨之證上曰不必多說自此體仁偏以孤忠見知於上而

崇禎朝紀事一

重

結黨之說深起聖疑攻者愈力而聖疑愈深矣

御史吳姓疏言舊制六年京察為諸臣不修職業者設若大奸大惡附逆害人者亦在此例如劉瑾之敗一時附瑾用事者或誅或戍或削或降皆不待京察以此輩罪大人多考功法所不載也忠賢之兇惡倍於瑾附忠賢之罪惡亦甚於附瑾之徒大略有四如動搖國母逼封三王虎彪義子上公封爵名曰佐逆借題殺人屠戮忠良門戶封疆一網打盡名曰害正稱功頌德聚斂建祠薦引邪類要典詆誣名曰媚璫賄通權奸入幕密謀矯加職銜一歲九遷名曰速化此皆不知有朝廷唾罵由人廉恥盡喪務須澈底澄清斬斷根株若混入察典則名目不分額數有限挂一漏萬何以示懲奉命旨下部未幾遂奉特諭有逆案之定實自此疏啟之御史侯恂亦有疏言除奸察吏不可並行語俱暢快

大計京朝官南京吏部尚書鄭三俊右都御史陳于廷公疏於祭典外舉南京媚璫之人二十人大理寺謝啟光科郭如閻御史

何早李時馨夏敬臣劉漢徐復陽戶部魏勇胡芳桂張聚垣禮部虞大復顧鵬葉天陞兵部周宇李際明郎存性工部魏弘政萬大同歐陽充材應天府夏之鼎或甘心附逆或懼禍中變律以順逆之理一無可貸據實奏聞奉命旨下部此亦在未奉諭定逆案之前也

上御平臺召閣臣韓爌錢龍錫李標吏部王永光左都曹于汴命定附逆諸臣罪閣臣先僅以四五十人列案以請上大不然再令廣搜又益以數十人上怒其不稱旨且曰此輩皆當依律法治罪諸臣以未習刑名對乃召刑部尚書喬允升同事又問張瑞圖來宗道何以不入對曰二臣無事實上曰瑞圖以善書為逆璫書祠額碑文宗道題崔呈秀母卹典稱在天之靈其罪更重又問賈繼春何亦不入閣臣對繼春言善待選侍不失厚道後雖反覆其持論亦有可取上曰惟反覆故為真小人於是復將御前祠額紅本發下令據實定罪分別擁戴詔附建祠稱頌贊導諸款首冠以大

崇禎朝紀事一

重

逆魏忠賢客氏令刊布中外吏部都察院接出聖諭朕惟帝王憲天出治首辨忠邪臣子致身事君先明逆順經凜人臣無將之戒律嚴近侍交結之條邦有常刑法罔攸赦逆豎魏忠賢猥狡不才備員給使傾回巧智黨藉保阿初不過窺頰笑以伺陰陽席寵靈而饕富貴使庶位莫假其羽翼何意爾得肆其毒疇乃一時外廷朋奸誤國實繁有徒或締好宗盟或呈身入幕或陰謀指授肆羅織以屠善良或秘策合圖扼利權而管兵柄甚至廣興祠頌明效首功倡和已極於三封稱謂擬於無等誰成逆節致長燎原及朕大寶嗣登嚴綸屢需元兇逆孽次第芟除尚有飾罪邀功倒身竄正以望氣占風之面目誇發奸指佞之封章跡其矯誣烏容錯貸朕鑒察既審特命內閣部院大臣將發下祠頌紅本參以先後論劾奏章臚列擁戴詔附建祠稱頌贊導諸款據律推情再三訂擬首正奸逆之案臚於五刑稍寬脅從之誅及茲三褫其情罪輕減者另疏處分姑開一面此外原心有過縱有漏遺亦赦不究自

今懲治之後爾大小臣工宜洗滌肺腸恪遵職業共遵王路悉斬葛藤無曠官守而假事講張無急恩仇而借題糾舉朕執是非以衡論奏程功實以課官方有一於斯必罪不宥尙各懲愆乃亦有終欽哉故諭

一首逆 魏忠賢 客氏 依謀大逆律不分首從皆凌遲處死

已經正法

一首逆同謀 崔呈秀 李永貞 李朝欽 魏良卿 侯國興

劉若愚 依謀大逆但其謀者不分首從皆凌遲處死律減

等擬斬

一交結近侍 劉志選 梁夢環 倪文煥 田吉 劉詔

孫如冽 許志吉 薛貞 曹欽程 吳淳夫 李夔龍

陸萬齡 李承祚 田爾畊 許顯純 崔應元 張體乾

孫雲鶴 楊寰 以上依諸衙門官吏與內官互相交結

泄漏事情負緣作弊扶同奏啟律斬秋後處決

一交結近侍次等 魏廣微 徐大化 霍維華 張訥

閻鳴泰 周應秋 李魯生 楊維垣 潘汝楨 郭欽

李三才 以上依交結近侍官員律減等充軍仍行各撫按

照擬有賊私情節一併查明奏請發落

一逆孽軍犯 魏志德 魏良棟 魏鵬翼 魏撫民 魏希孔

魏希堯 魏希舜 魏希孟 魏鵬程 傅應星 楊六奇

容光先 徐應元 劉應坤 王朝輔 涂文輔 孫暹

王國泰 石雅元 趙秉彝 高欽 王朝用 葛九思

司雲禮 陶文 紀用 李應江 胡明佐

一交結近侍又次等 馮銓 顧秉謙 張瑞圖 來宗道

郭允厚 薛鳳翔 李蕃 孫杰 張我續 朱童蒙

楊夢袞 李春茂 李春燧 王紹徽 徐兆魁 劉廷元

謝放光 徐紹吉 邵輔忠 楊所修 賈繼春 范濟世

李養德 阮大鍼 姚宗文 陳九疇 元詩教 趙興邦

傅樾 安伸 孫國楨 郭鞏 馮嘉會 曹思誠

孟紹虞 張樸 李恆茂 郭尙友 李精白 秦士文

卓邁 陳爾翼 石三畏 郭興治 張文熙 盧承欽

何廷樞 陳朝輔 許宗禮 劉徽 楊維和 何宗聖

王珙 汪若極 陳維新 智鉉 游鳳翔 田景新

呂純如 吳殿邦 門克新 李從心 楊邦憲 郭增光

單明詡 黃運泰 李嵩 牟志夔 張三傑 曹爾楨

王點 張文郁 周維持 徐復陽 黃憲卿 毛一鷺

張養素 汪裕 梁克順 劉弘光 許其孝 鮑奇謨

陳以瑞 莊謙 龔萃肅 温泉謨 李應荐 何可及

李時馨 劉漢 王大年 余合中 徐吉 宋禎漢

張汝懋 許可徵 劉述祖 李燦然 劉之待 孫之獬

吳光嘉 季寓庸 潘士聞 王應泰 張元芳 阮鼎鉉

李若琳 張永祚 周良才 曾國禎 張化愚 李桂芳

張一經 陳殷 夏敬承 周宇 魏豸 郭希禹

顏鵬 李際明 魏弘政 岳駿聲 郭士望 張聚垣

周鏘 徐四岳 辛思齊 胡芳桂 以上依結交近侍

官員律引名例律減三等坐徒三年納贖爲民

一詔附擁戴 李實 李希哲 胡良輔 崔文昇 李明道

劉敬 徐進 馮玉 楊朝 胡寶 孟進寶

劉鎮 王體乾 梁棟 張守成 高承德 以上一

款十六人并前一款徐應元等十六人俱爲民當差

又疏列次等四十四人 黃立極 施鳳來 楊景宸 房壯麗

董可威 李思誠 王之臣 胡廷宴 張九德 馮元三

喬應甲 楊維新 朱國盛 馮時行 呂鵬雲 董懋中

周昌晉 虞廷陞 楊春茂 徐景濂 陳保泰 郭興言

周維京 徐揚光 陳序 曹谷 朱慎齋 郭如開

何早 虞大復 葉天陞 邱存性 葛大同 夏之鼎

張九賢 李宜培 譚謙益 歐陽充材 吳士儁 徐溶

潘舜厯 李三楚 童舜臣 陳守瓚 以上照考察不謹

擬冠帶閒住御筆抹去冠帶二字

此案主筆者首輔韓參定者次輔錢李暨部院三人也首輔持正有餘剛斷不足況冢宰身曾頌逆而與定附逆之案有不私庇同黨掣肘當事者乎所賴聖明嫉惡甚嚴申諭再四諸臣惕於明綸不敢不遵命以從事然欲上副聖天子錯枉之權下昭萬世臣民之戒者尙有未盡也自此以後下之謀翻者伺之十

七年如一日上之堅持者亦十七年如一日直至南渡後馬阮用事案翻而國運隨之以盡尙得謂小人之進退不關興亡大數哉

崇禎朝紀事一

卷

命給慘死諸臣高攀龍楊漣左光斗周起元周朝瑞穆昌期魏大中周順昌李應昇周宗建袁化中黃尊素夏之令吳裕中萬燦等三代誥命從吏部驗封司郎中徐大相之請也

先是襄卹命下各家諸子赴闕謝恩上訴先臣受冤始末因各有所陳乞如楊之易周廷侍夏承請給還原職卽各奉命給五百金魏學濂疏其兄學泚死孝請附葬附祭高世儒繆虛白請母氏封誥遜之請祖父母封誥皆奉旨允至是周茂蘭疏援會典覆允矣封司徐公謂各臣事同一體不宜有異封典該部職掌不須子孫一一自陳遂合諸臣姓名彙題同請卽奉旨旨斯直從前未有曠典敢備記之以志聖恩并見當事善推上意表揚先忠之盛美時政府司票擬者爲首輔韓蒲州次輔錢華亭二公云

知聖主善善惡惡不爲衆清不以久倦且不因煩生厭也肯持忠不望報之論使爲惡者畢竟得利爲善者畢竟不利也耶御史方大任疏奏會審曹欽程事欽程面出揭言馮銓爲其房師召欽程使論周宗建四人以周在先張慎言次之張曾論其父也必附以李應昇黃尊素則南樂深仇也數日後復召至其寓李魯生先在袖出疏稿逼欽程上矣次年冬田仰以浙東齋奉入京與馮言吳越之會有七人一黨周順昌周宗建高攀龍黃尊素穆昌期李應昇交通周起元私謀翻局馮卽欲謀致七人於死復欲迫欽程再上疏欽程力拒之馮大怒卽授意本房門生潘士聞上疏薦仰而論欽程仰立轉京堂欽程立遭削奪是首造意者馮涿州成其謀者李魯生欽程其威逼脅從者也後此之播虐專主其事者亦涿州成其謀者田仰也其言鑿鑿如此銓媚璫害人章奏屢見卽臣亦銓使其門生王珙所參臣去年已久告其詳矣今總聽皇上之睿斷云田仰隨有疏辨言欽程參四臣於乙丑之二月臣不在京七臣被逮於丙寅之七月臣入賀事竣久赴粵矣欽程且謂於彼無干何以反謂臣造惡乎時逆案已定聖旨遂不深究止欽程坐大辟

崇禎朝紀事一

卷

欽程之疏出於馮銓確矣至丙寅李實之疏據實辨爲李永貞誘空頭印本入京填寫則亦有銓等與謀何疑惜當事僅以永貞欽程抵罪竟未窮究其事也若田仰辨疏云七臣死於丙寅七月時已事竣赴粵然實疏之上實在二月諸臣被逮皆在三月被害在六月正仰在京時謬云七月遁詞情見矣況仰與馮銓稱生本至交卽非造謀之人亦與謀之人也竟得脫然事外僅以京察拾遺奪職幸矣至竄伏數年弘光南渡實緣然灰復起淮揚總督兵至投降小人故態如是又何言哉

二年二月十四日皇長子生中宮周后出永樂以後惟自武宗毅皇帝爲孝宗正宮張皇后所出其餘中宮並無生子者

后父周奎餘蘇州府長洲縣人后生於封門內今有坤儀鍾瑞坊

尚存后幼隨父居京師以天啟七年選為信王妃旋正位中宮后父封嘉定伯有賜第在封門

聖躬燕處之所為屋三間而不並列由第一間而後第二間第三間其第三間聖躬燕息處也第二間中設大薰籠置衾褥之屬凡召幸宮眷至第一間則盡卸諸衣裳裸體至第二間取衾褥被身乃進第三間也所謂抱衾與褥也即中宮與東西兩宮不敢不遵行此禮惟先后以藩邸同甘苦不肯赴召又駕至中宮后必趨出宮門外接駕先后亦以禮讓故廢此禮不用

應天巡撫曹文衡奏解進罪輔顧謙嘗藏銀三萬八千餘兩請留充該府本年兵餉奉旨允行秉謙素行貪鄙天啟中以投身逆璫得大拜在閣四年唯以焚賄為事至秉謙票擬一奉逆璫之意旨然貪鄙之甚璫亦漸厭之於是准其請告歸家璫敗後奉省交章劾其庸惡無恥媚璫誤國奉有頑鈍依阿之旨居鄉猶肆虐鄉里贖貨無厭崑山合邑士民積怨不平羣起攻之登門辱詈秉謙

崇禎朝記事一

卷

於昏夜挈貨潛遁其居室遂搶奪一空州縣力為禁緝士民稍安旋奉旨搜其家中所遺已為人藏匿及地方搶散殆盡止得其窖藏見銀尚有此數蓋僅存十之一耳

詹事羅喻義等公疏為故輔張居正陳情乞恩奉旨居正佐我皇祖肩承勞心力振紀綱飭弛舉廢多有可紀雖以專情及身後蒙議然過不掩功委當垂卹張居正其子懋修量復職銜該部從公看議具奏准復二廢并給還應得諸命

工部節慎庫主給發商人上供顏料銀兩最稱弊數設有監督主事一員巡視科道二員皆為釐奸剔弊計而諸臣奸弊更甚二年四月尚書張鳳陽發其事有發銀一千兩實給四五百者上特御文華殿召對面詰再三擊巡視科道王都高賚明主事劉麟長俱下獄究問又追諭元年同事諸臣祖重華吳阿衡二人狼籍最著者俱下獄後以邊才出為監軍御史餘分別譴謫命收葬熊廷弼從其子兆璧請也先見御史饒京疏中言及閣中

已擬批行而御筆抹去之至是因兆璧上疏閣臣即具揭為辨白略云廷弼初任巡按任總督其功狀皆有可言至遼陽既失再起經略與巡撫王化貞戰守異議廷臣又為之分左右袒致廣盧潰敗與化貞並馬入關挾伎味淺衷誤軀圍大計以此殺身無辭公論今傳首遼廷頭足異處已足為戒矣然使當日按封疆失陷之律借同事諸臣一體伏法自當目擊乃先以無形賄賂坐楊漣等作清流之陷併既又以刊書戒眾藉端偏殺身死職懸辱及妻孥長子自刎斯則廷弼死未心服也且自遼事以來騙官營私不知凡幾廷弼再任不取一錢不逼一饋終日焦唇散舌爭言大計似猶此善於彼惡忠賢竊柄人俱靡然從風廷弼一長繫待決之人終不改其強直自遂之性以致獨膺顯戮慷慨赴市耿耿俠腸猶未盡混今傳首已逾三載收葬原無禁例且茲事雖屬封疆於邪正本末無有關係數年來是非功罪悉在聖鑒或不以為謬也始奉旨允行至四年秋後行刑化貞亦即處決矣

崇禎朝記事一

卷

四月十七日上講讀既竣出一疏示輔臣則山東益都縣有驛丞黃道妻為夫頌冤益都神唐煥之弟行馬牌不厭意極斃驛丞之子以觸柱死父以叩闕死都中其妻官氏復上書訴冤也上曰驛丞申飭屢矣何從橫敢爾子弟如此本官可知鄉官如此地方可知一府同知代為申詳不能竟道府匿不報皆當重懲輔臣承旨退上方欲清驛遞故因意如此而辭氣仍安和不迫也上親講讀凡講書史過阿行無甚關係及凶暴不祥宜避者悉置勿講或越過一二章或數章講例也一日講官丁進講中庸越鬼神章講舜其大孝二節上即展前一節環視欲問未果已而李孫宸講君子無所爭一節則自子張問十世以下至季氏旅於泰山越七章講將半上復展前數葉颯然有聲講竣遂問前幾章何以不講孫宸婉轉對曰此數章無甚妙理上又問復對曰是閣中派定也上指旅泰山節曰想為季氏僭分耶旋宜講官丁進進出班跪上命之起遂問鬼神之為德章無甚忌憚何以不講進遂進未

對上願輔臣輔臣皆趨近御案首輔韓爌對曰鬼神之事願涉窈冥上曰還要補講起來進承旨叩頭而退聖心留意典學如此六月初九日召對廷臣於平臺上曰天時亢旱雨澤愆期朕日夜焦憂所以召卿等面論從今日御文華殿齋宿可傳示大小臣工竭誠祈禱無事虛文或刑獄失平都要清理歸結朕擬一論卿等參酌輔臣起立案傍上指示論中款次正色言曰如此大旱皆因政事失當是朕不德所致輔臣韓爌奏皆臣等奉職無狀以致皇上焦勞上曰也不是只等說還須上下交修修舉實事卿等俸兼俱是小民脂膏見此荒災心豈能忍又曰各衙門事多沈閣科道官通不言他們於外事誰不知只是礙於賄賂情面如御史梁子璠條陳汰冗官先上二疏後又催二疏只纔不是虛文仍以聖諭授輔臣曰未盡事情還再參酌復召諸科道勉以該言即言七月督師袁崇煥斬總兵毛文龍於皮島奏報文龍逆跡昭然機不容失便宜從事席襄待罪奉旨文龍靡餉冒功通口有跡事關

崇禎朝紀事一

聖

封疆安危闕外原不中制不必引奏

按文龍向為遼東參將遼陽陷逃至海濱適有難民數千文龍以術籠絡之同航海至皮島蓋皮島居遼東朝鮮登萊之中稱孔道文龍斬荆棘具器用招集流民通行商賈凡南北貨咸於毛處挂號乃得發不數年遂稱雄鎮又掠沿海零丁或指為奸細或稱臨陣斬獲以是積功官都督挂平遼將軍印逆賢時內奄出鎮各邊文龍疏請奄監其軍上即位嚴汰冗兵敕下山東撫按檄登萊兵備王廷試往廷試受賄遂稱文龍兵馬可用絕無冒破文龍亦憚上英明思自立功名遂與口通誠願捐金二百萬易金復二衛地奏恢復功邀上賞已成約矣袁崇煥以督師出上召問漫以五年平口為期及履任規知毛有成約陰遣喇嘛僧啖以厚利冀解毛約以就袁口最重誓約堅持不可喇嘛僧曰今惟有斬毛文龍在彼不為負約在我可以成功袁遂以閱武為名直造皮島大閱軍士毛置酒高會次日文龍請

袁亦置酒留宴酒半伏甲起稱有密旨即座上擒文龍斬於駭門外時崇煥布陣嚴整眾亦不敢犯毛部下千餘人散往他處餘眾悉就撫事定然後入告朝廷亦姑容之先是崇煥陸見入都閣臣錢龍錫叩以邊事答以當從東邊做起錢謂舍實地而問海道何也且毛帥亦未必可得力崇煥云可用則用之不可用則殺之至是疏中即入錢語錢後竟以此得罪文龍既被殺袁疏請增餉三百萬謂五年之後遼事平并前所加各項皆可蠲除此一勞永逸計也上令廷臣議皆報稱不可袁計窮至十月遂致北兵入口矣

九月二十六日斬決重罪二十人內田吉倪文煥吳淳夫梁夢環李夔龍皆逆案也楊鎬渠家楨張翼明封疆失事也高道素殿工侵欺也故事部開決囚單必以民犯強盜叛逆及正人命列於前聽上句決幾名而止若官犯則列名於後是年疏上上御筆獨將後開逆案諸人句決先是中宮以皇子大慶請免行刑上曰生子

崇禎朝紀事一

聖

國大慶事誅有罪亦大慶事當並行而不悖旨下政府搗揀面揀再三上曰不殺此輩則逆案為無名政府曰此輩不過患得患失之鄙夫耳上曰既是患失便可以無所不至政府不敢言時方久旱行刑後大雨

高道素督造桂王府第侵欺錢糧無算諸工俱潦草塞責即棟梁皆極不堪者一夕大風雨後殿數帶俱傾壓死宮眷百餘人以後每遇風雨王必露立廷中深慮覆壓之懼也上以是句及之閣臣以為請上曰朕若出就藩封就是只榜樣高道素監道府第使數百宮人死於非命即寸斬道素尙未徹辜又何請焉道素自謂必無虞沈醉出獄門臨刑方醒倉皇不能出一語但連呼如何如何而已

北兵從長城下大安口直抵遵化時新令汰冗兵被汰者謀作亂至城下開門迎入遵撫王元雅死於亂軍中同死者知縣徐澤以新任推官何天球已升未去保定推官李獻明以查盤來教諭田

毓齡守備劉聯芳時十月二十四日也遂破三屯營總兵李國棟自縊山海總兵趙率教帥兵赴援兵營於七家橫奔遇敵全軍覆沒將攻薊州袁崇煥親帥部將督遠兵萬騎自山海直入薊州守護因舍薊而掠三河豐潤玉田三屯馬蘭諸處有內守不堅而殘破者有邑令嚴守而無恙者其死難加卹者良鄉令党運醇清河令任光裕也固安令劉伸泣任方十日聞報先運藏倉庫身帶印篆出走家人被殺者二十口竟以城陷不徇問大辟監固安獄中十年方得遣戍

命滿桂為武經略總理援兵諸鎮悉聽節制桂戰安定門外袁崇煥戰廣渠門殺其王子一人初袁自關門入援中外注望捷音迨駐兵郊外訛言繁興上意方急退敵待之有加禮召見文華殿自起慰勞呼以督師問禦敵之策賜御膳解上貂裘賜之又與祖大壽各賜盜甲一副及東便門之戰殺傷相當鋒少挫督師兵亦疲甚有入城休息之請先是郊外徼侯中貴之園圍墳墓為兵

踐踏毀折各中貴因環訴督師責好不肯力戰上已心動矣及奏入上懼然心動復召對詰問良久言及援兵入城上聲色俱厲遂縛崇煥下獄閣臣謂臨敵易將兵家所忌上曰勢已至此不得不然責既下獄關兵之在城外者聞然稱亂幾欲集矢城上命兵部從獄中出崇煥手書慰止之祖帥亦竟擁其重兵賜去

楊士聰曰己巳之變袁崇煥初至一戰人心始定迨後鈐制諸將不為無見而袁為人疏直於大璫少所結好毀言日至遂罹極刑厥後滿桂一戰而敗安見鈐制諸將為非宜哉乃京城小民羣然以為賣好而書之矣袁既下獄遠兵東潰皆言以督師之忠尚不免我輩在此何為上乃出諭暫令解任聽勸而先入言深竟不可解矣

當本兵王在晉被譴後上召對羣臣升工部侍郎王洽為兵部尚書洽山東人忱直無私援相貌極雄偉上私語云好似門神有術士即卜其在任不久以門神一年一換也至是入十一月十六

日召對羣臣多言中樞備禦疏虞調度乖張先既不能預授方略今又不能整頓兵馬簡討項煜又引世廟庚戌故事云新一丁汝襲將士震慄上遂下洽於獄以左侍郎申用懋代之升口北兵備梁廷棟為順天巡撫起舊帥楊肇基為薊鎮總兵又起舊帥王威尤岱楊御蕃孫祖壽出罪帥馬世龍於獄俱以原官立功

起舊輔孫承宗督師通州仍入朝陛見十月十五日至弘政門上即召入諭曰守禦百無一備卿如何為朕調度承宗曰臣聞袁崇煥駐薊州滿桂駐順義侯世祿駐三河此為得策又聞尤世威回昌平世祿駐通州似未合宜上曰卿欲守三河何意承宗曰守三河可以阻西奔可以遏南下上曰卿即為朕調度京師承宗曰皇上當緩急之際不恤軍士性命而使之飢寒恐非萬全之策上曰卿言是卿不須往通面諭首輔草敕賜劄出朝即周閱都城草摺回奏畢次日出閱重城乘月巡濠整度險阻質明又奉後命警報通天星馳通州料理蓋上意謂守近不如守遠故仍行守通初命

也時倉場總督孫居相保定巡撫解經傳皆駐通州不受調度都城已傳通州三河等處皆失孫到通州遣人齎奏至上始喜曰通州固無恙乎即奉旨大小官員俱聽督師輔臣節制

孫承宗奏初三日通州守城者瞭見遼兵紛紛南下初四日祖大壽全軍東潰自通州南二十里以趨張家灣渡河臣以手字慰大壽并傳一檄以撫三軍令游擊石國柱飛騎追之極力開諭軍校亦多流涕但曰主將已戮又將以大礮盡戮我軍故不得已至此國柱又前追而大壽已遠去矣時訛言大壽且與合反戈相向承宗因密奏大壽危疑既甚又不肯受滿桂節制乘一軍驚駭又以放礮洗軍之說激而東潰非諸將卒盡欲叛也遼將大半為馬世龍部曲臣謹遵便宜行事之旨密遣世龍往撫苟見世龍必

有解甲而歸者又密札諭大壽教以急自上列東兵殺賊以贖督師之罪仍許代為別白大壽得諭大哭其部曲皆哭乃如指還報而前軍已過永平矣

祖大壽率所統兵至山海關城南較場列營署鎮朱梅同監軍道王楫赴營勸其反戈自效言未畢眾兵擁大壽上馬奪關而出隨有馬世龍捧旨由正關出招諭多時大壽乃率諸將叩頭世龍即諭之云諸將既感聖恩當鼓全旅進關再選未去馬步萬餘以繼後用保宗社則聖恩可酬督師可生汝等可成千古人品否則終於大義未安委曲撫導諸將皆說大壽乃受約束暫歸汛地承宗亟使世龍報命隨遵旨移駐關門防守

滿桂勇悍敢戰而矜己自用督諸將出陣軍無號令不能約束以十二月十六日督師而南十八遇敵於蘆溝橋一戰而全軍殲焉桂與孫祖壽皆死之黑雲龍麻登雲虜去黑後於四年九月反正逃歸上獨念滿孫二將血戰捐軀命禮部官出城致祭并查子孫優卹

庶吉士劉之綸金聲俱上疏請纓自效并薦奇士申甫可為大將上即升之綸兵部右侍郎為戎政副協理申甫特授副總兵捐內

帑十七萬聽其調度召募改金聲為御史監其軍然甫實游談無實所習僅役鬼之術所募兵皆無賴子十六日統兵至良鄉與敵遇所造車不可用試術亦不驗所統七千餘人俱敗事聞命督斂給卹金聲亦未出城得免於難之綸以三年二月帥師至遵化遇敵自永平回合兵沖殺前兵既屢敵即遣官招降之綸不屈力戰而死

上以城守潦草下工部尚書張鳳翔於獄管工司官長洲管玉音崑山許觀吉四川周長應上海朱長世俱廷杖八十臨時閣臣合詞祈請寬宥上曰目下與敵止隔一牆宗廟社稷都靠這牆若這牆一倒宗廟社稷都沒有了豈可不重處時許周朱俱斃杖下張管贖徒山西巡撫耿如杞率兵五千人入援皆勁卒也最先抵都城下兵部即調守通州明日又調守昌平又明日調守良鄉功令兵到初日不准開糧次日到營汛地方乃准開糧西兵連講三日皆不得

糧既餒且怒遂沿路搶掠以不敵軍士速問大辟次年棄市耿在天啟年間官薊州兵備以不拜逆璫生祠為撫臣劉詔誣劾問辟幸遇上登極赦罪復官即超升巡撫僅越兩年竟得罪死西市深可痛也自如杞逮後五千人開然各散潰歸山西而晉中流賊從此起矣

內外城守以口退往三河一帶方少寬二十六日夜刑部獄囚盡逐幾為大患次日城門復閉為捕囚也刑部奉旨時方戒嚴獄囚逃逸典守官所司何事尚書喬允升侍郎胡世賞提半赦繼宗俱革職著錦衣衛監禁

元年枚十一事以烏程許虞山故遂高閣不行至是蒲州將乞休力請點用十一月初六遂欽點大名成基命入閣又於十二月二十一日特命宜興周延儒會稽錢象坤桐城何如寵蒲州忠厚拘謹不能仰副聖意騎既退中書原抱奇遂出疏參首輔與袁崇煥通謀誤國右庶子丁進以升轉愆期亦出彈章工部主事

李達申繼之蒲州遂請告回籍其禮尚從優厚云抱奇固貨郎不足言丁與李皆蒲州己未所取士也丁奉旨以陰陽閃爍降二級李以監督火藥失事下獄遺戍蒲州後以北兵破城死難其事未詳故失記

上時銳意功業本兵申用懋老成持重無所作為梁廷棟智巧人也初自邊道超升巡撫旋進兵部尚書督師薊通為上所倚任三年正月初五日內旨申用懋著解任回籍梁廷棟回部管事北兵雖東歸復破永平灤州盤踞不退永平鄉官白養粹首先迎降獻女以行媼孫閣部率師東行嚴檄各將其攻灤永有舊永平兵備張春素得民心曾練有鄉勇二萬皆精銳可用逆璫時張春被劾罷歸鄉勇皆散至是復起春為太僕少卿整飭永平兵備永民聞之皆率先來迎向所練鄉勇亦皆來會軍聲大振四川永寧兵備劉可訓甫破安首奏捷遂率勝師入援兵部司務邱禾嘉以監軍入祖大壽幕徵以忠義於是各帥起營直薄灤州張春劉可

訓馬世龍等皆身被天石誓不反願口見勢逼遂開東門而出而
灤州告復永平城中聞灤州既復咸有叛志口既虜掠滿志復見
城中心變一夕屠城而去所存者十之四五而已大兵入城白養
粹已死其母尚存張春先至盡封所有而出絕無染指世龍盡取
之大壽至空無所有遂將白母用嚴刑乃盡出積藏蓋幾百萬云
餉司陳此心鄉紳郭鞏俱以剃髮投降遂問鞏固逆案問徒向以
首媚瑞為周忠毅參論者也至是始以大逆論斬先是遵化之破
有原任兵備賈維翰率眾投降即授偽巡撫之職至是亦同擒治
正法凌遲并同事十人俱傳首九邊

隆萬以來除海忠介外從未有以乙科躋節鉞者庚午恢復灤永
後升四川副使劉可訓巡撫順天兵部司務邱禾嘉巡撫山永
設前屯兵備孫元化巡撫登萊漢中兵備劉應遇巡撫甘肅皆乙
科也一時共得四人邱以九品末郎直躋中丞尤屬異數自後超
用甚多至陳新甲直正中樞之席然究無一人建功立節足副破

崇禎朝記事一

三

格之特恩者

三年二月初十日冊立皇太子以上以戒嚴免升殿百官聽宣敕於
午門外行十二拜禮賜三品以上及日講花朵紅一匹三品以下
皆半紅花枝用角日講官紅全匹花枝用銀加恩輔臣及督臣皇
親周奎及司禮監有差禮部尚書李騰芳加太子少保儀制司郎
中賀世壽升光祿寺少卿

袁崇煥速問後御史高捷疏參錢龍錫即指袁疏中輔臣錢某相
商之語指為同謀時同志者勸錢於辨疏中當痛言一番明主可
為忠言而錢竟不能從也引罪疏甫奉溫旨隨即入閣高捷再疏
遂得旨著致仕至是方悔不用前言則已晚矣

御史史堃高捷袁弘勳三人皆附楊維垣力持黨局方璫勢初敗
維垣既斥三人連疏參劉鴻訓之持正稟擬又力阻舊輔韓爌之
召用以此得罪公論奉旨革職時主稟擬者錢龍錫也迨劉以改
敕事敗冢宰王永光遂力為三人求復官科道交章論之上方注

意承光竟因其言用璫捷二人弘勳則令俟勘問事結另擬
崇煥以報龍錫因錢以及諸人亦成一逆案為翻前案地溫體仁
主之欲發自兵部尚書梁廷棟初以外任被特簡懼上英明不能
述起大獄不敢發其事轉卒以此去錢竟連下獄問辟

刑部越獄之變奉旨學尚書喬允升侍郎胡世賞提牢教繼宗於
錦衣衛時內外戒嚴故上怒甚欲重懲之至次年三月初十日御
講筵請臣文震孟進講君使臣以禮章勸上培養士氣推心感人
勿徒嚴刑峻法以啟猜疑語極剴切上為改容傾聽講畢退上傳
諭講臣暫留初疑有所召對後殿門俱開退至閣中則聖諭已宣
付閣臣釋諸臣送刑部乃知諭留講臣俾即見諸施行也

崇禎朝記事一

三

成胡擬杖赦亦遺成

易既下獄錦衣衛奉嚴旨打問兩次以為執法庇私無人臣禮令
法司從重擬罪部擬易罪以寬擬喬允升今允升已從寬論成應
昌之罪亦不能加又奉嚴旨以允升自以老病減等應昌違制徇
私當依律加等論不得借以求寬再駁再問竟坐大辟繫獄時京
師雷電大震會審之日雷擊審官案於是上警悟緩獄并停天下
行刑至次年始以天旱肅禱方得釋放

崇禎朝記事卷一

崇禎朝記事卷二

四年正月日召廷臣及各省監司官於平臺上召浙江副使周汝弼問浙閩相去海寇備禦之策汝弼曰去秋寇犯海上五日即去問江西布政何應瑞宗祿何以不報應瑞曰江西山多田少瘠而且貧撫按查覆有司尚未報耳問湖廣布政杜詩爾楚去夏民變樹幟何也詩曰樹幟之後地方仍安問福建布政吳賜陸之祺海寇備禦若何賜曰海寇與陸寇不同故權撫之上曰李魁奇何又殺之賜曰魁奇非鄭芝龍比即撫不為我用今鍾斌又反側不可保上問實計安在之祺曰多練鄉兵多設火器以戰為守此上策也問河南布政楊公翰賈鴻洙以有司收稅耗重宜參來處治鴻洙曰近已革去矣問山東布政陳應元焦元溥曰兩省負宜大兵餉數十萬何也應元曰近已解納問其數曰七千兩上少之曰宜大兵多而餉甚急其毋玩問山西按察使杜喬林流寇披猖是否盡係秦寇喬林曰寇在平陽或在河曲須大創之但兵寡餉乏

崇禎朝記事

耳上曰前報已蕩平何復生發喬林曰山陝界河條來條往故河曲被困問河曲之陷對曰失於內應問句引何人對曰大抵出於飢民間陝西參政劉嘉遇寇與飢民相煽地方如何料理嘉遇曰寇見官兵即散退復嘯聚上曰寇亦是赤子可撫即撫之對曰今方用撫上曰前王左挂子既降何又殺之對曰彼雖受撫仍行劫掠是以殺之問近日情形如何對曰一在延平一在雲崖宜川問廣東布政陸問禮爾已升南贛巡撫了該地方多盜若何對曰南贛在萬山中接壤四省當行保甲練兵上曰此須實做問廣東海寇若何問禮曰廣東多至自福建舟大而多火器只是把守海門勿容登陸方不為害問廣西布政鄭茂華靖江王府爭繼事若何茂華曰憲定王二子履祥履祚祥早沒王請立祐為世子而祥有未奏選之妾生子今已長是以爭王位久定未敢輕議問四川布政華敦復鄉紳挾制官府事若何敦復以欠糧對上曰守臣何不彈壓敦復曰遠方州縣多科貢故不能時雲南布政婁九德已經

劾處問貴州布政朱芹安位撫事如何芹曰督撫實安位四事一擒奢酋自贖已獻樊虎奢寅妻馬氏一責送撫臣王三差柩已送出一責修理九驛已漸報完一責削地安位不能從故議未決對畢召各官論以正己率屬愛養百姓用命有顯擢如或有貪贓壞法國法嚴明決不輕貸諸臣叩頭先退又召左都閔弘學副僉張捷高弘圖諭之曰巡按賢則守臣皆賢若巡按不賢其誤事不小屢諭回道須嚴考核以後斷不可輕徇又曰卿與吏部實心任事天下不難為諸臣承旨退

日講官文震孟奏臣見羣小合謀欲借邊才以翻逆案雖聖意持之甚堅奸黨圖之愈急故於子語魯大師樂章願皇上剖晰是非辨別邪正蓋一音雜而眾音皆亂一小人進而眾君子皆廢天下容有無才誤事之君子必無懷忠報國之小人今有平生無恥慘殺名賢之呂純如且藉輿援而思辨雪又見王永光無事不專而濟之以復發念必欺而飾之以詐深計巧謀無所不中變亂祖制

崇禎朝記事

擯斥清才舉朝震恐莫敢訟言臣下雷同豈國之福故於五子之歌章言識精明則環而向者莫敢售其欺心純一則巧於中者無所投其隙為此語者實憂治危明之極思慮大小臣工當視國如家除凶雪恥不當分門別戶引類呼朋也奉旨寓規時事知道了所指呂純如慘殺名賢年例變制等語著據實奏明震孟回奏純如為福建守道詔贖稅監高宗周順昌時為福州推官剪除稅棍純如恨之後純如投身進瑞職取節鉞順昌訟言攻之純如遂挑巡撫毛一鷲構成李賁之疏而順昌被逮慘死矣其致死之由全出於純如今當先上疏求雪恃有吏部尚書王永光為之與援故首倡邊才之說而純如之疏即繼之呼吸通靈提撥如響至於會推年例吏科都給事中陳良訓誰為開送商訂不過以其稍秉公道每事參駁乃借外轉以除礙手耳至考選新資度所施其籠絡乃獨斥一才名素著之陳士奇而十年冷署之潘有功亦以猜疑見棄大臣之心術如此亦不忠之尤者矣永光兼辦前部定

案時臣被言注籍純如入案臣不及知何自援而出之至借邊才以翻逆案或指王之臣一事然之臣在三等之列從考功一法注有涉歷邊疆稍寬一黜之語何嘗必欲借之必欲翻之至陳良訓濫廁首垣與參廷議人言噴噴夫豈無因至考選過堂十六人內選授科道十四人部屬二人此二人單各有名徒以前途正遠因才儲用期待殊不薄也時永光已密結大瑞為之地謂文有私於三人於是聖意拂然內批遂有挾私牽扯不堪講官之語閣臣揚進為講官存體改批云講官循職自可敷陳不得任意牽詆此疏在三年因序王永光事故并書於此

呂純如吳江人天啟中任部侍郎護送惠藩之國其復命疏於護送太監劉興趙秉彝皆極掄揚褒美有云其愛地方也即一草一木之恐傷其自愛也又一薪一水之若浼仁聲遐布清節可師至歸美逆賢一則曰廠臣之選才良再則曰廠臣之率屬嚴云云此係邸報鈔傳四海共睹當鼎湖之泣純如見任佐

樞密弄神通潛行改換乘邊警方息之後擬借邊才以翻逆案王永光等為之與主純如遂首先上疏訟冤謂復命疏未嘗歸美廠臣不當列名欽案且引聖諭云須有憑據不許借題又謂紅本在御前副本在通政司鈔案在禮科其時為天啟七年九月必有說謊以欺諸臣因說謊以欺皇上臣姑不盡言等語通政章光岳即為封進時呂氣酸張甚言路盡暗故文文肅特出疏糾之云

當永光於天啟癸亥任南總憲比匪范得志參處南臺王允成李希孔因得罪公論先忠毅時初任西臺特疏參其陰陽閃爍諸奸狀永光始以病歸至乙丑春逆瑞既逐諸正人去崔呈秀徐大化薦之起位大司馬即有兩疏頌瑞四海鈔傳邸報共睹丙寅以天變修省司屬王陞張履端二人力勸其疏救大獄因之去任然非彼意也崇禎元年起位冢宰獨護持瑞局至上命同輔臣據發出紅本定逆案諸臣永光因己亦有疏在內力為諸人庇覆以自為

掩飾地廷臣交章劾之以為永光身係頌瑞之人不可以充從逆之案又言永光為逆臣崔呈秀徐大化諸人所薦為正人李應昇所參邪正已自了然今雪消現見終抱狐兔之悲雖換面改妝尙存鷹眼之疾等語前後疏參者如吳姓張國維陳良訓李長春王繼廉毛羽健馬鳴世顧其國王象雲王永吉張繼孟公疏單疏幾有百餘永光既以年例籍制科道復薦起史堃高捷袁弘勳以為羽翼又因邊警謀翻逆案則薦呂純如王之臣之邊才故文公於講筵中言之又再疏論糾賴上英明堅持之不能動也至辛未三月科臣葛應斗糾袁弘勳受參將胡宗明主事趙建極賄有據二人皆永光私人也兵尙梁廷棟亦發弘勳與張道濬招權納賄事弘勳等俱下獄論戾吳執御復論永光誨貪崇墨奉旨詰責永光始認罪去位則宜與當國已悟其奸邪驅而遠之矣

蔣允儀曰始永光與烏程比陽附宜與其質兩人自相為黨用一人則居功於己黜一人則委咎於內宜與不覺也辛未春宜

興以主考入闈兩人在外遂顯然示異且以兩年不協公論事俱歸咎於一人如薦之臣純如事絕未嘗謀之於周而告人則曰首輔意也宜興出闈覺之適上詢及之臣可用與否宜興即對曰若以之臣閒住者可用諸與逆案者俱可賜環忠賢呈秀亦可漸次昭雪矣上乃大悟堅執如初蔣公丁丑年又序先忠毅疏稿中一段云首擊僭逆者楊忠烈繼之者仲達也首擊逆貪者高忠憲代草者又仲達也若夫有一人焉當清明之時執澄汰之柄以好惡之拂進消亂之私初忱嚴威名討逆而實庇奸一經邊警輒借題而謀翻案流毒至今尙未有底而仲達袖中彈文獨發於數十年之前吾知應山梁谿兩先生亦必以此獻也姚文毅公謂先忠毅有山巨源郭汾陽之先見也亦以此云長垣既去御史水佳胤疏攻梁廷棟顯為袁張報復又發其私人沈敏與郝撫劉可訓往來請奸狀下部獄則梁實授之以隙且實

有暮夜之蹤梁既不免禍幸中涓左右之得旨問住於是與長垣俱不能忘情於宜興矣烏程又用其私人閔弘學為冢宰一時捷足者竟附烏程而操戈向宜興宜興頗危沈敏者紹興人同志說宜興即以沈同鄉連及烏程并去之宜興唯唯給事王積燦等先後疏攻烏程與閔宜興稍定復飲烏程狂藥謂決不相負於同志舉動不能照管幕客張捷賀世壽知宜興不足謀皆轉入烏程幕以所謀告之烏程因恨總憲陳于廷宮詹姚希孟刺骨至五年三月兵部華允誠疏參溫閱尤激切疑疏出姚手遂訟言排抑姚以主北闢試為兵科王猷疏參武生冒籍事姚希孟理正宜查冒籍與否與衡文者無預閣中乃票覆試內一名高岱以不能完篇黜革正副考俱下部議處初部覆疏上上意頗注烏程密揭入而聖心變遂降二級姚以少詹掌南院行矣陳以考核御史畢佐周等廷撲武弁事不稱旨革職為民事在五年六月九月初七日上召羣臣面諭曰遼東十數年不見平袁崇煥以平

崇禎朝記第二

五

自任朕遣兵湊餉無請不發不意專事欺隱以市米則資盜以謀款則斬帥縱口入犯頓兵不戰援兵四集盡行遣散及口薄城下又潛攜喇嘛軍中堅請入城救下法司定罪律家屬十六以上處斬十五以下給配朕今止流他子女妻妾兄弟餘釋不問羣臣咸頓首無言上即將紅本付刑部官承旨先出上又曰崇煥罪惡諸臣如何無一言指斥其為欺罔又曰此番警報朕與諸臣俱有罪諸臣叩首謝是日磔崇煥於市初錦衣衛具獄詞株連甚多上俱不究獨以史堃高捷言錢龍錫密謀主款命革職擬罪刑部會議奉旨謀款行私朝廷若無主之者邊臣何敢行錢龍錫與袁崇煥面商島事即有入軍斬帥之語明屬同謀著錦衣衛差官旗扭解來京究問龍錫既逃到辨無同謀斬帥與私書主款之事且引首輔韓爌為證再下部院會議奉旨云逆督謀款擅殺導口流殃龍錫實與同謀先即面屬後又書訂至於面奏庇護尤屬狡欺會獄允確著監候處決又批刑部疏以科道官都無一言反

借名建白佐款長奸毛羽健毛九華王應斗分別遣配詞臣黃道周疏略云竊見錢龍錫對簿法庭頭搶獄吏羣然相視啞無一言此書傳所未見也世宗決意棄河套心疑開鑿捷立修故一旦破法而誅夏氏今東疆之圖未有定算恢復之計上下持疑獨斷然決意於一累臣罪輔既乏斂棋引林之致廷臣又無蹴踘齒馬之嫌遂使三台灰溺於貫城斗柄銷光於龍室衣冠相語以目不日那敢言則曰那敢歸人心如此誰復挺脊梁擔安攘之積者乎巷議謬愆謂殺罪輔為毛文龍報仇如此則邊將必驕閹臣權絀故殺一閹臣為文龍報仇則可為劉興治樹幟則不可為邊臣示前車則可為閹臣作後阱則不可陛下御極以來輔臣負重譴者九人矣一代之閒寧有幾輔何必圍圍憤盈孤卿駢首令傳者謂獄吏甚貴士紳甚賤乎且東江方驚決無誦毛帥以鼓劉帥之理奉旨龍錫罪案原與文龍無涉何稱代為報仇本朝不設丞相疏內援引不倫至棄河套捷立修故臣子所宜言且妄稱夏氏是為何

崇禎朝記第二

六

語著回話道周再疏言臣恐邊臣藉口閹臣則帷幄之猷不壯故因邊計而引東江因東江而及毛帥因閹臣而引及宰相思古宰相無遙制之實而收遙制之功今閹臣無宰相之名常受宰相之禍有此兩意滯於胸故倉卒屬筆奉旨責其支飾降級調用至四年五月始以天旱修省因科臣劉斯垓又有疏請宥始釋龍錫於獄遣戍定海衛夏允彝曰錢初出獄宜與過候之極言上怒甚挽回殊難錢甚德之次日烏程至錢述周語致感烏程曰上固不甚怒也錢遂信溫質直而用虛偽不知實溫之巧於擠周以自見德也袁崇煥既誅有東江舊弁周文煌具疏為毛文龍訴冤奉旨云逆督擅殺島帥罪案已定毛文龍歷年糜餉奉制無功豈得乘機借端希叨忠義周文煌瀆奏不倫本當重處念係愚弁姑饒他觀此旨始知殺袁為毛報仇者非聖意也又有義士許俊上疏為袁頌冤云某日提兵至京營於某處發火器矢石斬首若干又某日於

某處斬首若干若云款三句則三日所得首級何來若云不戰為退則此能戰者何人疏入下部擬其人請成復上疏曰崇煥若通口賣國則臣為逆黨當與袁同誅若袁非賣國則臣言無罪請成非律疏入亦不究

湖廣撫按奏三年五月初二日有沔陽州鄉官譚世講焚死據州申稱百戶趙欽因防察事本官暗假他人名告陷押解按院世講先捉欽歸很殿是夜欽潛入譚家見世講在堂飲酒扭住不放世講家人即放火截其來路不意天忽反風倒燒房屋欽因將世講殺死投屍火中合州士民因之羣起為難捕官登城愕視至次日豎白布旗上書四十三里軍民人等被害報仇等語又奏六月初一日鍾祥縣申報道旁豎有紅旗上書九關七反招賢令七字一時承天襄陽荊州武昌岳州所獲紅旗或教場或衙門上書七字相同

譚本甲科原官潦倒曾謫任江陰縣教諭貪戾之狀至今傳之

宜其居鄉暴橫致罹慘禍而亂民之起即是流寇三楚自此厥動矣

日講官羅喻義進書經講章惟我商王布昭聖武一節中及時事有左右之者不得其人句頗傷政府正講寥寥數言後講聖駕大閱似一篇長奏疏又多用列聖廟號恐鞠躬頻頻不便烏程實志其隱刺借詞使正字官傳改羅難之正字請羅至閣面商比至閣門烏程坐房中高呼他事久不出迎羅待久之憤憤直至閣中隔板相詰前此未有也烏程遂具疏參云舊例惟經筵進規多於正講日講則正多規少今喻義以日講而用經筵例較改不聽乃下部議處部覆云聖聰天縱而喻義嘵嘵多言遂以閒住處之在溫不過借題處羅耳若如部議安用講書為也可謂一諛一諛

後家居以寇禍死節
四年九月命太監張彝憲總理戶工二部錢糧唐文征提督京營戎政王坤往宣府劉文忠往大同劉允忠往山西各監親兵餉十

月命大監王應朝往關隘張國元往薊鎮東協王之心協鄧希韶西協各監軍十一月命太監李奇茂監視陝西茶馬吳直監視登島兵餉初上既罷內臣外事俱委督撫然上英察輒以法隨其後外臣多不稱任使者二年京師戒嚴乃復以內臣監視行營自是銜憲四出動以威儀上官體加於庶司蓋羣相壅蔽矣

從來文場有會試廷試有傳臚禮武場則否四年武舉試有董某者以勇力聞先達上聽時主武試者詞林楊世芳劉必達董以策不中程被格上謂諸臣故拂聖意也下兩主考及監試御史余文順馬如蛟於獄命改期重試另點方逢年倪元璐主試命內臣監策論初七揭曉初十傳臚悉照文場事例特拔王來聘為狀元賜宴兵部命閣臣主席自此遂為故事

十一月廿四日召對羣臣於文華殿先召戶部尚書畢自嚴問錢糧舊加派若干新加派若干自嚴對舊五百餘萬新一百六十餘

萬上曰援兵未出之先稱出浮於入者一百餘萬援兵已撤如何尚未入完自嚴對前此積欠甚多上曰上緊催督還須從長打算按月給發召兵部尚書熊明遇問各邊新兵若干養兵要為有事之備須是守也守得戰也戰得今日果能守得麼明遇對是守得的又論戶兵二部須是同心做一家事不可爭執召左都御史陳于廷諭以御史考核須嚴考核嚴自然盡職天下自然無事了又召文選司蔡奕琛李元鼎職方司李繼貞王芋諭以文武各官俱是爾等經手推用必須得人因問奕琛用劉宇烈憑何推他邊才奕琛奏科道薦舉上曰只要肯做熟手做得生手也做得方一藥是熟手麼奕琛對以邊才實難望稍寬文法上又問劉源清何以推山海總兵繼貞對源清恢復有功且見在薊鎮就近推補又問三屯總兵王維城何如人繼貞曰亦是恢復有功又問張國振繼貞對國振原係陪推皇上點用上曰正陪俱要堪用繼貞曰年來邊事查點愈多使費愈煩上曰畢竟官不廉官若廉吏胥豈敢

作弊又召吏部尚書閔弘學等俱出班跪上曰諸臣公疏遣用內
臣太祖明訓朕豈不知只成祖以來也有開用的皆出一時權宜
其天啟年用的朕且撤回豈如今反用朕何嘗不信文武諸臣年
來做事不堪萬不得已權宜用他若諸臣肯實心任事要撤也不
難卽如馬政一節如何解馬不堪卽行變賣這等解他何用有言
海禁當嚴前稟孫元化奏他便說禁海須撤愚明是不肯實心做
事要督撫官何用又重申再三曰文武官肯齊心替國家做事這
內臣要撤也不難

開封推官張瑤杞縣知縣宋致各有才名張負氣不爲人下辛未
考選同鄉宋鳴梧父子在科其門役有所需索張不與更罵之宋
不說及考選以致爲吏科黜張爲同知張因揭致賄營及倩人代
書情弊奉旨覆試而宋卷已潛易矣宋如故張遂降州判孔有德
陷登萊張殉難致亦以壬午之變不屈死
十二月考選科道後更核在任錢糧完欠於是給事熊開元御史

鄭友玄俱以完不及格謫調并責戶部尚書畢自嚴不行糾舉革
職下獄吏科顏繼祖疏救上并切責之自是考選將及先核錢糧
不問穢字專於催科而戶曹督吏俱得以操官評之短長矣畢固
先朝名碩然年齒已衰錢糧繁劇非所長也先已屢疏請告不得
竟致負重譴而去公論惜之

五年壬申四月兵部員外華允誠上三大可惜四大可憂疏言當
事者借皇上剛嚴而佐以舞文擊斷之術借皇上綜核而聘其重
通握算之能以皇上圖治之盛心爲諸臣圖智之捷徑可惜者一
人臣展采止此精氣今以窺微指爲盡忠摘細瑕爲快意直指風
裁徒徵事件長吏考課惟問錢糧以多士修職之精神爲小夫趨
辦之能事可惜者二廟堂不以人心爲憂政本不以人才爲重四
海漸成土崩瓦解之形諸臣但有角戶分門之見以興邦啟聖之
日爲卽聲從昧之景可惜者三國家所據以總一天下者法也王
化貞已與楊錦異辟余大成又與孫元化并逮使羣情者不以擇

崇禎朝紀事

九

綱爲懼矜矜者且以對吏爲榮刑罰不中斧鉞無威可憂也國家
所恃爲元氣者公論也直言敢陳之士一鳴輒斥指侯薦賢之章
非許則黨是非共蔽忠諫互消可憂也國家所賴以防微者羞恥
也大臣握重權而有徒隸之心小臣惟望氣而鮮特立之操中使
一違妄自尊傷與之抗者二三人耳其餘奔走期會詔曲趨承貪
競成風差惡盡喪可憂也用人之職吏部掌之閣臣不得侵今大
輔與家臣以同邑爲朋比惟異己之驅除統鈞大臣甘作承行之
吏黜陟大柄祇供報復之私皇上惡諸臣之欺擅欺莫欺於此擅
莫擅於此矣疏上責令回奏又極言溫體仁閔弘學比交爲奸私
沈演唐世濟等上怒命奪允誠俸一年

浙直巡鹽祝徵廣西巡鹽畢佐周各以戒責武弁奉旨都察院參
看以會典軍官等樣具奏方許取問豈得三品軍職擅行懲責掌
院陳于廷覆疏應引憲綱有戒飭之條謂非自兩人始且言外衛
諸武官目不知詩書口不誦朝略無弓馬之長技無過人之膂力

崇禎朝紀事

十

家居則武斷豪橫委運則抗延侵欺有司不得司其長短惟巡方
銜天子之命有戒飭之成憲創一警百暴橫知戢且所犯細故若
必一一奏聞天威懼其或褻隱忍則又長惡不悛天下之衛官將
益其驕肆其可誰何矣奉旨軍官不許擅自問律例甚明且敕
書亦無懲責字面再行駁議于廷堅執如初至第三疏回奏遂奉
旨以徇情市恩革職爲民時上方有意重武抑文烏程又從旁譖
之故以總憲重臣遽遭嚴譴陳在天啟朝與趙楊高諸公同事以
忤逆璫被逐至此復以抗節不阿得罪去國益見大臣風節矣
工部侍郎高弘圖言臣部有公署中則尚書旁列侍郎禮也內臣
張彝憲奉總理兩部之命儼臨其上亦辱朝廷褻國體乎臣今
日之爲侍郎侍尚書非侍內臣國家大體臣不容不慎故謹延之
川堂相賓主而公座毋置已之雖大拂彝憲意不願也且總理公
署奉命別建則在臣部者宜還之臣部豈不名正言順上以軍餉
事重應到部驗核不聽弘圖遂引疾求去疏七上竟削奪前後論

內臣不遺者南北諸臣如呂維祺李曰輔吳執御魏呈潤金鉉馮元騰周鑣不下數十疏疏上或降或黜今錄其疏語劄切者摘錄一二於後

工部主事金鉉疏云昨見太監張彝憲牌開本監公署已完擇十七日上任兩部司屬官吏等謁見照部堂體制行臣不勝駭異是明欲驅清署之臣屈膝於奄寺教諭中曾有是乎彝憲衙門司職則監視原與巡視體制相等惟貪墨侵欺一體覺察若抗願昧心妄自尊大以皇上迪簡之臣子令其磨折僂僕置自有之堂屬別行僭妄之儀去不易之公庭強抑刑餘之下從此結納奔趨彼則日驕此則日詔于憲典而壞士風可勝言乎

工部馮元騰疏言聖諭以張彝憲總理戶工事務諸臣單詞合詞爭之而不能得夫爭之而不得惟在諸臣深體而善承之遠必無犯祖宗交結之條近必無負皇上釐剔之意皇上以為以內察外其弊可得然苟不先為無弊則其弊終不可得臣以為其道其如

禁交謁蓋有交謁則酬酢有情面情面漸熟格套彌堅乞立垂嚴禁凡在廷諸臣並不許一至內臣之門議內臣之面內臣既別立公署亦不得造兩部之室與部臣密通若部臣錢糧所關均有弊端內臣即得糾參若其循職奉公自關人臣分內內臣不得藉舉不然本欲別弊弊乃愈滋使外臣其內臣之不來以自便私圖猶可言也使外臣其內臣之來以羣為蒙蔽不可言也

南京禮部主事周鑣言內臣用易而去難此從來通患然不能遽去猶冀有以裁抑之今但見因內臣而疑廷臣者屢屢矣因廷臣而疑內臣者無一焉如張彝憲用而高弘圖之骨鯁不可容矣金鉉之抗直初雖免究竟以他事中之矣王坤用而魏呈潤以救胡良機處矣趙東曦以直糾扶同處矣鄧希詔用而曹文衡以互訐投閒矣王弘祖以禮數苛斥矣若夫孫肇興之激直李曰輔熊開元之慷慨無不罷斥未能屈指每讀邸報半是內臣之溫給從此以後草菅臣子委棄天言祇徇中貴之心將不知所極矣嗟乎紹

當雖巧佞祇是宮闈之趨使管輅雖迂慧終屬帝王之心背願皇上之深思也疏入奉旨削籍禮部員外黃繼成救之不聽

互訐因稱病乞歸奉旨著彈力幹濟以副委任科臣黃紹杰因有監督不和疏云古來未有反顏相視猶可觀面其事者毋論掣肘當前雖豪傑不能展手文衡以節鉞重臣慷慨烈士無因而受監軍之點綴將何顏立於三軍之上猶責之以任事可乎然文衡去而監軍益不可留何也此番玄黃人人嘔息若欲委蛇附和必非文衡之人而後可不然昔以鼻息仰乎則有監規必不能容督撫明矣且廷臣向所慮者不止此今皆已肆然無忌矣祖制不容典兵廷臣言之頃且幾於立標營地不堪駭擾廷臣言之今已穢迹自敗露廷臣言仗節負氣之士定遭毒螫今果伎倆遞見矣廷臣言寡廉鮮恥之夫將開詔附今果有嘖嘖稱頌甘為薦主門生不奉旨而擅發營兵者矣前轍非遠漸何可畏世界至此寧不寒心

同時御史宋賢又有疏劾山永巡撫邱禾嘉云皇上遣內臣監視原屬權宜無奈小人逢迎無所不至若馬雲程請兵自衛邱禾嘉先為派定六百名猶自款不能措置其吮癰痔之意可見乃部覆議寢而禾嘉復為之請必欲以兵柄授之殷勤若此不可羞哉御史高倬又有監督相構可虞疏皆奉旨議處文衡因復具疏為言官求寬不聽未幾曹終以閒住去

豐城侯李承祚天啟元年兩疏稱頌逆璫功德請如中山王例封兩公並列兩都璫磔後定逆案議大辟繫獄矣其子上疏引八議乞寬刑部疏亦為之地給事中吳彥若有疏論之上手批諭內閣云此案情最可恨法原當誅但世勳與流官有開券文難泯據部疏議革爵遠戍足抵一死否開揭因為之力請引券文免死之條遂改從寬典然上意極嚴附逆雖追念世勳稍開一面奉誦御札

凜於爰書矣是年逆案劉詔與失陷封疆之王化貞俱棄市臣中又有襄城伯李守筠靈璧侯湯國祚皆有疏頌奄竟得漏網

七月斬登萊巡撫孫元化元化蘇州嘉定人慷慨好談兵以乙科
歷官監前兵備通海氛不靖以元化知海事起升為登萊巡撫大
凌河告急部議調孔有德等率兵防援孔故毛文龍部將因文龍
之殺原有二心至是奉調往來海島幾犯屢溺比改而從陸不勝
怨咨前隊已至吳橋後隊尙滯新城奪取王氏莊僕一雞王氏大
族勢凌東省隨稟領兵官必欲正法領兵官不得已查奪雞者穿
箭游營眾大譁遂殺守莊僕報知前隊改轍而南時統者左步營
則參將孔有德右步營則都司陳有德時東江副總兵毛承祿登州
參將李九成遠兵三千人皆歆血立誓擁德以叛攻破城邑數
處距登數十里於馬塘店扎營曰為王所逼非敢叛也元化令參
將耿仲明傳諭扎營城外教場候撫教場固有三千營房援遼將
卒家屬居焉欲令移入城出房以舍步兵城中拒不納孔說耿亦
反尙有遼人在城中者紳民必欲搜戮之遼人遂開門迎師登城
告陷時壬申正月初三日也元化始知被給誤事抽刀自刎為耿

崇禎朝記卷二

古

仲明救之逼之具疏言狀已復縱之航海歸以二月抵津就逮問
下鎮撫司打問驗其自刎非偽方下部議罪而上遣侍郎劉宇烈
督師既許招撫復誘新撫謝璉知府朱萬年并徐崑二內使殺之
事聞上大怒遂斬元化當日城破被禍者有鎮臣張可受鄉官張
瑞王象復舉人王與夔皆以盡節稱山東巡撫余大成亦以失事
逮下獄論戍
孫余二撫既被逮後廷推以徐從治撫山東謝璉撫登萊俱同日
受事賊已抵萊州二月至四月內薄攻城不捨晝夜督諸主事張
國臣原奉撫議以出援兵皆畏賊主者姑亦聽之以為撫事成則
萊圍自解且以援為名耳三月之初國臣遣使入城議撫從治抗
疏言其非中朝以為不然而賊攻圍益急四月十六日架西洋大
礮擊西南城隅從治方簡閱丁壯指揮出戰左右請少避從治不
可發語未畢而礮中額額身仆而絕矣從治既死萊撫謝璉又為
賊所誘殺督師劉宇烈逮問下獄更調榆林各邊兵特用朱大典

為巡撫以禦之至八月中方解圍有德竟自萊入海破朝鮮投誠
於口矣

上召吏部尚書閔弘學兵部尚書張鳳翼論曰吏部用人根本近
聞選官動借京債到任便要還償這債出自何人身上定自剝民
了恁得有好官肯愛百姓朕前日費幾許推敲獨用卿二人須準
去舊弊為國家任事又召左都張廷登論曰風紀重任表率諸御
史須是嚴加考核不可徇私又召吏科劉斯球河南道李日宣論
曰爾等以言為職若直言諫論朕甚樂聞如何動稱言路閉塞你
們議論不實行行不得只條陳一本塞責多為卻情面賄賂成
何言官斯球奏臣等有聞必告一毫不敢欺皇上上曰有聞必告
是你心裏說出來的是你口裏說出來的你們有一疏定有一緣
故與疏中所說之事不相關以後如有把持屬託行賄的發覺出
來自有祖宗之法在又諭鑰衣衛王世盛清理刑獄不許賄徇又
諭諭軍臣曰既做一官就有一官職事件都該打算天下方能

崇禎朝記卷二

古

治平如何一事不做專圖箇名色好聽嚴諭再三皆悚懼而退
先是有疏參論監視宣府太監王坤坤遂抗疏指修撰陳于泰發
端謂于泰盜竊科名希建言之名為自固之術席首輔周延儒比
囉之勢借端責備反飾醜狀果否內臣不識一字有類沈同和之
曳白云云是借于泰上侵首輔也首輔即自劾求罷不允廷臣交
論不已左副都王志道因上內臣越職輔臣失職疏謂內臣論劾
漸廣內則科道六曹外則方面督撫又內則卿貳今則糾輔臣矣
國家設輔臣官府黜陟皆其職守內臣糾劾侵權而輔臣不問駁
覆口銜天憲手持朝綱而輔臣尙不問將焉用彼相哉奉旨詰責
又召對於平臺謂志道曰遣用內臣原非不得已屢旨甚明昨王坤
疏朕已責其誣妄乃廷臣舉劾莫不牽引內臣豈處分各官皆為
內臣耶志道曰王坤直劾輔臣舉朝皇皇為紀綱法度憂為紀綱
法度惜非為諸臣但疏不能詳實語多謬誤上曰在朕前便多謬
誤書之史冊便不謬誤了國家大計不言惟因內臣在鎮不利奸

弊乃借王坤疏要挾朝廷誠巧佞也詰責者再周延儒曰志道非
專論內臣實責臣等溺職上曰職掌不修沽名立論何堪法紀命
削籍去

給事中陳贊化論周延儒招權納賄游客李元功借勢威人延儒
嘗語去輔李標曰上先允放余封還原疏即改而頗有回天之力
今上義皇以上人也此是何語豈徒小人之輕洩乎且引刑科李
世祺為證世祺奏延儒有是言詔勿問六月延儒于告回始溫體
仁將奪其位王坤疏參周時體仁無一語相助於是贊化屢疏即
義皇上人一語窮究不已體仁知上意已移凡與周為難者必陰
助之而助周者皆黜周遂放歸

烏程擠宜興去位宜興不堪乃謀召桐城何如龍以壓之桐城疏
辭不允勉強就道中途復以病堅辭始蒙俞允烏程竭力邀首輔
之稱不可得甲戌中秋閣臣例有賜饌大璫傳論始稱首輔時烏
程方在告病痊入直即開首輔之室以居之當宜興在事又薦用

上饒鄭以偉上海徐光啟二人皆老成宿望也不久相繼告亡至
是請枚卜上既點嘉善錢士升又特用巴縣王應熊香山何吾騶
二人嘉善雖浙人與諸君子頗相周全唐世濟力言於烏程令收
之無為他人用遂由南禮侍入巴縣宜興亦所注意而烏程援以
自助者也命既下給事中章正宸疏糾應熊剛愎自用縱橫為習
小才足以覆短小辨足以濟貪一旦大用必且芟除異己驅勦善
良報復恩仇混淆毀譽且訛言何所不至謂是左右為緣故倚他
途以進將使天下薰心捷足之徒紛馳而起因自附於陽城裂麻
之義有旨革職逮問時正宸方以館職外授遂著蹇諤之聲云
諭吏部薦舉潛修之士科道不必專出考選館員須應先應知推
垂為法次年又命改部屬為科道於甲戌科以後遂停考庶吉士
以行取俸滿推知考選改翰林編簡人因爭趨翰苑一途并不屑
就科道而營謀者益甚至戊寅年之考有以相爭競而構難者庚
五月命司禮太監張其鑑等赴各倉同提督諸臣疊驗散放太監

張應朝調南京與胡承詔協同守備

論兵部流寇蔓延各路兵將功罪應有監紀特命大監陳大金閱
思印謝文舉孫茂林為內中軍會各撫道分入曹文詔左良玉諸
營尋復以閩思印同總兵張應昌合勦汾陽知縣費甲鏢以逼迫
苦供億投井死六月命大監高起潛監視錦寧張國元監視山西
石鵝等路綜核兵餉命太監魏相監視登島兵餉

順天巡撫按報三河縣知縣劉夢焯自縊死先是有解餉銀過本
縣者被盜竊去三千餘兩奉旨令本縣官賠補夢焯初任清苦憂
懼無措遂於私衙自縊當時上司委官入衙相驗行囊蕭索合邑
為之歎息

刑部奏會官處決蘇有功即毛有功文龍營將降東被擒解京在
檻車中飲酒放歌及旨下處決其夜自演象所逃去究其故乃解
役每夜放出說書是夜忘收禁也
癸酉秋決之日上素服坐建極殿與諸輔臣相商極其虛懷時溫

體仁當國無所平反內有一人徐兆麟遼東人以舉人任陝西華
陰知縣到任僅七日而城陷於賊上以此頗躊躇體仁無一言為
之救解遂致之死人皆冤之

兵部主事賀王盛論為程私其鄉人考試官丁進摘癸西南開黃
美中後場者閩嫖刀青山綠樹語為關節青山綠樹出朱子心學
詩人猶易知者閩嫖刀乃荀卿詭詩云閩嫖子者莫之媒已嫖母
刀父是之喜也大略是善惡顛倒之意上欲查究此四字閣中不
能對委之部科大宗伯李騰芳屢費翻尋嚴旨以其不行糾駁令
開住去已而部科共擬省直黜革舉人七名又罰科者數人各考
官降調有差福建顏茂猷會試全作五經題外簾以為異知貢舉
林鈺為之題請奉旨念其該博准錄送內簾主考不知上之屬意
也置副榜第一出場亦具疏請之上命試錄中列在第一名之前
准與廷試拔置第二甲第二名皆異數也
順中天啟甲子鄉試亦全作五經監臨喬承詔以其越格令止

錄本經進內為主考顧錫疇房考郝彪佳所拔其人故博學篤行爲士林推重登第後授禮部主事不久即故或傳其爲仙去云是科場中皆推易一房文公震孟所取陳際泰爲第一同考項煜欲令會元出其門計誘文公謂渠所取乃楊廷樞也楊爲同鄉名士文遂讓之及拆號則李青也項向有項黑之稱一時遂笑傳有項黑得李青之號自後以五經得雋者又有丁丑揭重熙癸未馮元慶

殿試故事內閣擬策問二條請上點用其一無所竄改是科問知人安民上更其大半曰所與其天下者士大夫也今士習不端欲速見小茲欲正士習以復古道何術而可本屬地窄人少一且稱兵而三韓不守其故何歎目今三協關隘以及登津等處各宿重兵防也兵不可撤餉不可今欲恢疆如何作用且流寇久蔓錢糧缺額言者不體國計每欲蠲減民爲邦本朝廷豈不知之豈不恤之但欲恤民又欲飽軍何道可能兩濟即

屯田鹽法誠生財之源屢經條議申飭不見實效其故何歎至於漕糧爲三軍續命馬匹爲戰陣急需折截挂欠遂失原額原制何道可復今雖猖獗河套有可復之機邊外儘可作之事但難於賊窺伺朝野匱乏近降即至作何安插插套連合作何開破流賊漸逸即廣海寇時擾浙閩勦不速民難未已兼之水旱頻仍省直多故作何挽回消弭又唐宋曾以武臣爲中書令樞密使文武似不甚分我太祖曾以直應爲布政典史爲僉都今奈何牢不可破爾多士留心世務久矣其逐款條答無諱朕將親覽焉以上皆宸翰親揮語意淋漓求治之殷具可想見又故事讀卷官擬上卷十六卷珠圍句讀進呈御批定一甲三名今上命再呈十二卷無句讀者特拔劉理順爲第一甲後甲第二甲而以原擬第二者爲第三擬第一者爲第二甲第一者爲第三者爲第二甲第三者爲御批四卷皆嘉意造士之睿謨也給事中吳家周疏論溫體仁杜門兩月入閣與試不先不後有私

聖斷而左右望之迹臣乃得以朝廷大典禮問之夫聖壽呼嵩元且輯瑞體仁獨託病不出矣給祭太廟春祀社稷亦託病不出矣經筵開講所以崇聖學獻俘太廟所以昭武功皆託病不出即皇太子千秋令節終託病如故獨至入場主試則褰裳就之無他朝賀係臣子恪恭之誼所關在朝廷取士有私門桃李之籍所利在身家也尤可異者會場題目歷來與君德政治相關未有大臣敢妄自稱比者今首題以子產自許不思鄭以衰國屏主有難乎其擬上者若救民於水火之中尤屬不倫堯舜在上雖小醜未靖何至比吾民於般喪之季況取殘帛伐亦不宜談於今日奉旨以其詆誣牽引著降調先是易一房漆嘉祉首篇末有不敬不義之臣云云本房文長洲取之意烏程必見駭當有一番贊辨及呈卷即批允比撤棘烏程於闈中揚言曰外人說我們要進場取門生今日地位也靠不著門生了況場中即有人罵我嘉善曰場中如何罵得烏程曰他文章竟說不敬之臣如何不義之臣如何豈不是

馬嘉善曰如何打發他烏程曰本房批伸眉抗手想見其人敢不中耶是科烏程雖爲主考力行阻抑榜額每科三百五十名止取三百會元多扶入鼎甲而李青不得入每科考館獨是後兩科不考至倡議欲令三甲選縣佐貳眾論以爲不可而止以總理太監張彝憲請命天下朝覲官將會計冊親齎投送查其完欠以爲殿最仍照見部堂體行禮禮部郎中袁繼咸已升山西提學將出京上疏言士有廉恥然後有風俗有氣節然後有事功如總理內臣有親官齋冊之令皇上從之特以剔釐奸弊非欲羣臣屈膝也乃上意一出靡然從風藩臬守令參謁屏息得免苛責爲幸嗟乎一人輯瑞萬國朝宗諸臣未覲天子之光先拜內臣之座尙得有廉恥乎逆瑞方張時義子乾兒昏夜拜伏自以爲羞今且白晝公庭恬不知怪國家自有觀典二百餘年未有此事可爲太息也上以越職言事責之彝憲亦疏言觀官參謁乃尊朝廷威復上疏言尊朝廷自有典例知府見藩臬行屬禮典例也見內

臣而行屬禮亦典例乎諸司至京投冊吏部典例也先謁內臣亦
典例乎事本典例雖坐受猶以為安事創舞憲節長揖祇增其辱
高皇帝立法內臣不得與外事若必以內臣繩外臣此會典所不
載上切責之時有大同知府蔡屏周持冊投進獨長揖而退內臣
呼而語之曰此朝廷命誰敢抗蔡答曰朝廷止命查錢糧不命查
體統舞憲默然蔡亦不願後借他事參論公論不平隨有以大府
薦者上亦不允而罷夫天下之為郡縣者多矣抗節不屈止蔡一
人且又出於乙榜其丰骨挺出直超出尋常矣

刑科給事中李世祺以劾大學士溫體仁吳宗達請於外復罪文
選司郎中吳鳴虞以考選非人并請之袁繼成復言曰養鳳欲鳴
養鷹欲擊今鳴而鉗其舌擊而繼其羽朝廷之於言官何以異此
今考選在即銓臣必將徧問諸臣曰汝必不參大臣然後授之臺
諫將使言官括囊無答為大臣者終無一人議其後大臣所甚利
忠臣所甚憂也且皇上樂聽者謙言使天下誤以攻擊貴近為皇

先朝勅諭

九

上所厭聞其勢將波靡不止上以越職言事罪之先召舊輔何如
寵入朝屢引疾不到給事中黃紹杰奏言從來君子小人不能並
立如寵徘徊瞻顧則次輔體仁當知所以自處矣自體仁在位水
早游臻盜賊滿路變理固如是乎秉政既久窺旨必熟諸臣奉承
其意用一人則曰此與體仁不合也行一事則曰此體仁所不樂
也凡此皆召變之由乞命體仁引咎辭位以回天心慰民望上責
其率妄命降調體仁疏辨紹杰復連三疏劾之其言愈厲且曰體
仁奸欺其說不過兩端一曰朋黨一曰票擬下而朋黨一語可以
鉗言官之口挑善類之禍上而票擬一語可以激聖明之怒蓋債
誤之愆又疏劾佐銓張捷薦用逆璫中人八年二月又疏劾體仁
誤國禍延陵寢再奉旨降雜職用
總憲冢宰俱缺上命公舉堪者來看特御平臺召五府六部九卿
科道面諭曰吏部尚書乃用人的官須要第一等才品若據會推
故套不過精心定力兩語混題止須一二人把持足矣何名會推

卿等各舉所知來吏科盧兆龍奏科道例無保薦只舉有不當方
行糾參上深然之吏部侍郎張捷奏年來諸臣黨同伐異在外會
推自然瞻顧情面執敢犯忌今皇上面諭各舉所知務得天下第
一等才品須不論方隅上曰立賢不以方鄉等奏來定國公徐允
禎大學士溫體仁等共舉謝陞唐世濟等十餘人張捷獨舉呂純
如唐世濟諸臣舉訖捷奏臣舉二人皆舉朝所不欲用者上隨取
疏閱訖諭曰呂純如是逆案有名者為何舉他捷奏純如臣所深
知逆案列名為其頌美逆賢今紅本見在並無一字相及豈可誣
坐上曰他已曾辨過但不可開端因以目視科道曰如何說盧兆
龍奏諸臣薦舉各有本末至張捷所舉呂純如欽案有名臣等正
擬糾舉適聆聖諭已明故不敢復奏捷又奏臣實知純如真清執
可用故從公推舉即在案中亦須別分備用之不效甘與同罪又
言小民作奸犯科朝廷五年大審每年熟審惟恐其冤何況大臣
如何寬得工科孫晉即奏此是如何比擬今日皇上鄭重冢臣特

先朝勅諭

九

召諸臣公同咨訪乃以開釋罪囚相喻乎兆龍奏臣任清江縣時
記得純如護送惠藩之國沿途騷擾即此已見無才況屈身逆賢
其品可知時科道蔣德瑗金光宸韓一光楊繩武俱奏純如斷不
可用捷猶啾啾不休刑科美應甲叱之曰張捷所舉如此心事可
知還敢在皇上前巧辨上即令捷下去隨諭首輔溫體仁曰謝陞
可明日旨下以南吏部尚書謝陞為吏部尚書南右都唐世濟為
左都御史時八月二十一日也時王應熊故善純如又與體仁相
比故體仁陰主之而令發自張捷不虞上之堅持也給事吳甘來
范淑泰交章劾應熊捷同謀黨附冀翻逆案上不聽捷亦屢疏乞
休體仁與捷俱邀溫旨十二月間已奉佐計方殷之旨正擬肆
其兇鋒未幾有劉宗祥之疏宗祥先任金壇知縣與捷相善也以
御史巡按四川成都知縣賀儒修者捷之姻戚因作東託宗祥欲
得卓異一舉東中有忠言不入朝事日乖之語宗祥入川見儒修
復籍特甚折於公論循例糾劾有旨革職逮問捷大恨之值宗祥

回道考核捷一力把持擬加重譴宗祥據實剖辨且以捷手書上聞捷遂革職下獄都察院擬宗祥降三級調外任上抹去之御批劉宗祥著回道管事後部議捷配贖

張捷在天啟初官御史疏論三案即與諸正人有忤癸亥例轉外藩乙丑同前例轉數人皆升京堂以其不附東林也時逆璫柄政同事附之者皆稱功頌德殺人媚人捷獨介然自持不苟阿附且周旋周忠毅公于詔獄友誼甚篤彼黨偵知之竟出中旨指為阿附黨人為李某死友著削奪為民蓋以誤周公為先公也是其人可謂中立不倚之君子也至是以保薦純如謀翻逆案而敗弘光南渡馬阮用事起位冢宰尤堅執邪說方疏請追卹諸逆臣重刊要典頒行天下而國已亡矣國亡之日卻能不降不逃潔身自盡同鄉之人亦稱其居家孝友律已清廉則蓋棺論定大義皎然獨惜其意見之偏為邪氛所中深不可解至不惜甘與同污也使死而有知推原誤國何人正耶何辨

崇禎朝紀事

三

此時水落石出亦自悔其生前之持論否

文震孟請改修實錄疏略云臣因纂修熹廟實錄從閣中恭請光廟實錄較對見其開乖誤甚多如先帝冊立及挺擊紅丸諸大事皆祖三朝要典而應私之蓋天啟三年七月實錄進呈禮臣周炳謨等所纂修閣臣葉向高韓爌等所總裁者也天啟六年逆黨崔呈秀等謂實錄非實請旨重修則崇禎元年二月所進今皇史宬之所藏者也是時皇上初登大寶要典未燬逆案未成閣臣黃立極等不行奏明含糊從事凡光考二十年青宮之憂患與夫一月天子萬年聖人等事俱隱而不彰斯固臣子所痛心也摘其悖謬宜改正者上聞嘉善票擬要典已燬是非已明據奏皇考實錄是否與要典同異并天啟三年所進該部逐一查議具覆時八月十三日也票入不發直至九月二十七日上御平臺手出此疏面諭輔臣曰皇考潛德青宮二十年憂勤惕厲靡有寧晷雖長幼固有定分皇祖意無偏尚然儲貳大事諸臣上疏催請自有職掌

如何說他浮議說他好事溫體仁奏無嫡立長皇祖屢旨申明諸臣不行靜聽屢疏擾瀆反致大典久稽實諸臣之罪上曰雖如此說催請之疏自不可少又如張差持挺闖入東宮此何等大變王之案揭稱其不類瘋癩請集多官會審正是他敬慎處如何反說他謀捏王應熊奏之案原係官箴有玷知不能免故捏此一段以圖自全上曰張差直至殿簷韓本用聚眾擣擊可是之案捏造的後多官會審張差口供歷歷是瘋癩不是瘋癩體仁奏之案此揭原不差但其本意欲借此以自免上曰皇考病亟時李可灼輕進紅丸以致賓天諸臣還是付之不問的是還是據法執奏的是應熊奏可灼本意原欲皇考速愈因皇考久病之後一時挽回不轉上曰君父有疾豈是臣子可以嘗試邀功的當時諸臣不行執奏已自差了反說執奏者不是有此理否體仁奏此皆是逆璫羣小附會造為此論今要典已焚是非已明又屢奉皇上申飭便可垂示萬古上乃將此疏付閣臣改票二十九日奉旨冊立大典皇祖

崇禎朝紀事

三

淵衷默定外庭未知故屢有瀆請然諸臣羽翼國本忠貞難泯張差實係瘋癩雖無別情然挺擊異變法應重究紅丸輕進諸臣無一執奏殊欠敬慎但其意亦忠愛諭旨申明即為定案實錄不必議改該部知道巴縣所票也同時許士柔亦有系不可略考詳補贖兩疏繼文疏執爭之文疏請刊定改錄所筆者許疏則摘抉改錄所削者俱奉不必煩議之旨雖有正論無救邪說皆由閣臣護奸也安得有信史哉
自己已之警所調援兵以糧不給脫巾一呼中原游民又以驛遞裁減無所得食皆挺而走險潰兵與飢民合而流賊起秦晉二省無處非賊始調總兵曹文詔專剿山西之賊所殺獲頗多可以奏功未免有自矜之意既而賊勢漸張時有小挫因復調宜大兵剿之賊復趨秦中總督楊鶴以無功被逮升洪承疇代之洪能撫綏得軍心勦賊頗著績於是賊復渡河入晉晉撫許鼎臣不能禦賊南走河南遂闖入鄖陽撫治蔣允儀以兵力單寡連疏叩閣時烏

程柄國修卻構之被逮賊遂蹂躪荆襄直入四川矣

按鄖陽原以村鎮改縣治以其介湖陝河南三省之交山川縣互盜賊易起故設重臣鎮撫之又以撫綏流民故易巡撫為撫治然所轄地方各省自有巡撫主之治臺不能專也萬曆初年額餉猶有一萬六千王世貞在事以六千改充邊餉以四千發荆襄兩道自備標兵而數止六千矣標兵三百歲糧止十兩有奇皆各縣有身家者買頂首以免門戶而覓人充當又義勇二百歲糧六兩且餉口不足而南下之賊動數十萬雖使武侯復生亦安能施其堵禦哉蔣公在事屢有疏痛切言之閩部俱不能照管宜其得罪也代蔣者為盧公象昇幸以才名素著不數年即升總理此後俱無善全者也

流賊初入荆襄廷議設五省總督時有添設少司馬原以備總督之選彭汝楠汪慶百二人不願行烏程力庇之遂置總督不設至賊勢燎原始以陳奇瑜為之專任勦賊賊潰入四川謀涉棧道南

崇禎朝紀事二

重

北以兵堵塞路口可束手就斃矣賊首乃求撫密遣人賄奇瑜瑜利其賄許之代為上疏准其自新押回原籍每十人以一安撫官押送及出險口至草涼樓地方一夜眾賊盡釋諸安撫官或殺或割耳或委諸道旁復大肆猖獗奇瑜以撫局大壞因請各撫鎮分地責成欲假此以分過也奉旨總督原以調度各鎮撫道不得藉口分任弛卸取罪旋革職逮問以烏程之庇僅得遣戍時秦賊數十萬出關分為三一自陝州上平陽入晉一自武關向襄陽入楚一自盧氏東向分犯河南河北河南河北諸賊復分為三一走伊汝陷滎汜東北入鄭州復分道犯商州一自葉蔡南圍汝寧一自懷慶東渡河掠歸德睢汝陳許等州其襄陽賊與汝寧賊合十五營眾數十萬由固始薄雷邱破之焚壽州正陽鎮破潁州知州尹夢鼐通判趙士寬闔門死鄉紳兵部尚書張鶴鳴年八十餘矣賊執而倒懸諸樹引滿射之逼索金帛有賊至持刀劈之自踵至頂且罵曰若復能坐而觀吾輩耶人始知其總督時有宿憾者也

時各邑鄉紳死難者不能詳記

鶴鳴天啟初任中樞左祖遂撫王化貞與經略熊廷弼構難致有遼陽之陷又起奸細一獄為御罪移禍地經撫皆得罪言路攻之僅能免官幸矣逆奄用事貪緣起南司空黔賊未平逆案李夔龍薦之逆奄於朝中大言曰黔事非鶴鳴不辦雖老可用也遂改兵部尚書督川湖雲貴軍務賜蟒玉尚方聞其所以獻媚逆奄者至醜穢不可道崇禎初為言路瞿式耜胡永順輩論其剋削冒功與媚奄諸罪削職家居至是年已八十餘矣熊王皆相繼正法西市彼獨老而不死安享富貴乃竟戕於流賊之手慘毒加甚誰謂天道無知乎然鶴鳴督雲貴為朱燮元又言因其遺略得平安氏蓋其人大略有才而伎貪而鄙用為督撫或可收效一隅用之中樞不免貽害國事矣

崇禎朝紀事二

重

八年六月十六日賊自潁州至陷鳳陽焚皇陵享殿其明樓鐘簾皆燼毀高牆放罪宗執知府顏容暄杖殺之畱守朱國相指揮包文建俱力戰不屈死軍民死者凡四千三十五人見給事林正賊自稱古元真龍皇帝掠陵監所遺響手小奄縱酒奏伎劄孕婦注嬰兒於梁以笑樂者凡三日鳳陽向未有賊守備太監楊澤貪殘苛刻商民苦之巡按吳振纓至商民往懇振纓懼太監不肯受詞閉門以拒商民集其門者三日日益以眾遂執澤用事武弁俟定國殺之一擁入太監署吳亦乘閒走矣眾遂焚太監署劫掠城中亂民無主乃集隊執香往迎流賊蓋土人之亂十五日先發郡寇以十六日始到激變釀禍實起於澤與振纓撫臣楊一鵬不能弭治又以隱匿遲報俱奉旨革問下鎮撫司一鵬為輔臣王應熊座師振纓則溫體仁兒女婿也兩輔臣力庇之上以皇陵失事重大竟從嚴處一鵬以決不待時棄市振纓發口外充軍然起變時楊實在數百里外吳見在鳳陽因亂而逃乃輕重若此蓋以烏程之庇云

文秉曰烏程為吳故所哀大瑞至於屈膝開體具掃地矣

先是賊自河南將逼安慶有為樞臣張鳳翼言者鳳翼語科臣孫晉曰賊走南已入絕地此賊不食大米賊馬不食稻草行自斃矣聞者無不掩口竟不預為設防卒致有鳳陽之變

上以陵寢之變痛憤避殿御青布袍下詔罪己命大小臣工共加修省詔曰朕倚任非人遂至口狷寇熾以全盛之天下若肯實心為國何難滅此朝食奈詐日聞實巧新鮮觀口三次入邊寇七年不滅國帑匱訕而征調未已閭閻凋敝而加派難施中夜思維不勝憤惋乃至今年正月上干皇陵祖祠民仇責實在朕茲擇十月初三日避居武英殿減膳徹樂以青袍視事示與行閒士卒甘苦相同之意馳諭督撫徧告行閒仰體朕心共救民命署禮部侍郎陳子壯因條議寬恤實政蠲租清獄赦罪使過省工東兵營贖卹宗改折寬驛旌敘事例凡十二款款內請復祖制盡撤內監則不利於諸奄議束兵責督撫則不利於諸鎮政府持之欲狹小其事徒事虛文彌飾於是雖有主上勤恤美意實政終不能下究也

崇禎朝紀卷二

三

寬卹詔下議及罪譴諸臣嘉善謂刑部宜具各招情節列名疏請先釋罪而後起廢方有次第冢宰謝陞曰此做衙門職掌疏不可緩疏上臚列無遺并當日得罪情形悉為粉飾上大怒切責下選郎吳羽文於獄而事不可為已及覆請一百員票擬僅僅以楊都楊世芳余文燭馬思理高倬劉必達章正宸胡良機楊弘廖大亨張燦垣十一人了局皆烏程一手握定使寬卹德意竟成屯膏其伎如此

給事許譽卿疏論輔臣樞臣云民家邱壠偶傷亦必飲痛今仰惟至尊之痛恨皆樞臣固位失事輔臣玩寇速禍耳賊在秦晉議設總督侍郎彭汝楠規避不行樞臣則謂人曰政府不肯設也賊入豫楚汝相被論再議設督而汪慶百猶汝相也乃推極邊之陳奇瑜又誤於撫之一說心持兩端而賊已蹂躪東南矣昨冬東南震驚始有淮撫操江移鎮之疏及旨下又曰不必議移以滋煩擾輔臣遂視寢陵為孤注也又疏曰論輔臣者皆庇私納賄一身一家

之事其於誤國猶小獨此皇陵震驚祖宗怨恫致聖心有在天之隱痛臣謹有率土之公憤此之誤國更孰有大焉者前後連上五疏皆極其痛切同時科道又有何楷范淑泰徐耀吳履中張盛美張肯堂郭維經部臣則賀世盛胡江鄭爾悅相繼抗章不下數十疏而體仁悉以門戶坐之於是聖聽終為所蔽矣

總河劉榮嗣革職提問時以駱馬河潰決創挽黃之議起宿至徐分黃水通漕運計工二百餘里費金錢五十萬其鑿河處邳州上下悉黃河故道淤土尺餘其下皆沙每挑溝成河經宿沙落河坎復平不可以舟劉遂得罪下獄坐贓父子俱死於獄人皆惜之郎中吳璉分工獨多亦引監守律坐死庚戌秋以魏景琦監決之誤竟致典刑人尤冤之

劉公北直曲周人丙辰進士與先忠毅同年相好也工書善詩好文游頗以經濟自任其門下多游客未免失於輕信東光霍維華者以逆案遣戍徐州莫立功贖罪前議實倡於彼也劉方

崇禎朝紀卷二

三

好奇略遺信之致罹大禍小人之不可作緣如此
禮部署侍郎陳子壯請寬釋河南巡按盧經學道胡澥不聽先是汴城萊陽王與許州貢生蘇輔宸爭田屢具詞有司不能聽適學道考試開封萊陽家奴擒蘇族一秀才至家毆之此生原不與輔宸事諸生咸為不平先訴之胡繼訴之盧時三月五日三司公議搜臺萊陽王同八王子亦昇一人來訴以期抵塞在院門外大噪以輿扛亂打諸生有飛石相擊者諸生不敢動噪乃愈甚萊陽復在門首裂其衣冠嚼血塗面為圖賴計院道出示歸咎諸生明日傳蘇生已死王亦稱被毆傷令其母訴按道又庸愆於周王周王即據偏詞入告及按臣疏聞上疑萊陽實被辱地方官私庇諸生嚴旨道提騎逮按道及蘇輔宸等下錦衣衛獄益上方崇重儲體故經藩王疏參者必行重處時盧胡俱到任方兩月竟得嚴譴蘇生竟死獄中人皆冤之
上以兩國學之士雜而多端無以甄才品施教化乃停止入賞援

例一途命各提學官彙試各學廩膳生員每學拔取一人充貢入
國學巡按為監臨道臣為提調分試兩場有分考有謄錄彌封等
官一如鄉試法行之貢入禮部廷試闕下分送兩雍肄業一時與
貢者皆自誇為奇遇然亦未嘗特拔一人進用也次年又命頌率
經筵朱子小學於學官令士子誦習督學官取以命題試士又命
士子兼習騎射於文試畢後又試馬步弓箭鄉會試亦於榜後試
之一時不能文者競以此為媒進之階矣

論監修實錄等官朕躬閱皇考前錄頗有失實之處蓋時政予奪
或志在激揚矯抑不得驟言得失即張疏敷陳亦有風聞臆見難
保盡出公確惟略存當日始末備載所奉明旨一聽後來評釋庶
幾初意不晦今於意合者存其美不同者去其實或突載一節或
單標數語成心偏見滋惑傳疑其於實錄之義何在目今皇兄之
錄未竣應加申論又論今士鮮實行人多虛飾其於薦獎乞恩尤
甚以目擊耳聞之事輒要欺人以說鬼說夢之言敢於奏上才難

自古記之何近時之多賢耶賢人多而天下治何宇宙之多故耶
祇足貽譏後世見笑識者亦當禁之二條皆御筆親撰此即漢詔
之佳者不能幾及後經閣擬反不如矣

故事經筵講書置春秋弗講上獨以春秋有關於撥亂反正傳旨
令選專經者進講時首輔温故以春秋起家詞臣文震孟亦以春
秋著名首輔恐文進講必如前年有諷諫或當上意故隱之而伴
為搜索狀次輔嘉善指及之首輔伴篤謂幾失其人即以名進十
月二十四日講至祭伯傳而宰嚭歸賄傳賄凶禮也當缺不進講
上特令補進文乃講咀以六卿之長而壞法亂紀自王朝始焉用
彼相上領之既奉御筆宣諭云宰嚭一章正見當時朝政之失所
以當講後以此類推己又講內君子外小人及人臣義無私交一
段大愜聖意爰立之命基於此矣
八年六月二十九日上傳大小九卿詹翰等官召對上御門兩傍
置桌子筆研諸臣行禮畢上諭曰諸臣才品朕未徧知今一試票

擬輔臣六部尚書站於階上其餘分班試於階下兩中官持本一
帙各分一本并二小東傳諭將內本票擬書東內一彙一騰試完
命退次日上傳姜逢元陳子壯文震孟張至發蔡奕琛周仲儼馬
之驥張元佐張居著吏部將履歷年貌開寫來看其在籍諸臣有
堪任開員者也著從公推幾員吏部即將九臣年歷開寫會推
在籍吏部侍郎林軒禮部尚書孫慎行順天府尹劉宗周奉旨召
在籍三臣作速來京爾馬馬上催他就道不可遲延至二十六日
奉旨文震孟張至發俱升禮部侍郎入閣辦事先是召對文以病
在告不與官尚為少詹事張以刑部改入皆新政云自此以後凡
枚上閣臣必內外兼用亦不論官階大小矣 召起三臣孫以病
卒於途未及陛見林以原官入閣卒於位劉升工部侍郎不久以
建言去

故事新參入直後以名帖及禮帖致掌司禮大瑞璫亦來答時
大瑞曹化淳係王安名下素附正人託安之姪中書某轉致許

公霞城盛稱曹飯依之意且云舊例固不可失相通一番此後
有事亦可相聞好於上前說話許轉述之文公曰無論素不善
與若輩往來且同與者方虎視眈眈若稍有一隙反與以口實
何以自解卒不與相通未兩月頓失帝眷而見逐矣許公曾為
予述其事深服文公之持正而歎當時揆地之難居如此
撤回各鎮監視內臣論戶兵工三部略曰朕御極之初撤還內臣
一應事悉以委之諸臣不意習尚久非營私徇過甚有從而剝削
為升官肥家計者此士大夫負國家也不得已查照成祖監視之
例分遣各鎮添兩部總理亦欲諸臣自艾數年來經制稍立錢糧
稍清諸臣亦有省於其中矣今將總理監視酌量撤回以信朕之
初心惟關隘逼邊高起潛兼監兩鎮京營原有內臣提督照常內
而部司外而撫按務要其濟時艱慎始保終永識朕言是論適在
文入閣後一日於是遂有新參居功之說譖於上前矣
輔臣王應熊回籍先是六月初十科臣何楷以皇陵失事參温體

仁王應熊庇撫按楊吳之罪應熊即於十三日具疏奏辨時向疏
尚未奉旨發鈔應熊又方注籍不入閉也何因以預洩機密參之
應熊疏認謂家人在直房中鈔山上乃下其家人於錦衣衛獄究
問並查擅與中書姓名在直者俱罰俸一年家人王心良發邊衛
充軍應熊遂以是去蓋上意既重漏洩烏程又適被論注籍不能
為庇說者謂長洲實為之而忌者益眈眈矣

史部尚書謝陞疏參工科許譽卿福建布政司申紹芳營謀升官
許削職申逮問許在天啟時以疏參逆奄謫官時謝為文選郎中
亦以不附奄罷崇禎初同膺環召謝已歷官冢宰而許在垣中資
望最深猶守故官以母老欲乞南太常以便養同人不可文擬留
之升太常少卿亦非僭分謝與首輔故難之適臺省同時攻冢宰
及總憲許謂須舍謝而專攻唐唐與烏程朋比肆惡尤不可緩也
御史張繼曾不通商推特疏獨參謝一人張固同鄉謝乃疑此疏
出文許意又山東布政勞永嘉營升登萊巡撫勞固逆案漏網

諸臺省擬合力攻之謝三過戶科宋學顯曲致殷勤求稍徐之候
旨下而攻之未晚且云勞君之座即申君之座也申故文之姻戚
時任福建右轄待次蓋以此相挾而臺省不能待交章連牘有旨
登撫另推東省諸人又懷恨矣兵科宋之普力懇謝謂文許決不
相容將以銓席待南冢鄭三俊及大司農侯恂豈能久留汝耶謝
已心動適有張之疏遂具疏參許與申坐以爭官講缺有憑藉與
援語發票時首輔已定意故示而推於同官嘉善謂所奏必當有
據宜行勘或令回奏首輔不然遽票旨云大干法紀著降調夫既
云大干法紀則不僅降調矣次日果發票削籍為民文爭之不得
乃作色曰科道削籍乃極榮之事許陞辭疏復侵首輔首輔疏辨
遂及文何二輔即為民極榮語曰皇上所以鼓勵天下者止此爵
祿位號而震孟所言是以股肱心膂之臣為悖倫滅法之語疏入
上頗怒得旨吾騶震孟不宜徇私撓亂各具疏引罪何致仕文開
住未數日復以減倫二字參庶吉士鄭鄭以鄭為文同鄉同年相

善逆賢時同以建言謫官故借以引繩批根也鄭居鄉實有穢行
謂可以鉗諸正人之口鄭下刑部獄屢問屢駁同鄉亦不直之竟
以士民公疏再下錦衣衛遂致極典而一時株連者甚多總由溫
之險心毒手構成大禍云

河南監紀推官湯開遠由乙科以知兵授是官於五年冬已有兩
疏論時事至是復疏言為皇上分任勦寇莫如撫鎮乃於撫則用
懲創於鎮則用優遇諸臣受事之始已為不終朝之計有監甘襁
革必不肯做者以做亦罪不做亦罪也不做罪輕做罪重也即有
肯做者而反為不肯做者掣肘也有旨責其妄言做亦罪等語何
所指著回奏因復奏言皇上為辦寇而誅督臣一逮督臣撫臣二
視撫臣二并逮兩按臣道府州縣不可勝紀前後諸帥有一逮且
誅者乎即以中州言之按臣曾調捐資濟荒未嘗愆忽竟從逮配
將來無肯做敢做之按臣矣祝萬齡拮据兵食親率兵馳救武安
遽行削籍無肯做敢做之道臣矣史洪謨令宜陽寇無敢薄城六

安之全獨力為多竟以罪擯無肯做敢做之州縣矣永寧鄉紳張
論捐金募兵其子鼎延乞卹並奪其職無肯做敢做之鄉紳矣又
如銓司弊較吳羽文竭力搜剔乃以起廢干怒竟致長繫無肯做
敢做之部曹矣皇上不留意分別一下銓司即議罪議降革一下
法司即議杖議遣配有肯執奏為不當者乎竊見繫繫諸臣賢者
不復以速為辱不肖者無復有自奮之心且以狂狴藏身人品與
封疆兩盡可不為寒心哉奉旨革職奉問河南巡按金光宸為之
代請以其戮力行開殺賊有功准釋放還職
上以祖訓凡郡王子孫有文武才能堪任用者宗人府具以名聞
朝廷考驗授以官職其遷除如常名曰換授署禮部陳子壯疏言
宗秩換授適開僥倖之門其事有不便者三不可行者五上怒甚
有非祖訓親之旨遂下陳於刑部擬贖徒放歸先已有宗藩儀節
之議始於唐王上疏部議屢上屢駁至是上益怒欲加廷杖曹璫
跪諫乃止未幾唐王杖殺二郡王上不憚又因邊警請統兵勤王

上遂密敕撫按押發鳳陽高牆至十七年以淮撫路振飛疏保赦
出乙西南都失守鄭鴻逵等擁至閩中登大位號隆武閩破被執
蒙塵 宗室以科目起家始自天啟辛酉其能文者江右爲最楚
蜀次之 監藩宗室有朱統帥中辛酉戊辰兩榜選庶常有言宗室
不便入館者改中書卽告假去至宜興當國閱弘學秉銓以其疏
請改館職壬午爲南畿副考又有甲戌進士朱寶符賜名統鏗朱
鉅賜名奉鈔皆庶宗未請名祿者中式後賜名皆出特旨庚辰年
又有朝覲縣令朱露上疏逢迎時事召對授給事中賜名統鏗此
其最著者自換授法行皆是親王保舉優者得中書次則府佐州
縣官諸宗在仕途者幾八十矣大都以營謀得之換授易而科目
難使諸宗不務讀書專務鑽刺及入仕途益多不法公私苦之
乙亥十二月二十六日賊犯和州知州黎弘業嬰城固守二十八
日賊用梯攻城上發礮擊殺數百人賊復頂上方桌掘城上擲
薪燒之已而風雪漸急城上人不能支有散走者賊遂得蟻附而

登黎時有母隨任知事不可爲視其母自縊死大書於壁曰爲臣

三

不負君爲官不負民忠孝誠已盡生死安足論書畢自縊而死一
門死者十有餘人有幼子以先隨母還家得免同死者又有學正
康正諫鄉紳侍御馬如蛟事聞黎贈光祿寺卿賜祭賜葬廕子餘
各贈卹有差

黎公廣東順德人天啟辛酉舉人先忠毅時以南康推官應聘
分考本房共得士七人黎公其一也工詩善書淹博風雅時稱
名士尤篤於氣誼所以周視師門者甚至乃竟與先忠毅同以
節義傳真無愧及門矣

九年丙子正月內閣溫體仁奏逮問知縣成德之母辱臣於長安門又持木牌冤於朝上命下德錦衣衛打問已於午門前杖德六十發成初德為滋陽令耿介絕俗不善事上官偶處府廳積役府廳怒之揭於巡按禹好善開列多端誣以貪酷致被提問及到京上民俱為之訟冤長洲在開時亦言之至是好善再疏直言德係舊補之私人矣賴上不之罪而德母各處投揭至隨體仁與訴習於朝門體仁畏之乃具揭奏聞竟罹重譴至十六年起廢升兵部主事甲中之難母子俱殉節死

曹欽程者以逆案問辟繫獄將十年同案諸人俱已正法獨欽程尚存遂為獄中牛頭鄙橫無恥每控紳入獄即需索萬端成入欽程亦如法索詐成大怒拳毆之數百一無所得而身被傷人皆快之欽程後以闖賊破京釋放即手降賊庭從城西去不知所終

寧夏巡撫王楫馭下少恩一日於教場點兵下操適聞有解到賞軍餉銀軍士遂紛紛求發楫不許比夜楫入城至北門內軍士攔路求索楫命鎖之眾軍遂鼓噪稱亂持刀砍楫氣絕仆地而死事在丙子正月從來邊軍多跋扈當元年甘肅兵變已戕殺巡撫畢自肅矣至是凡再見

淮安武舉陳啟新上獨違時尚疏灑瀟灑萬言其大指則區區進士之橫縣令之貪至發憤於腐爛蕪儒欲并科日廢之專舉孝廉行漢法跪於午門奏進上方行不測之恩威遂投契上意奉旨以為敢言可嘉徑授吏科給事中吏部不能執奏舉朝無敢訟言惟劉宗周於條奏疏未及之言啟新言有大而近旁情似要而有挾未可遽定其品一言投契立置清華雖稱一時盛事將如名器可惜何後啟新官諫垣二三年庸庸隨時未有非常建白卒以收類象譏得罪真覺名器可惜也

時有候選庫大使程品疏斥啟新之虛誕欲廢祖宗科目之制

是絕孔孟君臣之脈上怒著刑部提問擬罪其人雖未必端品然此疏則足愧舉朝之容默者矣

命兩京三品以上於進士舉人貢監中舉堪任知府一員五品以下及翰林科道在外兩司知府於貢監吏民中舉堪任知州知縣一員送吏部除授部中先舉在京各官所舉其二百餘員開列上呈命量才選用初旨命即授州縣正官遂大半以營謀得之及部中類考又復以賄為高下至有考授丞簿者諸人始各廢然於是

有志者俱不屑就究之亦未能得一人也
劉宗周以特召至拜官工部右侍郎即上痛憤時艱疏略曰朝廷有積弊士大夫之心自此耳目參於近侍腹心寄於武夫治術尚以刑名政體歸之叢腥厥衛司訊訪而告訢之風熾詔獄及士紳而堂廉之等夷人人救過不給而欺罔轉甚事事仰承獨斷而詔候日長三尺法不中於司寇而犯者日眾詔旨雜治五刑而好生之德意混刀筆治絲綸而王言褻誅求及瑣屑而政體傷參罰及

錢糧而實逾貪吏逾橫賦逾通嚴刑與重斂交困而盜賊滋起總理任而臣下之功能薄監視造而封疆之責任輕督撫無權而將日趨武庫廢法而兵日驕將懦兵驕而朝廷之威令并窮於督撫朝廷勒限盡賊而行開日殺良以報級以幸無罪求治愈殷紛更四出致市井雜流咸得操詆抵隙以希進用皇上不過始於一念之矯而積漸之勢釀為厲階幾於莫可收拾則今日轉亂為治之機斷可識矣奉旨大臣論事當體國度時不當效小臣歸過朝廷為名高已閣臣以馬價空置議捐助宗周獨言不敢懷利以事君并請禁天下之言利者得旨切責遂引疾罷歸至天津知北兵自昌平深入憤甚復上切時艱疏略曰往己已之變有小人起而修門戶之怨自此小人進而君子退中官用事而外庭浸疏人人解體事事規卸文法日繁欺罔轉甚朝政日隳邊防日壞以有今日之禍實己已以來釀成之也且以張鳳翼之溺職中樞而予之專征何以服王洽之死丁魁楚等之失事而予之戴罪何以服劉

策之死諸鎮勤王爭先入衛者幾何人不問以逗留詰責何以服
耿如杞之死今幸以二州八縣生靈結一飽颺之局廷臣若可幸
無罪者又何以謝韓廣張鳳翔李邦華諸人之或戍或去豈昔之
爲異已驅除者今不難以同己互相容隱耶且皇上惡私交而臣
下多以告訐進錄清節而臣下多以曲謹容崇勵精而臣下奔走
承順以爲恭尚綜覈而臣下瑣屑吹求以示察凡此似忠似信之
類無往不出於身家利祿將聚天下之小人立於朝皇上亦有所
不覺矣又言小人與中官每相比以相爲引重而君子獨岸然有
以自異故古有用小人之君子終無黨比中官之君子未及及時
政最乖者數事以誰生厲階至今爲梗責滿首輔體仁謂其大奸
似忠大佞似信且引唐德宗之不覺盧杞奸邪爲規奉旨責以此
私亂政顛倒是非革職爲民已又上書體仁規其勿蹈江陵分宜
之覆轍體仁不省

劉公前後立朝不滿一年而諫草甚多皆鑿鑿名論纏綿懇惻

不減賈長沙陸敬輿也已盡選入名臣奏疏中但擇其切關時
事者錄一二於此云

大學士錢士升疏進四箴一曰寬以御衆如天之覆賢愚并包功
過在宥大絀毋急六轡毋驟不競不絀世躋仁壽巍巍蕩蕩大哉
吾后一曰簡以臨下若網在綱要領獨挈條目畢張無爲守正垂
拱明堂執要則逸好詳則荒程書衡石徒蔽章光一曰虛以宅心
如鑑斯空妍媸好醜畢獻形容寂然不動感而遂通以意索照億
逆填胸鄰鐵市虎載鬼張弓一曰平以出政如衡斯準輕重毋畸
哀益必允舜貴執中孔戒已甚救弊矯偏參調詳審畏卒怖始罔
或不凜時上已不說未幾遂以論駁武生李璉疏議搜括富戶事
去位自武舉陳啟新上疏邀特恩一時長安游棍章滿公車至有
徑請召對者武生李璉一疏至欲江南指紳富戶報名輸官行手
實籍沒之法疏下閣票嘉善惡之遂擬刑部提問以進御批改票
烏程曰上方欲通言路當以所擬太重耳遂改擬姑不究嘉善曰

此亂本也當以去就爭之即具疏言此衰世亂政是使亡命無賴
之徒相率與富家爲難不驅天下之民胥而爲流寇不止乞屏絕
橫議毋使小人因陳啟新之進以言利窺朝廷疏上而璉疏已批
下法司提問矣是疏則批云改票原欲申飭通政何相疑至此即
欲沽名前疏已足致之遂請告辭去其官而用其言一疏之有造
於生民者大矣

先是有經歷吳鯤化上疏論雲南巡撫錢士晉貪肆烏程即擬
嚴旨行巡按究問回奏士晉係嘉善嫡弟蓋欲借其弟以逐兄
皆烏程之機械也旨下而士晉報病故事乃得解嘉善卒以是
去

錢已去位御史詹爾選先有疏論陳啟新之用責備輔臣家宰不
能盡言執事至是復疏言大臣所以不肯言者以不肯去耳今士
升肯言矣肯去矣以去就悟明主以氣節風百僚皇上不即嘉許
而疑其要譽耶且天下之疑上者不少矣將卒驕懦日甚聖德恩

禮過渥則疑過於右武穿札與操觚並課人見拙德而齊力則疑
緩於敷文免親說行或疑朝宗大義不值數萬路費之金錢駁問
日煩或疑明啟之刑書不當幾番加等之紛亂其君子憂驅策之
無當小人懼陷累之多門則知一切苟且之政或拊心愧恨或對
衆唏噓種種隱情有難彈述上怒甚命錦衣衛擊問特御門召對
面詰問如何是苟且詹曰即捐助一事也是苟且侃侃數百言抗
對無屈且曰臣死不足惜皇上幸聽臣言固可爲今日之用即不
聽臣言亦可留爲他日之思中璫在旁亦嘖嘖歎服上益怒命繫
朝房候旨內閣揭救翌日旨下言本當重處念輔臣申救姑著放
了都察院議處初止議罰俸以議語涉誇并處主稿御史張三謨
乃改議爲民

上以邊警仍分命太監盧維寧等總監通津臨德等處兵馬糧餉
御史金光宸疏請罷遣上大怒於八月十六日召對廷臣是日下
午恰值風雨驟至閣臣部院侍立雨中至以袖障雨上召兵工各

部堂入厲聲云而今要練兵買馬製器械諸臣唯唯上云平時都說口子是好的而今卻從口子入了平時都說有兵馬準備而今卻沒有這是恁麼上聲色俱厲風雨聲亦復雜沓久之獨召金來前上云你疏是甚麼主意你們科道官到這時候並不說何利害與何害當除還說這套話光宸云皇上因文武官員無一實心任事所以有這番委任但這些事體別有委任文武官員一發好卸擔子上厲聲云事到如今你們文武官員可羞可羞金云臣巡按河南時見皇上罷撤內遣以為是聖明第一美政語未完上即云不要是這等說連說數聲金又將文武官員話頭申說一遍上云本該重處以後再有這樣的定要孛問徐云該部議處諸臣仍賜茶果而退

崇禎朝紀事三

五

以張元佐為兵部右侍郎鎮守昌平同時遣內臣提督天壽山者皆即日往上語閣臣曰內臣即日就道而侍郎三日未出何怪朕之用內臣耶閣臣默然年昌平陷乃內臣納假兵而起為內應者

命調各鎮兵入援總兵劉澤清至河開擁眾不前疏言東撫李愬芳格標兵不發上怒下部議愬芳革職其實標兵三千而劉兵萬餘不相涉也自此以後總兵非復督撫可制而澤清更為跋扈云至壬午之警王永吉為東撫陷至七十餘城而以兵僅三千為上所原反得升勦遼總督不知三千兵從來如此當時撫臣所值有幸有不幸也

本兵張鳳翼自請以身當敵督援兵出師而以舊本兵梁廷棟為總督梁由南至張自京出北兵至雄縣而返徧蹂躪輔破數十城二人俱尾其後而已北兵將出沿途刮樹大書各官免送四字二人度敵退後且罹重罪因日服大黃藥取瀉求死北兵以八月十九日出口張以九月初一日卒又數日梁亦卒後下刑部議罪梁議斬張免議以烏程之庇故時謂張死亦不幸矣

北兵入至天壽山將諸陵寢殿拆毀兵退後撫按奏稱忽有怪風

從東北起祖寢門扇海馬獸頭神路樹枝悉行刮損有旨著估價修理上下相蒙不復究竟而閣臣反以事平敘功加恩時新三參句容孔貞運江夏賀逢聖南海黃士俊俱加太子太保

場日揭曉

誠意伯劉孔昭疏論倪元璐素制當黜借明綸以媚婢媼妻陳氏見存而王氏居然冒封許重熙偽士非祖敢居下以訕上實錄未成而五陵注略先刊行世蓋體仁乘文何二相既去以倪為二相臭味必欲擠去之而後快言路部僚莫有應者因以京營總督缺誘劉孔昭令之出疏奉旨下部看議倪前妻陳氏有故而去再娶王氏皆名家女非以妾冒封竟坐冠帶開住議許除名禁錮不足明罰宜下法司窮究體仁擬旨三上不允徑批許重熙著斥革後孔昭不得京營缺特復操江缺以償之孔昭前此已參戶尚侯恂以媚温矣

崇禎朝紀事三

六

時上銳意取法世宗命近侍徧買坊間刻本如見聞錄等項適注略初刻亦買進登御覽中有誠意伯襲爵事頗致譏貶上覽而賞之孔昭聞而懼遂因參倪疏而并及故閣部俱議窮究上終不允云當時謂倪為今之韓愈許乃得與之比類同毀耶人之視許已不輕矣許後年將大老猶留心史事下榻荒齋者三年蠅頭小楷手不絕書惜未竟其事而齋志以沒也

黃景昉主北闈試以馬之驥為解元下第者吹索字句投揭陳啟新出疏參之景昉辨疏言吏科無衡文之責啟新非能文之人上以御筆塗吏科句意可知矣部議竟以覆試文字不雅議罪停四科削景昉級其逢迎啟新如此

方流賊蹂躪中原官兵攻之總兵曹文詔斬獲獨多然以勇而驕為賊所陷沒升盧象昇總理五省孫傳廷巡撫陝西與三邊總督洪承疇協力勦賊孫久居邊疆習行開事盧身先士卒忠勇有為率關外兵一再破賊而孫洪亦時時以捷聞時闖王已誅竭子塊

已為盧追逐入秦河南稍寧自羣盜擾河南北者三年夾河千里
雞犬無聲賊即無可掠盧又合大軍於中原羅而蹙之寇已稍衰
及以邊警調各兵入援事平即改用盧為宣大總督洪為副遠
督而寇復蔓延矣老回回等盤踞鄭襄開休糧息馬秋高足食乃
以全軍合曹操闖塌天諸賊兵二十萬沿江長驅而下斬黃六霍
懷靈望江江浦所在告警烽火且及儀揚已自尉氏至登封至汝
南復入河南豫撫陳必謙輕撫被誘幾以身殉為按臣楊繩武糾
効解任削職以王家禎代之兼總理川湖山陝督勦事務後亦以
無功而罷

崇禎朝紀三

七

山西巡按張孫振參學臣袁繼成婪肆賦款有旨掣解來京究問
兼責撫臣吳姓何以薦効互異吳回奏言繼成清公自矢學行兼
優舉薦自出公論繼成到京因疏訐按臣之徇私屬託事事有據
三晉士民亦羣為袁訟冤上察其誣命復繼成官逮孫振下獄問
遣後繼成官至江廣總督國亡被獲全節而死可謂不負上恩矣
孫振以南渡時詔附馬阮復官御史謀翻逆案誅鋤正人與袁
勳同為一時之巨憝云

杰疏劾亦命逮喜臣問遣刑部王都又劾侍郎章光岳在通政時
請逆案中有枉者辨疏許其封進御史水佳角有疏請吏部將逆
案中有不平者明告二人皆當究處部覆光岳引退佳角以別事
處免議都又劾吏尚田唯嘉當王永光借題遷才唯嘉即薦楊維
垣賈繼春二人光岳薦呂純如霍維華傅樞徐揚光虞廷陞葉天
陞六人夫世濟喜臣薦一人而舉問薦二人六人者宜何居時田
方新經簡任眷遇正切召對出疏示之論不必置辨

崇禎朝紀三

八

用遂效尤建育希圖進身故借復社為題迎合政府而蘇州推官
周之夔業以濳事罷官恨及二張亦疏訐復社生徒妄立四配十
哲名目濁亂一時皆溥采為之倡政府徇其意皆票旨嚴究大開
告訐之門同時又有常熟奸民張漢儒奏訐錢瞿二宦事
張漢儒者常熟邑民奔走於諸大家為門幹後又投充糧衙書
手以事犯革逐并不容於鄉里不得已棄家入京遇有同邑陳
履謙亦以事犯在京出入搢紳之門因相謀議欲訐奏豫撫陳
必謙暨鄉紳數人以報怨而錢謙益瞿式耜二人為首輔深仇
遂草成奏疏開列多款先於朝房呈之體仁體仁首肯顧其注
毒在錢瞿且恐人多則啟上疑因去陳與紳而止參二人投通
政上之體仁竟擬嚴旨著撫按提解且以不行糾參責令回話
既下刑部究問贖款又發撫按詳鞠屢問屢駁株連不已虞山
因營謀求解於曹璫曹故王安名下也以所作安碑文為證曹
覽之泣下乃盡力為之營救而陳履謙復獻詭賊出首之計先

具一匿名揭有款曹擊温等語隨令王藩出首云虞山齋四萬金託周應璧求款於曹烏程卽具密揭入奏上以其揭示曹曹懼甚自請窮究其事先是衛帥董現逼供招以匿揭爲根據以王藩爲確證應璧堅執不認董現逼勒成招事頗昭著曹瑞奉旨嚴究大加搜訪備悉履謙父子奸狀擒到嚴衛訊問招出漢儒草疏王藩出首并伊父子捏造款曹擒陳和温六字又改和爲擊等情歷歷有據獄上張陳王俱廷杖一百立枷死烏程亦放歸蓋由曹盡發其奸知漢儒之疏匿名之揭王藩之首皆其主謀前此總憲薦霍謀逆案尤其指使也烏程每與大獄必稱病以聚謀謀定而後出是時修理湖州會館方擇日移居疏上邀宣諭卽日出矣淄川已票留御筆書放他去閣票有人夫祿米等項御筆抹去疏下出不意方食筋失人心稱快錢瞿旋各坐贖徒去

崇禎朝紀事三

九

國觀原左僉升禮部侍郎各兼東閣大學士旨云著與輔臣至發協同辦事不稱首輔有與至發密者勸且稱病至發云無奈賤體頗康直至半年後一日偶有宣賜稱首臣至發遂卽日廷謝編修吳偉業疏言願至發以體仁爲鑒體仁學無經術則當練達朝章體仁性習諂諛則當矢志光明體仁仰睨小人則當嚴杜論訛體仁謹持逆黨則當力褒忠孝毋效其泄沓偷容毋似其游移飾詐近日辨揭盛稱體仁之美曰孤執曰不欺夫體仁有唐世濟吳振纓之徒參贊密謀自陳履謙陸文聲之徒驅除異己何謂孤庇樞貳則總理可不設而事敗乃設何謂執必因私踵陋盡襲前人所爲將公忠正直之風何以復見也

南祭酒許士柔以撰原任左都高攀龍贈官誥命爲輔臣張至發糾其違式命降二級調用故事兩制專屬詞臣而贈官誥文則誥敕房中書據爲職掌大臣子弟欲表章先德以中書撰文未盡善也每請詞林名公爲之崇禎初元衰贈死難諸家誥文盡出詞林

手獨高忠憲誥文雖作而以軸缺未領至是已八年矣其家請補給仍錄許原撰文以進時已奉旨申飭不許用駢語煩文中書官遂挾稿其制語獻之中堂至發以許爲倪黃之同年友方爲時忌正欲引繩批根特揭參之遂奉嚴旨忠憲誥命亦遲回不敢請矣大司寇鄭三俊給諫何楷各疏言上自處撰文違式者耳非謂高攀龍之清忠勁節有煩擬議也始得旨另撰文補給

東廠緝獲福建泉州府吏員許馨來京打點爲與泉道曾櫻謀升浙江按察司中央考功爲主事文選來耶中說分上有元寶八錠奉旨各犯下鎮撫司嚴究曾櫻革職逮問曾歷官清執忽有此事眾共疑歎御史葉初春爲訟言之撫按亦爲之稱冤漳潮總兵鄭芝龍疏櫻廉明公正龍感其德代爲之營升其實與櫻無干願以官贖罪上已鑒悉准令櫻復官起用芝龍圖功自贖

鄭芝龍福建南安人其父故泉州府吏也曾受知府蔡善繼恩芝龍聚眾雄行海中時浙有李魁奇廣有劉香與芝龍爲三蔡

崇禎朝紀事三

十

再起爲兵巡道以巡撫熊文燦命招撫之芝龍以蔡故屈意投降題授副總兵鎮守漳泉惠潮地方魁奇爲香所誘犯浙江及南直芝龍用計擒斬之香亦相繼爲芝龍擊敗走死

特起楊嗣昌爲兵部尚書時方守制疏辭不允令奪情視事舉熊文燦爲四省總制專勦流賊文燦撫閩以招鄭芝龍成功至是亦主議撫張獻忠等遂詐降投誠文燦信之授之以官獻忠跋扈愈甚劫殺自如撫議卒敗文燦遂以庚辰年伏法死

河南巡按張任學疏云臣書生也於龍威丈人之祕雖無所窺而以二十五年之學問爲皇上練此劫亂之經綸以答祖宗養士之報誠自信於中矣皇上不以臣爲不肖乞下部院集議將臣改爲總兵官行當四征寇虜雪國恥而復生民之仇云云奉旨下吏兵二部都察院集議以爲御史改總兵實從來未有之事請仍以監軍御史兼署總兵銜爲便聖旨以任學忠勇可嘉准改授署都督僉事充河南總兵官

按張係乙丑科進士四川保寧人由知縣考選御史先巡鹽浙
直再差巡按河南自請從戎可謂慷慨直前之丈夫或者謂其
本欲謀得巡撫故請從戎不知此時中州無缺人皆視為畏途
竟可不謀而得何必改武衛然自改任後仍未見有殺賊奇功
竟以失事逮問亦見當日任事之難矣

上以任邱清苑涑水遷安大城定興通州各有司不法命逮問責
撫按不効為溺職先是有固安知縣蔡士奇撫按遣官奉旨搜私
宅得銀七百兩坐贓論成大同僉事劉彝鼎因撫臣薦疏批旨云
彝鼎貪污狼籍著會同監視參來重處遂遠問遣成蓋皆由中瑄
毀之也自此外任官皆不得不以調停大瑄為事矣先是丁丑年
又有潘益達白慧光皆近畿縣令中旨命御史參奏提問

十一年戊寅二月初七日皇太子出閣講學閣中先期題侍班官
四人姜逢元姚明恭王鐸屈可伸講讀六人方逢年項煜劉理順
吳偉業楊廷麟林增志校書二人楊士聰胡守恆侍書二人中書

朱國詔黃應恩舊制日講官東宮講官無相兼者恐上與東宮同

日御講筵不能兼也且應恩既充正字又充侍書皆以至發不請
衙門規例故為應恩攘之耳項煜楊廷麟各上疏願讓黃道周奉
旨不得矯讓至發揭辨云道周清品意見少偏如近疏有不如鄭
鄭語夫杖母何如人而自謂不如是為元良輔導乎時鄭獄尙
未成草此揭者應恩也給事馮元龍疏言道周至清無徒數忤執
政項楊二臣退然自下為大臣者正宜嘉歎而至發一揭大不快
其言并遷怒道周何也至發出揭辨又上世風宜挽疏累數百言
內云道周出山緣愛母之心借一言以周旋鄭鄭豈曰非孝但不
宜以朝廷是非之公為一己環草之私又云有一二人焉建壇堵
執牛耳自命於人曰吾將主持世風已而自命者與之附者入主
出奴了不得其何緣何故末又請禁投刺往來自今士大夫門盡
可羅席盡可塵夫人而能為廉也夫人而能為讓也終推重於溫
體仁頌其孤執不欺願學之云云或言此疏亦出應恩代草者

本兵楊嗣昌之父鶴以三邊總督逮問遣戍至是盜夏敘功復官
給誥命舊例贈卹誥命中書撰文章者為之應恩為楊鶴撰文極
力洗發進呈上塗抹發下令查職名議處淄川欲上公揭申救孔
句容曰去年許士柔事正與此同彼時未申救今奈何救之淄川
憤曰難道閣中少得此人我自救之連上三揭上不允御批云撰
文自注職名新經申飭應恩供役閣中首先違玩人臣功罪各不
相掩彖冕等語視當日處分為何如應恩著革職為民嗣昌亦上
疏救不聽既而大理寺副曹奎疏參首輔并應恩納賄諸事件奉
旨首輔素矢清慎何得牽詆應恩刑部提問

鄭三俊為刑部尚書適當科臣宋之普以馬豆事參戶部尚書侯
恂下獄先有讒言謂三俊與侯恂皆東林契友必且屈法徇私上
入其言獄上果多為恂卸罪上大怒并三俊亦下獄宣大總督盧
象昇先具疏稱冤盧昔為鄭司屬素服其清公者也繼盧者不下
十餘疏應天府丞徐石麒疏尤剴切閣票回話發改閣票為民又

發改閣票提問御批云可將三俊罪狀一一講明不必更處奏事
官閣中擬旨進即批出

時當考選行取官概集推敲詞林臺省雖據官評而亦別有營私
者陳啟新疏論其事奉旨據實回奏又旨下吏部將訪冊進覽特
處因多濫徇者卿貳中姜逢元王業浩開住科道中傅元初等六
人開住孫晉等三人降調劉含輝等十一人降級照舊啟新回奏
指涇縣尹民興江都顏眉紹及同鄉預定之陸自獄部覆各降處
田唯嘉乃請先推部屬所推二十二入輿論譁然與推者各懷不
平獨成勇恬然無怨色不數日辭朝赴南京吏部任去矣
二月十一日御經筵舉召詹翰諸講臣顧錫疇等二十餘人問保
舉考選二者孰為得人諸臣各以大意虛對黃景昉獨以鄭三俊
下獄及朱天麟成勇不得與考選對上細訊良久論以三俊蒙徇
徒清亦不能濟學至成朱二人則李建泰以下同聲為之稱屈上
命起序立有言者獨奏諸臣各陳所見上曰言須可用如先年講

官姚希孟欲將漕米改折一年這箇行得行不得楊廷麟奏自溫體仁之薦唐世濟王應熊之薦王維章今二臣皆敗而體仁應熊無恙是連坐之法先不行於大臣欲求收保舉之效得乎上為色動久之無所言項煜乃奏成勇不得考選以在濟為開臣至發兒女親家前任濟列第二後以有議以成勇易之開臣不欲功利考選若得則俱得失則俱失云爾上曰誰沒有兒女親家也不在此至發奏請救撫按勘臣與潛結親或見在或已往有一於此則治臣罪上諭以不必與辨對舉出次日黃道周余煌黃景昉楊士聰各有疏而田唯嘉亦有疏直攻楊廷麟云成勇輩各為同鄉所引臣一旦推之部屬安得不觸諸臣之怒廷麟以推部之涂必弘係江西人特借成勇天麟為口實耳至聶明楷係伊同鄉萬穀春保舉臣且參革并殺春降處是以恨臣以保舉考選為不公也奉旨接引主持有何憑據且原奏為黃景昉何訛為楊廷麟還著明白具奏十六日御日講面諭景昉昨原切實鄭三俊豈是矜亮又

欽定四庫全書

三

諭余煌昨諭有姚希孟全折漕糧一年之語煌對行不得此數語如何不載又越日御門畢諭百官數百言內言鄭三俊一案屯豆腐穴情弊顯然有何可疑而欺罔推諉巧為彌縫屢奉批駁執法愈甚但念別無贓賄姑著回家聽候擬蓋聖明本樂受言特不欲恩歸於下耳

姚宗典曰凡日講講章附論時事一段猶舊省之條陳也先文毅進講在乙巳庚午閒時入夏始兌糧阻凍開河須待來春始得交納京倉較之祖制十二月兌糧二月開幫五六月到京交納七八月回空何啻天淵偶引及之或不妨改折一年以通其窮亦作商量語耳若使斯言果拂聖意亦必而賜譏讓如余煌矣乃歷庚午至壬申直講又三年蒙恩如一日何既賞之於生前反繩之於身後蓋當時請卹枝先臣者實多以例無可駁乃摘其講讀之謬駁之真以此斥先臣也

王維章所至以貪墨著備兵西廬以剋削致軍變應熊力護之

舉為四川巡撫至公然形之揭奏云維章臣畏友益友也等語及四川復以賄敗時無敢言之者

楊士聰回奏疏下又參及史堃巡按准揚署巡鹽事侵匿課銀二十一萬有旨著回話堃奏臣孤立寡援屢奏奸惡向年文震孟姚希孟為詞臣之雄死者死矣震孟借虛名以入閣入閣便行私去後復草疏稿募成德代上曾有綸扉之綵索一斷議論之風雨寂然二詔故士聰借考選之事硬以綵索二字誣陷臣也士聰復上聖主神明燭弊疏列惟嘉納賄事款奉旨提其家人下錦衣衛究問惟嘉旋以此去已又逮其子敬宗下獄同家人田登第等俱問邊衛充軍仍追贓充餉

欽定四庫全書

三

聽馮元履諸人又言焜芳為中書炳芳之兄向來旨意洩露皆炳芳為之疏下閣擬票上發改再三最後擬楊馮俱革職焜芳提問上不許御批云不欲牽累多人乃稟焜芳革職候訊止提書吏余伯和問此疏實出黃應恩構造欲設謀相陷也堃奉旨行查後巡鹽太監楊顯名為之彌縫惟於交際六萬兩則云臣不能為之諱以故堃久稽獄中未幾邊警至此案遂不結堃竟憤死而事始釋張至發因曹奎疏參連疏請勅奉旨卿連疏請勅心跡愈昭何足與辨云云張乃上疏求罷云臣佐理無能當去諧世無術當去竊位妨賢當去一去而揆地清羣構息朝議不至紛紜天憲不至屑越妮妮百言終篇無一病字昔所謂賤體頗康者於此疏見之奉旨有回籍調理語時人傳笑以為遵旨患病云然以首臣去位成例而百金之賞半裁行人之送復罷揆席漸輕往規又一變矣張去而孔為首至六月亦即放歸票旨亦同僅賜路費五十金彩段二表裏而已

四月十二日上御筵畢召對六部問邊事本兵楊嗣昌奏有善戰者服上刑等語上諭曰此是孟子言六國兵爭事今大司馬彭九伐之威當明春秋大一統之義奈何云云隨戒以今後勿復爾時上聲色俱厲又言楚撫余應桂用將官事嗣昌言應桂任御史時曾有疏參臣父臣今不敢以私心駁其所用之人先國家之急而後私仇也未幾嗣昌入閣應桂就逮其轉移甚秘人不得而測矣

二十八日上御中左門召候考諸臣親賜策問勦寇需兵養兵需餉屯鹽采鑄難取近效搜括加派民力已竭將何策以處此又口口抵邊不犯而退是何狡謀各悉心以意見條對欽定取會就義朱天麟等五員為編修張縉彥汪偉等五員為簡討王調鼎熊維典等一十二員為給事中李嗣京等二十六員為御史閣嗣科葉樹聲林爾友詹兆恆為南道御史其餘并投各部主事時沈迅張若麒但授刑部蘇壯已升同知成勇升南吏部俱先出京不與考

旋以徐必弘言拔成勇為南御史後以論楊嗣昌奪情入閣革職逮問越數日上又傳諭吏部將曾就義等條陳擇可行者各酌議具覆曾就義江西人作縣頗著清名對策中言百姓之苦皆由吏之不良使守吏盡廉即稍從加派以濟軍需未為不可上喜其說遂擢第一入詞林未幾即有練餉勦餉之加

五月火星示變上於宮中齋沐祈禱青服減膳并諭各衙門素服修省樞臣楊嗣昌時方倡款議遂借星變援引前代事疏奏云云科臣何楷疏駁之云嗣昌引建武款塞故事欲借以伸市賞之說也引元和宣慰故事欲借以伸招撫之說也引太平興國連年兵敗故事欲借以伸不敢用兵之說也其附會誠巧至永平二年一條所述皇后馬氏等語更不知其意所指斥何在且前言后妃後言陰教一篇之中三致意焉是何為者也得旨不必深求時傳田貴妃與中宮不相能上亦久不見中宮故嗣昌疏中隱伏挑激語為何疏奏破嗣昌遂有辨疏其詞甚危而於市賞招撫之說絕

不一及蓋前召對善戰上刑之說其機括已陰轉矣說者謂楊之大用實借徑於田貴妃以後有悼靈王事嗣昌疏請持誦華嚴經時方在楚中督師僅隔旬日而疏至益信其交結有自云

六月十八日召府部卿寺院官集中極殿考閣員親命題云天象頻仍今年為災甚烈金星晝見已逾五旬四月大雪凍斃人畜朝廷腹心耳目寄託臣工有司舉劾尤易起枉直難分寇尚未滅勦局難更口口生心邊餉久欠民貧既甚正供猶難侵剝旁出如火益熱至操守清謹者又多自傲遂非須處置得宜禁戢有法卿等忠能體國才足濟時其悉心條對先因會推三次俱不愜上意至是拔兵部尚書楊嗣昌戶部尚書程國祥禮部侍郎方逢年工部侍郎蔡國用大理寺卿范復粹俱入閣辦事嗣昌仍帶管兵部事尚在制中也當日與對者三十餘人天方大雨對畢命題已近一鼓多草草了事蓋上意已定特以考為名所最注意者獨嗣昌程則以房號蔡則以牙石二事得上心范與方不過其攜帶者耳

房號者借合京賃居一季之租及天下會館住者亦出修理若干初謂可得五十萬其後成晚勦臣巨璫概從隱匿所得僅十三萬而已牙石者崇文宣武兩大街列之於中以備駕出而除道者時培修外羅城不及取石蔡建議用此然用力艱而工費浩所得不償所失也二臣之受知止以此

宣大總督盧象昇疏報丁憂上命料理候代員缺該部速推有不拘在籍守制之旨因推陳新甲往代時新甲亦在制中嗣昌欲援以自解也於是詹事黃道周連上三疏其一言天下無無父之子亦無不子之臣衛開方不省其親管仲至比之殺狗李定不丁繼母憂宋世共指為人鳥今遂有不持兩服坐司馬堂如楊嗣昌者自有嗣昌而海內無行蒙垢貽禍其親者皆擲塊投杖思攘節鉞之柄今盧象昇槌心泣血以俟奔喪又忽有并推在籍守制之旨夫使守制者可推則是聞喪者可以不去也聞喪者可以不去則是為子者可以不父為臣者可以不忠也夫人遺其親必不利其

君壞於家必不成於國嗣昌在事張網溢地之談疑市樂天之說才智畢觀矣更起一不祥之人予之表裏指鼻說夢捕風猶狼狽之獸倚肩並走亦何益於負重乎其二疏言頃會推陳新甲聞其丁憂猶未終制而又聞其走邪徑躡捷足天下即甚無才未宜借及此也凡論人才難則知其所易批龍鱗之難難於履虎尾冒斧鑕之難難於冒鋒鏑今諸負氣節敢直言者半棄不錄欲使諸輒美容說者叩頭折枝以建非常之功豈可得乎古亦多有忠臣孝子無濟匡襄之用者決未有不忠不孝而可進於功名之門者也天下即無人臣願解清華以執鎖鑰何必使被林負塗者就

不祥以玷王化哉其論遼撫方一藻引隆慶通市故事今日情形之不同者有五事之不同者亦有五即款已成矣以視靈錦遵節宣大之師何處可撤者而謂款口之後可撤兵以討寇乎因又言兵之不可撤者有十乃諸臣其為款局陰設不得不款之情惘疑聖衷陽設不得不款之形搖惑眾志遵撫既無成謀而內受算於

樞臣樞臣又無成謀外受算於遼帥三窟分營鬼技千出不幸而成則逃背於朝夕之間貽釁於三年之後掠蚌玉以賂膏斧幸而不成則委過朝端謬稱築舍安受禍敗以自為是豈臣子所為乎是時內外合謀已陰遣賄者周元忠往來商此事矣惟此一疏始盡斥之

七月初五日上召對廷臣於平臺先召吏部署侍郎商周祚侍郎董羽宸責以會推閣臣多濫徇次召兵部署侍郎許世蓋諭以備邊要多備儲糧再次召兵部楊嗣昌問邊報各路情形嗣昌對此時或無大舉又問流賊情形嗣昌對洪承疇用兵久漸有成效孫傳庭亦有才用兵動支屯課不待勦餉尤為難得次召刑部尚書劉之鳳侍郎王命璠諭以刑獄之事只是情法理虛公慎又諭獄情宜速通保候各犯宜速審結次召工部尚書劉遵憲侍郎李覺斯諭以南外城等工宜速完次召都察院左都鍾外僉都徐燦諭以考核諸御史宜嚴會頒憲綱未見遵行次召少詹事黃道周上

曰朕幼而失學長而無聞時從經筵中略知一二無所為而為之謂之天理有所為而為之謂之人欲爾三疏適當枚上不用之時可謂無所為乎道周奏天人只是義利之辨臣三疏皆是天下國家綱常名教不曾為一己之私所以自信初無所為上曰前月二十八日推陳新甲何能當日成疏且說既於時會何也道周奏因同鄉御史林蘭友科臣何楷皆有疏恐涉嫌疑上曰今遂無嫌疑乎道周奏天下綱常邊疆大計失今不言後將無及上曰清原是美德但不可傲物遂非如伯夷是聖人之清若小廉曲謹止叫廉不叫清道周奏陳文子不能強諫大節不可觀夫子說他清而未仁夷齊大節可觀所以說他是仁上曰你說仁智勇就是清任和亦多牽強道周將仁智勇誠明之義辨說一番因言綱常名教禮義廉恥皆根本上事如無根本豈做得事業奏未畢輔臣嗣昌出班跪奏道周論臣止為奪情起復原非常理臣曾具疏再辭若綱常二字臣不敢不剖明白君為臣綱父為子綱君臣還在父子之

前古來列國君臣可以去此適彼今一統君臣為臣子者無所逃乎天地即臣父母皆受君恩而無所逃臣又逃於何所祖宗朝非其人不得奪情臣控辭不獲命意詞臣中必有博通經義者可以代臣力言回天聞道周為人所宗意必有持正之言今謂不如鄭鄭臣始歎息絕望鄭鄭杖母禽獸不如道周又不如彼還講甚麼綱常道周奏大臣聞言義當退避未跪在上前爭辨不容臣盡言者嗣昌奏臣為綱常名教不容不剖委屬非體望皇上用道周而放臣上曰這疏也不為奪情近日人情各有所為道周奏臣為一人之私只用緘默自取富貴何苦與他對辨上曰你無端污詆大臣又以大題目說他不得不辨道周奏臣與嗣昌比肩事主比不得詆毀大臣臣自少讀書於今五十年無一事不可對君親上曰既如此何以又說不如鄭鄭道周奏臣原說文章不如鄭鄭上曰你說陳新甲走邪徑躡捷足何為邪徑疏中輒美容說叩頭折枝者是誰道周奏人心正則行徑皆正邪則行徑皆邪新甲在蜀中

問命辭謝往復須八九月不得來盧象昇又不得去嗣昌在司馬
堂則可政府則不可嗣昌一人為之則可呼朋引類使成奪情世
界則不可上曰朕正要再問鄭鄴五倫皆絕許驥等說他罪狀甚
明雜職到有公論道周奏臣若有功名富貴只當附和說鄭鄴
不孝豈不能取說正是臣無所為古今獨立敢言之人少讒諂面
諛之人多故臣不得不言上曰少正卯當時亦稱聞人心逆而險
行僻而堅言偽而辨順非而澤記醜而博不免孔子之誅今人多
類此道周奏少正卯心術不好臣心正無一毫私上曰前以爾偏
激稍示裁抑後聞操守隨即賜環前日暑天仍成一篇文章才亦
可愛不圖這樣恣肆道周奏臣今日不盡言負陛下陛下殺臣則
陛下負臣上曰你說的都是空話一生學問學得這張佞口起去
罷道周叩首起復跪奏臣還將忠佞二字奏明人臣在君父之前
獨立敢言者為佞是在君父前讒諂面諛為忠耶忠佞不分邪正
不明矣何以致治上曰不是輕易加你佞字說你這邊便遁在那

崇禎朝紀事三

五

邊非佞而何若論紅牌轉換支吾就當斬道周起請臣各叩頭上
又召面諭曰朕不才不能感發公忠為國之道不智不能辨別是
非邪正不文不能宣布德化不武不能削平禍亂凡此皆朕之寡
昧即朕之愆尤關係國運世道人心今一等機械存心的專於黨
同伐異假公濟私纒簡用一大臣百般詆毀律以祖宗之法當何
如今口寇邊易治衣冠之盜卻難除以後再有這等立置重典閣
臣以下皆承旨退道周降五級調外任
同時疏論嗣昌奪情者自何楷林蘭友外又有修撰劉同升編修
趙士春皆奉旨降三級調外用南京兵部尚書范景文等公疏請
允嗣昌守制召還黃道周何楷等上責其朋黨把持查主稿何人
景文再疏認罪命削職為民南道御史成勇疏言臣見嗣昌疏有
仁不遺親義不後君之語反覆辯論無非避不忠不孝之名是嗣
昌猶知有君親猶可以忠孝之言告也今即就其言詰之嗣昌謂
古之君臣列國之君臣可得而避今之君臣一統之君臣無逃於

天地之間是三年之喪可行於古而不可行於今不知嗣昌所引
者何古所指者何臣所據者何代之經何國之典豈非聖諭所謂
另邪說者邪信如其言是凡為臣者皆不當終三年之喪終則
為後君為不臣先聖之詩書可焚先王之典禮可廢不舉人類而
為禽獸不止也上責其黨同伐異命逮問

先是道周疏御筆票輕處嗣昌懼其復用也急募張若麒上疏
言道周飾六藝以文奸言務在假託道理以把持朝廷顯行其
呼朋引類之計又有老魔之赤幟既拔山魃之穢態難藏等語
未幾若麒遂以刑部改兵部矣至壬午年寧錦告急若麒奉命
閱視遼陽催戰以至陷沒甲申闖賊之亂若麒屈膝投誠得授
偽官其人本末如此可見矣

崇禎朝紀事三

三

更調奉旨申飭若麒憤無所洩乃出平賦役疏謂鄉紳隱匿賦稅
遺害小民內有鄉紳豺虎等語有旨鄉紳豺虎等語據實回奏若
麒乃指莊應會范良彥袁弘勳奉旨俱行撫按逮問若麒初意因
與同鄉高弘圖爭一莊田構怨將指及之或告以弘圖立朝大節
忤端去位萬不可誣誣之必於若麒大不便不得已乃以三人充
之袁范皆巨惡袁尤逆黨護局之魁也然張之為此實徐疏激之
使然徐與楊廷麟同鄉同年遂疑楊實使之後與嗣昌比所以修
怨於楊者不可解矣
戒諭皇親駙馬不安分義受投獻霸佔者許科臣糾參又諭周奎
田弘遇袁祐尤非他比宜先率禮為諸戚臣倡袁與田係貴妃父
也袁妃居翊坤宮田妃居承乾宮袁僅生一女寵愛去田遠甚祐
亦謹畏與弘遇相反弘遇好結納搢紳皆樂與往還承乾鋪設皆
弘遇外備古玩時器及壁開字畫無不精好妃又洞曉音律管絃
琴弈色色皆工閒侍上鼓琴聖情說豫上因誇於國母曰后獨不

能此乎國母正色對曰妾本儒家惟知蠶績且曰妃從何人授指法上色動妃自言妾母所教遲數旬妃母入宮實能鼓琴上意始解
武清侯李誠銘慈聖太后神宗內家也上以國用匱乏為憂開臣辭國觀首謀勸借言在內惟戚畹非上獨斷不可因以武清為言遂傳密旨借四十萬金李氏初不在意督之日急武清死督其子國安國安死提其家人追比房產俱行入官有一女子字嘉定伯之孫嘉定請命於后后云人當急難自無絕婚理但取此女歸勿攜帶一物也諸戚畹合詞請寬不允戚畹遂人人自危後因皇五子病亟有九蓮菩薩下降之語又見慈聖於空中上大悔悟諭停追比復武清侯爵房屋祿米仍頒給焉
上初年崇尙天主教徐上海教中人也既入政府力進天主之說將內殿供養諸佛像毀碎至是悼靈王病篤上視之王指九蓮華娘娘見立空中歷數皇爺毀三寶之罪及苛求武清云云言訖而

崇禎朝記卷三

三

薨上乃痛悔前事頒諭內外有但願佛天祖宗知不願人知等語幾不成皇言時閣臣皆從外人不諳文義宰相須用讀書人初年曾舉以諷諸臣至此何乃憮然
樞臣楊嗣昌上四事機宜疏請於卿寺科道等官不拘常格推補臣部侍郎其久推不至者俟其到日於別衙門填補蓋指惠世揚吳牲也未云職官一司紊尤之極時設協理員外分任其勞而余爵久推不至請武選主事孫嘉績升補而車駕主事漆嘉祉等到任無期請敕吏部題沈迅調武選張若麒調車駕沈既調即上疏條陳邊務一云州縣無重臣彈壓故敵所至輒陷請於定州蠡縣廣平河開等處各添設兵備一員一云以天下僧人配天下尼姑編入里甲三丁抽一朝夕訓練可得精兵數十萬其餘條陳別事多類此嗣昌具覆盛稱其可用請改迅科員有旨沈迅著改兵科給事中
九月以邊警命丁憂總督盧象昇留督天下勤王兵入衛十月初

三日漏下二鼓傳聖諭平臺召對盧即策馬夜詣都門平明入朝上諭遠來入衛忠勤可嘉賜花銀幣舉問方略如何象昇奏命臣督師臣意主戰上色變有頃曰朝廷原未言撫此都是外廷議論又曰禦口與勦寇不同卿宜慎重
先是樞部曾以無干羽于兩階七旬有苗格喻盧宜撫上云此與三苗不同三苗止負固不服口乃凌犯天朝所云撫議實出外廷洵有自矣

十七日嗣昌赴軍中會議盧面折之曰公等堅意言撫獨不聞城下之盟春秋恥之且象昇叨承劔印長安口語如風儻唯唯從議則袁崇煥之禍立至況麻衣引縛之身既不能移孝作忠將忠孝胥失何以載顏面於人世乎時嗣昌並在制中不覺色戰心忤奮言曰若如此說老先生尚方劔當從學生用起矣盧曰尚方劔當從自己項下過如不能殲敵正未易以加人若舍戰言撫養禍辱國非象昇所知也已復以手書折之云若獲濟封疆事即胸中有

崇禎朝記卷三

三

如許怪事始終不向君父一言備閃爍售欺到底當瀉血丹陛無言不盡也
嗣昌自刻中樞集亦備載盧此書想其良心亦有所不能諱不覺自責其罪於是嗣昌慙沮定計置之死地矣
編修楊廷麟疏言東西從約牆傾失事楊嗣昌主款之誤至此極也因策事之可憂者在外有三在內有五且言督臣盧象昇以養寇責樞臣言之痛泣夫南仲在內李綱亡功潛善秉成宗澤阻恨陛下宜及此時正言款之罪諭督臣集諸路援兵別其強弱以分險易及今一創當必不敢再犯凡天下之功不成於智而成於愚愚者之才不生於巧而生於學陛下毅然內斷先治內以治外使諸臣以學自衛以愚衛國疏上命改兵部主事赴象昇行營費盡十一月初七日召三品以及科道官入對是日天風霾久之上傳俟風少息進見諸臣叩頭畢上曰在內之賊深入南方關外又報有賊作何勦禦錢糧平時歷欠今有警一月費折色三十萬本色

二十萬作何措置接濟有良策面奏來良久言調度方略紛紛不一至言錢糧無措則有言令在京官民合助者有言令在京官與親識商人借貸俟皇上財用有餘之日還之否則各官回家變產還之科臣范淑奏戎事要在行法法不行而憂餉即天雨粟地湧金何益上曰朝廷何嘗不欲行法淑奏云今口臨城尙無定議不知是要戰是要款上問主款之說何來對曰外邊有此議論又言凡涉邊事邸報一切不鈔傳外邊皆以爲諱上曰關係機密不許鈔傳若塘報如何不鈔傳上命閣臣卿等過來諸臣平日營私不實心做事有實心者又憂讒畏譏不敢做所以如此若平日用心只以朝廷之事爲事焉有不濟之理可將諸臣面奏的同商酌奏來樞臣嗣昌奏盧象昇先言欲南去留總監高起潛在京防守已又言奉旨會同似難獨往仰請聖裁或留或遣上曰象昇一人豈能專勦嗣昌奏三協撫道守令須得人因及推舉之難又言設處錢糧無策欲權開事例行之南方上曰親民官取償於民不可

崇禎朝事三

卷

開其餘斟酌開來

十一月初十日口兵陷高陽原任少師大學士孫承宗死之子五人孫六人與從子孫八人皆死婦女童穉同死者共三十餘人諸子皆被服儒素鏃礪文行二郎王子舉人鈐四郎秀才鈐五郎尙寶司丞鈐尤奇偉善騎射曉兵事城陷之日鈐解裝戰死於城下鈐戰敗不屈死鈐子中書舍人之沈秀才之滂皆死三郎鈐之子秀才之溥被執誑曰引我得見宰相以金帛與汝曳至老營見其祖拜而起卽按手大罵而死鈐之子尙寶丞之詰鈐之子之濂與六郎鈐七郎鈐皆戰死城下鈐被重傷臥積屍中家僮侯果自任邱逃歸見之脅中三矢鏃不可拔口張不能言果負之歸城南莊覓水半瓢灌之氣上而絕果以十四日得主屍於圍頭以次行求諸子孫屍乞於親戚松棺柳鑿斂以靈布而鈐鎬二屍終不可得事聞上惻然念慘及闔門首命優恤當國者擬其事久之部始題覆僅復官子祭葬或曰高陽令雷覺民首輔詳國觀私人也盡逐

平日守城官兵剋其餉以致城陷事敗遂匿國觀所長孫錦衣之芳詣闕籲天語侵縣令以此逢國觀之怒故卹典不獲全給孫公在天啟時督師關門鎮守有功以忤逆奄而罷己已之役復起原官出鎮二年邊警頓息又以其爲諸正之領袖也構而罷之至是城破御難完節全歸亦何憾哉

十二月初六日上御平臺召見宇亮奏謝言原題督察驅勦畿輔雲晉惟賊是求非敢獨當一面今奉命代總督未免是一面之任不能督察諸方上諭鑒卿忠憤定可成功故有此委任行開有一總督賜上方行事無以復加如止督察驅勦不過是監軍豈有監軍用如此大臣楊嗣昌亦奏請行上曰一時輔臣無遺兩員之理諸輔詳國觀等同奏首臣宇亮初具揭時臣等咸言事體重大且兵將不相習還該斟酌上以成命已頒未便挽回劉出未幾終以無功罷歸時謂同事者有意逐之也

崇禎朝事三

卷

十二月十一日總督盧象昇率兵逐口於賈莊兵敗死之時盧雖擁總督之名兵少餉缺呼應不靈既奉革任聽勦之旨以中樞爲必不相容因親率兵尾敵索戰追逐十里手砍數級三鼓還營口兵大隊圍賈莊對面不相視大帥虎大威猶能認盧力挽其馬盧以鞭擊其手不肯出圍縱兵血戰自辰至午矢盡力竭左乳忽中流矢方抽矢出鏃已復腰中一箭腦後右腮面門各中一刀遂歿於陣從殉者義勇顧顯學牧楊凱陸二至十五日副將劉欽始獲其屍贊畫楊廷麟迎至眞定東關新年二月二十八日始克大斂距死之日已八十日矣同死者眾屍枕藉不可辨盧以首帶白綢巾故識之總監高起潛匿不以聞贊畫報至上曰大臣陣亡豈不可閱恨其調度舛錯不隹予卹蓋入楊嗣昌之譜也千總張國棟至兵部欲緣飾逗怯之狀上聞國棟不肯嗣昌大怒欲刑之國棟曰死則死矣忠臣而以爲逗力戰而以爲怯何可誣也始愧而釋之

廷麟之題贊畫也因其疏忤本兵兼以張沈之憾故相比為謀
實欲假手於以殺之盧未出師之前遣廷麟至真定與孫傳
庭議事不及於難敗報至嗣昌首先問曰楊贊畫死否報者以
止知贊畫不知翰林為誰嗣昌再問曰楊贊畫死否報者以
已先奉差不在營中嗣昌為不豫者久之嗟乎敗報之至正國
事危急之時宜如何震懼失措乃止計及私仇未死者欲其死
已死者欲飾以罪大臣心事如此
盧公為吾郡宜與人少年登第夙著英略兩任畿輔府道即以
知兵聞迨為七省總理所至躬先士卒斬獲甚多賊亦畏之相
戒不敢犯盧家軍也自盧去而賊益猖獗不可禦矣使當日終
以勦賊事任之必能成功倏調之於邊已不能竟其用又以中
樞之齟齬厄而置之於死地竟使人才與國運同盡也悲夫
十二年己卯正月北兵自臨清分部東下掠破章邱等縣直趨濟
南城中新兵皆叛劫德王府開門迎敵以德王徇於城下左布政

張秉文參政鄧謙副使周之訓運使唐世熊知府苟唯善同知陳
虞肩通判熊獻知縣則歷城韓承宣臨邑宋希堯武城李永芳博
平張列宿在平黃建極章邱高仲光等皆死之焚掠數日又出濟
南向東北所過攻城惟武定不下連破鹽山慶雲等縣復回叻破
海豐已由青山喜峰口出塞前後月破順天二縣保定九縣河
間十一縣真定十九州縣順德六縣廣平四縣濟南九縣兗州二
縣東昌七縣共七十餘城已毀東省失事諸臣罪案以撫臣顏繼
祖雖奉命守德夙事虛恢削籍聽議後竟逮問同蒞撫張其平總
監鄧希韶總兵倪寵祖寬等三十三人俱棄市順撫陳祖苞先服
毒死其子編修之選以丁憂請上追恨祖苞未正法命銅之選承
不敘用先是沈迅條陳有東撫不許離德州一步部覆如議繼祖
遂認定汎地僉謂敵無越德而南之理不意竟由東昌破邱縣夏
津直趨濟南濟南精兵既盡在德州城中無備當事又無方略民
潰遂陷德州聞省城陷兵心愈擾鼓噪挾餉繼祖懼急以數千金

塞其望而兵遂以不可用繼祖疏申言原派不許離德州之地嗣
昌力排之竟及於禍
劉宇亮既自請督師各鎮勤王兵皆屬焉時兵將皆視敵所向以
為趨避多蹂踐居民至安平偵者報口至皆相顧驚愕擬趨晉州
城以避之晉州知州陳弘緒素負韜略閉門不聽入城中士民亦
敵血為誓不許延入兵丁劉大怒傳令箭且將以軍法從事弘緒
復語督師以勦敵為任今口將至正建功之時奈何反欲入城卒
不聽劉遂疏劾之有旨逮問晉州士民詣闕訟冤至願以身代知
州之死者不可勝計弘緒得以輕處降四級調外用上乃頗疑督
師擾民矣
劉既由晉州而南行開大帥多尾敵不敢擊亦不能擊劉上疏言
之其末帶言劉光祚嗣昌與國觀謀以此去劉上稟光祚軍前正
法旨到口諸大帥俱分道前去并光祚亦不在軍前況原參疏中
罪原不至死適有武清之捷劉乃置光祚於縣獄而復請之並上

武清捷音奉旨倏參倏敘殊屬乖藐著九卿科道看議嗣昌明知
聖旨往還之閒必至參差必不能正法而逐劉之計行矣部覆劉
宇亮冠帶閒住陳啟新言看重議輕沈迅言明旨森嚴考功之法
未盡於是改議革職為民國觀稟旨仍俟事平另擬此楊薛二人
主謀排擠構陷甚巧故明旨止言看議而加以議處
張獻忠既降復叛初獻忠假官軍旗號暗襲南陽屯南陽援勦總
兵左良玉適至北關疑之使人召之獻忠竄逸去良玉追及之兩
馬相望一箭射中其肩一箭中其指於弓靶獻忠惶惶開良玉舉
刀劈其面血流被甲部下孫可望力前格之獻忠乃得脫逃至麻
城良玉追勦之獻忠兩日夜馳七百里至穀城營于王家河戊寅
正月初九破穀城出示安民云本營志在匡亂已逐闖遠遁本營
釋甲歸朝爾百姓其無恐遂拘耆老具揭遣可望通賄熊文燦內
有西碧玉二方長尺餘又有徑寸珠二枚文燦遂一力擔當撫之
二月良玉至襄陽巡按林銘球巡道王瑞旂欲誘獻忠來見執之

文燦言殺降不祥力持不可獻忠恃文燦為援益無忌私練士卒
鑄軍器穀城諸生徐以顯一見如故教以孫吳兵法己卯春叛形
昭著左良玉請討之文燦故張露其事且強留良玉飲餞稽延時
日俾獻忠得預為備獻忠乃得從容運器甲資糧入房山部署已
定文燦始出令進兵良玉曰督臺縱虎負嵎使我櫻之不去必以
逗兩罪我令旗至即冒暑進討遇伏大敗良玉乃列其事於朝樞
輔楊嗣昌劾之以十一月逮文燦付法司擬罪至庚辰十月棄市
次年復逮總督鄭崇儉下獄以縱兵擅回失誤軍機為罪擬辟以
五月棄市其罪實輕於文燦竟同罹大辟論者為鄭冤之

樞輔楊嗣昌疏議州縣召募鄉兵須專訓練之任或更府佐一員
為將領州佐一員為守備縣佐一員為把總裁訓導之一為武職
府卒一千州七百縣五百其工食或量於地畝或取於牙行或富
義之捐資或居民之絕產設法通融以做古時文武相兼之制上
諭行之工部侍郎疏言其不便者數事上命責成撫按詳議究竟

徒滋騷擾未能畫一奉行也嗣昌先有疏建議考試生童必兼試
騎射議鄉試副榜准作恩貢送入國子監行積分法其數視正榜
之半先一日發榜以杜私弊俱允行後副榜貢至京送監但考一
二優等便以科道自居卒之未嘗用一人得一人也次科仍停不
行

御史王聚奎劾陳啟新緘默失職上責其妄下都察院議處僉都
御史王聚奎以罰俸上不說竟謫調外任以吏部董羽宸不能駁正
罰俸六月上怒光春不已罷黜之然啟新之用上亦悔之只是不
肯認錯其後姜採糾之疏下部看議部議有刀筆之語上不說諭
輔臣曰處分可矣管他甚刀筆

八月命大學士楊嗣昌督師討賊賜上方劔督師輔臣銀印給帑
金四萬賞功牌千五百蟒紵緞各五百九月陞辭賜宴平臺復
賦詩寵其行詩曰鹽梅今日作干城上將新開細柳營一掃寇氛
從此靖還期教養遂民生所以寵之者至矣嗣昌馳至襄陽申明

軍令鼓舞將卒一時赫然有賊黨劉國能來降國能者陝西諸生
眾亂推為帥至是降於嗣昌嗣昌造其壘信宿而返國能感動傾
心嗣昌先遣兵搜捕李自成自成跳入雒陽深山中不可得而均
州賊帥王光恩亦來降嗣昌以左良玉所部多降將謂可倚以辦
賊疏請於上拜為平賊將軍又奏辟永州推官萬元吉為軍前監
紀次年二月復賜內帑萬金賜斗牛服又賜海驢馬一乘驢馬一
嗣昌駐軍襄陽大調各路兵會勦時老回回革裡眼左金王南營
四股合二萬人分屯南直英霍潛太諸山寨犯安慶桐城諸路遼
將黃得功川將杜先春屢戰屢卻賊賊每避兩軍賊購黃人為閒
或攜藥囊蓄禁為醫卜或談青烏姑布星家言或為緇流黃冠或
為乞旬戲術分布江皖諸境覘虛實時時突出焚掠流毒四境
十三年庚辰正月考察天下官員東廠緝獲賄冊進覽命掌科阮
震亨掌道周堪磨回奏吏部尚書謝陞疏參震亨通賄敗類有據
命下鎮撫司打問震亨竟死杖下又逮劣處貪官浙江布政司姚

永濟等三十七人下刑部獄究問先是丁丑外計永濟以錢糧積
欠部覆為民浙省在京諸紳溫體仁姜逢元等五十餘人合詞保
雷稱永濟居身廉慎核弊嚴明為從來方伯之冠乃准降級管事
至是又以貪處若追問前此保舉之罪不知何以解也

仙居知縣過周謀為薛國觀門生託同鄉吏部員外熊文舉營轉
禮曹命文舉之父貽書人京隱語餽國觀五百金時文舉方奉陝
西典試命未還京也送書人為東廠緝獲上問國觀疏辨命逮文
舉父下獄究問文舉具疏為父代罪不允與周謀俱遣戍

文武品官服色祖制既定奉行已久惟是武弁概服獅子上至是
重行申飭武臣三四品俱照制服虎豹至內臣從無定式蓋直損
之灑掃服役之末祖制良有深意雖太監極尊止于正四品閒有
賜蟒不過舊衣之賞資耳是時上取山海經進覽採取各種獸名
定頒服式以天驃馬為品識者謂至尊左右環列異獸蓋不祥也
十三年庚辰三月十五日上御皇極殿策諸進士上乘步輦降殿

階從容周視距諸生几案咫尺上親閱試策諭禮部傳臚展期十日傳旨召進士楊瓊芳等至會極門中使執名冊呼某人等四十人至文華門外序立上御殿諸進士行一拜三叩頭禮畢上諭曰爾等前日所對的策切實的固有浮縱者亦多特召爾等四十人來問報仇雪恥一事爾等學問之功既久時勢之感又深各將胸中所見明白奏來如切實可不拘常格用諸士承旨起過東偏立中使奉一黃綾函傳御題十幅即面論每四人共閱閱畢以次跪報姓名對上注聽甚殷執御筆書錄數語或有名註圍點者分十班對畢行禮出二十日傳臚賜魏藻德葛世振高爾儼及第又傳聖諭昨召諸士奏對明爽者趙玉森姚宗衡劉瑄孫一脈嚴似祖著授翰林黃雲師周正儒宣國柱周肅李如璧授科員馮垣登陳純德陳羽白魏景琦吳邦臣授御史稍明者董國祥顏渾張朝經葛奇祚錢志騶張經呂陽盧若騰蔡肱明田有年授吏兵二部司務即行察缺填補初閣中照例進十二卷上命取餘卷再三

榮華錄卷三

三

皆以十二卷進共至四十餘卷皆一一召對親拔數人藻德北通州人自言三次守城功上心識之遂拔第一壬午冬復以面對稱旨超拜詹事入閣旋正首揆甲申之變不能盡節為賊夾辱而死負恩甚矣上以考選不列舉貢傳諭吏部將廷試就教舉人貢生二百六十三人吳康侯等悉照進士選授部寺司屬推知等語此係特用後不為例於是與選者遂豎黃旗竿稱御進士此一奇也然卒無一人可用可副破格特恩者江西巡撫解學龍疏薦布政司都事黃道周有學問直貫天人品行無忝周孔等語上以道周黨邪亂政學龍徇私藐法俱著緹騎逮問工部主事葉廷秀疏救之上怒甚命廷杖廷秀一百道周學龍各八十俱仍下刑部擬罪國子生徐仲吉復上疏言道周清忠苦節昔唐太宗恨魏徵之面折至於欲殺而終不果漢武帝惡汲黯之直諫雖遠黜而實優容皇上欲遠法堯舜奈何出漢唐主下通政司格之不上仲吉併勸通政使施邦曜遏抑言路上怒逮仲

吉廷杖一百邦曜革職下道周等鎮撫司揭問逼供同黨鍛鍊甚酷乃指數員塞責因及通政馬思理編修黃文煥吏部主事陳天工工部司務董養河中書文震亨俱下獄有崑山諸生朱永明持百錢贖仲吉亦在招中刑部司官吳文燦運案不上廷杖六十革為民諸人杖皆不死得錦衣郭承昊調護力也刑部尚書李覺斯亦革職為民一番具招一番嚴駭淹滯獄中一年餘至宜興再召片語回天始得解網後事詳是時武陵亦已自盡矣大學士薛國觀冠帶閒住給事中袁愷再疏劾其納賄有據并及吏部尚書傅永淳刑部侍郎蔡奕琛等並免官又逮左副都御史葉有聲下刑部究問時林連順聚旋遣緹騎遠問國觀到京師賜自盡籍沒家產入官國觀初與嗣昌比謀去劉宇亮遂正首揆益無忌憚任用私人王陞彥通賄賂於外怒老中書周國興楊餘洪不為用捏洩旨事參之皆斃於廷杖兩人家遂密緝其納賄事件投於東廠令具事件密聞於上上心動久矣適史蔭死所輩多

榮華錄卷三

三

金為布置地者皆入於國觀周楊二家喉莖之家人出首事已上聞錦衣衛提其長班鞠問供吐甚詳國觀疏辨云楊士聰之參史蔭別有緣故又稱蔭曾參黨人袁崇煥等為黨人報復云云而已奉旨議處私人王陞彥下獄部覆國觀閒住出都之日賊私繫繫用車數百輛兩家復聳遷卒具事件密奏聖心益怒特旨王陞彥即著會官處斬而國觀復逮凡招上或斬或絞卷中已詳奉旨止云即著會官處決今陞彥招未成裁自聖斷故云斬決此旨從來所未有也後吳昌時之斬奉旨亦與此同人謂陞彥國觀逮至候命外寓而即令自盡之旨下時已高臥家人報錦衣齋詔至蹙然曰我死矣倉卒覓小帽戴之宣詔畢頓首不能出聲自盡後緹帥驗視回奏次日始奉旨准收斂蓋懸梁者凡兩晝夜云十四年辛巳正月十一日流賊李自成陷洛陽福王自殺先是河南撫鎮分汛禦寇總鎮王紹禹守雒陽福王自殺殺王戮官紹禹即揭報撫臣且盟在城各官分門監守羅劉二將營於城

外十九日賊至羅劉戰敗賊遂抵城下二十日力攻一日至更餘
有叫喊於城上者兵士盡譁先執王守道索糧王府中人開北門
放賊入守道王盾昌知府馮一俊鄉官尚書呂維祺寺副邢紹德
俱不屈死賊入王宮執福王將擁戴之云神宗皇帝原有意傳天
位於大王王叱之曰吾從不聞此語何故背義造誣賊又請王諭
筆王不可賊遂以繩進請王自裁王又叱曰任汝殺我賊遂共縊
殺之有小內官崔升勸王寧死勿屈抱王至死不去并見殺兩承
奉告賊以棺斂王尸亦即自殺賊盡焚王宮畱十餘日煮粥以餉
飢民又考賞秀才於二月初二日棄城閉營一路上魯山一路上
汝州劫掠滿載去後授書辦邵時昌為總理統守雒城閱一月
後巡撫李仙風至孟縣誘執賊將以兵臨雒城時昌開門迎入仙
風遂以恢復奏聞言福王受驚疾死旨責其欺飾逮下獄論斬
二十四日上御乾清宮召閣部科道諸臣入諭曰朕御極十四年
國家多事復遇饑荒流寇猖獗近且攻陷雒陽福王被害夫親親

崇禎朝紀事三

卷

仁民仁民愛物親叔不保皆朕不德所致真當愧死聲淚俱下閣
臣奏此係氣數所致上曰說不得氣數就是氣數亦須人事補救
年來何曾補救得幾分召兵科張縉彥命將河南事奏來縉彥奏
福王遇害是真遇害時有內員環泣不忍去上問何名縉彥奏是
崔升又問世子有何人跟隨縉彥奏聞有王府校尉數十人上長
歎淚下又奏福王身死社稷葬祭慰問都宜從厚上曰說得是因
召禮科諸臣曰朕欲差一員前去各奏來李焯奏督師出兵一年
有餘惟初次有瑪瑙山一小捷今遂寂然須另遣大將幫他上曰
督師去河南數千里如何照管得到你們亦當設身處地李焯奏
因其照管不來故請再遣上又曰已遣朱大典便是大將章正宸
奏闕賊從四川來樞臣陳新甲旁立急應曰自秦來不自川來言
至再蓋從川來則其責在嗣昌也上召新甲諭曰卿部職司調度
須為朕執法如姑息誤事皆卿部之罪縉彥奏雒封失陷凡王府
宮眷內外官紳士民焚劫甚慘急須振濟上曰朕即措發諸臣叩

頭退即傳諭駙馬都尉冉興讓太監王裕民禮科葉高標前去河
南慰問世子詳察福王官眷存亡及殉難官人等除前發振濟銀
三萬兩外御前發銀一萬兩坤寧宮四千兩承乾宮三千兩翔坤
宮二千兩太子一千兩慈慶宮一千兩慈寧宮皇祖昭妃五百兩
皇考定妃五百兩齋去支用

二月初一日張獻忠陷襄陽殺襄王屠王府官民人等數萬人先
是嗣昌在本兵時議兵十餘萬於各邊特加練餉更浮於遼餉之
數至是即撥練餉為勦寇之用餉足而民怨已極嗣昌進勦張獻
忠獻忠出戰墮馬幾被擒復逃去逃入瑪瑙山中嗣昌令降將劉
國能圍之獻忠食盡分兵四出鈔掠不得糧者歸即殺之其未歸
者懼殺詣軍門降國能將之前行偽稱糧至獻忠開營延入國能
乘其不意縱火大戰掃其營壘擒其妻孥及賊黨徐以獻潘應龍
等送襄陽獄獻忠批藤墜巖澗逃去率眾直走四川隨又困之竹
溪房縣大兵四面圍無毫髮開隙可容片甲遁去而蜀撫邵捷

崇禎朝紀事三

卷

春與嗣昌不相合又聽讒言殺戰將楊茂選軍士皆怒於是夔關
失守賊復逸出署部稍定復返湖廣假稱楊閣部兵至坐乘八轎
併民扛火藥文書印信皆同道府不疑延之入城城上火起賊盡
入合城鼎沸獄中者俱出與之合先攻襄王府執襄王坐之堂下
獻忠勸以卮酒曰吾欲斷楊嗣昌之頭而嗣昌遠在蜀今當借王
頭使嗣昌以陷藩伏法王其努力盡此一杯酒因縛王殺之遂焚
其屍又殺費陽王常法等四十三人承奉閩國鼎等八人知府王
承曾保福清王常澄得脫督輔楊嗣昌在荊州聞變懼禍遂自縊
死時三月朔日也監軍楊卓然以病故聞上諭部院嗣昌雖二載
辛苦一朝盡瘁有瑪瑙山等諸捷不能掩闕獻忠張兩藩罹禍名
城屢陷殺掠頻聞雖病故還著九卿科道會勘議罪
先是熊文燦檄僉事張大經監獻忠軍大經初至為陳說禍福獻
忠頗為致敬及文燦措置乖方獻忠遂拘大經為質大經悔為文
燦所賣鬱鬱死於房縣初獻忠駐紮穀城時知縣阮之鈿多方調

護士民賴之獻忠叛之劍瀝血誓絕命詞於襟仰藥死其破襄陽也知縣李天覺北面叩首置印于案自縊死推官鄺曰廣被執不屈死嗣昌之初出督師其輜重裝入大鏡中寄於固始縣庫死後知縣時敏盡取之以歸不下數百萬敏以此營兵科甲申降賊後為鄉里搶掠其半乙酉之變盡行燒毀併殺其身焉今其子且不免負薪矣嗟嗟此皆民膏民脂也天意豈容若輩享哉

蜀撫邵捷春為楊嗣昌疏參奉旨差官旗建問捷春夔關之失不為無罪然在地方實得民心軍民因闕然逐散官差蜀王為之疏請奉旨朝廷大法豈容百姓阻撓邵捷春著巡按官差護送來京下刑部究問坐以失誤軍機決不待時斬旨未下而先一日報卒上疑有洩漏情弊并處該司官

自邵捷春得罪後繼之者為陳士奇但清謹而無禦亂才故蜀事益不可為矣陳紳初舉臬司馬乾者得民心有邊才宜推為撫當事知其為乙榜也故抑之而別推噫此何時也何地也而

猶拘資格耶

諭吏部凡遇侍郎巡撫員缺須將資深翰林同推各部侍郎仍許兼侍讀學士惟巡撫不許於是推詹事李紹賢為戶部右侍郎督理錢法未幾又推原任祭酒倪元璐為兵部右侍郎

刑部胡周疏言外戚張國紀所記懿安皇后事當日發爨可危今皇七子降生宜加聖后徽號上以其無端突發疑窺伺宮闈令回奏旋革職下獄

內閣范復粹奉旨清獄囚奏各犯官共六十六名內而尚書侍郎都察院科道部屬外而督撫司道府縣等官無不畢具如原任尚書侯恂傅宗龍府丞戴澳巡撫黎玉田常道立方孔昭給事中宣國杜耿始然御史成勇魏景琦兩司范良彥弼司屬倪嘉慶孫嘉績熊汝學朱國壽朱日燦諸犯各殊幽沈則一當下部作速清理又特舉原任江西布政朱之臣總兵劉光祚之才乞復官起用奉旨朱之臣准還職劉光祚准軍前效用

應天巡撫黃希憲奏報擒獲江海大夥黃尚忠得空船四十餘隻為總兵王之仁守備湯夢復之功蓋尚忠不過海上販鹽之徒非寇盜比也撫臣聽信將領妄報邀功從此海上日多事矣

上諭吏部以時事多艱任須人舊輔周延儒張至發賀逢聖俱忠猷未竟各起原官入閣辦事著該撫按官敦請就道三臣各具疏辭不允閣中自戊寅年特用楊嗣昌等五人後己卯年又用費縣張四知滑縣魏照乘斬水姚明恭三人庚辰年又用德州謝陞并研陳演二人自金溪病故韓城得罪武陵督師出其餘相繼去位是時閣中止范張魏謝四人而范亦旋于告矣一時諸輔皆無有當聖意者眾推宜興才智可以仰輔且林居以來又能化洛蜀之異同飯依眾正優容敗類於是庶吉士張溥禮部主事吳昌時輩為之營謀涿州舊輔與商邱桐城輩亦極力資助通於內璫竟得召用雖及張賀二人而意則專屬在周故賀到不久即去張以病不至

崇禎朝記事三

時朝政嚴切歲事凶荒兵餉掣肘臺省是非訐直互尚政府自烏程之後繼以淄川韓城皆祖述故智媚嫉賢才盈廷重足久無樂生懷矣宜興憂之思維濟之以寬首引用先朝故老如劉山陰鄭建德輩召還言事遷謫科道復結誤舉人廣取士額釋漕白欠解戶併蠲民閒積逋赦宥成罪以下盡還家再陳兵殘歲歉地滅見年兩稅蘇松常嘉湖各府許以次年夏麥抵漕兌將佐功罪賞罰不踰時至卹死褒忠等事向期期不予者皆朝報夕下天下仰望丰采如久污得沐宿鬱臨春之快又特請撤回監視璫差停止廠衛緝事尤為不易得之數使天欲平治則循此不變豈非救時宰相即繼美國初三楊無愧矣乃美不克終竟使身名與國運同盡也悲夫

諭吏部吏科曰朕維足國要在阜民強兵要在擇將今國用日煩民生日困朕心如傷每廷議足用則必取之於民言卹民則又慮訕於賦國與民無並足之方矣建牙設鎮不知凡幾推轂徒勤登

壇固效豈以天下之大竟無明習心計謀裕折衝者乎朕拊髀側席未獲一遇意者敷求之道未盡也今特開裕國足民科奇計異勇科使海內人士望的而趨有以自見至訪求驗考徵辟選舉更須良法務期豪傑傾心弓旌生色以稱朕破格旁求至意該部科議規則來行

四月差勳臣朱純臣成臣劉文炳禮臣林欲楫攜帶識地理的往南京會同守備太監南京禮部官恭詣孝陵循行察勘附陵三十里地方及龍脈經行之所俱不許燒灰作窰并泗州祖陵鳳陽皇陵一併躡勘時有奸民誑奏地方居人侵傷陵脈者故有此遺上先期御中極殿召閣部文武諸大臣面諭再三各賜坐宴於殿上又賜欽遣三臣路費綵段

蔣德璟曰中極舊名華蓋嘉靖中易今名前即皇極後為建極雖相連而中極特為高閣上寶座周圍刻金龍形諸臣就席時上以齋不用酒止用茶計十三人各一席席各三十餘器皆

御膳所蔬菓甚精潔非光祿寺蔬也上坐覽文書司禮大瑞旁立時跪承旨而諸臣左右坐宣德後久無此禮矣祖制宴羣臣多在午門文華門外惟郊祀慶成宴三品及學士在皇極殿內永樂中召坐西內圓殿宣德中召宴萬歲山廣寒殿嘉靖中賜宴西苑不間侍坐蓋正統中坐禮久廢矣今上十三年始議行之而中極自國初賜宴親王外未有也

上既遣三臣往南成國時總督京營懋戎政印因疏請帶印往南又請帶京營兵千人護行託言便道護糧艘北來相機勦寇上已許之部科俱疏言其非十八日上復召諸臣入諭三臣曰勘陵重典三公正卿帶兵不為多但須嚴禁騷擾成國因言諸臣阻撓上曰他們說的亦是地方供應難且既有關防京營印不須帶去若言勦寇不將勘陵事誤了糧船北來此兵南去亦難兼顧京營印外面亦行不得只交協理侍郎收了蔣德璟曰時部科疏並入成國甚以阻撓為恨若各將疏意發

揮將成聚訟上一出不言有疏但戒諭再三嚴禁騷擾並解其京營印諸臣見其言之行不須再開口彼此無事形迹不露居然杯酒釋兵權作用也

北兵圍祖大壽於錦州填壕毀壘聲援俱絕有四卒開出云城粟足支半年苦乏薪耳傳大壽語宜以車營逼之毋輕戰總督洪承疇集兵待援未決奏聞上憂之召問中樞陳新甲計將安出新甲求退與閣臣侍郎諸臣酌議請遣司官面商於承疇時有七可憂十可議之奏新皇上察報因遣郎中張若麒往行營酌視若麒謂宜亟戰立趨承疇進師承疇不得已合兵十萬率總兵曹變蛟吳三桂王樸馬科楊國柱至乳峰近錦州五六里方夜連車營環以木城部署旦始定口以萬騎來攻獨國柱遲至結營未及掘壕敵騎乘之國柱戰沒亡失萬騎餘營未動又相持數日官軍大潰初錦州被圍急救至方戰未決口掘松山斷我歸路遂大敗蹂躪殺溺不可勝計若麒走海上從漁舟潛渡至寧遠承疇等退守松山

崇禎朝紀事三

卷

未幾報全軍覆沒關門勁旅於是盡喪矣事聞上驚悼甚設壇都城親臨賜祭所以議褒卹死事者極其隆重云究所以致敗者則是若麒之催戰為之旋逮若麒下獄擬罪五月赦兵部尚書傅宗龍於獄以右侍郎兼都御史督兵勦賊九月宗龍率兵至新蔡與保督楊文岳之兵會賀人龍李國奇將秦兵虎大威將保定兵其結浮橋渡河合兵趨項城初五日兩軍畢渡走龍口自成汝才亦結浮橋於上流將趨汝寧規官軍至盡伏精銳於松林中陽驅諸賊從浮橋西渡人龍候騎覘賊報曰賊渡河向汝矣次日宗龍文岳兩軍次孟家莊遇賊伏敗績人龍大威北奔國奇從之文岳奔項城宗龍獨立營當賊飛檄國奇人龍救二帥不應宗龍穿濠築塹以拒賊亦身濠以困之宗龍兵食盡殺馬驟以享軍至十四日簡卒尚有六千夜漏二下潛勒軍突賊營潰圍出諸軍星散宗龍率散卒且戰且走次日至項城賊追及被執至門下呼於門曰我秦督官軍也請啟門納秦督宗龍大呼

曰我秦督也不幸墮賊手左右皆賊毋為所給賊唾宗龍宗龍大罵曰我大臣也死則死耳豈能為賊詐城以緩死賊以刀擊之遂遇害事開贈太子少保予世廕賊遂陷項城分兵屠商水扶溝所

在土寇蜂起中原山陝無寧宇矣
按傅公初巡按貴州定安酋之亂即以知兵名崇禎初年以樞輔孫公薦晉撫順天督勦遼尋以邊警速下獄論罪復起家巡撫四川擒治川寇有功即晉任中樞在楊嗣昌入閣之後嗣昌奉命督師討賊數上章請兵食不能悉應抗章言中樞不稱任傅公亦疏劾嗣昌徒以氣凌廷臣耗國家兵食不能報效時上任信嗣昌為奪傅公官下之獄嗣昌敗復起三邊總督任勦寇事一時竟推其揮霍之才可以為國家獨任重擔然宗其官跡按黔一年撫畿一年督勦二年再起撫蜀一年為大司馬一年為三邊半年未見其有殺敵定變成效奇功也蓋有才而不用與用之而不能竟猶勿用也今傅公非不用亦用之不竟也其

按黔治兵有序何不即以爲撫其撫畿督勦雖無顯功亦無償事何以罷官論罪撫蜀未幾何以即入中樞中樞之席未煖罪未著何以復革職下獄迨倉卒起之同固即授以督師與諸邊兵將俱未素習而驅之使戰遂未免一挫而死嗟乎但成一死節之名其於天下事竟何益哉

賊既大敗秦督兵乘勢直破歸德督師丁啟睿自商城北發檄左良玉期其擊賊楊文岳亦招集散亡於陳州兵將稍集自成汝才合兵陷葉縣殺守將劉國能初國能與自成汝才同爲賊後降於左良玉汝才深恨之至是聞國能在葉誓必殺之國能力戰不屈城破被殺事聞詔贈國能左都督

十一月陝西巡撫汪喬年率總兵鄭家棟牛成龍賀人龍將兵三萬趨河南先是喬年在陝西發李自成先冢得小蛇即斬以徇晉師進兵以輕騎萬餘抵邠縣時襄城先破喬年遲疑不敢進襄城貢士張永祺率邑人出迎官軍屯於城下自成聞之解郟城圍來

迎戰喬年安營未定有二將先逃官軍潰賊乘之一軍盡覆喬年收步卒千餘入城固守五日城復陷喬年被執見殺自成深恨諸生遂別用百九十八人又購永祺永祺匿免屠其族九家殺守將李萬慶萬慶乃降將射塌天也累功至副將至是死之詔贈官立祠襄城自成再破秦師獲馬二萬降秦兵數十萬威鎮河洛乘勝圍南陽城陷總兵猛如虎死之時楊文岳屯杞縣丁啟睿屯汝寧太監劉元斌率京軍救河南聞南陽陷乃擁婦女北去俄上命御史清軍元斌倉皇悉沈之於河元斌以縱兵殺掠冒功論辟未得旨即奏辨上怒之立誅並誅太監王裕民

重修太學成先命太監王德化率羣臣習儀八月十八日聖駕臨雍升彝倫堂祭酒南居仁坐講泉陶謨天敘天秩至有土章司業羅大任講易咸卦天地感而萬物化生一節命文武官三品以上俱坐聽賜茶畢行禮退上入彝倫堂後敬一亭觀世宗所立程子四箴諸碑遂傳禮部將學廟內各碑俱摩搗進覽又有古碑殘缺

亦令察補進呈於是駕自成賢街至安定門登城上坐明轎至東北角樓親閱樓工召閣臣樞臣工臣責工部糜費久之復諭閣臣謂宋儒周程張朱邵六子不宜列於先儒之內宜有特稱下禮部議後禮部會同詹翰各官議周程張朱邵六子俱進稱先賢云十二月黃道周解學龍涂仲吉各擬煙瘴地永成葉廷秀馬思理各成邊黃文煥董養河陳天定文震亨分別配杖初刑部尙書劉澤深擬道周永成上不允因上言曰道周之罪前疏已嚴矣過此惟存論死自來論死諸臣非封疆則貪酷未有以建言蒙戮者且皇上所疑者黨耳黨者見諸實事道周空言無據如者始未嘗不相與今且斥之烏有絲毫黨氣而煩聖明之震怒動朝廷之大法耶當此生死之關不敢不存一難慎之心敢仍以原擬上疏入允之

黃景昉撰黃公行狀略云江撫解公升任薦僚屬疏例下第不足勞萬幾聞有簽貼其旁致上怒者遂得扭送之命比入獄廷

杖擬罪屢嚴聲色洵洵莫必其命余爲拉同鄉蔣公德景王公
家彥謁謝德州請之謝太息曰死矣遲遲爲幸聞之失色總承
韓城毒敵之後餘威尙震武陵雖出督師柄得遙參宜督入爲
中樞同憾公前疏刺骨同年費縣并研年誼漠如滑縣且下石
矣宜與周公新召至衆喁喁望丰采諸名流力憇憇之婉代開
釋得免死改戍周公又於講筵平章他疏馴語及公余與蔣公
同贊其說初冀得免戍幸矣竟復原官實出望表本聖主乾斷
度越百王天下亦以是亮周公焉

崇禎朝事

卷三

崇禎朝記事卷四

十五年正月元旦上御殿朝賀畢下寶座南面立顧內侍命召閣臣來閣臣由殿東門入再奉旨趨至殿簷行叩頭禮畢跪以聽命上曰閣臣西班來益以師席待諸輔也閣臣起立不知上意擬取東西兩班上又曰閣臣西邊班來隨有一閣下引而前上宣閣臣來諸輔趨進上曰古來聖帝明王皆崇師道今日講猶稱先生尙存遺意卿等即朕師也敬於元旦端冕而求聖躬即轉西面向閣臣一揖因言經言尊賢也敬大臣也朕之此禮原不為過今而後道德惟諸先生訓誨之政務惟諸先生匡贊之調和變理奠安宗社民生惟諸先生是賴又曰自古君臣志同道合而天下治平朕於諸先生有厚望焉諸輔臣跪謝不敢當上曰先生正是當敬的言之再三隨諭先生起諸輔臣始起轉下叩頭上還宮後復補賜聖諭時輔臣為周延儒賀逢聖張四知謝陞魏照乘陳演六人云諭各省直十二年以前一應存留起解上供本折錢糧盡行蠲免

又以江南荒旱許各府州縣以麥抵漕百姓歡呼稱慶又從刑部侍郎惠世揚請豁免十二年以前贓罰銀兩又發帑金二萬振山東荒先是三十四年蘇松常鎮四府皆大旱蝗蟲食苗民皆告饑浙西三府又大水為災一望漂溺漕儲缺額徵比無方而湖州一府尤甚十四年七月浙撫參德清崇德兩縣尤遲兌誤漕時政府方尙嚴切遂奉旨差緹騎解兩縣印官崇德令趙夔自縊死德清令朱實運逮至京下獄擬罪時漕事亦已報竣實運因具疏陳地方荒苦狀始得釋罪調用則屬宜興為政矣

朱君字子潔廣東南海人天啟辛酉方弱冠受知於先忠毅拔魁一經工詩文重氣誼屢躡春闈以薦舉授是官到任未一年也被逮後所著詩有冬春草吳樵樵先生序之曰詩以言乎心之所之也心乎親者其言之乎孝心乎君者其言之乎忠心乎民者其言之乎仁吾友子潔氏令臨溪著循廉聲忽詔獄尋詔釋之還其官所撰冬春草言孝言忠言仁令讀者流連嗟歎而

不容已因以知其心焉先是其師李仲達侍御亦吾友也以觸璫詔獄所撰有受命草亦言孝言忠言仁足令人嗟歎而不忍已然侍御之冤當其身不白也今子潔幸遇聖明復得出以展其大用凡所言忠言孝言仁慮無不可發而措諸事業者其重勉乎哉侍御可謂有生友者矣

御史張肯堂疏請還向來言事遷謫諸臣略曰在諸臣率意敷陳罪止成於狂慧在聖明薄從降罰法姑予以困衡嘗讀其封事或議征求宜緩或陳刑獄宜寬或糾行閒功罪之消或爭朝端名節之重或糾彈巨奸於氣談方張之日或抵牾近習於威權思竊之時一腔忠愛天日共鑒偶經挫折便作逐臣雖盛世原無棄人何官不可自效然使之回翔中外何如特加環召錫復原職之大快人心乎奉旨下部察覈於是原降用李清等凡十人俱准復給事御史云

而死事另有記

三月召對考選諸臣於中左門問解圍急著中原禦賊何策兵至之處作何轉輸災荒之民作何生聚足食足兵何以使民生不困議蠲議緩何以使國用仍充其各悉心條奏時行取各官待命闕下皆仰祈宜興援引適漕運愆期宜興因請速下諸科道命使之分頭催餉於是考選四十四人朱徽馬嘉植等咸授科道無改部曹者內惟劉熙祚以巡按河南為賊所執不屈死難姜垓在諫垣直言著節幾斃詔獄此外無一人足副特恩者矣

禮科倪仁禎疏言臣等初授科例於朝房候見閣臣謝陞言及兵餉時事忽曰皇上惟自用聰明以察為明致天下俱壞陞居位輔弼敢罪天子如此吏科朱徽廖國遴亦劾奏同之上怒下廷臣議處命削籍為民陞先任冢宰與唐世濟合謀薦逆案霍維華世濟下獄陞開任自唯嘉罷後以南京右都御史莊欽鄰為冢宰久不到任奉旨詰責調用復召陞為之庚辰冬同陳演入閣聖眷頗

隆次年辛巳上命追寫孝純皇后同孝元皇后光宗皇帝御容一同迎入上親致祭諸閣臣陪祭後至臺省參之陞疏辨謂臣將出門而衣帶忽斷再續再斷以是後期乞提裁衣者同班役下法司訊鞠雖奉旨免究而上意已動至是遂罷斥夫以大臣而委罪下役其作事之乖亦見一斑矣

御史徐殿臣劉之勃各疏糾輔臣魏照乘得旨准其請告魏初與韓城善每稟擬輒效其深文駁摘宜興入後諸輔請教唯謹魏尚行自如宜興心不然至是糾疏入方一疏引疾即稟旨允歸未幾費縣江夏亦相繼予告去

起升馬士英兵部右侍郎兼都察院僉都御史總督廬鳳等處軍務馬前任宣府巡撫為總監王坤參其支用庫銀事逮問遣戍馬本貴州人久僑居金陵與東南諸紳往來頗善至是以流賊橫行江北會推鳳督列名其中上頗怒謂會推大典輒用廢棄冢臣蒙蔽殊甚宜興奏曰冢臣豈敢欺實以士英曾歷邊疆有才可惜今

止開列候皇上裁用惟是不先奏明為有罪耳上怒始霽曰馬士英既有邊才即著他去以此起官馴至有南渡之柄用矣

上以寇氛未靖民罹鋒刃建齋南城每子刻同中官往誦佛經移時然後還內禮科姜琛疏言宗社之安危非佛氏之能禍福也以九重之尊對西竺之繁文臣不敢以為可且正德年之往事皇上豈不見及此耶御史廖惟義疏請驅真人羽士各還原籍侍郎王錫袞請遣真人張應京歸皆不報先是召應京入都即傳禮部宴

待部奏會典宴法王在大慈恩寺則宴真人宜在宮觀上遲回久之始報可旋召應京至會極門賜資甚渥比洪熙時所賜逾數十倍諸司無敢執奏已加王錫袞服俸一級嘉其諫上事佛寓規於

愛也
宮中舊規上每年冬底書符召仙或召將叩以來歲事無不應者至是召之不至夏久玄帝下臨批云天將皆已降生人間無可應召者上再拜叩問天將降生意欲何為尚有未降生否批云

惟漢壽亭侯受明厚恩不肯降生餘無在者言畢寂然再叩不應矣

六月十九日上召會推諸臣吏尚李日宣禮尚林欲楫左都王道直禮侍王錫袞蔣德璟左副都房可壯正詹李紹賢兵侍吳姓刑侍惠世揚徐石麒工侍宋政詹事黃景昉邱瑜通政使沈惟炳大理卿張三謨諭德楊觀光共十六人來中左門徐以病不至同輔臣賜飯畢先召諸輔臣入德政殿賜坐次輔賀逢聖時以奉旨允放猶被召入見忽放聲大哭不止久之召兵部詢邊事又召日宣道直入頃之諭曰卿二人不須召對俱令出上移駕至中極殿輔臣亦入殿賜坐賀復放聲大哭拜跪數十不止命之出殿行五拜三叩頭禮辭朝復大哭不止見者怪之既出方召預推諸臣入行禮畢令入殿內依班魚貫立御牀東上曰□□未滅流寇猖獗天變民窮卿等有何嘉猷奏來即令各依會推次序進奏對畢殿內先備酒六卓將賜諸臣坐宴而房宋張三人奏對不稱旨上遽

傳令各回衙門遂俱出是夜傳旨命德璟景昉姓三人入闕而以濫推多人責吏部回話

賀公居身清正不諳於時故再召未久旋即告歸家居武昌十六年獻賊破城全家殉難大節凜然此時陸辭痛哭豈非憂國憂君明知禍敗之將至有不能言不忍言者耶同輩泄泄者流或反以怪異目之矣噫

二十一日上召府部九卿科道入弘政門賜飯上御中左門皇太子定王永王左右侍立各官行一拜三叩頭禮朝東宮亦一拜三叩頭朝二王一拜一叩頭上服黃袍東宮二王俱服紅袍上喚吏

部尚書李日宣其聲頗厲次喚吏科都章正宸河南道張瑄副都御史房可壯工部侍郎宋致大理卿張三謨各下跪上曰枚卜大典如何濫推許多如房可壯等三人果堪推舉麼責令回話尚是支吾日宣奏從不敢徇私上曰前爾奏當秉公執法惟有君父不知有私交知有國法不知有情面你那一件不是情面朕數次

優容全然不悛正宸奏日宣素是游移臣前有公疏糾他此番實不敢徇私日宣奏可壯素有丰采宋致年少向學三謨亦曾掌河南道遇上怒日住了錦衣衛通著擊了王錫裘著改吏部侍郎署印日宣等六人俱去冠舉出天怒方震諸臣相顧失色景昉牲跪辭新命因奏臣等亦在會推中諸臣既有罪臣等豈能自安上曰已有旨了輔臣奏枚卜大典尙望聖慈寬宥左都王道直奏會推俱是冢臣與科道商推臣不敢置一語上諭此後會推只用翰林其餘衙門問陪一二人不許多推旋令各賜茶品訖明日有旨下六人刑部問日宣等三人遣戍可壯等三人削籍又以議罪不當罷刑部侍郎惠世揚或謂初次不與推者流言入內及再推又有不與者陰行中傷復有二十四氣之目徑達御前皆有小人傾陷故上怒如此

增鄉試解額北直生員十名監生七名南直生員十名監生五名浙江江西福建湖廣各十名山東山西河南陝西四川各八名廣

東西六名雲貴各二名獨河南以寇亂停試至次年春始補何瑞徵朱統飾主考南北公行賄賈以關節中者居其大半時有對云不用孔子不用孟子只取公子不要古文不要今文只取真敘吳郡有捲堂文又有四書成語編文悉快人口

起孫傳庭爲兵部侍郎兼都察院僉都御史總督陝西軍務勦寇傳庭至西安檄召諸將聽令各以兵來會旣集乃縛賀人龍責之曰爾奉命入川討寇開縣謀歸猛帥以孤軍失利獻賊出柙職爾之由爾爲大帥遇寇先潰致秦督秦撫委命賊手一死不足塞責也遂正法軍前諸將莫不動色因以人龍兵分隸諸將刻期進討人龍米脂人初以諸生效用佐督撫討賊有功總全陝兵降賊多歸之人龍推誠以待往往得其死力襄城之役朝廷疑人龍與賊通密救傳庭殺之賊聞人龍死酌酒相慶曰賀瘋子死取關中如拾芥矣

命侯恂以兵部侍郎總督援勦兵討賊與孫傳庭協力援開封七

月賊圍開封久先召總兵許定國以山西兵援之兵潰于覃懷時督師丁啟睿保督楊文岳合左良玉虎大威楊國政方國安諸軍次于朱仙鎮與賊壘相望啟睿督諸軍進勦良玉曰賊鋒方銳未可擊也啟睿曰汴圍已急豈能持久必擊之諸將請詰朝戰良玉以兵南走襄陽諸軍相次而退營亂啟睿文岳聯騎奔汝寧賊渡河逐之追奔四百里喪兵馬數萬啟睿印劔俱失事聞建啟睿下獄文岳革職聽勘後閏十一月賊犯汝寧文岳以兵救之不克賊執文岳及分巡僉事王世琮殺之世琮屢御賊有功賊射矢貫耳不動號王鐵耳

賊久圍開封城中食盡人相食周王先後捐庫金百二十萬復捐成祿萬石以養兵國庫空虛宮人咸有飢色城北十里枕黃河巡撫高名衝推官黃澍等守且不支特引河水環濠以自固更決隄灌賊可潰也九月河決賊先營高處然移營不及亦沈其卒萬人河流直衝汴城勢如山岳自北門入穿東南門出流入渦水水驟

長二丈士民溺死數十萬巡撫各官咸乘小舟至城頭周王府第已沒從後山逸出西城樓率諸王及官眷露棲城上雨中七日督師侯恂以舟迎王及巡撫推官黃澍從王乘城夜渡達隄口諸軍列營朱家寨賊乘高據筏以矢石擊汴城北渡者城中遺民尙存數萬賊浮舟入城盡虜以去河北諸軍以大礮擊之奪回子女五千餘人得河故道清淺不容尺歸德隔斷在河北邳毫以下皆被其災汴城佳麗甲天下羣寇心豔已久前後三攻之士民死者無算賊積恨矢必拔久懷灌城之謀願以子女珍寶山積不忍棄之水族至是河大決百姓生齒盡屬波臣斷垣斷水上數堞隱見而已黃澍以守禦功召對特授御史即發十萬金令澍齎往以三萬賜周王餘分振宗室及被難飢民

禮部疏題諡典五年一舉今自特賜外無不久停卽如詔獄一案諸臣慘死者衆而得諡者止楊漣魏大中高攀龍周順昌周起元穆昌期六人無容議外其未得諡者則尙有左光斗李應昇周宗

建等九人今恭釋明綸仰見當時慘死多人若左光斗等正在皇上垂憐洞鑒中謹將諸臣本末開列上請一體加恩易名云云奉聖旨易名大典宜核公評所列慘死各官即著該部會同詹翰備臣察明觸奸本末章疏實據及本官生平品行是否允愜逐一核議具奏

按論典必由部疏請旨俞允然後詹翰諸臣擬議送閣開中具揭題奏崇禎初蒲州為政因姚文毅之議先題趙忠毅公等十一人同難中惟楊忠烈高忠憲魏忠節周忠介與馮績鄒維璉張國維凌義渠姚思孝諸公催請雖有旨下部終束高閣至十一年給諫熊維典特疏舉先公亦奉旨下部不為題覆也宜與再召頗留意此事言路如李清沈胤培戴明說諸公極力聳之疏請再三又因同難諸後人之陳乞嚴旨催覆時宗伯林欲楫祠司吳康侯於卹忠大典漠不關心亦不知諸君子之始末但憑胥吏呈稿至以未諡周繆二公為已諡又以不在慘死

崇禎紀事

七

之列如丁乾學者亦混入焉因奉核議實據之旨遂終於見格矣此沈公面語遜之云然弘光時復賴李沈二公疏催宗伯管公紹寧疏請乃得全給一代褒忠之典始大備矣

八月十九日早朝畢上即登文昭閣兩旁可建直房朕不時召對及講讀德政殿召五閣臣言文昭閣兩旁可建直房朕不時召對及講讀偶有疑問先生每往來亦便宋人言親賢士大夫之時多親宦官官妾之時少又問永樂大典及大學用人理財諸臣各有奏對上因言京中宜積貯本色又言屯田也是要緊又言漕運海運諸事黃河一帶修築如何德璟對自董家河起即用泃河不用黃河一路較平穩上言京中運糧車戶之苦德璟對車戶腳價原有輕齋銀可用只須給發外面百姓尤苦練餉之加須是漸漸減省上默然翌日命於文昭閣左右各設直房云

八月廿四日講讀畢上召五輔臣入文華後殿手執一本問張溥張采何如人延儒對讀書的好秀才上曰張溥已死張采小官科

道官如何說他好延儒對他胸中頗有書會做文章科道官做秀才時見其文章又以其用未竟而惜之上曰亦不免偏延儒曰張溥黃道周皆有些偏只是會讀書所以人人惜他上默然德璟曰道周前日蒙放他極感聖恩只是永遠充軍家貧子幼還望天恩赦宥上微笑延儒曰道周在獄中尚寫許多書即在前章奏俱是親筆寫的德璟曰道周寫有孝經一百本每本必有一篇文章多是感頌聖恩景昉言皇上表章孝經所以道周寫本內有聖德頌極感聖恩演言他事親亦極孝德璟言皇上聞知樂之人即道周便能知樂姓言道周無不博通且極清苦德璟言道周于方十歲但得免其承成便好延儒言道周也不在承成不承成就是讀書也還用得上不答但微笑而已翌日遂奉手敕云昨先生面奏黃道周清操博學見今成遠子幼朕心不覺憐憫彼先偏迂經此一番懲創想亦改悔人才當惜作何赦罪酌用先生每密奏來輔臣具揭奏復即奉御批准赦罪復原官論吏兵二部一時臣民無不鼓舞以為聖主轉圜之美而宜與之異言匡君亦其一端已

崇禎紀事

八

九月十八日御日講講論語子罕言節上召輔臣問夫子論仁如欲立欲達克己復禮天下歸仁及出門使民等章言仁儘多何云罕言延儒對言此卽性與天道不可得而聞之意德璟對聖人未嘗不言及門弟子悟者以為言不悟者以為不言耳又問命與仁如何分別德璟對只是一理在天為命在心為仁又問一日克復天下歸仁便是修己以安百姓意諸臣言聖見極明徹延儒言帝王學問只是明德新民德璟言明明德於天下便是天下歸仁頃之諸臣言及起廢事舉葉廷秀成勇最有清望上領之又諭孟冬祭太廟宜用何時德璟對會典原無定時上因問子丑二時德璟對古祭禮只言質明厥明似用寅時為妥

講畢上與閣臣議東宮移宮事出黃匣內欽定宮屬條約八款皆御筆也首款離間親親上因言溥邸孤危情事且指証嚇給誘四字云中難盡言時方有選九嬪之旨又東宮年當遷婚故議移居

於外然婚尚未選又方在嚴冬德璟因微言天氣寒凍牲即繼之云天氣正寒稍緩如何上曰即俟二三月不妨未幾罷選嬪東宮因亦不遷

皇極門外兩廡四十八間除曠八間實四十間東二十間為寶錄玉牒諸館及東閣會坐公揖處西二十間上十間為諸王館下十間為會典諸館定王書房在西第六間第五間懸先師畫像四配侍側及永王出閣移定王於第四間永王於第六間王初出向先師四拜三叩頭以後一拜三叩頭第三間第七間為二王退居處餘三間則大璫內閣講官會集處也定王中宮周后出辛巳受封年方十歲壬午正月出閣永王東宮田妃出壬午受封年亦十歲癸未八月出閣皆命選新進士為簡討助教等官為待詔充講讀以兩房兩殿中書充侍書故事初開館內閣連到三日提調講讀以後不復到上愛諸王令隔一日則輪一閣臣提調初開讀行四拜禮以後一拜不叩頭讀四書書經各五遍講四書書經各二遍

崇禎朝事四

九

用酒飯畢再入侍王寫做閣臣至案前觀王新寫十字餘俟諸臣退後寫足送閣閣臣批圈進呈御覽

詔誅兵部尚書陳新甲新甲起家乙科由邊道升巡撫丁憂楊嗣昌薦其才奪情起宣大總督嗣昌入閣繼任中樞者為傅宗龍宗龍既得罪遂升新甲為大司馬附嗣昌力主款議當張若麒督賊敗逃後特遣馬紹倫往義州議款竟得媿書紹倫幾被殺嗣昌歸臺省惡其辱國交章發新甲奸狀上雖怒隱忍未即發適新甲有疏細陳款事中多援引聖諭此疏誤為書役發科鈔傳兵科據疏糾參上意新甲見賈嚴旨切責回話新甲回奏絕不引罪反自誦其功有某事人以爲功而實臣之大罪等語上大怒著刑部提問部引失陷城寨律秋後處決左右有爲營解者以虜未薄城爲言上曰辱僂我七新藩不更甚薄城乎下部再議司寇徐石麒因言新甲陷邊城四陷腹城七十二陷新藩七此從來失事未有之奇禍亦刑書所不忍載之條例者也當照臨敵缺乏不依期進兵

策應因而失誤軍機者斬決不待時旨下即會官處決

左都御史劉宗周到任上言六事一曰建道揆京師首善之地先臣馮從吾立首善書院請復之以昭聖明致治之本一曰貞法守高皇帝焚錦衣刑具一切獄詞專聽法司不必下錦衣并請罷東廠緝事一曰崇國體大臣自三品而上犯罪者宜令九卿科道會詳之乃付司寇司寇擬辟乃得收繫此於僂辱之中不忘禮遇之意一曰清伏奸凡禁地匿名文書一切立毀一曰懲官邪京師士大夫與外官交際愈多愈巧彈劾之後惟祈嚴斷一曰飭吏治吏治之敗無如催科火耗詞訟贖銀已爲常例矣朝廷頒一令一令即爲輿譏之始地方有一事一事即爲科斂之藉至於營升謝薦巡方尤甚請以風憲受贓之律爲科道考核之第一義上嘉納之未幾有武英殿中書王育民謁宗周於私寓出員外郎孫順所餽金宗周自劾逮育民下刑部究問

崇禎朝事四

十

入監給予應得祭葬震孟以日講受知特簡入閣爲溫體仁構誣疏參開住亡後溫又在事撫按不敢具題戊寅年吏科吳麟徵有疏言之韓城擬票郵典出自朝廷何得徇私市恩御筆抹去止票該部知道希孟以鄉閭事謫南先震孟一月亡撫按以舊講官例爲之疏前部覆如例議郵時張至發當國票旨以駢語四六新經申飭疏語違式議處撫按部科各官而寢其所請至是已越四年莫敢言及矣宜與當國方博采公論以收輿望遂從部覆得如例予卹云

十月初八日北兵大舉分三道從牆子路入東界嶺青山即破遷安三河通州薊州等處各分道一往真定一往河間一至香河又分別部破臨清等處抵山東兗州執魯王索金王不勝辱自縊死信陽王及監軍道于維新知府鄧藩錫推官李昌期滋陽知縣郝魯聲副將丁文明俱死之又破萊陽鄉紳侍郎宋致吏部員外宋應亨中書趙士驥俱被執不屈死事聞上御中左門召百官誠諭

數百言深自引咎諸臣皆叩頭謝罪次日下詔罪己曰比者災傷頻仍干戈擾攘與思禍變罪在朕躬勿敢自寬敬於官中默告上帝修省戴罪視事勳戚文武諸司等官有奏事者赴弘政門報名候旨

自十月至次年四月北兵方始出口所破城邑自勦通等處直至山東一帶無不被蹂躪者已已以來四次警變未有甚於此番者也

行人司副熊開元因見上罪已求言詔即疏求獨對上因召入德政殿開元請屏輔臣退然後有言上曰輔臣原管密勿可以不退開元奏皇上聖不自聖求賢自輔使大臣皆以皇上之方寸為方寸天下太平矣又奏見賢焉然後用之等語上曰見字最重要見如何是賢開元奏庸人在高位相繼為奸迨言官發其罪而誅之所敗壞已不可救上云多事之秋責備人主責備輔臣是大題目又云軍興旁午多有小人挾私罔上爾必有私意開元奏臣如有

私乞敕輔臣面奏上因令補奏言昔日輔臣繁刑重斂屏棄忠良故人得而攻之今日輔臣奉行德意釋繫獨進起廢賢才皆其所引用倘有不平私相慨歎而已孰復起而攻之若皇上不加體察一時將吏狃於賄賂雖失地喪師皆得無罪誰復為皇上捐軀報國者疏入大怒批旨以其讒譖輔將狡託機密著錦衣衛鞫問給事中姜埰疏言皇上修省罪己于言官諄諄致戒豈有厭薄之心哉言官持論太急亡當聖心此言官之過也聖諭所云代人規卸為人所脫者皇上何所見而云然乎於章奏知之乎抑出於聖心之懸揣乎今如二十四氣之輩語必大奸巨慝惡言官之不利於己而無以中之不激皇上之怒不能鉗言官之口人將爭效寒蟬誰復為皇上言之者時有投匿名文書詆各臣為二十四氣者故埰疏及之上大怒命送錦衣衛打問與開元同日下獄已而以廷臣救重下嚴旨并責錦衣衛溺職著再行嚴訊打問再四職上下刑部議罪司寇徐石麒議坐二人配贖聖旨以不具招罪司官

石麒開住該司劉沂春革職開元採各廷杖一百仍發刑部議罪再問再駁繫獄年餘至十七年二月始各允遣成放歸

熊公自序略云二十九日召對既罪劉宗周等獨諭金吾駱養性曰熊開元必有主使不行拷訊是汝不忠賂出方沈吟道上中使忽以手救至則令取開元採畢命以病聞密詔也駱失色語同列同列曰是何可殺璫黨亂政時田爾耕斃諸言者足鑒矣明日十二月朔取開元百端拷掠求主者但舉一腔忠憤及姻朋輩私相感歎挽開元勿語者以對先一椽一百敲又一夾打五十槓掠至垂斃始還獄初二日又一夾打五十槓復去衣打五十棍自分死矣金吾法已窮思之三日似有鬼神之通乃以所讞無大礙於首輔者為一紙開元所供媿媿千言為一紙同進并繳前密諭曰誠如聖諭天下祇畏臣衙門之刑不畏朝廷之法合無將開元發部擬罪肆諸市朝始可昭垂後世初四日上以讞詞發閣延儒叩首曰熊開元南人不任刑今已至矣

願付刑曹上用其言下部且手詔答金吾曰開元採前詔不行始驚且喜呼聖明也刑部疏上以不審不招為欺藐玩徇責堂司官開元採各杖一百開元已抵夜臺再四稍有人心莫不淚落而科道廖國選語同官曹良直以緩死之故良直即疏言金吾漏泄機密歸功於己歸過於君毒哉此舉雖磔金吾不足贖罪何況開元上忽召金吾諭曰外廷有人言汝金吾曰不識言臣何事上曰言熊開元事汝漏泄機密金吾曰臣豈不明利害何敢泄漏且臣西班不與東班往還何處漏泄但開元屬臣問姜埰屬鎮撫司問臣奉詔不得不聞於該司吳邦輔邦輔弟邦臣見官御史或與邦臣商遂聞於外敷上曰朕今亦不究矣嗟乎人皆一死開元獨千百死非至尊弘宥能免茲辣手乎閏十一月二十九日召對百官議督撫去留事畢諭科道官來吏科都吳麟徵首為姜埰求寬上曰目今口入已及兩月任其焚掠慘不必言時聖容惻然且垂涕言曰朕無面目見爾等爾等言官

當言的不言二十四氣之說事同匿名屢見章奏不得不於姜採
疏上一問言官為朝廷耳目如己不正何能正人麟徵奏能開元
亦以許奏輔臣得罪諺云家貧思賢妻國亂思良相封疆敗壞
得不責備首輔總是姜採出語不倫開元亦是熱腸上曰開元
託機密陰行譏諷漸不可長前旨已明各科道俱有奏對言督
封疆諸事御史楊若橋舉西洋人湯若望製火礮禦敵左都劉
周奏國之大事以仁義為本若望向來創說邪教堂中國若
其小技以禦敵豈不貽笑上曰火礮是中國長技若望比不得
夷宗周奏若望小技何益成敗目今要慎選督撫若文官不要
武官不怕死何愁不太平只說選才望不論操守使貪使詐貽
不小因言范志完操守不好貪克冒兵以致軍心渙散又奏朝廷
待言官宜有體卽有罪乞下法司今熊開元姜採因言下詔獄大
於國體有傷又言臣宗周前亦因言得罪荷皇上優容臣何幸而
遇上恩二臣何不幸而不蒙寬宥又如黃道周言語激烈有朋友

不能堪者皇上既待以不死又蒙起廢二臣慧直不如道周道周
何幸而遇恩二臣何不幸而不蒙寬宥上曰三法司錦衣衛俱是
朝廷衙門你說待言官有體假使貪贓壞法欺君罔上通不該問
了宗周伏地引罪上曰黃道周聞他有學有守用係特恩恁得引
他比例似你復拗偏迂成何都察院卿等起來劉宗周候旨處分
輔臣同出班跪為宗周求寬禮尚林欲楫刑向徐石麒工尚范景
文兵尚張國維兵侍馮元勵亦皆跪求上曰熊開元這疏定有主
使想是劉宗周主使了兪都金光宸奏宗周賦性理直客也不貪
與開元不相往來臣與同官極知他在衙門百事整頓老成可念
上曰金光宸也著議處已而五府勳臣同出班跪求寬宥上曰
論甚明卿等不必申救宗周先出候旨諸臣各退上召輔臣
再入隨傳旨劉宗周革職刑部議罪閣臣持不發將原旨同奉至
御前跪奏力救首輔延儒言之甚緩上不許德璟奏昔唐太宗張
魏徵直諫幾欲殺他入宮尚謂須殺此田舍翁皇后具服稱賀曰

君仁則臣直語未畢上遽曰唐太宗我所不如若閭門德行朕亦
不學他德璟奏皇上是堯舜安肯學唐太宗只唐太宗巧於取名
上曰如何巧於取名德璟對人臣敢言的則名在人主罪之
則名在臣下太宗不喜魏徵故優容他以自成其名上意頗回
諸輔臣復緩救之上舉筆抹去刑部議罪四字
家宰鄭三俊上直言可惜疏曰劉宗周與臣出處略同廷恩每足
賈罪於明時拙誠亦恆見原於君父昔年罷棄分正首邱今春起
廢忽動聖懷其特達蒙知一也自入朝端獨行躡步華年茂贊者
相率視為朽人同流合汙者又爭目為怪物羣猜滿庭冰炭難入
其憂讒畏譏又一也可寇徐石麒疏曰魯論古者民有三疾三疾
之中矜愚居二矜者不必皆廉廉者必矜愚者不必皆直直者必
愚故孔子思之今劉宗周兼有此二者其矜愚可厭其廉直可思
皇上欲求變通趨時之臣舉朝不乏若欲求廉頑立懦維風易俗
之臣舍宗周無與歸矣及今用之尚可收其後效自茲以往耄矣

已矣欲再見此正襟危度嚴嚴冷冷之老臣不可得矣時有舉人
祝淵上疏請用宗周命下刑部議罪
副院張瑋疏參極貪御史王志舉前按蘇松惟贓贖是求郡縣伺
富戶緣飾贖款以供其意每一訪犯贖積盈千獻上又加五六百
兩不等京師細鋪多本地巨商召各商寫會票十餘萬金不脛而
走其家復捆載輻重揚揚入都至令述其婪橫之迹猶人人切齒
又舉廉御史成勇時二人皆以參樞輔得罪然立身既殊起會
各別心勇直抒所見可謂拂士之科志舉自知公論不容止如奸
人之益醜而已奉旨志舉提問刑部議起用
十六年癸未正月當大計外吏二月當會試取士以邊警阻隔外
官入覲與舉人會試者俱不得前乃改五月大計八月會試九月
廷試屆期欽命并研陳演通州魏藻德為主考官通州係庚辰科
進士不三年即入閣又越同事三人為副考官皆出特簡云
三月改禮部郎中吳昌時為吏部文選司郎中昌時好結納宜與

之再召實昌時奔走效力居多至是出入幕中與將吏探聽
閣中消息在外招搖市權而醉心吏部謂誠一日作吏部郎即死
可不恨宜興亦欲借此塞其望而遠之及入吏部而愈不可遠先
是鄭三俊嘗問徐石麒曰昌時何如人石麒曰君子也蓋畏其機
深故譽之三俊不悟往時科道年例在二八月科一人道一人昌
時為政特廣其數例轉科臣范士髦等四人御史陳蓋等八人科
道羣起大譁掌科吳麟徵掌道邢彪佳率同官面折之昌時怙過
自如科道皆惡之矣又宜興自恃聖眷忽視同官同官咸愠之而
罷內操撤廠衛諸事皆內監所不喜司禮王之心嘗告宜興云我
輩才力有限望老先生包容宜興不以為意及以督師出誤信門
生范志完之大言一以軍情委之迄無成功上方時時遣人偵候
於是左右之譖入而禍不可解矣
上諭內閣楚寇披猖朕當親討次輔吳牲仰體朕意命以原官兼
兵部尚書督師勦寇特賜尚方劍以重事權加賜銀蟒等項以示

崇禎十七年

主

脊禮又給銀五萬銀牌銀花等項充犒賞之用
四月上諭首輔周延儒卿以元臣自請行邊星馳就道深可嘉尚
特賜軍前賞功銀十萬兩銀幣各項俱全又特賜手諭云卿以原
官督師關寧薊密昌宜通津保東一切督撫鎮將主客兵馬并京
營兵將悉聽節制重者竟以軍法從事有功的立行升賞仍著兵
科方士亮職方尹民興隨行監紀功罪不時馳報卿股肱元輔方
倚賴匡勳不忍暫離左右周召虎奉命專征唐裴度朝天奏凱名
高青史千古同符指日成功星馳入閣慰朕側席仰望之意時北
兵將出口宜興得諭即行而興化先奉命討賊者尙遲回未出旋
奉上諭曰輔臣吳牲奉命督師三月以來遷延不前將出都門籌
畫不固若行開何以致勝還宜在閣料理不必督師因具疏請
罪即奉旨著致仕未幾與宜興相繼遣親騎速問南兵部尙書史
可洪有疏申救得免死遣戍
北兵以十月初八日入口由薊通直至山東於三月初入莒州

城養馬休息京師寂然無警矣四月初一赤羽忽自南來舉朝
復大驚初五日上御平臺召三閣臣詞氣甚厲云朕欲親征首
揆周跪云臣願代往仰面上視搖首不言周起陳演跪云首
揆開務殷繁臣願去上搖首如故陳起蔣德璟跪云臣可去上
復如前蔣起周再跪請行上回顧冷笑曰先生果願往朕在宮
中看過奇門正在此刻一出朝門直向東門行慎勿轉西
西當時一無料理不得不謝恩而出至齊化門權宿城樓題請
隨征官及勤王已到四鎮劉澤清唐通周遇吉黃得功初六日
至通駐札北返勁兵東起津門西至涿鹿互三百餘里車載駟
駝橫排擁擠遠近噤聲日夜不絕首揆在通州與四鎮暨隨征
各官一無事事惟內驚面諭之諄切外驚出口之驕嘶近憂通
城之脆薄及兵將之衰弱而已五月初六日烽火頓息各處解
嚴都城諸文武再慶太平越四日還朝為初十日午即入文華
殿朝見上歡迎親手扶握慰勞倍至告假休沐不允十五日賜

崇禎十七年

主

閣臣羊酒陳蔣二相疏辭謂伴食方負慚遂收成命首輔亦疏
辭竟同允准十八日諭吏禮兵三部查閣臣視師凱旋優禮之
宴何如隆重各進兩儀俱駁情理未盡廿三日傳府部九卿申
刻平臺候旨接出聖諭首輔周延儒所敬信不謂亦有象蔽
著議處逾日議處疏上旨下猶于致仕賜路費銀百兩後參疏
日甚向之最相暱者出詞更毒如袁彭年之輩皆各自為地急
自別其非周黨也蔣拱宸朋比為奸一疏參昌時贖款多實七
月廿五日上御中左門親諭昌時于後即日遣親騎速問南
月十八日抵京自疏願戍衝邊不報舉朝亦無敢有下援救語
者矣
五月以倪元璐為戶部尙書仍兼翰林院學士故事浙人不為戶
部又以儒臣改任皆破格也上召對面諭嘉其志念忠誠才猷敏
練論奏井井有條又諭曰帝王用才致治原只一二人周之七友
漢之三傑即太祖所用文臣亦不過劉宋數人耳又諭祖制不用

浙人爲戶部今用人爲急只得通融又諭以餉不清則兵不强民不安今以安民爲本元璐曰臣本無能今皇上必欲臣做臣有三做一實做與兵部合算必能準餉以權兵準兵以權餉一大做求民閒大利大害一舉與除不以小小生節徒然報數一正做以仁義爲根本禮樂爲權輿政有厲民者罷之必爲民請命上曰有學問之言既受事與兵部尚書馮元應互稽兵籍卽以戶部一司官兼職方俾得察核諸鎮將士有崇明人沈廷揚獻海運策元璐奏請試行乃以廟灣船六隻聽運進月餘廷揚見元璐元璐驚曰我已奏聞上謂公去矣何向在此廷揚曰已去矣運已至元璐又驚喜奏聞上亦喜命酌議乃議每歲糧船漕與海各相半行焉至甲申二月首輔陳演以元璐詞臣不達錢穀奏上命罷司農任仍還講幄三月之變從容自縊死璐解任後吳履中繼之五月十六日上御皇極門召閣臣及吏戶兵掌印官兵科都給事中跪出手敕欽定督撫去畱云蒞遼只須總督一員擇敏練幹才

任之遼撫一員黎玉田鎮臣一員吳三桂專任關隘劬寇山永撫臣一員李希沆照舊鎮臣一員盧天福是否堪任著另推簡密不必分作二鎮但著順撫三屯鎮管轄卽著王繼謨唐通料理督師保督俱不必設呂大器趙維岳回京另用保撫徐標新任可用鎮臣另推通州只設鎮照舊以副將統領其餘要害須派明設信守防先時有備不致臨事張皇時以督撫增設太多因議裁汰赫然整頓一新然總兵費濫數員副參以下尤多皆未及汰大抵樞輔以此爲交結納賄地雖屢經票擬駁催亦置之高閣此邊事敗壞大病根也

上召保定巡撫徐標入對標曰臣自江淮來數千里見城無完固蕩然一空卽有完城僅餘四壁蓬蒿雜犬無聲曾未遇口者土地人民如今有幾皇上亦何以致治乎上欬噓泣下標又曰天下以邊疆爲門戶門戶固則堂奧安其要莫若修內治重守令守令賢則政簡刑清而盜自息上曰諸臣不實心任事以至於此皆朕

之罪標又言車戰墜田上善之標四月己卯受事辛卯陛見賜金幣至是復召蓋上深憫畿民欲得其詳也標在任能彈力任事甲申春大寇臨城竭節固守知府邱茂華先已通賊輸款標執之下獄親自登城畫策守禦而叛兵劫標殺之出茂華於獄遂檄屬縣俱叛於寇

命孫傳庭特加督師總制應鳳江楚豫州勦寇軍務兼總督三邊兵部尚書呂大器以兵部侍郎總督江楚應皖等處軍務各給以行開賞功銀幣等項差官星夜解至軍前聽用

懸賞格擒斬闖賊李自成賞萬金爵通侯擒斬張獻忠賞五千兩官一品世錦衣指揮使

六月癸亥朔戮叛帥劉超劉越各凌遲傳首九邊妻子給付功臣爲奴財產入官舊制朔望停刑時以超等拷問垂斃改初一日辰時祭告午時獻俘上御皇極門兵部行獻俘禮百官致詞稱賀超永城人中河南武解元賊而知書爲貴州總兵坐罪免後上疏言

兵事中樞陳新甲起爲河南總兵以私怨殺御史魏景錡舉人喬明楷生員王奇珍三家百餘人遂據城稱叛巡撫王漢奉密旨討之爲兵部所洩漢率兵至反爲所殺執永城鄉紳丁魁楚練國事等迫令上疏保之未幾鳳督馬士英合兵圍討超困出降解赴京師正法獻俘時於闕下大聲呼冤枉者三上不問

七月初十日上召山東武德道僉事雷演祚來中左門命該三法司錦衣衛刑科掌印官提范志完門外伺候先是演祚疏言志完兩年僉事遽陟督師不聞知兵善戰徒恃行賄職升非有大黨何以至是方北兵攻德不下去陷臨清越五日而志完始至聞破景州懼欲避入德州城未之許乃託德州大神謝陞僑寓詞林方拱乾晤臣於南城古廟臣督以援兵非守堞之用督師非入城之官不聞薊州之陷由夷丁內潰乎此臣目覩最真者也若夫座師當朝罔利代庇玉帶明珠懸作市賞撫鎮之四子部堂臺省半屬頤指氣使之私人稱功頌德徧於班聯君前臣名通廢常禮至於中

樞主計惟喜虛文請餉必餽常例萬金必扣三千兵部則推升有
估缺之價敘功憑孔方為優一則木強昏貪聽司官吏胥作弊一
則深揖長跪勾閣部科道免參口猖寇獗惟以添撫添督御脫推
諉徒為破帆然灰之巧圖何有金城東祇之實情上覽疏異之命
舊計臣李待問傳淑訓樞臣張國維及戶兵科俱議處志完等解
質究隨召演祚入京至是召問演祚前勅志完縱兵淫掠及金銀
託方拱乾果否演祚對如前奏因召拱乾入又問演祚稱功
頌德徧於班聯是指何人對曰周延儒招權納賄如起廢清獄獨
租俱認為己功兩次考選收為門下凡賣巡撫總兵必經幕客董
心葵之手又令馮銓之子送物回家上命立逮心葵又問志完逗
畱淫掠之狀志完辨無有且曰是日臣在大王莊總兵賈芳名等
禦敵乘大風御之上斥其妄又問吳履中爾察核志完何以履中
對如演祚言上曰趙光怵亦逗畱但參志完何以服之命并逮光
怵辭敏中而拱乾辨無受賄事上不問

二十六日上御中左門東宮二王左右侍召三法司等官及御史
蔣拱宸郎中吳昌時上問昌時結交廠衛存何意見昌時辨其無
又問馮銓結親受其萬金昌時言行聘從無萬金之理又問數款
皆拱宸疏中所參也昌時一一辨論不服上命夾起將昌時二夾
敲四十折槓二根上疑有弊著錦衣衛可用門外候旨昌時單絕
而蘇復奏云五案之大法失事必誅行開之功罪察節同任東協
失事拱宸何得免脫上問拱宸行開失事情形拱宸不能答命并
孥下候旨隨下諭云吳昌時大奸巨猾鄭三俊何以破格錄用著
議處張國維職任中樞失事重大侯恂棄汴不援坐糜糧餉俱孥
解來京究問郝炳蔣拱宸方士亮尹民興扶同欺飾并喬可用俱
著法司提問郝蔣以參昌時贓款不實方尹則先奉命隨輔臣出
征者也
諭吏部朕覽輔臣奏嚴禁寓所通謁其於事關職守俱於各衙門
會議或重大機要不妨過東閣密商並不許擅詣私宅投謁送遞

私揭犯者緝糾論斬蓋內閣陳演有揭嚴飭往來也說者謂演如
此自慎不知日後為闖賊所夾獻多金何來

諭吏部差官召上江漕儲副使方岳貢來京陛見尋以召對稱旨
特升協院左副都未幾即以原官同李建泰入閣辦事從來閣臣
無僅帶副都御史銜者三百年來惟岳貢一人而已先一日召對
適上詰責吏部某事尚書鄭三俊云臣正行糾駁岳貢云何不即
行題奏一語深當上意遂得大拜後闖賊破城不早引決竟被刑
辱而死時有給事中時敏部擬例推金華知府託同鄉求援於
方方令急具一條陳疏進來敏即具一套疏忽奉嚴旨下部議處
衆相訝不解所謂適例推疏上方票旨時敏正當議處何得遽行
升擢員缺另推後議處疏奉旨時敏降三級照舊管事仍儼然掖
垣矣其舞文弄權如此

岳貢以崇禎元年為松江府守歷十四年不遷同時蘇州府守
陳洪謐則歷八年不遷皆以錢糧不清降罰至二十餘級兩人

於糧務實未精明任吏胥耗盡不能辨也陳過於仁厚然與民
休息民皆德之方則惟奉要津聲氣日以頌詞作書帕因得延
譽內廷職位宰輔卒致身名俱敗使不遇國變幾同漢家良二
千石並傳

八月諭刑部瘟疫盛行民間罹災甚慘大小各官都著洗心滌慮
其圖挽回獄中情輕罪犯先行釋放候旨事涉矜疑者作速開結
未幾上召刑部尚書張忻問曰獄中各犯可盡該放否忻曰此時
瘟疫徧行物故者多慘不忍見所以取保放出若失誤封疆者仍
禁不放上曰放也罷了各犯就帶方巾穿色衣在外拜客如熊開
元姜塚尹民興等這等可惡忻出即拘喚數人還監收禁

時京城瘟疫盛行朝病夕逝人人喘息有全家數十人一夕并
命者上特令張真人建醮祈安而終無驗日中鬼出為市店家
至有收紙錢者乃各置水一盆於門投銀錢於水以辨真偽民
閒終夜擊銅鐵器聲以驅厲崇聲達九重上不能禁景象蕭條

識者早知有甲申之禍矣

諭內閣禁奢靡止宴樂前已與先生面諭還宜擬旨通飭朕於元旦冬至春節端陽中秋及諸大典禮升殿方許作樂其餘皆免朕浣衣減膳已有旨令用錫木器以示儉約金銀各器關典禮者用餘貯庫以備賞賚內文武諸臣俱宜省約專力辦賊先生每將先年舊旨再參酌議妥來行

上性儉約常服多用浣衣庚辰秋後以念聖母矢志齋素用膳初係金玉自後止用磁漆器袍服大袖止畱尺五寸命閣部大臣亦以尺五寸為則辛巳六月瀛國太夫人徐氏言夢皇太后鑿輿下降笑語如家人請上除齋戒日外不妨量用肉味奉旨聖母託夢朕心不勝思慕除郊廟祭告遣謁忌辰朔望仍齋戒外其餘日用常膳於奉先殿收回祭器量用自是始用葷然每當祭祀散齋七日齋三日皆出宿文華殿或武英殿俟禮畢始回宮云

欽定四庫全書

卷一百一十一

十一月 日刑部奉旨周延儒機械欺蔽比匪營私濫用匪人封疆貽誤屢旨已明所擬豈足蔽辜姑念一品大臣著錦衣衛會同法司于寓所勒令自裁准其棺斂回籍先是部院看議云周延儒召起田閒隆以師保可稱千古殊遇受事之初將順聖明有錫租起廢解網肆赦諸大政天下想望太平自宜永矢精白仰贊宸猷乃防簡疏於比匪居身涉於營私又云精神慣用之揣摩伎倆總歸於閃爍一時之倖竇日甚狐假公行自誤因以誤國嗟何及矣以大臣受財枉法律擬令發煙瘴地方充軍奉旨勒令自裁蓋出自聖斷云

部院看語略摘數句實中情罪受者當亦心服若如流傳種種至有受賄縱敵之說夫力能殲敵方能縱敵漫坐以莫須有之案有識者俱不以為然也

同日奉聖諭罪督范志完趙光忭辭敏中失陷封疆著即會官處決吳昌時把持朝政奸狡百端也著斬決了罷吳姓發雲南金齒

充軍

法司看議云吳昌時偏身鱗甲轉眼戈矛生平伎倆在於依附逢迎晝夜營謀惟是挑構反覆望門依附則改頭換面以呈身入幕求容則砥疇吮癰而獻媚陽為詭譎反誇作驅除奸黨之功明肆傾排偏矜有護豈正大之力投拜罪輔辭國觀遂覬覦乎考選串通逆案馮銓而假竊其聲靈舊家臣清執之品自昌時入而銓政亂是累家臣者昌時也舊輔臣柄政之時自昌時用而議論煩滋是該輔臣者亦昌時也數語描寫已盡可作昌時小傳也 光忭由兵部任宿雲巡撫以劾總監鄧光韶請戍薊州破日廷臣咸薦其才起任薊遼總督竭家貲以練兵竟與志完同戮識者冤之

欽定四庫全書

卷一百一十二

街者曰賊至矣闔城男女驚起狂奔至曉寂然未見有賊如是者數夜人皆玩之不以為意及是曉登城望之滿江皆賊船矣兵民一時驚潰賊入城盤踞楚王府搜取庫藏及劫掠紳民無遺以復輿籠王沈之江屠戮數萬人驅男女數萬人於教場聲言點名眾既集傳令跪上者亂砍跪下者亂箭射死百無一存積屍浮江江水為赤其未殺者多別斷手足斃毀目鼻無一全形獻忠遂僭稱偽號鑄西王之寶稱武昌曰京城偽設六部五府開科取士殿試取三十人為進士投郡縣官在城各官死難者參將崔文榮與賊格鬪死長史徐學顏為眾賊斷左臂右手持刀不仆賊支解之鄉紳大學士賀逢聖與文榮守德勝門城陷歸家衣冠向北再拜以巨舟載其家出墩子湖鑿舟全家溺死子觀光明俱夫婦同死逢聖屍沈百七十日不壞至十一月壬子始克斂自此後岳長衡永相繼告陷八月破岳州長沙巡撫劉熙祚長沙推官蔡道憲俱被執不屈殉義最烈別有詳記同時殉難者又有知縣嘉魚王良

鑑鍾祥蕭漢蒲圻曾斌均州胡承熙衡陽張鵬翼與都留守徐壽
崇武昌通判李毓經歷任文熙

上聞闖賊在榮汜密禹之閒嚴令孫傳庭出關相機掃蕩先是賊
盤踞楚豫間有窺關中逼金陵之意廷議催傳庭進剿傳庭故將
家子九邊精銳悉隸麾下又據潼關之險初試小勝遂欲一大創
之恃高傑為推鋒傑不肯用命再三止傳庭勿出秦撫馮師孔數
言頓兵久安非朝廷命戰意也且賊日強橫將何所底傳庭不得
已以八月二十日出師逼賊賊懼精銳棄去我屢有斬獲遂
以捷聞前行三百餘里賊伏盡起進退失據勢極不繼兵眾大潰
時將士家屬盡在涇原高傑謂潼關不可守莫若收合各兵保西
安以固根本傳庭不許曰若退則潼關不可守不如聲言進戰使賊
聞而遁我可待餉賊偵知之明且挑精騎壓壘我師即奔潰器甲
山積騎兵悉退入關步卒後至賊尾之獲所棄甲仗甚眾乃偽為
步卒裝雜入關關內伏兵既多礮聲一响關門即開時九月初六

日也諸帥倉皇四散西安人王根子私降賊縱賊大人道臣楊王
休布政陸之祺以下皆降西安遂陷傳庭方在關上為所阻西番
喇嘛僧二百餘擁之西行死於亂兵自傳庭死而秦地悉陷遂破
榆林入太原直逼京師矣一時殉難死節者省城則巡撫馮師孔
按察司王綱長安知縣吳從義渭南知縣楊暄商雒則道臣黃世
清蒲城知縣朱一統商州鄉官則原任尚書南企仲請封副都御
史朱崇德原任巡撫焦源清焦源溥御史王道純參政田時震主
事南居業蒲城鄉官則副使祝萬齡咸寧舉人朱誼泉中部知縣
則朱新楚有一未配妾亦投縲死都司吏邱從周亦罵賊死
孫公以將種奮跡甲科由知縣升吏部有吏才崇禎七年任陝
西巡撫禦賊有功即遷保定總督以同事不相能稱病求去言
官論其卸責誤事革職下獄張獻忠既降復叛楊嗣昌失事自
盡傅宗龍汪喬年相繼敗死孫從獄中請討賊自贖乃復官總
督勦寇初奉密諭斬賀人龍撫其部眾分將領之誓師出關頗

有成畫方捷報至京廷臣動色相賀未幾而敗報踵至矣考其
所由皆馮撫趨之又是時熊給事人霖方奉使在秦亦責以奉
命討賊宜速進毋退不得已微倖一出竟至於敗嗟乎國之將
亡神奪其鑿四路出師決於紅旗之踵至松杏敗績成於職方
之坐催潼關不守陷於熊馮之譙論遂至於一敗塗地中原為
墟是誰之咎歟然而馮卒能盡職熊於國亡之後亦航海全節
而死悉可免後人之苛論矣

自項自初起至是歷掠十餘年既席捲楚豫始有大志然地面通
皆戰場所得郡縣官軍旋復之既奄有全秦百二山河遂不可制
自成據秦府偽授秦王存樞權將軍世子妃劉氏曰國破家亡願
求一死自成遣歸外家秦藩富甲天下賊之犯秦也戶部尚書倪
元璐奏曰天下諸藩無如秦晉山險用武地也宜諭兩藩能任殺
賊不妨假以大將之權如不知兵宜悉輸所有與其齎盜何如餉
軍賊平之後益封兩藩各一子如新王例亦足以報之兩王獨不

聖十一宗之禍乎賢王忠而熟於計必知所處矣書上不肖賊初
專事殺掠牛金星勸以不嗜殺於是禁戢其下民間安堵遂改西
安府為長安府

自潼關既破賊乘勝長驅如入無人之境京師大震廷議以兵部
侍郎余應桂為總督命御史霍達為監軍十一月初三日上召對
諭應桂曰逆寇入秦特命前往早平狂寇早安萬民有真勦然後
有真撫有好將然後有好兵有好有司自然有好百姓在爾實心
去做應桂再三稱難言賊已入關州縣瓦解所發臣兵三萬及糧
餉尚無實著陝西既為賊所蹂躪本地糧餉如何追徵所撥川餉
亦隔省為梗上呼戶臣倪元璐問該部何以應之元璐奏懷慶見
貯有餉銀十五萬又司官劉邦弼催到十萬又贖有五萬秦中餉
餉原額七十餘萬如西安未破該督設法督催接應應桂奏催
餉已難只有山西就近可以接濟元璐奏山西近京只有此項可
濟邊需不敢輕許上曰也要撥些與他應桂奏要幾員好將官上

呼署兵部張伯鯨諭宜選兩員與他伯鯨奏他討馬岱已推保鎮
尤翟文已回止有孫獻捷見在京營應桂奏原任保鎮姜瑄以通
賄薊鎮薛敏中以失事二人可用上不許著另推呼霍達命作迷
前去料理霍達奏昨據按臣金毓峒報孫傳庭不知下落按臣馮
師孔西走未知存亡如有兵有餉臣不惜一死以報皇上無兵無
餉空死無濟因慟哭伏地上許其熱練地形實心任事今照諭內
事有功破格賞升上命閣臣擬諭頒給銀幣給緡各項爲犒賞用
又令御馬監撥馬數十匹與家丁騎坐令兵部速選將官同去又
命吏部李遇知察邊撫宜易者因易甘肅巡撫林日瑞云時賊
已入關方推秦督無肯行者上謂罪廢諸臣原以知兵舉何至今
推督撫便若無人聖意蓋有所指應桂亦其一也部中不得已推
之然實非邊料上特賜宴於中左門直房令閣臣侍宴應桂得命
後日夜悲泣勉出都門則僞官充斥赴任無地矣
是時朝無確報相率自愚莫有以賊在意者閣中票旨但云以

匹馬不入爲功兵部議兵但云以死報國未聞作何料理上下
相蒙馴至敗亡莫之省也

李自成既破西安遂破延安破鳳翔以達榆林兵備副使都任及
總兵王世顯侯世祿侯拱極尤世威惠顯李昌齡尤翟文等敵各
堡精銳入鎮城大集將士問之曰若等守乎否乎各言效死無二
遂推世威爲長主號令繕甲兵賊遣僞官說降不聽賊怒環四面
攻之城上強弩射殺賊無算賊稍卻已復益兵力攻逾旬不克
賊以衝車環城穴之城崩數十丈賊稍入城遂陷都任合室自經
死尤世威縱火焚其家百餘口揮戈突戰死諸將各率所部巷戰
殺賊千計賊大至殺傷殆盡無一降者合城婦女俱自盡文武將
吏以及士民死者數萬人榆林爲天下勁兵處頻年缺陷軍士飢
困而殫義殉城志不少挫榆林既屠賊擄靈夏總兵官撫民迎降
三邊俱沒賊無後顧長驅而東矣攻慶陽城守不支遂陷執韓王
兵備段復興知府董宛卿紳太常少卿麻僊俱死之已復遣賊陷

甘州賊渡河莊浪涼州二衛俱降遂圍甘州巡撫甘肅林日瑞已
奉旨罷職尙未離任同總兵郭天吉同知藍臺等並以力屈死之
居民四萬七千餘人西寧堅守不下至明年二月詐降殺僞官賀
錦等

張獻忠既破武昌隨返兵破長沙一路至四川陷涪州瀘州圍佛
圖關進圍重慶悉力拒守四月而陷瑞王闖宮被難舊撫陳士奇
知府王行儉皆死之賊屠重慶取丁壯萬餘列耳鼻斷右手驅至
各州縣兵至不降者視此爲例但能殺王官府吏封府庫以待則
秋毫無犯由是所至官民自亂無不解甲投降者進陷成都蜀王
亦合宮被難巡撫龍文光及道府各官皆死之姓名不能詳紀所
知者惟推官劉士斗華陽知縣沈雲祚仁壽知縣顧繩貽成都知
縣吳繼善繼善一門四十餘口皆同日并命爲尤慘云獻忠大索
全蜀鄉紳至成都皆殺之既而出榜試士諸生遠近爭赴獻忠以
兵圍之擊殺數千人皆披紙搥筆以死蜀中士類俱盡復大殺百

姓全蜀數千里蕭條絕無人跡蓋甲申年秋冬事也中原多故獻
忠遂奄有兩川李自成敗後益發兵攻漢中陷之獻忠遂巡自守
不敢出來未幾獻忠以病死於蜀以養子孫可望嗣領其衆焉
當時破京師弑君后者闖之罪惡實甚於獻而蹂躪楚蜀殺人
盈野者獻之暴虐尤甚於闖蓋天實生此二賊以亂天下跡其
所爲固多史冊以來所不經見之事近與吳梅村先生記兩寇
始末頗詳茲不具述

上念宣鎮陵京藩屏援勦必先以馬缺發御前銀三萬給鎮臣唐
鉅令市馬聞臣蔣德璟奏言該鎮買馬額銀兵部歲發不貲未見
作何收買茲復另發既非例且恐鉅復浪費一擲也上不聽未幾
大同山海各鎮臣引例討御前銀買馬上思璟言不復發鉅以宣
淫爲宣督王繼謨參提前銀竟不可問
吏部文選司兵部職方司爲用人之地歷任正郎多不能副上意
因特起原任太常少卿沈自彰以原官管文選事原任四川布政

張法孔以太僕少卿管職方事沈係辛丑科由縣令歷任部曹府道以天啟年布政升常少崇禎元年致仕張係庚戌科由戶部歷任司道丁丑年以四川布政考察革職茲忽以陳方二輔薦特起廢籍改授吏兵部司官皆未有之異事也到任未久即遭國變不能殉節為賊夷辱而死

浙粵二鎮缺已一年因營求者多相持久不推有大瑞王之心之弟之仁久欲得之兵部堂司引嫌置為緩局以致蜚語上聞特召職方郎王永積入德政殿詰其不推之故永積以邊鎮方急未暇推及內地為對亦實語也上怒鑄其官實欲出此缺以予新職方也有大力者亦果得二鎮以去

十七年正月大風霾占曰風從乾起主暴兵破城鳳陽地震陽賊李白成稱王於西安僭國號曰順改元永昌以牛金星為偽丞相立六政府尚書等偽官恣掠河東河津稷山榮河絳州一路遣偽牌投於兵部言三月十日至會同館繳兵部執牌者訊之則京師

人自涿州還值逆旅客與十金代投以為詐斬之

宮中向有密室累朝不開至是上忽欲開視大瑞固諫不聽開進見空房三間中惟小紅箱一隻啟視之有小畫三軸其一畫文武百官俱手執朝冠披髮亂走狀上曰此殆言官多法亂耶其一畫兵將倒戈棄甲窮民負襁奔逃狀上曰此是軍民背叛耶其三畫軸止畫有一人短衣跣足披髮中懸儼然御容也羣瑞相顧失色上為憮然而出

吏科吳麟徵疏請棄山海關外寧遠前屯二城撤吳三桂入關屯宿近郊以衛京師蓋寧遠在關外徒守甚難先年職方趙光怵出關察核已有此疏議者謂無故棄地不可今當有警徒三桂精兵入援實要計也上下廷臣議閣臣謂關門兵未可輕調棄地作何名目持不可且咎麟徵言之失乃不果行三月中警報益急兵部亦以為言上獨斷其是內閣乃肯行猶請降旨吳三桂問撤兵事如何往返經月遂遲師期三桂以二十日抵豐潤京師先以十五

日陷矣

罷兵部尚書馮元颺以原任兵部都給事中升添設兵部右侍郎張縉彥代之仍兼翰林院學士

縉彥初任縣令以禦寇有功考選戶曹以召試改翰林時楊嗣昌為樞輔屬其私人沈迅薦縉彥才改授兵部都給事本欲收大法一疏沈為駭切可謂克稱其職矣至是方以科詎起得遂超拜佐部即正樞席皆出帝心特簡受事未久即遭大故先既不能畫一策以濟變後又不能拌一死以報國南渡之日幸借名以復官鼎革之後又反顏而受職究以飾名獲罪禍及身家可不哀哉

元颺與其兄元颺同以文章聲氣名振一時推為大小馮云颺在諫垣頗多讜論晉任中樞以值時事艱難之秋自知不能勝任故託病堅辭幸得卸責歸未幾即以病終颺任天津巡撫北

都變後潔身自旋未幾相繼齋志而沒識者悲其所遇之不幸矣

命免金聲遠問授翰林修撰來京陛見聲初任庶吉士己巳之警同劉之綸請纓自效改授御史監軍事平解任養親家居迨寇警練軍以衛地方鳳督馬士英所募兵過徵爭鬪失事士英具疏參之奉旨逮問聲亦先具疏辨上察其枉且追念昔年舊勞故有是命并諭追卹之綸云聲是時已丁艱未遑赴召乙酉之變起義不克挺身赴難從容殉節於舊都

正月三十日上召閣臣及吏戶二部臣入文華殿諭吏尚李遇知曰廷臣所舉知兵及清官皆當核實不得濫徇又諭戶部倪元璐曰各邊需餉日急目前即要措處百萬元露言外解未到途中梗阻因言浙中東陽土寇之變上曰不必奏即與輔臣商議措置因取光時亨疏目閣臣曰先生每稟擬須體朕意這票內聚斂小人是何人閣臣蔣德璟對曰即是指揮餉部科上曰部科何人璟曰

原任戶部尚書李待問科臣偶記不真上曰朕如何是聚斂當時
只欲練兵環曰既有舊餉五百萬新餉九百餘萬復增出練餉七
百十三萬當時部科實不得辭其責且所練兵馬今皆安在上曰
倪元璐已并三餉爲一了環曰戶部雖并三餉爲一州縣追徵只
是三餉上怒曰前稟孫晉本既是徇縱道光時亨本內所參何人
並不明言這等稟擬顯係朋黨環奏臣孤蹤獨立與二臣並無一
面一向在御前說練餉當蠲聚斂之非不是今日方說諸輔臣同
李遇知倪元璐皆爲求寬倪止以鈔餉係戶部職掌自引咎上曰
起來諸臣承旨退後環具揭待罪奉御批朕知道了而鈔餉法
已停免練餉亦議裁矣環連疏求罷至三月初二日始得旨允放
仍賜銀幣乘傳云先時有建議行鈔法者鈔背書寫行使姓名五
年填滿繳換上以堂印鈔之命侍郎督寶鈔提舉司關中票擬屢
不合旨上於宮中傳鈔式令鑄印二面相連又改五年爲四年云
命大學士李建泰出師勦寇二十六日行遣將禮命駙馬都尉萬

煒以待牲告太廟上親御正陽門授建泰節劔備法駕警蹕賜宴
儀之五府掌印侯伯內閣六部都察院掌印官及京營總協侍立
鴻臚贊禮御史糾儀大漢將軍侍衛設宴作樂上親賜建泰御酒
三杯卽以杯賜之慰諭再三曰先生此去如朕親行令內瑞爲之
挂紅簪花鼓樂導向方劔而出上目送之又賜手敕有願卿早蕩
寇氛旋師奏凱封侯進爵鼎彝勒銘語官軍旗番十餘萬自午門
排列至正陽門旌旗金鼓甚盛建泰御肩輿行不數武楨折識者
知爲不祥是日大風沙占曰不利行師授進士凌嗣職方主事隨
輔臣監軍赦李政修軍前效用以郭中傑爲副總兵充中軍旗
鼓西洋人湯若望隨行修火攻水利建泰出都道聞山西烽火甚
急因遲其行日三十里師次涿州營兵逃歸者三千人次東光紳
矜城守不納雷攻三日破之答知縣張弘基殺鄉紳王佐是日卽
移師出城初建泰承上寵命恃有家財可佐軍需後聞家已破進
退失據有逸巡畿內而已

二十九日上傳命工部尚書范景文禮部侍郎邱瑜俱以原官入
閣辦事後城破上崩閣臣中從死者惟景文一人不然黃扉一席
地盡作南冠楚囚矣

李自成陷蒲州及汾州遂以二月初五日薄太原山西巡撫蔡懋
德遣牙將牛勇朱孔訓出戰孔訓傷於礮牛勇陷陣死一軍皆沒
城中奪氣困守兩晝夜初七夜風霾大作初八辰刻風愈烈飛沙
揚塵賊乘風緣梯而上城遂陷懋德先已知不支手寫遺疏付監
紀賈士璋曰君將此疏上聞俾朝廷知今日尙存不逃不降從容
盡節之臣也時緊隨惟中軍應時盛時盛先謂妻孥曰外無救內
難守撫院忠義自矢吾自誓必相從汝輩不若從吾皆爲厲鬼毋
爲賊辱也先將妻妾及一子手刃之次日同撫院被執不屈罵賊
而死同死者布政趙建極守道毛文炳而下共四十六人姓名俱
載破太原後遂至忻州攻代州薄靈武關總兵周遇吉悉力拒守
殺賊萬餘或言賊勢重可款也遇吉曰戰三日已殺萬賊能勝之

一軍盡爲忠義萬一不支縛我以獻若輩可無恙於是衆心益固
會兵少食盡不敵而敗城破猶揮刀力鬪被執磔死遂屠靈武賊
遂移檄遠近有云君非甚開孤立而煬蔽恆多臣盡行私比黨而
公忠絕少甚至賄通宮府朝廷之威福日移利入滅紳開左之脂
膏盡竭又云公侯皆食肉統袴而倚爲腹心宦官悉戴犬豚而
借其耳目獄囚繫繫上無報禮之心征斂重重民有偕亡之恨人
讀之無不扼腕憤恨者

上下罪己詔曰朕嗣守鴻緒十有七年深念上帝陟降之威祖宗
付託之重宵旦兢惕罔敢怠荒乃者災害頻仍流氛日熾忘累世
黎養肆甘載凶殘殺之益驕撫而輒叛甚有受其煽惑頓忘敵愾
者朕爲民父母不得而卵翼之民爲朕赤子不得而懷保之坐令
秦豫邱墟江楚腥穢罪非朕躬誰任其咎所以使民罹鋒鏑蹈水
火殫量以擊骸積成邱者皆朕之過也使民輸芻輓粟居送行齋
加賦多無藝之征預徵有稱貸之過者又朕之過也使民室如懸

磬田卒汚萊望煙火而無門號令風而絕命者又朕之過也使民
日夜告凶旱潦洊至師旅無處疫厲為災上干天地之和下激室
家之怨者又朕之過也至於任大臣而不法用小臣而不廉言官
首鼠而議不清武將驕懦而功不奏皆由朕撫御失道誠感未孚
中夜以思踟躕無地朕自今痛加創艾深省夙愆要在惜人才以
培元氣守舊制以息煩囂行不忍之政以收人心獨額外之科以
省民力至於廢罪諸臣有公忠正直廉潔幹才尙堪用者不拘文
武吏兵二部確核推用草澤豪傑有恢復一郡一邑者分官世襲
功等開疆即陷沒脅從之流能舍逆返正率眾來歸許赦罪立功
能擒闖獻仍予通侯之賞於戲忠君愛國人有同心雪恥除逆誰
無公憤尙懷祖宗之厚澤助成底定之大功思克厥愆歷告朕意
吏部奏大寇就擒奉旨陳子龍定變可嘉著授兵科給事中先是
東陽之變許都為主都故任俠好義遠近信服邑令姚孫棐
貪虐殘民假名備亂橫派士民輸金而坐都以萬計都實中人產

宗廟劫案四

勉輸數百白詣告滅因有竹適有奸民假中璫言名招兵者於都
無涉也事發文致之又摘其所刻社稿姓字謂是結黨謀叛會都
葬母賓客成集負氣者互煽之因發憤舉兵以誅貪吏為名民怨
毒已深旬日之間遂聚眾數萬掠東陽義烏浦江三邑巡按左光
先聞變即調兵行勦民各保寨拒敵官兵大敗子龍時為紹興推
官命之監軍子龍謂都實非反不過為貪令所激耳令親信齋書
往諭都即率其同事十三人解甲投降子龍為之請命光先皆不
許悉斬之餘黨盡散浙亂以平子龍向以文章名世南渡時為諫
官有聲國變之後謀起大義不克而死
山原任兵部尙書張國維於獄召對中左門命以原官督浙直兵
餉國維拜命後知賊信漸迫星夜率數騎南行得不及於難吏科
馬嘉植韓如愈等亦借催銀等差並轡而南至山東如愈為劉澤
清差兵殺死于道
國維本浙人在諫垣時能不附同鄉烏程之黨然亦不為崖異

故烏程容之鎮撫蘇松歷七年之久雖無大功績而與民休息
民頌頌之至中樞重任本不能勝況值時事多艱前人敗壞之
後耶非特科道交章論列有曰深揖打恭便成職業亦略大而
忽細也弘光時再任戎政與馬阮不合先幾乞身人謂其愚不
可及南都既覆錢塘盡守卒能竭力盡節一死以畢其事噫亦
可以傳矣

召對文華殿上詢左都御史李邦華密奏內云輔臣知而未敢言
其試用之語是指何事輔臣陳演封中允李明睿疏及少詹項煜
議單上即俯閱默然將德環奏廷議俱言東宮宜往南京監國上
不應次日給事中光時亨即疏參李明睿南遷為邪說明睿疏辨
上即召光時亨面詰曰一條邪說卻只參李明睿何也顯是朋黨
姑且不究又曰諸臣平日所言若何今國事至此無一忠臣義士
為朝廷分憂其所謀乃若此耶至三月初四日召對復諭閣臣曰
督輔李建泰有疏勸朕南遷國君死社稷朕將何往大學士范景

宗廟劫案四

文左都李邦華襄城伯李國楨請先奉太子撫軍江南光時亨曰
奉太子往南諸臣意欲何為將欲為唐肅宗靈武故事乎景文等
遂不敢言上復問賊守策眾皆默然上歎曰朕非亡國之君諸臣
皆亡國之臣也遂拂衣起
嗚呼遷國圖存古人有行之者至於東宮撫軍雖屬權宜實為
要計但遷亦何易言斯時賊鋒已蔓齊魯南北聲息中斷即出
國門能一往無咎哉上之英明早已見及故屢次召對環顧無
人不禁徬徨慨歎耳聞曾私語首輔演曰凡事要先生一擔演
默不答既復有朕要做先生偏不要做之語上意可知已此時
計復何之惟有斷然守君死社稷之義為正矣悲哉朕非亡國
之君諸臣皆亡國之臣之語也此真千古至恨豈直遺民私痛
已哉
詔封各總兵吳三桂平西伯左良玉廬南伯唐通定西伯黃得功
靖南伯劉澤清賞升一級劉良佐高傑馬岱岳馬科姜瓖孔希貴

黃斐葛汝芝高第許定國王乘肩劉芳名李棲鳳曹友義杜允登
趙光遠上從吉楊御蕃等各升署一級各督撫亦分別加升始徵
吳三桂王永吉率兵入衛又召唐通劉澤清入澤清前命移鎮彰
德因縱兵劫掠臨清南奔通以八千人入壁齊化門外陸見上慰
勞倍至尋出內帑十萬命太監杜之秩監其軍通倂傲甚謂上大
帥我又以內臣節制我是不敵一奴才也隨奏兵寡賊眾不敵
皆往居庸關設險以待拜疏即行不俟朝命既至居庸即倒戈降
賊矣

命太監高起潛杜勳等分往天津保定真宣各鎮監軍兵部言各
處物力不繼而事權分納反使督撫各官有所藉口上不聽命進
魏藻德禮部尚書兼工部尚書文淵閣大學士總督漕運屯練往
天津方岳貢戶部兼工部尚書文淵閣大學士總督漕運屯練往
濟寧會行言各官不可令出即潛遁遂止不遣未幾陳演蔣德
環相繼告歸藻德即為首輔當演罷之先一日上語演曰朕不要

做的先生偏要做朕要做的先生偏不要做蓋指言南遷及遣兩
輔諸事也

賊犯大同兵民皆欲降命守城眾不應總兵朱三樂自刎巡撫衛
景瑗督糧戶部郎中徐有聲巡道朱家仕俱死之文學朱若葵合
家九人自縊先題曰一門完節李自成入大同殺代府宗室殆盡
西僞將張天琳守之天琳殺慘凶暴後為陽和軍民約鎮城軍民
內應殺天琳

賊犯保定督師李建泰已病中軍郭中傑縋城降賊賊入城建泰
被執御史金毓峒守西門賊執之入三皇廟見賊帥毓峒奮拳毆
賊帥仆地躍入井中死妻王氏自經從子振孫以武舉效力行間
登城射賊多應弦而斃城陷眾解戎衣自匿振孫衣襦褌大呼曰
我金御史姪也賊支解之毓峒子婦陳氏年十八與其祖母張氏
母楊氏嫂常氏盡投於井張抱一孫於懷而下侍婢四人亦同下
時三月廿一日京師已先三日破矣

賊陷陽和遂長驅向宣府宣府叛將白廣恩貽總兵姜瓖書約降
監視太監杜勳緝袍八驛效迎軍民聚謀藉藉巡撫朱之馮獨行
巡城見大敵曰汝曹試發之可殺數百人賊雖殺我無恨矣眾又
不應之馮不得已乃自起然火兵民競挽其手之馮乃奪刀自刎
死軍民遂迎降紳張羅彥自殺


時京師以西諸郡縣望風瓦解將吏或降或遁賊移檄至京寫十
八日至幽州會同館繳京師大震十六日陷昌平州十七日上方
御殿召考選諸臣問裕餉安民策對未及半祀封入上覽之色變
即起入諸臣立候多時命俱退始知為昌平失守也是夜賊由沙
河直犯平則門竟夜焚掠火光燭天十八早朝上召對諸臣而泣
俛首書御案十二字以示司禮監王之心即拭去諸臣方侍班襄
城伯李國楨匹馬馳闕下汗浹沾衣內臣呵止之國楨曰此何時
也君臣即求相見不可多得矣上召入奏守城軍不用命鞭一人
起一人復臥如故上乃命內臣俱往守賊十九日早大雨雨止賊

攻城擊聲不絕土幸南宮登萬歲山望烽火不絕徘徊踰時回乾
清門殊書諭內閣成國公提督內外諸軍事夾輔東宮時諸閣臣
已出內臣置几上而去上入中宮視后繼畢仍回南宮登萬歲山
之壽皇殿自縊亭新建閣內操處也太監王之心對繼文武諸臣
相隨死難者閣臣范景文而下凡二十餘人另有紀

右崇禎朝紀事四卷李進之撰進之字庸公江陰人李忠毅公應昇之子篤守家學不求仕進人國朝隱居沒世江陰志不載其人事蹟亦罕傳所著有李忠毅公年譜見魏叔子文集有三朝野紀七卷見明史藝文志世所傳舊鈔本及荆駝逸史本均不全此從京師故家鈔得崇禎一朝爲書四卷較逸史所載崇禎朝不啻倍之疑逸史系刪節本此則全本也惜仍缺泰昌天啟兩朝無從補全然以當時之人序當時之事不偏不倚宛曲詳盡在明末野史中論議最爲持平亦可想見庸公之爲人矣光緒丁酉重陽日武進盛宣懷跋

Faint, illegible text, possibly bleed-through from the reverse side of the page. The text is scattered across the upper and middle portions of the page.

楊監筆記



楊監筆記

余祖籍湖廣麻城人本姓李後遷居荊州沙市父諱鎮素好習武中武進士後出仕陝西副總兵 崇禎十一年告病閒住後天下大亂流賊老回回破荊州擄掠沙市父母全家死難余時纔七餘奶母抱逃陷賊營賊目劉四收養為子七歲母舅黃九公亦在賊營為大將軍帳下恭將抱余密言爾係我親外甥本姓李是麻城李家爾父曾為明朝副總兵劉非爾父乃害爾父之仇人也大哭而別 永曆九年余又隨劉寄父出征雲南遇 永曆出廣東寄父受 永曆詔書出鎮守雅州入見時孫可望欲害 永曆又恐 永曆不能成事降孫可望本年李定國從廣東扈 永曆上雲南收復四川等處地方余時年方七歲寄父復降 永曆命照職鎮守本管地方月餘有 旨將

楊記

各鎮總兵副將子七歲以上者俱要入京伴太子讀書寄父着得力家人八人送余進京帶珍寶數千金欲賄上下不期家人將隨帶之物俱匿起送余入內余時年八歲月餘竟將余同眾二十餘人淨身入禁隨來八人俱各逃遁剩余一人身體全愈時方近御 皇上見余幼小留在宮中隨太子居住余年雖小時時想母舅之言故復姓楊上賜名德澤後長成自號虛倫時一切衣服飲食俱是娘娘照看待余如兒女如此三年余漸長成送入文書房值本章匣隨 駕伺候時內侍共有數十人宮闈中凡大小機密之事俱是余收管故能憶其大畧偶記始末也

大明皇帝永曆在位一十八年 永曆原係 泰昌皇帝

次子封桂王鎮湖廣辰州府後因 崇禎皇上駕崩內監龐天壽楊國興等會議大臣扶立為帝時辰州 永曆不能久居只得就廣東肇慶府建都己居五年力不能住正在危急之間遇李定國改邪歸正自來降服力保中興就封李定國為晉王後遷都雲南時小內監楊德澤常住宮中出入見 皇上日用一動一靜並不像 皇帝家行的事且數年以來凡所用現存內庫銀錢並無有十金之數所穿衣服亦無三件之餘足下之履不過兩雙所進之膳不過隨便一飽而已膳金雖餘奈 皇上每日減去湊助兵餉又恐過費又嘗自言寡人非有之想只為 二祖列宗社稷中興之大事也每遇新歲時對正宮而言我夫婦切莫言歲旦之歡且克念 二祖列宗在幽冥含淚之

楊記

苦想你我何意放得下 皇后答曰 聖上說得是時 娘娘見宮中十分清淡不堪暗叫皇親家夫人處做些飲食之類進來不期 皇上一見大怒曰我今為天子大位豈不知享用乎但未到享用之時尚且目今諸王大臣大小三軍俱在外受苦之際我竟伴為不知獨享受用豈不是欺瞞了 二祖列宗如寡人懷如此之行上天豈能容我焉能有中興之日汝皇親國舅俱是富貴中之小人竟不知大義如今再要行此禮即當誅之言罷就將所進來的食物盡行抬出隨將管門內監提督等官俱各痛責罰俸一年助餉自此以後絕無人送進食物矣每到隆冬之時夜與 娘娘同觀本章必至四鼓夜深甚寒袍服單薄不能煖身常將被披之且龍體原有胎中所帶痰火之症必用些藥酒方能和暢奈庫無銀倉內又無粟將何置

辨只得甘受而已忽一日痰火大發詔太醫院官入宮診脈罷奏曰 皇上龍體皆是受寒之過且又是痰火舊恙發了必得藥酒宣通血脈方能得愈 皇上大笑而言曰朕非思酒之病也朕不用藥汝等出去再議太醫院官出時 皇上自言曰朕非不服藥也只恐過費錢糧之故耳後李晉王聞知就親來請安連滿朝文武俱各來請安時李晉王奏曰臣忽聞 皇上萬乘之體得受寒疾臣所望者何人也况且寒病非尋常之病萬望 皇上保重龍體今臣備得新袍二件望 皇上龍顏笑納此非今日所製是臣在廣西帶來的還未穿過今特進上以表臣一點忠義之心時晉王奏之再三方纔收下 皇上言曰寡人受寒冷理之當然豈如王在疆場中爲國勞心撫助中興全賴卿力也此皮衣當留在卿處早晚遮寒晉王復奏曰臣

楊記

二

若貪飽煖圖富貴榮華豈不辜負我 皇上並眾文武三軍之心哉臣今苦告 皇上從今日以還 聖明再不必爲臣一身之憂奏畢與眾文武辭 駕退朝不題時 皇上親書硃詔貼午門外曉諭太醫院並內監等官朕身不過受些風寒今已全安爾等在外大驚小怪謠言惑眾况且晉王與文武眾官俱有國事朕又非大病汝等向外謠言應該重究今且暫赦俱各罰俸一年以助軍餉若再有妄談國政惑亂三軍者罪在不赦矣 皇上曉諭之後凡一切大小事務俱用密 旨出入 皇上又常向內大臣龐天壽言曰爾見我所行的事務可有差錯之處倘有差誤你當直諫不必隱匿龐公奏曰臣見 聖上所行一切國政上合天意下順民心真堯舜之君也今天下事已大定我 皇上不自晏安反勞遠慮誰能及我 皇上哉臣

等沾 聖恩浩蕩深仁洪慈似此仁德之舉未有不感動天心而中興者也萬望 皇上龍顏放寬不必憂慮奏罷退出自數年以來 聖駕無一日不臨 太祖閣上此閣在宮中每俯伏而泣曰我 祖宗你兒孫何日方得中興之日也每逢告太廟之時必誠心齋戒方同文武大臣去祭 皇上祭畢就向晉王並眾臣大泣而言曰寡人乃無福之人也想汝等如此勞心勞力如何不能得個平定之日朕竟不知朕是何人也時君臣相抱而泣如此者非止一次內有 正宮王娘娘才德相兼頗有賢名常隨 皇上議論本章晝夜不惜勞苦能守清淡雖是夫妻舉動必行君臣之禮每日清晨必有一朝雖處亂世必行太平之儀旁有二貴人不過稱以貴人之名實無貴人之位雖有三宮之名而無三宮之榮宮闈中宮眷等俱是苦苦相守

楊記

三

自元年至十三年從未見 皇上有一刻歡顏惟望中興不期遇貴州孫可望領兵攻打雲南時兵馬雖多而糧草不足君臣日夜躊躇只得發兵迎敵當時雖有二王未知其心其晉王李定國常懷忠義之心其蜀王劉文秀每與孫可望合兵暗藏叛逆之意不便留劉文秀看守城池又不便叫他領兵去迎敵只得將二王的兵俱發出防守以防劉文秀有懷裡應外合之心其時內大臣龐公已故又無有才能者一人進退兩難幸有沐國公保守城池不期城內又有孫可望的心腹保國公王尙禮在城內接應孫可望之兵事在危急之際時遇 永曆十一年九月十一日忽聞晉王報捷的本章來君臣稍有定息 皇上覽罷本章傳遞與沐國公與眾文武奏曰今孫可望大敗皆賴我 皇上洪福齊天之慶也賀畢 皇上就向沐國公言

曰孫可望雖敗餘賊未誅卿等還當照常保守城池切不可懈怠且待二王回兵之日再作議論彼時就叫晉王差的來使近前吩咐說你王之功非小至於三軍眾將應當重賞奈今府庫正在乏用之時汝王一盡知今將宮中一年的費用汝帶往軍前備買羊酒與諸將三軍舉杯微表寡人一點遠望之心也俟平定之日叙功陞賞汝今同營再對汝王說今孫可望雖敗去正在計窮力竭之際須防他投降清朝此事暗意打聽今城內的事有沐國公保守汝可速去同我差官一齊往彼使去之後未及十日忽有人來傳至內庭說沐國公有事面奏彼時 皇上出宮上殿宣沐國公進見沐國公奏曰臣接得李晉王的密報內云今有逆賊張勝領兵來攻城此係孫可望差來的言保國公與他接應伏乞 皇上將保國公王尚禮詔進朝

楊記

四

來只說今夜寡人十分寂寞向聞卿家有經文緯武之才閑談一叙待臣在城上防守再傳密 旨與錦衣衛等官叫他們用心防守內俱要暗藏兵器如保國公王進忠見就叫錦衣衛官傳 旨與他叫他不必帶一人入禁 皇上聞奏就說依卿所奏時沐國公辭 駕出朝 皇上即傳 旨宣王進忠進朝時王進忠進了朝見過 皇上 皇上即將沐國公所奏之事一一照行王進忠知事已敗露不覺面皆失色無言可答口稱臣向有疾病伏望 皇上天恩赦臣在朝房候 旨定奪如此再三哀懇 皇上與眾文武等只不依其時已將戌時保國公正在危急之間忽有沐國公部下副將張龍來奏曰今有反賊張勝領兵已到渾水塘啟奏 皇上知道切不聽保國公奸計要緊奏罷彼時 皇上即差近侍小內臣楊德澤同張龍

上城傳密 旨與沐國公 旨曰卿所奏之事朕一一依計而行但卿不可下城凡有所奏即差張龍來見朕內有機密之事自有近侍楊德澤到卿帳下可也凡差人來往俱是此二人罷不必再用別人時已至三更只聽城上大鬧起來時沐國公傳令叫大街小巷家家俱要點燈伺候如一家無燈火者即為同叛反賊以軍令處斬令一發兵見城外家家高擎火把張燈照耀如同白日又將保國公部下守城的兵調在大西門去了到五更時分張勝之兵已臨城下望城上大叫曰裡面的事可明白了麼城上將大石打下張勝方知事已敗露隨即同兵放火殺人沐國公先已有一千人馬埋伏在城外兵聽城上號砲一响伏兵四起將賊圍困兵有三千之數殺死有二千只剩千餘人逃去後又遇我們楚雄的至城下會殺賊兵四散只剩

楊記

五

張勝兵百餘人敗逃而去黎明至午關城未開城外營中將官報與沐國公說知張勝戰敗而逃即差張龍來奏知 皇上時 皇上命沐國公下城沐國公即下城入朝見 駕請安畢奏曰猶恐賊人餘黨未除必待三日後再開城門且將保國公緊緊看守不可放出奏畢 皇上大嘆曰昨夜之事若非國公大才保守君臣之命一旦喪在賊手矣言罷不期張勝又會永昌楚雄一帶大將軍門有才等前來攻打雲南沐國公已預先準備三日前四下俱用戰將埋伏賊人張勝等人馬將至城邊號砲一起沐國公一陣將張勝困在重圍俱已擒捉其時大開城門又重頒安民詔沐國公同眾文武入朝見 駕慶賀已畢就頒詔到李王軍前曉諭並各省地方次日國公王進忠已自盡矣又將張勝等賊人鎖縛監候待大將軍李定國來發落

時永曆十三年十月十日大將軍李定國有本來奏孫可望已被劉文秀放走去投清朝了 皇上覽罷本章即遞與沐國公並諸大臣看 皇上曰此賊即我朝之禍本也 想此賊當日將我母子轄在安龍府要置朕于死地彼時幸有李王來救我一家方得脫離虎口今日又被他紊亂國政殺害百姓竟不投降我朝放投入清營將來此賊實爲心腹之患 皇上猶恐大事有失彼時對李王來使說你可向汝王說我知道了汝王離得軍營可即星夜還朝君臣一商可也汝當速去再對汝王說反賊張勝等收監候王來朝同決其罪共議發落只恐日久其中有變此爲要緊之事汝當速去使即領 旨星夜到了軍前回復晉王晉王接了密 旨甚是愁慮欲要回兵又恐蜀王劉文秀懷亂欲不回兵又恐違了 旨意事兩難又恐雲南

楊記

六

事急日夜焦心寢食俱廢只得請蜀王來共議再看他動靜若何時正遇冬月又恐三軍寒冷兵馬難行且說蜀王又見孫可望已投清朝又知雲南事已大露量不成事矣只得來見李王遂倒身下跪在王前曰非我放走孫可望彼時因我病重不及追趕萬望兄長恕我大罪念你我疆場數十年的好弟兄乞長兄保救我一家性命俱在長兄之手晉王答曰我豈無愛惜骨肉之心奈賢弟不聽我忠義之言反信小人之語不爲正事想今日之事俱是天命豈有怪賢弟之理一切之事俱是愚兄之過也不與賢弟相干且自放心說過不題二人議畢就先差白文選進京朝見然後回兵再着精細人前去打探清兵的消息不題且說白文選乃孫可望帳下一員大將此人因 永曆六年間在安龍避難居住時孫可望差他去殺害 皇帝他

到安龍去朝見 皇上時有 崇禎舊吏陳也茂百戶葉照等官雖 皇上在不得之際且日有一朝未嘗失君臣之禮白文選因見他們如此小官且能懷忠義之心故此白文選亦就有改邪歸正之念暗懷忠義不離左右竭力保 駕他又有見孫可望待 皇上如視罪人每常提筆在案上竟書 皇帝一名 太后一口 娘娘一口太子宮主及內臣宮女以上共三十名口每名一日支口糧一升以下俱支口糧半升因孫可望待 皇上名爲天子暗爲罪人故此白文選與孫可望帳下大將軍馬進忠商議同懷忠義竭力保 駕時見可望發兵來征雲南他二人先已有本報知 皇上本上云臣二人今且暫隨孫可望領兵同到平變衛待等臨陣之時臣二人必將可望擒來見 皇上且請龍意放寬因他二人有功事平之後俱封

楊記

七

爲郡王故李王見可望事已平復纔叫他先去見 駕當時冬至月十月十五日李王回兵入朝進城見 駕君臣抱頭大哭滿朝文武無不下淚正在未散之間忽報孫可望帶領清兵來征雲南清兵已至河南地方又說領兵將軍是宗親王子同經畧洪承疇又未知孫可望在彼不在彼君臣又添一番愁悶只得將各鎮兵馬俱發在湖廣貴州等處地方鎮守時就着文選進忠分作二路進兵晉王李定國就去獨守關嶺蜀王劉文秀出四川播陝西等處地方沐國公留守雲南接應軍餉時正在出兵虛空之際又報各處土司作亂時晉王兵已至關嶺還未知土司作亂信息且又常見土人出來進貢竟不疑他只見沐國公書至方知土人作亂之信李王次日傳令三軍往彼打獵彼時連土官等都擒了就差官人京報捷大將軍李定國

因重告示曉諭安民不題且說貴州領兵的馬進忠有報
達知李王說清兵已至常德府孫可望亦未來還有本上
時白文選亦有本來奏 上見二人本章俱是一樣且土
司雖平又見說清兵已至常德府 皇上就向沐國公與
丞相馬國勳等言如今清兵將臨我境將何以處況此隆
冬之時天寒地凍錢糧久缺且又年歲荒旱人困馬乏諸
卿何以教我時 皇上仰天而歎曰此非戰之罪天亡我
也寡人無別法惟仗卿等替我設法遂大泣曰朕自即位
以來從不得一日之歡且宮中並無餘存一物將何以湊
足兵餉朕數年之間勤勞國事惟望一個中興的日子不
料一旦天亡我 明今反遺笑千古皆寡人之罪也言罷
沐國公奏曰此非 皇上之過天命有在臣等豈不知
皇上聖意克念必要存千古仁義之心慈愛過人誰能及

楊記

八

也奈天道不隨國運不轉若天運循環無往不復自有上
天相佑且請 駕回宮少息言罷朝散 皇上回宮將早
朝所奏之事一一奏與 太皇太后說今有清朝兵馬前
來要取雲南目今殘冬歲底錢糧缺乏兒已向大臣等說
叫他們替兒設法今在萬難之際望 太皇太后可將宮
中所帶首飾之類盡行發出以湊兵餉未知 母后依兒
否奏罷 皇太后言日時當兵餉困乏之際豈言穿帶即
時傳 旨自 娘娘以下以至宮人所戴之物盡行拿出
不許藏匿如有私藏者斬自此之後宮中飾物一空俱收
在 太后面前就傳司禮監李國泰一一交付與他發出
變賣以助軍需李國泰奏曰此係宮中之物誰敢來買民
間若見此物俱要下淚如何敢買 皇上曰依你便怎麼
李國泰奏曰依臣愚見就將此首飾發出交與沐國公及

諸大臣等領去充作軍餉 皇上聞奏曰此言甚善爾就
將寶物拿去交與他們李國泰將宮中所發的首飾一一
領出交付與沐國公時沐國公與眾文武等見了此物俱
各下淚公同向李國泰說請老先生去回奏說此首飾不
足千金臣等豈不知 皇上即位以來尙且外邊進貢之
物絲毫未收今臣等見此番舉動不禁傷心真亘古未聞
之事也臣等斷不敢違 旨言罷司禮監照眾臣之言回
奏去了 皇上聞奏大泣曰就叫司禮監李國泰你可對
眾文武說此物雖微也出我母之心非諸大臣之所逼也
爾即速發出再不可復來回奏司禮監含淚而出照 旨
傳出說與諸大臣眾聞其言知 皇上龍意已定我等不
必再奏了只得將此項飾物一一送與大將軍李王并三
軍將士等知之時李王正在軍餉不足之際日夜焦愁忽

楊記

九

見有京中差官來到忙出轅門接 旨已畢只見差官即
將 上發之物捧上後又有二十抬捧上差官說此二十
抬是滿朝文武大小官員們各家夫人的釵環首飾諸大
臣因見 皇上并 皇太后俱發此仁慈之心合朝文武
公議亦將各家首飾拿出湊有三萬之數差官解送軍前
以充軍餉李王聞言即望京謝恩叩首而哭曰 皇上真
仁德君即位以來所行國政俱法堯舜之道即今日此什
事使千百年之後聞之無不下淚者也言罷仰首歎曰我
既爲國家大臣不能湊辦軍餉反累及君父不安自愧無
能有負國家重任眞天地間第一罪人也哭罷即叫眾將
三軍等俱望京謝恩滿營將士個個流淚上下皆言如此
仁德之君使我們敢不奮勇當先竭力捐軀以報國恩李
王告差官曰我因土人作反托 皇上洪福已平然而軍

需久乏正在憂慮之際幸蒙 皇上施此洪慈協濟軍餉
我李定國惟一死報 聖恩於萬一耳言畢即將賜來之
寶物就分散與各營送出示曉諭各鎮地方軍民人等知
悉雲南地方雖狹小然山林殊僻因流作亂相連雲貴四
川兩廣 明朝的鄉宦在山林中隱逸者甚多今見李王
將 皇上所行仁德之政各省頒示故此這居住山林隱
逸鄉官俱出助餉的助餉受官的受官李王俱以優禮相
待就將來見的鄉官俱官還舊職此時雲南全省錢糧已
足又兼將士齊心則中興有望矣奈何天心不順當時
永曆十四年六月初五日忽報清朝兵馬已到貴州邊境
又報七路進兵東從廣西南寧至安龍等處西從四川金
沙江等處地方不到一月雲南大亂 皇上恐都城難保
時諸大臣沐國公等俱來見 駕奏曰目今清兵雖入內

楊記

十

地幸得錢糧有餘我們的兵馬亦不算少量也無妨只要
將士齊心協力中興之望只在反掌之間且請 皇上龍
顏暫且寬放仁德久洽於人心天命斷無有不歸之理今
朝中一切事務自有臣等料理所慮者都中有些餘賊恐
他內變臣早已將本部羽林軍俱分各處地方防守久矣
臣等仰瞻 皇上有聖王之心萬民欽仰仁化之風行于
四海夷狄之邦自然拱服但願 聖體隆昌中興自有日
矣奏畢 皇上聞奏稍有寬意曰卿等忠言直諫真可爲
棟樑之材千古之下豈埋得卿等此點忠心實朕之心也
言罷朝散時 永曆十四年十月十八日清兵侵入內地
至二十五日報來言六處兵大敗惟有大將李王獨守在
關嶺飛報不絕不期六處所敗之兵將官俱投清朝惟白
文選敗回馬進忠病在軍中還有六路未降的敗兵俱擁

在關嶺來見李王李王見了甚是憂愁就與眾將商議說
想我等在此受困亦非了局目今雲南正在勢窮之際又
無兵馬來救應我們如今就與清兵交戰又無接應之兵
況且清兵甚多我這裡人馬稀少勢孤力乏諸公有何妙
策可速議來眾將答曰千歲在上我等隨千歲數十年疆
場血戰蒙千歲待如骨肉况我等又受 大明天恩今
皇上在雲南受驚我等如何過意依我等愚見不如着一
二員勇將在此守關嶺乞千歲且帶領三軍回省保 駕
要緊李王聽了此言正在憂疑之際傍有眾謀士啟曰今
眾將所論極是千歲當依此言而行李王低首不語思量
許久而言曰我豈不知雲南要緊奈何這關嶺是全省的
咽喉要道若關嶺一失則雲南無救矣雲南無救則 皇
上亦無安身之地矣諸公可再細想良策方妙眾謀士又

楊記

十一

啟曰千歲在上倘若我朝投過去的兵將暗領清兵直入
雲南將城困了那時有誰人保 駕千歲之兵又這首尾
難接兩不相應恐誤大事乞千歲須依眾將之議方保兩
全李王尋思多時只得依眾將之議暗傳號令就留些兵
馬把守關嶺星夜回兵行至三日早有人來報說清兵已
從安龍府入今現在山口安營這安龍府因 永曆受困
於此後到雲南建都改爲安龍府不題且說清兵離安龍
還有八十里來報的人說小的是知府王國興差來的請
千歲速發救兵王聞此報甚是着急就對來報的人說知
道了你且回去李王就親領五千人馬往救安龍又着前
部先鋒竇名望帶三千人馬星夜速上雲南你可奏知
皇上說清兵如今已從安龍府入我只得親自領兵前去
迎敵再啟知沐國公今事在危急切不可緩速將 皇帝

車輦收拾齊備倘我與清兵交戰若能取勝就是 皇上
的洪福如不能取勝時以便請 皇上暫且遷到永昌沐
國公竭力保 駕要緊如我將清兵擋住後再具報王與
寶名望商議已定遂兩路分兵不題且說李王行了三日
三夜方至安龍交界清兵一聞李定國兵到俱各駭然道
在千里之外就知我消息罕哉豈非神人也觀清營到有
懼怯之色怎奈 大明氣運已絕又被土人走漏消息報
知清營說李王的兵不滿萬糧草短少土人雖是如此說
清營官兵還不深信土人又說我原是關嶺上被李定國
殺敗的收在營中使喚故知營中之虛實纔敢來報大老
爺知道小人回去還要大老爺賞個同文纜去大將軍趙
僕泰聞之大喜就叫賞土人酒飯就將土人交營內看管
其夜清營中議論不絕次日交鋒各排陣勢與李王廝殺

楊記

三

李王見清兵排陣也自排成一陣兩軍相對人馬交戰自
辰至未並無勝敗清兵將李王圍住眾軍殺散人馬大敗
李王身入重圍厲聲告天曰我大明三百餘年之天下今
日一旦被我李定國喪了就要拔劍自刎幸得眾將抱住
齊齊跪勸曰千歲還當忍耐非千歲力戰之過也實乃天
命不順耳況且 皇上在雲南專望千歲一人就是大小
三軍亦望着千歲若有一失我等將何顏去見 皇上正
說之間忽有人來報說清兵見千歲雖遭大難困窮之際
兵勢不動如今清營收兵遠望又傳說此李王必有詭計
謹防有變我們且收兵備守營寨且到明日再與他死戰
李王還未深信忽然之間只見清兵忽然退去時至一更
李王在燈下抄寫本章差人上雲南去了又將部下人馬
查點明白只少八百餘人忽又報說清兵已到了有數千

兵馬將近山下不遠李王聽說忙點人馬冲下山來只因
山高勢險路徑窄狹清兵懼不戰而退李王亦不追趕將
計就計虛設假營星夜帶領人馬趕至安龍府去行至五
更方到就傳令與知府說昨日兵馬已戰了一日今又行
了一夜十分勞苦你可去買些牛羊豬鷄之物以便犒賞
三軍且說李王到了安龍府與眾將商議今日清兵定知
我在此必來追趕奈何又無救兵况此處無糧接應諒不
能勝他不如着三千人馬埋伏在東山谷口清兵若進此
口伏兵冲出把他截為兩段內外交攻與死戰一陣若能
取勝是我君臣之幸如不能取勝使清兵亦不敢擅入雲
南我今先差土人去東山砍取大木將四外要路塞住使
他只向大路而進我好禦敵再無別法說罷就傳令着土
人砍木塞路去了那清兵果然從大路而來早已被李王

楊記

三

在高嶺看見因而仰天哭告曰臣李定國非不能力戰奈
我明朝氣運將終天命不佑李王正在告天忽有人報道
清兵已被我營人馬截作兩段圍困在彼請令定奪李王
聞知大喜隨即帶領人馬吩咐諸將曰今日之事非同小
可爾等眾將三軍切不可為財色關心仰賴諸公協力同人
必須死戰要為千百世功臣全在此一舉也言罷眾將答
應知道了眾兵聽得一聲炮响李王從清營脇下殺入把
清營的大纛奪了兩桿四面眾將一齊殺入不一時殺得
東奔西逃清兵見勢重往外便攻誰知外邊還有一層兵
馬圍住清兵見着實利害只得將兵收住不動從午至酉
清兵有三萬餘被李王殺去大半屍骸遍野天色已晚人
馬困乏只得收兵下營不題且說清兵見李王收兵十分
歡喜俺們從來上陣未曾見此利害李王將自己兵馬收

下查點也少一千餘人李王悲歎不已是夜與將商議曰
我們今日雖大勝了清兵一陣但我營人馬有限他的人
馬甚多恐怕到了天明看出我們營內的虛實反來攻戰
將奈何哉諸公有何良策速速教我眾將應曰今事在危
急並無別法且將有才能的差一二人星夜到各處地方
粘貼告示曉諭只說清兵大敗於安龍府被李王兵馬困
住今又將關嶺並雲南的兵馬一齊帶來會合大將軍李
王不日要克復貴州了再將我營所剩的旂號俱揮在各
山嶺上遇無人馬之地可放起烟火來虛張聲勢再着有
才能者一人在此鎮守請千歲只帶隨身將士星夜趕上
雲南請 皇上駕遷永昌即將各鎮人馬調齊再與他戰
未遲李王垂思良久只得依此而行幸清兵竟不敢前進
李王星夜到了雲南見了 皇上奏曰臣被軍務羈身不

楊記

十四

能朝見死罪死罪 皇上見了李王君臣抱頭痛哭曰我
明朝氣運盡矣空負卿一片忠義之心勤勞王事血戰
千場朕無所酬惟青史標卿千古不朽之美名罷李王叩
謝罷 皇上又曰目今大事去矣卿叫朕遷都永昌何也
李王奏說臣今日且不敢請罪臣且帶罪立功伏望 皇
上赦臣失城失國不能保守之罪今遷都之事非臣敢請
皇上但因事在危急不過暫上永昌迴避一時遷都之
事非同小可非臣一人敢當必要召沐國公并眾大臣公
議定非臣推辭但臣出外須防不測一路有誰接應何人
保 駕臣不敢獨奏貪功還當公議 皇上聞李王所奏
即召沐國公並宰相大臣等一齊上殿見 駕 皇上曰
今遷都之事卿等有何議論眾臣聞此遷都二字俱泣而
奏曰臣等無能不敢擅奏向來惟托大將軍李王南征北

討臣等不過食祿而已萬望 皇上龍意裁奪臣等不敢
亂奏時李王向沐國公並諸大臣言曰今事在危急公等
不必遲延且議定何人保 駕何人催運錢糧此二事最
為緊要沐國公答曰王言極是沐國公復奏曰臣 祖宗
自蒙 太祖高皇帝詔命鎮守雲南相連土司地方今已
三百餘年故此深知這些土司所居皆深險之地奈是四
王等自張獻忠敗亡之後四王原係獻忠義子後各自稱
王為業直入雲南土司先已造反數次今幸得 聖駕在
此建都少得平息且土人性多狡猾久已不服臣調用今
駕遷永昌必從土司的路過今必先要將土司治服此
去一應錢糧無慮矣晉王聽沐國公之奏心中暗喜大聲
叫曰國公之言極是此去非老先生保 駕萬不能行老
先生不必推辭 皇上復向沐國公而言曰此去必仗國

楊記

十五

公之力扶助寡人再不必多言矣沐國公又奏曰臣今所
管者不過是些文臣往來無非筆墨之流不慣于疆場又
向李王曰保 駕一事不敢不領只須還得精兵三千我
當受命矣晉王兵馬我當發來 皇上就傳旨依其所議
再不言了時俱各辭朝且說晉王就傳令撥兵擇日准于
永曆十四年冬月二十七日起程擇定日期就差人來
奏知 皇上奏曰晉王擇于本月二十七日起程又沐國
公入宮奏曰臣沐天波請 旨不知宮內用多少人夫轎
馬臣好預備 皇上笑而答曰就是 太皇太后並 皇
后太子宮主二貴人連宮人等不滿三十餘人至于內監
大小臣等傳與他各備夫馬沐國公又奏曰還有內庫所
用之物不知用人夫多少臣好準備 皇上復笑而言曰
卿道我數年之間積下多少寶物不知朕所穿之衣常在

寡人身上所食之物不過隨便而已卿不必多慮沐國公俯伏在地聞 皇上之言不覺大放悲聲曰臣死罪死罪想我 皇上受此清淡之苦外有誰人得知就是漢高祖當日大度懷仁待天下之人亦不能及 皇上之仁慈化世清淡過人今雖氣運不順縱無中興之日 皇上已成千百世之聖人也奏罷沐國公含淚下殿去了李王又來奏事曰臣今日接得鎮守關嶺的漢陽王馬進忠緊報言清兵又從四川進來領兵的大將軍就是 崇禎年間封過伯的吳三桂清朝今已封他爲平西親王今領兵來征雲南臣請 皇上可速差白文選帶一枝人馬去守天星橋最爲緊要再叫他帳下選一個有才能文士去說吳三桂就說汝乃係 明朝舊大臣今 永曆皇上帝日夜望你來從中再定中興若肯一舉同心事成之日平分社稷可

楊記

去

請王速換衣冠一同去見 皇上其成大事就是 大明的 二祖列宗 崇禎先帝陰靈亦是欣喜就是王的祖祖宗宗每享春秋萬古不朽之名且看如何答應若得他依允來見 駕時卽是我 皇上之洪福也他若執意不從必將我們說使殺害那時可將孔有德的兒子原係他的女婿送到軍前可對他說若是再不依時將他女婿殺了再看他如何動靜不知 皇上龍意如何 皇上聞奏甚是歡喜說道卿家所論最善就當速行於是李王下殿忽見沐國公就問夫馬之事可曾請過 旨麼大畧內宮要用多少夫馬沐國公含淚而告曰我昨日已請過 旨意遂將 皇上之言一一說與李王李王聞之大哭滿朝文武亦皆下淚次日李王沐國公並滿朝文武俱來送駕此一日君臣大別俱哭在一處神鬼皆驚李王奏曰臣

當送 駕百里臣又恐雲南有變只得在後鎮之可叫臣子同臣妻隨 駕 皇上曰卿不必送朕保守城池要緊次日 皇上同宮眷等俱出沐國公帶領三千羽林軍緩緩而行只見省城內外老少人等 拈香隨輦遮道而哭要隨 駕上永昌去 皇上見時大哭曰爾等俱宜回去俟中興之日再與爾等相會此還是我貽害了你眾百姓了這些老少聞言哭聲振地戀戀不捨老弱者隨至百餘里外且不能行方回少壯者竟隨至二百餘里 皇上催之再三眾百姓方纔一齊散去 皇上行到未時忽見報馬來沐國公接住就在馬上看了報內云清兵已過貴州了又說白文選西路兵敗有吳王將我們打發去說吳王的劉漢臣已殺了不一時 駕已行到安甯州下營沐國公帶領眾文武朝見請安時文武朝散之後沐國公就將

楊記

去

今日來的報捧上奏曰 皇上覽罷且不必傳 旨恐惑軍心事已如此明日只得日夜緊走再看報來如何光景時有土司龍昌出來朝見進貢沐國公就引他見了 皇上 皇上就問曰你就是此處土官麼龍昌奏曰臣是龍昌龍昌見 皇上龍顏竟像梓童帝君遂俯伏大哭奏曰臣雖是土人臣的祖宗曾受過 太祖高皇帝的 皇恩至今未曾報答數年以來臣又蒙 皇上龍恩不淺亦未曾報今得見 天顏情愿隨營保 駕 皇上說你既不

之功俟中興之日爾功當爲第一于是龍昌一一允應謝恩去了有沐國公奏曰臣前日惟慮龍昌不來朝見一路夫馬難以齊備今日龍昌來見皆我皇上洪福今又加一番恩詔與他此去一路夫馬可無多慮矣後龍昌果然日日親身在前催備夫馬直到永昌不悞且說皇上自雲南起程已走了二十一日無一日不受驚況且每日有小人餘賊搶掠財物婦女此俱是保國公王進忠家的前番作亂要與孫可望接手的餘賊混在軍中實無奈何他時沐國公只得傳令即拿即斬這些賊人見軍令嚴緊纔都平息了皇上到了永昌五日之後李王就有本來奏曰臣李定國死罪死罪奈臣一人力盡無能今有各鎮的將軍總兵俱投入清朝去了臣部下的雖有二萬有餘奈臣一人如何支持得來又聞漢陽王馬進忠已故白文

楊記

六

選帶傷清兵已入雲南臣只得與清兵對壘相守量清兵不敢入永昌地境臣與清兵上過五陣俱託皇上洪福保得三軍平安此臣死罪死罪皇上覽畢本章就遞與沐國公並眾大臣等看皇上遂大哭曰想我朝朱家三百餘年的天下一旦休矣想寡人有何面目去見二祖列宗早知如此光景何苦勞軍勞力皆寡人彌天之罪也時有沐國公並在朝諸大臣俱俯伏奏曰此皆臣等無能之罪想皇上數年以來仁化洽于天下且迪德修身何嘗有絲毫錯行之處奈天運未順若不是皇上聖明如何支持得十數餘年想早已完矣今事雖危急自然有個否極泰來的日子請皇上龍意放寬事已如此將奈何哉奏罷皇上曰事雖如此卿等還當同朕告天三日俱要齋戒虔誠切不可怠忽時在永昌君臣大告天地十

分哀憐永昌內外軍民見者無不垂淚且說到十二月初十日看見清兵日勝兼又軍需將乏且七處雖埋伏下奇兵清兵竟不肯入不知是何緣故正在疑慮之間有人來報說我們所設的奇兵俱被我們投過去的人說與他們知道了李王聞知仰天長嘆又不敢與他交戰又恐刺下的人馬再投了過去如何處治只得與眾將商議不如緩而退到永昌再作議處眾將應曰千歲此論極是就依此而行罷王又傳令與眾三軍說大事如此恐天命自有同時等不可言是他人的地方了就放起槍來爾等若要放槍可先將我殺了罷眾將士聞言合營俱大哭告曰千歲忠義之心我等盡知況且我等跟隨千歲數十年待如骨肉我等惟一死以報千歲決無放槍歸林之心千歲只管放心我等必慎始終時李王聽了眾將一口同音十

楊記

九

分歡喜說道我恐爾等見大事已去又苦隨我數十餘年今一旦功不成名不就只怕爾等心灰若爾等言必慎始終凡事俱要耐守日後自有個中興的日子我豈肯忘爾等血戰之苦說罷就令總兵王惠帶三千人馬去守草舖又令總兵潘融帶三千人馬在豐祿縣鎮守又令左路將軍寶名望帶五千精兵在此鎮守看勢而出看勢而入又令右路將軍齊三省說你可帶五千人馬去金沙江接應鞏昌王白文選你若接着他時可與他同上永昌去要緊又令前路將軍馬士良說你可帶五千人馬同眾謀士商議去各處催趨錢糧要緊又令副將王鎮帶五百能走的步兵藏在安甯州探聽清兵的消息說你可着人到各處去報知餘下的老弱的兵馬俱隨我上永昌爾等向知我的性燥各路三日具一報來有事無事俱要如此我們就

此拜別今夜各人各去保守各人的地方說罷俱哭在一處時李王向眾將等大拜四拜李王說道此四拜是我替皇上拜的後又拜四拜曰我李定國自接 皇上來到雲南並不曾跨了諸公私自晏樂一天諸公盡知然而今日之舉望諸公克念 皇上數年以來受盡苦楚且天恩浩蕩仁化過人待我之恩不淺我等見今日大事未成豈肯學匹夫小人哉乞諸公各顯奇能若能勾請得 皇上回來此功勝定國十倍今諸公內果有奇才者請將李定國願拜麾下為將就是 皇上當日入雲南時亦曾有旨意示我等凡有才能者不論將士如能復得江山 大明一統願將天下平分我今日下拜公等當同心竭力將來功業不小眾將齊哭曰我等今日受了 皇上四拜又受千歲四拜我等並非土木到這時節安有不盡心的于

楊記

三

是眾將當天盟心就是千歲去見 皇上亦見得我等在此用心即千歲亦見得我等之心時眾將就將各自所佩的刀劍拔出放在項上說誓曰我等眾將蒙受 明朝大恩今 皇上處此大難之際李晉王亦危急之時今着我等在此鎮守還要復轉雲南若我等稍有貪生怕死想圖富貴私心去投他國者就死在刀劍之下我等惟一死戰以報國恩永不負千歲一片忠義之心誓罷俱哭在一處李王見眾將果報國之心真切遂說道公等既有此丹心上天必佑也時已將晚眾將仍還本帳曰明日我等不來辭千歲了王說你們不必來了次日李王起身上永昌清兵見了李王營內並無動靜欲要與他上陣又恐他出奇行詭豈有每日閉壘之理時八旗兵主俱來與平西王商議進兵李王已到永昌見過 皇上朝罷大哭就將留人

鎮守之事一一奏知又將自己的所失之罪奏請領罪奏曰臣李定國罪深似海自蒙 皇上賜臣晉王之職又受斧鉞之任今已十餘年自愧無寸箭之功今臣自陳十大罪望我 皇上 聖明即將臣拿處告廟頒詔曉諭各處地方并各鎮兵將今臣自知無才當日錯用劉文秀去追孫可望今又被他放走孫可望去投清朝故有今日此臣之罪一也此事重大臣若自去焉有今日皆是臣好閑懶備其罪當誅張勝犯 關累及我 皇上受驚擲城內外軍民人等塗炭生靈幸賴 皇上洪福將賊勝拿住正法臣當星夜來都保守城池與賊一戰纔是大任之所為臣竟不能相應此臣之罪二也昨貴州失守白文選大敗皆臣用人不的之罪三也後關嶺又失是留將無能雖安龍一戰得勝不過稍挫清兵銳氣尙未能補過此臣之罪四

楊記

三

也又失守都城請 駕遷都永昌此臣之罪五也且臣受斧鉞大任身為大將軍且軍需屢屢不足此臣實無長算之才累及我 皇上 太皇太后將宮中所用的佩帶之物盡行發出以助軍需若不是 皇上聖明三軍早已餓死此臣之罪六也既請 駕遷都臣當隨營保 駕如臣保 駕 皇上安得有日日受驚此臣之大罪七也既知白文選無能貴州失守就不該又叫他鎮守四川今又受傷失守此臣欺 君之罪八也今既請 駕遷都到此此處錢糧又不足用此臣誑 君之罪九也想臣自知無才就不該受國家大任既受大任又不能保全社稷今一旦將 明朝三百餘年天下失了臣當萬副凌遲此斷不可赦之罪十也臣自知罪大日夜驚恐萬望 皇上即降旨誅臣臣死九泉深感天恩就是臣的祖祖宗亦感天

恩奏罷 皇上同宰相馬國勳眾大臣等聞晉王自奏十
罪時 皇上親下寶座雙手扶起李王大哭曰卿有何罪
俱是寡人無福且無才備疲據王所奏就不必言天心不
順氣運不濟不該中與了 皇上痛勸李王只是不肯起
來愈加哀憐 皇上降 旨後又奏曰臣今日若不受誅
正法若不將臣妻子發與三軍爲奴只恐後人談論 皇
上用法不明臣的罪愈大了望我 皇上開 聖明之心
誅臣臣祖宗在九泉亦得瞑目 皇上見李王愈法奏得
緊切實實着急仰天歎曰卿何必如此又向眾大臣曰既
是王不肯依我就將王寶交與王罷想我當日在廣東已
在危急之極卿一力保我今日之事王已費盡心力總是
天命不順想我 明朝天下已失之久矣歷年以來全憑
王一片忠心故支持得只幾年王不言功今反言罪既王

楊記

三

要言罪寡人今也要言過了且將我廢了然後王再自言
其罪王心下如何請王速即接下王寶寡人今日就同老
母帶領妻子自去尋個居所去罷王聽 皇上之言俱是
急迫言語復又奏曰望 皇上下開龍恩臣該萬死李王
奏罷就退下堵就將自佩的劍拔出放在頭上俯伏奏曰
臣李定國竇意請罪非敢冒望 天顏 皇上還當聖明
臣的愚妄數年以來臣蒙 皇上寵恩一旦將臣重用但
恐有抱負經綸者因用臣一人俱埋沒了見臣獨霸朝堂
不好出來就要出來又恐臣不容今臣若不自責受誅豈
不因臣一人悞了國家大事且又不知埋沒了多少才人
若蒙 皇恩今日誅了臣恐明日有才能者出來今 皇
上只顧惜臣一人豈不悞了大事眾文武等官見李王奏
的懇切又見 皇上龍顏悲甚一齊跪告曰今李王出自

本心其實天下皆知王有何罪此是王一片忠心乞 皇
上聖明自古以來誰肯見大事去壞還肯自己請罪望誅
又將身舉人來整理國家大事想王自從龍以來血戰勞
心功積如山豈尚有十罪之責此就是我 朱朝強盛歷
朝末脚之美名也日後若能中興我 君臣皆賴定國李
王今日之舉也若不能中興皆是天命不從我 皇上與
李王今日之論即百世之後亦不能埋沒也 皇上聞眾
臣之奏就向李王曰卿又執意不依寡人安肯依卿今日
已晚了王且回去明日再議罷李王見 皇上推辭不准
本章大哭奏曰 皇上若不納臣之奏臣就拔劍自刎在
此惟盡了臣的一點忠心日後也免得罵名千古眾臣見
李王實意急了必竟要自刎幸得一齊上去得快不然幾
乎刎了眾臣抱住李王勸曰王何必苦苦如此天下大事

楊記

三

非王無能況且歷年以來王的功積如山王何罪之有今
叫 皇上如何准得王的本章王就不慮始終王今日行
了千古之事全不想 皇上依靠誰人保 駕王說是有
人來就有人來亦未似王的一片忠心請王且回府明日
再奏罷 皇上若再不准我等自有公議 皇上見眾臣
勸晉王回去遂下 旨曰爾等說得是明日公同再議王
且請回寡人也要回宮 皇上說完就回宮去了眾大臣
也勸李王回府李王就向眾大臣曰今日且遵公說明日
公等必要替我奏准 皇上于是眾人各自散朝去了次
日 皇上與內大臣等商議你們可着人去李王處說去
只說朕昨日受了些風寒今日不能出朝議事王亦不必
來罷免得他又來上本一面着人到李王處說一面就宣
丞相等官進來 皇上說等我們議定再去召他時丞相

等官進宮朝見畢 皇上曰昨李王所奏十罪爾等今日必要議出一個解圍的法來丞相馬國勳奏曰臣等已議定在此請 旨定奪臣等見李晉王昨日奏章其實是李王的一片忠心並不是虛意若 皇上今日不准他的本章實不能勸得他回心依臣等議不如依他告廟頒詔曉諭天下摘他王印定一罪名他若依了再過二三日再下 旨將白文選詔來就叫他在此保 駕可叫李王帶罪去整理地方 皇上再苦苦勸他說彌之所奏我一准了立功大任之事仍要仗王替朕依舊掌理王若不肯掌理王就舉出一個人來他自然依 旨如 皇上再要不准他的奏又不定他的罪倘如昨日行出個自盡的事來如何處之 皇上聞奏追思良久曰爾等議得極是但此時正在用人之際況且歷年以來他的功勞不小朕若一

楊記

三

且依此而行豈不寒天下人之心就有忠臣義士誰肯出來做事豈不怨寡人處事不明此議斷不可行倒是爾等隨我到府裡再苦勸他再不依你們一齊說千歲你今日再要不依 皇上也有些不妙了今 皇上已降過 旨意說李王今日再要不依 皇上要將宮門掩閉不過亦是一死而已此不是王行忠義反到是逼迫 皇上此罪不小再看他如何回奏眾臣聽得 皇上說到這裡不由得不一齊大哭此時永昌宮院甚窄內外相近後宮太后 皇后早已聽見連宮裡都一齊哭將起來時李王正差內監來朝請 皇上的安見眾大臣俱在朝裡又聽得滿朝哭聲大振再要往前走又不知是何原故只得站住又聽得後宮裡也哭起來又不敢退又不敢進暗想今日早辰聽得說 皇上受了些寒症正在疑惑之間忽見

司禮監李國泰出來內監就上前說我是晉王差來的請 皇上的聖安李國泰見是晉王差來的隨即引見了 皇上 皇上就向差來的內監說朕已好了你王昨日勞神費力一定身子不爽晉王差來的內監纔去 皇上降 旨擺 駕同眾文武往晉王府去言罷 皇上就上轎

出了午門不一時到了晉王府門早已報與李王李王忙出大門外跪接 聖駕 皇上曰王請起來晉王俯伏叩 首 皇上就下了轎晉王奏曰臣該萬死豈有 皇上在此下輦之理還請 皇上上輦 皇上執意不肯上輦就扶着李王攜手同入眾臣俱隨進去晉王請 皇上登了寶座王就帶領世子同百官朝見已畢 皇上就說昨日寡人一時不明十分委曲王了今日寡人特同文武親來請罪未知王依不依晉王聞 皇上之言驚倒在地奏曰

楊記

五

嚇死臣了臣合家老小俱該萬死 皇上叫扶起來 皇上又曰王不必說了朕豈不知王力行忠義況且數年以來王的勞心勞力功深似海天下誰是不知叫寡人將何事言王之罪今王反自謂有罪寡人就依了王的本叫朕如何下詔曉示天下豈不叫天下人笑朕此還是王愛我是王責我若愛我今日就依我言若責我今日就將朕躬廢了晉王聽了愈加大哭奏曰臣當萬死求 皇上赦臣之罪正言間眾文武將沐國公扶來見 駕沐國公自到承昌大病不起眾文武見事不妥只得去對他說知沐國公聞得此事只得勉強扶病到來解勸晉王 皇上同晉王見了沐國公三人抱頭大哭在一處 皇上又見沐國公的病還未好骨瘦如柴氣弱非常 皇上愈加傷感曰寡人前日已差人去看卿回來奏說卿已大好了今日見

卿甚弱就不該來了沐國公奏曰臣非爲別而來臣聞
聖上 御駕親至晉王府臣又恐晉王還不依 皇上上
諭臣特勸晉王沐國公就向晉王說請王收了本章待
事平之後再奏不遲如王今日再不依 皇上的 聖旨
反招了大罪在身 皇上今日已降下 旨意說晉王若
依了便罷如若不依就將宮門封了亦是一死而已我聽
這個 旨意是以扶病來求晉王望王請收了本章待事
平之後我自替王陳奏晉王聽了沐國公一番言說嚇得
魂不附體只得跪告 皇上開天地之恩赦臣死罪即當
依 旨收了本章只求 皇上將臣的權任擣了願 詔
曉示天下說臣失守封疆本當誅戮今暫赦罪叫臣帶罪
立功事平之日再定議處時 皇上聽了晉王意欲不允
他沐國公同文武等一齊奏曰晉王奏得是望 皇上准

楊記

三

他的奏 皇上向沐國公說寡人今日依了晉王同卿等
日後叫朕如何去見 二祖列宗想 祖宗豈不怪我賞
罰不明就是天下人亦要罵如朕再不依晉王與眾卿奏
今日之事又不得平息實叫朕十分爲難依便依了只是
理上不通恐遺後人談論晉王聞 皇上准奏即同沐國
公眾文武等一齊謝恩 皇上即差內監先送沐國公回
府然後 皇上纔傳 旨擺 駕晉王奏曰今臣妻帶領
閹家老幼叩謝 聖上赦臣合門不斬之恩 皇上曰朕
有何德又勞動王妃不必見寵時王妃已到丹墀下謝恩
皇上即降 旨平身有勞王妃了 皇上就上了轎起
駕回朝文武亦散晉王送 駕次日 皇上就頒詔通
行天下軍民人等聞知晉王自陳十罪 皇上又不准他
的本章俱各下淚時沐國公病已痊好來朝謝恩不題且

說次日左路將軍實名望進朝見 駕 奏曰王惠等俱
帶兵投入清朝了奈何臣一人支持不住只得退回清兵
已到楚雄將至下關大理等處奏罷 皇上曰卿年老多
病今日受如此勞苦想我 明朝諒沒有中興之日了惟
願卿家在史書上載一萬古不朽之名罷 皇上言畢大
哭實名望謝了恩亦大哭眾文武俱各下淚時沐國公李
晉王同來奏事晉王奏曰今清兵已近臣等欲整殘兵死
守永昌奈此處糧草短少欲請 聖上的 駕且上騰越
州恐山路窄狹車輦難行臣等又想四海外並無去處惟
此處可以少存幾日請 旨定奪 皇上聞奏大哭曰事
已至此但憑卿等爲之朕所慮者惟 太后年高餘無他
慮今事已危急卿等叫我何往我只得隨行晉王同沐國
公眾文武聞 皇上說出此言不覺大哭而奏曰這總是

楊記

三

臣等該萬死之罪望 皇上龍恩還要從寬待臣等再去
商議回奏罷王同沐國公俱下來商議說道清兵至大理
相隔不過五百餘里只一二日就要到此今就是請 皇
上到騰越州去亦不過隔一江之險若清兵再到那裡又
將何往沐國公說再無去處去了只有外國還可以作得
退步但這緬甸宣慰司久不來進貢了且又不知他的道
路時晉王就向沐國公說老先生今事在急迫公不必推
辭此地方當日原係先生所轄的今日只得還要勞駕先
生往彼安服他們這些夷人非老先生不能鎮服得他們
此去糧草接濟都要託賴公爺之力言罷晉王即同眾文
武就向沐國公大拜四拜說道我們就去奏 皇上去罷
時沐國公十分着急遂曰王與公等且少緩片時想爲人
誰不肯做忠臣義士但宣慰司的地乃久反之地今一旦

差我前去若果能誘得他出來投降是我君臣之福恐他
只是不理又奈何得他况且我手下又無一枝硬兵強將
他若依服就來接 駕可以不必動兵倘他十分不從只
得與他動兵晉王聽了說說老先生你就將我營內兵揀
精壯者挑選前去沐國公聽得晉王叫挑他營內兵將就
說王此言真麼王說一言已出駟馬難追豈肯反悔之理
沐國公又說既是王願將本營的強兵助我前去只是那
兵我不自去挑憑王撥些與我只要用得着的切不可將
老弱不堪的撥來充數恐誤大事李王應曰若果誤了國
家大事將我李定國定罪便了不與先生相干沐國公說
王既如此就請奏去罷我今日就起身一同上殿就去辭
駕前往晉王同眾文武奏畢 皇上遂向沐國公曰此
舉前賴卿力又向晉王言當行可就行晉王同沐國公大

楊記

三

哭奏曰萬望 聖上還要 聖明今事急迫之際 龍意
焦愁也是枉然臣聞得連日 皇上竟不進膳且 太皇
太后又在高年恐為 聖上添了一番愁慮俱是臣等遺
罪不淺 皇上聞奏不覺大哭起來說道朕一人死是應
當何苦累及卿等數年血戰勞兵勞力軍兵受了多少塗
炭又遺 太后受了無數苦楚朕日夜含媿日後如何去
見 二祖列宗我還如何吃得下飯去說罷朝散晉王同
眾文武就送沐國公出城沐國公上馬去了眾官俱散晉
王還未曾到府忽有人報今有保國公家人會同許多鄉
民滿城放槍又將送沐公爺的文武官員挈住要銀子哩
如今滿城都亂起來了請千歲快快發兵去救晉王聽說
待我自去有誰人救去晉王就帶領隨身的人馬出去時
只見滿城已在放槍那些軍民人等俱亂在一處晉王就

傳令旨命隨身的指揮千百戶等官爾等快去將午門保
守恐驚 聖上 太后的 駕又叫人速去將王進忠母
子擒住將他管家的官一并拿住來不一時就將保國公
母子及管家的官俱拿到了又見眾文武皆步行而來見
王王說公等受驚了事畢後待孤來請罪眾官俱打拱謝
曰又蒙千歲護救我等彼時就將拿來的賊即將各市斬
之號令眾將俱來說事已平息了可就將保國公的妻子
斬斷罷王悅且緩必須請 旨定奪時晉王就去見 聖
請 旨晉王見了 皇上俯伏奏曰臣該萬死今日 聖
上又受驚了今已平息特來奏知 聖上請 旨誅保國
公的妻子並家人等 皇上曰今日之事若不是王着人
來午門把守這些賊人早已搶進宮來了想王救 駕之
功朕亦記不過來若論王進忠之罪應該一家全誅念他

楊記

三

與王同事年久且赦不究可將一家擡出都城去罷王即
奉 旨行訖不題且說寶名望前日見過 皇上晉王又
叫他去迎敵今又有本來報說清兵已過了下關將近永
昌交界有報與晉王說快請 聖駕上騰越州去罷恐一
時走不及我不過在此勉強支持竟不能取勝惟有一計
千歲不必隨 駕上騰越候我回來面商只在三二日就
來永昌晉王看畢就將報來與 皇上看 皇上看看了遂
曰王在此候他罷朕明日一早起程晉王就將保 駕的
官員一一奏知時就引見了次日五更 皇上起駕出城
晉王帶領本營兵馬送至三十里之外方纔辭 駕回來
寶名望夜半時已到永昌就見了晉王同拜倒大哭就說
清兵勢重十分想大事諒不能濟矣只有一計與王商之
不知可行得否遂密密告知晉王聽了十分大喜道此計

大妙我與你今夜就着人去預備即將所存的餘物盡皆賞了三軍天未明二人出城星夜趕到磨盤山就將所議計策一一備齊候清兵來時決一死戰即將五營四哨的大刀手傳令在狹路上埋伏又將滿山的大木砍將來各處小路俱擋塞了只留大路與清兵進來竇名望帶三千人馬在山下引戰誘清兵進來晉王帶大刀手在山坳裡埋伏又着人在頂上搭起一臺臺上按四門每十人指壁一門若見竇名望敗走即着一人來報我以便接應如此四門俱按東南西北但看清兵打那一方來那一方的到來報我如來報一次賞銀一百兩日後還要叙功若遲慢軍情即當取斬又傳令與大刀手你們遇敵人不必擒活的須一齊努力連人帶馬用刀劈下嶺去若能全勝日後你們俱是總兵之職決不妄言傳令已畢晉王與竇名望

楊記

三

埋伏齊備纔要安歇時有人來報 皇上已到騰越州了 就問來人 皇上 太后龍駕可安麼一路不曾受驚麼 來人說自到那裡無日不廝殺幸得人多保住 駕輦又虧千歲預備下的鐵錘將山石打開 駕輦方能過去雖是時刻廝殺且幸 皇上的 龍駕平安總兵等特差小官來報千歲知道晉王聞知仰天大哭曰 二祖列宗 崇禎先帝何不大顯陰靈以佑子孫臣李定國不能治國家大事今社稷將危皆臣無能之罪告罷竇名望勸曰大事已是如此且天命有在千歲又有何法治之正說之間有報來說清兵已入江口聞說今日且不上山不過江了西南下營明早過江小人已見他下營地方特來報知晉王說重重賞了探子叫他再去探聽時晉王傳令四更時分埋鍋造飯五鼓時齊備傳令後竇名望先已下山去了

天將明探子來報云清兵已過江了正說之間臺上人來報說竇將軍大敗上山來了清兵已入我們埋伏地境了說話間臺上人又來報道千歲大喜大刀手已與清兵接戰了自辰至午將清兵砍斃了十分之三連人帶馬砍死者不計其數忽又有人來報說敵千歲不好了不知誰人走了消息竇將軍還與清兵大戰哩不一時竇將軍竟被砲打死了晉王聽得大叫一聲暈死在地當下眾將三軍扶起晉王就說千歲待我等如同兒女我等今日必要決一死戰豈肯貪生怕死且把守山口放下砲去清兵亦不冲上山來須將千歲扶在床上擡上山去可速着人去到騰越報 皇上快叫世子到來也是千歲生子一場眾人說罷就當如此而行將已半夜只聽得晉王大叫一聲 聖上阿連聲不住時眾將三軍聽了一齊望天叩頭曰好了謝天地千歲身安我等之幸也晉王甦醒良久方知眾將三軍俱還未散就說難為你們了時就要上馬眾等勸止說千歲身體未好况已三日三夜並無水米沾身又暈倒在地方纔甦醒况且已來報說清兵退過江去了何不歇息一會且吃些湯水再走未遲晉王只是不依說道你們方纔一定着人去報知 皇上若是騰越州人曉得此信還了得哩自然是一齊亂起來了我們快些趕到那裡去見了 皇上 皇上方纔放心說罷晉王就上馬不一時就到騰越州看見世子同了他的王妃都來了晉王不覺大哭說道這是誰的主意有眾將回言是末將等差人來請的千歲不必驚疑就將在山上暈倒之事一同明晉王方纔放心且說 皇上得晉王暈死之報 皇上放聲大哭後宮 太后 皇后及合宮之人無不大哭

楊記

三

正在痛哭難解之際忽有人來奏說晉王已甦醒今回來
皇上聞奏即同文武拜謝天地方纔拜罷見晉王進殿
俯伏在地大哭奏曰臣同寶名望設此一計必要把清兵
殺絕怎奈天命不佑又被人走透了消息故不成其大事
此臣之死罪也伏望 皇上念臣是有勇無謀之輩臣死
何足惜累及 皇上受驚其罪不小惟求 萬歲將臣誅
之又寶名望在山戰死之事一一奏知乞 皇上祭奠一
番亦不枉戰死沙場盡忠報國之念也 皇上聞奏 聖
心愈加傷感依卿所奏就此而行時寶名望的夫人兒子
跪在道傍接 皇上的 駕 皇上即降 旨平身說且
不言老將軍的功勞倘得中興再與老將軍立祠御葬卿
子照襲王爵說罷寶夫人同子謝恩 皇上同文武禮祭
放聲大哭此一哭神鬼皆驚祭罷起 駕還宮只見探子

楊記

三

來報說清兵已過江了在山下安營此時請 聖駕往外
國去罷自此 君臣別後二十餘日纔得會面此後連
皇上 太后 皇后及宮眷等俱皆混在軍營內將近沐
國公的地方纔得安息的日子時晉王亦趕到了 皇上
纔得見了一碗大米飯乃是沐國公進來的從前二十日
俱是隨在三軍營內每日不過食些馬肉就是好的了
皇上見了李王大哭曰我君臣何幸又得一會晉王奏曰
臣蒙 皇上隆恩以來失守封疆大事竟不能成 大明
社稷竟被臣送掉了今欲與清兵決一死戰不想天命不
從清兵只不與臣上陣只在臣後尾跟着且又不退臣只
得敵住他况又乏糧如此已是半月之期臣只得將營扎
定反追殺上去他與臣戰了三日三夜總是不退如今將
兵收住不戰次日臣又奮力衝殺方得脫離今幸得見

龍顏晉王奏罷 君臣大哭在一處沐國公奏曰今日到
這裡就是到外國的總路地名銅皮關往前還有六關俱
是高山大箐最是難行山路崎嶇又甚窄狹又不能修整
此處只有三條路一條路是往孟良去的一條路是通交
趾且有大江之隔一條路是入緬甸去的今日王與公等
議個章程去處明日就好起身誰人保 駕隨行誰人在
外接應我們商議妥當 皇上聞沐國公之言說道卿等
今日還要叫朕往那裡去大事已去依朕說不必再走了
不如將朕送至清營完了一樁大事何苦勞人勞力就是
走到天邊亦是無用了到是依我如此行去到得安靜况
太后年高朕又多病實不能支持了卿等不必再議
皇上說罷大哭晉王與眾官俱各流淚勸曰臣等俱該萬
死 聖上今日降下此 旨就是叫臣等在此就死的意

楊記

三

思 聖意請放寬臣李定國自隨 聖駕以來臣雖愚蠢
並不敢一刻放逸晝夜驚心亦未嘗取樂偷閑今聞 聖
上所言臣總活世上亦枉為人伏求 皇上龍恩即將臣
誅了罷 皇上聞晉王所奏隨即雙手將晉王抱住說道
卿的忠義人天共知即 二祖列宗亦是知道的朕想事
已如此何必勉強寡人所言出自忠善之心因見卿等為
着朕一人勞心勞力朕實自不過意如依朕行之最善之
策今為萬難之時又往何處走去只恐走到盡頭之路那
時又將何為卿等不如依朕之言到也乾淨免得東逃西
奔將來之事如何結局此實出朕之本心也卿等不必過
慮言罷李王與沐國公等一齊叩首謝恩奏曰臣等總不
是此等小人請 皇上放寬 龍意待臣等同李王自去
商議議定了再來回奏次日時值 永曆十三年三月初

一日晉王與眾大臣等就將起身的日子已議定了一齊回奏是月初一日乃是大朝之期時大臣等同王在野地一朝朝罷晉王與沐國公就奏起身的事奏曰臣等議得停當今請 皇上的 龍駕暫進緬甸權居一二年再看天命今沐國公帶領錦衣衛還有總兵潘融他的兵有馬步三千文武內臣等官共有百人餘下官員任從本意此皆不在數內晉王又奏曰臣欲隨營保 駕奈外邊的事又無人料理臣在外邊還要望天命返照若能得一個地方臣即請 駕遷都 聖上龍意只管放心臣斷不敢怕死偷生爲貪圖富貴之小人晉王奏罷 皇上就將李王抱住痛哭不歇時 太后 皇后太子公主俱出來將李王圍住俱皆大哭 太后曰李王我母子累王今日雖別王我母子進外國望王日後必要始終我母子活一日總

楊記

三

望着王一日還望不可將我母子置於死地就是我母子今生不能報王同眾文武三軍將士等自有來生報答爾等罷想歷代大亂俱有個中興之日豈我 朱朝就無中興之日了想天時未到只恐還有中興之日亦未可知時 太后就同 娘娘太子公主等對李王眾大臣言曰今日並無別物謝卿等惟下一禮王同眾卿等受之微表老身一點之心今我母子此去外國專望王與卿等始終切不可將我送至外國就忘了我所慮者日後不能得出卿等又將何法處之此自我出於無奈乞卿等不要計較 太后言罷晉王同眾文武等聽了 太后哀憐的言說一齊哭拜奏曰 太后 皇后在上臣等若存此心上天不佑臣等臣等此去若有一存身的所在即請 聖駕安都臣等不敢貪圖富貴自有上天鑒察請 太后 皇后

太子 公主回宮去 皇上就將自己的袍衫扯下一幅來又將手指咬破寫了一道 血詔交與晉王曰此書非爲別事昔日在廣東時曾向卿言原許將 明朝天下與卿平分只爲干戈不息未定中興天命不從遂遲延到今日並非朕躬失信于王今孤將此信照應國成了罷王請收下在身存着待日後大事成與不成以表我君臣信義之質庶不遺笑於天下也 皇上說罷大哭曰王可有救我之處請王叫我晉王辭之再三不敢將 血詔收領沐國公曰王今權且收下待事平之日其事行不行在王之心今日必要領 聖上終始之念仁德之心時晉王奏曰臣只得權且收下 血詔不敢謝恩沐國公聞言奏曰晉王所奏極是望 皇上恩准 皇上聞沐國公之奏即准晉王奏時李晉王又奏曰臣無別事諫奏臣所慮者去緬甸乃海外之地且諸物不備乞 皇上聖心凡事耐煩從寬保重且水路相隔臣處遙遠恐本章一時不能入朝就是國政歷年以來 聖明過人臣無慮矣臣今此去不敢自定日期來朝臣今雖別 龍顏此去必要復得些地方纔着人來報捷就是臣亦不敢輕定營地今臣一一奏明伏乞 聖主寬限晉王就此拜辭 駕同眾文武灑淚而別 皇上見晉王去了心下着實悲傷就將皇太子叫來責曰你今年長十三也不小了如何世事一些也不知道今日我與晉王相別連 娘娘也出拜他你是一朝太子理當向他下拜說幾句離別的話也是爲太子道理你如何以爲不知既是如此就不該出來了時 皇后聞知皇上動怒也過來將皇太子重責一頓 太后來勸方止

楊記

三

皇上曰我若得一個好子可以叫他隨營去做些事業

奈一身又不能行動又無一個好知事的兒子就是文武大臣將奈何哉想唐明皇大亂時虧有一個好兒子所以天下大事有望今我就生這個蠢物來正怒之間沐國公眾文武也知道了都來諫勸 皇上沐國公奏曰 皇上龍顏息怒今太子尚幼且在荒亂之時驚恐不能自顧求 皇上保養 龍體要緊沐國公正奏未完有人來報說李晉王差官來了 皇上聞說晉王差來即降 旨宣差來差官朝罷奏曰臣是晉王差來請 太后 萬歲 皇后的 聖安 皇上就問王好麼眾將三軍好麼差官奏曰俱託 皇上 洪福好晉王還有沐國公一信沐國公將書看罷奏曰晉王昨日出去時又與清兵上了一陣托 皇上洪福保得平安王還有禮進上 皇上曰是何物沐國公奏曰昨日王在軍需內勻下三千兩銀子說交與

楊記

臣收着防備不足之時還有 太后 聖上 皇后 太子 公主的袍履六件此是在亂軍中得來的路上恐 皇上寒冷一時不備故差官進上 皇上聞奏就向差官痛哭曰王無一處不替寡人慮到教我如何放得下你可對你王說朕今生諒不能報王了你將此銀收去說王正在軍需乏用之際我這裡且用不着請王不必多慮沐國公奏曰此是晉王遠慮深思之意乞 皇上留當收下纔是況且臣處並無餘款臣正為此事在此躊躇豈有送來又復拿去之理 聖上此一進去土人來進貢就是 皇上之洪福了萬一土人不進貢那時君臣將何處置就是 聖上不收臣也要收下預備日後防荒供膳之用 皇上聞沐國公之言只得依他收下就大泣不止時沐國公就對差官說你快去罷此想後人不能及也爾說 皇上

斷不肯將銀收是我收了時差官也去沐國公奏曰明日就請 駕行罷此處不是久居之地 皇上聞說就依卿明日起行次日總兵潘融帶領官兵前來保 駕不幾日已到蠻磨土司交界了不料此賊奸詐多端 皇上到時他就來朝恭見 駕他就苦苦哀憐說土司地方甚小土人俱在山上洞裡居住今聞得 天朝 聖主入境俱嚇得魂不附體不敢出來夫馬錢糧俱無人預備只剩土司隨身的幾個土人在此土司只得在此迎 駕請罪受誅 皇上聞土司奏就向沐國公並潘融說卿等如何議處沐天波同潘融內大臣等奏曰待臣等帶他出去問他細底于是沐公命問道你是真土司假土司實實說來俺天朝皇帝不過借爾路走一走倘且爾等受過 皇恩的今日不過打從爾這條路過爾用心送過交界日後太平

楊記

之日自然算爾大功今日爾雖用奸計我們大兵在外頭爾若執意不納糧草我只裡不怕你山洞曲繞地勢險要我要發兵勦滅你的地方了那時不可後悔事已如此就 是你今日也難逃脫也土司聽了有些着忙就說土司豈不知 天朝皇帝從此經過奈眾土司土人俱逃遁了叫土司如何處治且這裡到緬甸尚遠又有水旱兩條路非一日就到叫土司如何有許多糧草接應事已到無法之處土司只死了罷了沐國公大笑曰你要死也不難隨傳令與我拿出去亂刀劈死了罷只留首級曉示土人士司聽了嚇得魂不附體就哀告說望老祖爺從寬土司還有話說沐公命叫且放了他叫他說來土司說此係外國夷地人最膽小今見 天朝兵將帶着鋒刃器械土人見了都是怕的盡已躲避若老祖爺依土司之言赦了土司再

傳一令將三軍所佩的鋒刃器械俱各解去再者人帶了土司去親招他們運送糧草就是了就是將土司一人殺害他們知道愈急了土司說畢大眾公議說我們已到這裡且事危急又不知他的路徑現正絕糧之時若往前進又無糧草只得依他再看是何景象就照此議上奏言罷沐國公就奏 皇上聞奏只得依奏日卿等當行則行眾臣俱出來了不想天意所使被蠻磨土司用了奸計將君臣弄得五零四散不題就傳令放了土司就着人同去招安土人又傳令三軍即將所佩帶刀劍之物盡行收藏並不帶寸鏢在身上時土人一個個都出來了不一時糧草堆積如山合營人馬俱得飽食吃至三日誰還防他心變至第四日夜半時只見山頭上四野放起火來又聽得砲聲不絕時沐公爺帶領人來保 駕就傳令潘總兵叫

楊記

三

三軍且不必動手待他下來時我們自然認得是土人不是土人如是我們的人自然認得的再令人去河下將船隻搶了到天明再作商議說罷沐公爺就同眾文武在皇上 太后 皇后 駕前左右圍住保守天色將明來報說土司帶着土人俱逃去了幸得我們知覺得早不然險些叫他將摧來的糧草俱已搶了去今幸全獲下了特來報知公爺沐公爺聽說就奏知 皇上時已天明搶了百十隻船隻就請 聖駕併宮眷等上船沐公爺同眾文武內大臣也就上船惟有潘總兵帶了兵馬從旱路去了自此之後 君臣不再見矣時沐公爺同眾文武到了緬甸責指望緬甸王子前來接 駕不期被他置之死地其時進退不得又不識他的土話 君臣受困三年李晉王與清兵交戰數十陣不想越戰越窮糧草又不接濟人

馬因乏無計可施只得整理殘兵不上三千俱皆殘弱老邁覆帶着往外國來尋 皇上安身之地不期行到銅皮關已無路徑雖有幾處小路早被土人將大木塞斷了只得又往大路去尋已經三路均遇土兵不知上了無數的陣總不得 皇上的消息又聞得 皇上被清兵接了出來那時晉王聞知同眾謀士金維新龔銘等商議欲要與清兵抵死一戰救 駕又想本營人馬不濟欲投過法同 皇上一同死難又恐不能見 皇上面反被後人言晉王有投降之心不知實是思君之念切耳事在兩難自歎曰臣不能救 駕了仰天號泣曰老天因何教我計窮力竭今君臣欲見一面也不能了言罷頂冠束帶向北跪曰臣李定國蒙 皇上 太后 皇后大恩臣不能安邦治國亦不能保 駕勤王此臣之罪實可愧可羞于萬世矣

楊記

三

臣今生不能得見 天顏亦不能得報 聖恩臣當以死後冀來生再報天恩臣不日就來九泉見 駕矣說罷大哭暈死在地良久方醒就要甲冑來披言曰我李定國今生不能殺盡敵人轉世定把敵人殺盡晉王自聞 皇上信息已三日不進飲食的了其時內監夏應瓊係晉王府承奉世子李世興的同王妃出來投入清朝李世興受封侯爵又賜總兵鎮守寧夏不意 皇上同眾文武被緬賊置之深野之處乃人烟不到之所三年之間受盡許多苦楚驚惶後又被緬賊將沐公爺併內大臣文武等官共一百六人俱誘去吃符水時 永曆十七年七月十九日緬王又差官來說我們國王說 天朝皇帝在此已住了三年不見你們 天朝兵馬來接 皇帝又沒個行動的光景難道你們不想出去了就住了十年也是要出去的今我

國王說明日是好日要請你們眾大臣同沐老祖爺一同去吃符水要與你們結義同心好出去平定地方也好請皇帝還中國難道你們保 皇帝在我們這裡住百年不成沐公爺聽了不覺大怒說此不是吃符水不過是你們夷人奸計要將我 君臣一網打盡且我 君臣在地方住了三年你國王將我 君臣困在此又不叫我們的人在這處去我們又不識你國路徑況且爾宣慰司原是我中國封的地方今我 君臣到來是 天朝上那你國王該在此應答纔是你下邦之理如何反將我 君臣困在這裡我們亦深知爾國久有作反之心這有不必說了我們就是與爾是弟兄鄰邦爾等見我們來也可以來拜一拜纔是待客之理難道爾國王豈不知他是下邦今天朝皇帝到此已經三年不愾不慄是何道理今又如

楊記

聖

何行此奸計爾去告與爾國王就說我 天朝皇帝不過是天命所使今已行到無生之地豈受爾土人之欺今日我 君臣雖在勢窮量爾國王不敢無禮任爾國兵百萬象有千條我 君臣不過隨天命一死而已但我 君臣死後自有人來與爾國王算賬說罷沐公爺與眾文武內大臣等一口同音說我們明日一早就去叫爾國王早早出來迎接土人答應而去沐公爺就同眾文武來見 皇上奏曰臣等今日就拜辭 聖上了臣等明日這一舉再不能生矣言罷 君臣齊哭沐公爺就傳令錦衣衛丁調鼎道公等明日將所管的人就是老弱無能之人不過叫他們在此同 皇上作伴你可傳令叫他們明日在 聖上 太后 皇后 太子 公主 駕前保住賊若動手叫他們只是一死罷了也不枉我們保 駕一番 皇上

聞沐公爺說到這裡遂笑曰事已至此豈有怕死之理我君臣千百年惟此一點始終不懼之名耳卿等只管前去不必慮着孤家 君臣說罷大哭而別次日緬賊將大象百條精兵二萬將皇城圍住了將及午時賊親身來殺沐國公等不一時沐公爺拿一根椽樑把土人打死數十羣賊一齊上沐公爺眾大臣等俱被害了又將兵馬殺入皇城內來將我們老少人等十五以上俱殺了想 君臣老少數千人殺得只剩了 皇上 太后 皇后 太子 公主兩貴人小內臣等共八人還有江西來的一員總兵姜守仁病在營中人事不知未曾殺害還有被殺未死的三人可憐 君臣數千人只剩得十餘人至未時只見緬賊俱聚在一處又聽得緬王傳令叫不要動手了又見許多緬賊圍繞緬王前後手中拿着一封文書將手指

楊記

聖

着 皇上又不知他君臣說些甚麼不一時緬王已帶領人馬去了他就着官四員兵三百名即將 皇上 太后 皇后 太子 公主貴人并眾文武的女眷俱圍在一間樓上時 皇上 太后 皇后 太子 公主貴人等已餓了三日賊又不許人下樓小內臣楊德澤見賊圍了三日不見動靜看守的賊兵漸漸少了就奏 皇上要下樓去尋些食物與 皇上 太后 皇后 太子 公主度日也好難道 君臣就是如此餓死不成 皇上聞奏曰你去也好且不必尋別物先尋涼水來吃些罷時在盛暑天氣正熱况又人多臭氣難聞小內臣聽了 皇上吩咐即下樓來被緬賊綁了去見他頭目那頭目見了就問你幾歲了應曰我十二歲了頭目曰你小小年紀如此大膽來樓下做甚麼小內臣曰我們已被爾國殺得這等光

景不見你們把我君臣殺了又沒有發落今日已三日了
况天氣炎熱男女俱在一處樓上臭氣難受是我 主子
天朝皇帝 旨意差來問你們要殺就殺不必遲延你
且快着人送些涼水上樓去救人頭目聞說日這不與我
們相干是國王傳的令叫將你們 君臣餓着等我們國
王的令來發落既說是 皇帝差來的我不殺你你可回
去罷小內臣聽了如此說愈放出膽了言曰既是你國王
有令與你們難道叫你們把我們的 君臣活活餓死纔
去回話不成今已三日三夜豈有水也不叫吃一口之理
我且問你們每日吃飯不吃飯於是頭目叫土兵四人將
楊內臣帶住不要放他他就回他國王去了且說自辰至
午那頭目方纔回來向小內臣說我將你下樓的話俱回
了國王我國王聽你之言到也歡喜說你小小年紀到有

楊記

聖

如此膽量如今將你 皇帝還叫他到原處去住也不叫
我們看守了小內臣又曰難道放了我們連米也不送些
麼頭目笑曰放了你們也就殺了還想他的米糧遂將小
內臣放了綁縛而回因將他回國王之言一一奏知 皇
上 太后 皇后 太子 公主貴人聞說就將小內臣
抱住大哭口我的兒今日難爲你了這就是救 駕之功
了說罷就問還要送我們到那裡去小內臣又奏曰不往
別處去還請 聖上 太后同 皇后 太子 公主貴
人完到舊處去如今就行罷時 皇上 太后 皇后
太子 公主貴人俱移進皇城住下忽有番僧求見 皇
上曰我們這國王不是好人他昔日將他胞兄殺了奪了
國位因見 天朝大事不能成又見 天朝無人來往故
此起心要害 皇上昨日他爲甚麼忽然去了又不害

皇上此是 皇上的洪福正要將 皇上拿去只見 天
朝來了一角文書不知是 明朝的是清朝的只聽得是
要 皇上他着這一嚇故此回去了豈不是 皇上的洪
福大麼時就有許多土兵來進薪米且說 皇上聞番僧
說罷想此文書定是晉王處來的就向進薪米的土人曰
生受你們了眾土人辭去時緬賊聞有土人來進貢的就
傳令將進貢的土人拿去砍了又着千餘人來看住 皇
上併宮眷等又餓了二三日自此以後絕無土人到來此
處四十餘日晝夜外是鬼哭神號內是悲切之聲不絕凄
涼難過且無賣的日用惟有內臣暮出朝入各處不拘好
歹尋些野菜食物來與 君臣宮眷眾婦人等度日而已
忽一日緬王又着人來說中國 皇帝我這裡住不得了
可再往別處去罷 皇上聞言大罵曰夷賊奸計太多我

楊記

聖

君臣自入你國不知受了多少苦處我君臣共有五千餘
人被你賊王殺得只剩八個內臣百餘個女人又將寡人
餓了四十餘天今日又來胡說你這賊奴叫我母子到那
裡去我就同爾去不必胡說了時交亥時之分且是九月
天氣甚是寒冷將 皇上 太后 皇后 太子 公主
俱上了當日的舊輦餘下宮眷及眾命婦皆是步行走到
半夜已到江口上了船將天明隱隱見岸上有數千人馬
不知是清兵又不知是 明朝的兵來未分清白只得混
在軍中往前行走時遇我 皇上痰火病發了 太后
皇后十分着急天已將明就叫小內臣楊德澤你可出船
口去看一看見亂紛紛的人馬並不見有個旗號只聽滿
營中叫總兵王惠又見幾頂大轎在岸上歇着又聽得說
再等天明時請 太后 皇上 皇后起 駕罷小內臣

就將所見所聞的事一一奏了 太后聽 皇上身上稍清爽些就叫對小內臣楊德澤說此是清兵了既是王惠來接我就當速上來請安如何遲延不上船來你可好生再去看看他們動靜我的兒不在大小總要用事在周急之際爾就是我 明朝三百餘年的始終隨難的忠臣你要着實留神認我們當日的舊人要緊且這些人都是你認得的你可在艙口坐着看賊人如何行動你來明白奏我小內臣領 旨而去又向 太后說 母后只管放心臣兒想□ □既有受得 明朝天下他自然就有禮貌待人必行國家 天子之儀今日就算清朝兵馬將我拿住量他一時還不敢無禮總要報知□ □知道尚有幾時待兒病好自有道理 母后且不必焦愁辰時之後忽見有百十人手中並無兵刃走至船頭望小內臣說

楊記

我是王惠楊內臣就問你認得我麼他說不認得小內臣說你不認我如何說是王惠那人又答王惠就來了我是同他一樣的總兵恐 皇上不認得我故望公公說出王惠名字來小內臣問他們是誰差來的來人答應是來接聖上的 駕有誰差我們來請公公轉奏說我們要朝見 皇上小內臣又說你們要見我 皇上也不難只是沒個憑信來人說公公要甚麼憑信小內臣說我也年少不知道你去想罷正說之間只見王惠來了遠遠的就向楊內臣笑起來說三四年不相會你就長成了公公在上我們帶了五千兵馬來接 萬歲的是李千歲差來的小內臣見他們眉來眼去又行動不是舊時光景且說的話不明白十分疑惑只得將這些說話奏知 皇上時 皇上聞言大笑曰你去叫他們上來朕自問他你不知此是

賊人誘我之法小內臣領 旨就宣王惠上船見 駕王惠朝見畢 皇上就問他李晉王消息就要本看王惠一句也答不出來時 皇上明知他假說晉王差來的 皇上就說王惠你是吳三桂差來的麼王惠不敢答應 皇上就大聲說我 大明有何負你你必要將我 明朝一網打盡我想你們受功不過封王今日將我母子殺了你們日後替祖宗做下個罵名千載的罪人想孤待你不薄惟知你不惟偷生今又背主又連吳三桂亦屬在裡頭那時 皇上的 龍顏大怒指着王惠大罵偷生匹夫快下去此地是忠臣良將跪的你有何顏跪在此還不快去王惠受了 皇上凌辱十分慙愧又有年紀上岸跌了一交倒在江岸眾人急忙扶起問他時已不能言語了不一時又有清營的人上船來說話小內臣又奏 皇上曰叫他

楊記

們上來小內臣即傳 旨宣清官上來那清官上來即跪奏曰臣是清朝前部先鋒大將軍名驚阿是正白旗今日聽見 大明聖主的 駕來特來一見請 萬歲的安 皇上曰我是廢國天子將軍如何行此大禮你竟是知禮義的大人我是個 明朝皇帝管你們不着你們還行此大禮生受你了你還有何說清將答曰久聞 皇上是聖德仁明之君天下盡知但今日之事是天命所歸原不與我們相干 皇上自然是 聖明的我們既請 皇上出來自然修本奏知我們的主子知我們今日見了 皇上龍顏真如梓童帝君天下罕有先有人也曾見過 皇上曾奏過我們主子我們主子聞之實在不信臣今一見果然名不虛傳我們出兵時奉旨差我們請 皇上聖駕同往京都共享天下又叫臣等切不可驚嚇 皇上的龍

體我們王子還要親自相會看一看。皇上若不信出兵時曾與我們旨意現在此請。皇上龍目一觀就是知道我們是實話假話就。聖明了。皇上聞清官說大笑曰此是你們清朝皇帝仁德之處我豈不知天命已歸清朝久矣奈我。大明氣運不能接濟故有今日說罷就大哭曰我不是已早辭世了因我有老母年高故放不下公等切不可驚嚇我的老母要緊此是諸公之才德也若查點人名你去問我那小內臣楊德澤我又在病間身子不爽實不能支持了清官應道知道了我們自去問他就將小內臣叫上岸去將人口花名一一開去時。皇上帶病在清營行了五個月清官十分欽敬每日俱來一朝。皇上見他們來朝就下淚曰當日我家也有大臣朝拜今日並無一箇來見在路行了五箇月。皇上從無進得一

楊記

哭

鐘飲食惟每日作幾首詩對燈而大哭有時守著。太后下淚曰臣兒不忠不孝罪固當刑爲何累及。母后受此驚嚇。駕行將至雲南。皇上痰火大發且事危急自己大笑曰我堂堂。天朝子孫豈圖他人富貴不覺。皇上病體漸漸沉重只剩悠悠一口氣了只見人說是北邊差來的想必請。皇上去見他還有旨意宣與。皇上聽。皇上聞時就向。太后曰臣兒不能孝順。母后了。想臣兒大數已盡矣說罷果有人來見。駕時。皇上不言不語任他巧說只是不答其時正是□

將。太后放入養宮將。皇后。公主就要婚配與人時。皇后聞聽此說心中自想我。天朝國母豈不知大節。□。行此不肖之事我丈夫堂堂。大明之主雖不能中興實有堯舜之風且又受了無限慘毒也是天命想我在朝爲后我。君臣恭敬毫無失相習。大明禮儀兢兢業業今到這裡被只些人如此欺逼又行出這等不肖之事自欺復欺曰罷了罷了都是我的不是處我是一個女流如何受得丈夫所托大任曾叫我存命孝順婆婆我想今日就尋一死亦是遲了就是天下人也要說我是箇不肖的婦人以此管他不得了且救我。明朝末脚之醜名要緊我也顧不得婆婆的孝道了。就向。太后面前拜了四拜又向。永曆皇帝靈前拜了四拜正拜之間滿洲人闖將進來了。娘娘見進來人快不覺忙了要尋刀刃又

楊記

哭

無處尋就將吃飯的磁碗打破拿在手中又大哭曰我這一死從無有的可憐。娘娘手將磁碗儘力勒斷咽喉不一時。娘娘駕崩時有輔臣言曰世間貞節算。大明國母第一人也就命禮部官照依。明朝正宮儀葬時天下聞知無不歎息泣下者時。明朝文武已無一人惟有小內臣楊德澤身穿重孝權爲孝子送葬畢。太后壽至九十一歲而崩。公主不二年亦去世矣俱是小內臣送終始終所知所聞隨難國家之事盡在目中一一錄出告世不枉我。皇上。太后。皇后。太子。公主李晉王沐國公文武大臣及三軍將士死忠全名之勇烈聞而豈不下淚哉